

А К Т Ы ,
ОТНОСЯЩИЕСЯ КЪ ИСТОРИИ
ЗАПАДНОЙ РОССИИ.



АКТЫ,
ОТНОСЯЩІЕСЯ КЪ ИСТОРИИ
ЗАПАДНОЙ РОССІИ,

СОБРАННЫЕ И ИЗДАННЫЕ
АРХЕОГРАФИЧЕСКОЮ КОММИССІЕЮ.

ТОМЪ ТРЕТІЙ.

1544 — 1587.

САНКТПЕТЕРБУРГЪ.

ВЪ ТИПОГРАФІИ ЭДУАРДА ПРАЦА.

1848.

ПРЕДИСЛОВІЕ.

Въ третьемъ томѣ Актовъ, относящихся къ Исторіи Западной Россіи, помѣщены грамоты и другіе историческіе документы, принадлежащіе къ государствованію Польскихъ королей Сигизмунда Августа, Генрика Анжуйскаго и Стефана Баторія, отъ 1544 по 1587 годъ.

Сіи памятники Западно-Русской письменности собраны въ Археографическую Коммиссію изъ слѣдующихъ Столичныхъ и Областныхъ архивовъ и библіотекъ: а) Главнаго Московскаго Архива Министерства Иностранныхъ Дѣлъ, Императорской Публичной Библіотеки, Архива бывшихъ Греко-Унитскихъ Митрополитовъ, хранящагося при Святѣйшемъ Синодѣ, Литовской и Коронной Русской Метрики, находящейся при 3-мъ Департаментѣ Правительствующаго Сената, и Архива Генеральнаго Штаба, состоящаго при Военномъ Министерствѣ; б) библіотекъ Кіевской Духовной Академіи и Могилевской Семинаріи; Епархіальныхъ архивовъ, Полоцкаго, Могилевскаго и Виленскаго Капитула, Черниговскаго Губернскаго Правленія, Кіевскихъ Казенной Палаты, и Градской Думы и Слонимскаго Уѣзднаго Суда. Къ симъ матеріаламъ присовокуплены акты, пріобрѣтенные для Археографической Коммиссіи корреспондентомъ ея Соловьевымъ, во время археологическаго путешествія по Швеціи въ 1836—1840 годахъ, также доставленные корреспондентами, Варшавскимъ А. Мацѣевскимъ и заграничнымъ Д. Зубрыцкимъ. Нѣсколько документовъ заимствовано изъ Догелева манускрипта: *Codex diplomaticus regni Poloniæ et magni Ducatûs Litvaniæ*,

и изъ другаго , подъ заглавіемъ : *Бѣлорусскій Архивъ древнихъ грамотъ*. Напечатанные здѣсь акты состоятъ изъ ста шестидесяти семи нумеровъ : но какъ подъ нѣкоторыми изъ нихъ включено по нѣскольку документовъ , то число всѣхъ помѣщенныхъ въ семь томъ составляетъ болѣе двухъ сотъ.

Важнѣйшіе историческіе памятники, вошедшіе въ составъ Третьяго тома *Актовъ*, относящихся къ Исторіи Западной Россіи суть :

1) Перемирная грамота Царя Іоанна Васильевича съ Польскимъ Королемъ Сигизмундомъ Августомъ, 1556 г. (а) , нигдѣ не напечатанная.

2) Посольскія сношенія Литвы съ Московскимъ государствомъ, 1572 и 1574—1575 г. (б).

3) Акты о военныхъ дѣйствіяхъ Литовцевъ и Поляковъ съ Русскими въ Ливоніи и Бѣлой Россіи (в). Сюда же относятся отписки о современныхъ происшествіяхъ въ Московскомъ и Литовскомъ государствахъ, 1570, 1573—1574 и 1580 г. (г).

4) Акты, относящіеся къ судебному дѣлу о расторженіи брака князя Андрея Курбскаго съ супругою его княгинею Марією Гольшанскою, 1578—1582 г. (д).

5) Грамоты Восточныхъ Патріарховъ, Константинопольскаго Іереміи и Антиохійскаго Іоакима , Русско-Литовскому духовенству и народу, 1585, 1586 и 1587 г. (е).

6) Акты, объясняющіе правила монастырскаго общежитія и управленія, 1551 г. (ж), также Уставы православныхъ церковныхъ Братствъ въ Западной Россіи, 1579, 1582, 1584 и 1585 г. (з).

(а) № 17.

(б) № 55, 56, 60, 62.

(в) № 26, 27, 34, 35, 40, 41, 42, 43, 51, 63, 69, 76, 82, 84, 86, 88, 90, 96, 99, 103, 105, 106, 108, 116, 123, 128.

(г) № 48, 58, 122.

(д) № 100.

(е) № 138, 157, 167.

(ж) № 10.

(з) № 109, 131, 144, 152.

7) Продолженіе документовъ, относящихся къ исторіи Православной Церкви въ Галиціи или Червонной Руси, во второй половинѣ XVI вѣка (и).

8) Жалованныя грамоты Кіевскимъ Митрополитамъ, Литовско-Русскимъ епископамъ, монастырямъ и церквамъ, о неприкосновенности правъ ихъ и церковнаго достоянія (і). Къ этому же разряду относятся: королевскія подтвердительныя привилегіи Православнымъ епархіальнымъ и монастырскимъ властямъ на іерархическія и настоятельскія степени (к), также грамоты наказныя и судныя, по дѣламъ, возникавшимъ по вѣдомству означеннаго духовенства (л).

9) Уставныя и другія грамоты, объясняющія законодательство, судопроизводство, управленіе и внутренній бытъ Литвы, Жмуди, Волыни и другихъ областей Западной Руси (м). Сюда принадлежатъ Уставы объ управленіи королевскихъ волостей, 1557, 1561 и 1576 г. (н), и Дополнительныя статьи къ Литовскому Земскому Статуту, 1555 и 1586 г. (о).

10) Жалованныя грамоты городамъ на Магдебургское Право (п), также уставныя и льготныя жителямъ Русскихъ областей, Кіевской, Волынской, Полоцкой, Витебской, Могилевской и пр. (р).

Въ концѣ тома приложены Примѣчанія, въ которыхъ объясняются нѣкоторыя малоизвѣстныя подробности актовъ, для правильнаго уразумѣнія ихъ содержанія и чтобы можно было вѣрнѣе оцѣнить самое достоинство ихъ въ историческомъ отношеніи.

(и) № 6, 14, 15, 37, 126, 140, 146, 147, 157, 167.

(і) № 1, 9, 23, 43, 44, 49, 52, 91, 94, 98, 101, 112, 117, 127, 133, 135, 141, 142, 149, 150, 163.

(к) № 20, 21, 29, 30, 47, 53, 63, 71, 73, 79, 89, 110, 118, 129, 132, 153, 156, 158.

(л) № 2, 3, 7, 12, 22, 46, 57, 70, 111, 130, 160, 165.

(м) № 4, 8, 11, 13, 24, 32, 33, 38, 59, 64, 66, 74, 81, 92, 93, 104, 119, 153.

(н) № 19, 28, 68.

(о) № 16, 161.

(п) № 77, 121, 123, 148, 162.

(р) № 8, 50, 72, 73, 85, 95, 113, 131, 145, 15, 154.

Третій томъ Актѣвъ, относящихся къ Исторіи Западной Россіи, приготовленъ къ изданію и напечатанъ подъ наблюденіемъ Члена и Главнаго Редактора Археографической Коммиссіи, Собственнаго Его Императорскаго Величества Дворца Протоіерея Іоанна Григоровича.



А К Т Ы,

ОТНОСЯЩИЕСЯ КЪ ИСТОРИИ

ЗАПАДНОЙ РОССИИ.

VII. ГОСУДАРСТВОВАНИЕ СИГИЗМУНДА II-го АВГУСТА.

1. — 1544 Декабря 17. Королевская грамота князю Андрею Соколинскому, о не-присвоении людей, приписанных братомъ его къ отчину Кіевского Печерскаго монастыря.

Жикгимонтъ Августъ, Божю милостью король Польскій, великій князь Литовскій, Рускій, Прускій, Жомонтскій, Мазовецкій и иныхъ, дворянину нашему князю Андрею Семеновичу Соколинскому. Тыхъ часовъ писалъ и присылалъ до насъ архимандритъ Кіевскій пречистовъ Богоматери Печерскій Васьянъ, жалующи о томъ, штожь дей которые люди братъ твой вымѣнявши у тебе на выслугу свою, у Старыничи и на Грушцѣ, далъ и записалъ на церковь Божью пречистовъ Богоматеръ; то пакъ дей ты тые люди отъ церкви Божьи отнимаешь и дани отъ кольца лѣтъ до манастиря тымъ людемъ давати не кажешь, въ чомъ ся церкви Божьи отъ тебе кривда и шкода немалая дветъ. А про то, кгдажь то пебожчикъ братъ твой на церковь Божью отписалъ, приказуемъ тобъ, подъ зарукою нашою подъ стома копами грошей, ажъбы еси, черезъ то, въ тые люди ничимъ ся не вступалъ, и дани на церковь Божью имъ давати не заборонялъ, и заховалъ ся къ нимъ во всемъ водлѣ листу брата своего; пакъ ли жъ бы еси и о сее розказанье наше ничего не дбаючи,

предься тые люди отъ церкви Божьи отдаля- № 1-2
ти хотѣлъ, въдай певнѣ, ижъ пошлемъ дворянина нашего и кажемъ тые люди къ церкви Божей привернути, а на тобъ тоъ заруки наше смотръти будемъ. Писанъ у Вильни, подъ лѣты Божьего нароченья 1544, мѣсяца Декабря въ 17 день, индикта 3.

Подлинникъ писанъ на бумажномъ полулистѣ, небрежною скорописью, безъ знаковъ препинанія. Лѣтосчисленіе церковными буквами. Внизу грамоты приложена перстневая королевская печать, вытиснутая на красновосковой массѣ. Тамъ же скрипка: Иванъ Горностай. На оборотѣ современная надпись: Листъ господарскій до князя Андрея Соколинскаго. Ветха.

Хранится въ архивѣ бывшихъ Греко-Уни-
тскихъ Митрополитовъ, при Святѣйшемъ Си-
нодѣ.

2. — 1445 Декабря 9. Королевская грамота Кіевскому митрополиту Макарію, о разсмотрѣніи жалобы боярыни Тохилы Гитововны, по поводу расторженія Полоцкимъ владыкою Симеономъ брака ея съ митрополичьимъ сыномъ, которому затѣмъ дозволил онъ вновь жениться на своей племянницѣ.

Жикгимонтъ Августъ, Божю милостью король Польскій, великій князь Литовскій, Рус-

№ 2. кій, Прускій, Жомонтскій, Мазовецкій и иныхъ, архіепискупу Митрополиту Кіевскому и Галицкому и всея Руси Макарію. Тыхъ часовъ жаловала намъ боярыня наша Томила Кгитовтовна на архіепискупа владыку Полоцкого и Витебского и Мстиславльскаго Симіона, о томъ, штожь дей она первѣй сего была замужомъ за бояриномъ нашимъ Полоцкимъ, за Иваномъ митрополымъ сыномъ, и мѣшкала дей съ нимъ въ томъ малженствѣ болшѣ нижели осмнадцать годовъ, а потомъ дей тотъ мужъ еѣ Иванъ, невѣдомо съ чіи намовы, многократъ еѣ збивалъ и мордѣрства великіи кромѣ еѣ винности надъ нею чинилъ; за которыми же мордѣрствомъ великимъ, она съ жалобою до владыки Полоцкого ся была втекла, и о томъ на того мужа своего ему жаловала и просила, абы онъ водлѣ права духовного того межѣ ними досмотрѣлъ и оного мужа еѣ отъ того повстѣгнулъ, ижьбы онъ такового окрутенства чинити ей пересталъ, и водлѣ обычая закону малженскаго зъ нею мѣшкалъ; и онъ дей позвы свои по того мужа еѣ далъ, которыми жъ дей позвы она его передъ него къ праву позвала; и гды дей рокъ позванный пришолъ, она дей будучи передъ нимъ очивисто съ тымъ мужемъ своимъ, ему ся о томъ на него жаловала: ино дей владыка Полоцкій, за еѣ жалобою и за еѣ припозваньемъ къ праву, съ тымъ мужемъ еѣ, нѣтъ вѣдома въ который обычай, не подлѣ обычаю хрестіанскаго и не подлѣ правилъ святыхъ отецъ закону вашего Греческаго, еѣ розлучилъ, а тому дей Ивану другую жону, сестричю свою властную, поняти дозволить. Гдыжь дей она того права его листу судового у него просила, хотячи вѣдати причину, для котороѣ онъ съ тымъ мужемъ еѣ розлучилъ: онъ дей на то листу, а ни выпису суда своего дати ей не хотѣлъ; и скоро дей по томъ его розлученію, тотъ мужъ еѣ Иванъ, тогожь часу, отъ всего статку еѣ, што-козвекъ она идучи за того Ивана замужъ въ домъ его бы-

ла принесла, изъ дому прочъ отъ себе еѣ выгнавъ, какъ же дей вжо тому четвертый годъ идетъ, яко она за тымъ его розлученіемъ по людѣмъ ся кормитъ. Для чогожь дей она въ немалыѣ шкоды и въ долги пришла, которыхъ же дей шкоды и утраты ни отъ кого иного не маєтъ, одно отъ него, для того его неслухного розлученія: которыхъ жо статковъ и утратъ своихъ реистръ она у себе маєтъ, и на правѣ его положить и о томъ о всемъ, яко о неслухное розлученіе его съ тымъ мужемъ еѣ Иваномъ, такъ тежъ и о тыхъ шкодахъ своихъ, хочетъ она зъ нимъ передъ тобою очивисто мовити. — Про то, абы твоя милость зъ уряду а столца своего митропольскаго, того владыку Полоцкого обослалъ и передъ собою стати ему розсказалъ, и въ тую справу и въ судъ его вглянулъ, и о томъ розводѣ малженства ихъ и о шкодахъ еѣ межѣ ними досмотрѣлъ, и справедливость и разознаніе водлѣ обычаю и права вашего духовного въ томъ ей съ нимъ вчинилъ; и, гды бы ся то оказало, ижь онъ неслухнѣ и не водлѣ права вашего духовного онѣй разводъ малженства ихъ вчинилъ, твоя бы милость водлѣ обычаю закону и права вашего духовного въ томъ еѣ заховалъ, и владыцѣ Полоцкому оного неслухного розлученія малженства ихъ (што есть противку Богу и съ погоршеніемъ многихъ людей закону вашего) легцѣ не опушалъ, а такъ бы того зъ столца своего дозрѣлъ, яко ся на таковыхъ у правѣ вашемъ духовномъ описуетъ, абы иншіе владыки на то смотрѣчи отъ того ся повстѣгали, и таковыхъ неслухныхъ разводовъ и блудовъ непотребныхъ, къ погоршенію иншихъ многихъ людей а къ легкости закону вашего, чинити не смѣли. Писанъ у Вильни, подъ лѣты Божьего нароченія 1545, мѣсяца Декабря въ 9 день, индикта 4. — «Валеріянъ писарь».

Современный списокъ, писанный сплошною скорописью, безъ строчныхъ знаковъ, хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

3. — 1546 Февраля 13. Королевская грамота Кіевскому митрополиту Макарію, о созваніи на Соборъ православнаго Русско-Литовскаго духовенства, для изысканія и постановленія мѣръ къ прекращенію безпорядковъ между клиромъ и мірянами.

Жикгимонтъ Августъ, Божюю милостью король Польскій, великій князь Литовскій, Русскій, Прускій, Жомонтскій, Мазовецкій и иныхъ, архіепискупу митрополиту Кіевскому, Галицкому и всея Руси Макарію. Вырозумѣли есмо съ повѣсти многихъ нѣкоторыхъ князей и пановъ, и тыи слухи насъ доходятъ о нерядности и несправѣ, которая ся дѣетъ межѣ духовенства вашего Греческаго закону, такожь межѣ князей и пановъ и простыхъ людей въ законѣ вашемъ, а зваща, ижь межѣ владыкъ всихъ, яко на Волыни ся дѣетъ, ижь не подлѣ правилъ святыхъ отецъ и ни подлѣ права, блуды и распущенства ся великіи дѣютъ; а твоя милость, яко старшій ихъ пастырь, того вѣдати, а чи вѣстѣгати не хочешъ. Для чогожь мы, маючи бачность первѣй на церкви Божьей и на вѣры хрестіанскіи, и тотъ блудъ хотячи повстѣгнати, и въ доброй справѣ, яко и костелы наши Римскіи, такъ и ваши церкви подлѣ вѣры вашеѣ заховати, видѣлося намъ, абы твоя милость вчинилъ на то Соборъ духовный во всей митрополіи своей, и послалъ по всимъ епископомъ и архимандритомъ и по всему духовенству вѣры вашеѣ, которыхъ суть подъ справою твоей милости, и о томъ намову зъ ними вчинилъ, и винныхъ карати велѣлъ, подлѣ правилъ святыхъ отецъ, яко ся мають въ законѣ вашемъ справовати. — Про то, абы еси всихъ епископовъ листы нашими господарьскими обослалъ, ижьбы они на рокъ отъ насъ назначонный, по Велицѣ — дни нынѣшнемъ святѣ пришолъ, то есть, на Вознесенье Господне, здѣся до Вильни, къ твоей милости, яко къ старшему пастырю своему, на Соборъ ся зѣбхали, и тыхъ, кого бы вѣдали не въ законѣ мѣшкающихъ и блуды и нестроенія про-

тивъ Богу и правилъ святыхъ отецъ чинили, № 3. тыхъ бы всихъ передъ твою милость припозвали; и о всемъ томъ нестроенію закону вашего намовившися, подлѣ правилъ святыхъ отецъ постановленіе слухное и справу вчинили; а твоя бы милость самъ здѣся на тотъ рокъ у Вильни былъ. А мы, съ звирхности нашеѣ господарьскоѣ, хочемъ во всихъ тыхъ рѣчахъ твоей милости помогати, абы черезъ то ни-какогого блуду и нестроенія межѣ хрестіанства въ панствѣ нашемъ не было, которое ся почало и тыхъ часовъ дѣетъ; за которыми прѣханьемъ вашимъ, на онъ часъ, вамъ то ознаямъ, што маєте межѣ собою справовати, и тыи распущенства вѣры и закону вашего неслухнѣ чиненны повѣстѣгати и слухное постановленіе учинити. Писанъ у Вильни, подъ лѣты Божьего нароченія 1546, мѣсяца Февраля въ 13 день, индикта 4.

Подлинникъ писанъ на бумажномъ листѣ, крупною скорописью, безъ знаковъ строчныхъ. Лѣтосчисленіе церковными буквами. Бывъ сложенъ пакетомъ и запечатанъ красновосковою печатью, имѣетъ надпись: Архіепискупу митрополиту Кіевскому, Галицкому и всея Руси. Ниже: въ рѣчахъ духовныхъ. Тутъ же и скрипа: Иванъ Горностай.

Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

4. — 1547 въ Январѣ. Просьбы Литовскихъ чиновъ, дворянъ и рыцарей королю Сигизмунду Августу, на Виленскомъ сеймѣ, о подтвержденіи прежде данныхъ имъ правъ, о исправленіи Статута, выборѣ судей и «вижовъ», о устранинн духовенства отъ святскихъ судовъ, а иноземцевъ отъ «урядовъ», о сборѣ и храненіи «серебицизны», сыскѣ блудныхъ людей, опредѣленіи границъ между Литвою и Польшею и проч. и Отвѣты королевскіе на оныя.

Отказъ отъ господара короля его милости и

№ 4. великого князя Жигимонта Августа всем княжатамъ и панятомъ и всему рыцерству, на тыгръчи, которыхъ они на писмъ королю его милости дали на томъ теперешнемъ вальномъ соймъ Виленскомъ, лѣта Божьего нарoжeнья 1547, мѣсяца Генваря.. дня, индикта 5.

Артыкулъ 1. Прозьба. Напервѣй, што ваша милость вси сполнѣ, продкемъ, яко панове рада ихъ милость обоего стану, духовного и свѣтского, такъ и вси княжата, панята и все рыцерство, обыватели того паньства великого князства Литовского, мовили его королевской милости, чоломъ буючи и жадаючи его милости въ томъ: кгдажь панъ Богъ рачилъ то зрадити, ижь его королевская милость осясти рачилъ на томъ панствѣ своемъ отчизномъ великомъ князствѣ Литовскомъ, и то теперь, за шастливого панованья его королевскоѣ милости есть первшый вальный съемъ, на который его милость рачилъ казати вашей милости паномъ радамъ, княжатамъ и панятомъ, и вамъ всему рыцерству, для пильныхъ и важныхъ справъ его милости господарьскихъ и земскихъ, тутъ до Вильни къ собѣ зѣхатися, абы его королевская милость, водлѣ звыкло- сти предковъ своихъ королей ихъ милости и великихъ князей, зѣ ласки и добротливости своеѣ паньскоѣ, рачилъ расказати, вамъ вси права вольности ваши, предкомъ вашимъ и вамъ отъ предковъ и отца его милости, за вѣрныи службы и за частыи кровопролитья предковъ вашихъ и васъ самихъ даныи, оказати, ижь бы есте то слышачи и видячи што предковѣ ваши выслужили, съ того ся веселили и тымъ охотнѣй его королевской милости пану своему и рѣчи посполитой служити могли, горла и статковъ и маетности своеѣ на послугахъ его милости не митуючи. А кгда тыи привилія листы вольностей вашихъ вамъ оказаны будутъ, абы его королевская милость рачилъ ихъ вамъ новымъ привиліемъ и листомъ своимъ господарьскимъ казати подтвер-

дити, жебы есте такую ласку его королевской милости бачучи, могли напотомъ къ послугамъ его милости господарьскимъ и земскимъ тымъ охотнѣйшыи и поспѣшнѣйшыи быти. *Отказъ.* Его королевская милость, яко панъ христіянской, бачучи въ томъ жадливость пановъ радъ ихъ милости и вашу быти слушную, тыи привилія и листы вольностей вашихъ вжо вамъ оказати и передъ вами ихъ вычести расказати рачилъ, съ которыхъ есте ласцѣ и обдаренью предковъ его милости и всимъ вольностямъ вашимъ добръ вырозумѣли. А што было жаданье ваше къ его королевской милости о подтверженье тыхъ привиліевъ вольностей вашихъ, его королевская милость, водлѣ захованья предковъ своихъ и водлѣ описанья и обвязанья отца его милости и своего, и въ томъ ласки своеѣ вамъ отмовляти не рачить, и тыи вольности ваши своимъ тежъ новымъ привиліемъ вашей милости паномъ радамъ, обоего стану, духовного и свѣтского, Римского и Греческого закону, и княжатамъ и панятомъ и всему рыцерству подтвердить и при нихъ васъ ховати общовати рачить; и вжо его милость тотъ привилій свой новый пану канцлеру его милости справити вамъ расказати рачилъ.

2. Прозьба. Затымъ, што есте жадали его королевской милости, ижь кгда король его милость старшый, отецъ его милости, рачилъ васъ зѣ ласки своеѣ, за ваши службы, такимъ правомъ и вольностями обдаровати, и то въ статутъ права земского вписати, ижь «хто за короля Казимира спокойнѣ што держалъ, а за короля Александра никто ся о то не вспоминалъ, абы то вжо было вѣчнѣ держано,» — жебы его королевская милость вси выслуги, купли и иныи имѣнья, которымъ — кольвекъ обычаемъ отъ предковъ вашихъ набытыи, и чого предковѣ ваши и по нихъ вы сами въ спокойномъ держанью были, за предковъ его милости, короля Казимира и короля Александра, за отца и брата его королевскоѣ милости,

сти, и за его милости самого шастного панованья, ажъ до сего часу, рачилъ расказати все то особливимъ привиліемъ своимъ господарьскимъ на вѣчность вамъ подтвердить, жебы есте съ потомки своими на таковыхъ всихъ имѣньяхъ спокойнѣ были захованы. И который тежъ артыкулъ въ статутъ права земского есть описанъ, «ижь его королевская милость давности не маеть», вы за то его королевскоѣ милости просите, абы его милость рачилъ вамъ и въ томъ ласку свою господарскую оказати, а тотъ артыкулъ особливимъ привиліемъ своимъ зѣ статута казалъ выняти, ижьбы вжо черезъ то некотороѣ моцы не мѣлъ, жебы есте затымъ съ спокойного держанья имѣней вашихъ на вѣчныи часы не были рушены. *Отказъ.* Его королевская милость казалъ вамъ на то повѣдити, вжъ его милость съ тыхъ листовъ и привиліевъ вольностей вашихъ, отъ предковъ и отца его милости вамъ наданыхъ, которыхъ на томъ теперешнемъ соймѣ, за жадливостью вашою, рачилъ его милость казати вамъ оказати и передъ собою ихъ вычести, такъ тежъ и зѣ статуту земского, отъ отца его королевскоѣ милости, за ухвалою всеѣ земли вчиненоѣ и вамъ даноѣ, вырозумѣти рачилъ, же около тоѣ давности его милости господарьскоѣ, о которую есте теперь просили, яко въ оныхъ привиліяхъ предковъ его милости, такъ тежъ и въ статутѣ земскомъ, отъ отца его милости даномъ, вжо певное застановенье описано есть, черезъ которое не бачить его милость, абы потреба вказывала иного какого нового застановенья новымъ привиліемъ его милости чинити, а то зѣ статуту выймовати што ся вжо досыть слышнѣ и достаточнѣ постановило. Про то его королевская милость, намовивши въ томъ съ паны радами ихъ милостью, тую прозьбу вапну, о давность его милости господарскую и о имѣнья ваши выслужоныи и купленыи и купити — кольвекъ обычаемъ набытыи, рачить водлѣ старыхъ привиліевъ земскихъ предковъ

его королевскоѣ милости и ухвалы первшое № 4. статутовоѣ, отъ отца его милости даноѣ, застановити; а иного ся его милости нового ничего въ томъ чинити не видить.

3. Прозьба. Къ тому што есте короля его милости просили, абы привилія и всякіи листы, отъ предковъ его милости предкомъ вашимъ на права и вольности ваши даныи, и тежъ тотъ привилій, который его королевская милость за вашимъ чолобитьемъ рачить вамъ теперь, именемъ своимъ господарьскимъ, на таковыи жѣ вольности вашимъ дати, не въ скарбъ его милости земскомъ были хованы, але на inomъ которомъ певномъ особливомъ мѣстѣ, за печатыми пановъ радъ ихъ милости и тежъ вашими, а то для того, ижьбы къ тымъ привиліямъ латвѣйшый вамъ приступъ былъ, кгда бы того потреба вказывала. *Отказъ.* Его королевская милость казалъ вамъ на то повѣдити, ижь его милость звычаяючи вамъ въ томъ ласки своеѣ господарскоѣ, рачить къ той прозьбѣ вашей призволяти, и того вамъ допускати, абы тыи привилія правъ и вольностей вашихъ зѣ скарбу земского выняты и до рукъ вашихъ поданы, и съ тымъ его милости новымъ привиліемъ, который отъ его милости вамъ на тыи жѣ вольности данъ будетъ, захованы были, тамъ, гдѣ ваша воля будетъ: одножъ бы есте первѣй розмовили и зволили ся на то сполнѣ съ паны радами ихъ милостью, гдѣ бы и на которомъ безпечномъ мѣстѣ и за чыми печатыми мѣли быти хованы.

4. Прозьба. Далѣй, што есте короля его милости просили, абы водлѣ постановленья прошлого сойму Берестейского, которое король его милость старшый, отецъ его милости, восполкъ зѣ его милостью и съ паны радами ихъ милостью, около поправленья статуту драва земского вчинити рачилъ, ижь мѣли быти обраны пять особъ закону Римского, а другіе пять закону Греческого, на то годныхъ, которое жѣ поправленья статуту ажъ и до сего часу

№ 4. еще ся не стало; а такъ и теперь абы на поправление того статута были обраны и вжо наменованы таковыи особы, которые бы не фолькгуочи ни чимъ пожиткомъ, одно маючи Бога и справедливость святую предъ очима, все недостатки того статута подъ присягами своими поправили; а кгда вжо будетъ поправленъ, и на другомъ пришломъ соймъ отъ его королевской милости, и отъ пановъ радъ ихъ милости, и отъ всехъ васъ будетъ ухваленъ, — просите, абы былъ справленъ не писанымъ писмомъ, але выбиванымъ, и абы каждый одностайный и однословный статутъ мѣлъ.

Отказъ. Его королевская милость казалъ вамъ повѣдѣти, ижъ его милость, водлѣ жадности ваше и водлѣ ухвалы прошлѣ Берестейскоѣ, и теперь на томъ быти рачить, же его милость для лѣншѣ и пожиточнѣшѣ справедливости ваше посполитоѣ, того вамъ поправленъя статута допущати рачить; и вже бы есте межѣ собою тыхъ особъ обрали и меновали и на то способили, которые бы вамъ того статута поправили; а вѣдьже, кгда черезъ тыхъ особъ, на то отъ васъ обраныхъ, оный статутъ будетъ поправленъ, тогда потомъ, на первомъ соймѣ, на што вся земля ся зволить, мають оныя артыкулы быти ухвалены и приняты, зъ его милости господарскимъ дозволеньемъ, што ся его милости слушного видѣти будѣтъ.

5. *Прозьба.* При томъ што есте его королевской милости просили, ижъ, яко есть въ статутѣ права посполитого описано, штожъ «жадный не маєтъ быти каранъ на заочное повѣданье, отнятемъ врьдовъ и держаней», — абы есте при томъ статутѣ были захованы, жебы тыи врьды и держанья, которые маєте отъ короля его милости старшого и отъ его королевской милости за ваши вѣрныи службы, не были вамъ безъ жадныхъ слушныхъ причинъ отбираны. *Отказъ.* Его королевская милость казалъ вамъ повѣдѣти, ижъ его милость вѣдомости того мѣти не рачить, кому бы якій врьдъ

безъ слушной причины былъ взятъ, якожъ и впередъ браны не будутъ, хто бы тому самъ на себе причины не далъ.

6. *Прозьба.* Надъ то, што есте короля его милости просили, абы его королевская милость рачилъ, водлѣ стародавнего обычаю дворъ Литовскій на своемъ Дворѣ ховати, а дворяномъ оттолѣ платити, откомъ за предковъ его милости плачно было, а то для того, ижъбы братья и сынове ваши, на дворъ его милости служащи, цвичили ся рыцерскихъ учинковъ, и тымъ ся ласки его милости дослужовали, и напотомъ годными слугами господарю его милости и рѣчи посполитой были, яко и за предковъ его милости господарскихъ, таковыхъ дворянъ Литовскихъ особливый гуфъ часу войны бывалъ. *Отказъ.* Его королевская милость казалъ вамъ повѣдѣти, ижъ его милость, водлѣ жадности ваше и стародавнего захованья, не рачить вамъ въ томъ ласки свое отмовляти; ижъ его милость дворянъ Литовскихъ, сыновъ и обывателей того панства великого князства, на Дворѣ своемъ ховати волю маєтъ. Одно жъ хочетъ его милость въ томъ съ паны радами ихъ милостью обмовити и обычай тому найти, яко бы то snadнѣй быти могло, а съ чого бы ихъ ховати; бо што есте доложили того въ прозьбѣ своей, абы тотъ дворъ Литовскій хованъ былъ съ того, съ чого его и передъ тымъ ховано: ино его королевская милость такъ разумѣти рачить, ижъ, снатъ, оный дворъ за предковъ его милости ховыванъ былъ, частью съ того што неприятели посѣлѣ, а частью тежъ съ того што еще и по сѣсь часъ замковъ и дворовъ по заставахъ есть, а иншое тежъ и межѣ васъ роздано.

7. *Прозьба.* Еще тежъ, што есте его королевской милости припоминули, ижъ, кгда недавныхъ часовъ король его милость, отецъ его королевской милости, мынцу Польскую мѣлъ волю пустити въ панство свое великое князство Литовское; на што ачъ — кольвекъ панове рада ихъ милость были зволѣли, а вѣдь-

же его милость безъ вѣдомости всехъ васъ подданныхъ своихъ тогозвчинити не рачилъ, але вчинилъ былъ его королевская милость съемъ, и васъ всехъ созвати и то вамъ оповѣдѣти рачилъ; а тепере его королевская милость рачилъ зачати мынцу великого князства, васъ подданныхъ своихъ къ тому не зываючи, за штожъ просите: естли бы ся то напотомъ трафило, абы его королевская милость не рачилъ васъ въ таковыхъ справахъ и потребахъ, которые всей земли долегають, употребляти. *Отказъ.* Господарь король его милость казалъ вамъ на то повѣдѣти, ижъ его милость добрую того вѣдомость мѣти рачить, же на то, коли мынцу въ томъ панствѣ его милости великомъ князствѣ бивано, а ни за отца, а ни за иныхъ предковъ его милости, за которыхъ мынцы бито, соймовъ на всю землю не збирано; такъ тежъ а ни въ тотъ часъ, коли мынца Польская до того панства его милости пушона была, жадное зыванье земли не было, але было то завжды въ моцы, владности и справованью самого господаря его милости и пановъ радъ ихъ милости. Про то, его королевская милость тотъ звычай битья мынцы и теперъ, водлѣ стародавнего обычая, при владности своей господарской заставляти рачить: бо много того бывало, ижъ передъ тымъ господарь, водлѣ воли свое, и задерживалъ мынцу, и опять бити казалъ, и иншимъ ее бити позволялъ, водлѣ часу и потребности свое господарскоѣ и земскоѣ, а земля о томъ ничего не вѣдала.

8. *Прозьба.* Тежъ, што есте въ тойже прозьбѣ своей на писмѣ доложили, ижъ немалое вонтпѣнье межѣ вами есть: гдѣ ся тыи пѣнязи подѣли и на которую потребу земскую обернуты, которые есте передъ тымъ не однокротъ на оборону земскую давали? и для того его королевской милости просите, абы вжо отъ сего часу и на потомныи часы, кгда бы ся кольвекъ пратрафило для обороны земскоѣ серебщизну складати, абы то вамъ было особ-

ливымъ листомъ его милости описано, ижъбы № 4. тыи пѣнязи не до скарбу его милости были даваны, але ижъбы есте сами зъ братьи свое обрали людей добрыхъ, вѣры годныхъ, а одного закону Римского, а другого закону Граччического, а при нихъ третьяго, писаря, которые бы тыи пѣнязи серебщизны отъ васъ отбирали и за своимъ ключомъ ховали, и тыхъ пѣнязей ни на жадные иншыи потребности и ни на чый росказъ не выдавали, одно на посполитую оборону земскую, на люди служебные, и съ того всего абы передъ вами личьбу чинили. *Отказъ.* Его королевская милость казалъ вамъ на то повѣдѣти, ижъ скарбъ и подскарбий земскій отъ первшихъ часовъ не безъ причины есть уставленъ, и пожиточнѣй то быти можетъ, кгда таковой платъ серебщизный въ скарбъ земскомъ захованье свое мѣти будетъ, нижъли гдѣ индѣ: бо рачить его милость тую справу мѣти, што бы ся и реистры скарбными латвѣй показати могло, ижъ, коли первшими часы таковыи податки серебщизны къ потребѣ и оборонѣ земской выбираны бывали черезъ кого иншого, нижъли черезъ пана подскарбьяго земского; тогда таковыхъ серебщизнъ, за непослушенствомъ, великая часть до рукъ бирчихъ не доходила, многіи ее имъ не выдавали, и въ томъ никому не шкода, одно рѣчи посполитой земской, ижъ одинъ далъ, а другій не далъ; а коли — кольвекъ подскарбий земскій пѣнези вибиралъ, тогда завжды ее неровно большъ прихоживало. Про то его королевская милость, съ порады пановъ радъ ихъ милости, на томъ тую рѣчь заставляти рачить, абы серебщизна, которая коли для обороны земскоѣ зложона будетъ, отдавана была, по давному, до рукъ пана подскарбьяго, до скарбу земского. А вѣдь же, естли бы ся вамъ што иншого въ той рѣчи видѣло, и вы бы на то межѣ собою бирчихъ вѣры годныхъ обирали; а тыи бирчыи ваши, выбравши тыи пѣнязи серебщизны, нехай ихъ предѣся до скарбу земского отдають, и личьбу съ

№ 4. того передъ паны радами ихъ милостью и подскарбимъ земскимъ чинять. Одно жъ обачили и рэзвасили бы есте сами собъ, ижъ коли бирчыѣ уставлены будутъ, тогда и на самыхъ тыхъ бирчыхъ немалая сума пѣязей, а безпотребиѣ, мусила бы выходить. А надъ то, его королевская милость мѣти рачить того справу, ижъ нѣкоторыи серебщизны недавныи, што бирчыѣ выбирали, и до скарбу не доходили, а подѣлися не вѣдати гдѣ. А што ся дотычетъ того, што есте доложили въ тойже прозьбѣ своей, ижъ не вѣдаете, гдѣ ся въ скарбѣ первыи пѣязи серебщизныи подѣли: его королевская милость давати рачить вамъ тую справу, же панъ подскарбій слышнѣ, а раднѣ, и ни на што иншое, одно на тые потребы земскіѣ оныѣ первыѣ пѣязи серебщизныѣ обернулъ, на што есть обычай ихъ выдавати; съ чого вжо и личьбу передъ его королевскою милостью и паны радами ихъ милостью вчинилъ, и оказалъ то, ижъ онъ тые пѣязи первыѣ, слышнѣ, на звывкыѣ потребы рѣчи посполитоѣ земскоѣ выдалъ.

9. *Прозьба.* Зася што есте его королевской милости мовили, ижъ въ статутъ права земского есть описано, «штожъ панове воеводы мають въ каждомъ повѣтѣ воеводства своего обрати судей, которыи мають судити шляхту на роки слышныи, ижъбы каждый въ повѣтѣ своемъ могъ завжды справедливости своеѣ за малымъ накладомъ дойти», и просите, абы его королевская милость рачилъ вамъ, водлѣ статуту, въ повѣтѣхъ вашихъ, людей добрыхъ, которыхъ бы есте сами межѣ собою обрали, судьями дати, которыи бы подѣ присягами своими васъ, братью свою, водлѣ боязни Божьѣѣ и справедливости святоѣ рсправовали; а писарь ижъбы также въ каждомъ повѣтѣ бымъ присяжныи, и также отъ шляхты обраный. *Отказъ.* Король его милость казалъ вамъ на то повѣдѣти, ижъ его милость маеть то при памяти своей, же есте о таковыхъ судьяхъ повѣтовыхъ и на прошломъ вальномъ соймѣ,

въ Берестѣи, ихъ королевской милости просили: про то его королевская милость и теперъ тую прозьбу вашу водлѣ тогожъ заставляти рачить, яко есть въ Берестѣи, на соймѣ, отъ отца епо: милости съ паны радами ихъ милостью намовлена и постановлена и вамъ оная мена, то есть, ижъ тая рѣчь о судьяхъ повѣтовыхъ маеть справована быти водлѣ первоу застановенья и статуту земского, яко около того въ статутѣ есть описано.

10. *Прозьба.* Затымъ што есте мовили его королевской милости, ижъ немалая шкода и великая переказа у справедливости вамъ ся дѣетъ, ижъ панове старосты, державцы и ихъ намѣстники звыкли завжды давати вамъ вижами людей простыхъ, вѣры негодныхъ, то есть, мѣщанъ, мужиковъ тяглыхъ, а часто кротъ и холопью невольную; а вижованья беруть собъ вядники старостины и державцыны по дванадцати грошей; а таковыи вижы тымъ лѣпшѣ посвѣтчатъ, которыхъ дороже перекупятъ, за чымъ же многокротъ и справедливый чолвѣкъ, справедливости своеѣ доходячи, въ шкоду впадаетъ: за штожъ просите, абы въ каждомъ повѣтѣ, при судьяхъ повѣтовыхъ были обраны по три, по чотыри, альбо по пяти, колько будетъ потреба, бояре, люди добрыи и вѣры годныи, неподозрѣныи, въ томъже повѣтѣ осѣлыи, которые бы вижыи присяжныи были и на всякіи ваши потребы готовыми, а за працу свою ижъбы большъ вижованья не брали, одно на милу по грошу. А надъ то, ижъ што въ статутѣ описано, ижъ «вижомъ пановъ воеводъ и пановъ маршалковъ и старостъ вижованья по полтинѣ грошей, а вижомъ намѣстниковъ ихъ по полукопью», што есть зъ немалою шкодою и обтяжливостью вашою; для которыхъ же непотребныхъ прикладовъ вядовыхъ, многіи зъ васъ мусятъ и властныи истизны свои опускати, — и просите, абы таковыѣ вижованья або выстановены были, або ижъбы его королевская милость восполкъ съ паны радами

ихъ милостью иншый который обычай тому знайти и постановити рачилъ. *Отказъ.* Его королевская милость казалъ вамъ повѣдѣти, ижъ и тую прозьбу вашу и тыи вышей мененыи двѣ рѣчи, о вижохъ и о бранѣ вижового, рачить его милость подлѣ тожъ ухвалы прошлоѣ Берестейскоѣ вскладати на тыхъ, хто статутъ поправовати будетъ, а тыи на онъ часъ нехай бы тому слышный посредокъ и постановенье нашли, и его королевской милости при ономъ поправленью статуту то ознакомили; а его милость на онъ часъ на то призволити рачить, што ся его милости слышного и годного видѣти будетъ.

11. *Прозьба.* А што есте въ тойже прозьбѣ своей доложили, ижъ бы есте ради отъ его королевской милости то вѣдали: почому бы есте мѣли за листы вамъ потребныи платити, которые зъ канцлерыи его милости часу потребы брати будете? *Отказъ.* Его королевская милость казалъ вамъ на то повѣдѣти, ижъ его милость, водлѣ жадливости вашеѣ, съ паны радами ихъ милостью и съ паномъ канцлеромъ намовити и постановенье тому вчинити рачить, што будете мѣти за листы вамъ потребныѣ въ канцлерыи его милости платити, яко то слышнѣ и безъ обтяжливости вашеѣ будетъ.

12. *Прозьба.* Што есте тежъ мовили, ижъ ачъ — кольвекъ на тотъ часъ, при бытности его королевской милости въ томъ панствѣ его милости великомъ князствѣ, каждый зъ васъ всякую справедливости свою, правъ, яко въ дому находить, съ чого за шастное панованье а долгое здорвье его королевскоѣ милости пана Бога просите; а вѣдъ же для пришлоѣ рѣчи жедаете, ижъ кдѣ его королевская милость зъ великого князства на часъ до коруны для справъ оноу панства рачить выѣхати, абы есте тамъ до коруны Польскоѣ ни отъ кого не были вызываны, водлѣ ухвалы сойму прошлаго Берестейского, и абы то вамъ было особливимъ листомъ отъ его милости обва-

ровано. *Отказъ.* Господарь его милость казалъ вамъ на то повѣдѣти, ижъ его милость бачачи прозьбу вашу въ томъ быти слышную, къ той прозьбѣ вашей ласково призволити рачить, ижъ коли его королевская милость въ корунѣ Польскоѣ, а не тутъ у великомъ князствѣ Литовскомъ для справъ своихъ господарскихъ и земскихъ мѣшканье свое мѣти будетъ, же его милость пановъ радъ своихъ, княжатъ, панятъ и всего рыцерства, обывателей того панства великого князства Литовского, тамъ до коруны Польскоѣ жадными позвы своими ни на чію жалобу въ кривдахъ вашихъ къ справѣ не будетъ вызывати, а ни иному никому допускати тамъ позывати не рачить: але каждый зъ васъ, въ небытности его королевской милости тутъ, въ томъ панствѣ его милости великомъ князствѣ Литовскомъ, маеть о справедливости свою до пановъ радъ ихъ милости и до пановъ воеводъ, старостъ, державецъ своихъ, хто въ чіемъ повѣтѣ будетъ, утекати и передъ ними ся межѣ собою судити и справовати, подлѣ намовы и постановенья короля его милости старшого, отца его милости, которое его милость съ паны радами ихъ милостью въ Берестѣи вчинити рачилъ, якожъ его милость тоѣ постановенье Берестейское отъ сего часу и въ статутъ свой господарскій вписати казати рачилъ; и паномъ радамъ ихъ милости, и старостамъ и державцамъ, и всимъ княжатамъ и панятамъ въ статутѣхъ своихъ, для лѣпшоѣ вѣдомости ихъ, яко ся въ томъ справовати мають, мѣти допускаетъ; и въ привиліи своемъ господарскомъ, который вамъ на вольности ваши зъ ласки его королевской милости ново данъ будетъ, водлѣ жадливости вашеѣ вписати его милость велитъ. Нижли, гдѣ бы ся дотыкало отзыванья вашего отъ суда пановъ радъ ихъ милости до зверхности господарскоѣ, то завжды вамъ вольно быти маеть отзыватися до господаря его милости отъ суда пановъ радъ ихъ милости, по сказанью, и до коруны Поль-

№ 4. скою и гдѣ — кольвекъ его милость на онѣ часть особую своею господарскою быти рачитъ; а ихъ милость панове рада повинни будутъ выписы тоѣ sprawy своею на обѣ стороны имъ давати, и роки, на которые бы они ся мѣли передъ королемъ его милостью становити, зѣ obu стороны имъ складывати.

13. *Прозьба.* Еще што есте тежѣ били чоломъ его королевской милости, ижѣ которые жалобы и обтяжливости многократъ приходятъ до его королевской милости отъ княжатъ и панятъ и отъ землянъ пограничныхъ о кривдахъ ихъ нежныхъ, которые мають отъ пановъ Поляковъ и отъ пановъ Мазовшанъ, што не есть его королевской милости тайно; а теперь по томъ нынѣшнемъ объездѣ, яко посланцы его милости на границы великого князства Литовского выѣзджали, тымъ большіе кривды той братаи вашей, пограничной въ боѣхъ, въ ктвалѣхъ, въ головщинахъ, въ забирающю землѣ и въ иншихъ многихъ рѣчахъ дѣются, — и просите его королевской милости, абы его милость, зѣ ласки своею панскою, рачилъ ся къ тому милостиво приклонити, ижѣбы вжо тые границы межи панствами его милости певную вѣдомость свою взяли, и абы вжо черезъ то таковое кровопролитіе и окрутенство межи подданными его милости на обѣ стороны ся не дѣяло. *Отказъ.* Его королевская милость казалъ вамъ на то повѣдѣти, ижѣ не есть рѣчь тайная самымъ вамъ, же его милость на вывѣданье и пописанье всихъ тыхъ кривдъ пограничныхъ, о которыхъ до его королевской милости и перьво сего не однократъ жалобы приходили и теперь о нихъ зменку чините, псылати вжо рачилъ посланцовъ своихъ: по одной стороны границъ, конюшого дворного пана Миколая Андросевича а Станислава Коморовского, а по другой стороны пана Василья Тишкевича, маршалка, а Войтъха Ленартовича; и хотячи его милость тымъ кривды и заистья упокоити, намовити и постановити на томъ рачилъ съ королемъ его милостью, съ отцемъ

своимъ, ижѣ ихъ милость мають тамъ на тые границы, зѣ стороны обоихъ тыхъ панствъ, комисаровъ выслати, яко бы нарыхлѣй могло быти, а тамъ ся на онѣ часть все то, дали—Богъ, на конецъ постановити и впокоитъ. А вѣдь же до того часу писати его милость рачитъ до короля его милости, отца своего, абы его милость зѣ стороны коруноу, къ тымъ, которые въ томъ панствѣ великомъ князствѣ Литовскомъ къ границамъ прилеглости своимъ мають, рачилъ казати спокойнѣ ся заховати, а тутощніе къ коруновымъ нехай бы ся потомужъ во всемъ въ покоѣ заховали.

14. *Прозьба.* Што есте тежѣ дали на писмѣ къ его королевской милости, ижѣ не меншии тяжести, кривды и жалѣ терпите вы вси, слуги его королевской милости, отъ мѣщанъ Виленскихъ, ижѣ кгда — кольвекъ который чоловѣкъ вашъ непохожий, або поробокъ невольный, або роба утечетъ до мѣста Виленского; тогда они таковыхъ не выдаютъ, и кажутъ вамъ, абы есте правомъ ихъ Нѣмецкимъ, подъ которымъ вы не сѣдите, уживали; а сынове тежѣ ихъ и иншыи ремесленники братью вашу шляхту бьютъ, рубаютъ и до смерти забиваютъ, а о то жадная справедливость братаи вашей отъ нихъ стати не можетъ: бо кажутъ имъ таковыхъ мордеровъ правомъ ихъ Нѣмецкимъ втягивати, што есть противъ вольностямъ и привиліямъ вашимъ; бо въ статутѣ описано, ижѣ «мѣщане всихъ мѣстъ мають о бои и о головщины шляхетскіе отказывати и судитися правомъ посполитымъ земскимъ, а не своимъ Нѣмецкимъ.» И просите его королевской милости, абы есте въ томъ были захованы особливимъ листомъ его милости, и водлѣ постановенья сойму Берестейского. *Отказъ.* Господарь его милость казалъ вамъ на то повѣдѣти, ижѣ его милость, водлѣ прозьбы вашею, на томъ тую рѣчь на тотъ часъ составляти рачитъ, ижѣ мѣщане Виленскіе и всихъ иншихъ мѣстъ великого князства Литовского, права Нѣмецкого, боевъ и ранъ и

головщинъ шляхетскихъ, и слугъ и подданныхъ ихъ, не мають правомъ своимъ Майтборскимъ въ мѣстѣхъ своихъ судити, але сужены быти мають таковыи бои, раны и головщины шляхетскіе и слугъ и подданныхъ ихъ зѣ мѣщанъ правомъ земскимъ великого князства Литовского, подлѣ давнѣй уставы статуту земского и водлѣ ухвалы и постановенья сойму Берестейского, до другого первшого сойму. А што ся дотычетъ выдаванья людей вашихъ отчизныхъ и паробковъ и иноѣ челяди невольной, его королевская милость на томъ тую рѣчь съ паны радами ихъ милостью намовити и постановити рачилъ: которые будутъ люди ваши отчизныи зашли до мѣста Виленского, отъ того теперешнего вального сойму назадъ отъ трехъ лѣтъ, и засѣдали вжотыи три лѣта во впокои; тыи вжо при мѣстѣ зостати мають вѣчнѣ, а вы ихъ выводити оттолѣ не маєте: лечъ которые будутъ трехъ лѣтъ еще не засѣдали, тыхъ вамъ врьдѣ мѣстскій Виленскій будетъ повиненъ съ права, за слущнымъ доводомъ вашимъ, выдавати. А которые люди ваши отчизныи отъ теперешнего сойму впередъ до мѣста Виленского заходити будутъ, тогда таковымъ не маєтъ быти давность, ажѣ до десяти лѣтъ. А хто съ подданныхъ вашихъ отъ теперешнего сойму и на потомныи часы десять лѣтъ засѣдитъ, таковой тежѣ вжо при мѣстѣ Виленскомъ вѣчнѣ зостати маєтъ, а вы ихъ зѣ мѣста Виленского не маєте до себе выводити, але межи десятма лѣты, таковыхъ людей своихъ маєте въ мѣстѣ Виленскомъ находити, а они мають вамъ каждому съ права быти выдаваны: нижли холопу и робѣ давности быти не маєтъ.

15. *Прозьба.* Што есте тежѣ его королевской милости мовили, ижѣ не только вамъ, але и паномъ радамъ ихъ милости, и всимъ обывателямъ того панства великого князства отъ мѣщанъ Виленскихъ великая ся кривда дѣеть, ижѣ они мало не каждого году мѣры

торговоу, которою збожѣ продають, прибав- № 4. ляють, такъ, ижѣ вжо мало еѣ не половицу прибавили надъ оную первшую мѣру, которая съ стародавна была хована, въ чомъ вся земля шкоду немалую пріймуетъ, — и просите, абы вжо певная а неотмѣнная мѣра была уставлена и винами его королевской милости опатрона, абы черезъ то еѣ а ни прибавлено, а ни уменьшено. *Отказъ.* Его королевская милость казалъ вамъ на то повѣдѣти: кгдажѣ ся вамъ вѣдитъ быти къ обтяжливости вашей посполитой нынѣшня мѣра полубочковая Виленская, а жедаете, абы была инѣшая певнѣйшая мѣра тутъ въ томъ мѣстѣ Виленскомъ уставлена; и его милость намовивши въ томъ съ паны радами ихъ милостью, устанавлиати рачитъ, ижѣ отъ сего часу быти маєтъ мѣра полубочокъ Виленскій такъ великъ, который бы въ собѣ несъ двѣ бочки, въ которыхъ бы было въ объохъ осмъ корцовъ ровныхъ, безъ верху и трясенья, мѣры короля его милости дворноу нынѣшнее (которая будетъ вымѣрена отъ пана воеводы его милости Виленского и на ратушѣ подлѣ цехомъ дана); а другая мѣра, што бы было въ ней чотыри корцы, а третья два корца, а четвертая одинъ корецъ. А хто бы кольвекъ смѣлъ ся того важити, а мимо тую теперешнюю уставу иншыи мѣры собѣ большыи або меньшыи въ мѣстѣ Виленскомъ устанавлиа и ихъ уживалъ: таковой тымъ каранъ быти маєтъ, што на таковыхъ, которые фальшивыхъ мѣръ уживаютъ, въ правѣхъ описуетъ.

16. *Прозьба.* При томъ што есте его королевской милости просили, абы духовные на судѣхъ земскихъ и свѣтскихъ не сѣдали, але своихъ духовныхъ правъ смотрѣли (кгдажѣ жаденъ съ пановъ радѣ его милости въ духовные sprawy ся не вдають), а ижѣбы тежѣ о рѣчи свѣтскіе, духовные васъ до права духовного не позывали. *Отказъ.* Его королевская милость казалъ вамъ

№ 4. на то повѣдѣти, ижъ его милость того разумѣти не рачитъ, хто бы съ духовныхъ суды свѣтскіе отъ его милости завѣдалъ, а хто бы на нихъ сѣдалъ, абы есте то его милости повѣдали. А што ся ткнетъ вызыванья отъ духовныхъ о рѣчи свѣтскіи до права духовного: ино вѣдь же то на соймѣ Берестейскомъ было постановлено, ижъ духовные о рѣчи свѣтскіи не мають васъ до права духовного поволокати; а такъ и теперь его королевская милость на томъже водлѣ уставы Берестейскоѣ тую рѣчь составляти рачитъ, якожъ тые артыкулы, при поправованью статуту, меновито его милость выобразити вамъ кажетъ, о што маєте быти позываны до духовного права.

17. *Прозьба.* А што есте его королевской милости просили, абы мѣщане, которые имѣнья подъ собою держатъ, ровно зъ вами, водлѣ важности имѣней своихъ, оборону несли, а тежъ съ купли маетностей своихъ, водлѣ шапунку и воли и росказанья его милости установленнаго, ижъбы къ службѣ земской помогали: бо они тые маетности ни отколѣ не мають, одно зъ васъ шляхты и рыцерства его королевскоѣ милости. *Отказъ.* Господарь король его милость казалъ вамъ на то повѣдѣти, ижъ его милость тую рѣчь о мѣщанахъ водлѣ ухвалы и постановенья сойму прошлого Берестейского составляти рачитъ: ижъ мѣщане всихъ мѣстъ его милости съ тыхъ имѣней своихъ, которые будутъ у земаиъ шляхты скупили, альбо у господаря его милости выслужили, мають служити и заступовати службу земскую, такъ яко бояре шляхта; а мають ся они съ тыхъ имѣней своихъ передъ паны воеводами и старостами своими, въ которыхъ повѣтъхъ тые имѣнья мѣти будутъ, оказывати, такъ яко то тежъ на соймѣ вальномъ Берестейскомъ есть постановлено: лечъ, што ся дотычетъ фольварковъ мѣщанскихъ, которые они держатъ на мѣстскихъ кгрунтѣхъ и въ мѣстскихъ границахъ привиліи упривиле-

ванныхъ, съ тыхъ они теперь службы земскоѣ волини быти мають; одножъ, што ся ткнетъ маетностей ихъ мѣщанскихъ, то его королевская милость и теперь при воли своей составляти рачитъ, ижъ его милость водлѣ потребности земскоѣ и воли своеѣ, яко ся его королевской милости видѣти будетъ, на тые маетности ихъ къ службѣ земской рачитъ казати уставу вчинити.

18. *Прозьба.* Далѣй, што есте мовили его королевской милости, ижъ кравцы, шевцы, рымары, слѣсары и иньшыя ремесленники въ мѣстѣ Виленскомъ непомѣрныи заплаты отъ работъ своихъ берутъ, а што и часто, ихъ прибавляють водлѣ воли своеѣ, а съ того шляхта убожаетъ, — просячи его королевской милости, абы его милость рачилъ росказати войту, бурмистромъ, справцамъ мѣстскимъ, слушную уставу въ томъ имъ постановити, которая бы вжо на часы вѣчистыи трвала. *Отказъ.* Его королевская милость казалъ вамъ на то повѣдѣти, ижъ его милость водлѣ прозьбы вашеѣ рядъ и постановенье тому росказати вчинити рачитъ.

19. *Прозьба.* А што есте тежъ къ его королевской милости прозьбу чинили, абы уряды земскіи и дворныи, и тежъ держанья замковъ, дворовъ, мѣстъ и волостей его королевской милости не были даваны чужоземцомъ: бо и въ томъ вамъ и всей брати вашей есть не меньшое солженье становъ вашихъ, яко бы межи вами такъ годныхъ и вѣрныхъ и справныхъ на то не было; а и паньству тежъ его милости не меньшая въ томъ шкода, же тые чужоземцы немало скарбовъ до своеѣ земли съ паньства его милости выносятъ, а въ томъ ся паньство его милости и вы вси нищите, а и рѣчь тежъ посполитая шкоду немалую въ томъ маєтъ. *Отказъ.* Его королевская милость казалъ вамъ на то повѣдѣти, ижъ его милость зъ ласки своеѣ господарскоѣ, водлѣ жадливости вашеѣ, радъ васъ заховати хочетъ, и тыхъ врьдовъ земскихъ и дворныхъ, а ни

держаней замковъ, мѣстъ, дворовъ и волостей давати чужоземцомъ не рачитъ, и водлѣ привилевъ и статуту земского, отъ предковъ его милости на то дамъ данныхъ, ласково и милостиво васъ заховати обѣцуетъ; а ижъ его королевская милость не рачитъ того вѣдомости мѣти, хто бы съ чужоземцовъ што держалъ, альбо зъ земли скарбы выносилъ, и вы бы тыхъ меновали.

20. *Прозьба.* За тымъ, што есте его королевской милости просили, абы объѣзжанье и попись замковъ, дворовъ и волостей его милости, и тежъ личбы съ доходовъ его милости не были справованы черезъ чужоземцы: бо въ томъ ся немалая трудность и тяжесть отъ нихъ старостамъ и державцамъ и ихъ врьдникомъ дѣетъ, въ небордзой отправъ и въ непомѣрной заплатѣ отъ квитовъ. *Отказъ.* Его королевская милость казалъ вамъ на то повѣдѣти, ижъ его милость догледанье пожитковъ своихъ господарскихъ по дворомъ его милости, и справованье скарбу своего и личбы скарбы рачитъ составляти при воли своей, и посылати тамъ догледати и вывѣдыватися, кого будетъ воля его милости господарская, и хто бы одно тому спросталъ и въ томъ добръ разумѣлъ, и пожитки его милости множити умѣлъ, якожъ ся то и паномъ радамъ ихъ милости видѣти: бо его королевская милость вѣдати рачитъ, яко маєтъ его милость съ паны радами своими пожитковъ своихъ господарскихъ и скарбу догледати; а вы до того ничего не маєте: одно бы вы, державцы и врьдники, смотрѣли повинностей своихъ, и рядногосправованья своего, и вѣрности, которая на васъ во врьдѣхъ вашихъ преложена. А о квитѣхъ абы есте дали знати, по чому отъ квитовъ берутъ, а хто беретъ, и его королевская ми-

лость рачитъ росказати то безъ обтяжливости. *№ 4.* ваше постановити (*).

21. *Прозьба.* Такъ же што есте мовили его королевской милости, ижъ былъ тотъ обычай завжды хованъ и съ стародавна, за шастного панованья предковъ его милости, ижъ кгда-кольвекъ ихъ королевская милость съ коруны Польскоѣ ваджали до великого князства Литовского, тогда на границы вси врьдники дворныи корунныи оставалися; а естли который до князства Литовского вжалъ, тогда бывалъ якобы гостемъ, а жадноѣ моцы и владности въ справованью врьду своего не мѣлъ, а ни ся въ то вступовалъ, але врьдники дворныи великого князства, поткавши (**), на границы, яко панове маршалкове, такъ тежъ и подскарбій, подчашый, крайчый, конюшый, кухмистръ, подстолий, подкоморый и иньшыи врьдники дворныи, тии вси врьды своими справовали и всякую владность въ нихъ мѣвали; а теперь тии вси врьдники его королевскоѣ милости дворныи великого князства одно титулы врьдовъ своихъ мають, а врьдники корунныи всякоѣ владности въ ихъ врьдѣхъ уживають, и доходы и оброки, которые на тии врьды прислухають, на себе берутъ, и, правъ, вжо ся во всемъ стародавний обычай около тыхъ врьдовъ змѣнилъ: чогожъ не только тые врьдники его милости, братья ваша, але и вы сами вси зъ великою жалостью того уживаете, ижъ ся той брати вашей въ ихъ врьдѣхъ таковой ушипокъ дѣетъ. За штожъ просите, абы его королевская милость рачилъ ласкою и бачностью своею паньскою такъ то осмотрѣти, якобы вже, черезъ то, панове врьдники корунныи въ тыхъ врьдѣхъ дворныхъ жадноѣ моцы а ни владности въ справованью не мѣли, одно тые братья ваши,

(*) Въ ориг. Метр. эта статья «о квитѣхъ» записана не на своемъ мѣстѣ, но по ошибкѣ переписчика, отнесена ниже, къ артик. 21-му.

(**) Здѣсь, кажется, пропущено слово «короля» или «господаря».

№ 4. которые то съ предковъ своихъ предкомъ и отцу его королевской милости, и тежъ его милости самому добръ и цнотливъ заслужовали. *Отказъ.* Его королевская милость казалъ вамъ на то повѣдѣти, ижъ, яко его милость бачити то рачитъ, тебѣ за его королевской милости инастливого пановавъ, тая справа дворная вранниковъ его милости дворныхъ не инъшимъ кшталтомъ идеть, одно яко было и за отца его королевской милости; а ижъ и теперъ каждый вранникъ дворный на вранъ своимъ есть, и имъ владасть и справуетъ. А вѣдъ же его королевская милость около тыхъ старыхъ звычаевъ, яко ся будетъ што заховывало, рачитъ съ часомъ достаточнъ вывѣдати, и такъ все въ тыхъ вранъхъ дворныхъ заховати, яко въ томъ каждая рѣчь отъ его королевской милости водлѣ стародавнаго обычаю захована будетъ.

22. *Прозьба.* При томъ што есте мовили его королевской милости, ижъ прокураторы, квалы-кошвекъ рѣчи судовыи справуютъ, не-потребнымъ и широкимъ вымыслы своимъ его королевской милости и паномъ радамъ ихъ милости працы и трудности задають, такъ, ижъ тежъ его милость многократъ, отложивши, часомъ, на сторону пилнѣйшии и потребнѣйшии справы свои господарскіе и земскіе, муситъ ся около таковыхъ вымысловъ прокураторскихъ съ паны радами працовати; якіе тежъ трудности и наклады сутяжныи, за таковыми ихъ вымыслы и за продолженьемъ рѣчей и за отволоками, пріймуютъ, того многи зъ васъ сами на собѣ скоштовали: и просите, абы черѣзъ то, прокураторы жадныхъ рѣчей въ судахъ, такъ передъ его королевскою милостью, яко тежъ и передъ паны радами ихъ милостью не справовали; одно, жебы каждый свою рѣчь самъ справовалъ: хыба, естли бы который для хоробы своее, альбо для недостатку вымовы, не могъ къ тому снадѣй прійти, абы рѣчь свою такъ достаточну могъ на судъ предложити; таковой можетъ рѣчь

свою справовати черѣзъ пріятеля своего, а не черѣзъ прокуратора наемного. *Отказъ.* Его королевская милость казалъ вамъ на то повѣдѣти, ижъ его королевская милость до прокураторовъ вашихъ, кому суть межи вами потребности, або непотребны, ничего мѣти не рачитъ; и коли ихъ сами наймовати не будете, тогда тежъ они, подобно, ни отъ кого ничего справовати не будутъ.

23. При тыхъже и инъшихъ справахъ земскихъ, на томъже соймѣ, зъ росказанья господарского, мѣти рачили намову яко панове рада ихъ милость, такъ тежъ княжата и панята и все рыцерство великого князства, около даванья подводъ и стацей, и будованья замковъ, и робенья мостовъ, зъ имѣней и людей своихъ выслужонныхъ, водлѣ артикулу отъ господара его милости имъ на то поданого. Напередъ княжата и панята и все рыцерство за то просили пановъ радъ ихъ милости о причину до господара его милости, ижъ хто съ нихъ гдѣ по сѣсь часть замки будутъ, мосты мостятъ, стацей дають альбо станы справуютъ, же они то и теперъ полнити хотятъ, и съ тобъ ся повинности своее давнѣе не выламываютъ: ни жъли, которые съ нихъ выслуги свои отъ предковъ его королевской милости мають, и которые листы и привиліи ихъ милости вызволены суть отъ таковыхъ работъ замковыхъ, подводъ и стацей и робенья мостового, просятъ, абы тые права и вольности не были имъ нарушены и овшемъ при mocy зоставлены, водлѣ ласки и привиліевъ предковъ его королевской милости и вѣрныхъ служобъ ихъ, которыми то предки ихъ и они сами выслужили. — Ино паномъ радамъ ихъ милости то ся видѣло, и на томъ ихъ милость тую рѣчь восполкъ съ княжаты и панаты и со всимъ рыцерствомъ намовили и зоставили, и короля его милости за то просили, абы его милость рачилъ первѣй зъ ихъ милостью паны радами на тыхъ ренстрѣхъ сѣсти и имъ вырозумѣти, въ которыхъ вже вси таковыи

повинности земскіи до всимъ городомъ того панства, зъ росказанья его королевской милости, дописаны; и хто бы тамъ въ ренстрѣхъ былъ описанъ, тыхъ первѣй листы мандаты его королевской милости, о положенье листовъ твердостей ихъ, за чимъ хто што держитъ, на певные часы припозвати, и онымъ твердостемъ ихъ, на што хто зъ нихъ повиненъ, альбо неповиненъ, вырозумѣти, и водлѣ того ся на онъ часть заховати.

Изъ Литовской Метрики (Acta Magn. Ducat. Litv., рукоп. in fol. XVI в., Lib. transactionum publ. кн. IV, л. 20 — 35), хранящейся въ С. Петербургѣ, при 3-мъ Департаментѣ Правительствующаго Сената. На корешкѣ манускрипта вытиснуто: Anno 1544, regnante Sigismundo, N° 45.

3. — 1547 Февраля 21. Уставная подтвердительная грамота жителямъ Полоцкой области.

Во имя Божье станься! Ижъ всякіе учинки цнотливые, которые зъ обычаевъ людскихъ походятъ и бывають въ заховалостяхъ ихъ дѣланы, которые жъ на знаимость звычайно учиненого, часы своими, явнѣя черезъ до-свѣтченья оказываютъ и вѣрнѣе а стало доконають: годно есть, ижбы слушнѣ, тежъ въ чинности своей поживаны, абы были ознаймены и на письмѣ выложены и подтвержены для вѣдомости потомъ пришло людскоѣ, абы часу посполитого съ памяти не сходили. А про то мы Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, чинимъ знаменито симъ нашимъ листомъ, хто на него посмотритъ, або чтучи его услышитъ, нынѣшнимъ и напотомъ будущимъ, кому того потреба будетъ вѣдати. Били намъ чоломъ бояре Полоцкіе и мѣшане и весь городъ, и вся земля Полоцкая, клали передъ нами листы дѣда нашего Казимира, и дяди нашего Александра, и пана отца нашего,

королей и великихъ князей ихъ милости. № 5. штежъ ихъ милость перво сего монарха и дали имъ права вольные, добрые крестіанскіе, какъ въ корунѣ Польской, какъ же и перво того которые добровольства мѣли отъ предковъ нашихъ великихъ князей, отъ великого князя Витовта и Жикгимонта и Скиргайла; и просили насъ, абыхмо имъ вси тые права и добровольства нашимъ привиліемъ потвердили. Мы бачучи, ижъ яко предковѣ ихъ, такъ и они завжды у суполной вѣрности заховали ся ко предкомъ нашимъ и къ намъ, и хотѣчи имъ тую сталость ихъ вѣры и послугу щедробливостью нашою панскою отдасть, зъ особливовъ ласки нашео господарскоѣ, вси тые добровольства, листы предковъ нашихъ, дѣда и дяди и отца нашего, королей и великихъ князей ихъ милости, симъ нашимъ листомъ потверждаемъ и права вольныя крестіанскія, добрыя, справедливыя симъ нашимъ привиліемъ на вѣчныя часы даемъ. Напервѣй, въ церкви Божьи и въ имѣнья церковныя намъ не вступатися, въ домъ Божій святой Софій и въ домъ Божій святого Спаса и въ иные дома церковныя намъ не вступоватися. А хто кого обвадитъ явно, або ли таемно, ино намъ его не карати ни одною виною, а ни имѣньемъ, ни нятствомъ, ни серебромъ, ни горломъ, алижъ поставити его очи на очи, на явномъ судѣ хрестіанскомъ, и того хто вадилъ и того на кого вадилъ, и, досмотрѣвши межи ними справедливости, хто будетъ што заслужилъ, какъ право укажетъ, такъ его карати. А который которую вину заслужитъ, ино его самого карати, по его винѣ, а жоны и дѣтей не займати и имѣнья не рушити; ни жъли который будетъ въ томъ дѣлѣ, а то вѣдалъ, тыхъ карати: проступитъ ли отецъ, ино отца карати; проступитъ ли сынъ, ино сына карати, а отца за сынюю вину не карати, а сына за отцову вину не карати, только того самого карати хто виноватъ будетъ. Такъже хто держитъ отчизныя имѣнья свои,

№ 5. а либо кому што будетъ великій князь Витовтъ далъ, и великій князь Швидрыгайло далъ, и дѣдъ и дядя и отецъ нашъ короли ихъ милость што кому дали, и мы што кому дали, то ему держати, какъ въ королевствѣ Польскомъ князи и панове и мѣщане держать: въсхочетъ ли хто свое имѣнье продати, или отдати, или замѣнити съ кимъ, ино намъ, або намѣстникомъ нашимъ явивши продати и замѣнити. А въ купленины намъ Полоцкіе не вступатися, такъже и въ безадщины ихъ и въ отумерщины не вступоватися намъ. Такъже который бояринъ, або мѣщанинъ сойдесть зъ сего свѣта, ино жона тая вдова, доколѣ на вдовѣемъ столыцѣ сѣдитъ, имѣньемъ мужнимъ володаеть; а коли въсхочетъ пойти за иного мужа, ино ее силою замужъ не давати; а пойти ей съ тымъ, што будетъ мужъ записалъ, а штобы то было звѣдомо племени, або инымъ добрымъ людямъ; а имѣнье оставити дѣтемъ, а не будетъ ли дѣтей, ино братья, а не будетъ ли братья, ино ближнимъ первого мужа. Тежъ на боярскіе люди и на мѣщанскіе сябры дѣцкихъ намъ и намѣстникомъ нашимъ не давати. А будетъ ли кому кривда, ино перво у господаря его искати правомъ; пакъ ли не въсхочетъ господарь его подобнымъ рокомъ права учинити, ино намъ и намѣстникомъ нашимъ дѣцкихъ давати; а вина которая будетъ осужена, ино господарю своему заплатити. А въ люди намъ боярскіе не вступатися. А воеводѣ нашему Полоцкому мѣщанъ одному не судити, судити ему зъ бояры и зъ мѣщаны; а черезъ поруку въ нятство не сажати, а по муцѣ вѣры не няти; а холопу и робѣ вѣры не няти жъ. А въ подводы намъ коней не брати въ Полочанъ, ни въ поселскихъ путниковъ, ни въ сябровъ городскихъ; такъже зъ боярскихъ и зъ мѣщанскихъ сель людѣмъ ненадобъ ни на какую службу тягну-

ти къ нашимъ (*) дворомъ. А старыхъ судовъ намъ не посуживати, а ни своихъ судовъ судивши не посуживати. А въ заставу намъ бояръ и мѣщанъ Полоцкихъ и поселскихъ путниковъ не посылати, а заставъ намъ у Полтескѣ некоторыхъ Полочаномъ николи не давати, безъ ихъ воли. А съ нами имъ быти готовымъ на войну. А по волости нашей воеводѣ нашему не ѣздити; а побѣдетъ ли въ ловы, ино по станомъ его не даровати. А станетъ ли въ которого Полочанина татьба, а допущутися татьбы, ино господарю отдати, а чего не достанетъ, ино татя выдати. А бобры гнати по старой пошлинѣ. Такъже важницю въ замку, або въ мѣстѣ нашемъ Полоцкомъ, которую перво того держали бояре посполъ зъ мѣщаны, за предковъ нашихъ, за дѣда нашего Казимира короля его милости, а потомъ съ тою важницю дядя нашъ Александръ король его милость платъ былъ взялъ ко скарбу его милости, ино король его милость старшій, панъ а отецъ нашъ, зася тую вагу и платъ зъ нее бояромъ и мѣщаномъ дати рачилъ; а такъ и мы, зъ ласки наше, при той важницю ихъ заховываемъ: маюти они по давному на-полы, подлѣ уставы предковъ нашихъ, ее мѣти, то есть, маюти въ каждый годъ держати по два боярины а по два мѣщанины, и платъ зъ нее выбирать, и свою половину маюти обернути на свои потребы. Такъже которые дома и мѣстца церквамъ Божиимъ наданы злавна отъ предковъ нашихъ, або владыка, и игуменья, и иные князи, и бояре, и мѣщане и люди добрые прикупили къ церквамъ Божиимъ, а тые дома и мѣстца суть въ замку, або середь мѣста Полоцкого: и будутъ ли за панованье шастливой памяти дѣда нашего Казимира короля его милости, владыка и игуменья на тыхъ звѣчныхъ мѣстцахъ церковныхъ за собою слуги и иные

(*) Въ старин. сп. слово это написано сѣтно и съ тѣтломъ, такъ: «кнѣжимъ»; но, кажется, нельзя читать его «кнѣжимъ».

закладни мѣли, мы и теперь владыцѣ и игуменю дозволяемъ на тыхъ мѣстцахъ и въ тыхъ церковныхъ домѣхъ слуги и иные закладни за собою мѣти, и ихъ судити, а то тымъ обычаемъ: ижъ маюти имъ служити, а поземъ имъ господаремъ своимъ съ тыхъ мѣстецъ маюти давати; и будутъ ли ся которые зъ нихъ торгомъ обыходити, они маюти серебрящизну и ордынщины зъ мѣстомъ нашимъ платити; а которые за мѣстомъ фолварки, поля и сѣножати церковные владыка и игуменья маюти, на тыхъ полѣхъ и сѣножатехъ не маюти торговыхъ людей, а ни ремесленыхъ за собою садити, ни жъли маюти садити людей сельскихъ, которые бы тамъ хлѣбъ пахали. Такъже бояре Полоцкіе, тымъже обычаемъ, которые зъ нихъ отчизные свои дома и мѣстца внутри города маюти, або на мѣстѣ Полоцкомъ, и тежъ если будутъ еще за дѣда нашего Казимира, и за дѣда нашего Александра, и за отца нашего, королей ихъ милости, отцы ихъ и они сами слухнымъ, а врядовымъ обычаемъ которые дворища купили, або съ данины ихъ милости маюти: тымъ и теперь мы дозволяемъ на тыхъ дворищахъ слугъ и людей за собою садити, и ихъ судити. Потомужъ который бы зъ нихъ хотѣлъ купецствомъ або ремесломъ каковымъ ся обыходити, тые маюти зъ мѣщаны нашими серебрящизну и ордынщину платити и иные слухные податки, ко пожитку нашему земскому. А што ся тычетъ серебрящизны, которую войтъ и бурмистры и радцы на свои потребы кладутъ на мѣсто наше, церковнымъ того людѣмъ и боярскимъ помогати ненадобѣтъ. И тежъ которые бояре будутъ мѣти близко мѣста зъ стародавна свои лѣсы и боры и дубровы и гаи, въ тыхъ ихъ лѣсахъ и борѣхъ и дубровахъ и гаѣхъ не маюти мѣщане на свои потребы мѣстскіе дерева брати на будованье домовъ и на дрова, ни жъли маюти мѣщане на свои потребы брати дерево около мѣста, въ нашихъ борѣхъ и лѣсахъ и дубровахъ и гаѣхъ, гдѣ злавна будутъ

бирали, а въ боярскихъ не маюти брати; а № 5. если бы который бояринъ, своею доброю волею, дозволилъ мѣщаномъ въ своемъ лѣсѣ и борѣхъ и дубровахъ и гаѣхъ дерево брати, ино то есть въ его воли. Такъже у которого Полочанина загудятъ воскъ въ Ризѣ или индѣ, а прѣдетъ до Полоцка, ино Полочаномъ взяти тотъ воскъ до Полоцка, къ собѣ въ городъ; а карати его Полочаномъ по своему праву, а намъ въ тое не вступатися. А Полочаномъ нашихъ рѣкъ и озеръ не таити; а хто потаитъ, мы ихъ карати маемъ. А Полочаны намъ не даритися никому. Такъже есмо и мыта имъ отпустили по всей нашей державѣ, и тежъ серебрящизну отпустили есмо вѣчнѣ. А которые Полочане побьются межи собою, а за дѣцкимъ поеднають ся, ино намъ куница шерстью зъ мирщины; такъже коли посварятся Полочане и выддутъ ся оба въ кольцо, ино то вина наша; а если одинъ выдасть ся, а другій не выдасть ся, то есмо имъ отпустили. А за закладную куницу брати по десяти грошей, а поборцу два грошы, такъже дѣцкованья отъ рубля по чотыри грошы, а по мильного по грошу; а владычному слугѣ и боярскому потомужъ дѣцкованье. А воеводинымъ слугамъ тивунства городского не держати, и съ тивуномъ воеводинымъ слугамъ по волости Полоцкой не ѣздити; а тивуну городскому на нашъ дворъ давати по три грошы на день. А на Черсвати воеводинымъ слугамъ не судити, судити тивуну по старой пошлинѣ; такъже на Невли судѣ не быти, и по всей волости Полоцкой, судити воеводѣ на городѣ. А такъже владыцѣ на попѣхъ Полоцкихъ соборная куница шерстью, а въ пригонѣ попомъ и игуменомъ къ владыцѣ не ходити; а церковные дома присмотряти старостамъ городскимъ, а церковныхъ земель владычнымъ слугамъ не держати. А гривострыжцу по волости не ѣздити, а ни льву брати. Такъже намъ господарю давати воеводу нашего Полочаномъ по ихъ воли. А прѣхавши воеводѣ

№ 6. нашому къ Полоцку, первого дня крестъ цѣловати Полочаномъ, на томъ, штобъ безъ ихъ sprawy Полочанина не карати ни въ чомъ; а воеводу городомъ не даровати. Тежъ Полочаномъ всимъ жити въ Полоцку добровольно, покуль хто хочеть; а будетъ ли которому Полочанину отъ насъ насильство, намъ его силою не дѣржати, ино ему путь чистъ, куды хто хочеть, безъ всякоѣ зацепки; а въ своемъ имѣньи во всемъ воленъ, пдучи прочъ прода-ти, або которому пріятелю своему приказати, въ то намъ не вступатися. А который Полочанинъ иметъ намъ о чомъ жаловатися, о насильи на Полочанина, пріѣхавши до Литвы одинъ, безъ истца: намъ зъ Литвы дѣцко не слати, писати намъ листъ свой къ воеводѣ нашему, хотя о смертной винѣ, ино ему судити по цѣлованью, а осудивши его, въ Полоцку жъ карати виноватого, по ихъ праву, съ Полочанъ по испросу; а воеводѣ нашему отъ пригоновъ городскихъ посуловъ не брати. А чоломбитъ намъ у Полочанъ пріймати. Такъ же воеводѣ нашему отъ варъ имати гостиницы, по полукопъ грошей со всякоѣ вары. А на твердость того всего, и печать нашу казали есмо привѣсити. А при томъ были панове рады наши великого князства Литовского: бискупъ Виленьскій князь Павелъ, княжа Ольшанское; воевода Виленьскій, канцлеръ великого князства Литовского, державца Бобруйскій и Борисовскій панъ Янъ Юрьевичъ Глѣбовичъ; панъ Виленьскій, державца Упвтскій панъ Григорей Григорьевичъ Остикъ; воевода Троцкій князь Янушъ Юрьевичъ, княжа Ольшанское; панъ Троцкій, староста Жомотьскій, державца Плотелскій и Телшовскій панъ Еронимъ Александровичъ Ходкевичъ; маршалокъ земскій, державца Шавленскій панъ Миколай Яновичъ Радивилъ; воевода Кіевскій князь Фридрихъ Глѣбовичъ Пронскій; воевода Полоцкій панъ Станиславъ Станиславовичъ Довойна, и иные панове рады наши. Писанъ и данъ у Вильни, лѣта Божьего

нaroжeнiя 1547, мѣсяца Феврала 21 дня, индикта 5. — У того листу привилея подписъ руки короля его милости тыми словы: «*Sigismundus Augustus Rex*,» а подпись руки писарекоѣ тыми словы: «Иванъ Горностаѣ, маршалокъ дворный, подскарбій земскій и писарь.»

Сіа грамота подтверждена Королемъ Стефаномъ Баторіемъ 1580 г., Мая 7. Обѣ привилегиі вписаны, слово въ слово, въ Актову Книгу земскія воеводства Полоцкаго, того же года Октября 8. Выписка изъ сихъ книгъ (widymus) писана на двухъ вмѣстѣ сшитыхъ листахъ, современнымъ почеркомъ, безъ строчныхъ знаковъ. На ней скръпна: Юрей Котовицкій, писарь земскій Полоцкій. Двѣ судейскія печати, приложенныя къ акту, отклеились. Ветхъ.

Изъ архива Полоцкой Духовной Консисторіи.

6. — 1547 Марта 6. Окружное посланіе Кіевского митрополита Макарія Литовско-Русскому православному духовенству и мирянамъ, о пожертвованіяхъ на возобновленіе Успенской церкви въ Львовѣ.

Благословеніе Макарія, Божіею милостію архіепископа митрополита Кіевского и Галицкаго и всея Руси, о Святомъ Дусѣ возлюбленнымъ еже о Христѣ сослужебникомъ, богомолцомъ и братіи нашего смиренія, освященнымъ и боголюбивымъ епископомъ, честнымъ архимандритомъ и игуменомъ, протопопомъ, священникомъ, діакonomъ и всимъ причетникомъ святыхъ Божіихъ церквей, туто жъ о Святомъ Дусѣ возлюбленнымъ, благовернымъ и христіюлюбивымъ сыномъ нашего смиренія, княземъ и паномъ, княгинямъ и панямъ и почетнымъ вдовамъ, воеводамъ и старостамъ и ихъ милости намѣстникомъ, паномъ земляномъ, бояромъ и дворяномъ, войтомъ, бурмистрамъ, радцамъ, мѣщаномъ и всимъ православнымъ христіянамъ нашего закону Греческаго, вѣрующимъ безъ порока во всесвятую Живоначалную Троицу, будучимъ въ панствѣ

господаря нашего у великомъ княжествѣ Литовскомъ и Рускомъ, и ихъ милости жопамъ, молитва наша къ милостивому Богу за всѣхъ вашей милости, дѣтей нашихъ, здравіе всегда. Даемъ вашей милости вѣдати, штожъ тыхъ часовъ присылали до насъ намѣстникъ нашъ Галицкій, Львовскій и Каменца Подольского, епископъ Макарій, и всѣ мѣщане Ильвовскіе богомолца городского и нашего, священника Михаила, а двухъ мѣщанъ Ильвовскихъ же Якова и Павла, повѣдаючи о томъ, штожъ церкви Успенія Пречистой Богородицы въ мѣстѣ Львовскомъ муръ распадался на полы, и, чого Боже вховай, абы въ короткомъ часѣ тотъ муръ на кгрунтъ не палъ и людемъ побитья и школы накладу церковному не полѣзлъ; гдѣ жъ они хотячи на томъ же мѣстѣ церкви новую Успенія Пречистой Богородицы змуровати, просили насъ за то, абыхмо о томъ до вашей милости, за ними въ причинѣ, листъ нашъ писати казали. Про то мы вашу милость дѣтей нашихъ благословляемъ, и велико жадаемъ, абы ваша милость рачили того священника Михаила и тыхъ двухъ товаришовъ его, мѣщанъ Львовскихъ, латкомъ своимъ запомочъ, што кому Богъ милосердый на сердца положить, чимъ бы они тотъ храмъ Пречистой Богородицы знову змуровати мѣли; а то бы ваша милость рачили рчинити для своего богомолья и душевного спасенія, памятуячи святое писаніе, еже рече: «Господи, благослови и освяти любящихъ благолѣпіе дому твоего, и мѣсто великія славы твоея;» и паки: «хто коли ко хвалѣ Божіей строитъ земная, тому его святая милость уготоваетъ небесная». А мы въ томъ споручницы ся вашей милости даемъ, ижъ его святая милость воздастъ то вашей милости, стократнымъ возданіемъ въ царствіи своемъ небесномъ. При томъ милость Божія и пречистой его Матери, и нашего смиренія благословеніе и молитва да есть съ вашею милостію и на домѣхъ вашихъ всегда. Писанъ въ Новѣгородку, подъ лѣто

Божія naroжeнiя 1547, мѣсяца Марта 6 дне, № 7. индикта 5.

Подлинникъ, хранящійся въ Львовскомъ Старапропигіальномъ архивѣ, писанъ на бумажномъ листѣ, четкою современною скорописью. Лѣтосчисленіе церковными буквами. Въ концѣ грамоты своеручная митрополитѣя подпись, крупною вязью: Волею Божіею Макарій, архіепископъ митрополитъ Кіевскій, Галицкій и всея Руси. Тутъ же остался знакъ, что приложена была печать.

Доставленъ въ Археографическую Коммиссію, въ списокъ, заграничнымъ Корреспондентомъ Г. Зубрыцкимъ.

7. — 1548 Феврала 22. Грамота Кіевского митрополита Макарія Луцкому православному епископу Θεοδοсію, о допущеніи священника Тимофея къ служенію въ Клеванской Троицкой церкви, по предоставленному ему на то праву владѣльцемъ.

..... ю милостію, архіепископъ митрополитъ и всея Дусъ возлюбленному еже о Христѣ сослуж молцу смиренія, честному епископу владыцѣ Луцкому и скому пу Θεοδοсію, молитва наша къ милостивому Богу О здоровьи твоей милости, богомолца нашего, ради слышимъ, и каждого часу, слышачи, съ того милостивого Бога хвалимъ и духовнѣ ся тому веселимъ. Тыхъ часовъ присылаѣ до насъ богомолецъ нашъ, священникъ бывшій Воскресенскій Луцкій Тимофей, повѣдаючи о томъ, штожъ дей онъ взялъ церковь въ имѣньи князя Ивана его милости Чорторыйского, старостича Луцкого, святоѣ Троицы, въ Клевани; и твоя дей милость, нѣтъ вѣдома въ который обычай, ему службы Божьи въ той церкви святоѣ Троицы служити забороняешъ, а не для иншоѣ жадноѣ причины, одно для той, ижъбы онъ въ имѣньи князя его милости не былъ. А такъ

№ 8. мы твою милость, брата нашего, благословляемъ и напоминаемъ, абы твоя милость тому священнику Тимошею, въ имѣннѣ князя его милости, въ церкви святой Троицы службы Божьей служить не заборонялъ, и въ томъ ему жадной переказы не дѣлалъ, и заховалъ бы ся твоя милость ко князю Ивану его милости во всемъ. А милость Божья и пречистой его Матери, и нашего смиренія благословеніе и молитва да есть съ честнымъ епископствомъ твоей милости всегда. Писанъ въ Новгородку, мѣсяца Февраля въ 22 день, индикта 6.

Подлинникъ писанъ на бумажномъ полулистѣ, современною скорописью, безъ строчныхъ знаковъ. Литосчисленіе церковными буквами. Въ концѣ грамоты своеручная митрополичья подпись, крупною вязью: волю Божію Макарей, архіепископъ митрополитъ Кіевскій, Галицкій и всеа Руси. Бывъ сложенъ и запечатанъ желтовосковою печатью, импѣтъ на пакетъ надпись: О святѣмъ Душѣ возлюбленному еже о Христѣ сослужбнику и богомолцу и брату нашего смиренія, честному епископу владыцѣ Луцкому и Острозскому отцу Оеодосію. Ветхъ.

Хранится въ Императорской Публичной Библиотекѣ.

8. — 1548 Декабря 7. Окружная королевская грамота, о воспрещеніи женскому полу беззаконствовать и вступать въ сожитіе съ Жидами, Турками и Татарами, а купцамъ и ремесленникамъ торговать и работать въ воскресные и праздничные дни, съ предоставленіемъ Виленскому бискупу суда надъ виновными.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, княземъ, паномъ, и воеводамъ, старостамъ, державцамъ, намѣстникомъ, тивуномъ, кнегинямъ, панямъ вдовамъ, бояромъ и дворяномъ нашимъ, войтомъ, бурмистромъ, радцамъ и всемъ мѣщаномъ, и подданнымъ

нашимъ, и тежѣ князьскимъ и панскимъ духовныхъ и свѣтскихъ. Присылалъ до насъ князь Павелъ, бискупъ Виленскій, повѣдаючи о томъ, ижѣ дей по мѣстѣхъ и дворѣхъ нашихъ и имѣннѣхъ вашихъ, промежи васъ подданныхъ нашихъ, многіи невѣсты мужовъ своихъ опускаючи свое воли вживають, и не въ законѣ мѣшкають, и, будучи хрестьянки, зъ Жиды, съ Турки, съ Татары живутъ, чужоложства и иншія збытки чинятъ; которыхъ дей дѣти ихъ они зъ собою беручи у вѣру свою хрестятъ: которыхъ дей передъ тымъ завжды, за таковыи ихъ выступления и вчинки, черезъ служебника его милости было имано и до казни и каранья его давано. Къ тому дей многіи съ подданныхъ нашихъ мѣщанъ Виленскихъ, то есть, ремесленники, золотари, слѣсары, ковали, и тежѣ крамники, кравцы и шевцы, закону Римского, крамы свои раскладываютъ и продають, а иншіи ремесленники въ дни святые робять, недѣли и никоторого свята въ почтливости не мають; которыхъ дей передъ тымъ такъ же за то было имано и до казни его милости давано: и такъ абыхмо и теперь росказали таковыхъ карати. — Про то, которыхъ бы были люди распутныи и своевольныи, и таковыи злыи вчинки и своеволенства пополняютъ, а водлугъ закону хрестьянского вѣры Римскоѣ мѣшкати и заховыватися не хочуть, мы росказали и дали моцъ тому служебнику его милости князя бискупа Виленского, который отъ него уставленъ на то будетъ, таковыхъ выступныхъ, хто бы хотѣлъ то чинити, або чинитъ, гдѣ — козвекъ знашедши мощно имаги, и до казни и каранья его милости, гдѣ того обычай есть, давати; такъ тежѣ и тыхъ своевольныхъ людей, закону Римского, которыхъ дней святыхъ и святъ въ учтливости мѣти не хочуть, за таковыи своеволенства ихъ, такъ же, поймавши, до казни его милости давати, абы они потомъ того ся важить не смѣли, и недѣли и иншіе дни святые у — въ учтливости мѣли, и тыхъ своеволенствъ ся повста-

гали. — И вы бы о томъ вѣдали, и тому служебнику князя бискупа его милости Виленского, который то отъ него въ порученіи своемъ мѣти будетъ, противны въ томъ не были, и еще бы есте на таковыхъ помочь ему давали, конечно, абы то инакъ не было. Писанъ въ Петровъ, подъ лѣто Божьего нарощенія 1548, мѣсяца Декабря въ 7 день, индикта 7.

Подлинникъ писанъ на тонкомъ пергаменномъ листкѣ, современною скорописью, почеркомъ четкимъ и твердымъ, но безъ строчныхъ знаковъ. Литосчисленіе церковными буквами. Королевской подписи нѣтъ. Внизу грамоты скръпъ: Валеріанъ писарь. Печать Литовскаго княжества небольшая, подъ кустодією.

Изъ архива Виленскаго Капитула. См. рукоп. Бѣлор. Арх. др. грамотъ, Ч. II, стр. 147 — 148, принадлежащую Археографической Комиссіи.

9. — 1549 Марта 15. Королевская грамота Гомельскимъ державцамъ, о неприкосновенности угодьевъ, пожалованныхъ Можайскимъ княземъ Симеономъ Ивановичемъ Николаской церкви въ Гомель, и несужденіи церковныхъ людей.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, державцу Гомейскому пану Яну Христовичу и инымъ державцомъ нашимъ, хто напотомъ будетъ отъ насъ Гомей держати. Тыхъ часовъ повѣдали передъ нами священники Рускіе церкви святого Николы, ижѣ князь Семенъ Можайскій записалъ на церковь святого Николы, у Гомы, двѣ земли, Севостьяновщину а Богдановщину, съ пашнями и зъ деревомъ бортнымъ и со всемъ съ тымъ, яко ся тыи земли зъ давныхъ часовъ въ собѣ мають и што къ нимъ прислухаетъ; на штожъ они и листы князя Семеновы передъ нами оказывали, въ которыхъ описуетъ: ижѣ бы люди на тыхъ земляхъ сѣдѣли, тогда священники

№ 9. мають ихъ судити и рядити, а державцы Гомейскіе тыхъ людей церковныхъ не мають судити, а ни рядити, а ни дѣцкихъ своихъ до нихъ всылати о кождую рѣчь, окромъ городского дѣла; а кликовщины они мають давати зъ земли по три грошы, а у — въ оступъ ходити, а черезъ то вжо ни во што вступатися не мають, а ни пожитковъ жадныхъ на нихъ не брати, а ни вымышляти. Которые жѣ дей люди они держали съ упокоемъ немалый часть, и тепере держатъ: нижли будучи отъ насъ на Гомью державцою, небожчикъ панъ Янъ Дорошкѣвичъ почалъ былъ тымъ людямъ ихъ кривды и утиски великіи чинити, и повинны вводити, и дѣцкихъ своихъ до нихъ всылати; кгдажъ они на тотъ часъ о томъ королю его милости, пану и отцу нашему жаловали и били его королевской милости чоломъ, абы его милость рачилъ ласку свою вчинити и оборону свою имъ въ томъ вѣдати: и его королевская милость, за жалобою ихъ, до пана Яна Дорошкѣвича листъ свой писати казать рачилъ, приказуочи ему, абы онъ въ тыхъ земляхъ далъ имъ впокой, и въ нихъ ся ничимъ не вступовалъ, и заховалъ ихъ водлугъ листовъ князя Семена Можайского. Кгда жѣ дей небожчикъ панъ Янъ Дорошкѣвичъ въ томъ имъ, за россказнемъ его королевскоѣ милости, впокой былъ далъ: нижли вжо ты, будучи отъ насъ на Гомью державцою; кривды и повинны имъ чинишь, и въ тые земли вѣзжати имъ забороняешь, и пожитки съ тыхъ земель на себе брати кажешь. — Кгдажъ они били намъ чоломъ, абыхмо листъ отъ себе, такожъ оборону въ томъ имъ дали: про то приказуемъ тобѣ, абы еси въ тые земли ихъ не вступалъ, и имъ добровольного вѣзду въ тыи земли и въ люди, которые на тыхъ земляхъ сѣдять, не заборонялъ, и пожитки съ нихъ брати имъ допускалъ, и во всемъ ся къ нимъ спокойнѣ водлугъ листовъ князя Можайского заховалъ, и тыхъ бы еси только повинностей съ тыхъ людей ихъ смотрѣлъ, ко-

№ 10. торые князь Можайскій въ листъ своемъ описалъ и къ замку Гомейскому полнити ихъ имъ казалъ. Нижли жъ бы тая рѣчь иначе ся въ собѣ мѣла, нижли они намъ справу дали: и ты бы о томъ до насъ листъ свой отписалъ и достаточнѣ справу около той рѣчи намъ далъ; а мы на онъ часть, выrozumѣвши съ писанья твоего, то съ тымъ вчинимъ, што будетъ слушного и справедливого. Писанъ у Вильни, подъ лѣто Божьего нарощенья 1549, мѣсяца Марта въ 15 день, индикта 7.

Подлинникъ писанъ на бумажномъ полулистѣ, современною скорописью, безъ строчныхъ знаковъ. Алфавитъ церковными буквами. Королевской подписи нѣтъ. Внизу грамоты скръпъ: Валеріанъ писарь. На оборотѣ ея находится слѣдующая приписка: Року 1621, мѣсяца Іюня 15 дня, въ Бозѣ велебный е. м. куръ Іоасафъ Кунцевичъ, архіепископъ Полоцкій, къ актиковавню до книгъ земскихъ Полоцкихъ у суду покладалъ. — «Михаилъ Тишкевичъ, писарь земскій Полоцкій.» Она подтверждена вторично Сигизмундомъ Августомъ, 1568 г. Января 24, и потомъ королемъ Стефаномъ Баторіемъ, 1584 г. въ Мартѣ.

Хранится въ архивѣ Полоцкой Духовной Консисторіи.

10. — 1551 Августа 15. Жалованная подтвердительная грамота Кіевскому Печерскому монастырю, на возобновленіе въ немъ монастырской общины, съ изложеніемъ правилъ оной.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, чинимъ знаменито сямъ нашимъ листомъ, хто на него посмолитъ, або чтучи его услышитъ, нынѣшнимъ и напотомъ будущимъ, кому будетъ потреба того вѣдати. Били намъ чоломъ архимандритъ монастыря пречистого

Богоматери Печерского Ларіонтъ и крылошане и застолпники и вся братья того монастыря, и повѣдили передъ нами, штожъ воевода Кіевскій князь Фредрихъ Глѣбовичъ Пронскій, съ дворяниномъ нашимъ Павломъ Оранскимъ, зъ волею и розказаньемъ нашимъ, въ томъ монастыри Печерскомъ, водѣ привилія и подтверженья короля его милости Жикгимонта, отца нашего, общину вчинилъ, и всю науку, яко ся мають справовати, на листъ своемъ имъ выписалъ; на што и листъ постановленья той общины передъ нами покладали и били намъ чоломъ, абыхмо на то дали имъ нашъ листъ и тую общину подтвердили имъ нашимъ листомъ. Ино мы того листу князя воеводы Кіевского оглѣдавши, для певности, казали есмы его слово отъ слова въ сѣхъ листъ нашъ вписати, который такъ ся въ собѣ маеть:

«Зъ розказанья господаря нашего, короля его милости Жикгимонта Августа, я Фредрихъ Глѣбовичъ Пронскій, воевода Кіевскій, державца Чорнобыльскій, а при немъ восполкъ былъ отъ господаря его милости посланный дворянинъ его милости Павелъ Григорьевичъ Оранскій. Ижъ што перво сего святого и славного памяти господаря нашъ, король его милости старшій Жикгимонтъ, панъ отецъ его милости, хотѣчи, ижъбы въ монастыри Печерскомъ святого Пречистого, въ Кіевѣ, община вѣчными часы была, и хвала Божья ся розмножала, и врядъ и справа ся въ немъ заховала, на которую жъ общину король его милости старшій и привилей (*) свой дати былъ рачилъ; гдыжъ за тымъ розказаньемъ его милости, тая община въ томъ монастыри первъй сего за архимандрита Игнатя была: нижли по немъ архимандриты Печерскіе, не хотячи той общины мѣти, для своего пожитку, тую общину опустили и ее сказали; и тотъ привилей на тую общину даный, за незычливостью и недозрѣньемъ, въ невѣдомости отъ нихъ

былъ страчонъ: ино, коли тотъ привилей до рукъ короля его милости старого приполъ, и зася его милость къ тому монастырю тотъ привилей отдать рачилъ. Потомъ вси старцы монастыря Печерского жаловали и оповѣдали господарю нашему, королю его милости, ижъ архимандриты ихъ Печерскіе той общины мѣти не хотятъ, и, держачи тотъ монастырь, великое знищенье и шкоды ему чинятъ, беручи платы и доходы дѣтей и кровныхъ своихъ тымъ запомагають: за чимъ вже тотъ монастырь, за ихъ знищеньемъ, на конецъ зъубожалъ, и церковь Божья опала, и имѣнья и подданныхъ церковныхъ грабятъ, и винны великіе на нихъ берутъ. Гдыжъ они о томъ были чоломъ теперешнему господарю нашему, королю его милости, абы въ томъ монастыри община зася водѣ привилія короля его милости старого была установлена; и его милость господарь нашъ король, бачучи отъ архимандритовъ таковыя кривды и шкоды непобожныя, а хотячи мѣти, абы водѣ привилія пана отца его милости и его милости подтверженья, на вѣки вѣчныя община въ томъ монастыри встановлена была, писалъ его милость до мене, абыхъ есми посполъ съ тымъ дворяниномъ его милости господарскимъ Павломъ Оранскимъ, общину въ томъ монастыри вчинилъ, и всякіе рѣчи списалъ, и на писемъ имъ далъ, которымъ обычаемъ архимандриты и старцы мають ся въ монастыри справовати. Я маючи розказанье и науку отъ господаря его милости, въ томъ монастыри Печерскомъ, водѣ привилія короля его милости старого, и тежъ водѣ привилія подтверженья короля его милости господаря нашего теперешнего, общину есми на вѣки вѣчныя вчинилъ, и всю науку, какъ ся они мають справовати, на томъ листъ моемъ выписалъ, и вричниковъ, иконома и полатника установилъ, и имъ у справу и въ моцъ яко монастырь и старцовъ, такожъ имѣнья и всѣхъ подданныхъ монастырскихъ отъ мала и до велика подаетъ. А што ся доты-

четъ общины и справы и вриду и постановленья, архимандриты и старцы завжды воевочную службу по недѣлямъ и по праздникомъ мають мѣти, и во всемъ ся справовати водѣ правилъ Святыхъ Отецъ, и за господаря его милость Бога просити. А што ся ткнетъ сорокоустовъ, панафидъ, молебновъ и призывовъ, то маеть бити архимандриту съ крылошанымъ по половицы. А которые души у вѣчистыхъ синаникъ и въ суботникъ вписываются, тые пѣнязи мають бити до екарбу церковного на полату; и тежъ, коли хто кого привезеть до того монастыря тѣло его ховати, и прикрыто будетъ чимъ тѣло его, то е покрывало маеть брано бити до полаты. А которого бы индѣя и пана и земнина, або и мѣшного стану привезено было тѣло его на похованье до монастыря, архимандриты и старцы жадного торгу чинити не мають, але мають то взяти, штожъ хто водѣ можности своею дастъ. А который чернецъ умретъ, и зостанеть ли ся што по немъ пѣнязей и статку, то маеть во живото его взято бити на полату, а его мають поховати и душею его печаловатися; а который бы не мѣлъ у себе ничего, тогда мають его поховати и душею его ся печаловати, такъ же яко и того, хто зоставитъ што по собѣ: проведъ надъ нимъ чинити, и сорокоустъ пѣти, и въ помянникъ душу его вписати. Архимандритъ и старцы завжды въ одномъ мѣстцы у трапезѣ мають ѣсти и пити, и при столѣ чтенье честей. Къ тому тежъ, што ся дотычетъ старцовъ, крылошанъ и застолпниковъ, они безъ дозволенья архимандричьего и икономова изъ монастыря нигдѣ ходити не мають; а которые бы изъ нихъ, своею волею, зъ монастыря безъ ихъ дозволенья ходити мѣли, або мѣшкаячи въ монастыри хто въ чимъ — келвекъ выступилъ, тогда таковыхъ архимандритъ зъ братьею, обмовивши, мають за то карати водѣ права ихъ духовного; а естли бы который не мѣлъ послушенъ бити, такового зъ монастыря мають выслати. А што ся дотычетъ

(*) См. Акт. Зап. Росс. Т. II, № 112.

№ 10. келій и садовъ ихъ братейскихъ, то все маеть въобщь быти. А который братъ своею волею хотѣлъ бы зъ монастыря прочь пойти, тому кельи свое не продавати, а ни съ полаты за то пѣнязей ему не откладывати: маеть тая келья обще быти, одножъ маеть маетность свою побрати. Архимандриту и крылошаномъ и всей братии одежда и дрова зъ скарбу церковного маеть имъ давана быти. А чернцы въ кельяхъ своихъ бѣлцовъ и робятъ держати и всякихъ живностей мѣти не мають: лечъ архимандритъ для послуги свое слугу и хлопца мѣти маеть. А къ тому, што ся ткнетъ печати церковноѣ, архимандриты у себе ее держати не мають, одножъ тая печать маеть быти въ скарбѣ церковномъ, за ключомъ архимандричимъ и икономовымъ; а коли печати будетъ потреба, тогда полатникъ маеть до нихъ тую скриньку приносити. А што ся дотычетъ платовъ и доходовъ, и даней грошовыхъ и медовыхъ, и въѣздовъ по имѣньямъ и иншихъ доходовъ, и роздаванья врьдовъ въ имѣньяхъ церковныхъ, и церквей подаванья, и всихъ пошлинъ, судовъ и присудовъ: архимандриты въ жадные sprawy, ни во што ся вступовати на вѣки вѣчные не мають, одножъ ему церковную справу вѣдати; але все икономъ съ полатникомъ и братьею у своей моцы мѣти мають, и платы и доходы выбирать, и до скарбу церковного брати, и на потребности церковные оборочати. А личбу какъ съ приходовъ, такъ и съ расходовъ, икономъ съ полатникомъ два кротъ на годъ архимандриту и всей братии со всего мають чинити; а естли бы тотъ икономъ, або полатникъ не мѣлъ добръ ся справовати, тогда архимандритъ посполъ съ братьею на то мають обрати годного и на его мѣсто установити, а того нерадного выстановити, абы для того церкви Божьей и всей братии шкоды не было. Архимандриты и старцы зъ Москвы и зъ Волохъ чернцовъ до монастыря пріймовати, и межи собою ихъ переховывати, и въ чернцы ихъ

оттолъ становити не мають. Которую жъ общину вси чернцы того монастыря Печерского, водлѣ привилія короля его милости старого, и тежъ водлѣ подтверженья и розказанья господарьского, на вѣки вѣчныи приняли и ухвалили, на штожъ есьмо, посполъ съ тымъ дворяниномъ господарскимъ Павломъ Оранскимъ, ихъ милости старцомъ Печерскимъ дали сесь нашъ листъ, зъ нашими печатями. А при томъ были земляне Кіевскіе: пацъ Василей Коташевичъ, а панъ Федоръ Тиша, а намѣстникъ митрополій и Софійскій панъ Василей Панковичъ. Писанъ въ Кіевѣ, подъ лѣты Божьего нароженья, тысяча пятьсотъ чотыридесятъ девятого, мѣсяца Іюля двадцать четвертого дня, индикта седмого.» И зъ ласки наше, на чоломбѣ ихъ и тежъ для хвалы Божьей и богомолства нашего вѣчного, то есьмо вчинили, и на то даемъ имъ сесь нашъ листъ, и тую общину въ томъ монастыри пречистоѣ Богоматери Печерскомъ, отъ князя воеводы Кіевского, водлѣ привилія и подтверженья короля его милости Жикгимонта, славной памяти отца нашего, зъ волею и розказаньемъ нашимъ постановленую, подтверждаемъ симъ нашимъ листомъ, ижъ маеть быти держана по тому, яко въ томъ листѣ князя воеводы Кіевского есть выписано, ни въ чомъ непорухомо, нынѣ и потомъ, на часы вѣчны. А на твердость того, и печать нашу казали есьмо привѣсити къ сему нашему листу. Писанъ у Вильни, подъ лѣты Божьего нароженья, тысяча пятьсотъ пятьдесятъ первого, мѣсяца Августа въ пятыйнадцатъ день, индиктъ девятый. — Въ томъ привиліи подпись руки короля его милости. «Иванъ Горностай, маршалокъ дворный, подскарбій земскій и писарь.»

Изъ Литовской Метрики (Acta Magni Ducat. Litv., рукоп., in fol. пол. XVI в., Запис. кн. XXXV, л. 36—39), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привиліей архимандриту и всимъ чернцомъ монастыря Печерского,

на общину, або на учиненье порядку во всякихъ справахъ, яко ся рядити и справовати мають, водлѣ привилія короля Жикгимонта первого.

11. — 1551 Октября 18 и Ноября 20. Уставы данные Литвѣ и областямъ Жмудьской и Волынской, на второмъ Виленскомъ сеймѣ.

I. — Ухвала и постановенье съ сойму валного Виленского, на день святого Лукаша справовано, лѣта Божьего 1551, мѣсяца Октября 18 дня.

На великомъ валномъ соймѣ будучи господарю королю его милости и великому князю Жикгимонту Августу, со всеми паны радами своими, у Вильни, чинили прозьбы свои до его милости княжата, панята, шляхта и все рыцерство великого князства Литовского, которые и на писмѣ достаточнѣ доложивши господарю его милости подали: на которые жъ ихъ прозьбы отъ его милости господаря имъ суть въ тые слова вчинены отказы.

Артикулъ 1. Прозьба. Напервѣй, што есте просили господаря, абы его милость съ паны радами своими рачилъ углянути у привилія и вольности земскіе, и то, што бы ся въ нихъ нарушило, абы рачилъ казать поправити. *Отказъ.* На то господарь его милость казалъ вамъ повѣдити, ижъ то его милость зъ ласки и зъ добротливости свое паньскоѣ рачитъ вчинити, и въ тые привилія земскіе пану канцлеру его милости великого князства углянути роскажетъ, и то што ся слушного видѣти будетъ, его милость господарь подлѣ прозьбы ваше учинити кажетъ.

2. *Прозьба.* Што тежъ есте господаря его милости напомнимъ, абы чужоземцы имѣней не посѣдали, а урядовъ некоторыхъ правомъ абы не держали, але ижъбы сыномъ и обывателемъ великого князства врьды даваны были, со всеми пожитки давными; а што бы было отъ которого отышло, абы то было привернено; а службу земскую абы зъ урядовъ и

зъ достойности всихъ ухвалено, водлѣ можности урядовъ. *Отказъ.* На то господарь его милость казалъ вамъ повѣдити: што ся дотычетъ того впомянанья вашего, вѣдаете то сами, ижъ паньства его милости господарскіе вси суть не замкнуты, и есть вольно каждому пріѣхати и отѣхати, купити и продати; а ижъ чужоземцы имѣнья посѣдають, въ томъ иныи никто не есть виненъ, одно тотъ самъ, который чужоземца на маетность свою пріймуетъ и имѣнья свои ему продаетъ: кгда бы есте ихъ на маетности свои не пріймовали и имѣней имъ не продавали, они бы тежъ тыхъ имѣней вашихъ не посѣдали. А што ся дотычетъ роздаванья врьдовъ тымъ чужоземцомъ, ино его милость господарь не маеть вжо воли имъ врьдовъ давати. А што просите, ижъбы то было зася къ тымъ врьдомъ привернено, што отъ которыхъ пожитковъ врьдничихъ отышло, штобы на томъ врьдники не шкодовали: ино господарь его милость утраты и шкоды никому не зычитъ; а такъ, хто бы кольвекъ въ тыхъ врьдахъ въ чомъ собѣ школу быти бачилъ, тотъ нехай врьдъ спуститъ, а шкоды не пріймуетъ.

3. *Прозьба.* За тымъ, што есте господаря его милости просили, абы его милость рачилъ ховати дворъ Литовскій на дворъ своемъ господарьскомъ, тубылцовъ тутошнего паньства своего великого князства Литовского. *Отказъ.* Его милость господарь тую прозьбу вашу отъ васъ рыцерства своего ласково пріймовати и въ бачности и въ памяти своей паньской мѣти рачитъ, и часу инышого о томъ съ паны радами своими мыслити будетъ, яко бы дворъ его милости господарскій хованъ былъ.

4. *Прозьба.* Потомъ што есте написали и прозьбу вчинили, абы врьды, такъ дворные, яко тежъ и иныіе вси посполито были во вланостяхъ своихъ и въ доходѣхъ и въ пожиткахъ по давному захованы. *Отказъ.* На то его милость господарь казалъ вамъ повѣдити, ижъ его милость рачитъ быти того добръ свѣ-

№ 11. домъ, яко ся предки его милости къ вашимъ предкомъ, около таковыхъ вѣдѣвъ, водѣ за-слугъ ихъ заховывали : тымъ же тежъ обычаемъ и его милость къ вамъ подданнымъ своимъ заховати ся рачить, водѣ давного обычая.

5. *Прозьба.* А што есте прозьбу вашу вчинили къ его милости господарю, абы вѣды безъ причины не были браны никому, але олижъ съ очевистого мовенья и съ поконанья правомъ. *Отказъ.* На то его милость господарь казалъ вамъ повѣдѣти, ижъ вѣды безъ причины и безъ очевистого мовенья и поконанья у правъ, яко первѣй не были браны, такъ и теперъ не мають быти браны, на которыхъ чти и достоинства суть положены и присѣгами утвержены : бо таковыя вѣды и достоинства не отходятъ безъ причинъ слышныхъ; и не только таковыхъ вѣдѣвъ присяжныхъ, але и тыхъ иныхъ посполитыхъ ещо его королевская милость, яко панъ добротливый и хрестіанскій, никому не рачилъ брати, хита, ели бы ея кто въ державѣ, альбо въ намѣстничествѣ своемъ нерадѣ и неслушнѣ и шкодливѣ справовалъ и подданнымъ его королевской милости обтяжливимъ былъ; альбо, ели бы тежъ што скарбъ его королевской милости, для несправы оногъ вѣдника, школовати мѣлъ : таковымъ его королевская милость вѣды може брати, не яко вѣдникомъ, але яко тымъ, которые не водѣ воли его королевской милости противъ подданнымъ его милости заховывають ся.

6. *Прозьба.* Просили тежъ есте, абы вѣды пограничныя людемъ въ родности дознаннымъ и заслужонимъ были даваны; а кгда будетъ старъ и къ службѣ земской недужъ, ижъ бы на спокойный вѣдъ былъ отъбѣнъ, на чомъ бы мѣлъ живота доковати. *Отказъ.* На то его милость господарь казалъ вамъ повѣдѣти, ижъ его королевская милость добръ рачить вѣдати, безъ кождога таковогъ напомниманья вашо-го, яко маеть ласкою и вѣды своими шафо-

вати; и нерадѣ то его королевская милость слышнѣ, ижъ вы годностями, альбо тежъ негодностями чинимъ бракуете : бо кгда бы его королевская милость кого на который вѣдъ негоднымъ быти бачилъ, истъ бы николи того на вѣдъ не прекладалъ; и не есть то рѣчь ваша, обачивати, хто на вѣдъ годенъ, а хто негоденъ : одно то есть рѣчь самого его королевской милости, яко пана зверхного; а про то, повторе, около тыхъ годностей, нехай бы таковыя прозьбы и напомниманья отъ васъ до его королевской милости не приходили, а вы были напомниманы.

7. *Прозьба.* А што есте прозьбу свою въ первомъ реистрѣ вашомъ доложили, абы замки пограничныя опатровано скарбомъ его королевской милости. *Отказъ.* На то его милость господарь казалъ вамъ повѣдѣти : нерадѣ то его королевская милость отъ васъ слышнѣ, ижъ такъ подобно о собѣ розумѣе, жебы есте мѣли большую працу и пильность о рѣчи посполитой мѣти, ижъ его королевская милость самъ и съ паны радами своими; и такъ ся его королевской милости зла, и такъ есть, ижъ никому иному не пристонѣть большъ обмышливати вси потребности того панства, одно его королевской милости самому, яко пану дѣдичному, восполкъ зъ радами своими; и хочеть то его королевская милость по васъ мѣти, абы напотомъ таковыя напомниманья незвыклыя до ушью его королевской милости не приходили : бо то не есть ваша рѣчь.

8. *Прозьба.* При томъ тежъ што просите господаря его милости, абы жадная рѣчь новая держана не была, одно то, што на соймѣ вальномъ зъ вѣдомостью пановъ радъ и всего рыцарства ухвалено будетъ; а ижъ бы простыхъ холоповъ надъ шляхту не повышано, а вѣдѣвъ такъ простой холопъ, яко тежъ и подозрѣный шляхтичъ жебы не держали. *Отказъ.* Господарь его милости на то вамъ росказалъ повѣдѣти : не бачить его королевская

милость, абы ся которая рѣчь новая за шадливого панованья его милости мѣла вчинити; бо ся его королевская милость во всехъ рѣчахъ рачить такъ заховывати, яко ся предъ тымъ предки его королевской милости заховывали. И того тежъ его королевская милость при памяти своей мѣти не рачить, што бы ся безъ сойму вального постановити мѣло, то, што властнѣ къ вальному сойму належитъ; и хочеть то его королевская милость мѣти, абы есте то его милости знати дали, што и которого часу безъ сойму ся постановило, окромъ справъ таковыхъ, которые водѣ потребы и давного посполитого захованья, въ рѣчахъ его милости и земскихъ, къ его милости господарю, яко пану зверхному, припадаютъ : таковыя справы его милость, яко передъ тымъ, такъ и теперъ потужъ справовати зъ радами своими рачить. Хочеть тежъ и то его королевская милость отъ васъ вѣдати : который холопъ простой, альбо шляхтичъ подозрѣный есть на вѣдъ отъ его королевской милости постановленъ ? бо его королевская милость маеть за то, ижъ на дворѣ своемъ панскомъ и на вѣдѣхъ своихъ холоповъ простыхъ и людей подозрѣныхъ не рачить ховати.

9. *Прозьба.* Што тежъ есте прозьбы ваши до его королевской милости мѣли; што бы было кромъ вального сойму постановлено, абы то не держано. *Отказъ.* Господарь его милости на то вамъ росказалъ повѣдѣти, ижъ его королевская милость то мѣти хочеть, абы есте то оказали, што ся коли ко шкодѣ рѣчи посполитой безъ сойму вального постановило : бо того его милость завжды звыкъ стеречи и боронити, яко — то панъ справедливый хрестіанскій, абы ся николи жадная рѣчь ко шкодѣ рѣчи посполитой у панствахъ его милости не становила.

10. *Прозьба.* Къ тому пишете въ прозьбахъ своихъ къ его милости господарю, абы товари-
ры всѣхъ зъ обчихъ земель не одинъ куповалъ, и шкломъ абы также не одинъ шинковалъ,

але ижъ бы всимъ въ томъ вольность была. № 11. *Отказъ.* Его королевская милость рачилъ ро-сказати на то вамъ повѣдѣти, ижъ ели же кто маеть вольность отъ его королевской милости даную и на писмѣ описаную, таковыя вольности и листы свои его королевская милость звыкъ есть кождому при моцы заховати, ласки и данины своее господарской ни въ чомъ не нарушиваючи, але, ижъ бы за таковою вольностью одногъ которогъ особы, всимъ инымъ въ посполитости шкода ни въ чомъ не была; а вѣдъ жо его королевская милость рачить росказати, того съ пильностью дозрѣти, абы шинкованье тымъ шкломъ не иньшимъ обычаемъ шло, одно на уставомъ, которая на то особливо есть дана.

11. *Прозьба.* При томъ тежъ и то доложили есте у прозьбахъ своихъ къ его милости господарю, абы панове рады шляхту въ почтливости на судѣхъ и на иньшихъ мѣстцахъ мѣли, а о почтливость сами служебника своего шляхтича абы не судили, алижъ высадивши на то сторонныхъ людей, вѣры годныхъ. *Отказъ.* Его королевская милость росказалъ вамъ на то повѣдѣти, ижъ ачъ — кольвекъ его милость рачить быти добръ свѣдомъ захованья доброго и склонности пановъ радъ своихъ, которую ихъ милость, съ цнотѣ своихъ прирочонныхъ, не только къ вамъ брати своей молодой мають, але и къ инымъ всимъ таковую жъ склонность и баченье и учтивость показываютъ : але, ижъ то такъ обтяжливо передъ себе берете, его королевская милость того у вѣдомости своей господарской не маеть, хто бы съ пановъ радъ на судѣхъ и на иньхъ справахъ противъ которогъ зъ васъ не ласково ся заховалъ, къ зельживости его, альбо который бы панъ рада служебниковъ своихъ шляхту самъ одинъ о почтливость судилъ ? который судъ никому иному властнѣ не належитъ, одно его королевской милости самому, яко пану зверхному : про то хочеть его милость то по васъ мѣти, абы есте тутъ же дали

№ 11. его милости въдати, кому бы ся зъ вась, и отъ которого съ пановъ радъ таковая рѣчь стала.

12. *Прозьба.* Што есте прозьбу вашу къ его королевской милости вчинили, абы въ мѣстѣхъ головныхъ, у Вильни, у Тропехъ, у Бересты, у Луцку и въ иныхъ мѣстѣхъ, мѣщане князьскіе и паньскіе подъ однимъ правомъ были, кромѣ дворовъ князьскихъ и паньскихъ шляхетскихъ, для нихъ самыхъ будованныхъ. *Отказъ.* На то его королевская милость розказалъ вамъ повѣдѣти, ижъ тая прозьба ваша его милости господарю за слушно ся видѣтъ, и на то его милость призволяти рачитъ, ижъ вже мѣщане князьскіе и паньскіе подъ однимъ правомъ мѣстъ его милости головныхъ быти мають, кромѣ дворовъ князьскихъ и паньскихъ, въ которыхъ жаденъ шынкъ не маеть быти, одно только для ихъ властного стоянья мають оныя дома хованы быти. А што ся дотычетъ подданныхъ пановъ духовныхъ, тые такъ же мають быти подъ правомъ мѣстскимъ, въ тыхъ рѣчахъ, которые ся кровавыхъ справъ и иныхъ злочинствъ дотыкають: але доходы и платы свои, то они зъ нихъ мають добровольнѣ брати, и справу и владность надъ ними мѣти, и суды, кромѣ свѣтскихъ справъ, мають сами, альбо вряники ихъ справовати.

13. *Прозьба.* Просите тежъ его милости господаря, абы для съему збоецъ, въ мѣстѣхъ, въ ночи у корчмахъ не было шынковано и прихожимъ гостемъ питья не давано; а естли бы шынковано, нехай же бы гостей не выпущано, ажъ въ день. *Отказъ.* На то господарь его милость розказалъ вамъ повѣдѣти, ижъ то его королевская милость двору своему господарьскому розказати рачитъ, абы того не было: але тежъ то хочеть его королевская милость мѣти, абы каждый зъ вась служебникомъ своимъ то розказалъ, ижъбы въ ночи, въ домахъ шынковныхъ воротъ, оконъ, дверей не выбивали; а естли жъ бы чый служебникъ

ворота, окна, двери выбилъ, а врьдъ бы его яко кгвалтовника поймати и взяти хотѣлъ, а панъ бы его слугу своего боронилъ: тогда таковой панъ маеть самъ то утерпѣти, што бы мѣлъ оный слуга его кгвалтовникъ терпѣти.

14. *Прозьба.* За тымъ што есте господаря его милости просили, абы шляхта была вызволена отъ сторожи замку и Москвичъ, отъ кошенья сѣна и отъ подводъ. *Отказъ.* Его королевская милость господарь нашъ розказалъ вамъ на то повѣдѣти, ижъ пакъ яко бы нерадъ новыхъ рѣчей на сее панство свое отчизное вносилъ, такъ же бы тежъ и старыхъ рѣчей не хотѣлъ ни въ чомъ опущати; а такъ рачитъ его королевская милость то все заховывати водлѣ давного обычаю: хто передъ тымъ сѣно кошивалъ, замковъ и Москвичъ стерегивалъ и подводы даивалъ, тотъ тое и теперъ и напотомъ полнити повиненъ; а хто передъ тымъ не былъ на то повиненъ, тотъ и теперъ отъ того воленъ: естли жъ ся то вамъ видѣтъ тяжко, и вы бы иные которые слушныя способы нашли, чимъ бы тые повинности ваши мѣли выполнены быти.

15. *Прозьба.* Притомъ што есте господаря его милости просили, абы коморы мытныя на имѣньяхъ шляхетскихъ, гдѣ передъ тымъ не бывали, и теперъ бы не были. *Отказъ.* На то его королевская милость рачилъ розказати вамъ повѣдѣти, ижъ на тыхъ имѣньяхъ шляхетскихъ, гдѣ коморы мытныя передъ тымъ были и сторожи мытъ головныхъ стерегучи промытъ мѣшкали, тамъ и теперъ коморы мытныя мають быти и сторожи мытныя для промытъ тамъ жо мѣшкати мають; а естли бы ся кому отъ тыхъ сторожовъ мытныхъ якіе шкоды дѣяти мѣли: тогда, хто кому вину въ чомъ дастъ, каждому съ таковыхъ обвиненныхъ справедливость неотвѣлочная будетъ вчинена, и зостанетъ ли въ чомъ виненъ, тогда не только жъ то оправовати мущетъ, але ещо надъ то и каранъ будетъ. Абовѣмъ,

если бы сторожи на имѣньяхъ вашихъ стерегучи промыты не мѣшкали, тогда бы вси мыта его королевской милости вънивечъ ся обернули: бо каждый бы купецъ, уникаючи мыта, иными дорогами куды хотя ѣздилъ, и тымъ бы много пожитку отъ скарбу его королевской милости отошло; и для того хочеть то его королевская милость конечнѣ мѣти, абы коморы мытныя по имѣньяхъ вашихъ, на мѣстѣхъ потребныхъ были и сторожи бы тамъ для промыты мѣшкали.

16. *Прозьба.* Къ тому што чините прозьбы ваши къ его королевской милости, абы коморы мытныя шляхта тутешняя вѣры годная завѣдала, а не чужоземцы: бо много трудностей людемъ дѣлають. *Отказъ.* На то его милость господарь розказалъ вамъ повѣдѣти, ижъ въ той рѣчи его милость ничего новаго не рачитъ починати; одно такъ ся въ томъ заховывати рачитъ, яко было и передъ тымъ, за предковъ его милости, и теперъ подъ таковымъ же обычаемъ его милость справы мытъ своихъ рачитъ зоставити.

17. *Прозьба.* А што есте просили господаря его милости, абы товары лѣсные зъ имѣней шляхетскихъ вольно были пропусканы за границу, а отъ збожя съ гуменъ шляхетскихъ абы мытъ не брано. *Отказъ.* На то его королевская милость рачилъ розказати вамъ повѣдѣти, ижъ хто бы кольвекъ зъ вась товары лѣсные, въ своихъ властныхъ лѣсѣхъ, а не въ наемныхъ, и своимъ властнымъ накладомъ, одивъ самъ, а не съ половинники своими робилъ и за границу самъ, своимъ же властнымъ накладомъ, спускати хотѣлъ: тотъ, вчинивши присягу черезъ служебника своего, человека доброго, вѣры годного, на коморахъ складовыхъ, на томъ, яко есть вышей описано, и заплативши отъ того тое мыто, которое отъ таковыхъ товаровъ водлѣ давного обычаю было плачено, маеть ихъ добровольнѣ спускати. Але хто жъ бы кольвекъ таковыя товары лѣсные, складаючися съ купцами робилъ, альбо куп-

цомъ въ лѣсѣ продавалъ, альбо въ наемныхъ лѣсѣхъ робилъ, альбо оныя жъ товары отколъ кольвекъ на перекупъ скуповалъ: таковой каждый маеть тые товары лѣсные на коморахъ складовыхъ складати, и тамъ маеть ему за тии товары плачено быти, по тому яко ся стала устава и ухвала посполитая на прѣшломъ вальномъ соймѣ тутешнемъ Виленскомъ; яко жъ его королевская милость хочеть то мѣти, абы тымъ, а не инымъ обычаемъ тии товары были спусканы. А што ся дотычетъ безмытного продаванья и спусканья житъ съ гуменъ вашихъ властныхъ, о томъ его королевская милость часу инышого маеть ся достаточнѣ доведати, яко ся передъ тымъ тии рѣчи заховывали, и напотомъ вамъ на то отказъ его милость рачитъ вчинити.

18. *Прозьба.* Далѣй, што есте просили господаря его милости, абы панове духовные, бачучи то, ижъ ся рука поганьская на христіанство поднесла, тежъ бы и они ратунокъ рѣчи посполитой чинили, а заровно съ шляхтою войну служили зъ имѣней костелныхъ. *Отказъ.* На тую прозьбу вашу его королевская милость будетъ рачилъ инышого часу слушный отказъ вчинити.

19. *Прозьба.* При томъ просите его королевской милости, абы каждая парсона стану духовного, такъ Римского яко и Греческого закону, двухъ альбо трехъ костеловъ, то есть, хлѣбовъ духовныхъ не держали. *Отказъ.* Господарь его милость на то розказалъ вамъ повѣдѣти, ижъ тая рѣчь принадлежитъ вѣдомости и опатренью пановъ бискуповъ Римского и Греческого послушеньства, и въ томъ они, за наминанемъ его королевской милости, добрый радъ въ тыхъ рѣчахъ межи духовенствомъ своимъ учинятъ и постановятъ, водлѣ правъ своихъ духовныхъ.

20. *Прозьба.* За тымъ што есте чинили прозьбы ваши ко господарю его милости, абы вдовы о рѣчь, которая дѣтемъ належитъ, мандатомъ не были позываны. *Отказъ.* Его коро-

№ 11. Левская милость рассказал вамъ на то повѣдѣти: ачь-кольвекъ той прозьбы вашей не до конца рачитъ вырозумѣвати, кгдажъ такъ скрытъ есть написана; а вѣдѣже, естли жъ то идетъ о тые вдовы, которые вжо суть позваны, або ещо мають быти позваны о то, ижъ немало земель, людей и иныхъ имѣней къ своимъ рукамъ держать, къ шкодѣ его королевской милости: таковыхъ вдовъ его королевская милость будетъ рачилъ казати позывати; и естли ся то окажетъ, ижъ што безъ данины къ шкодѣ его королевской милости держатъ, то его королевская милость будетъ рачилъ зася къ столу своему паньскому казати отъ нихъ отбирати и къ своимъ пожиткомъ привлащати: абовѣмъ его королевская милость будучи паномъ зверхнымъ и подъ жадное право не подданнымъ, неповиненъ есть на своихъ властностяхъ, для чѣихъ дѣтей лѣтъ недорослыхъ, шкодовати; окажетъ ли тежъ которая вдова и зъ дѣтьми своими недорослыми, што за чимъ слушнѣ держитъ, то и напотомъ держати будетъ.

21. *Прозьба.* Къ тому што просите господаря его милости, абы до права духовного люди свѣтскіе о рѣчь земскую, альбо о которую — кольвекъ рѣчь свѣтскую не были позываны, подъ виною. *Отказъ.* Его королевская милость на то рассказал вамъ повѣдѣти, ижъ его милость хотячи то мѣти, абы каждый врьдъ, такъ духовный, яко тежъ и свѣтскій, свое владности безъ переказы вживалъ, рачитъ его королевская милость розказати всимъ врьдникомъ права духовного, абы жаденъ съ нихъ по чоловѣка свѣтского, о рѣчь свѣтскую, на жалобу также чоловѣка свѣтского, не смѣлъ позвовъ давати, а ни до права духовного притягивати, окромъ только тыхъ члонковъ, которые слушнѣ, водлѣ правъ ихъ духовныхъ, на розсудокъ права духовного належатъ. Рачитъ тежъ его королевская милость и то розказати всимъ въ посполитости стану свѣтского людемъ, абы одинъ другого о рѣчь свѣт-

скую не смѣлъ черезъ то до права духовного позывати; а естли бы хто, черезъ сесь заказъ его королевской милости, будучи самъ свѣтскій, а смѣлъ бы другого также свѣтского чоловѣка о рѣчь свѣтскую до права духовного позвати: такого кождогъ мають панове воеводе и иншыя врьдники таковою виною карати, якая будетъ пристойна въ той рѣчи.

22. *Прозьба.* При томъ што просите его королевской милости, абы чужоземцы къ справамъ скарбнымъ не были припушаны, и можности скарбу абы не вѣдали. *Отказъ.* На то господарь его милость рассказал вамъ повѣдѣти, ижъ то его милость на онъ часть не безъ причины рачилъ былъ учинити, але зъ нѣкоторыхъ потребъ; а вѣдѣже инымъ часомъ, о той рѣчи его королевская милость будетъ рачилъ слушное постановление вчинити.

23. *Прозьба.* А што есте прозьбы ваши чинили господарю его милости, абы мѣщане и купцы къ службѣ военной выправляли съ пяти домовъ въ мѣстѣ шостого пѣшого; а съ тыхъ фольварковъ што у шляхты покупили, абы службу земскую служили по тому, яко и передъ тымъ съ того служба была. *Отказъ.* Его королевская милость на то рачилъ розказати вамъ повѣдѣти, ижъ мѣщане и купцы суть вжо на сесь часть иншими платы къ оборонѣ земской обложены; и для того тая устава на нихъ на тотъ часть ити не можетъ: нижли, што ся дотычетъ тыхъ имѣней ихъ, которые у шляхты купили; ино они съ тыхъ имѣней шляхетскихъ службу земскую военную по тому служити мають, яко и передъ тымъ служба земская зъ оныхъ имѣней бывала, водлѣ важности имѣней и водлѣ ухвалы посполитогъ земскогъ.

24. *Прозьба.* Просите тежъ его королевской милости, абы жидове всихъ мѣстъ по черленому золотому на оборону земскую давали. *Отказъ.* На то его милость рассказал вамъ повѣдѣти, ижъ вжо рачилъ его королевская милость послати и казати тыхъ жидовъ списати,

и, скоро будутъ списаны, тогда на онъ часть платъ къ оборонѣ земской съ нихъ постановленъ будетъ.

25. *Прозьба.* Далѣй, чините прозьбы ваши къ господарю его милости, абы шляхта листовъ на имѣнья и на земли передъ мѣрными волочными не покладали: ижъ для тыхъ листовъ, немало земель шляхетскихъ у волоки господарскіе помѣрено, а отмѣны не дано. *Отказъ.* На то его королевская милость казалъ вамъ повѣдѣти, ижъ его милость тую помѣру волочную на своихъ земляхъ и на своихъ подданныхъ постановити рачилъ, для розмноженья пожитковъ своихъ господарскихъ, што есть вольно его милости учинити: бо тежъ и вы сами на своихъ имѣньяхъ пожитки собѣ чините, а его королевская милость вамъ того не боронитъ. Нижли, што ся дотычетъ того (яко есте то на прозьбѣ своей описали), ижъ отъ тыхъ помѣрчихъ немалые шкоды пріймете, за тымъ, што они земли ваши у волоки помѣривши, слушныхъ отмѣнъ вамъ давати не хочутъ; ино его королевская милость тою помѣрою волокъ своихъ никому шкоды чинити не казалъ, але и овшемъ рассказал его королевская милость всимъ помѣрчимъ своимъ: гдѣ бы волоки его королевской милости къ землямъ вашимъ прилегли, а безъ нихъ бы ся волоки его королевской милости выполнити не могли; тогда абы тыи земли ваши были мѣрепы, але зъ mocy и владностей вашихъ не выймованы, а ни людемъ его королевской милости роздаваны, потулъ, покуль бы алижъ достаточная отмѣна за ваши земли вамъ была отдана. А такъ, еслижъ помѣрчѣе што надъ таковой розказъ его королевской милости вчинили и въ школу кого зъ васъ привели: его королевская милость рачилъ розказати, съ таковыми помѣрчими своими справедливость чинити; а коли то на нихъ прійдетъ и будетъ то на нихъ переведено, тогда они-все-шкоды платити будутъ повинни, хиба, естли бы хто на которые земли данины

не мѣтъ, альбо ижбы ему до воли господаря М. И. смовъ были даны, альбо естли бы у слугъ путныхъ, альбо у людей тяглыхъ, альбо у Татаровъ безъ дозволенія господарского купца: таковыя земли справедливѣ мають быти у волоки его королевской милости помѣриваны безъ жадновъ отмѣны.

26. *Прозьба.* Есть тежъ межи тыми прозьбами вашей милости, и тая прозьба описана къ его королевской милости, тыми словами: «которая братья наша шляхта мѣвали пожитки у волостяхъ вашей королевской милости; отъ предковъ вашей милости на даныхъ, и теперь покортъ просимъ, абы те было не уймовано и по старому заховано, а званна те, што ся на листяхъ онажетъ». *Отказъ.* На то его королевская милость некоторого отказу вамъ чинити не рачитъ: бо той прозьбы, откуль ся починаетъ и къ которому ся концу стегаетъ, вырозумѣти не можетъ, яко той прозьбы, которая есть закрытыми словами описана.

27. *Прозьба.* Што тежъ есте просили, абы тая шляхта, которая зъ имѣньи спадковыми въ мочь его королевской милости пришла, подъ однимъ правомъ зъ вами были, а ижбы альбо хоружихъ своихъ особливыхъ мѣли, альбо къ которымъ иншимъ хоругвамъ повтовымъ привернены были. *Отказъ.* На то его королевская милость велѣлъ вамъ повѣдѣти: въ той рѣчи, яко въ своей властной, такъ ся будетъ заховати, яко будетъ воля его королевской милости.

28. *Прозьба.* Еще тежъ просите господаря его милости, абы панове духовные, для свѣдѣтства въ потребахъ своихъ, до права своего духовного къ присягѣ васъ не притягали. *Отказъ.* Господарь король его милость рачилъ вамъ на то повѣдѣти, ижъ его королевская милость старыхъ обычаевъ не нарушаючи, рачитъ тую рѣчь такъ заставляти, яко и передъ тымъ бывало.

II.—Лѣта Божьего 1551, мѣсяца Ноября 20

№ 11. дня, у пятницу, у вилюю офярованья Панны Маріи, на соймъ вальномъ Виленьскомъ, на тые прозьбы, которые вся шляхта великого князства Литовского на другомъ рейстръ подала, Отказъ отъ его милости господара такъ есть учиненъ.

Артикуль 1. Прозьба. Што есте просили короля его милости, абы статутъ права посполитого земского былъ поправленъ и выдрукованъ, а то бы въ немъ меновить было описано: «гдѣ бы ся придало о землю зъ имѣньемъ господарьскимъ кому право вести, абы годнѣйшіе свѣтки и доводы къ праву и къ свѣдѣтельству были припусканы.» *Отказъ.* Его королевская милость, нашъ милостивый панъ, рачилъ розказати вамъ повѣдѣти, ижъ его королевская милость добръ то рачить памятовати, якое постановеніе на соймъ Берестейскомъ прошломъ отецъ его королевской милости, а потомъ зася его королевская милость самъ, тутъ же у Вильни, такъ же на соймъ вальномъ, въ таковой же прозьбѣ вашей, около поправленья статуту рачилъ былъ учинити, ижъ мѣло обрано быти нѣсколько особъ, людей добрыхъ, вѣры годныхъ, ростропныхъ и права посполитого и тежъ стародавнихъ звычаевъ тутошнего паньства добръ свѣдомыхъ, которые мѣли тутъ же у Вильни на певный часъ засѣсти и статутъ поправить: нижли, ижъ есте сами къ тому ся не мѣли, за тымъ тая рѣчь коньца ажъ до сего часу не приняла. А кгдажъ зася, и на сесь часъ, о томъ же прозьба къ его королевской милости отъ васъ есть, его королевская милость на тую прозьбу вашу призволяти рачить; и маєтъ его королевская милость, съ порою пановъ радъ своихъ, обрати и высадити на то пять особъ закону Римского, а другихъ пять особъ закону Греческого, которые мають весь статутъ добръ обачити, и розважити, и вырозумѣти то, чого бы потреба была прибавити, альбо убавити, альбо отмѣнити, и то все они мають достаточнѣ списати, и на другомъ пришломъ соймъ,

передъ его королевскою милостью и тежъ передъ ихъ милостью паны радами и передъ всими вами оказати; а на онъ часъ вжо его королевская милость того выслушавши, будетъ рачилъ розказати оный статутъ выдруковати и битымъ писмомъ выбити, абы вси вжо одностайное и неотмѣнное право свое посполитое вѣдали и вонтпеня никоторого въ немъ не мѣли. А такъ, ижъбы есте тежъ тому якій обычай слушныи нашли, отколь бы тые десять особъ, черезъ тотъ часъ на той справѣ тутъ у Вильни мѣшкаючи, мѣли мѣти живность. А што тежъ въ той прозьбѣ своей доложили есте, абы о рѣчь земленую межъ имѣньи его королевской милости и тежъ межъ имѣньи вашими, годнѣйшіе свѣтки къ свѣдѣтельству были припусканы, на то его королевская милость ласково призволяти рачить.

2. Прозьба. Што тежъ есте просили короля его милости, абы въ каждомъ повѣтъ были судья и писарь присяжныи. *Отказъ.* Его королевская милость рачить на то призволяти и на томъ то зостановити, ижъ судьи мають быти въ повѣтъхъ, такъ воеводскихъ, яко тежъ и въ старостиньскихъ, таковымъ обычаемъ отъ пановъ воеводъ и отъ пановъ старостъ повѣтовыхъ уставлены, яко есть въ статутъ описано; и мають справы судити посполъ зъ намѣстникомъ воеводинымъ и съ подстаростомъ, на тыхъ мѣстцахъ, гдѣ имъ панове воеводы и старосты укажутъ; а мають на тые суды зъѣзджатися по чотыри кротъ до року, на каждую четверть году, то есть: на сему суботу, и на святой Крыжъ, и на святую Луцию, а вступивши въ постъ на первой недѣли; и за каждымъ зѣѣханьемъ, мають на тыхъ справахъ судовыхъ быти по чотыри недѣли; а позвы мають выдавати подъ печатями своими и подъ печатями намѣстниковъ воеводиныхъ и подстаростъ, и не маєтъ ся никто зъ нихъ до воеводъ и до старостъ повѣтовыхъ отзывать, олижъ по сказанью; а писарь маєтъ быти при нихъ воеводинъ присяжный. А панове

воеводы, для справованья таковыхъ апелаций, мають ся на каждый годъ до мѣстъ своихъ воеводскихъ столечныхъ два кротъ на годъ зѣѣзджати, то есть, на святого Михайла и на сему суботу, и за каждымъ прѣѣханьемъ, мають на тыхъ мѣстцахъ своихъ воеводскихъ мѣшкати по чотыри недѣли, абы шляхта за ними, для тыхъ апелаций, до ихъ имѣній ѣздячи, трудностей и накладовъ не прѣимовали, але ижъбы каждый на мѣстцу столечномъ воеводскомъ, въ тые часы назначоны, справедливости своею собѣ доводилъ. А кому бы ся отъ пановъ воеводъ, альбо отъ старостъ видѣло быти съ кривдою, тотъ можетъ, по сказанью, отозватися до господара его милости, альбо до пановъ радъ, на роки судовые великіе. А роки судовые великіе господарьскіе, для тыхъ справъ, которые ся дѣють межъ паны хоруговными и тежъ межъ тыми, которые въ повѣтъхъ не сѣдять, мають быти одинъ разъ въ году сужоны, то есть, на день святого Мартина; на которыхъ же рокахъ самъ господарь его милость, при бытности своей въ тутошнемъ паньствѣ своемъ, будетъ рачилъ тые справы судовые справовати, которые ся на онъ часъ передъ его королевскую милость приточать; а въ небытности господарьской въ здѣшнемъ паньствѣ, тогда панове рада ихъ милость мають тые справы судовые, на тые роки судовые господарьскіе, о святомъ Мартинѣ, судити и отпраовати. А кому бы ся отъ пановъ радъ съ кривдою быти видѣло, тотъ можетъ ся отъ ихъ милости отозвати до короля его милости, на тые роки судовые великіе, о святомъ Мартинѣ, алежъ вжо по сказанью. А передъ сказаньемъ отъ пановъ радъ, яко тежъ и отъ воеводъ, такъ тежъ и отъ судей, не маєтъ ся никто отзывать, абы ся таковыми упорными отзывы справедливость людская не отволокала.

3. Прозьба. Што тежъ есте просили короля его милости, абы записы на вѣчность на имѣнья и на заставы, передъ тымижъ судьями

повѣтовыми въ повѣтъхъ были справованы и № 11. записываны. *Отказъ.* На то его королевская милость рачилъ розказати такъ вамъ повѣдѣти, ижъ около тыхъ записовъ на вѣчность, рачить его милость то такъ зоставити, яко есть въ статутъ права посполитого описано: ижъ всякіе такіе записы, которые ся на вѣчность стегають, яко на имѣнья, на люди, на земли, на озера, на ставы, на млыны, на пушцы, на сѣножати и на всякіе иные рѣчи лежачіе, мають справованы и чинены быти передъ урядомъ, то есть, альбо передъ самымъ господаремъ его милостью, альбо передъ паны радами, альбо передъ паны воеводами, альбо передъ старостами, альбо передъ судьями повѣтовыми, а не индѣ; и хто бы што хотѣлъ кому на вѣчность продати, даровати, альбо которымъ-кольвекъ обычаемъ спустити имѣнья, люди, земли, боры, лѣсы, пушцы, озера, сѣножати, ставы, млыны и иные которые — кольвекъ рѣчи земленые лежачіе: тогды каждый таковой, хто продаетъ, альбо даруетъ, альбо што на имѣньи лежачомъ записуетъ, маєтъ прѣйти обличнѣ до того вышей мененого вряду и маєтъ то самъ сознати устнѣ, ижъ тое и тое тому и тому продалъ за тую и за тую сумму, альбо даровалъ, альбо сумму записалъ; и тое сознание его устное маєтъ быти въ книги того вряду записано. А хотя бы хто и листъ продажный, альбо записный, альбо даровный, на которую рѣчь вѣчистую лежачую, подъ печатью своею и подъ печатями людей добрыхъ далъ: тогды предѣся и тотъ, и съ тымъ листомъ своимъ продажнымъ, альбо даровнымъ, альбо записнымъ, маєтъ прѣйти до вряду, и маєтъ продажу, або даръ, або записъ свой, самъ устнѣ сознати, и оный листъ свой и сознание свое устное маєтъ дати въ книги записати. А выписы съ книгъ въ таковыхъ рѣчахъ, хто похочетъ, тому мають быти даваны подъ печатями врядовыми, окромъ тыхъ записовъ, которые будутъ даваны на долги и на иные рѣчи рухомые: бо

№ 11. таковыя записи могутъ, безъ оповѣданья вряду, и за листы записными быти держаны и справованы, водлѣ давного обычая. И вжотая теперешняя устава маєт початокъ свой взяти отъ пришлого свята Громницѣ въ року пятьдесятъ второмъ. И хто бы кольвекъ, якогужъ кольвекъ стану будучи, якіежъ кольвекъ листы альбо записы на имѣнья и на иншіе рѣчи лежачіе вѣчистые, надъ сюю теперешнюю уставу и ухвалу посполитую, кому на себѣ давалъ, або отъ иншого бралъ: таковыя листы и записы не мають быти держаны отъ оногo року, отъ свята пришлогo Громницѣ въ року пятьдесятъ второмъ, яко вышей есть описано. А до того часу, хоружые, взявши теперешней уставы выпишъ, мають каждый у своемъ хоружествѣ шляхтѣ то оповѣдати.

4. *Прозьба.* Што есте тежъ просили короля его милости о пересудѣ и о вины, абы отъ того были вызволены, окромъ тыхъ винъ: за головщину, за заруку, и тежъ которые вины будутъ на листѣхъ господарьскихъ, и на листѣхъ еднальныхъ, и на листѣхъ судовыхъ и на каждыхъ иныхъ записехъ описаны, а вѣдѣже абы и тые вины шли зъ очевистоѣ росправы и зъ судового поконанья. *Отказъ.* Его королевская милость на то казалъ вамъ повѣдити, ижъ ачѣ — кольвекъ около тыхъ пересудовъ, тотъ обычай, почавши отъ великого князя Витовта ажъ до нынѣшняго панованья его королевской милости, завжды такъ былъ заховыванъ, ижъ десятый грошъ пересуду отъ суммы презыскановъ былъ даванъ; а вѣдѣже его королевская милость, не хотячи тоѣ прозьбы ваше мимомо уши свои панскіе такъ даремнѣ пустити, въ томъ, вамъ слугамъ и подданнымъ своимъ, около тыхъ пересудовъ, ласку свою господарскую чинити рачитъ; и маючи тежъ баченіе и на тыхъ судей и вриадниковъ, которые межѣ вами справедливости доглядати и еѣ чинити будутъ, ижъбы тежъ за тые працы свои и для живности своеѣ мѣли

за чимъ на роки зложоные на тые росправы ваши судовые ѣздити, — рачилъ его королевская милость, зъ ласки своеѣ, намовивши сѣ паны радами своими, около тыхъ-то пересудовъ таковое постановеніе учинити: ижъ тые пересуды не мають вжѣ быти браны водлѣ того, яко передъ тымъ ажъ до сего часу было бирано, отъ десяти грошей грошъ; але вжѣ мають быти браны по половицы, то есть: отъ десяти грошей полгроша, а отъ копы три грошы, а отъ рубля пять грошей, а отъ десяти копъ полкопы грошей, а отъ ста копъ пять копъ грошей. И маєт оный пересудъ давати тотъ, хто зышетъ, хибѣ, естли бы сѣ хто позвалъ сѣ кимъ о долгъ, або о сумму свою позычаную, ижъ на рокъ описаный не заплатилъ: тогды вжѣ тотъ, хто долгу альбо суммы своеѣ позычонѣ зышетъ, не маєт самъ отъ того пересуду давати, але маєт тотъ пересудъ заплатити, хто виненъ зостанетъ, такъ же по половинѣ, яко вышей есть описано, для того, ижъ запису своему досытъ не вчинилъ, але упоромъ своимъ до права себѣ позвати допустилъ. А хто бы сѣ яко отъ великоѣ, такъ и отъ малоѣ рѣчи оттягалъ: тотъ маєт дати памятного чотыри грошы. А што сѣ дотычетъ винъ, ино тые вины: хто бы кому квалтъ вчинилъ, альбо дорогу заступивши збилъ и зранилъ, або въ заруки впалъ, альбо естли бы на листѣ господарскомъ альбо на листѣ судовомъ якая вина была описана, альбо хто бы сѣ самъ добровольнѣ записалъ и подѣ якую вину себѣ поддалъ, а то бы правомъ на него было переведено; тогды таковыя вины мають быти плачоны по старому. Нижли, што сѣ дотычетъ вины господарскоѣ за головщину шляхетскую, естли бы хто шляхтича забилъ, а потомъ бы до права потягнуть былъ, и тоѣ бы забойство правомъ на него было переведено: тогды маєт головщину заплатити, водлѣ давного обычая; а за вину господарскую не маєт вжѣ пѣнезми платити, яко передъ тымъ было плачивано, але каждый

таковый забойца маєт, за тую вину господарскую, годъ цѣлый сѣдѣти въ замку столечномъ воеводства повѣтового, подѣ которымъ ослѣлость его; а маєт сѣдѣти у вежи, што найглубѣй въ земли, а не маєт быти на свѣтъ вынущанъ до того часу, алижъ сполна годъ высѣдѣти. А панове воеводы и старосты повѣтовые мають то грозно вриадникомъ своимъ рѣсказати, абы сѣ таковымъ, а не вышнимъ обычаемъ къ тымъ забойцамъ посажонымъ заховали, жадному зъ нихъ ни въ чомъ не фольгуючи, подѣ особливимъ караньемъ ихъ самыхъ. А повинного тотъ же забойца маєт заплатити воеводѣ новѣтовому дванадцать рублевъ грошей. А хотя бы сѣ забойца о голову забитую шляхетскую и зѣднанъ сѣ близкими або сѣ кровными оногo забитого, и хотя бы о то не былъ позванъ, и тая бы сѣ рѣчь до вриаду и до права не приточила: тогды предѣся маєт вриадъ довѣдавши сѣ того, пильную пильность около того казати вчинити, абы оный забойца былъ пойманъ; и маєт его за туюжъ вину господарскую казати посадити въ таковую жъ вежу, глубоко въ землю, и маєт также годъ цѣлый въ земли сѣдѣти, яко вышей описано; а предѣся маєт воеводѣ, або старостѣ повѣтовому дати повинного также дванадцать рублевъ грошей. И таковую виною за забойство маєт быти каранъ каждого стану забойца, такъ богатый, яко и убогий, жадного не выймуучи. А за головщину людей простыхъ вина по старому водлѣ статуту маєт быти плачона. А хто бы кого охромилъ, ногу альбо руку утѣлъ, тотъ маєт заплатити яко за полчоловѣка, а вины господарскоѣ прѣтивенъ, а воеводѣ або старостѣ повѣтовому повинного шесть рублевъ грошей. А который бы забойца тутъ же, при ономъ забитомъ, на горячѣй крови пойманъ былъ: таковой за головщину и за вину маєт быти каранъ водлѣ права Божьего, смертью: нехай идетъ голова за голову.

5. *Прозьба.* Што есте тежъ просили короля

его милости, абы въ повѣтѣхъ вижы были № 11. присяжные, шляхта ослѣлая, по тому уставленны, яко возные на Подляшю, и на таковомъ же доходѣ ихъ. *Отказъ.* На то его королевская милость призволяти рачитъ, и мають вжѣ панове воеводы и старосты повѣтовые по всему паньству великого князства, въ Жомойти и на Волиню, въ повѣтѣхъ обрати и постановити вижовъ, только, колько потреба будетъ, людей добрыхъ, вѣры годныхъ, шляхту ослѣлыхъ, которые мають передъ ними присягу учинити, ижъ што — кольвекъ будутъ видѣти, альбо слышати, то все справедливѣ, никому не фольгуючи, мають передъ правомъ, альбо передъ книгами судовыми сознавати и свѣдѣти. И мають тые вижы при томъ вижованьи своемъ мѣвати при собѣ завжды сторону людей добрыхъ, водлѣ давного обычая; а за ихъ працу и за проѣздъ маєт имъ плачѣно быти на каждую милю по грошу; а дворянину господарскому за проѣздъ на мѣстцу дванадцать грошей; а служебнику воеводину тежъ за проѣздъ на мѣстцу шесть грошей, а слугѣ намѣстника воеводинѣ тежъ за проѣздъ на мѣстцу по три гроши маєт плачѣно быти.

6. *Прозьба.* Што есте тежъ просили короля его милости, абы книги судовыя воеводинскіе и судей повѣтовыхъ не были вывожены сѣ повѣтовъ; а писаромъ што за листы маєт плачѣно быти? а до канцелярии тежъ господарскоѣ по чому за который листъ маєт плачѣно быти? *Отказъ.* Его королевская милость на томъ зоставляти и вамъ то оповѣдити казати рачилъ: ижъ естли бы сѣ воевода, або староста, або судья сѣ которого повѣту обмѣнилъ, тогды книги судовыя не мають сѣ повѣту вывожены быти, але мають на мѣстцы въ повѣтѣ зостати, абы каждый, кому бы чого до тыхъ книгъ судовыхъ якая потреба была, тымъ латвѣй ихъ досягнути могъ. А што сѣ дотычетъ писаровъ господарскихъ и канцелярынъ его милости, около

№ 11. писанья и выдаванья листовъ, то ся маеть такъ заховати, яко передъ тымъ было. А отъ выпишовъ великихъ и малыхъ писаромъ врьдовымъ дванадцать грошей; а въ книги записати два грошы, если бы заразомъ выпишу взяти не хотѣлъ; а если бы и выпишь заразомъ бралъ, тогда за тотъ выпись дванадцать грошей, а иныхъ дву грошей за вписанье въ книги неповиненъ вжо давати.

7. *Прозьба.* Што есте тежъ просили короля его милости, абы лицо злодѣйское великое зъ двора выкуповано было полтиною грошей, а малое лицо шацункомъ, чого бы стояло. *Отказъ.* Его королевская милость на то казалъ вамъ повѣдѣти, ижъ каждое лицо великое, которое бы стояло ста копъ грошей и большъ, маеть быти выкуповано полтиною грошей; а тое лицо, которое бы стояло менши десяти копъ грошей, маеть быти выкуповано дванадцатьми грошми. А если бы злодѣй не мѣлъ чимъ платити: тогда лицо зъ двора маеть дармо выдано быти, а злодѣй нехай виситъ.

8. *Прозьба.* А што есте тежъ просили короля его милости, ижъ имѣнья шляхетскіе, которые покупил панове духовные и мѣщане, абы ихъ вольно было шляхтъ у нихъ шацункомъ окуповати, хотя бы и не близкіе были. *Отказъ.* Его королевская милость рачитъ тую рѣчь такъ на томъ зостановляти, яко есть въ статутъ права посполитого описано.

9. *Прозьба.* Што есте тежъ просили короля его милости, ижъ позывъ если бы на одномъ которомъ артыкулъ былъ збитъ, тогда абы на другіе артыкулы въ томъ же позвѣ описаные было отказывано. *Отказъ.* Его королевская милость на то призволяти рачитъ, ижъ кгда бы одинъ, або два, або колько артыкуловъ въ позвѣ было збито, тогда абы на иншіе артыкулы въ томъ же позвѣ описаные было отказывано, абы ся тымъ непотребнымъ збиваньемъ позвовъ справедливость людская не проволокала. А хто бы о тотъ

збитый артыкулъ хотѣлъ зася сутяжного своего позвати: тогда за тымъ припозваньемъ, не маеть дальшого року сутяжному своему складати, только двѣ недѣли. А если бы которому чужоземцу, гостю прїѣзжчому, отъ кого — кольвекъ якая кривда ся стала тутъ на мѣстцу врьдовомъ: таковому каждому справедливость, безъ кождыхъ позвовъ, одно заказавши обвиненого посланцомъ врьдовымъ альбо дворяниномъ господарьскимъ, маеть учинена быти тогожъ часу, кромъ жалноу проволоки. А если бы обжалованый въ томъ часъ зѣхалъ, а на то бы пришло, ижъ бы мѣлъ сутяжного своего позывати: тогда за тыми позвы, дальшій рокъ не маеть быти ему складанъ, одно двѣ недѣли.

10. *Прозьба.* Што есте тежъ просили короля его милости: если бы тестаментъ въ одномъ которомъ члонку, або и въ двухъ и въ трехъ былъ скажонъ, тогда абы предъся вси иные рѣчи въ томъ же тестаментѣ описаные были при моцы захованы. *Отказъ.* Его королевская милость на то вамъ казалъ повѣдѣти, ижъ то его королевская милость рачитъ откладати до поправленья статуту; а до того часу тестаменты мають быти такъ захованы и держаны, яко есть въ статутъ описано.

11. *Прозьба.* Што есте тежъ просили короля его милости, абы тотъ артыкулъ въ статутѣ, о квалтовное наѣханье на домъ, былъ поправленъ и отмѣненъ. *Отказъ.* Его королевская милость на томъ тую рѣчь, ажъ до поправленья статуту, зостановляти рачитъ, ижъ кгда бы ся квалтъ въ дому сталъ, а знаку бы, ранъ а ни кровавыхъ а ни синихъ на томъ квалтъ не было: тогда за таковой квалтъ маеть быти плачно дванадцать рублевъ грошей, а на шкодахъ, на томъ слушный доводъ вчиненъ будетъ, то такожъ маеть плачно быти. Але гдѣ бы ся квалтъ въ дому сталъ, а знаки бы, раны кровавые альбо синіе были значные: тогда вжо таковой квалтъ маеть такъ сужонъ и каранъ быти, яко есть на сесь

часть въ статутъ описано. А тое теперешнее постановление маеть держано быти до поправленья статуту.

12. *Прозьба.* Што есте тежъ просили короля его милости, абы панове рада и вси преложные духовные зъ имѣній своихъ, которые подъ правомъ земскимъ держатъ, шляхтъ о ихъ кривды отказывали передъ судьями повѣтовыми. *Отказъ.* Господарь король его милость на то казалъ вамъ повѣдѣти, ижъ его королевская милость не звыкъ, а ни хочетъ рѣчей новыхъ у сее паньство свое вводити; а такъ, ижъ того передъ тымъ не бывало, абы панове рады и панове преложные духовные мѣли передъ урядники повѣтовыми отказывати; ино того и теперъ быти не маеть: але мають панове рады и панове преложные духовные обо вси кривды шляхтъ отказывати передъ его королевскою милостью самымъ, а въ небытности его милости въ тутошнемъ паньствѣ, ино передъ паны радами, на рокахъ судовыхъ господарьскихъ великихъ, о святомъ Мартинѣ.

13. *Прозьба.* Што есте тежъ просили короля его милости, абы дѣвки и вдовы, которые бы за границы великого князства, до чужоу земли, безъ воли прїятелей своихъ кровныхъ замужъ шли, отъ права своего прирожного и отъ имѣній отпадали; а которые бы съ призволениемъ прїятелей своихъ прирожныхъ до чужоу земли замужъ шли, абы имѣнья зоставили близкимъ, а они бы имъ водѣ шацунку за тымъ имѣнья пѣязи откладали. *Отказъ.* На то его королевская милость казалъ вамъ повѣдѣти, ижъ тые прозьбы ваши его королевская милость рачитъ на томъ такъ зостановляти, яко есть около того въ статутъ права посполитого описано.

14. *Прозьба.* Што есте тежъ просили короля его милости, абы шляхтъ было вольно въ своихъ имѣньяхъ, на гостивцахъ, корчмы будовати и ихъ уживати. *Отказъ.* На то его королевская милость казалъ вамъ повѣдѣти, ижъ

то зъ многихъ слушныхъ и певныхъ причинъ № 11. быти не можетъ, хiba олижъ за особливоу ласкою и дозволениемъ его королевскоу милости самого.

15. *Прозьба.* Што есте тежъ просили короля его милости, абы мѣщане всихъ мѣстъ, водѣ статуту, отказывали шляхтъ за бой и за раны у правъ земскомъ; а хотя бы ся тежъ и передъ врьдомъ мѣстскимъ о то судили, тогда абы таковыя рѣчи не инымъ, але земскимъ правомъ были сужоны. *Отказъ.* На то господарь его милость казалъ вамъ повѣдѣти, ижъ его королевская милость рачитъ, съ добротливости своею паньскоу, вси станы подданныхъ своихъ, такъ шляхетскіе, яко тежъ имѣстскіе, при всихъ ихъ правѣхъ и при ихъ вольностяхъ ласково и милостиво заховывати. А такъ, ижъ которые мѣщане подъ правомъ Майдеборскимъ зъ ласки и наданья предковъ его королевской милости здавна засѣли, не видѣло ся его королевской милости тыхъ ихъ правъ и вольностей нарушати, и иные новые обычаи иныхъ правъ въ ихъ права вносити. И на томъ его королевская милость то зостановляти рачитъ: ижъ если бы ся шляхтичу отъ мѣщанина бой и раны стали, тогда маеть зъ вижомъ замковымъ врьдовымъ, отъ врьду мѣстского на того винного своего права просити; а врьдъ мѣстскій тогожъ часу, передъ тымъ же вижомъ, маеть шляхтичу зъ мѣщаниномъ обвиненымъ справедливость учинити правомъ своимъ Майдеборскимъ, жадныхъ откладовъ, которые ся въ правѣ ихъ Майдеборскомъ заховывають, тому обвиненому мѣщанину не допускаючи. Если жъ бы, пакъ, врьдъ мѣстскій, чинячи проволоку справедливости и фолькгуючи тому мѣщанину, откладовъ тыхъ водѣ права своего Майдеборского допускалъ, хотячи тымъ шляхтича къ волокитамъ и накладомъ приправовати и справедливости зникати: тогда панове воеводы и панове старосты повѣтовые мають того съ пильностью дозрѣти, абы ся таковыя прово-

№ 11. Локи за тими ихъ отклады шляхтъ не дѣлаи, и мають оный врьдъ мѣстскій къ тому приму-
сити, абы конечная справедливость шляхтъ
зъ мѣщанъ за первымъ обосланьемъ ихъ бы-
ла учинена.

III. — Прозьбы земли Жомойтскоѣ.

На тые прозьбы, которые панове тивунове
и вся шляхта земли Жомойтскоѣ, на тепереш-
немъ соймѣ Виленскомъ, къ господарю его
милости Жикгимонту Августу, королю и вели-
кому князю, чинили и на писмѣ подали, на то
на все имъ отъ его королевской милости тако-
вый отказъ есть учиненъ, лѣта Божьего тыся-
ча пятьсотъ пятьдесятъ первого, мѣсяца Нояб-
ря двадцатого дня, то есть, у вилю оярор-
ванья Панны Марии.

Артикулъ 1. Прозьба. Напервѣй, што есте
просили его королевской милости, абы черезъ
рѣку Невяжу позвы, дѣцкіе и уздчїе не были
по земли Жомойтскоѣ посылаемы, але ижьбы
всїхъ староста тамошній Жомойтскій судилъ
и справовалъ, водлѣ привилеѣвъ и вольностей
вашихъ. Отказъ. На то его королевская ми-
лость казалъ вамъ повѣдѣти, ижь его королев-
ская милость бояръ шляхты съ присуду и съ
справы старостъ Жомойтскихъ выймовати не
рачитъ; а вѣдѣже кому бы ся отъ нихъ въ
чомъ съ кривдою быти видѣло, таковой кож-
дый можетъ, по сказанью, до его королевской
милости, яко до пана зверхного, отзыватьсѣ.
А што ся дотычетъ тыхъ уздчихъ, которыхъ
его королевская милость, за жалобами подда-
ныхъ своихъ, тамъ до земли Жомойтскоѣ
всылати и справедливость съ тивуны и съ
урядники своими чинити розказывати рачитъ,
до того вамъ ничего: бо яко его королевская
милость, не пытаючисѣ васъ, тивунства и вря-
ды свои тамъ роздавати рачитъ, кому есть
воля и ласка его королевской милости; такъ
тежъ его королевская милость, безъ вашего
докладу, и справедливость зъ урядники свои-
ми подданымъ своимъ розказывати рачитъ

чинити тому, кому есть воля его королевской
милости, а вамъ до того ничего.

2. Прозьба. При томъ тежъ просили есте
его королевской милости, абы на заочное по-
вѣданье и обжалованье никому врьдовъ не от-
нимати, надъ привилеѣ. Отказъ. На то его
королевская милость казалъ вамъ повѣдѣти,
ижь такъ, яко есть моционъ и воленъ его коро-
левская милость тивунства и врьды давати,
такъ тежъ моционъ есть и брати, а звлаща
тымъ, которые ся нераднѣ и обтяжливѣ про-
тивъ подданымъ его королевской милости за-
ховывають; и не повиненъ есть его королев-
ская милость, ни для чїихъ привилеѣвъ, шко-
ды своеѣ и подданныхъ своихъ никому тер-
пѣти. А тежъ не его королевская милость
врьды отнимаетъ, але самъ собѣ каждый та-
ковой врьды отнимаетъ, хто ся на нихъ не-
раднѣ справуетъ; а естли бы хто такъ о собѣ
розумѣлъ, ижь бы невиннѣ былъ обжалованъ,
и за тымъ бы обжалованьемъ его врьдъ отъ
него отошолъ: нехай собѣ съ тымъ мовитъ,
хто его обжаловалъ.

3. Прозьба. За тымъ тежъ просили есте его
королевской милости, абы врьды въ земли
Жомойтскоѣ не были даваны а ни Литвѣ, а
ни Руси, и неосѣлымъ, одно Жомойти, кото-
рые зъ отцовъ и зъ родичовъ своихъ суть та-
мошніе родичы осѣлые, и то за причину ста-
росты и тивуновъ шляхты. Отказъ. На то его
королевская милость казалъ вамъ повѣдѣти,
ижь хочетъ его королевская милость вѣдати:
кому бы тамъ въ Жомойти неосѣлому врьдъ
который былъ данъ? абы есте то повѣдили.

4. Прозьба. Тежъ просили есте его королев-
ской милости и того есте въ той прозьбѣ своей
значнѣ доложили, ижь дей водлѣ привилеѣвъ,
не мѣли бы жадные новые рѣчи въ землю
Жомойтскую вношоны быти; а теперѣ дей
волоки почато тамъ мѣрити, за чимъ дей
отъ помѣрчихъ волочныхъ великіе ся крив-
ды и утиски вамъ дѣють, зъ нарушенемъ при-
вилеѣвъ и вольностей вашихъ. Отказъ. На то

его королевская милость казалъ вамъ повѣди-
ти, ижь не бачитъ его королевская милость,
абы тою помѣрою волочною мѣли привилеѣ и
вольности ваши въ чомъ нарушоны быти;
кгдажъ его королевская милость не на ва-
шихъ земляхъ, а ни межи вашими поддаными
тую помѣру волочную постановити рачилъ:
але межи своими поддаными и на своихъ зем-
ляхъ, для розмноженья пожитковъ своихъ,
тую помѣру пустилъ. А кгда тежъ вамъ есть
вольно на своихъ имѣньяхъ пожитки собѣ чи-
нити, тогда тоежъ его королевской милости
есть еще вольнѣй, а то васъ намытѣй ничимъ
не долегаеть. А естлижъ бы кому што его земли
въ волоки его королевскоѣ милости было умѣ-
рено, а отмыны бы за то не дано; альбо естли
бы якіе кривды и утиски отъ помѣрчихъ его
королевской милости кому ся дѣлаи: тымъ
всїмъ его королевская милость неомѣшканую
и конечную справедливость рачитъ розказати
учинити, такъ, ижь ни хто зъ васъ ни въ чомъ
шкодовати не будетъ.

5. Прозьба. И то тежъ есте въ тыхъ же
прозьбахъ своихъ значнѣ описали, ижь отъ
урядниковъ пановъ великихъ многіе ся крив-
ды и утиски шляхтъ дѣють, въ забираи
земль, людей и иныхъ рѣчей, а оные панове
съ тими врьдники своими справедливости чи-
нити не хочуть, и передъ паномъ старостою къ
праву стати имъ не кажутъ: а такъ, абы панъ
староста оныхъ пановъ обсылалъ, штобы съ
тыми врьдники и съ людьми своими справедли-
вость чинили; а естли бы справедливости чи-
нити не хотѣли, абы староста тыхъ врьдни-
ковъ и подданныхъ ихъ мощно судилъ, и водлѣ
суда своего отправу чинилъ. Отказъ. На то
его королевская милость рачитъ призволати,
и розказуетъ его милость пану старостѣ та-
мошнему Жомойтскому, абы таковымъ обы-
чаемъ, яко прозьба ваша есть учинена, спра-
ведливости шляхтъ и подданымъ ихъ дово-
дилъ и отправу чинилъ, абы черезъ то шляхта
и подданные его королевской милости, и тежъ

ваши, кривдъ и утисковъ отъ тыхъ пановъ № 11.
великихъ не прїимовали.

6. Прозьба. Была тежъ прозьба ваша къ его
королевской милости, абы панове духовные и
мѣщане съ тыхъ имѣній, которые у шляхты
покупили, службу военную служили, альбо
абы за нихъ отъ близкихъ пѣнъзи водлѣ ша-
пунку брали, а того абы панъ староста до-
сматрѣлъ. Отказъ. На то его королевская ми-
лость казалъ вамъ повѣдѣти, ижь рачилъ его
королевская милость поручити и розказати
пану старостѣ Жомойтскому, абы того съ
пильностью досматрѣлъ: естли бы што въ та-
ковыхъ имѣньяхъ отъ службы земскоѣ оты-
шло, нехай бы того не было; а што ся доты-
четъ откладанья пѣнъзей за тые имѣнья, и
того также маеть панъ староста досматрѣти.

7. Прозьба. И о то тежъ есте прозьбу къ его
королевской милости чинили, абы вольно бы-
ло посылати до Нѣмецъ за границу свои вла-
стные збожья и быдла на продажу, и за то
засѣ также на свои властные потребности купо-
вати кони, зброи и иншіе потребности свои, на
пожитокъ свой и на службу земскую, а отъ
того мыта, яко и передъ тымъ бывало, абы не
давали. Отказъ. На то казалъ его королев-
ская милость вамъ повѣдѣти, ижь ся то маеть
такъ заховати, яко и передъ тымъ здавна ся
заховывало.

8. Прозьба. Была тежъ прозьба ваша, абы
въ мѣстѣхъ князьскихъ и паньскихъ мыто не
было брано. Отказъ. То его королевская ми-
лость рачитъ заховати водлѣ давного обычаю:
гдѣ передъ тымъ мыто и торговое было брано,
тамъ и теперѣ маеть брано быти; а гдѣ не би-
рано, тамъ и теперѣ брано быти не маеть.

9. Прозьба. И та тежъ прозьба ваша была,
ижь люди и челядь невольная, зашкodikши,
до Юрборку и до Новог Воли утекають, а
врьдники королевскеѣ милости а ни ихъ вы-
дати, а ни зъ ними справедливости чинити не
хотѣть. Отказъ. О томъ его королевская ми-
лость будетъ рачилъ писати до еѣ королевской

№ 11. милости, абы въ томъ никому зъ васъ никоторая кривда не была.

10. *Прозьба.* Тежъ просили есте, абы князь бискупъ Жомойтскій и со всимъ духовенствомъ своимъ, людей непохожихъ и челядь невольную, которые до нихъ утекають, выдавали, або справедливость зъ ними чинили. *Отказъ.* Его королевская милость казалъ вамъ повѣднѣти, ижъ то они конечнѣ чинити мають; а естли бы не хотѣли, тогды панъ староста вашъ Жомойтскій маеть того съ пыльностью досмотрѣти, абы въ томъ вамъ отъ князя бискупа и отъ всего духовенства его некотороѣ кривды не было.

11. *Прозьба.* Просили есте тежъ, абы бояромъ, шляхтѣ и посполитому чоловѣку, волаѣ давного обычая, волюно было въ пущахъ звѣрь бити, и дерево на будованье брати, и въ озеръхъ рыбы ловити. *Отказъ.* Его королевская милость казалъ вамъ повѣднѣти, ижъ того всего маеть панъ староста достаточнѣ ся довѣдати, естли то передъ тымъ бывало, альбо ни.

12. *Прозьба.* И тая прозьба ваша къ его королевской милости была, абы печать земская дана была, а наибольшей для того, ижъ естли бы которые прозьбы за тою печатью къ его королевской милости были чинены, абы его королевская милость рачилъ вѣдати, ижъ тые прозьбы суть зъ волею всее земли. *Отказъ.* Его королевская милость казалъ вамъ повѣднѣти: кгдажъ того и передъ тымъ, за предковъ его королевской милости николи не бывало, тогды и теперъ быти не можетъ.

13. *Прозьба.* Просили есте тежъ наконецъ его королевской милости, абы волаѣ давного обычая, тивунъ старшій хоруговъ земли Жомойтскоѣ у войску носилъ и у себе ее мѣлъ, и бояръ шляхту къ службѣ военной пописывалъ, и реистры того своего попису абы до пана старосты Жомойтского отдавалъ, а панъ староста засъ до пана гетмана великого тые реистры отсымалъ; а самъ панъ староста и

панъ гетманъ ижъбы войска Жомойтского не пописывали. *Отказъ.* Его королевская милость, нашъ милостивый панъ, тую прозьбу вашу ласково и милостиво къ собѣ припускати, и на томъ то на сесь часъ такъ зостановляти рачить: ижъ старшій тивунъ въ земли Жомойтской, часу потребы военнѣ, або которого — колвекъ иного рушенья, маеть войско земли Жомойтской, всю шляхту, которая службу военную служити повинна, достаточнѣ, каждого меновитъ, и почотъ его весь, и кони въ шерсть, и зброи и барву списати, и жадного утаивати, або отъ службы военнѣ отпускати, альбо которую фолькгу чинити не маеть, подъ цнотю и подъ вѣрою своею, кторою его королевской милости и рѣчи посполитой естъ повиненъ; и тые реистры того попису своего маеть до пана старосты Жомойтского отдавати, а панъ староста засъ маеть тые реистры до пана гетмана великого отсылати; а панъ гетманъ, естли бы того потреба вказывала, можетъ оному войску Жомойтскому рсказати, абы ся передъ нимъ волаѣ оногo попису къ шихованью оказали; а повторнѣ вже, при томъ оказываньи, не мають быти пописываны. А тивуну своему старшому отъ попису не мають ничего давати.

А тые двѣ рѣчи, которые есте въ тыхъ же прозьбахъ своихъ написали, ачъ — колвекъ ся не стигають ни на чий иный пожитокъ, одно на властный пожитокъ его королевской милости самого, и для того на то отказу мала была потреба: однакъ же его королевская милость и на то рачилъ рсказать отказъ учинити.

14. *Прозьба.* Што есте повѣдили, ижъ панъ Станиславъ Скопъ, куничникъ Жомойтскій, выбираючи пѣязи куничные отъ приставовъ земли Жомойтской, великую обтяжливость приставомъ и людемъ чинитъ, беручи на нихъ великую стацею пѣнежную и поклоны непомярны; для чого и приставове и люди, земли покинувши, прочъ ся розошли. *Отказъ.* Не съ влячностью его королевская милость рачить

то слухати, ижъ ся таковыя обтяжливости подданнымъ его королевской милости отъ того куничника дѣяли; и, не хотѣчи того болшей мѣти, рачить его королевская милость тотъ врядъ куничный отъ Скопа за таковыми причинами отобрати. И рачить его королевская милость рсказати тивуномъ и врядникомъ своимъ, абы тотъ платъ куничный кождый зъ нихъ въ своемъ тивунствѣ и въ своемъ врядѣ съ приставовъ и съ людей выбиралъ, и посполъ зъ иншими платы до скарбу его королевской милости отдавалъ и личьбу чинилъ, але въ тыхъ стацяхъ и въ поклонѣхъ побожнѣ къ подданнымъ его королевскоѣ милости абы ся заховывали. А ижъбы напотомъ такожъ хто зъ васъ того куничства восполокъ съ тивунствомъ не позбылъ, стацей и поклоновъ за тыми куницами брати не можете.

15. *Прозьба.* А потомъ просили есте, абы то его королевская милость рачилъ рсказати: у скарбъ своемъ на личьбѣ пріймовати, што коли тутъ зъ людей убудеть; естли бы хто повѣтремъ вымеръ, або зъ домомъ згорѣлъ, або прочъ утекъ, або для убожства плату давати не могъ, абы то на личьбѣ было пріймовано. *Отказъ.* То его королевская милость рачилъ рсказати подскарбьему своему, пану воеводѣ, пану Ивану Горвостаю, ижъбы того съ пыльностью въ скарбъ при личьбѣ догладано, абы отъ таковыхъ гиблыхъ и немающихъ людей платъ на врядникахъ не былъ вытеганъ; а вѣдже и врядники, волаѣ вѣры и цноты свое, мають то правдиве, подъ сумнѣнемъ, при личьбѣ повѣднѣти, ижъ отъ тыхъ гиблыхъ ничего не могли платовъ его королевской милости взяти.

IV.—Прозьбы земли Волинскоѣ.

Арт. 1. *Прозьба.* Што есте на семъ теперешнемъ соймѣ вальномъ Виленскомъ его королевской милости пана нашого милостивого просили, и тые прозьбы свои на писмѣ подали, а напервѣй о томъ, абы на имѣньяхъ князьскихъ и паньскихъ и землянскихъ мытны-

ки его королевской милости и сторожы ко- № 11.
моръ мытныхъ не лежали. *Отказъ.* На тую прозьбу вашу его королевская милость, нашъ милостивый панъ, такъ вамъ повѣднѣти казалъ: ижъ его королевская милость взявши въ руки и въ моцъ свою панство свое дѣдичное, великое князьство, такъ тотъ обычай засталъ, ижъ за отца и за предковъ его королевской милости, сторожы мытные, стерегучи промытъ, на имѣньяхъ вашихъ князьскихъ, паньскихъ и землянскихъ леживали; такъ же и теперъ его королевская милость того отступати не рачить, и такъ то мѣти хочеть, абы сторожы мытные, гдѣ передъ тымъ для промытъ леживали, и теперъ бы тамъ на имѣньяхъ вашихъ мѣшкали и пожитковъ мытныхъ стерегли, якожъ тая сторожа не только тамъ на Волини, але и по всему панству великому князьству естъ установлена: бо естли бы тоѣ сторожы мытноѣ на имѣньяхъ вашихъ не было, тогды бѣ многіе купцы, оминаючи мыта головные, дорогами незвыклыми провѣзжали, а въ томъ бы его королевская милость много въ пожиткахъ своихъ мытныхъ шкодовати мусилъ. И не бачитъ его королевская милость, абы тая сторожа мытная на вашихъ имѣньяхъ мѣла вамъ якую шкоду, або переказу пожиткомъ вашимъ чинити: кгдажъ тые сторожы мытные, мѣшкаючи на имѣньяхъ вашихъ, ничего иного не смотрятъ, только пожитковъ его королевскоѣ милости мытныхъ головныхъ, хто бы ся на мытѣхъ головныхъ не обмытилъ, и таковыхъ они пылнють, а въ ваши пожитки ничимъ ся намѣтъ не вступаютъ. А который бы колвекъ сторожъ мытный вашимъ пожиткомъ якую шкоду учинилъ, або ся въ нихъ вступовалъ, а то бы на него слушнымъ доводомъ было переведено: тогды таковой не только ижъ повиненъ будетъ шкоду оправити, але, надъ то, и каранъ будетъ, такъ, ижъ иншіе на то смотрѣчи отъ того ся повстегати будутъ. А такъ, и повторнѣ, его королевская милость вамъ то рсказовати рачить,

№ 11. и такъ то мѣти конечнѣ хочеть, абы сторожы мытныя на имѣньяхъ вашихъ, гдѣ бы того потреба указывала, мѣшкали безъ каждой переказы ваше.

2. *Прозьба.* Просили тежъ его королевской милости, абы купцы съ куплями своими иными новыми дорогами не ходили, одно старыми звыклыми гостинцы. *Отказъ.* На то его королевская милость призолати рачить, и тыхъ новыхъ дорогъ кунцомъ боронити роскажетъ.

3. *Прозьба.* Просили тежъ есте его королевской милости, абы мытники жадныхъ мытъ зъ рѣчей властныхъ князьскихъ и паньскихъ и землянскихъ не брали. *Отказъ.* На то его королевская милость такъ вамъ росказалъ повѣдити: ижъ его милость не рачить росказывати, отъ таковыхъ рѣчей мыта брати, отъ которыхъ первѣй не брано; але отъ которыхъ передъ тымъ мыто было брано, того и теперь его королевская милость отпустить не хочеть. А если бы мытники, надъ обычай давный и надъ уставу, мыто отъ тыхъ рѣчей брали, отъ которыхъ передъ тымъ не брано, и то бы на нихъ было доводомъ слушнымъ переведено: тогда то и зъ навязкою оправовати будутъ повинни.

4. *Прозьба.* И то тежъ есте на прозьбъ своей его королевской милости подали, абы людемъ пѣняжнымъ пикоторая устава на живности имъ самымъ и конемъ ихъ не была, але ижъбы всякую рѣчь цѣною, яко ся хто сторгуеть, куповали. *Отказъ.* На то его королевская милость росказалъ вамъ повѣдити: ижъ его королевская милость маючи на то особливую бачность, ижъ тые тамъ люди пѣняжные не для чыее иноѣ обороны суть положены, одно для ваше, абы неприятели вамъ самымъ и маествостямъ вашимъ безвѣстно шкодъ не чинилъ; маючи тежъ его королевская милость и на то бачность, ижъ если бы люди пѣняжные мѣли цѣною и торгомъ у вашихъ людей што куповати; тогда бы, по-

добно, такая купля большую шкоду людемъ вашимъ принесла, ижъ пожитокъ: и для того его королевская милость рачить росказати справцу людей тамошнихъ пѣняжныхъ, абы уставу на всякіе живности тымъ людемъ пѣняжнымъ водлѣ часу теперешнего установилъ, абы каждый вѣдалъ, што за што маеть дати, а што тежъ за што взяти.

5. *Прозьба.* На остатку, и тую есте прозьбу къ его королевской милости чинили, абы тымъ ктвалтамъ, наѣздамъ, забойствамъ, и забиранию земель, и грабежомъ, которые ся отъ пановъ Поляковъ вамъ дѣють, была справедливость учинена и конецъ слушный тому постановленъ. *Отказъ.* Тую прозьбу вашу его королевская милость на доброй памяти своей мѣти рачить, и дастъ Богъ, будучи сими часы на соймѣ вальномъ корунномъ, хочеть его королевская милость съ паны корунными около таковыхъ рѣчей обмовити и конечное постановление учинити, и тотъ обычай тому найти, ижъбы ся таковыя рѣчи межи паньствами его королевской милости черезъ то вже не дѣяли, абы каждый своего съ покоемъ уживалъ.

V. — На томъ же теперешнемъ соймѣ вальномъ Виленскомъ, въ року 1551, по тыхъ всихъ прозьбахъ своихъ вышей писанныхъ, которые княжата, панята, шляхта, и вси земли, и все рыцерство великого князства Литовского, къ его королевской милости пану своему милостивому чинили (на которые вжо и отказъ отъ его королевской милости водлѣ воли и ласки его милости взяли, што есть на писмѣ достаточнѣ описано); тогда, на сесь же часъ, будучи вси станове великого князства отъ его королевской милости напомянены, около того радили, мыслили и на конецъ постановили: которымъ бы обычаемъ, часу каждоѣ потребы и небезпечности отъ неприятели, оборона тому паньству и отпоръ тымъ неприятели мѣлъ чиненъ быти. За чимъ же вси земли, княжата, панята, шляхта и все

рыцерство великого князства, къ той оборонѣ своей и земской, таковое постановление до часу учинили:

1. Ижъ хто — кольвекъ маеть маестности своея девять служобъ тяглыхъ, таковой каждый повиненъ будетъ съ тыхъ девяти служобъ пахолка, на кони въ зброи, въ сукни свѣтлой, къ службѣ военной ставити, водлугъ оныхъ прошлыхъ первшихъ соймовъ ухвалъ и уставъ. А хто маеть девяностъ служобъ, тотъ повиненъ будетъ десять пахолковъ конныхъ, збройныхъ, къ службѣ военной ставити. Которое жъ постановление на сесь часъ тотъ-то обороны земскоѣ рачилъ его королевская милость отъ подданныхъ своихъ, княжатъ, панятъ и отъ всея шляхты ласково и милостиве принять.

2. Надъ то тежъ есте вси станове великого князства, княжата, панята, шляхта и все рыцерство, милуючи его королевскую милость, пана своего прироженного дѣдичного, и рѣчь посполитую того-то паньства его милости великого князства Литовского, поступили, для обороны тежъ земской, и для покою посполитого всея земли, и для певнѣйшое безпечности своея и статковъ и маестностей своихъ, платъ посполитый земскій, серебшизну съ людей своихъ тяглыхъ, отъ каждоѣ сохи оромомъ по пяти грошей, а отъ земли, хто бы сохи не мѣлъ, а земли уживалъ, также по пяти грошей, до трехъ годовъ.

3. А при томъ же платъ посполитомъ земскомъ, поступили также отъ каждоѣ сохи оромомъ по пѣнезю, на сграву тымъ, которые мають, водлѣ прозьбы всея земли, статутъ права посполитого за росказаньемъ его королевской милости поправляти.

4. Бачучи вси станове великого князства тые такъ великіе а наглые потребы того паньства великого князства, ижъ со всихъ сторонъ у великой небезпечности отъ неприятели есть, зложили рокъ певный, тую серебшизну зъ людей своихъ выбравши, подъ при-

сягами своими отдати до скарбу посполитого № 11. земского, на день Громницъ свята Панны Маріи прійдучого въ томъ другомъ пришломъ году въ пятьдесятъ второмъ; а на отбирание тоѣ серебшизны обрали собѣ бирьчими, князя Венцлава бискупа Жомойтского, а маршалка господарьского пана Яна Юрьевича Комаевского, а при нихъ писаремъ або пана Глѣба Есмана, або пана Бенедикта, ключника Троцкого. Нижли господарь король его милость, намовивши около того съ паны радами ихъ милостью, и бачучи на то особливо, ижъ на сесь часъ, за караньемъ Божиимъ, на вси стороны есть великій неурожай и недостатокъ збожья и, правъ, голодъ; а такъ, если бы тая серебшизна мѣла на тотъ рокъ, на день Громницъ въ ономъ пришломъ году пятьдесятъ второмъ выбирана быти: тогда бы людемъ въ томъ великая тяжкость была, и тотъ бы платъ посполитый жаднымъ обычаемъ не могъ сполна выбранъ быти, а въ томъ бы никому иному большая шкода не была, только рѣчи посполитой и оборонѣ земской; и для того рачилъ его королевская милость рокъ отданью тоѣ серебшизны далѣй помкнути, и зложилъ его королевская милость рокъ певный, остатный, правъ якобы завитый, тую серебшизну первую до пановъ бирьчихъ отдати на день Нароженя Панны Маріи въ року пришломъ пятьдесятъ второмъ. А хтожъ бы кольвекъ, якожъ кольвекъ стану, того плату посполитого на тотъ — тамъ рокъ завитый, на день Нароженя Панны Маріи до бирьчихъ не отдалъ: таковой каждый, жадного не выимуючи, повиненъ будетъ совито платити, и то на немъ маеть мощно справлено быти и до скарбу посполитого, до пановъ бирьчихъ отдано. А до того часу, поки ся тотъ платъ выбереть, абы ся оборона земская не омышкивала и рѣчь бы посполитая котороѣ шкоды отъ неприятели не пріймовала, его королевская милость, милуючи сее паньство свое отчизное великое князство и всихъ подданныхъ тутош-

№ 11. нихъ, зъ ласки и доброты своее паньскоѣ, рачилъ росказати, съ скарбу своего властного вси потреби теперешніе земскіе грошомъ своимъ властнымъ опатровати; а што — кольвекъ на то выдано будетъ, то зась съ того плату серебшизнаго маеть до скарбу его королевской милости отложено быти. А што ся дотычетъ другоѣ серебшизны, на другій годъ поступленой, тая также маеть быти отдана до скарбу посполитого, до пановъ бирьчихъ, на тотъ же день Громницъ свята Панны Маріи, которое будетъ алижъ въ року пятьдесятъ третьемъ. Што ся тежъ дотычетъ третье се-ребшизны, на третій годъ, тая вже маеть от-дана быти до скарбу посполитого на семую субботу въ томъ же году пятьдесятъ третьемъ, або яко господарь его милость рокъ водлѣ по-требы зложити рачитъ.

5. Хотячи тежъ его королевская милость и то у вѣдомости своей мѣти, колько хто почту своего, водлѣ теперешнее ухвалы, зъ девяти служобъ десятого выправуючи, къ службѣ военной ставити есть повиненъ, рачилъ его королевская милость росказати и такъ поста-новити, абы каждый выбираючи съ подданыхъ своихъ тую серебшизну, каждую служ-бу меновитъ въ рейстры написалъ, и посполъ съ серебшизною рейстръ тотъ людей своихъ до скарбу отдалъ, подъ присягою, ижъ ни-чего, а ни серебшизны, а ни людей своихъ не утаилъ.

6. Што ся тежъ дотычетъ того оказыванья, яко то на прошлыхъ соймѣхъ было постано-влено, ижъ мѣли вси съ почты своими передъ паны воеводами своими повѣстовыми оказы-ваться, яко хто службу военную служити есть повиненъ: ино около того оказыванья и около попису всее земли, на сесь часъ его королев-ская милость не рачилъ ещо ничего скончыть, а то для того, ижъ на сесь часъ, для голоду, многіе люди зъ домовъ своихъ прочъ розош-лися; а такъ, если бы теперъ тое оказыванье и попись быти мѣлъ, тогда бы немало почту

отъ службы военної убыло: и для того его королевская милость рачилъ тое оказыванье и попись помкнути далѣй ондѣй, ажъ по жни-вѣхъ, лѣтъ. А до того часу, маеть предься служба военная служона быти по тому, яко былъ ухвалилъ и постановилъ славной памяти отецъ его королевской милости, со всеми станы и со всеми землями, на остатнемъ соймѣ валь-номъ Берестейскомъ.

7. Были тежъ на томъ же теперешнемъ сой-мѣ напомнимъ отъ его королевской милости вси княжата, панята, шляхта великого князь-ства Литовского, абы и о томъ не меньшей мыслили и радили, ижъ ся рука непріятель-ская не по малу силитъ, а замки украинные вельми опали и пильноѣ оправы потребуютъ, и новыхъ тежъ замковъ на нѣкоторыхъ мѣст-цахъ есть не меньшая потреба. А его королев-ская милость рачитъ певную вѣдомость мѣти, не только отъ тыхъ своихъ посланцовъ, кото-рые послѣ остатнего сойму Берестейского вси замки, не только украинные, але и тутощ-ніе, за росказаньемъ его королевской милости объѣзжали и пописывали; але тежъ рачитъ его королевская милость еще лѣпшую вѣдо-мость мѣти зъ многихъ книгъ и рейстровъ, которые князи, панове, бояре повинни замки робити, мосты мостити, гати гатити, подводы и стацыи давати, сторожу при городахъ дер-жати; а такъ, абы тымъ всимъ потребамъ зем-скимъ слушный посролокъ находили, кото-рымъ бы обычаемъ тые повинности и потреби рѣчи посполитоѣ были опатрованы. За кото-рымъ же постановленьемъ и напомнимъ емъ господарскимъ, приходчи передъ его коро-левскую милость князи, панове, бояре и вся шляхта великого князьства, повѣдили то черезъ подчашаго господарского, старосту Тыкотиньского и Могилевского, черезъ пана Станислава Николаевича Кгезкайла, ижъ они милуючи рѣчь посполитую, и добрый радъ и справу, и пожитокъ того паньства великого князьства, тыхъ всихъ работъ замковыхъ и

мостовыхъ, и сторожи городовъ съ тыхъ людей своихъ поступили, которые къ тымъ работамъ и пошлинамъ городovýmъ и мосто-вымъ здавна были повинни, и подъ то ся под-дали, ижъ вжо отъ сего часу и на потомные вѣчные часы, люди ихъ, и тежъ костелные и церковные пановъ духовныхъ Римского и Гре-ческого закону, которые на то передъ тымъ были повинни, мають города новые робити, старые оправовати, мосты мостити, гати га-тити, тамъ, гдѣ того потреба и пожитокъ рѣчи посполитоѣ указовати будетъ; тежъ сторожу городовую, и станы, и стацыи, хто передъ тымъ полнивалъ, тотъ и теперъ на то пови-ненъ. А хтожъ бы кольвекъ, якогжъ бы кольвекъ стану былъ, тоѣ теперешнѣе уставы и ухвалы посполитоѣ, къ шкодѣ земской, полнити не хотѣлъ: таковый каждый, жадного не выймучи, маеть къ тому моцою госпо-дарскою моцно приворочиванъ быти. И маеть вжо, отъ сего часу, его королевская милость обрати и напомнимъ колько особъ, людей зац-ныхъ, вѣры годныхъ и пожитокъ рѣчи поспо-литой милуючихъ, которые мають въ каждый годъ замки пограничные и тутощніе объѣз-жати, и всихъ потребъ и недостатковъ оныхъ замковъ доглядати, и господарю его милости и паномъ радамъ о томъ всемъ давати знати. Па-нове тежъ воеводы и панове старосты всихъ замковъ мають, водлѣ повинностей своихъ, съ пильностью того доглядывати, абы каждый, хто гдѣ што въ тыхъ замкахъ робити пови-ненъ, тое заробилъ; а въ тыхъ работахъ жад-ному нѣкоторый отпускъ, а ни фольгованье быти не маеть. А чого бы гдѣ не доставало водлѣ повинностей кимъ робити, то вже о томъ самъ господарь его милость съ паны ра-дами своими обмышляти будетъ рачилъ.

8. О подводы тежъ таковое постановление есть учинено: ижъ хто — кольвекъ, якогжъ кольвекъ стану, духовный або свѣтскій, князь, панъ; бояринъ, дворянинъ, вдова, маеть и держитъ тые люди зъ ласки предковъ госпо-

дарскихъ и зъ ласки тежъ его королевской № 11. милости самого, и которые передъ тымъ, по-сполъ съ подданными господарскими, подводы и стацыи давали и станы ставили, тые и те-перь повинни будутъ вже отъ сего часу под-воды давати, и тыхъ подводъ они сами съ подданныхъ своихъ добровольно поступили.

Была тежъ около того обмова: если бы ся видѣло кому то съ трудностью, абы люди его тыхъ подводъ пильновати мѣли, або который слушный платъ на рокъ зъ людей ихъ шолъ, штобы за то подводы наймовати, ижъбы гонцы и послы въ справахъ господарскихъ и земскихъ нѣкоторого омѣшканья не пріймо-вали; и такъ ся многіе зъ нихъ къ тому прі-мовляли, хотѣчи на рокъ съ каждой службы своею подводовой по шести грошей до вряду, куды подвода бѣжитъ, давати, три грошы на семую субботу, а другіе три грошы о святомъ Михайлѣ, або о святомъ Мартинѣ давати, а врядъ абы вжо за тые пѣнязи самъ подводы подъ послы годъ отъ году опатроваль: нижли иншіе нѣкоторые, не хотячи, подобно, на тотъ податокъ подводный зволити, и не кон-чавши тоѣ рѣчи, прочъ ся розѣхали. А такъ господарь его милость бачачи на то, ижъ боль-шая половина и преднѣйшая всихъ становъ великого князьства на таковый поборъ под-водный зволела ся и поступила, на томъ его милость то зоставити рачилъ: ижъ хто бы кольвекъ, якогжъ кольвекъ стану, духовного або свѣтского, мѣлъ и держалъ, зъ ласки предковъ его королевской милости, люди под-водные, тотъ каждый маеть отъ каждой служ-бы подводной давати до вряду, куды подвода бѣжитъ, по шести грошей на годъ, три на семую субботу, а три о святомъ Мартинѣ; а врядъ вже за тые пѣнязи подводы подъ гон-цы и подъ послы опатровати и давати пови-ненъ будетъ, абы ся справы господарскіе и земскіе не омѣшкивали.

9. Была тежъ обмова, ижъбы подводъ Ва-силишской и Волковийской была отмѣна въ

№ 12. Мостѣхъ, а подводъ зась Волковѣйской и Каменецкой абы была отмѣна въ Шерешовѣ; и о томъ его королевская милость маеть писати до королевое еѣ милости.

10. За чоломбѣемъ и за прозьбами княжатъ, пацятъ и шляхты, будетъ рачилъ его королевская милость мовити и на конецъ постановленѣе вчинити съ паны радами корунными, на теперешнемъ соймѣ Петриковскомъ, около вчиненя певныхъ вѣчныхъ границъ и около всихъ тыхъ кривдъ и шкодъ, которые имъ отъ пановъ Поляковъ дѣются: и естли бы такъ скоро границы вѣчны быти не могли, тогда будетъ рачилъ его королевская милость хотя до часу то застановити, абы до туль таковыя квалты, забойства, набѣды, пожоги, грабежи, забиранья земель не были, кгдажъ зъ ласки Божье, его королевская милость объма тыми паньствы самъ одинъ на сесь часть справуетъ и ими владѣть. И для того его королевской милости мають даны быти прозьбы обывателей великого князства, которые въ тыхъ же рѣчахъ къ отцу его королевской милости славноѣ памяти на остатнемъ соймѣ Берестейскомъ чинили; мають тежъ даны быти и тые отказы, которые на онъ часть на тые прозьбы имъ были учинены, абы его королевская милость, водлѣ тыхъ первыхъ и теперешнихъ прозьбъ, намову и постановленѣе о тыхъ рѣчахъ на томъ теперешнемъ соймѣ Петриковскомъ съ паны корунными учинити рачилъ.

11. И то тежъ на томъ же теперешнемъ вальномъ соймѣ Виленскомъ рачилъ его королевская милость съ паны радами своими установити и ухвалити, около выдаванья замужъ дѣвокъ, по смерти отцовъ ихъ осиротѣлыхъ: ижъ каждая вдова, оставши на вдовьемъ столыцы по мужу своемъ, не маеть дочокъ своихъ сама одна, своею волею, замужъ выдавати, алежъ съ волею и зъ вѣдомостью братьи рожоной оныхъ дочокъ своихъ, лѣтъ до-рослыхъ. А естли бы оныя дѣвки братьи ро-

жоной не мѣли, тогда вжо замужъ мають выдаваны быти зъ вѣдомостью и съ волею и съ порою братьи своею стрыечной, або иныхъ которыхъ близкихъ кровныхъ, прѣтелей отца ихъ по мечу. А естли бы, пакъ, близкихъ кровныхъ, прѣтелей отца ихъ по мечу не было: тогда мають быти выдаваны съ волею и съ порою вуетъ рожоныхъ и иныхъ близкихъ кровныхъ своихъ по матцѣ. А естли бы ся прѣтели кровные тоѣ дѣвки около того выдаванья зъ маткою еѣ не згожали, тогда мають объ-дѣе сторонѣ, то есть, и matka и близкіе оноѣ дѣвки очивисто стати передъ самымъ господаремъ его милостью, а въ небытности его милости въ тутошнемъ паньствѣ, ино передъ паны радами, або передъ воеводами своими повѣтовыми, и мають повѣдити зъ obu сторонѣ слушныя причины, для чого тую дѣвку замужъ дать, або не дать не хочутъ; а господарь его милость, або панове рада, або панове воеводы повѣтовые на онъ часть мають розузнати, хто зъ нихъ, естли matka, або тые близкіе прѣтели тоѣ дѣвки слушнѣйшіе причины къ выданью еѣ замужъ повѣдятъ: тогда, за слушнѣйшою порою оныхъ прѣтелей або матки своею, тая дѣвка маеть замужъ выдана быти.

Сии пять статей выписаны изъ Литовской Метрики (Публ. дѣлъ кв. IV, л. 36 — 71), хранящейся при Правительствующемъ Сенатѣ, въ С. Петербургѣ.

12. — 1553 Февраля 28. Судная грамота Полоцкаго архіепископа Германа, о предоставленіи Витебской игуменьи Маріамнѣ имущества, по духовной ея мужа.

Милостью Божьею и пречистой его Матере, мы Германъ Хребтовичъ, архіепископъ владыка Полоцкій, Витебскій и Мстиславскій, а при насъ въ тотъ часъ были духовныи наши: архимандритъ Петровскій Іона, игумень Пятницкій Кондратій, игумень Вознесенскій Оерапонтъ, и крымошане соборной

церкви Премудрости Божьей святой Софіи, и священники, Стрътенскій Ларіонъ, Козмодемьянскій Григорей, Рождественскій Семіонъ, Троецкій Петръ, Благовѣщенскій Семіонъ, Дмитровскій Андрей, и бояре господарскіи земли Полоцкой, князь Михайло Соколенскій, и панъ Иванъ Володковичъ, и панъ Иванъ Стрижевскій, и панъ Матеей Николаевичъ дворянинъ господарскій, смотрѣли есмо того дѣла. Стояли передъ нами очивисто, жаловала намъ игуменья монастыря Пречистенского Витебского, именемъ Мариміана, на священника Пятницкого Витебского Іосифа Жижчика, тымъ обычаемъ: «ижъ кгда дей мужъ мой, братъ его рожоный Левонъ Жижчикъ, будучи немочонъ и ожидаючи смертного часу на себе, а хотѣчи мнѣ по животъ своемъ отписати, яко на имѣнни, и въ поляхъ оромыхъ, и въ сѣножатехъ, и въ селѣ Кудриничахъ, яко въ отчизнѣ, такъ въ купли, и въ шатахъ, и въ статку домовомъ, и во всякой рухомой рѣчи третью часть, — просилъ до себе священника Духовского Витебского Іосифа и при немъ иныхъ людей добрыхъ; якожъ тотъ священникъ зъ людьми добрыми, за желаньемъ небожника мужа моего, къ нему пришли, а такъ небожикъ мужъ мой просилъ того священника Духовского о написаньи духовницы. И тотъ священникъ, за прозбою небожника мужа моего, духовницу предъ людьми добрыми справилъ, въ которой духовницы мужъ мой небожикъ третью часть, яко на имѣнни, такъ въ земляхъ отчизныхъ и купленныхъ, и въ сѣножатехъ, и въ селѣ Кудриничахъ, и въ статку домовомъ, и въ рѣчахъ рухомыхъ, мнѣ былъ на вѣчность отписалъ: то, пакъ, дей тотъ священникъ Пятницкій Іосифъ, братъ мужа моего рожоный, дѣверъ мой, пришедши, нѣтъ вѣдома въ который способъ, взявши зъ рукъ у того священника Духовского Іосифа духовницу изодралъ. Якожъ дей небожикъ мужъ мой Левонъ, предъся хотѣчи мене по смерти своей при той третьей части земли и статковъ

домовыхъ оставить еще за доброй памяти № 12. своею, просилъ тогожъ священника Духовского Іосифа, ижбы онъ водлугъ первой жъ духовницы другую духовницу справилъ. И тотъ дей священникъ Пятницкій, дѣверъ мой, заручилъ ему подъ десятма рублями грошей на его милость отца владыку Полоцкого, штобы другой духовницы не писалъ (и тотъ дей священникъ Духовскій, за зарученьемъ его, другой духовницы не писалъ); а то дей все, што было въ первой духовницы ознаймено, яко на имѣнни, такъ и въ поляхъ отчизныхъ и купленныхъ, и въ селѣ Кудриничахъ, и въ шатахъ, и въ рухомыхъ рѣчахъ третью часть отнялъ, и теперь то на себе держитъ, а мнѣ того дати и поступити не хочеть.» — Онъ напротивку жалобы еѣ отпоръ чинилъ, тымъ обычаемъ: «што дей мужъ еѣ, а братъ мой небожикъ, сходячи съ сего свѣта отписалъ, и што ей на духовницы своей ознаймилъ, тую дей духовницу она у себе и теперь маеть.» Она повѣдила: «ачъ-колекъ дей я духовницу маю, а ты дей тую духовницу яко хотѣлъ, такъ и писалъ, а въ тотъ дей часть уже мужъ мой не говорилъ.» — «А што ся дей дотычетъ на имѣнни и въ поляхъ третее части, то дей сынъ мой Тарасъ, за записомъ еѣ и за листомъ судовымъ его милости пана Станислава Кишки, воеводы Витебского, держитъ.» Она къ тому повѣдила: «я дей своею третее части не продавала, а нижъ запису ему никоторого на себе не давала; и кгда дей я мѣла о томъ право съ сыномъ твоимъ Тарасомъ предъ его милостью паномъ воеводою Витебскимъ паномъ Станиславомъ Кишкою, и ты дей по сынъ своемъ свѣтчилъ, якобы я мѣла сыну твоему свою третью часть продать и листомъ моимъ записать, въ которомъ же дей листъ въ купчомъ твоя печать была приложена; и его дей милость панъ воевода, за несправедливымъ свѣдѣтельствомъ твоимъ, сына твоего Тараса при той моей третьей части оставилъ; а я дей тоѣ заручила была на его милость ар-

№ 12. хієпископа владыку Полоцкого, подъ десятма рублями грошей, предъ вридикомъ его милости Витебскимъ Богданомъ Романовичомъ, штобы дей ты безъ благословенья и вѣдомости его милости, а зваща по своемъ сынъ предъ его милостью паномъ воеводою не свѣтчилъ: и ты дей, не дбаючи о заруку его милости, предъся свѣдѣтельство чинилъ.» И кгдажъ тотъ попъ Пятницкій Іосифъ, за жалобою тоѣ старицы, за дѣцкимъ нашимъ передъ нами былъ поставленъ, и на онъ часть тотъ сынъ его Тарасъ при отцы своемъ у насъ былъ, и листъ купчій и тежъ листъ судовый его милости пана воеводы Витебского передъ нами вказывалъ, якожъ въ листъ купчомъ печать того священника Пятницкого есть. — Мы тежъ, не нарушиваючи ничимъ суда его милости пана Станислава Кишки, воеводы Витебского, сына его при той земли, купчанинъ его, zostавили. А ижъ его милость панъ воевода Витебскій на листъ судовомъ той старицѣ право съ тыми свѣтками заховати рачилъ, она тежъ съ нимъ, яко съ свѣткомъ своимъ, о свѣдѣство и о содранье духовниці и о рухомые рѣчи передъ нами мовила, и тую духовницу, которую уже дей по преставленьи мужа еѣ справовано, передъ нами поклала: мы тежъ обачивши неслухное справленье оноѣ духовниці, и въ томъ порозумѣнье взявши и обмову съ духовными нашими вчинивши, пытали есмо того попа Пятницкого Іосифа: для котороѣ причины онъ духовницу вырвавши зъ рукъ попа Духовского Іосифа содралъ? онъ ся къ тому не зналъ, ижбы духовницу у того попа вырвати и содрати мѣлъ. Она доводячи того, ставила шапку до того попа Духовского Витебского Іосифа, который дей за прозбою небожчика мужа еѣ тую духовницу писалъ, которую онъ вырвавши изодралъ; онъ до того священника шапку приставилъ. Мы до того священника Духовского, на опытанье, послали коморника нашего Ивана Войсецкого; и тотъ коморникъ нашъ, будучи тамъ и опытавши того

священника передъ людьми добрыми, свѣдѣство оноѣ попа передъ нами отказалъ, тымъ обычаемъ: «ижъ кгда дей мужъ еѣ небожчикъ Левонъ Жижчикъ, будучи въ великой хворобѣ, просилъ дей мене до себе, и я дей, за прозбою его, къ нему пришолъ (и на онъ же дей часть немало при немъ людей добрыхъ было); и жедалъ дей онъ мене, ижбыхъ я ему духовницу написалъ; и я дей за жедаьемъ его написалъ былъ духовницу, въ которой третью часть земли своей, къ тому шаты и иншия рѣчи жонѣ своей отписалъ: то пакъ дей тотъ священникъ Пятницкій Іосифъ, дѣверъ еѣ, пришедши до мене, тую духовницу зъ рукъ моихъ вырвалъ и содралъ; а такъ дей онъ повторнѣ просилъ мене, абыхъ я духовницу въ тосжъ слово написалъ; и я дей хотѣлъ былъ и другую духовницу писать, ино тотъ же дей попъ Пятницкій Іосифъ заручилъ мнѣ на его милость архієпископа владыку Полоцкого подъ десятма рублями грошей, штобы я другой духовницы не писалъ; и я дей за онымъ зарученьемъ его, другой духовницы не писалъ.» — Мы тежъ, водлугъ сознанья того священника Духовского Іосифа, до которого ся самъ тотъ священникъ Пятницкій добровольнѣ слалъ, знашли есмо священника Пятницкого Іосифа, дѣверя еѣ, въ томъ винного, и пытали есмо ее: чи много она за содраньемъ той духовницы собѣ отъ него шкодуетъ? она реистръ шкодъ своихъ списавши передъ нами положила, въ которомъ реистрѣ такъ стоитъ: «напервѣй, въ имѣньи небожчика мужа моего въ Кудриничахъ, и въ поляхъ отчизныхъ и купленыхъ, въ сѣножатехъ, въ крамахъ, третью часть мнѣ отписалъ, къ тому статковъ домовыхъ: котелъ великій пивный, за который дано рубль грошей; кожухъ лисей, ножковый, лунскимъ зеленымъ сукномъ крытъ, который стоялъ двухъ копъ грошей; рукомыя мѣденая, за которую дано полкопы грошей; на жонцѣ Агреницы, которая дей жонка и теперь у него есть, полторы копы грошей ши-

рокихъ; на Тарасъ, который дей мѣшкаетъ на Слободѣ, пятьдесятъ грошей широкихъ; семеро коней, за одного дей дано шесть копъ грошей широкихъ, а за другого полтора рубля грошей широкихъ же, а тыи пятеро коней постановили есмо по полтинѣ грошей; а быдла рогатого десятеро, то есмо постановили по полкопы грошей; котловъ малыхъ пять, то есмо осумовали по пяти грошей; крама, которая дей стоитъ напротивку храму святоѣ Пятницы, а въ той дей крамѣ такъ было много рѣчей, якобы за десять копъ грошей товару; панцырь, который дей стоялъ копы грошей; а моихъ дей властныхъ приносныхъ пѣнязей десять копъ грошей широкихъ, того всего на суммѣ оказалось яко сорокъ и шесть копъ и пять грошей.» И на томъ тая старица бралася къ присязѣ, хотячи того сумнѣьемъ своимъ доправити, ижъ такъ мнѣго ей на томъ тестаментѣ было отписано, яко она на списку передъ нами оказала. Священникъ тежъ Пятницкій Іосифъ самъ ее къ присязѣ пустилъ. Мы ей рокъ присязѣ зложили, третій день, въ пятницу. Кгда рокъ присязѣ зложонъ пятница припалъ, тая игуменья Витебская Мариміяна стала и на томъ на всемъ присягу вчинити была готова: нижи священникъ Пятницкій, не ведучи ее къ присязѣ, самъ добровольнѣ тую исчую игуменью передналъ, и на ономъ еднанью такъ съ нею постановилъ, ижъ онъ маеть, ослободивши самъ, своимъ грошомъ, у сына своего Тараса третью часть земли и сѣножатей отчизныхъ и купленыхъ небожчика мужа еѣ, и тежъ часть третью въ селѣ Кудриничахъ, и въ томъ дому што въ мѣстѣ Витебскомъ маеть, и въ крамѣхъ и во всякихъ иныхъ рѣчахъ, и въ земляхъ оромыхъ и неоромыхъ, што ей небожчикъ мужъ еѣ отписалъ, отъ сего дня пятницы, мѣсяца Февраля 24 дня, у пятницу жъ, у вялію Благовѣщенія Пречистоѣ, за чотыри недѣли, ей поступити, на вѣчное держанье, ей самой и еѣ потомкамъ; а за шкоды и на-

клады вси передналъ ее трема копами грошей, личбы и монеты широкой, которые пѣнези на тотъ же рокъ ей заплатити маеть; а естлибы готовыхъ пѣнезей не могъ мѣти, тогды на тотъ же рокъ и тые двѣ части дому того, который есть въ мѣстѣ Витебскомъ, до заплаты тыхъ пѣнезей, маеть ей въ держанье подати. А кгда бы онъ на тотъ рокъ тоѣ третьей части землѣ и сѣножатей и въ иншихъ рѣчахъ, яко есть выше описано, отъ сына своего не ослободилъ и ей не поступилъ, або въ тыхъ трехъ копахъ грошей тыхъ двухъ частей дому Витебского держати ей не давалъ: тогды, вжо тое еднанье не маеть еднаньемъ быти, але повиненъ будетъ, окромѣ жадного права и присяги, тую прежреченую сумму пѣнезей, што ся съ права ознаймилъ, сорокъ и шесть копъ и пять грошей ей заплатити, къ чому самъ тотъ священникъ Пятницкій призволилъ, и мають вѣчпѣ тые угоды свои на обѣ сторонѣ держати. И то есмо въ книги записати велѣли, и выпишь съ книгъ, подъ печатью нашою, той старицѣ игуменѣ монастыря Пречистенского Витебского Мареміянѣ дали. Писанъ у Полоцку, подъ лѣто Божьего нароженья 1553, мѣсяца Февраля 28 дня.

Подлинникъ писанъ на двухъ вѣпстѣхъ сшитыхъ листахъ, въ тетради, современной скорописью, безъ строчныхъ знаковъ. Внизу акта подписано крупнымъ уставнымъ почеркомъ, вязью: Волею Божьєю Германъ, архієпископъ владыка Полоцкій, Витебскій и Мстиславскій. Печать подъ кустодією, съ изображеніемъ фамильнаго его герба и архієрейскихъ регалій, и съ круговою надписью, заключающею въ себѣ вышеозначенный титулъ. На оберткѣ, позднѣйшимъ почеркомъ надписано: Dekret X. Germana, archiepiscopa Połockiego, w sprawie ihumeniey Przeczyszczeńskiej Witebskiej. Ветхъ.

Изъ архива Полоцкой Духовной Консistorii.

№ 13. 13. — 1554. Уставы данные Литве и областям Жмудской и Волынской, на третьемъ Виленскомъ сеймѣ.

Ухвала и постановление съ сойму вального Виленского, на день святого Мартина справовано, лѣта Божьего нароженя 1554.

I.—*Артикулы 1. Прозьба.* Што просили есте господаря короля его милости, абы привилыя и вольности земскіе, отъ предковъ его королевской милости и отъ самого господаря его милости вамъ наданные, у статутъ слово отъ слова вписаны были, на што смотрѣчи ижьбы есте охотнѣйшими слугами господарю его милости и смѣлѣйшого сердца противъ непріятеля могли быти: кгдажъ каждый съ прироженя виненъ есть вольности своею боронити.

Отказъ. На то его королевская милость казалъ вамъ повѣдѣти, ижъ того, што коли подданнымъ своимъ зъ ласки и зъ доброты своею господарскою рачитъ его милость удѣляти и давати, не звыкъ его милость никому зменьшати и уймовати: бо то добръ памятовати можете, ижъ его милость, на початку панования своего въ томъ отчизномъ панствѣ великомъ князствѣ, на первомъ соймѣ вальномъ, вси привилыя и вольности, отъ предковъ его королевской милости вашимъ предкомъ наданные, привилемъ своимъ господарскимъ подтвердити рачилъ; и опослѣ того, на другомъ соймѣ также вальномъ, причинивши нѣкоторые артикулы вамъ пожиточные, рачилъ его милость вси таковыя вольности ваши другимъ привилемъ своимъ господарскимъ знову подтвердити; и вси тые вольности ваши даны въ захованье до пановъ радъ ихъ милости, которые заровно тыхъ вольностей зъ вами уживають, и потребують сами и на потомство свое. И кгдажъ то зъ самое добротливости и зъ ласки его милости господарской вамъ учинено, слушнѣ маєте быти охотни къ службамъ его королевской милости. А вѣдѣже и той прозьбы вашей не рачилъ бы его королевская милость въ рѣчи слушной дарем-

нѣ онустити, кгда бы статутъ вже доконанъ былъ: нижли жъ статутъ до конца еще не справленъ (яко есте и сами далѣй въ прозбахъ своихъ около того статуту доложили), который кгда достаточнѣ справится, на онъ часть его королевская милость и тую нынѣшнюю вашу прозбу на ласкавомъ баченью мѣти, и што слушного видѣти ся его милости будетъ, учинити рачитъ; а въ томъ частъ, завжды, коли слушная потреба будетъ къ оказанью вамъ тыхъ вольностей вашихъ, отъ ихъ милости пановъ радъ будутъ вамъ оказаны.

2. *Прозьба.* Припоминаете тежъ его королевской милости, што перво сего, зъ ласки его милости господарской, показываны вамъ были вольности ваши, на которыхъ обачили есте вызволенье васъ самыхъ и подданныхъ вашихъ, отъ предковъ его королевской милости славной памяти господарей, отъ даванья серебшизнъ, и отъ всякихъ службъ, и подачокъ, и подводъ; надъ которые вольности, мѣните собѣ обтяженье въ бранью частомъ серебшизнѣ, ачъ съ позволеньемъ вашимъ, на потребности рѣчи посполитой, але ижъ пожитку въ рѣчи посполитой съ того не бачите; а особливо не занѣхали есте доложити въ прозбахъ вашихъ о постановенье копъ, не на вальномъ соймѣ, зланиа зъ васъ самыхъ, а не съ подданныхъ вашихъ, которые якимъ обычаемъ браны отъ дѣцкихъ або отъ правчихъ, припомянувши, бѣете чоломъ его королевской милости о опатренье листомъ его милости господарскимъ, якобы впередъ того не было, а што взято, абы на потребности рѣчи посполитой было обернуто.

Отказъ. Его королевская милость казалъ вамъ на то повѣдѣти, ижъ то маєтъ его милость на доброй бачности своей господарской, яко привилыя отъ предковъ его милости славной памяти господарей и вже отъ самого его королевской милости наданные опѣвають вольности ваши: ино не бачитъ его королевская милость, ижьбы ся што вамъ надъ тые вольности

ваши дѣяло альбо уближило: бо которые податки давали есте за шастливого панования его королевской милости, то есте чинили и сами жъ устанавливали для потребности рѣчи посполитой, якожъ и постановенье копъ на потребу земскую не зъ васъ самыхъ, але съ подданныхъ вашихъ ухвалено, а то такъ маєте розумѣти: хто виненъ зъ имѣнья и подданныхъ своихъ ставити конь, за то мѣлъ дати копу грошей, абы самъ не вѣхалъ на службу. А тежъ къ таковому постановенью и ухвалъ вси тые вриадники, которые къ сойму належать, вызваны были, и при панахъ радахъ ихъ милости сами есте постановили. А не на жадную потребу господарскую то учинено: бо не только абы его королевская милость тые податки къ скарбу своему привлащати мѣлъ, але еще и съ подданныхъ имѣній своихъ господарскихъ рачилъ его милость таковой же податокъ и платъ, яко и зъ вашихъ подданныхъ, уставити, и также на служебныхъ обернути, чого не бывало въ обычаи николи: одно то зъ самое ласки своею господарской учинити его милость рачилъ, сфолькгованье чинячи вамъ, абы есте не обтяжали вашихъ подданныхъ большими податки на потребности земскіе. И то можете сами обачити, есть ли которого зъ васъ серебшизна такій платъ вынесла, яко съ подданныхъ дворовъ господарскихъ и пановъ радъ? чого его милость господарь и панове рады не литовали, для обороны панства того и васъ всихъ подданныхъ его милости, которыми яко милостиве пануетъ, такъ бы тежъ радъ завжды ихъ во упокои видѣти и заховати, и, Боже дай, абы есте николи на таковыя податки не складалися, зычитъ того его королевская милость вамъ и тому панству отчизному своему. А ижъ не принужены есте къ даванью податковъ на потребности его королевской милости самого: про то не бачитъ его милость причины, для чого бы то надъ привилей земскій поновлено быти мѣло другимъ листомъ, што ся привилемъ достаточнѣ обва-

ровано и николи не рушено. А ижъ припоминаете отправу зъ дѣцкованьемъ таковыхъ податковъ, въ томъ каждый зъ васъ нехай себе доткнетъ: яко дбалъ въ томъ заховалъ ся, и естли на часъ назначонный до бирчихъ отдавалъ таковыя податки? якожъ многіе еще и до сего часу ихъ не отдали, за чимъ олижъ зъ властного скарбу его королевской милости опатроно потребу рѣчи посполитой, платячи людемъ служебнымъ за службу ихъ, которые служили на Подольи, братья и сынове ваши. За которою небалостью въ отдаваньи, и бирчье, о которыхъ есте господаря просили, на томъ трвати не хотѣли и то съ себе зложили. А вѣдѣже, гдѣ ся тые податки обернули, лачно то вамъ показано быти можетъ.

3. *Прозьба.* Далѣй просите его королевской милости, абы судьи въ каждомъ хоружствѣ уставлены были и писарь присяглый, обираючи ихъ водѣ звычайю Подляшской земли, которые ижьбы судили каждого стану особу одинако, хто бы въ которомъ хоружствѣ имѣнья мѣлъ, прекладаючи въ томъ обтяженье шляхтъ, ижъ пановъ радъ олижъ на роки судовые позывати на прошлыхъ соймѣхъ ухвалено, мимо статутъ перводанный, въ которомъ то описано, штожъ вси у великомъ князствѣ однимъ правомъ сужоны мають быти; а особно просите о вижы присяжные, абы на каждомъ урядѣ уставлены были для справъ вашихъ. *Отказъ.* На то его королевская милость казалъ вамъ повѣдѣти, ижъ отъ выданья статуту черезъ отца его милости, славной памяти Жикгимонта короля и великого князя, на каждомъ соймѣ о таковыхъ правныхъ потребахъ змѣнки чините; а што коли на соймѣ постановлено около справедливости, то зъ ухвалы и прозьбъ васъ всихъ, якожъ вже и на поправленье статуту высажоны суть особы менованные: которые кгда то постановятъ, на што суть обраны, его королевская милость съ ихъ милостью паны рада-ми въ тую справу ихъ вглянути, и што ся

№ 13. слушного къ лацийшой отправъ справедливости вашей видѣти будетъ, то его милость ухвалити рачитъ; а до того часу будете ся справовати по тому, яко на прошломъ соймѣ ухвалено и постановлено около судей и вижовъ присяжныхъ. И маеть за то его королевская милость, ижъ бы есте могли перестати на той ухвалѣ прошлого сойму, кгда бы есте въ то пыльнѣ вглянули, и таковыя ухвалы соймовые съ канцелярии пристойнѣ абы есте брали и до братьи вашею относили. Якожъ маеть его королевская милость того справу отъ пановъ воеводъ, ижъ на которыхъ мѣстцахъ ново суды (*) засадили, тамъ ся не справуютъ, снать, о такихъ ухвалахъ отъ васъ братья ваша не вѣдаютъ. А вѣдѣже естли бы водлѣ потребы, въ которыхъ повѣтъхъ, на мѣстцахъ меновитыхъ, таковымъ судомъ мѣстца не засажоны: его королевская милость хочеть розказати паномъ воеводамъ, абы то осмотрѣли, и вряду судового, также и вижовъ каждый у своемъ повѣтъ причинили; до чого маете сами дбалѣ причинитися, и, обравши вижовъ, вѣры годныхъ, паномъ воеводамъ оповѣдити, а ихъ милость таковыхъ на то уставятъ. А што ся дотычетъ судей, которые вже черезъ пановъ воеводъ уставлены, и напередъ гдѣ потреба будетъ уставити судей, хочеть его королевская милость листомъ своимъ господарскимъ подтвердить на таковыя судьи. Пакъ ли бы есте тежъ иное постановление около таковыхъ судей мѣти хотѣли, нижли на прошломъ соймѣ ухвалено, и о томъ будете припоминать его королевской милости: кгда ся статутъ водлѣ потребы справитъ, его королевская милость въ рѣчахъ слушныхъ прозьбамъ вашимъ мѣстцо дати рачитъ, якожъ завжды звикъ отъ подданныхъ своихъ прозьбы милостиве пріймовати. А вѣдѣже и на тотъ часъ, опатруючи то, ижъбы шляхтъ съ паномъ радою не дѣялося предложенье въ

справедливости, и сами ихъ милость панове рады, того стерегучи, въ то ся поддали (не хотячи отволоки чинити въ справѣ), абы при бытности господарской, за комисею его королевской милости, всихъ становъ, хто не есть повѣтникомъ, позывалъ шляхтичъ передъ двухъ особъ пановъ радъ ихъ милость, на чотыри недѣли; а въ небытности господаря, ино передъ пановъ радъ ихъ милость позвы позыватися на таковой же рокъ, на чотыри недѣли; а не будетъ ли всихъ ихъ милости на одномъ мѣстцы судовомъ: ино также двѣ особы зъ ихъ милости пановъ радъ, которые на одно мѣстцо судовое зъѣдутся, мають судити и позвы давати, яко и вси ихъ милость, и одинакимъ правомъ каждому съ подданныхъ господарскихъ стану шляхетского будутъ справедливость чинити. А съ такового позванья и зъ року не мають ся выдмывати и панове рады и вси станы, которые повѣту не прислухають. А къ тому еще рачитъ его королевская милость складати двои роки судовые, то есть, на семью субботу и на день святого Мартина; и на тые роки передъ господаря его милость, а въ небытности господаря передъ пановъ радъ ихъ милость позывати и судитися будутъ, доводячи права и справедливости своею: вѣдѣже и тое постановление до поправленья статуту и до другого сойму маеть трвати.

4. *Прозьба.* Далѣй били есте чоломъ господарю его милости, абы на листы привилья, которые съ канцелярии его королевской милости выходятъ, также и на листы врядовыя устава была дана. *Отказъ.* Его королевская милость казалъ вамъ повѣдити, ижъ на прошломъ соймѣ и около того вже есть немало постановлено, водлѣ которого постановленья будете ся справовати, до того часу, покуль достаточнѣ статутомъ то ся осмотритъ и водлѣ потребы постановитъ.

5. *Прозьба.* За тымъ просите и чоломъ бѣте

(*) Въ подл. по ошибкѣ, «суть.»

господарю его милости, абы на Подляшъ и на Волинъ имѣній не куповали чужоземцы, а ни жадными причинами не постѣдали имѣній, кгдажъ тымъ немало панства великого князства убываетъ, яко есте припоманули нѣкоторые повѣты; и просите, абы въ томъ привильямъ земскимъ нарушенья не дѣялося, кгдажъ только родичомъ и обывателямъ того панства вольности привильевъ оныхъ служать. *Отказъ.* Тую прозбу вашу его королевская милость за слушную принявши, рачитъ такъ застановляти, ижъ вже отъ того часу, во всемъ великомъ князствѣ Литовскомъ, ни хто иный не маеть и не можетъ куповати, а некоторымъ иньшимъ обычаемъ постѣдати имѣнья шляхетского и всякого кгрунту лежащего на вѣчность, кромѣ заставы: одно родичъ и обыватель великого князства тую вольность маеть мѣти, купити и иньшимъ обычаемъ, побожнѣ, вѣчности имѣнья лежащего добыти, водлѣ права заховаячися; а вѣдѣже, при границахъ, и заставою граничный чоловѣкъ не маеть, а ни можетъ имѣнья и всякого кгрунту земельного держати и набывати, кромѣ родичовъ и обывателей великого князства, абы ся не нарушили ничимъ привилья земскіе, присягою его милости господарскою утвержонные.

6. *Прозьба.* Въ тыхъ же прозьбахъ вашихъ пишете, ижъ познали есте немалый упадъ того панства, и то въ томъ, ижъ нѣкоторые паньи вдовы, зоставши по мужохъ своихъ на имѣньяхъ у вѣнъ записанныхъ, замужъ за чужоземцовъ людей заграничныхъ идуть, имѣнья утрачаючи, и отдаляютъ отъ близкихъ и отъ дѣтей своихъ, записуючи подъ обычаемъ заставы: за чимъ близкіе, або дѣти ихъ, окупуючи таковыя имѣнья къ убожеству и знищенню приходять, — и просите его королевской милости, абы таковая каждая вдова, которая за чоловѣка заграничного пошла, або пойдетъ, половицы внесенья своего отпадывала, а до вѣна своего ничего не мѣла; а естлибы кото-

рая имѣнья свое отчизное и материзное мѣла № 13. и записала такому мужу своему, обычаемъ заставнымъ, въ суммѣ, альбо яко-когда-векъ: ижъбы таковыя записы не шли, а ни жаднои моцы не мѣли, але ижъбы близкіе каждую службу людей ихъ по пяти копъ грошей скуповали, лѣсовъ, боровъ, водъ и лововъ не шацуючи. А дѣвки которые суть и будутъ черезъ отцовъ и братью и стрывѣвъ за границу зъ великого князства замужъ выдаваны, абы имѣнья ихъ тымъ же обычаемъ черезъ близкихъ были скупованы; а вѣдѣже не тые близкіе, которые тое малженство имѣднати и выдавати за границу замужъ ихъ будутъ для пожитовъ своихъ, але иные близкіе кровные, безъ которыхъ бы воли то ся стало; а пакъ ли бы близкіе такъ можные не были, тогды сусѣди при тыхъ имѣньяхъ не далекіе; а трафитъ ли ся имѣнье великое, ижъбы за короткій часъ пѣнезей такъ близкіе яко и сусѣди не могли заплатити: просите, абы вольно было имъ по части имѣнья и по рокомъ скуповати. *Отказъ.* Тую прозбу вашу его королевская милость на томъ застановляти рачитъ, яко въ статутъ есть описано, около выкупованья имѣній у дѣвокъ, за границу съ великого князства выдаваемыхъ. Такъ же и вдовы которые замужъ за границу съ великого князства пойдуть, имѣнья ихъ мають быти отъ близкихъ скупованы шацункомъ, за отчизные и материзные службы людей по десять копъ грошей платячи, тежъ лѣсы, земли и воды, съ чого пожитокъ есть, также слушнымъ шацункомъ шацуючи зъ урядомъ. А вѣдѣже съ права альбо съ уряду мають быти роки складаны тымъ, хто не будетъ възмочи заразомъ суммы отдати за все имѣнье, абы по року пѣнязи платилъ и по части скуповалъ, што възможеть: але вѣно и оправа вдовъ въ таковыя роки не маеть быти вкладана.

7. *Прозьба.* При томъ докладаете въ прозьбахъ своихъ отъ все шляхты и рыцества,

№ 13. ижъ есте убачили и въ томъ нѣкоторый упадъ, штожъ многіе пани вдовы, розными обычайми, отъ дѣтей, братьи, близкихъ кровныхъ своихъ, духовнымъ имѣнья занисують; за чимъ близкихъ ихъ дома пуствуютъ таковыя имѣнья окупуючи, и тымъ ся неможность дѣтѣ къ службамъ его королевской милости: для того просите, абы таковыя листы хотя бы и вышли, никоторой моцы у права не мѣли. *Отказъ.* На то его королевская милость казалъ вамъ повѣдѣти, ижъ вольности отъ предковъ его королевскоѣ милости наданой и отъ его милости самого упривылеваной, не звыкъ и не рачить его милость уймовати никому, але каждый вольностью своею воленъ шафовати, подлѣ воли своеѣ; а вѣдьже есть на то статутъ, хто маєть моцъ чимъ шафовати, а хто тежъ не маєть; водлѣ которого и будете ся заховати въ той рѣчи и прозьбѣ вашей.

8. *Прозьба.* Просите тежъ его королевской милости, абы для судовъ Подляшскихъ референдары при дворѣ его милости господарьскомъ были тутошнего панства родичи и добръ ослѣые. *Отказъ.* На то его королевская милость казалъ вамъ повѣдѣти, ижъ двухъ особъ, родичовъ того панства, къ таковымъ судомъ Подляшскимъ присадити его милость рачилъ розказати.

9. *Прозьба.* Еще просите его королевской милости, абы товары лѣсные зъ имѣній вашихъ, и тежъ збожья вольно и безмытнѣ были пропущаны, для споможенья шляхты къ службѣ военной и оборонѣ земской, такъ же и на гребляхъ подужное и на мостѣхъ мостовое абы не было брано. *Отказъ.* Што ся дотычетъ мытъ отъ збожья и отъ товаровъ лѣсныхъ, то его королевская милость заховывать рачить водлѣ давного обычая. Штожъ есте указали о то до вольностей своихъ, которые панове рады оглѣдали, ино не есте съ того вызволены; а вѣдьже его королевская милость хочетъ вамъ узычити, товары лѣсные пропускати черезъ коморы свои господарскіе

(а те по маломъ часѣ будетъ ознаймено листы господарьскими): которые спущаючи и заплативши мыто звычайное, будутъ повинны служебники ваши присягу учинити, ижъ не въ наемной, але въ своей пуши, и самъ своимъ накладомъ панъ тые товары робилъ. А около гребельного и мостового мають ся заховати по давному; и кому тая вольность не дана, тотъ не маєть тымъ людей перезажихъ утискати.

10. *Прозьба.* Тежъ чоломъ бѣете господарю его милости, абы рачилъ вызволити шляхту отъ стацій и подводъ, докладаючи, ижъ то было у стародавнемъ обычаи и въ привиліи вольностей земскихъ описано: кгда кому зъ ласки предковъ его королевской милости и зъ ласки его милости самого, имѣнья бывають даваны, тогды ничего его королевская милость на себе зоставляти не рачить. *Отказъ.* То его королевская милость съ паны радами ихъ милостью розважати рачить, ижъ подводы и стацей не естѣ пожитокъ скарбу его королевской милости, але особливый пожитокъ и потреба рѣчи посполитовъ, што никому не можетъ быти отдано: и для того его королевская милость тую прозьбу вашу рачить застановляти водлѣ постановенья и ухвалы прошлаго сойму; а то маєте такъ розумѣти, и вже отъ того часу ничимъ ся не вымываячи полнити: хто-кольвекъ и якимъ же правомъ держитъ люди и земли, съ которыхъ подводы и стацей передъ тымъ даваны, мають вже отъ того часу той повинности досыть чинити, або пѣнезми по шести грошей съ службы до вряду давати на подводы, на тые роки, то естѣ, на семую суботу три грошы, а о святомъ Мартинѣ другую три грошы. А вѣдьже которые кому люди отъ столу его королевской милости даны, а передъ тымъ, кгда на господаря его милость были держаны, тою повинностью не были обовязаны: съ таковыхъ людей тотъ и теперъ неповиненъ подводъ носити и стацей давати.

11. *Прозьба.* Еще просите его королевской

милости о уходъ старолавны въ пушахъ его милости, абы вамъ самымъ и подданнымъ вашимъ не были заборонены, до дерева бортого, и озеръ, и ѣзовъ на рѣкахъ, и сѣножатей, чого, мѣните, нѣкоторые державцы и лѣсничіе для своихъ пожитковъ не допускають. *Отказъ.* На то его королевская милость казалъ вамъ повѣдѣти, ижъ не естѣ воля его королевской милости, абы не мѣли есте властности своеѣ уживати въ пушахъ его милости господарьскихъ; а вѣдьже хто здавна чого уживалъ, не за подарки альбо за поклонны отъ врядниковъ, одно за слушнымъ правомъ своимъ дѣдичнымъ альбо зъ выслуги... котрымъ не можетъ служити таковое право... (*) только безъ шкоды пуши и ловомъ: але посредку оступовъ никто сѣножатеи мѣти не могъ, яко и теперъ мѣти не могутъ, кромѣ водъ и дерева бортого. Але на иныхъ мѣстцахъ въ пушахъ и до сѣножатеи роскажетъ его королевская милость не забороняти вамъ уходовъ звѣчныхъ: вѣдьже на часы слушныя маєте уходити и всылати до пушъ господарьскихъ, до водъ, до бортей и до сѣножатеи, што и листы его милости будетъ ознаймено врядникомъ пушъ его милости господарьскихъ.

12. *Прозьба.* Докладаете тежъ въ прозьбахъ своихъ, съ похваленьемъ то у себе маючи, ижъ его королевская милость о розмноженью скарбу своего господарьского обмысляючи, рачилъ въ замкахъ и дворѣхъ своихъ помѣру волокъ постановити, и черезъ мѣрчихъ, потомъ черезъ ревизоровъ то справовати: которые ижъ ся не водлѣ росказанья и листовъ его королевской милости заховавши, многіе кривды и утисненья шляхтѣ чинили, и, беручи земли ваши въ помѣру, отъ каждого моркгу брали отъ васъ по грошу (што чинитъ зъ одной волоки по полуконю грошей), а отъ каждого копца по дванадцати грошей; и надъ то еще, поки отмѣну дали, добръ то есте имъ

оплачивали, а инымъ еще и до того часу № 13. отмѣна не дана; и въ томъ шкodu и немалое знищенье отъ таковыхъ ревизоровъ собѣ были мѣните, зважа, хто не мѣлъ чого дати, тыхъ имѣнья они у волоки помѣрили, — и о томъ его королевской милости бѣетѣ чоломъ, штобы повстягнены были таковыя ревизоры; а инъбы напередъ чужоземцы не были въ таковыя справы укладаны, для выношенья реистровъ съ панства. *Отказъ.* На то его королевская милость казалъ вамъ повѣдѣти, ижъ въ томъ тотъ, хто ся черезъ подарки докуповалъ и отъ моркговъ и отъ копцовъ на отмѣну даныкъ платилъ мѣрчимъ и ревизоромъ, не можетъ никого виновать, только самъ себе: кгдажъ того не было въ листѣхъ его королевской милости описано и мѣрчимъ таковая моцъ не дана, абы земли шляхетскіе помѣряли; одпо, гдѣ бы волоки земель господарьскихъ безъ кгрунтовъ вашихъ выполнитися не могли, за то отмѣну слушную, первый, нижли у кого взято будетъ, его королевская милость отдавати росказати рачилъ, и то на листѣ его королевской милости было значнѣ описано; а кгдажъ таковое росказанье господарское мѣли, могли бы ся своеѣ властности не докуповати. А вѣдьже такъ и на прошломъ соймѣ его королевская милость на таковыя прозьбы ваши отказать рачилъ, хотѣчи каждому справедливость чинити: съ таковыхъ мѣрчихъ и ревизоровъ кому будетъ вина дана, такъ и скарати, яко того, который ся смѣлъ важити надъ росказанье господарское; а можетъ ся тежъ въ томъ оказати и ушкоженье въ кгрунтѣхъ его королевской милости, для таковыхъ подарковъ. А гдѣ бы тежъ шляхетскіе имѣнья помѣрены, того у вѣдомости его королевская милость не маєть: але абы есте ознаймили, гдѣ и на которыхъ мѣстцахъ; въ томъ его королевская милость не хочетъ имъ обтяженья чинити. А вѣдьже такъ то маєте его королевской ми-

(*) Здѣсь недостаетъ полноты смысла.

№ 13. лости ознаямити, яко бы не-шляхты, слугъ путныхъ и панцерныхъ подъ одинакое право зъ собою есте не пріймовали. А ревизоры не всего великого князства могутъ вѣдомость мѣти: бо только господарскіе дворы мѣрены, и то не вси. А тежъ умѣтныхъ въ томъ обывателей великого князства его королевская милость минути не рачилъ, предложивши тую послугу на нихъ; и не только на таковую службу, але и на каждую послугу его милости господарскую, въ потребахъ того панства, зычилъ бы того его королевская милость, абы за умѣтностью тубылцовъ, чужоземцовъ не потребовано.

13. *Прозьба.* Еще пишете, ижъ мѣщане и люди тяглые нѣкоторые у шляхты земли и дворцы и люди позакуповали, а ижъ мѣрчіе тые земли у волоки помѣрили: за што пѣнязи хотячи отдати, просите, абы пѣнязи пріймовати, а тые земли тымъ, хто заставилъ, поступовати казано; и къ тому просите, абы привилевъ и листовъ вашихъ на имѣнья передъ чужоземцы не покладали есте. *Отказъ.* На то его королевская милость казалъ вамъ повѣдѣти: хто покажетъ слухное право на заставы, мѣщаномъ и волостнымъ альбо тяглымъ и путнымъ людямъ заведенные въ пѣнязехъ до часу, его королевская милость скажетъ, за доводомъ слухнымъ, пѣнязи взявши, таковыя кгрунты заставные поступовати тымъ, чинъ есть. А листы и права на выслуги ваши не безъ причины его королевская милость казалъ оглѣдати ревизоромъ, але вашихъ трудностей не хотячи видѣти около правныхъ поступковъ съ подданными имѣній его милости, жебы ревизоры права оглѣдавши, тамъ же границы певные клали кгрунтомъ его королевской милости отъ вашихъ имѣній, ижбы подданные господарскіе не могли вашихъ земель заходить; а такъ не маете ничего взбраняти оказы-

вати листовъ передъ ревизоры, для своего лѣпшого и спокойнѣйшого. А вѣдѣже ревизоры не мають листовъ и правъ вашихъ выкладати и задерживати: одно копейку каждого такового листу взявши, господарю его милости донести повинни, а господарь его милости слухное право цѣло заховывати и границами упевняти розказати рачилъ. А о шляхетствѣ вашомъ не дана есть отъ его милости господаря моцъ никому справовати; и тымъ васъ затрудняти не могли мѣрники.

14. *Прозьба.* Докладаете тежъ въ прозьбахъ вашихъ о духовныхъ, абы водлѣ того, яко кунторове у Лифлянтѣхъ, маетности своея за границу не отсылали и никому не записывали, ижбы то приходило на рѣчь посполитую, для обороны земской, по смерти всихъ таковыхъ духовныхъ. Тежъ докладаете въ прозьбѣ вашей о предложенье справедливости и о нечиненье отправки на рѣчи присужонье; въ которой прозьбѣ вашей припоминаете, ижъ яко ся трафило сестрѣ вашей, пани Олбрихтовою Немировнѣ, которой сына капланъ забили, о што и до сихъ часовъ справедливость не сталася; а хоружому Лепунскому Ивану Савичу, судивши отъ трехъ годъ, отправки нѣкотороѣ не дають и до сихъ часовъ, — и просите, абы то было осмотрѣно, ижбы справедливости чиненье и отправки не предлагалися. *Отказъ.* На то его королевская милость казалъ вамъ повѣдѣти, абы есте указали, хто бы таковой съ пановъ духовныхъ скарбы вывозилъ (*) альбо высылалъ; и потомъ, гдѣ бы хто съ таковыхъ становъ хотѣлъ высылати скарбы, абы есте заговаривши, давали знать господарю его милости; а господарь его милость хочетъ розказати то осмотрѣть водлѣ воли своея господарской, яко ся будетъ годити. А справедливость скажетъ его королевская милость паномъ духовнымъ чинити,

(*) Въ подл. по ошибкѣ, «вывозилъ.»

якожъ и розказуетъ его милость, абы ся каждому справедливость дѣяла.

15. *Прозьба.* Еще просите господаря его милости, штобы мѣщане всихъ мѣстъ вамъ и подданнымъ вашимъ справедливость чинили, кдѣ ся трафитъ, правомъ земскимъ, а не своимъ Майтборскимъ, кдѣжъ за обороною земскою сѣдять; докладаючи, ижъ король его милость, славной памяти панъ отецъ господаря его милости, статутъ вамъ даючи, то тымъ обычаемъ постановити рачилъ: нижлижъ они предѣся отъ того повстягнути ся не хочутъ. *Отказъ.* Тую прозьбу вашу на томъ зостановляти его королевская милость рачитъ, яко на прошломъ соймѣ ухвалено и постановлено, а вѣдѣже и то маеть трвати до поправленья и выволанья статуту.

16. *Прозьба.* Тежъ просите его королевской милости, абы воеводы и старосты, во вридѣхъ своихъ, того сами або черезъ вридниковъ своихъ досмотрѣли, штобы была ровность въ мѣстѣхъ въ торгахъ, въ мѣрахъ и вагахъ, и тежъ абы у продаванью живности и всякихъ рѣчей отъ людей ремесленныхъ шапунокъ былъ установленъ. *Отказъ.* На тую прозьбу вашу его королевская милость таковое постановление чинити рачитъ: хотячи то мѣти, абы во всихъ панствахъ его милости великого князства Литовского однакѣ мѣры на живности и на трунки, и мѣры и ваги на товары купецкіе установлены и выволаны были, такъ въ мѣстѣхъ его милости господарскихъ, яко тежъ и во всихъ иныхъ мѣстѣхъ обывателей великого князства; около того хочетъ его королевская милость съ паны радами ихъ милостью намовивши, вже тому обычай найти, и вездѣ и всимъ посполито ознаямити и выволати розказати рачитъ.

17. *Прозьба.* Просите тежъ и чоломъ бѣте шляхта хоружства Ейшишского, Сомилишского, Высокодворского, Жижморского и Стоклишского, около сторожи Москвичовъ въ замку Троцкомъ, ижъ на каждый годъ по чо-

тыри кротъ, по двадцати и по пяти человекъ № 13. тыхъ трехъ вязневъ Москвичовъ стережи ходите, и просите, абы съ того были вызволены, або ижбы на каждую особу по человекъ къ сторожи приставлявано, а не такъ много, и повѣдаете въ томъ собѣ обтяжливость, ижъ откупаючися отъ того, по полукопейку давати мусите. *Отказъ.* На тую прозьбу вашу, на тотъ часъ, его королевская милость таковое постановление чинити рачитъ: ижъ до тыхъ трехъ вязней не-маете большъ давати сторожовъ, только по чотыри человекъ на тыждень, dorosлыхъ, а не робятъ; и не маете ся откуповати, але чинити тому досытъ, што повинны: вѣдѣже, естли бы за часомъ была большая потреба, тогды за листомъ господарскимъ маете сторожовъ давати, сколько потреба того укажетъ.

18. *Прозьба.* Тежъ просите и чоломъ бѣте господарю его милости о вчиненье справедливости съ городничимъ Виленскимъ зъ Юпомъ, о збитье и змордованье на добровольной дорожѣ брата вашего Миколая хоружича Курклеводского. *Отказъ.* Тою прозьбою вашою непотребнѣ ся забавляете, гдѣ не идеть о рѣчь посполитую: бо гдѣ бы ся утекъ съ жалобою до господаря его милости, вже давно бы справедливость мѣлъ, яко съ служебникомъ его королевской милости: вѣдѣже и на тотъ часъ скажетъ его королевская милость справедливость ему зъ Юпомъ учинити.

19. *Прозьба.* Докладаете тежъ въ прозьбахъ своихъ, ижбы вриды земскіе и дворные по старому у своихъ важностехъ и пожиткахъ были захованы. *Отказъ.* Хочетъ его королевская милость вѣдати: кому бы съ таковыхъ вридниковъ што ся уменьшило и въ чомъ? бо яко зъ ласки а зъ доброты его милости уряды бывають даваны, такъ и приступъ къ его королевской милости никому, зваша урядникомъ его милости забороненъ не есть: могли бы сами таковыя вридники и повѣдати его милости, естли бы ся кому въ чомъ уменьшило, альбо што ублизилось и черезъ кого.

М. 13. 20. Прозьба. Просите тежъ его королевской милости о томъ (што на прошломъ валномъ соймѣ ухвалено), ижьбы matka або опекуны, кому бы была опека злѣцона, дѣвокъ безъ воли братьи альбо дядьковъ ихъ замужъ не выдавали; въ томъ мѣните немалый упадъ рѣчи посполитой того панства, што есте обачили въ маломъ часѣ великіе утиски таковыхъ дѣтей осиротѣлыхъ и знищеніе на многихъ мѣстцахъ отъ братьи и отъ стрывѣвъ, ижь они не зычачи для имѣній ихъ, таковымъ дѣвкамъ малженства забороняють, альбо мощнымъ браньемъ паненъ у малженство квалтовное принужають, — и просите, абы тотъ артыкулъ былъ поправленъ тымъ, штобъ matka, або опекуны въ томъ владность мѣли, кому то звѣрено отъ отца ихъ будетъ, не пытаючися приржонныхъ. *Отказъ.* На тую прозбу вашу его королевская милость казалъ вамъ повѣдѣти, ижь и въ томъ, яко въ рѣчи слушной, чивячи досыть прозбъ вашей, оный артыкулъ на прошломъ соймѣ ухваленыи касовати рачить; и, заховываючи при моцы старый звычай, владность маткамъ и опекуномъ, уставленнымъ черезъ тестаментъ або черезъ запись слушный, умоцнати его милость господарь рачить, о таковыхъ дѣвкахъ осиротѣлыхъ обышляти и малженство имъ еднати, водлѣ порученья и моцы дановъ отъ отца таковыхъ сиротъ; а вѣдѣже мають ся справовати водлѣ статуту и записовъ на то имъ даныхъ.

21. Прозьба. Еще просите господаря его милости о статутѣ: кгдажъ вже зъ ласки его королевской милости того узычено, абы былъ поправленъ; на што и податокъ есте зложили, и вѣдомость того маєте, ижь на томъ за рѣсказаньемъ его милости, тые особы съдѣли, кому то было поручено, — просите, абы его королевская милость въ то вглянути и, естли бы ся што поправило, ухвалити и къ досконалости привести рачилъ. *Отказъ.* На то казалъ его милость господарь вамъ повѣдѣти: кгда

вже оные особы, обраные на то, всему статуту первому поправу учинять, хочетъ его королевская милость въ то вглянути съ паны радами и зъ вами всеми, которые того требуютъ, и што будетъ слушного, ухвалити и выволати росказать его милость рачить.

22. Прозьба. Докладаете тежъ въ прозбахъ своихъ, ижьбы господарь его милость вамъ всемъ, которые въ повѣтахъ пограничныхъ имѣнья свои поблизу границы Польской и Мазовецкой маєте, оборону и справедливость въ кривдахъ вамъ подѣланныхъ учинити рачилъ безъ проволоки. *Отказъ.* Его королевская милость росказалъ вамъ на то повѣдѣти, ижь кромъ напominанья и прозбъ вашихъ, то рачить на ласкавомъ баченю своемъ мѣти и обышляти о томъ, абы тое панство, отчизна его королевской милости, въ границахъ своихъ успокоеніе приняти могла, и абы межи тыми обоими панствами его милости господарскими, коруною Польскою и великимъ князствомъ Литовскимъ, границы постановитися могли: за чимъ и справедливость въ кривдахъ продлуженья мѣти не будетъ.

23. То тежъ его королевская милость вамъ повѣдѣти росказать рачилъ: што есте ухвалили оборону противъ непріятеля панствамъ его королевской милости, зъ девяти человекъ десятого пахолка на кони въ зброи ставити къ службѣ земской; то его королевская милость ласкаво отъ васъ на тотъ часъ пріймуетъ: ино маєтъ на бачности постановленіе и ухвалу соймовъ прошлыхъ (почонши отъ Берестейского сойму ажъ до нынѣшняго), ижь завжды то припоминаю, абы было оказанье, яко повиненъ хто служити. А кгдажъ есте вже близкій часъ выистью перемирья, а оказыванье и пописъ еще ни одинъ разъ не дошолъ: про то потреба зъ многихъ причинъ, змаша, для готовности противъ тому непріятелю, абы есте вже къ тому ся способляли и поготову были на осень пришлую къ оказанью и понисыванью въ повѣтахъ, каждый

съ почтомъ своимъ, яко хто повиненъ службу земскую служити; а гдѣ ся хто пописати и оказывати маєтъ, часъ и мѣсто черезъ ласты его милости господарскіе ознаймены будутъ.

24. А што есте оповѣдали его королевской милости, ижь милуючи его милость господаря своего и пана приржонного, а бачачи на таковую потребу рѣчи посполитой, для прибылыхъ людей пѣняжныхъ поступили есте податокъ съ подданныхъ вашихъ людей тяглыхъ, по три годы отъ сохъ, и то черезъ ихъ милость пановъ радъ его королевской милости оповѣдали. На што и ихъ милость панове рада одностайнѣ зъ вами зволнися, то къ его королевской милости донесли и оповѣдали, докладаючи того, абы шляхта, которые людей не мають, а своими дворными сохами орутъ, такъ тежъ и слуги путные (для того, ижь на службу земскую при васъ панахъ своихъ вхати мусять) ничего не давали. Его королевская милость тое постановление ваше, которое чините для обороны васъ самыхъ и рѣчи посполитой, складаючися на таковой податокъ, отъ всехъ становъ вдячнѣ и ласкаво пріймовати рачить, позволяючи того, абы шляхта отъ своихъ дворныхъ сохъ ничего не не давали и слуги путные, кромъ людей тяглыхъ, которые мають давати отъ сохи воловой десять грошей, а отъ коньской сохи также по десяти грошей, а отъ полсохи, то есть, отъ одного вола пять грошей; а отъ пустошской земли, которой не вживають и не пахуть, ничего не мають давати; а вѣдѣже съ той земли пустошской, которая бы зъ найму пахана, также и съ человека, который не маючи воловъ землю держитъ, мають платити таковой же податокъ, яко отъ полсохи, пять грошей. А тотъ податокъ со всехъ людей вашихъ по давному будете давати, яко ширѣй на листѣхъ его королевской милости тое постановление податку описано будетъ, и, выбравши, отдавати маєте въ повѣтахъ до хоружихъ, а при хоружомъ одинъ шляхтичъ маєтъ

быти. А тые бирѣчые не мають болшей братьи. *М. 13.* у васъ бирчого и писчего и за жвѣтъ, только чотыри пѣнези отъ сохи; передъ которыми бирѣчими будетъ повиненъ присягу учинити тотъ, черезъ кого выбрано, ижь справедливо выбиралъ, а не фолькговалъ. А тые бирѣчые мають тотъ платъ отнести, на певный рокъ, на день святого Михайла прійдучого святаго року пятьдесятъ пятомъ, тутъ до Вильни, и будутъ отдавати до рукъ князя Венцлава бискупа его милости Жмойтского; а при его милости уставити его королевская милость рачилъ писаремъ ключника Троцкого пана Бенедыкта. А вѣдѣже, естли бы кто передъ рокомъ до бирѣчихъ повѣтовыхъ того плату не отдавалъ, а въ томъ яко въ рѣчи земской сполниль ся: таковой и зъ советомъ повиненъ будетъ платити, то есть, по двадцати грошей отъ сохи, и то будетъ доправовано зъ дважованьемъ; а хоружые мають каждого такового недбалого оповѣдати при отдаванью серебщизны. А того податку никто не маєтъ задерживати, и не будетъ отъ господаря его милости жадной особѣ отпущено: кгдажъ вси одинако обороны потребуєте, про то ничимъ ся не вымовляючи, повиненъ будетъ каждый, якогжъ кольвекъ стану парсуна, тотъ платъ зъ имѣній и зъ людей передъ святымъ Михайломъ до бирѣчихъ отдавати; а бирѣчые отъ того року и дня святого Михайла ажъ до святого Мартина, завжды, до трехъ годовъ, мають тотъ платъ на мѣсто имъ назначеное отвозити и отдавати. А кромъ пановъ радъ, и вси, хто къ повѣту не належатъ, мають черезъ вричниковъ своихъ тотъ платъ отдавати, тамъ же, гдѣ и хоружые, на мѣсто назначеное, и не мають отъ квитовъ давати болшей, только по два грошы.

25. То тежъ его королевская милость казалъ вамъ повѣдѣти, ижь на тую потребу обороны земской, рачить его королевская милость на всехъ подданныхъ мѣстъ и дворовъ своихъ господарскихъ, и тежъ мѣстъ и дворовъ

№ 13. старшой королевое съ милости пани матки своее, таковой же податокъ, яко и зъ вашихъ людей есть ухваленъ, вскладати, кромъ преднѣйшихъ мѣстъ его милости господарьскихъ, которые постановленья волочного не ужи-
ваютъ, але за особливимъ привилеяваньемъ права Майтборского съдять: съ таковыхъ мѣстъ будутъ повинны платъ давати подлѣ постановленья давного.

26. А што ся дотычетъ пановъ духовныхъ обоого стану, закону Римского и Греческого, таковой же податокъ ухваленый зъ людей имѣній своихъ на тыежъ роки и на мѣсто назначоное отдавати мають.

27. Нижли, яко есте припоминали и прозьбу къ его королевской милости чинили, штобы сами панове духовные, зъ имѣній костельныхъ, также и съ тыхъ имѣній, которые зъ набытья подлѣ правомъ земскимъ держать, сами службу земскую посполъ зъ вами заступовали и служили; тежъ и мѣщане, которые имѣнья шляхетскіе держать, абы зъ вами заровно службу земскую служили. — Ино панове духовные, о службу зъ имѣній костельныхъ, взяли то у его королевской милости на обмову, хотячи на тую прозьбу вашу отказъ его королевской милости учинити попригожу: вѣдѣжъ хто имѣнья таковыя, съ которыхъ служба земская заступована была, держитъ, якогжъ кольвекъ будъ стану, таковыхъ всехъ его королевская милость отъ службы земской вызволяти не рачитъ; але мають всимъ повинностямъ досыть чинити, што передъ тымъ ко потребъ рѣчи посполитовъ съ тыхъ имѣній бывало:

28. Били тежъ есте чоломъ господарю его милости, припоминаючи о службу земскую зъ имѣній къ столу его королевской милости припалыхъ, съ которыхъ передъ тымъ служба земская заступована была. Въ томъ мала есть потреба его королевскую милость напоминати: бо естли чого иного, потребнѣйшого и добръ большого къ той потребъ рѣчи посполитовъ не

литуеть его милость, зъ ласки своее господарской къ паньству своему отчизному; съ тымъ, пакъ, яко зъ рѣчью меньшою, учинитъ его милость подлѣ стародавнего обычая: бо яко отъ столу господарского бывають даваны имѣнья, тые тежъ, а не иншіи имѣнья зася спадывають и приходять къ столу его милости господарскому.

II. — Прозьбы земли Жомойтское.

1. *Прозьба.* Што есте били чоломъ господарю его милости, мѣнячи мѣти нарушение правъ и вольностей вашихъ, наданныхъ вамъ отъ предковъ его королевской милости и отъ его милости самого упривилеяванныхъ и потвержонныхъ, ижъбы его королевская милость нарушоныя права и вольности ваши направи, и водлѣ стародавнего обычая и тежъ водлѣ привилеявъ вашихъ, при тыхъ вольностяхъ васъ заховати рачилъ. *Отказъ.* На то его королевская милость казалъ вамъ повѣдѣти, ижъ въ той прозьбѣ вашей не есть ничего значѣ описано: въ чомъ бы ся стало нарушение привилеявъ вашихъ? бо естли его королевская милость съ щедробливости своее господарской, давати и утвержати права рачитъ; то тежъ никому ихъ не звыкъ ломати: хто кгда оказуеть причины, чимъ ся права его нарушають, то зъ ласки его королевской милости бываетъ поправлено.

2. *Прозьба.* Къ тому просили есте короля его милости, абы его королевская милость пѣязи поконевскіе, што есте по копѣ грошей водлѣ ухвалы соймовоѣ давали, вамъ поворотати розказати рачилъ, для той причины, ижъ панове тивуны земли Жомойтскоѣ безъ васъ шляхты на прошломъ соймѣ то поступили, докладаючи того, ижъ бы есте такового плату николи давати не были повинны, и просите, абы того напередъ не было. *Отказъ.* На то его милость господарь казалъ вамъ повѣдѣти, ижъ то не на жадную потребу господарскую, а ни до скарбу его милости, але на земскую оборону, вызваны будучи къ тому вси станы,

которые належатъ къ сойму, ухвалили и постановили, за што бы люди служебные на украинѣ были хованы; которымъ олижъ зъ властного скарбу его королевской милости за службы ихъ плачено, для неотданья тыхъ податковъ земскихъ на часть назначоный, про то на непослушныхъ и дѣцкіе отправованы. Вѣдѣже зычилъ бы его королевская милость вамъ и всему паньству его милости отчизному, великому князьству, ижъбы на таковыя податки ся не сложили, а безъ того обойтись могли.

3. *Прозьба.* Тежъ припоминаете господарю его милости: яко въ привилея въшемъ описано, ижъ васъ въ почтивостяхъ и въ имѣніяхъ непорушно отъ предковъ его королевской милости ховати обещано, о томъ бѣте чоломъ господарю его милости, докладаючи о утисненья черезъ помѣру волочную имѣній вашихъ, и о допытыванье привилеявъ на шляхетство, и тежъ о побранье земель и людей въ помѣру волочную, за што, мѣните, отмѣны не дано; а особливо то собѣ зъ обтяженьемъ мѣните, ижъ Москвитинъ Иванъ Дьяковъ въ Росѣньской волости, яко бы за листомъ господарскимъ, мѣлъ пѣякую владность собѣ привлащати надъ шляхтою. *Отказъ.* На то его королевская милость казалъ вамъ повѣдѣти, ижъ помѣрою волочною не могли вашихъ имѣній шляхетскихъ утиснути, а ни привилеявъ у шляхты на шляхетство домогатися, а ни тежъ кгрунту земель вашихъ безъ отмѣны брати: бо того на листѣхъ короля его милости до васъ писанныхъ не мѣли. А естли припытывались мѣрники... отъ путныхъ бояръ, которые недавно вкупили ся на боярство, и за поклоны съ тяглыя службы выпущены на боярство (не дописано).

4. *Прозьба.* Докладаете тежъ въ прозьбахъ вашихъ, жадуючи на помѣрчихъ, которые тамъ въ земли Жомойтской, и мѣнуочи отъ нихъ

кривды и шкоды великіе быти, за неотданьемъ № 13. отмѣны за земли ваши, а иньшимъ хотя и отдано, ино за великими подарками, яко бы тежъ знову тые земли свои куповати мѣли. *Отказъ.* Въ томъ его королевская милость каждому таковому, который бы отъ помѣрчихъ и отъ ревизоровъ кривду собѣ быти мѣнилъ, справедливость учинити розказати рачитъ, кгда ознаимитъ меновитъ, отъ кого кривда ся ему дѣетъ.

5. *Прозьба.* Просили тежъ есте его королевской милости, абы черезъ рѣку Невяжу позвы и мандаты, дѣцкіе и увязчіе не были до земли Жомойтскоѣ всыланы, але ижъбы всехъ васъ староста тамошній Жомойтскій судилъ и справоваля, водлѣ привилеявъ и вольностей вашихъ. *Отказъ.* Тую прозьбу вашу, около позвовъ, дѣцкихъ и увязчихъ, его королевская милость зостановляти рачитъ водлѣ давного обычая, ижъ тамъ вже позвы и дѣцкіе и увязчіе посыланы не будутъ. А хочете ли, абы мандаты его королевской милости съ поступку правного до тоѣ земли не были всыланы, причиняйте жъ ся о то, абы причина не была дана къ посыланью таковыхъ мандатовъ: бо то вѣдаете, зъ якоѣ причины мандаты выходять.

6. *Прозьба.* За тымъ тежъ просили есте его королевской милости, ижъбы его милость възрѣвши у права и вольности ваши, которые вамъ отъ предковъ его королевской милости даны суть, тамъ до земли Жомойтскоѣ, на помѣренье волокъ и на ревизию, чужоземцовъ не посылати розказати рачилъ. *Отказъ.* На то его королевская милость розказалъ вамъ повѣдѣти, ижъ ревизоры и помѣрчіе не суть врядникі жадные: але што-кольвекъ черезъ нихъ справлено, то все зъ вами тивуны оноѣ земли, и не выймуочи врядовъ зъ рукъ вашихъ, постановлено; пожитки скарбу его королевской милости... (*). А тежъ не на шляхту постановленье чинено, але на тяглыхъ людей.

(*) Здѣсь недостаетъ какой-то рѣчи, для полноты предложенія.

№ 13. 7. *Прозьба*. Просили есте тежъ, абы бояромъ, шляхтѣ и посполитому чловѣку, водлѣ давного обычаю, вольно было въ пущахъ звѣрь бити, и дерево на будованье брати, и въ озе-рахъ и въ рѣкахъ рыбы ловити. *Отказъ*. То его королевская милость постановити рачитъ, вземши вѣдомость таковыхъ пущъ и лововъ и водлѣ, подлѣ воли своее господарьской и по давному.

8. *Прозьба*. И о то тежъ есте прозьбу къ его королевской милости чинили, абы было вольно посылати, до Нѣмецъ, за границу, свои властные збожья и быдла на продажу, и за то зась, также на свои властные потребности, куповати кони, зброн и ивышіе потребности свои, на пожитокъ свой и на службу земскую, а отъ того мыта, яко передъ тымъ не было, абы не давали. *Отказъ*. То его королевская милость зостановляти рачитъ водлѣ давного обычаю и постановленья своего господарьского, которое на купецкихъ людей, а не на шляхту уставлено: вѣдѣже не хочеть ли шляхтичъ отъ товаровъ своихъ мыта давати, за границу провадячи, нехай онъ пожитковъ купецкихъ не уживаесть.

9. *Прозьба*. Просили тежъ есте его королевской милости, абы въ Ковнѣ, на Вельи, мыта на перевозъ отъ васъ шляхты не брати его милость казати рачилъ, мѣнячи, ижъ передъ тымъ мыта николи есте не давали. *Отказъ*. Въ томъ его королевская милость и теперь рачилъ розказати, заховатися по давному обычаю; а вѣдѣже, гдѣ мосту нѣтъ на рѣцѣ, муситъ собѣ кождый, для переѣзду, еднати и платити за працу перевозникомъ: нижли, кгда платы господарскіе бывають превожены, отъ того ничего не мають брати на перевозѣхъ и мостѣхъ, также и отъ тыхъ, которые на службу земскую, то есть, на войну повдугъ.

10. *Прозьба*. И о то тежъ прозьба ваша была, ижъ люди ваши и челядь невольная, зашкoдивши, до Юрборку и до Новои Воли утекають, а вридники старшой королевое еѣ милости,

пани матки его королевской милости, таковыхъ збѣговъ вамъ выдавати, а ни зъ ними никотороу справедливости чинити не хочуть, — и просите о листъ до королевое еѣ милости. *Отказъ*. Его королевская милость, въ таковой прозьбѣ вашей, листъ до еѣ королевской милости писати и вамъ дати розказати рачилъ.

11. *Прозьба*. Докладаете тежъ въ прозьбахъ вашихъ, жалуючи на Юрчыньского, ижъ онъ, будучи не тутошнего паньства чловѣкомъ, и беручи личьбы отъ васъ и слугъ вашихъ съ дворовъ и съ тивунствъ, державъ вашихъ, васъ самыхъ и слугъ вашихъ соромотитъ и никотороу бачности на васъ вридниковъ его королевской милости не маеъ, а безъ подарку не отправуетъ и личьбы слухати не хочеть: и просите, абы его королевская милость кого иньшого, обывателя того паньства великого князьства, на то установити розказати рачилъ.

Отказъ. На то его королевская милость казалъ вамъ повѣдити, ижъ то не естъ рѣчь посполитая земская: але хто бы отъ Юрчыньского былъ утисненъ, лацно бы собѣ справедливости у его королевской милости довести могъ, а и теперь можетъ не молчати о то, кому кривда, и лацно къ справедливости прійти можетъ.

12. *Прозьба*. Затымъ тежъ просили есте его королевской милости, абы вриды въ земли Жомойтской не были даваны, ни Литвѣ, а ни Руси, и неосѣлымъ, одно Жомойти, которые зъ отцовъ и зъ родичовъ своихъ суть тамошніе обыватели осѣлые, и то за причину старосты, тивуновъ и шляхты. *Отказъ*. То господарь его милость хочеть опатровати по тому, яко за отца его милости славноу памяти, и вже за шастливого панованья его королевской милости бывало.

13. *Прозьба*. Просили тежъ есте его королевской милости, абы судей и писаровъ присяжныхъ въ повѣтѣхъ вашихъ его милость вамъ дати рачилъ, которыхъ ижъбы вы сами межи собою обирали. *Отказъ*. На то его королевская милость казалъ вамъ повѣдити, ижъ то

его милость розкажетъ пану старостѣ Жомойтскому. постановити водлѣ ухвалы сойму прошлого.

14. *Прозьба*. Докладали тежъ есте въ прозьбахъ вашихъ, ижъ панове воеводы и старосты зъ урядники и подданными своими, въ кривдахъ, въ забираяню землѣ и людей вашихъ, никотороу справедливости чинити не хочуть, и просите, абы была справедливость учинена. *Отказъ*. О томъ его милость далъ науку пану старостѣ Жомойтскому, абы ся шляхтѣ безъ продлуженья справедливость дѣяла.

15. *Прозьба*. Была тежъ прозьба ваша къ его королевской милости, абы панове духовные и мѣщане съ тыхъ имѣній, которые у шляхты покупили, службу военную служили, альбо абы за нихъ отъ близкихъ пѣнязи водлѣ шацунку брали, а того абы панъ староста до-смотрѣлъ; и просите тежъ о листъ его королевской милости до пана старосты, абы съ тыми мѣщаны о таковыя имѣнія шляхетскіе справедливость чинилъ. *Отказъ*. И въ томъ его королевская милость далъ науку пану старостѣ Жомойтскому, абы ся заховалъ водлѣ обычаю права и ухвалы земскоу.

16. *Прозьба*. Тежъ просили есте о пожитки на вриды ваши прислухаючіе, ижъбы ничимъ, водлѣ давного обычаю, ихъ не уймовано; а ижъ панъ Фальчевскій немало того вамъ ущербилъ, и войтомъ и людемъ заказалъ, ижъбы васъ ни въ чомъ непослушны были, подводъ и сторожовъ не давали, и вамъ самымъ, а ни слугамъ вашимъ въ дома до подданныхъ въѣзжати не казалъ, грозно вамъ именемъ его королевской милости заказуючи, — и просите, абы тые пожитки, на вриды ваши прислухаючіе, водлѣ давного обычаю были привернены. *Отказъ*. Его королевская милость на то казалъ вамъ повѣдити, ижъ побожитѣйшій и певнѣйшій платъ на тотъ часъ зъ розказанья и за волею господарскою естъ вамъ установлень, съ десятоу волоки, а нижли первѣй зъ обтяженьемъ подданныхъ его королевской милости

№ 13. бывалъ, и не певный: бо яко вы не мѣли уста- вы, што на подданныхъ господарьскихъ брати, такъ тежъ и подданные не вѣдали, што мѣли давати. А вѣдѣже и теперъ тыхъ пожитковъ вашихъ ничимъ ся не уменьшило, а снать, иньшому зъ васъ и прибавитися платовъ можетъ, звлаща, кгда вси волоки осядутъ. А о послушенство войтовъ и подданныхъ господарьскихъ естъ на уставъ господарьской описа- но, яко ся вы, тивунове, къ подданнымъ захо-вати маете, а подданные въ послушенствѣ къ вамъ: подлѣ тоу уставу и заховати ся будете.

17. *Прозьба*. Докладаете тежъ въ прозьбахъ вашихъ, ижъ водлѣ привилейъ предковъ его королевской милости, славноу памяти королей ихъ милости и великихъ князей, ништо вамъ примовляти не маеъ, ижъбы есте черезъ мечъ або зброю были добыты и къ послушенству, предкомъ его королевской милости привер-нены: але предкове ваши сами добровольно предкомъ его королевской милости поддали ся. *Отказъ*. На то его королевская милость казалъ вамъ повѣдити: хто бы таковыя примовы вамъ чинилъ, хочеть его королевская милость справедливость учинити, и, дознавши, застановити то, абы напотомъ таковыхъ примовъ вамъ не чинено.

18. *Прозьба*. Докладаете тежъ въ прозьбахъ вашихъ вѣрныя службы и добровольное под-данье предковъ вашихъ къ предкомъ его ко-ровейской милости и тежъ къ его милости; а ижъ маете то на привилѣяхъ отъ предковъ его королевской милости вамъ даныхъ описа-но, ижъ мѣли и ихъ милость вамъ то ласкою своею господарскою нагорожати: нижли те-перь мѣните, ижъ и то, што вамъ отъ пред-ковъ его королевской милости надано, все ото-брано отъ васъ; и наконецъ и вѣрность по-слугъ вашихъ якобы вамъ была отнята, ижъ не только особамъ обчымъ, але и простымъ холопомъ большая естъ вѣрность дана, нижли вамъ, добрымъ и вѣрнымъ слугамъ и врид-никомъ его милости: и просите его королев-

№ 13. ской милости, абы его милость, зъ ласки своее господарскоѣ, при тыхъ правахъ и вольностяхъ вашихъ заховати васъ рачилъ; а што ся тыхъ вольностей вашихъ зменьшило, абы то его королевская милость зася вамъ направити росказати рачилъ. *Отказъ.* Тоѣ прозбы ваше достаточнѣ его королевская милость вырозумѣти не можетъ: въ чомъ бы ся правамъ и вольностямъ вашимъ што зменьшило, и на кого бы тежъ съ холоповъ простыхъ справа надъ вами прекладана была? ижьбы то есте господарю его милости ознакомили.

19. *Прозьба.* Просили тежъ есте, абы его королевская милость науку вамъ дати рачилъ, ижь его милости помѣрчѣ нѣкоторые болота и лѣсы никчемные у волоки помѣрили, для властныхъ доходовъ своихъ (которые господарю его милости никоторого пожитку вчинити не могутъ), и просятъ отъ васъ, абы есте за то имъ платили отъ каждоѣ волоки по десяти грошей: потребуеете въ томъ науки господарскоѣ, естли бы есте имъ мѣли за то по тому платити, альбо ни? *Отказъ.* На то его королевская милость казалъ вамъ повѣдити, ижь тую заплату мѣрчимъ чините съ платовъ его милости; а ижь то есть рѣчь властная, до скарбу его королевской милости належащая, въ томъ вамъ наука отъ его милости черезъ пана подскарбія земского дана будетъ.

III. — Прозьбы земли Волыньское.

Арт. 1. Прозьба. Што есте просили и чомъ били господарю его милости, абы кгвалтомъ, наѣздакамъ, забойствамъ, забираиью земль и грабежомъ, которые ся отъ обывателей коруны Польскоѣ дѣють, была справедливость учинена и конецъ слушный тому постановленъ. *Отказъ.* На то его королевская милость казалъ вамъ повѣдити, ижь кромъ напоминанья и прозбы ваше, маєт его милость то на ласкавой памяти своей господарской, абы паньства его милости, каждое у своихъ границахъ певныхъ, спокойнѣ были захованы, якожъ вже немалые початки тому

его королевская милость за щастливого панованья своего учинити рачилъ, што всимъ вамъ вѣдомо есть; а и напередъ хочеть его королевская милость къ тому ся причинити, ижьбы покой въ границахъ и справедливость безъ продлуженья на обѣ стороны чинена была.

2. *Прозьба.* Тежъ просили есте его королевской милости, абы его милость господарь судей повѣтовыхъ и писаря присяжного, для справъ вашихъ, придати вамъ рачилъ. *Отказъ.* Его королевская милость тую прозбу вашу на томъ зостановляти рачитъ, яко всимъ обывателемъ того паньства великого князьства есть оповѣдано; а вѣдьже таковое постановление всимъ вамъ только до поправленья статуту маєт трывати. А штобы и на тотъ часъ у справедливости продлуженье не дѣялося, роскажетъ его королевская милость черезъ листы свои господарскіе старостамъ повѣтовымъ, абы они на врьдѣхъ его милости господарскихъ, въ небытности своей, таковые мѣстца засажали особами на то годными, съ посродку васъ обравши; а при томъ судью и писаря присяжного, также братью вашу, обывателей того краю, годныхъ и учтивыхъ людей, мають выбрати, згожаючи ся зъ волею вашею, на кого вы позволите, и такимъ обычаемъ мають осажати мѣстцо судовное въ небытности своей: которые мають зъ намѣстникомъ старостинымъ, а коли самъ староста есть, тогды и съ самымъ старостою судити; а отъ такового суду не маєт ся никто отзывати до пановъ радъ, а ни до господаря, олижъ по всказанью.

3. *Прозьба.* Докладаете тежъ въ прозбахъ вашихъ, ижь которые панове рада наша, княжата и панята, мають имѣнья свои въ земли Волыньской, а не хотятъ правомъ вашимъ Волыньскимъ зъ вами правоватися, и просите, абы вси таковые у повѣтѣ тамошнемъ росправу зъ вами пріймывали. *Отказъ.* На то его королевская милость казалъ вамъ повѣдити, ижь ачъ панъ воевода Виденьскій, маючи имѣнья

свои тамъ въ земли Волыньской, подъ таковыи судъ повѣтовый поддавалъ тые имѣнья свои, але ижь княжата и панята, которымъ то належитъ, на тотъ съемъ къ его королевской милости вхати не могли: для того его милость господарь въ той рѣчи такое постановление чинити рачитъ, ижь таковыхъ становъ всихъ, которые къ повѣту не прислухаютъ, маєте позывати за комисіями господарскими, покулъ статутомъ то будетъ обваровано и постановлено.

4. *Прозьба.* Тежъ просили есте его королевской милости о люди ваши отчизные и непохожые, которые въ имѣнїяхъ ихъ милости пановъ радъ нашихъ, княжатъ и панятъ мѣшкають, зъ имѣнїй вашихъ поутекавши, абы вамъ были за доводомъ вашимъ выданы. *Отказъ.* Его королевская милость хотѣчи покой межѣ вами и имѣнїями вашими учинити, тую прозбу вашу такъ застановляти рачитъ, ижь отъ того часу не маєте збѣговъ одинъ отъ другого подданныхъ пріймывати, кромъ такого человека, который учтивши пана своего, добровольнѣ зъ имѣнья его выпущонъ будетъ: тыми вольно мѣстечко и волю осаживати. А хто вѣдомо збѣга на имѣнье свое приметъ, таковой вси шкоды тому чіею збѣга возметъ, што бы шкодовалъ черезъ того збѣга, также и накладъ его, што доходячи на то наложить, маєт платити. А ижьбы тымъ никто ся не вымывлялъ, ижь не вѣдомо такового збѣга прїнялъ: про то уставляетъ его королевская милость, абы князь и панъ, и кождый справца або намѣстникъ того имѣнья, до которого збѣгъ прїйдетъ, за первымъ обжалованьемъ и обосланьемъ справедливостю учинилъ и не боронилъ ее, а съ права збѣга и шкодника маєт выдати со всимъ, съ чимъ до того имѣнья зайдетъ; а не учинитъ ли справедливости и збѣга не выдастъ: тогды зъ того имѣнья, на которомъ збѣгъ будетъ найденъ, маєт быти уквивжоному шкода и накладъ оправованъ.

5. *Прозьба.* Просили есте тежъ его королевской милости, абы также къ службѣ земской выправовали есте съ девяти человекъ десятого, а не съ дымѣ, яко и вся шляхта въ великомъ князьствѣ Литовскомъ. *Отказъ.* Ино, ижь есте передъ его королевскою милостью сами то оповѣдали, штожъ въ Волыньскомъ краю два дымы, съ которыхъ идетъ дванадцать грошей и колода овса, то служба, а гдѣхотя одинъ дымъ, а такъ много податку выходитъ, то тежъ служба, — его королевская милость зостановляетъ на томъ тую прозбу вашу, абы есте съ таковыхъ девяти службъ десятого выправовали къ службѣ земской, яко-то сами есте службы людей вашихъ ознакомили и мѣновали.

6. *Прозьба.* Докладаете тежъ въ прозбахъ вашихъ, ижь староста Луцкій и Володимерскій, и маршалокъ земли Волыньскоѣ, завжды мѣстца свои въ радъ, межѣ инышими паны радами его королевской милости мѣвали, и просите, абы и теперъ тымъ тое паньство, землю Волыньскую его королевская милость обдаровати и тыхъ врьдниковъ къ радъ своей господарской припустити рачилъ. *Отказъ.* Его королевская милость казалъ вамъ на то повѣдити, ижь то рачитъ осмотрѣти, водлугъ воли своее господарскоѣ и по первому обычаю.

7. *Прозьба.* Просили тежъ есте его королевской милости о врьды замку тамошнего Луцкого, а меновитъ о тые: городничое, ключъ и мостовничое, ижь николи къ старосту не прислухали, але земяне тамошніе, братья ваша, то завѣдывали, и просите, абы его королевская милость отъ того васъ и теперъ отдаляти не рачилъ. *Отказъ.* На то его королевская милость казалъ вамъ повѣдити, ижь то не есть рѣчь ваша: але всякіе врьды, за годностю и службами, рачитъ его милость давати, кому есть воля его милости господарская.

8. *Прозьба.* Докладаете тежъ въ прозбахъ своихъ, ижь владыка нынѣшній Володимер-

№ 14. ский немало имѣній церковныхъ, отъ предковъ его королевской милости и тежъ отъ вашихъ предковъ на церковь Божью наданныхъ, роздалъ Борзобогатымъ, князю Ивану Четвертинскому и тежъ Станиславу Недвѣдю, и просите, абы тые имѣнья церковные его королевская милость зася къ церкви Божьей привернути розказати рачилъ. *Отказъ.* Его королевская милость тую прозьбу вашу на томъ zostавляти рачить, ижъ за листомъ господарскимъ, таковыя вси имѣнья церковные, кому жъ колько черезъ владыку суть отданы, зася привернены быти мають къ владычеству Володимирскому; а шкоды въ тыхъ имѣньяхъ подданнымъ подѣланы, черезъ посланца его королевской милости, за тымижъ листы, мають быти списаны; а тамъ найдетъ его милость, хто то нагрожати маеть. Нижли Борзобогатые дають того справу, ижъ они не за жаднымъ дарованьемъ тые имѣнья отъ владыки Володимирского держать, але арендою, што ему заборонено и арендовати заказано быти не можетъ, поки есть владыкою; а вѣдьже въ чомъ бы ся онъ неслушны справовалъ, о то припозвавши его мовити можете.

9. Прозьба. Просили тежъ его королевской милости, ижъ нѣкоторые панове Поляцы вдовы и дѣвки въ земли Волинской въ малженство понявши и, мѣшкаючи тамъ, кривды и трудности великіе вамъ дѣлають, и бѣте чоломъ господарю его милости, абы близкіе къ тымъ имѣньямъ ихъ скуповали. *Отказъ.* То его королевская милость на томъ zostавляти рачить, яко и всимъ обывателямъ того панства великого князства въ таковой же прозьбѣ ихъ есть отказъ учиненъ.

10. Прозьба. Што тежъ есте просили и чоломъ били господарю его милости, абы его королевская милость рачилъ вамъ дозволити, жита, ярины, попелы и иншіе работы лѣсные добровольнѣ и безмытнѣ до Кгданьска спускати. *Отказъ.* На тую прозьбу вашу господарь его милость казалъ вамъ повѣдѣти,

ижъ то водлугъ давного обычаю zostавляти рачить.

11. Прозьба. Докладаете тежъ въ прозьбахъ вашихъ о квалтахъ и наѣздахъ на дома ваши отъ нѣкоторыхъ людей тамошнихъ, и просите, абы таковое своеволенство караньемъ его королевской милости было заставлено, а особливо, около дворянина его милости Львовчика, который былъ побережникомъ за листы господарскими уставленъ, дано его повѣсити. *Отказъ.* Его королевская милость казалъ вамъ на то повѣдѣти, ижъ хочеть его милость розказати, около того пильное вывѣданье учинити, и, зыскавши, винныхъ скарати: для чого будутъ и къ урядомъ тоѣ земли приданы отъ его королевской милости комисары, которые того мають зыскивати, яко властно рѣчи его милости.

12. Прозьба. Тежъ просите и чоломъ бѣте господарю его милости, абы его королевская милость отъ подданныхъ вашихъ, которые съ збожьемъ своимъ по земли Волинской, а не за границу ѣздить, никоторого мыта на коморахъ не брати розказати рачилъ. *Отказъ.* То его королевская милость рачилъ розказати пану воеводѣ Новгородскому, яко подскарбьему земскому, ижъбы того досмотрѣлъ, яко бы ся въ томъ подданнымъ вашимъ некоторое обтяженіе не дѣяло; и которые подданные ваши збожья свои, для продажи, до мѣстъ его королевской милости, то есть, до Луцка, до Володимера и до Торчина, а не за границу провадять, ижъбы отъ таковыхъ никоторого мыта не брано.

Изъ Литовской Метрики (Публ. дѣлъ кн. IV, л. 72 — 99), хранящейся при Правительствующемъ Сенатѣ, въ С. Петербургѣ.

14.—1555 Іюля 20. Позывная грамота Кіевского митрополита Макарія Львовскому епископу Арсенію, о явкѣ на судъ, для расправы, по жалобѣ на него Уневскаго

архимандрита Анастасія, о присвоеніи того монастыря и его имуществъ.

Благословеніе Макарія, Божьею милостию архіепископа митрополита Кіевского и... и всея Руси, о святомъ Дусѣ возлюбленому и о Христѣ сослужебнику нашего смиренія, честному епископу владыцѣ митрополѣи нашею Галицкое, Львовское и Каменца Подольского отцу Арсенію. Штожъ не однокротъ жалуетъ намъ ся архимандритъ пречистое Богородици монастыря Унева Анастасей Радилевскій со всею еже о Христѣ братьею того честного монастыря, ижъ дей ты пріѣзжаючи до монастыря, великіе обтяжливости имъ чинишь и монастырь пустошишь, статки и живности монастырскіе разбираешь, и архимандрита до господаря короля его милости и передъ ихъ милости пановъ радъ коруны Польское къ праву позываешь, приводячи къ знищенію и великимъ шкодамъ тотъ монастырь, хотячи его подъ мощь свою подбити и въ послушенство привернути. А тотъ монастырь, зъ вѣчистыхъ часовъ, за предковъ нашихъ отъ колѣкадесять лѣтъ, и за насъ самихъ, подъ благословеніемъ нашимъ и послушенствомъ митрополѣи Кіевское есть; гдѣжъ до того монастыря никоторый владыка николи не вступовалъ и въ мощи своей его не мѣвалъ, одно есть подаванія господарьского: воленъ господарь его милость, кому хочеть, тому тотъ монастырь дати, а благословенія нашего есть, а не твоего. Якожъ дей еси и сихъ часовъ позывалъ того архимандрита передъ господаря его милость, до Петрикова, о три тысячи золотыхъ, ни для чого иншого, одно знищаючи монастырь и къ шкодѣ архимандрита приводячи; а такъ господарь король его милость рачилъ казати до насъ листъ свой господарскій писати, розказуючи вамъ обѣимъ сторонамъ, яко тобѣ владыцѣ, такъ и архимандриту, абыхмо мы, водлугъ права нашего духовного, справедливости промежду вами досмотрѣли и сказанье на конецъ учинили, и тобѣ розказали, абы еси

тому монастырю и архимандриту и чернцемъ **№ 15.** во всемъ покой далъ и ничимъ ся не вступовалъ. А такъ архимандритъ о всехъ шкодахъ и кривдахъ монастырскихъ, которые ся имъ отъ тебе дѣють, реистръ до права положить... омъ съ тобою очивисто мовити хочеть. Прото мы зъ столечности нашею пастырскою, за листомъ господарскимъ писаннымъ до насъ, приказуемъ тобѣ, подъ клятвою святыхъ Отецъ и подъ неблагословеніемъ нашимъ, абы еси на рокъ отъ насъ адожонный... на Воздвиженіе честнаго Креста, свята прійдучого року теперешнего пядесять пятаго, въ начало индикта мѣсяца Сентеврія четвертогонадесять дня, къ праву передъ нами сталъ, и со архимандритомъ Уневскимъ Анастасіемъ водлугъ жалобы его росправилъ, не вымываячися никакими причинами, конечно, абы еси того иначе не вчинилъ. Естли жъ бы еси передъ нами на тотъ рокъ стати и со архимандритомъ росправити не хотѣлъ о томъ, вѣдай, ижъ мы съ тымъ такъ вчинимъ водлугъ розказанья господарьского и права нашего духовного. Писанъ въ Новогородку, року Божьего нароченья 1555, мѣсяца Іюля 20 дня.

Подлинникъ, хранящійся въ Львовскомъ Ставропигіальномъ архивѣ, писанъ на листѣ, современною скорописью, съ титлами, безъ строчныхъ знаковъ. Лѣтосчисленіе церковными буквами. Въ концѣ грамоты собственноручная митрополѣи подпись: волею Божьею Макарій архіепископъ митрополѣи Кіевски и Галицки и всея Руси. Ниже скрипка дѣлка: Мартинъ. Печать подъ кустодією, съ неявственнымъ оттискомъ. Ветха.

Доставлена въ Археографическую Коммисію, въ списокъ, корреспондентомъ г. Зубрицкимъ.

15.—1555 Октября 11. Позывная грамота Кіевскому митрополиту Макарію, о явкѣ на королевскій судъ, для расправы, по

№ 16. жалобъ на него Львовскаго епископа Арсенія, о присвоеніи Уневскаго монастыря.

Жигимонтъ Августъ, Божію милостію король Польскій, великій князь Литовскій, Русскій, Прускій, Жомойтскій, Мазовецкій и иныхъ, архіепископу митрополиту Кіевскому и Галицкому и всея Руси Макарію. Жаловалъ намъ владыка митрополи Галицкоу Львовскій и Каменца Подольскаго Арсеній, о томъ, ижъ который монастырь Унівскій первый сего отъ короля его милости славной памяти Жигимонта, пана отца нашего, къ епископии его есть приданъ и привилеямъ его королевскоу милости уфундованъ: ино дей черницы монастыря тамошняго немалые противности ему чинячи, ни въ чомъ послушни его быти не хотятъ, о чомъ онъ первый сего, хотячи съ ними росправу принять, позвы нашими ихъ передъ насъ къ праву позывалъ; гдыжъ мы не беручи того на розсудокъ нашъ, до тебе, яко до старшого пастыря, ихъ съ тымъ отослали; и гды дей за тымъ отосланьемъ нашимъ, за позвы твоими, имъ обьемъ сторонамъ рокъ передъ тобою къ той справѣ стати припалъ, онъ дей на рокъ припалый, самъ (для иныхъ справъ тоу епископии своее) быти не могучи, умопованого своего сына Василя на оный рокъ къ росправѣ съ тыми черницами до твоей милости присылалъ, а отъ черниковъ дей того монастыря архимандритъ Анастасій отъ всее братьи самъ передъ тобою ся становилъ; и кды дей умопованный сынъ его Василей, зъ архимандритомъ въ право вступаючи, привилей его королевскоу милости пана отца нашего, которымъ тотъ монастырь къ епископии его есть уфундованъ, передъ тобою покладалъ, ты дей того привилія и фундату пана отца нашего слухати не хотѣлъ, и, касуючи его, а выймуючионный монастырь Унівскій отъ епископии его подъ владность и послушенство свое, листъ свой судовый на то имъ далъ, къ немалой кривдѣ и ущипку тоу епископии его и надъ привилей нашъ: о чомъ

онъ съ тобою очивисто мовити хочеть. — Прото, абы твоя милость передъ нами къ праву сталъ, и листы право свое, што бы еси къ тому мѣлъ, передъ нами положилъ и на томъ ся съ нимъ росправилъ, на роки пришлые судовые, на семую субботу въ року пятидесять шостомъ отъ насъ зложоны. Писанъ у Вилни, лѣта Божьего нароженья 1555, мѣсяца Октября 11 дня.

Подлинникъ писанъ на бумажномъ листѣ, сплошною скорописью, безъ знаковъ препинанія. Внизу грамоты приложена печать Литовскаго княжества, подъ кустодією. Тамъ же скръпа: Остаеи, маршалокъ и писарь. На оборотѣ отпѣчено позднѣйшимъ почеркомъ: Мандатъ по митрополита Макаря о монастырь Уневскій.

Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

16. — 1555 въ Ноябрь. Дополнительная статья къ Статуту, о доходахъ земскимъ судьямъ, писарямъ и вознымъ отъ судебныхъ дѣлъ.

Што ся дотычетъ доходу судьямъ, писарю и вознымъ, то ся такъ заховывати маеть. Судьямъ пересуду, отъ звычайу давного, по половинѣ, то есть, отъ копы грошей три грошы, а отъ презыску десяти грошей, полгроша. Писарю: отъ позвовъ двухъ на рѣчь одну два грошы; отъ записанья до книгъ по грошу; отъ выпису съ книгъ по шести грошей; за листъ заручный о здоровьѣ и опослѣ права чотыри грошы; за листъ упоминальный два грошы. Вознымъ устава маеть быти: въ якой-кольве справѣ судебной земской, буде возный съ права посланъ, або отъ кого будетъ взятъ, на каждую милю маеть данъ быти ему одинъ грошъ; отъ огляданья равъ шляхетскихъ кровавыхъ и синихъ два грошы, отъ хлопскихъ и мѣщанскихъ, акін-кольве раны, по грошу; а естли мѣщанинъ радоу мѣстскимъ былъ, гдѣ права мають мѣстскіи свои, яко отъ шляхты маеть быти брано. Отъ присяги каждоу,

гдѣ будетъ возный доглядати, маеть ему быти дано два грошы. Отъ шляхтича забитого по шести грошей.

Изъ Актовъ книгъ Слонимскаго Уезднаго Суда. На переплетѣ манускрипта вытиснуто: księgi ssądu ziemsskiego powiatu Słonimsskiego, roku 1555.

17. — 1556 Марта 25. Перемирная грамота Царя и великаго князя Московскаго Іоанна Васильевича съ Польскимъ королемъ Сигизмундомъ Августомъ, на шесть лѣтъ.

Мы великій государь Иванъ, Божіею милостію царь и великій князь всеа Руси, Владимирскій, Московскій, Новгородскій, Казанскій, Астараханскій, Псковскій, Рязанскій, Тверскій, Югорскій, Пермскій, Вятскій, Болгарьскій и иныхъ, и всеа Сибирскіи земли повелитель. Что присылалъ до насъ ты братъ нашъ, великій государь Жигимонтъ Августъ, Божіею милостію король Польскій и великій князь Литовскій, Русскій, Прускій, и Жомойтскій, и Мазовецкій и иныхъ, пословъ своихъ великихъ, князя Стефана Андрѣевича Збаражскаго, воеводу Витебскаго, да пана Яна Шимковича, маршалка и писаря, старосту Тыкочинскаго, да писаря Венцлава Николаева, секретаря и державца Скерстемонского, о миру и о доброй смолѣ, и то межъ насъ съ тобою братомъ нашимъ, съ великимъ государемъ Жигимонтомъ Августомъ, королемъ и великимъ княземъ, нынѣ не ссталоса; и наши бояре намъ били челомъ и просили насъ, чтобы намъ съ тобою братомъ нашимъ взяти перемирье на шесть лѣтъ, на то, чтобы межъ насъ кровь христьянская не проливалась, и что намъ въ тѣ перемирные лѣта межъ себя рати и войны не замышляти, а слати бы намъ въ тѣ лѣта межъ себя, на обѣ стороны, своихъ великихъ пословъ, которые бѣ межъ насъ могли тѣ дѣла дѣлати. И мы съ тобою братомъ своимъ, съ великимъ государемъ Жи-

гимонтомъ Августомъ, королемъ и великимъ княземъ, перемирье взяли на шесть лѣтъ, отъ Благовѣщеньева дни лѣта семь тысячъ шестьдесятъ четвертаго до Благовѣщеньева же дни лѣта семь тысячъ семьдесятнаго, на то, что тебѣ брату нашему, великому государю Жигимонту Августу королю и великому князю Литовскому и Русскому, въ тѣ перемирные лѣта, въ шесть лѣтъ, нашихъ земель не воевати, ни зацѣпляти ничѣмъ: Московскіи земли, и Новгорода Великаго, и волостей Ноугородцкихъ и Ноугородцкіи земли всее, и Пскова и Псковскіи земли всее, и города Себѣжа и волости Сѣбежскіи, и Тверскіи земли всее, и Переславля Рязанскаго и Рязанскіи земли всее, и Пронска и Пронскіи земли всее, не воевати, ни зацѣпляти ничѣмъ. Также тебѣ брату нашему, великому государю Жигимонту Августу, королю и великому князю Литовскому и Русскому, и тѣхъ нашихъ городовъ и волостей и земель не воевати и ни зацѣпляти ничѣмъ въ тѣ перемирные лѣта, въ шесть лѣтъ: города Рыска съ волостми, города Путивля съ волостми, города Новогородка Сѣверскаго съ волостми, города Радогоща съ волостми, города Чернигова съ волостми, города Стародуба съ волостми, города Почепа съ волостми, города Поповы Горы съ волостми, и волостей, Залѣсья, Бабичъ, Свѣтиловичъ, Голодна, Скарбовичъ, Лапичъ; города Карачева съ волостми, и волостей, Хотимля, Сновска, Хоробора, Мглина, Дрокова, города Трубческа съ волостми, города Мосалска съ волостми, города Серпѣйска съ волостми, и волостей, Замошья, Тухачева, Дечны, Ооминичъ, Погостища, Мошины, Дѣмены, Городечны, Ужеперети, Снопота, Ковылы, Шуи, Лазорева городища, Ближевичъ, Любуни, Даниловичъ; города Брянска съ волостми, и волостей, Соловьевичъ, Прикладней, Пацыни, Оедоровскаго, Осовика, Покиничъ, Сухоря, Всеславля, Вороничъ, Жерыни; города Рославля съ волостми, а рубежъ городу Росла-

№ 17. влю со Мстиславемъ: промежъ Словнева да Шибнева къ Гнѣвкову, Доброю рѣчкою на Водонось, а отъ Водоноса Доброю же рѣчкою въ Острѣ, черезъ великій боръ въ рѣку въ Шумячю, къ Стрѣску, къ рубежу Кричевскому; а отъ Кричева городу Рославлю рубежъ рѣка Шумяча, а Шумячею въ рѣку въ Немелицу, а изъ Немелицы старымъ рубежемъ къ Заборю, въ Ипутъ рѣку, да внизъ Ипутю къ Хмѣлю; города Смоленска съ путми и съ волостми что къ нему тянетъ, и волостей, Еловца, Болваничъ, Лазоревщины, Пустоселья, Романовского, Копотковичъ, Молохвы все что къ ней потягло, и Петровского держанія, Кутева, Звѣровичъ, Дубровенского пути, Катыни, Каспли, Порѣчья, Руды, Шучь; а рубежъ Смоленску и волостемъ Смоленскимъ съ Дубровною, и съ Романовымъ, и съ Горами и со Мстиславемъ: отъ Днѣпра ниже города Смоленска, рѣкою Мереею вверхъ, межи Пречистые, Взруба и Звѣровичъ, въ Иваку рѣку, а изъ Иваки на Елинскій рубежъ да въ Городню, а Городнею въ Вехру въ Черной Мохъ, а изъ Вехры въ Прудилну, а изъ Прудилны въ Желѣзницу, а Желѣзницею подъ Дуденки въ Вехру, а изъ Вехры въ Лютую воду, и изъ Лютые воды въ Выпино, а изъ Выпина въ Сожъ, а Сожемъ на низъ въ Березыню, а Березынею вверхъ сухомъ промежъ селъ Почина и Гладковичъ по холмомъ, а оттолъ къ Кулневу; а за рѣкою за Днѣпромъ рубежъ Смоленску, внизъ по Днѣпру по рѣкѣ, ниже Клементя святого пять верстъ; города Мценска съ волостми, и городища Дмитровца, города Мещеска съ волостми, города Опакова съ волостми, и волостей, Залидова, Недоходова, Бышковичъ, Лычина; города Вязмы и волостей Вяземскихъ всѣхъ, что къ Вязмѣ потягло; города Дорогобужа и волостей Дорогобужскихъ всѣхъ, что къ нему потягло изъ старины; города Бѣлые съ волостми, и волостей, Верховья, и Болшевы, и Шептова, и Моневиловы слободы; и города Торопца и всѣхъ Торопет-

скихъ волостей, и города Велижа и Велижскихъ волостей; а рубежъ Торопцу и Торопетскимъ волостемъ и Велижскимъ волостемъ, Данкову, Любутъ, Дубнѣ, Рожнѣ, Турѣ, Бибереви, Старцовѣ, Нежелской, Плавѣтцкой, Жишетцкой, Озерской, Казариновской, и Новгородскимъ волостемъ, Лукамъ Великимъ, и Пуповичомъ, и Ржевѣ, и городу Острю, и городу Заволочю, и волостемъ Долысь и Березаю, Невлю, Усваю, Ловцу, Веснѣ, Бологу, и Холмскому погосту, и Велижѣ, и Лопастямъ, и Буйцу и инымъ волостемъ, всей землѣ Новгородской, съ вашею землею съ Литовскою и съ Полочаны и съ Видбляны, земли и водѣ, по старымъ рубежемъ. А мнѣ великому государю Ивану, Божіею милостию царю и великому князю всеа Русіи, твоихъ великого государя Жигимонта Августа, короля Польского и великого князя Литовского и Русского, земель не воевати, ни зацѣпляти ничѣмъ въ тѣ перемирные лѣта, въ шесть лѣтъ: города Кіева съ волостми, города Канева съ волостми, города Черкасъ съ волостми, города Житомеря съ волостми, города Вручѣ съ волостми, города Любеча съ волостми, города Гомѣ съ волостми, и селѣ, Уваровичѣ, Телешевичѣ, Тереничѣ, Кошелева Лѣсу, Морозовичѣ, Липиничѣ, Полѣшанѣ; города Турова съ волостми, города Мозыри съ волостми, да волостей, Бича, Брягина, Рѣчицы, Горволя, Стрѣшина, Чичерска, Пропойска, Могилева, города Мстиславля съ волостми и волости Хотславичъ; города Кричева съ волостми, города Дубровны съ волостми, и волостей, Горѣ и Романова, и города Орши съ волостми, и волостей, Любавичъ и Микулина; города Витебска и волостей, Бруса, Дречихъ Лукъ, Свята, Озерищъ; города Полотцка и волостей, Мошниковъ, Дрисы, Освія, Нешерды, Непоротовичъ, Вербиловы слободы, Кубка, Вязма, Клина, Ситнянъ, Листны, Замощья, Истца, Неведрея, не воевати, ни зацѣпляти ничѣмъ въ тѣ перемирные лѣта. А кого ты братъ нашъ,

великій государь Жигимонтъ Августъ, Божьею милостию король и великій князь, пошлешь къ намъ своихъ пословъ, и тѣмъ твоимъ посломъ приѣхати къ намъ и отъѣхати добровольно, безо всякіе зацѣпки; также кого мы пошлемъ къ тебѣ своихъ пословъ, и нашимъ посломъ по вашимъ землямъ къ вамъ добровольно приѣхати и отъѣхати, безо всякихъ зацѣпокъ. А вашимъ купцомъ изъ всѣхъ вашихъ земель во всѣ наши земли приѣхати со всякимъ товаромъ и торговати на всякой товаръ, а приѣхати имъ и отъѣхати добровольно, безо всякихъ зацѣпокъ; а нашимъ купцомъ изъ всѣхъ нашихъ земель во всѣ ваши земли приѣхати со всякимъ товаромъ и торговати на всякой товаръ, а приѣхати имъ и отъѣхати добровольно, безо всякихъ зацѣпокъ. Также которые твои послы пойдутъ къ тебѣ черезъ наши земли, и гости съ ними, или опричь пословъ гости пойдутъ къ тебѣ черезъ наши земли съ какимъ товаромъ ни буди: и намъ у тѣхъ пословъ и гостей товару не отнимати, а пропускати намъ къ тебѣ пословъ и гостей со всякимъ товаромъ черезъ свои земли безо всякіе зацѣпки; также наши послы и гости куды ни пойдутъ, отъ насъ или къ намъ, черезъ твои земли съ какимъ товаромъ ни буди: и тебѣ у тѣхъ нашихъ пословъ и гостей товару не отнимати, а пропускати тебѣ къ намъ нашихъ пословъ и гостей со всякимъ товаромъ черезъ свои земли безо всякихъ зацѣпокъ. А которые послы отъ иныхъ государей, откуда ни буди, пойдутъ къ намъ черезъ твои земли, и гости съ ними съ какимъ товаромъ ни буди, или опричь пословъ гости пойдутъ къ намъ съ какимъ товаромъ ни буди: и вамъ у тѣхъ пословъ и гостей товару не отнимати, а пропускати вамъ къ намъ тѣхъ пословъ и гостей со всякимъ товаромъ черезъ свои земли безо всякихъ зацѣпокъ; также которые послы отъ иныхъ государей, откуда ни буди, пойдутъ къ вамъ черезъ наши земли, и гости съ ними съ какимъ товаромъ ни буди: и намъ у тѣхъ

пословъ и гостей товару не отнимати, а пропускати намъ къ тебѣ тѣхъ пословъ, и гостей со всякимъ товаромъ, черезъ свои земли безо всякихъ зацѣпокъ. А въ тѣ перемирные лѣта какова учинитца обида межъ нашихъ князей и людей, въ земляхъ и въ водахъ и въ иныхъ въ какихъ въ обидныхъ дѣлѣхъ, и наши князи и намѣстники и волостели украинные, сослався, да тѣмъ обиднымъ дѣломъ всякимъ управу учинятъ на обѣ стороны; а въ какихъ обидныхъ дѣлѣхъ наши князи и намѣстники и волостели не учинятъ управы: и намъ о томъ сослати судей, и они, съхався, да тѣмъ обиднымъ дѣломъ всѣмъ управу учинятъ на обѣ стороны, безъ хитрости. А татя, бѣглеца, холопа, робу, должника, по исправъ выдати, а даное, положевое, заемное, поручное отдати. А отойдутъ по сѣмъ перемирнымъ грамотамъ межъ насъ урочные лѣта и розмирица межъ насъ учинитца, а въ ту пору которые твоей земли купцы или послы прилучатца въ нашихъ земляхъ: и намъ тѣхъ вашихъ купцовъ и пословъ не порубати, ни статковъ у нихъ не отнимати, а отпустить намъ ихъ всѣхъ добровольно со всѣми ихъ ссатки; а которые наши послы, или купцы прилучатца въ ту пору въ твоихъ земляхъ, и тебѣ нашихъ пословъ и купцовъ также не порубати и не имати, ни животовъ ихъ у нихъ не отнимати, а отпустить ихъ всѣхъ добровольно со всѣми ихъ животы. А на томъ на всемъ, какъ въ сей перемирной грамотѣ писано, мы великій государь Иванъ, Божіею милостию царь и великій князь всеа Русіи, Володимирскій, Московскій, Новгородскій, Казанскій, Астраханскій, Псковскій, Резанскій, Тверскій, Югорскій, Пермскій, Вятскій, Болгарскій и иныхъ, и всея Сибирскіе земли повелитель, цѣловали есмя крестъ тебѣ брату нашему, великому государю Жигимонту Августу, Божіею милостию королю Польскому и великому князю Литовскому, Русскому, и Прусскому, и Жемойтскому, и Мазовецкому и иныхъ, на

№ 17.

№ 18 томъ, что намъ по сей перемирной грамотѣ
— 19. до тѣхъ урочныхъ шти лѣтъ тотъ миръ держати крѣпко, по тому какъ въ сей перемирной грамотѣ писано. Писана на Москвѣ, лѣта 7000 шестьдесятъ четвертаго.

Подлинникъ писанъ на пергаминахъ листъ, длиною 15, шириною 13½ вершковъ, скорописью.

На оборотѣ, внизу, современнымъ Западно-Русскимъ почеркомъ отмѣчено: Листъ перемирный, черезъ князя Збарзского, воеводу Витебского и товаришковъ его, посла... отъ князя Московского, на... лѣтъ, отъ лѣта 7064, и тоже по Польски. Внизу грамоты, на шелковомъ малиновомъ шнуркѣ привѣшена большая государственная печать изъ красной мастики. На лицевой сторонѣ, внизу же, написано: ex musaeo Petri Dubrowsky.

Хранится въ Императорской Публичной Библиотецѣ.

18. — 1556 или позже Августа 28. Письмо Новгородскаго воеводы Павла Сопѣги Кіевскому митрополиту Сильвестру, съ изъясненіемъ готовности ходатайствовать за него предъ королевемъ.

Велебный, велможный господине, отче митрополите! Што ваша милость рачилъ послать служебника своего Еска въ справахъ своихъ къ его королевской милости, а такъ я што-мъ дали-богъ могъ, тамъ въ тыхъ потребахъ вашей милости помогаль, якожъ и служебнику вашей милости пану Еску то свѣдомо, што дали-богъ, и до конца вашей милости помогати буду: нижли, ижъ служебникъ вашей милости мѣлъ справу пилную до Новагородка, для того ѣхаль, а вѣдѣже я, яко-мъ ся вашей милости обѣщалъ, такъ и до конца вашей милости помогати буду, такъ, яко ваша милость при справедливости своей, дали-богъ, оставленъ быти рачилъ. О томъ ваша милость рачи вѣдать. Притомъ дай пане Боже вашей милости доброе здоровье и шастливое панование на много лѣтъ фортунныхъ, того я вашей милости вѣрнѣ отъ пана Бога мѣтъ зычу,

яко отцу моему, мнѣ милостиве ласкавому. За тымъ ся милостивою ласцѣй вашей милости за-лецамъ, съ которою, прошу, абыхъ не былъ опущонъ. Писанъ у Вильни, мѣсяца Августа 28 дня. — «Павелъ Ивановичъ Сопѣга, воевода Новгородскій, вашей милости низко чоломъ бьетъ.»

Подлинникъ писанъ на бумажномъ полулистѣ, скорописью, съ титлами, безъ знаменъ строчныхъ. Бывъ сложенъ и запечатанъ перстневою печатью, имѣетъ на пакетѣ надпись: Велебному, велможному преосвященному архіепископу митрополиту Кіевскому и Галицкому и всея Руси, киръ Селивестру.

Хранится въ архивѣ бывшихъ Греко-Уни-тскихъ Митрополитовъ, при Святѣйшемъ Синодѣ.

19. — 1557 Апрѣля 1 и Октября 20, и 1558 Мая и Іюня 20. Уставы о управленіи королевскихъ волостей, съ дополнительными къ нимъ статьями.

I. — Устава на волоки господара короля его милости во всемъ великомъ князествѣ Литовскомъ, лѣта Божого нароженія 1557, Апрѣля 1 дня.

1. О боярахъ путныхъ и о служкахъ. Бояре путные, стародавние, а не въкупные хочемъ мѣти, абы были на двухъ волокахъ постановлены, съ которыхъ бы за вси повинности, пѣнязми ошачовавши водлѣ кгрунту, яко люди осадные платили, а на службу тяглую и въ подводы ходити повинни; а коли зъ розказанья нашего на дорогу поѣдутъ, того году ничего платити не мають, а безъ воли и розказанья нашего, вряду нашему ихъ на дорогу и пигдѣ не посылати; а будучи на дорожѣ, служити имъ по старому: навязка имъ, яко и передъ тымъ, водлѣ статуту. Служокъ съ такихъ же бояръ ревизоры обирати, и не болшъ, только съ потребу, при каждомъ замку и дворѣ нашемъ оставити мають; которыхъ служба будетъ ѣздити зъ листы нашими

до дворовъ тому вряду прилеглихъ, и съ пѣнязми платовъ нашихъ до Вильни, до скарбу, и за кривдами подданныхъ колеею зъ розказанья вядового ѣздити; а за то имъ на одинъ конь двѣ волоки вольныхъ отъ всихъ платовъ мѣти, и на потребу вряду ѣздити не повинни.

2. О бортяхъ. Ижъ первѣй бортеве розность въ работахъ отъ иныхъ подданныхъ нашихъ мѣли, и теперъ ихъ заставляемъ, абы водлѣ шацунку кгрунтовъ, за вси повинности, цыншы, овсы и сѣна пѣнязми зъ волокъ до скарбу нашего платили, яко и осадники; а коли имъ на войну ити кажемъ, мають мѣти тотъ рокъ вольный ото всихъ платовъ; а мосты имъ повинные заробляти, и тежъ за розказаньемъ и листомъ нашимъ, мосты имъ и неповинные мостити мають, а за то имъ фолькгу въ цыншахъ нашихъ дѣлати кажемъ, водлѣ воли наше.

3. О конюхахъ сѣделныхъ и иныхъ. Конюхи сѣделные альбо дворные мають мѣти по двѣ волоки вольныхъ на службу конюшьскую, на которой коли будутъ, маеть быти дано имъ на страву и на вси потребы грошей копъ чотыри на рокъ; а которые на службѣ не будутъ, мають платити съ каждою волоки по томужъ, яко и бортеве.

4. О стрѣльцахъ. Стрѣльцомъ нашимъ по двѣ волоки вольные маеть быти дано, а третью на цыншу, хто похочетъ; а служба ихъ зъ розказаньемъ нашимъ въ ловы и на войну.

5. О слугахъ дворныхъ. Одверные и иные слуги дворные, мѣшкаючи на послугахъ нашихъ, мають мѣти по двѣ волоки вольныхъ отъ всихъ платовъ и повинностей; а которые на службахъ нашихъ не будутъ, абы платили съ каждою волоки пѣнязми водлѣ кгрунту, ошачовавши вси повинности; а естли бы зъстарѣвшися на службахъ нашихъ, дома мѣшкали, таковымъ обѣ — двѣ волоки вольныхъ мѣти, вѣдѣже олийжъ за листомъ нашимъ господарскимъ.

Акт. Зап. Росс. Томъ III.

6. О осочникахъ. Ревизоръ зъ лѣсничимъ № 19. маеть осочниковъ обирати, а не болшъ, одно съ потребу при пушахъ и ловѣхъ нашихъ становити, и то намъ господарю ознати, а на службу имъ по двѣ волоки давати вольныхъ отъ цыншу и всякихъ потяглей.

7. О войтахъ. На селахъ войтове мають мѣти по одной волоцѣ вольной; а похочетъ ли, маеть ему и другая быти придана на цыншу, ошачовавши вси повинности и доходы водлѣ кгрунту. А служба ихъ то: зъ розказанья вядового, людей на роботу, тежъ съ цыншы и съ платы нашими выгоняти, и при отдаванью платовъ быти; подданныхъ нашихъ къ праву вмѣсто дѣцкаго передъ урядомъ ставити; при работахъ всякихъ вмѣсто пристава надъ людьми войтовства своего стояти; при отвоженью овсовъ и сѣна до Вильни и индѣ, зъ людьми войтовства своего ѣздити и ихъ отдавати; переоры волокъ пустыхъ и нанятыхъ, стѣны границы и копцы на каждый рокъ межи подданными нашими поправовати и поновляти, подъ виною, копою грошей; а гдѣ бы отъ которого сусѣда видѣлъ копцы альбо границы показоны, маеть то вряду оповѣдати, подъ тоюжъ виною. А судити вряду подданныхъ о всемъ дня торгового, кромѣ причины кровавоу и квалтовноу: о такой винѣ коли жъ кольвекъ повелитъ урядъ ставити къ праву подданого, войтъ повиненъ; а который бы съ подданныхъ войта послушенъ не былъ, а за позваньемъ его передъ урядомъ не сталъ: по такового своевольного вряду дѣцкаго послати маеть, и отъ непослушнаго дѣцкованья на мило въ обѣ стороны грошъ. А при судѣ войту быти, и справедливости подданому допомогати. Винѣ нашихъ вѣдомость мѣти и ревизоромъ оповѣдати, и того стеречи, абы вряду винѣ и пересудовъ надъ уставу не бралъ; а естли бы за мовеньемъ его, вряду того не пересталъ, маеть то войтъ ревизору оповѣдати. А войта вряду о всякую вину судити, только войтовства у него не отнимати, ажъ посполу

19. зъ ревизоромъ дознавши вину и неслучную справу его, и, того скинувши войта, иньшого уставити, мужа тожьжъ волости, неподозрѣного, на которого подданные звать. Которые войтове и тежъ лавники по селамъ судовъ жадныхъ судити, поклоновъ вымогати и вымысловъ надъ подданными чинити не мають, подъ виною до скарбу нашего, рублемъ грошей: одно, обачивши гдѣ — кольве шкodu нашу господарскую, урядови або ревизору оповѣдати, ничего не закрываючи, подъ тоужъ виною. А коли войтовство кому дають, присьгати ему ненадобъ, кгдажъ вже вина на войта описана. А откуповъ урядъ съ подданныхъ за роботу брати не маеть, а гдѣ жъ бы бралъ, войтъ маеть то ревизору оповѣдати, подъ виною, коною грошей. А естли бы войтъ волоку пустую кому нанялъ, альбо отъ уряду нанятую передъ ревизоромъ утаилъ, тогда за то скарати его, яко злодѣя, горломъ. А у войтовство каждому маеть быти придано волокъ сто, альбо большъ, водлѣ прилеглости, хотя два и три сѣла и большъ злучити. А для резо-знанья межи подданныхъ, войтъ маеть мѣти шнуръ однаковъ мѣры, справленый и досвѣ-ченный, и часу мокрого, альбо сухого, завжды его лихтовати и досвѣтчати; и, естли подданный одинъ другому между переоретъ и сказать, ино врьднику на кону не ѣздити и проѣзду не брати, але войтъ между направить и возметъ на томъ, хто ее сказалъ, на врьдъ дванадцать грошей, а собѣ за працу чотыри грошы. А вина битая, правомъ переведеная, дванадцать грошей, а хотябъ не переведена и за обжа-лованьемъ поеднана, таковая жъ вина. А естли бой станеться, а не жалуючи врьду поеднаются: тая вина шесть грошей, хто еднаеть, и объявити того врьдови войтъ и лавники повинни, подъ виною, коною грошей.

8. Лавники въ селахъ по два и по три, альбо и большъ, подлѣ великости села, мають быти становлены, люди неподозрѣные, вѣры год-

ные, которыхъ повинность шкодъ межи подданныхъ въ испасехъ и въ иньшихъ рѣчехъ оглѣдати, а за працу лавнику оглядного отъ шкoды грѣшъ; за тымъ же грошомъ, то што ему оказывано, справедливъ, подъ присьгою передъ урядомъ сознавати повиненъ; а посвѣтчати ли несправедливъ, ино карати его, за слухнымъ доводомъ, яко кривоприсяжца, горломъ. А безчестья лавнику рубль грошей. Нижли отъ потяглей и всякихъ повинностей съ подданными зъ волокъ своихъ вызволены быти не мають.

9. О мѣстѣхъ и ихъ повинностяхъ. Мѣста упривилъеванные привилъевъ своихъ уживати будутъ; а которые не вызволены отъ платовъ, мають платити: зъ волоки грунту преднего цыншу 50 грошей, а зъ среднего кгрунту 40 грошей, а зъ подлого 30 грошей, а со всякого кгрунту за толоки по 12 грошей; а зъ домовъ въ рынку, отъ прута по пол — 8 пѣнязи, а въ улицахъ отъ прута 5 пѣнязей, зъ огородовъ въ мѣстѣ отъ прута пол — 3 пѣнязя, а зъ гуменныхъ пляцовъ на предмѣстью отъ прута одинъ пѣнязь, а отъ моркгу 3 грошы, а иньшихъ повинностей полнити, и стацыи давати, и зъ листы нашими и врьдниковъ нашихъ ѣздити неповинни. А войту мѣстскому при болшомъ мѣстѣ по волоцъ, а при меншомъ по полволоки ревизорове наши давати мають, за што они повинни будутъ порядку въ мѣстѣхъ и пожитковъ нашихъ примножати и доглѣдати, на подводы складатися и платити всимъ по тому, яко въ особливой уставъ нашей описано.

10. Капцизна однакова по всему великому князѣству Литовскому маеть быти брана, то есть: отъ меду копа грошей, отъ пива копа грошей, отъ горѣлки 30 грошей; а при отби-ранью капцизны и вписыванью въ реистръ, хто ново врьиметь врьдъ, не большъ брати маеть, только отъ меду и отъ пива по чотыри пѣнязи, отъ горѣлки 2 пѣнязи, отъ волоки 12 пѣнязей; а хто шинку и волоки не маеть,

тотъ отъ воротъ маеть дати 2 пѣнязи; а обачивши лѣпшый пожитокъ зъ наймованья шинку, вольно будетъ кому хотя наняти, або тымъ же мѣщаномъ, за вѣдомостью подскар-бія нашего.

11. Рѣзники вси въ мѣстѣхъ нашихъ абы ся вписывали въ реистръ ревизора, а въ небытности его, на врьдъ; съ которыхъ на насъ маеть быти брано въ каждый годъ: за камень лою по 15 грошей, а особно на врьдъ, за лопатку отъ каждого быдлати пѣнязми дня торгового, то есть, за воловую и яловичью грошъ 1, а за вепровую 5 пѣнязей, а за баранью, козью, телячью по три пѣнязи, а писчого отъ камня лою, то есть, отъ пятнадцати грошей на врьдъ по 2 пѣнязи. Даемъ тежъ вольность всимъ подданнымъ нашимъ, и чым-кольвекъ будъ, абы дня торгового возили до мѣстъ, на торгъ, мясо всякого быдлати бигого, почавши отъ дня святого Балтромаея ажъ до мясонушту, а торговое на врьдъ также мають давати пѣнязми, а большъ ничего. А хто бы мясо здохлого, шаленого и уродоватого быдла на пролажу привозилъ, а то на него слушныя переведено будетъ, водлѣ права, того скарати горломъ, яко фалшера; для чогожъ подданные наши, быючи быдла въ селѣхъ, мають оказывати лавникомъ, а хто-кольвекъ мясо на торгъ везетъ, тотъ и шкуру быдла того забитого зъ собою взяти маеть, для подозрѣнья въ злодѣйствѣ.

12. Коморники въ мѣстѣхъ быти мають, которые жадныхъ работъ на насъ, ани на врьдъ нашъ дѣлати не мають, одно, ижъ торговъ и вольностей мѣстскихъ уживають, и доглѣдати, абы тежъ ни хто поблуднѣ и безъ вѣдомости врьду на кгрунтѣхъ нашихъ немѣшкалъ; а мають давати въ каждый годъ до скарбу нашего по 2 грошы: и про то врьдови мають господарскіе коморники, пріймуючи, оповѣдати, для того,

ижбы межи такими збрoднѣ въ мѣстѣхъ не *м* 10. была (*).

13. Корчмы покутные конечи по селамъ абы не были, для злодѣйства и иньшихъ збытковъ, што врьдъ заборонати маеть водлѣ статуту; также пива абы ни хто съ подданными нашихъ на селахъ варити не смѣлъ, подъ виною копы грошей на насъ: бо съ того многіе зъ нихъ въ распустность и въ убожество приходятъ. Вѣдьже въ каждомъ войтовствѣ, въ слушномъ селѣ, зваща при гостинцу, можетъ быти корчма за вѣдомостью врьду альбо ревизора постановлена, одно такъ, яко бы капцизна наша не гинула, съ которою подданнымъ нашимъ кгрунтовъ щичковныхъ уживати незаборонно.

14. Торги нигдѣ новыя подлѣ мѣстъ нашихъ ближе трехъ миль, къ переказъ мѣстомъ и торгомъ нашимъ абы не были, окромъ торговъ старыхъ: тыи по давному быти мають.

15. Цыншу зъ волоки сельскоу кгрунту доброго 24 грошъ, зъ середнего 12 грошей, съ подлого 8 грошей, а зъ вельми подлого песковатого альбо болотистого 6 грошей; овса зъ волоки доброго и середнего кгрунту по двѣ бочки, а съ подлого одна бочка; а естли пѣнязми за овесъ казано будетъ давати, ино за каждую бочку 5 грошей, а за отвозъ бочки кождоу 5 же грошей; съ тыхъ же менованныхъ кгрунтовъ, съ кождоу волоки сѣна возъ одинъ, альбо 3 грошы за сѣно и за отвозъ 2 грошы; а зъ вельми подлого кгрунту сѣна и овса давати неповинни, нижли съ кождоу волоки всякого кгрунту мають давати: гусь, альбо полтора гроша, куръ двое, або пѣнязей 16, яиць двадцать, або пѣнязей 4, на неводы грошей два, за стацыю грошей полтретя; а коли стацыю кажемъ брати, ино одинъ разъ въ годъ, за тые пѣнязи, мають давати съ тридцати волокъ яловицу одну, бараны два, и съ кождоу волоки

(*) Видно, что въ этой статьѣ смыслъ испорченъ отъ ошибокъ или пропусковъ переписчика.

№ 19. по куряти и по десяти яицъ, а пѣнязей вже того году за стацію не мають давати.

16. *Робота тяглымъ людямъ* съ каждоѣ во- локи по два дни на недѣлю, а толоки чотыри лѣтъ, съ чимъ скажутъ, за што маєтъ быти отпушена имъ работа о Божьемъ Нароженъи тыждень, о мясопустѣхъ тыждень, о Вели- ко-дни тыждень. А которыхъ на роботу не надобѣ, ино ихъ на осадѣ посадити, и будутъ давати съ каждого кгрунту осады грошей 30, толокъ 12, або за толоки грошей 12, а за кгвал- ты первоустановленные жыта бочка, альбо гро- шей 10; и вже такіе осадники робити ничего неповинни, кромѣ сѣна, роздѣливши на вой- товства тяглые и осадные сѣножати ровно, и то имъ зробити и въ часть спрятати. А зъ за- стѣнковъ тая повинность: гдѣ волока полная быти не можетъ, ино отъ моркгу кгрунту доброго грошей 3 и пѣнязи 4, а зъ среднего моркгу грошей 3, а зъ подлого грошей 2, а зъ велии подлого пол-2 гроша; а зъ волоки сѣ- ножатноѣ, гдѣ могутъ быти дрова и проробки, зъ сѣножати добрые 50 грошей, а зъ середніе 30 грошей, а съ подлые 20 грошей, а зъ велии подлые болотливые або песковатые 15 грошей. А ижъ вже подданные наши на тыхъ платѣхъ и повинностехъ волочныхъ суть осажены и постановлены, про то жадныхъ стацій да- вати, а ни подниманья чинити на послы наши и чужоземскіе неповинни.

17. *Огородники* при дворѣхъ нашихъ мають быти, даючи каждому по три моркги земли, а имъ съ того служити по одному дню въ тыждень пѣшо, а жоны ихъ, лѣтъ, не болшѣ, одно шесть дней до жнива, альбо до полотья будутъ повинни.

18. Овсы *дяколные* подданные наши воло- стные зъ волокъ мають отвозити до Вильни, до лововъ, до портовъ и до иныхъ дворовъ нашихъ, гдѣ кажемъ, за 20 миль, а сѣно за 15 миль; а къ тому еще сѣна дворного съ каж- доѣ волоки по возу одному отвезти повинни, гдѣ имъ будетъ розказано; а коли дворныхъ сѣнъ и

овсовъ съ потребу на наши кони быти можетъ, тогды пѣнязми за сѣно и овесъ заплатити. А отдаючи овсы дяколные, не мають въ иншую мѣру, только въ бочку отдавати, въ которой чотыри корцы Краковскихъ, подъ стрыхъ, безъ верху и топтанья, а болшѣ имъ не на- добѣ платити, только вписного въ реистрѣ отъ бочки овса пѣнязь; и колько хто откуль сѣнъ и овсовъ прійметъ, маєтъ съ того квити- вати, не беручи за квити ничего. А коли по- треба наша укажетъ сѣна и овсы гдѣ-колле провадити въ таковыя далекіе мѣста, яко вы- шей описано, до портовъ и индѣ до дворовъ и до лововъ, о томъ за-часъ о святомъ Бал- тромею, отънастѣ, альбо съ скарбу черезъ листъ вѣдомо учинити вриадникомъ нашимъ, а съ того не вымовлятися всимъ подданнымъ на- шимъ, и въ Жомойти и въ Подляской земли. А ижъ за отвозъ овса платятъ подданные отъ двухъ бочокъ по 10 грошей за 20 миль, то за каждую милю прійдетъ по полгрошку: тогды таковымъ, хто до Вильни, альбо гдѣ-колле уставичнѣ овсовъ не возятъ, а будетъ на то имъ розказанье наше; ино, колько миль до пор- ту, альбо гдѣ индѣ тотъ овесъ провадити бу- дутъ, такъ много имъ зъ отвозныхъ пѣнязей отпустити, за милю отъ каждоѣ бочки по пол- третья пѣнязя, а остаткомъ тыхъ пѣнязей от- возныхъ наймовати судины, на отпроваженъе водою тыхъ овсовъ до Вильни, альбо гдѣ по- треба наша укажетъ; а которые уставичнѣ овсы возятъ, ино и того остатку отвозовъ на нихъ не брати.

19. *Серебщизна* на подданныхъ нашихъ абы николи отъ воловъ и клячъ не брана, одно зъ волокъ, ино съ каждоѣ волоки, не ужи- ваючи розности кгрунту, доброго и подлого; а зъ Рускихъ волостей серебщизна по старому, и тамъ, гдѣ помѣры пѣтъ.

20. *Робота* подданнымъ черезъ войта маєтъ быти заказана дня недѣльного, съ чимъ и на который день люди до работы прійти мають, и войтъ тогожъ дня людямъ закажетъ роботу:

и который человекъ не выйдетъ на работу, ино за первый день огурного заплатитъ грошъ, а за другій день барана; а коли и въ третій разъ огурится, або за пьянствомъ не выйдетъ, ино бичемъ на лавцѣ скарати, а дни повин- ные велѣти заробити. А вѣдѣже, гдѣ бы зъ якоѣ пригоды не могъ подданный выйти на работу, онъ маєтъ черезъ сусѣда, альбо лав- ника вриадю оповѣдати, а вриадъ порозумѣвши слухную причину, не маєтъ его никоторою съ тыхъ виною казнити, а иншого дня заро- бити ему повинное, што змѣшкаль; а не отку- патися отъ работы никому.

21. Пустыхъ волокъ подданнымъ не пахати, а который не вписавшись въ реистрѣ смѣетъ то чинити, збожѣ до гумна нашего тратитъ и вины рубль грошей до скарбу нашего за- платитъ.

22. А становитися къ работѣ подданнымъ якъ слонце всходитъ, а сойти зъ работы якъ слонцу заходити. А отпочивку тымъ што съ быдломъ рѣбятъ, передъ обѣдомъ година, въ полудню година, надъ вечеромъ година; а ко- торые пѣшо рѣбятъ, тымъ отпочивку въ тые- жѣ часы, одно по полгодинины маєтъ быти, а то лѣтъ на великомъ дни отпочиненье. А хто рано на работу не выйдетъ за огурствомъ, таковой другого дня только часовъ, колько омѣшкаль, заробити маєтъ.

23. *Фолварки* хочемъ мѣти, абы вездѣ ста- новлены были, а наболши быти могутъ при кождыхъ замкахъ и дворѣхъ нашихъ, окромѣ, гдѣ бы кгрунты злые и непожиточные были; и таковыя казати людьми осажати, оставивши на вриадъ въ каждомъ поли по одной волоцѣ, а то вриадъ огородники и своимъ быдломъ за- робити маєтъ, а къ тому моргъ земли на ого- родъ, съ чого личьбы чинити и платити не- повиннѣ.

24. Урядъ нашъ *гумно* въ пильной опатро- сти мѣти маєтъ, яко бы въ немъ ни въ чомъ шкоды намъ не было; а отъ збожѣ ужатья вся- кого маєтъ мѣти на себе третій снопъ, отдав-

ши первый десятину и засѣявши пашню нашу; № 19. а умолоту всякого збожѣ ревизорове наши у-во всехъ гумнахъ при дворѣхъ нашихъ про- бовати мають, и того доглядати и научати, абы вездѣ зъ выбоемъ и безъ опилку збожѣ молочены были. А продаванье збожѣ гумец- ного маєтъ быти на личьбѣ принято, по чомъ вриадникъ положить, яко продавати: для того для всехъ подданныхъ мають быти бочки тор- говые въ мѣстѣхъ, въ дворѣхъ и гумнахъ на- шихъ, въ селахъ и на всехъ гостинцахъ, од- наковъ мѣры, по чотыри корцы Краковскихъ, которыхъ корцовъ на тотъ часъ десять въ полубочку Виленьскомъ, и тою жъ мѣрою про- давати и засѣвати пашню зъ гумна, и такіе бочки держати подъ клейномъ однакимъ. А въ гумнѣхъ нашихъ маєтъ быти гуменникъ, подданный нашъ въ тойже волости осѣлый, человекъ добрый, справный, неподозрѣный, который на тую службу гуменную маєтъ мѣти волоку, отъ цыншовъ и всякихъ иныхъ пла- товъ, работъ и повинностей вольную. А около засѣванья пашни урядъ маєтъ пильность чи- нити, абы вси были засѣваны; а гдѣ бы кото- рый за небалостью не засѣялъ, а либо тежѣ пашню кому наймоваль, а то бы ся слушнѣ передъ ревизоромъ оказало: таковой маєтъ дати съ каждого моргу незасѣяного, або кому нанятого по десяти копъ збожѣ, о чомъ съ пильностью ревизорове мають ся доведывати отъ войтовъ, лавниковъ и иныхъ подла- ныхъ нашихъ. Вѣдѣже, гдѣ бы въ которомъ году неврожай былъ, а такъ много, чимъ бы пашню засѣяти, не нажалъ, маєтъ о то по науку послати до подскарбьего нашего за-часу, и подскарбій маєтъ ему казати старымъ збо- жьемъ засѣвати; а гдѣ бы не было, ино за пѣ- нязи цыншовые куповати, альбо зъ иншого двора прибавляти, абы ся тымъ николи паш- ни наши не зменьшивали. А зъ гумна нашего жита въ отсопъ не давати, одно въ лѣты го- лодные, и то алижъ за нашимъ альбо под- скарбьего нашего листомъ; а дати то на волю

№ 19. подданныхъ, всхотятъ ли у копахъ, альбо молочнымъ житомъ брати. Евви тежъ, гдѣ бы врядъ розумѣлъ быти не потребные, маеть зъ гумна нашего выкинути, кгдажъ на было и на стадо солома отъ збожя не зъ евы молочного пожиточнѣйшая естъ; а гдѣ бы евы мѣти была потреба, тамъ поодаь отъ стодолъ и скиртъ, у гумнѣхъ нашихъ и подданныхъ, для небезпечности отъ огня, мають быти дѣланы. А на зароблене пашни, на каждую волоку, абы было оставлено по семи волокъ ослыхъ подданныхъ нашихъ, зъ волю и зъ клячами, поблизъ двора и пашни, которые по два дни въ тыждень служити мають, съ чимъ урядъ роскажетъ.

25. О оборъ быдла всякого и о рыкуняхъ. При каждомъ фольварку нашомъ хотимъ мѣти дворнички, то естъ, рыкуни порадные, которыми на рокъ, за працу ихъ, зъ нашихъ пѣнязей по двѣ копѣ грошей маеть быти давано отъ уряду, а три бочки жыта зъ гумна нашего и четвертая съ третьего снопа вранничого, на выхованье: для чого при каждомъ фольварку нашомъ мають ховати принамѣтъ до двадцати коровъ; а если бы такъ много не было, ино зъ гуменныхъ пѣнзей купити, колько можетъ который дворъ выховати, и то передъ ревизоромъ оказати; и маеть врядъ въ дозрѣнью и доброй опатрности было дворное мѣти, а до скарбу нашего отъ коровы дойные не большъ платити, только двадцать грошей, а отъ овцы староѣ за волну на рокъ одинъ грошъ, а отъ молодое по полугрошку, а приплодки въ реистръ писати и вѣдомости при личьбѣ чинити; а гдѣ дойные овцы и козы быти могутъ, маеть съ таковыхъ ревизоръ платъ становити, и урядъ дворничокъ къ тому принуждати маеть, абы и съ того пожитокъ былъ, кгдажъ то на многихъ мѣстцахъ за добрымъ дозрѣнемъ быти можетъ. А гдѣ бы колько у рыкуни невѣсть альбо дѣвокъ была потреба, то ревизоръ постановити маеть во дѣ великости быдла; которымъ урядъ съ пѣнязей

нашихъ наемъ платити маеть. А старое было, овцы и козы продаючи, пѣнязи до скарбу нашего отдавати, а згожое, звлаща поблизу, до кухни наше отсылати; а которое быдла здохнетъ, ино за шкуру воловую 5 грошей, за коровью 3 гроши, а съ иншого дробного быдла здохлого за шкуру не платити до скарбу: ни жли съ свирѣпъ стадныхъ шкуръ не продаючи оказывати конюшному нашему дворному. А то все ревизорове мають въ бачности мѣти, и на мѣстцу при пописыванью обороу, въ реистры писати, для того, абы не было забавенѣ при личьбѣ.

26. Огороды дворные абы были вездѣ розмѣрены, съ которыхъ врядъ маеть давати до скарбу съ каждого моргу по 12 грошей; а съ коновель дворныхъ вже не повинно неводовъ робити; а если бы огородныхъ рѣчей до кухни наше потреба была, тогда то врядъ маеть отсылати, гдѣ будетъ росказанье наше, а пѣнязи вже не будетъ повиненъ платити.

27. Урядники наши отробившися отъ пашни, въ осень и на веснѣ, ставы и сажавки подданными будовати мають, а пѣнязей гуменныхъ, и за рыбы и съ продаванья старого быдла брачныхъ могутъ выдати до двадцати копѣ на наемники и на грабары до такоѣ работы, а коли ревизоръ приѣдетъ, тую роботу и накладъ ему окажутъ; а гдѣ бы мѣстцо на ставъ большого накладу потребовало, то ревизоръ оглядѣвши, маеть намъ повѣдити, и зъ нашего росказанья будетъ справовати таковыя sprawy; а за працу враннику съ каждого ставу при спустѣ десятая рыба, ни жли не спущати ставовъ безъ нашего вѣданья; а въ спустныхъ ставѣхъ врядъ и ни кто иный никакою сътью рыбы ловити не мають, подѣ карностью строгою. А гдѣ при ставѣхъ могутъ быти млыны и фольюши, альбо млыны на руду, маеть врядъ казати будовати, звычаемъ тымъ яко ся заховываетъ, намовившися зъ ревизоромъ. А млынаромъ третья мѣрка зъ млива, и волоку одну имъ давати, а двѣ мѣрки на пожитокъ скарбу нашего; и съ тоѣ третіе мѣрки повиненъ млы-

нарь до работы млына и спустовъ мистромъ быти, и оправовати, и квалтовъ стеречи и съ помощью подданныхъ гамовати, желѣзо и вси потребы до млына своимъ накладомъ маеть справовати; а съ волоки до замку альбо двора, которому послушенъ, одинъ день въ тыждень теседьскою работою служити. А который млынарь въ злодѣйствѣ будетъ досвѣтченъ, таковой маеть отпадати права млынарьского и отъ млына, а вѣдѣже олижъ зъ явного суда поконанный; а гдѣ бы что вонтпливого въ таковомъ судѣ около справы млынарьской было, маеть врядъ иныхъ млынаровъ къ тому вѣзвати, и, взявши порозумѣнье отъ нихъ, такъ млынаря осудити.

28. Съна зъ дворныхъ сѣножатей на врядъ нашъ даемъ пятый возъ, также пятую стирту, альбо оборогъ, ровно кладучи нашъ и врандовый; але врядъ маеть съ нильностью причинятися, абы сѣножати дворные не залегали, и зарослыя выправованы и въ часъ покошены были; а гдѣ бы иначе, и намъ бы въ томъ шкода ся дѣяла, тогда врядъ маеть то намъ нагородити зъ своего пятого веза, чого ревизоръ пильнѣ дозрѣти маеть.

29. Гдѣ кони въ дворѣхъ нашихъ стоятъ, ино што на тые кони и машталеры при нихъ выдано будетъ, яко въ нашомъ, альбо конюшого нашего листѣ оброкъ имъ на тыждень описанъ будетъ, за квитомъ машталерскимъ, подѣ печатью шляхтича, чоловіка доброго, одного альбо двухъ, и то на личьбѣ приняти: вѣдѣже вранники наши мають въ дозрѣньи своемъ мѣти, абы овсы и сѣна на сторону не шли, и при нашихъ конѣхъ машталеры своихъ коней не ховали бы; а гдѣ посланецъ нашъ при конѣхъ будетъ, тогда отъ того за его печатью, а не отъ машталера квитъ взяти, и што бы тежъ врядъ на уздѣнцы, попони и на иншыя потребы коней нашихъ пѣнязей выдалъ, а то ся на квитъ посланца або машталерскомъ оказетъ, и то также на личьбѣ ему приняти.

30. О листѣхъ на данину. Абы и тымъ, № 19. кому што зъ ласки наше бываетъ дано, трудности при чиненью личьбы не было: про то, кому што отъ которого двора нашего даемъ, державца або тивунъ оный листъ нашъ, за которымъ поступити даное маеть, въ реистръ свой вписати повиненъ, и кгда при личьбѣ оказетъ, то маеть быти принято; а вѣдѣже подскарбій о таковыхъ данинахъ маеть въ канцлярии нашей вѣдомость брати, и, если не згодитъ ся копѣя того листу съ метрикою канцлярійскою, повиненъ будетъ вранникъ шкоду намъ оправити, або оный листъ, за которымъ поступилъ, оказати.

31. Платы, цыншы, серебншны, и вси иншыя деходы съ подданныхъ нашихъ, отъ уряду и ихъ намѣстниковъ ни гдѣ видѣ не мають быти браны, только въ дворѣхъ нашихъ, а гдѣ дворовъ нашихъ нѣтъ, ино въ мѣстѣхъ, або на селѣ, на одномъ мѣстцу, въ господѣ, не побѣждаючи и не посылаючи на села а ни въ дома войтовъ, подѣ ласкою нашею, чого ревизорове съ нильностью довѣдыватися мають. Которыя цыншы и всякіе платы подданные во всихъ замкахъ и волостяхъ нашихъ мають почати давати до врану своего на день святого Михаила, и такъ будутъ отдавати, за наоминаньемъ войта своего, ажъ до святого Мартина, каждый при своемъ войтѣ; а хто не отдастъ до менованого дня, войтъ, за росказаньемъ вранничимъ, маеть такого ставити передъ урядомъ, а врядъ довѣдавшись, ижъ онъ могучи заплатити податокъ, за недбалостью не платитъ, маеть его до вязенья осадити, поколь заплатитъ, а дѣцкованья не брати на немъ, только одинъ грошъ поколодного. А воловъ и коней за цыншъ и ни за што иное не грабити николи. А который чоловікъ не можетъ податокъ заплатити за тыми причинами, то естъ, за пожогою, за вымеретьемъ або за хворобою всего дому, за голодомъ, за побитьемъ граду и за убожествомъ: такового кгда войтъ поставитъ, урядъ отъ войта и

№ 19. лавниковъ и сусѣдовъ его того вѣдомость взявши, маеть еще послати до его дому довѣдаться достаточнѣ, и будетъ справедливо то, такового маеть въ реистрѣ вписати, и, при личбѣ въ скарбѣ, оповѣдати, за которою причиною не могъ отдати; а подскарбій нашъ, при личбѣ, маеть то отложить на вывѣданье ревизора, который ревизоръ тогожъ году, которого личбы починаются, маеть быти посланъ, и вывѣданье чинити отъ войтовъ и подданныхъ сусѣдовъ того, кто не отдалъ; а довѣдавшись такъ неотданныхъ платовъ (яко и волокъ пустыхъ, и всихъ рѣчей, што бы зъ личбы на квитѣхъ до вывѣданья описано, и тежъ ужатъ гумна въ томъ лѣтѣ), маеть свой листъ дати на то, чого ся довѣдаетъ около рѣчей зъ личбы описанныхъ; а тотъ листъ его будетъ мощный, яко и скарбный квитъ въ той рѣчи, и на другой личбѣ, въ скарбѣ, за оказаньемъ того листа ревизорского, маеть быти принято все, што въ немъ описано.

32. А часу выбиранья доходовъ нашихъ, долговъ своихъ никто на подданныхъ нашихъ справовати не маеть.

33. О дняхъ личбамъ назначеныхъ, и о писарѣхъ скарбныхъ, и абы врядъ пѣнязей при собѣ не задерживалъ. Къ тому хотимъ мѣти, абы врядники въ пожиткахъ нашихъ такъ заховали ся, а платы и доходы, што-кольвекъ можетъ быти выбрано, отдавали въ скарбъ нашъ первѣй свята Божьего Нароженья; а отдавши пѣнязи, врядникъ маеть взяти квитъ отъ подскарбьего въ личбѣ, альбо отъ писаря скарбного, за который квитъ не мають большъ брати въ скарбѣ, только два грошы; а можетъ ли и личбу учинити на тотъ же часъ, маеть быти слуханъ, и по личбѣ чого справятся, квитовати такового. А пѣнязи и личбу отбрати на замку нашомъ (гдѣ домъ зъ ро-сказанья нашего указанъ будетъ), а брати личбу по реистромъ и уставъ ревизорской, а тамъ гдѣ ревизоръ не былъ, ино по первой уставъ. А певные часы врядникомъ

всѣмъ чинити личбу складаемъ отъ нового лѣта.

Напервѣй, личба починается Генваря первого дня съ земли Жомойтской, съ тивунствъ и съ державъ тамошнихъ, то есть: съ Плотель, съ Телшъ, зъ Биржанъ, зъ Бирженянъ, съ Тверы, зъ Кгондинки, зъ Дирванъ обѣюхъ половицъ, зъ Ужвенты, зъ Ретова, зъ Шовдовъ, съ Поюрѣ обѣюхъ половицъ, зъ Вешвани, зъ Ойраколы, съ Коршова, а доконаются дня 15 тогожъ мѣсяца. 16-го дня Генваря почнутъ личбы зъ Велены, съ Керстомони, зъ Росіены, зъ Ясвойни, зъ Вилькен, съ Крожъ, съ Ботокъ и со всея волости Упитской, кгдажъ тамъ фолварковъ нѣтъ, а доконаются дня 1 Февраля. 2-го дня Февраля почнутъ личбы зъ восковничого Виленского, съ ключа Луцкого и со всихъ мытъ Волынскихъ и Подляскихъ и Рускихъ съ корчмами, съ Ковенскихъ мытъ и Жомойтскихъ, а доконаются личбы 23 дня, у вилю святого Матѣя. А потомъ, Февраля 24 дня почнутъ личбы зъ замковъ и дворовъ Троцкого повѣту: съ Берестѣя, зъ Милейчи, зъ Мелника, зъ Лосичъ, зъ Дорогичина, и съ подымного съ Каменца, съ городка Высокого, съ Тыкочина, съ Кнышина, зъ Забѣля, а доконаются 6 дня Марта. 7-го дня тогожъ мѣсяца Марта почнутъ личбы: со Мстибогова, зъ Зелвы, зъ Вольны, зъ Волковыска, и зъ войтовства тамошняго зъ Лыскова, зъ Межирѣча, зъ Слонимского старства, зъ Лососиные, зъ Байковичъ, а доконаются Марта 17 дня. Тогожъ мѣсяца 18 дня почнутъ личбы съ Бѣлицы, съ Ожы, съ Перелома и зъ неводничества, съ Перевалки, зъ Василишокъ, зъ Острыни, зъ Мереча и съ фолварковъ тамошнихъ, съ Коневы, съ Дубичъ, зъ Радуні, зъ Ейшишокъ, зъ Воронъ, зъ Волкиникъ и Лепунъ, а доконаются Марта 28 дня. Тогожъ дня почнутъ личбы зъ Олиты съ фолварковъ и неводничества тамошняго, зъ Ситна, съ Берштанъ, съ Дорсунишокъ, съ Ковна, зъ

Румшишокъ, съ Кормялова, зъ Сомилишокъ, зъ Жижморъ, зъ Жослей, съ тивунства, съ городничества и съ ключа Троцкого, съ капцизны мѣста тамошняго и съ капцизны мѣста Городенского, а доконаются личбы съ Троцкого повѣту до дня 7 Апріля. 8-го дня мѣсяца Апріля почнутъ личбы съ замковъ и съ дворовъ повѣту Виленского, зъ Бряславля, съ Друи, и съ неводничества тамошнихъ, зъ Дисны, зъ Довкглялишокъ зъ неводничествомъ, зъ Ляховичъ, зъ Айны, съ Красного села, зъ Маркова, зъ Мядела, зъ Лебедева, зъ Дуниловичъ, съ Ушьполь, съ Пенянъ, зъ Абелы, съ Утены, зъ Оникштъ, зъ Вилкомира, зъ Воложина, зъ Болникъ, а доконаются тогожъ мѣсяца 21 дня. Апріля 22 дня почнутъ личбы зъ Лиды, съ Трабъ, зъ Кгераноніи и съ фолварковъ, съ тивунства, съ неводничества, съ городничества, съ ключа и съ капцизны Виленскоѣ, съ капцизны Новгородскоѣ и отъ права Майтборского тамошняго, съ капцизны Цериньскоѣ и зъ мѣста Менского, съ Крева, зъ Ошмяны, зъ Медникъ, зъ Любова, зъ Рокантишокъ, зъ Виршунъ и зъ млына Виленского, а доконаются личбы повѣту Виленского Мая 5 дня. 6-го дня мѣсяца Мая почнутъ личбы зъ волостей Русскихъ, напервѣй зъ Рѣчицы, зъ Мозыря, съ Бобруйска, съ Чичерска, съ Пропойска, зъ Мстислава, зъ Ршы, зъ Любеча, а доконаются 18 дня тогожъ мѣсяца. 19-го дня Мая почнутъ личбы зъ Гомѣя, зъ Глуска, зъ Могилева, зъ Свислочи, съ Борисова, зъ Любошанъ отъ права Майтборского, и зъ бобровичества Полоцкого, а доконаются личбы зъ волостей Рускихъ остатне-го дня тогожъ мѣсяца Мая. А иные дворы, которые кгда будутъ влучоны въ тую справу, мають ити въ личбѣ тыхъ дней и въ тыежъ повѣты, каждый къ которому належитъ, и въ тыхъ часѣхъ назначеныхъ каждый урядникъ маеть личбы отдавати первого дня, яко котрымъ державамъ писано къ личбѣ становити и оказати ся подскарбію нашему, а подскарбій

маеть розказати писаромъ скарбнымъ ихъ от-
правовати и личбу брати, ничимъ не задерживаючи.

34. Про то хотимъ мѣти двухъ писаровъ скарбныхъ на пріймованье личбы, которые ижбы одностайнѣ, однакою мощью и згодливо брали личбу, кому подскарбій отправовати розкажетъ, пыльнѣ доглядючи пожитковъ нашихъ, а маючи реистры прошлой личбы; и въ чомъ бы вонтпливость альбо шкоду бачили, не мають того никому замолчивати, але подскарбію оповѣдати, а подскарбій намъ, и во всемъ послушенство абы чинили къ подскарбію и всякіе sprawy нигдѣ индѣ, одно къ нему доносили, также и реистры личбы съ-одного складаючи, къ подскарбію приносяти мають. А безъ вѣдома подскарбія, писари скарбные яко личбы, такъ и пѣнязей пріймовати не мають. А за квиты абы большъ не брали дѣяки скарбные, только по 12 грошей, и не давали бы розныхъ квитовъ, ино вси доходы и пожитки одного двора съ фолварки, а потомъ гумна со всѣмъ господарствомъ на одномъ листѣ выписавши, и въ чомъ бы ся урядникъ усправедливилъ прошлой личбы (што на ревизора оставлено было), со всего одинъ квитъ дати; и въ томъ же квитѣ описывати, гдѣ въ которомъ урядѣ што прибавлено, а што зменьшило пожитковъ, и за писанье квитовъ тыхъ дѣяки не мають большъ брати, только 12 грошей, хотя бы на аркушу цѣломъ и болшей писано было, то всего за одинъ квитъ грошей 14. А надъ то, таковымъ писаромъ скарбнымъ, зъ ласки нашея, зъ скарбу давати на годъ, за ихъ службу и на страву, каждому зъ нихъ по 160 копъ грошей и по 15 локотъ одомашки, а на ихъ слуги и дѣякомъ обоемъ по поставу сукна колтрышоваго. Тыежъ писари скарбные не мають ся забавляти своими потребами въ тые часы личбамъ назначеные, абы ничимъ продолженье и омѣшканье не было въ отправѣ личбы; а естли бы писари скарбные, за которыми своими потре-

№ 19. бами, альбо вымыслами, въ который день личбы не брали, альбо личбу и скарбные пѣязи безъ воли и вѣдома подскарбія пріймовали, и послушенства къ старшему своему не чинили, а намъ бы отъ того забавенье въ скарбныхъ дѣлѣхъ належало: ино о томъ маеть подскарбіи доносить до насъ, хто въ чомъ коли будетъ дознавъ, ижъ вымышляючи, пожитокъ съ того собѣ учинилъ и продолжилъ личбы, и то намъ объявити подскарбіи вѣнень, а мы, вину его дознавши, съ тымъ учинимъ што будетъ воля наша. Вѣдъже, кгда тые писари все то, што бы они видѣли и разумѣли шкоднаго въ пожиткахъ нашихъ и потребнаго къ вѣдомости нашей подскарбію объявлять, подскарбіи намъ объявити вѣнень: и што будетъ воля наша, то имъ ознанить, а они по тому, яко имъ подскарбіи именемъ нашимъ скажетъ, мають справовати ся. А кгда бы подскарбіи того занѣхалъ и намъ не оновѣдалъ, тогда тые писари наши мають то намъ доносить и оповѣдати, водлѣ присяги свое и повинности къ намъ нану своему.

35. Тежъ опатруючи, абы никто платовъ нашихъ при собѣ не задерживалъ и личбу чинилъ на часы назначоны, про то такъ постановляемъ: съ котораго бы вряду пѣязи до Божьего Нароженья въ скарбъ нашъ были не отданы, о таковомъ врядику, якого стану будъ, по Божьему Нароженью подскарбіи оповѣдавши намъ, а зъ волею и за листомъ нашимъ, маеть вослати дворянина въ имѣнье его, што бы за оную сумму стояло; и естли тое имѣнье ему заставить въ суммѣ, альбо къ которому двору прилучить, маеть ся въ томъ водлѣ розказанья нашего заховати; и вже таковымъ вымова не будетъ пушона на спускошенье, згорѣнье, вымеретье и убожество на волокахъ подданныхъ, але всю сумму сполна олижъ заплатитъ, тогда тое свое имѣнье зъ рукъ у заставника возметъ. А кгда бы маетность его за то не стояла, а будетъ безъ быт-

ности наше, ино подскарбіи его заговати маеть до науки наше, альбо поколѣ оную сумму всю сполна заплатитъ, а то для того, ижъ въ небалость рѣчь нашу господарскую и земского скарбу положилъ, и не отдалъ того, што—кольве выбрати могъ; ино, на комъ не могъ взяти (яко на уставѣ описано, ижъ «неможнымъ, кто бы не мѣлъ чимъ заплатити, абы обтяженье не было»), про то, маючи такъ много часу замѣреного, мѣлъ его въ реистръ вписати, а што выбралъ, то было отдавати передъ рокомъ и дбати въ рѣчи скарбу нашего; а далѣй то будетъ на воли нашей, што съ такимъ небалымъ врядиномъ чинити. Гдѣ бы тежъ который урядникъ личбы на часъ назначонный не пылцовалъ, хотя пѣязи въ скарбъ отдавши, ино постерегаючи своевольной небалости, ижъ великое затрудненье въ скарбѣ дѣется, коли рокъ въ рокъ личбами входитъ: для того, по выистью менованого часу личбъ того повѣту, въ которомъ оный врьдъ лежитъ, маеть подскарбіи, также за вѣдомостью и листомъ нашимъ, въ имѣнье небалого вослати и увязати ся за всю сумму зъ уряду его до скарбу належачую, и такъ долго держати тое имѣнье и пожитки зъ него до скарбу чинити, олижъ личбу вчинить и справитъ ся всего зъ уряду своего. А то чинити и всылати въ таковыи имѣнья, не продолживаючи часу, але бордзо послѣ року и часу менованого; а кгда увязанье дойдетъ, оный небалый не можетъ личбу чинити, олижъ вси иньи личбы того року доконаются, тогда вжо его слухати въ личбѣ будутъ, и, што зъ личбы при немъ найдется, заплативши, имѣнье возметъ. Вѣдъже, хто бы зъ якой пригоды, згубы альбо згорѣнья реистровъ, або смерти или хоробы служебника, который платы отбиралъ, альбо самъ врядику умретъ ѣ жона або дѣти зостануть, и за иными квалтовными пригодами, не могъ пѣязей первѣй дня назначонного въ скарбъ дати, альбо личбу чинити: таковой каждый предѣся маеть стати

на часъ назначонный, альбо черезъ листъ оповѣдати приходу подскарбію, также змерлого жона, або дѣти; а подскарбіи порозумѣвши причинъ именованой, и естли будетъ слушна, маеть ознанити и зложити ему часть къ отдаванью пѣязей, альбо къ личбѣ, не даючи увязанья, а того вже часу не отмышкати, подъ обовязкомъ вверху помѣненнымъ.

36. О ревизорѣхъ, мѣрникахъ и о помѣрѣ волочной, и о селидбахъ подданныхъ. Ревизоры мають быти присяжные, люди добрые, сумѣнья побожного, ослыые, а не голоты, въ помѣрѣ волочной и въ господарствѣ добрѣ умѣлые, абы умѣли всего достаточнѣ и справедливо вывѣдати и указати пожитокъ нашъ врядови, въ чомъ ся можетъ причинити. Тежъ ревизоръ маеть доглядати и съ пыльностью доведыватися, абы никто зъ шаяхты и подданныхъ нашихъ въ руцахъ, на властныхъ грунтьхъ нашихъ проробковъ не чинили и никакъ къ собѣ не привлащали, и оповѣдати намъ того небалого врядику, въ чьемъ бы ся то урядъ дѣяло. Тежъ ревизоры мають доглядати, абы отъ мѣрниковъ селидбы назначиваны были въ трезьемъ середнемъ поли; а гдѣ бы мѣрникъ того не вчинилъ, тогда самъ ревизоръ маеть назначити селидбы, а врьдъ маеть съ пыльностью примусити подданныхъ селитися на мѣстахъ назначонныхъ, чого тотъ же ревизоръ маеть доглядати, и всихъ справъ господарства врядового, естли слушнѣ а раднѣ справуются; а нераднаго и такового, который бы ся не водлѣ уставы и розказанья нашего справовалъ, маеть ревизоръ, подъ тоюжъ присягою, которою обовязанъ, винного не закрывати, але намъ оповѣдати и довести того на него, а мы учинимъ съ тымъ, што ся слушнаго намъ повидитъ. Ревизоръ, гдѣ бы въ ревизии его помѣра еще не дошла, або непорадная была, маеть мѣти до каждого двора одного слугу мѣрника, черезъ которыхъ помѣру справовати будетъ; а плату такому слугѣ на годъ по де-

сати конъ грошей зъ скарбу нашего; а отъ № 19. помѣры знову, альбо перемеренья браги мають по десяти грошей съ кождою волоки, а гдѣ бы только ихъ поправляли, 2 грошы отъ волоки. А таковыи мѣрники естли бы ся неслушнѣ справовали и лѣнливо для своего пожитку мѣрили, за то ревизоръ самъ маеть отповѣдати. Естли бы тежъ до колька дворовъ нашихъ потреба мѣрниковъ была, ино одного уставити и дати три волоки ему вольныхъ ото всихъ повинностей, и зъ тому войтовство одно, а то учинити за нашимъ вѣдомомъ. А не иный хто обирати маеть таковыхъ мѣрниковъ, одно ревизоръ. А гдѣ помѣра поидеть, мають мѣрники всякій кгрунтъ, купленый и заставный, кгдажъ кметъ и вся его маетность наша есть; а писати кгрунтъ, яко велики волоки вдолжъ и поперекъ и на которыхъ мѣстахъ, и, естли бы съ причины лихого грунту наддатки чинили, то мають при томъ же описывати. А гдѣ могутъ быти волоки прогоняные, ино тамъ мѣрити въ три поля, въ каждое поле 11 моркговъ, то есть, у волоку 33 моркги зъ наддаткомъ; а не могутъ ли быти прогоняные волоки съ причинъ розныхъ, ино моркговати. А гдѣ безъ землянскихъ кгрунтовъ не выпростуются, таковыи земли беручи, нашими кгрунты мають отдавати, гдѣ бы земляномъ споручъ къ ихъ имѣньямъ, и равно, якимъ кгрунтомъ возмутъ и колько, такимъ и также много отдати; а гдѣ бы ся ровный кгрунтъ на отмѣну не трафилъ, ино за волоку кгрунту преднего среднимъ кгрунтомъ полторы волоки дати, а за волоку среднего кгрунту подлымъ двѣ дати, какъ ся то учинить, а за волоку кгрунту преднего дати подлого кгрунту три волоки. А гдѣ наддатоку подлымъ, болотливомъ, або песковатымъ кгрунтомъ прійдетъ въ отмѣну дати, и то даемъ на пыльное уваженье уряду нашего, и ревизора и мѣрниковъ, абы намъ и тому, у кого берутъ, шкода не была; для чого отмѣна абы не была давана безъ уряду. Але хто бы таковой отмѣны,

№ 19. за упоромъ, пріймовати не хотѣлъ, мають зоставити такову отмѣну, уписавши до книгъ тогожъ уряду нашего, а врьдъ маєть напоянати его о бранѣ отмѣны; на чомъ естли бы не пересталъ и, намъ не обжаловавши, упоритъ стѣны волокамъ и границы казилъ, и въ оный кгрунтъ въ помѣру взятый вступовался: того врьдъ нашъ маєть моцно боронити, альбо правомъ кгвалту на таковомъ поискивати. Ревизоръ и мѣрники мають и на то бачность мѣти, абы къ прилеглимъ замкомъ и дворомъ села и всякіе кгрунты наши прилучали, яко къ которому двору ближе и споручъ, а вѣдѣже такъ, ижбы ся можности и широкости тыхъ врьдовъ таковымъ перемѣненемъ въ подданныхъ и въ кгрунтѣхъ не зменшивало. Тыжежъ ревизоры и мѣрники мають ся довѣдывати, посполу зъ урядомъ, отъ войтовъ и отъ лавниковъ и подданныхъ, о земляхъ и всякихъ кгрунтѣхъ нашихъ затаеныхъ, або отъ когось забраныхъ, и то намъ господарю доносити и оповѣдати, водѣ присяги и повинности свое.

37. *О урядникахъ и ихъ намѣстникахъ.* Все урядники наши сами особами своими мають быти на врьдѣхъ своихъ, въ часъ пріѣхання ревизора, кромѣ пановъ радъ нашихъ, альбо тыхъ, которые поселствы и иньшими послугами нашими альбо потребами рѣчи посполитомъ обовязаны: вѣдѣже таковыя врьдникомъ альбо намѣстникомъ своимъ розказати повинны, абы всякое послушенство въ нашихъ пожиткахъ къ ревизоромъ и посланцомъ нашимъ мѣли, обо всемъ вѣдомость имъ давали, и въ чомъ бы ся яка шкода намъ, альбо кривда подданнымъ дѣяла, абы врьдникъ або намѣстникъ на врьдѣ во всемъ передъ ревизоромъ отказывалъ. А врьдники и намѣстники мають быти люди добрыя, вѣры годныя. А естли бы нашъ врьдникъ зъ своимъ намѣстникомъ, або зъ слугою, за прошенемъ отъ войта або подданого, справедливости укривжоному подданому не учинилъ: ино, хотя бѣ того слуги не

было, повиненъ самъ панъ передъ ревизоромъ о тую кривду ему отказывати и съ права всказаное нагородити, а собѣ на томъ слугѣ шкоды доходити; а который бы врьдникъ о такую кривду не отповѣдалъ, альбо нагороджати кривды и шкоды подданнымъ не хотѣлъ: то маєть ревизоръ намъ господарю, а въ небытности насъ, подскарбію ознанити, не зѣзджаючи зъ оного врьду, и возметъ науку, яко ся въ томъ заховати.

38. *О доходахъ на урядѣ и о лежневѣхъ.* Во всехъ замкахъ и дворѣхъ нашихъ, гдѣ земли на волокы вже розмѣрены, даемъ зъ ласки наше господарское на врьдъ нашъ: платъ весь съ десятокъ волоки; кромѣ овса и сѣна третій снопъ зъ гуменъ нашихъ всякого, збожѣя; торговое и помѣрное все, и за лопатки пѣнязми дня торгового; десятая рыба при спущанью ставовъ; вина, коли который подданный на роботу не выйдеть, грошъ 1 за день, а за другій день барана; записного отъ волоки пѣнезей 14, а гдѣ на насъ овесъ отбирають, ино отъ бочки по пѣнезу; вижованья грошъ, отъ присяги 2 грошы, пересуду отъ копы грошей 3, дѣцкованье и помилное слугамъ; куница за дѣвкою и вдовою, коли до другою волости замужъ идетъ, грошей 12; по колодного грошъ, зъ нивъ нашихъ третій грошъ, за скаженье межы 12 грошей. Нижли врьдъ нашъ за вины подданныхъ, заруки, и ни за што иное, лежневѣ въ дома, а ни тежъ по коледы великодныя, и пожитки вымышленныя, и о скаженье межъ, вѣзджати, а ни всылати на суды не маєть, чого ревизоръ пильнѣ стеречи и боронити повиненъ.

39. *О судеревныхъ лѣсахъ и пуцахъ, и о бобровыхъ гонѣхъ, и о бортехъ, сѣножатехъ и оступѣхъ, и о лѣсахъ розмѣренныхъ.* Есть нѣкоторые лѣсы, пушы и дубровы наши, до которыхъ зъ стародавна шляхта и подданные ихъ уступы и входы мають, восполкъ съ подданными нашими; о таковыхъ пуцахъ и лѣсахъ все врьдники наши и ихъ намѣстники

мають ревизоромъ вѣдомость чинити, и спольнѣ а пильнѣ ся о томъ довѣдывати: хто, за якою справедливостію и яко много служобъ людей входы свои мають; и, вывѣдавши певнѣ, яко много того кгрунту мають, о томъ справу давати намъ: водѣ котороу вѣдомости, по великости и малости кгрунту нашего, комисаровъ зослати маемъ. А поколь комисары наши на то выѣдутъ, маєть урядъ подданнымъ розказати, уживати тыхъ кгрунтовъ по первому, абы съ держанья не были выпушоны, а пожитокъ до скарбу съ того множити: вѣдѣже, гдѣ бы споръ шолъ о рѣчь ровную, меньшую, альбо мало болшую, нижли о волоку, тогды таковыя рѣчи можетъ врьдъ съ ревизоромъ альбо съ помѣрчимъ кончати и становити, не ждучи зосланья комисаровъ отъ насъ, абы ся для такъ ровной рѣчи въ замкненью помѣры волокъ омѣшканье не сдѣяло; а врьдъ, яко повиненъ, съ пильностію маєть дозрѣти, ижбыхмо шкоды въ справедливости кгрунту нашего не мѣли. А лѣсы на волокы розмѣренныя, гдѣ годно, на пашню людми осажати и вольности маєть давати урядъ на пять, альбо на шесть лѣтъ, ажъ и до десяти, и то маєть быти тамъ гдѣ чорныя лѣсы и тяжкіе къ выробленью; и то даемъ на баченье врьдвое, а ревизоръ, пріѣхавши, вольность тую уважитъ и цыншъ постановитъ, по высѣденью воли платити, водѣ уставы. Вѣдѣже таковыя лѣсы, гдѣ бы на пашню згодитися не могли, помѣряючи, не мають прогоняти и прорубывати волокъ, одно въ-около обмѣривши и границы положивши пописати довгость и широкость шнуровъ, и сколько волокъ и моркговъ, яко ся вымѣритъ, и зморкговавши на реистры пописати; а вѣдѣже отъ таковоу помѣры меньши брати, то есть, отъ десяти моркговъ грошъ 1.

А гдѣ сѣножати въ пуцахъ нашихъ суть, ино врьдъ и лѣсничій мають давати вѣдомость ревизору, а ревизоръ маєть, гдѣ бы потреба была, до двора нашего таковыя сѣножати привернути, альбо межы подданныхъ на

платъ роздати; а подданные на косьбу все, № 19. сколько ихъ поймутъ, однимъ разомъ мають ходити, оповѣдавшись лѣсничому. А ручницы, пса, рогатины и ничего, чимъ бы звѣря забилъ, не брати ему зъ собою. А гдѣ бы межы пушою болота и лѣсы, кгрунту на пашню годного меньши трехъ волокъ было, тамъ людей не садити, для злодѣйства и прокрадыванья мытъ, але на платы роздавати. А въ оступѣхъ и ловѣхъ нашихъ проробковъ и сѣножатей никому не мѣти, водѣ уставы.

Ловы и оступы въ пуцахъ нашихъ ревизоры зъ лѣсничими и тежъ съ осочниками, почавши отъ Бѣловежъ ажъ до Ковна, порядкомъ слушнымъ росправити и росписати казати мають на розныя часы, для воляйшого перебуванья и вѣдомости о звѣру, и яко много до котороу оступу людей потреба, и о далекости оступовъ, мають съ пильностію межы собою то постановивши въ реистръ вписати и на врьдѣ зоставити, абы за вѣдомостію потребы певноу личбы людей, зъ далекихъ волостей ихъ не гнано, кдыжъ и безъ того обойтися можно. А подданные наши тяглыя и осадные каждый зъ волокъ своихъ повинны будуть до оступовъ нашихъ пѣшо ходити и зъ возами ѣздити, а поколь въ ловѣхъ нашихъ мѣшкати будуть, потолоу на иньшыя работы ходити неповинны: але хлопята и старыя абы въ ловы не ходили. Къ тому тежъ врьдъ безъ вѣдомости листу и розказанья нашего, подданныхъ въ ловы выгоняти не маєть, подѣ ласкою нашою.

Бортное дерево наше все абы врьдъ въ своей вѣдомости мѣлъ, чого ревизорове доглядати мають. Дани тежъ медовыя водѣ старыхъ звычайевъ ити мають съ пушъ, а зъ ульевъ домовыхъ и зъ бортей на волокахъ жадець съ подданныхъ плату давати неповиненъ. А за борть шляхецкую, которая бы ся подданому у волоцъ достала, такъ съ пчолами яко пустая, маєть быти заплаута водѣ стату, то есть, за борть пустую 15 грошей, со пчолами 30 грошей; а хто бы заплааты при-

№ 19. няти не хотѣлъ, тому вольно борть свою зопня спустити и взяти.

А во всихъ нашихъ и обчихъ пушахъ, гдѣ передъ тымъ подданные наши бобры на насъ гонили, и теперь по первому гонити мають; а гдѣ бы ся въ рѣкахъ и въ озерахъ нашихъ ново бобры показали, и тамъ ловити мають, а за працу ихъ брати имъ бобра пятого, альбо почеревье отъ каждого бобра. А гдѣ подданные въ пусахъ нашихъ лазни для входовъ мають, при таковыхъ лазняхъ абы конечно быдла и собакъ не ховали, чого имъ вриднику и лѣсничій боронити мають.

Вольность подданные до пуши наше, хотя жъ и головное, вѣдѣже не глубоко мають мѣти, по дрова, по хворостъ на гороженье, по дерево на будованье, по лыка на свою только потребу, а не на продажу; а гдѣ для оступовъ закажутъ имъ, ино поколь заграничатъ ревизорове, того уживати, и то такъ, абы на одномъ мѣстцѣ брали. А робятамъ малымъ и невѣстамъ губъ, овощу лѣсного всякого, ягодъ, и хмѣлю во всихъ пусахъ нашихъ не боронити. А на своихъ волокахъ подданнымъ вольно забити волка, лисицу, рыся, росомаху, зайца, бѣлку и иньшій звѣрь малый, также птахи всякіе, и продавати кому хоча и не оповѣдаючи вриду, але серны и иньшого болшого звѣру не бити и на своихъ волокахъ; а особливо въ пусахъ и подъ пушами нашими ручницъ ховати и жадного звѣру ловити не мають, подъ горломъ.

40. Вольность подданнымъ до рѣкъ и озеръ нашихъ, рыбъ ловити крыгою, удою, броднемъ, тригубицею, оборомъ и иньшими малыми сѣтками, урядъ и неводничій не мають заборонити, нижли взовъ забивати не могутъ; а мѣсяца Апрѣля, Мая, Іюня ничимъ рыбъ не ловити въ озерахъ только, для множенья ихъ въ тыхъ мѣсяцахъ, чого урядъ и неводничій заборонити мають: вѣдѣже въ рѣкахъ волентъ завжды подданнымъ уловъ на рыбы.

41. Подданный убогій и недостаточный, ча-

совъ голодныхъ, засѣявши пашню на зиму, кгда отходить кормитися, маеть оповѣдаться вридови при войтѣ, и указати убожество и недостатокъ свой, для чого то учинити муситъ; и у такового подданого домовство и засѣвокъ не маеть бити бранъ, ажъ до святого Яна, а не вернетъ ли ся до того часу, тратитъ засѣвокъ и будетъ то все отдано иньшому, безъ поклону вридничаго. А который бы человекъ не оповѣдавшись вриднику при войтѣ утекъ зъ волоки, тую землю зо всимъ домовствомъ, што ся останеть, иньшому дати, а збѣглого самъ вридъ и черезъ войта искати мають; а гдѣ его найдутъ, а выдати не схотятъ, ино правомъ доходити. Пакъ ли самъ отходень послѣ часу назначеного, альбо збѣгъ, правомъ зысканный, любо и безъ права, вернется, таковыхъ на пустыхъ волокахъ осажати. А если за кривдою отъ вридника и войта выйдетъ подданный, а потомъ прійдетъ назадъ, ревизоръ винности его маеть ся довѣдати и уважити причину, если припустити его къ засѣву и будованью, альбо ни.

42. Продати на волокъ будованье и домовство подданому вольно, передъ урядомъ, при войтѣ и лавникахъ; а тотъ хто купитъ, осадивши волоку свою, который бы дужъ потягли тягнути, можетъ умѣсть або на пустой волокъ сѣсти; и тотъ, хто купитъ, не маеть большъ дати вридникови, только 2 грошы и записного въ реистръ грошъ. А если въ томъ урядѣ нѣтъ мѣста и волоки пусто, ино ему до иньшого имѣнья нашего вольно ити, взявши листъ отъ уряду до того, куды ся переноситъ, ижъ добровольнѣ вышолъ, волоку осадивши, и въ томъ ему передъ урядомъ або войтомъ уиститися, што бы видѣ не шолъ, только до волости наше.

43. Вездѣ при сѣлахъ нашихъ волоки пустые, альбо не принятые и роздробленные вридъ и ревизоръ при бытности своей людьми добрыми осажати маеть, и нести въ реистръ, которого дня и часу ихъ пріймутъ; съ которыхъ

волокъ, поколь ся збудуетъ и волоку направитъ, до лѣтъ двухъ, альбо трехъ, не маеть большъ дати за вси повинности, только грошей 42, снявши жыто и ярину, а работы и подводъ и некоторыхъ потяглей не тягнути, поколь ся побудуетъ; а то на узнань вридовомъ и ревизорскомъ, если близко и лацно будованья досягнути можетъ; а приѣмного не брати большъ, только 2 грошы на державцу, а дѣяку грошъ. А никому пустыхъ волокъ, а ни сѣножатей на нихъ не наймовати, и за поклоны, а ни за скарбные доходы не давати пахати, никакимъ обычаемъ.

44. У подводы далекіе, альбо для будованья замковъ и дворовъ, подданные наши ходити повинны, и, водлѣ великости часу помѣшканья тамъ и далекости дороги, мають ся складати съ трехъ альбо съ чотырехъ волокъ на одинъ возъ, альбо на работника одного (а не маеть никто такихъ подводъ и работъ замышляти, олижъ за нашимъ листомъ); и за то будетъ отпушено подданнымъ съ платовъ, за волю нашу, водлѣ замѣшканья ихъ тамъ на той послужѣ нашей. А будованье, и воженье дерева, и подводы до дворовъ близкихъ и прилеглыхъ, то маеть бити на бачности вриду и ревизоровъ нашихъ: вѣдѣже, кгда бы што поважного робити мѣли, мають ся пытати у насъ, а въ небытности нашей у подскарбія нашего. А старостове и тивунове подводъ жадныхъ отъ подданныхъ нашихъ на свою потребу, а ни пріятелей своихъ брати не мають, подъ утратою вриду, а вридникъ гды бы ихъ бралъ на свою альбо чью иньшую потребу, горло тратитъ. А кгда вридъ ѣдетъ съ пѣязми до скарбу, до Вильни, тогда войтове, колеею, по року, каждый зъ войтовства своего подъ пѣязи подводу мають давати, то есть, подъ пятьсотъ копъ подводы двѣ, а подъ тысячу копъ подводъ чотыри; и которые съ подданныхъ съ пѣязми поѣдутъ, тымъ со всего войтовства того маеть бити складано, за кож-

дую милію отъ одного коня грошъ 1. Тымъ № 19. обычаемъ, не прійдетъ то въ другой волости на войтовство разъ въ колыку лѣтъхъ; што маеть бити въ Жомойти и во всемъ великомъ князствѣ Литовскомъ. А гдѣ бы тежъ за листомъ и росказаньемъ нашимъ, люди осадные збожья альбо товары лѣсные до портовъ возили, тогда имъ въ цыншахъ также фолкта маеть бити удѣлана.

45. Если бы подданные, за росказаньемъ нашимъ листовнымъ, камень возили, тогда имъ за то въ цыншахъ такожъ фолкта маеть бити удѣлана, водлѣ замѣшканья ихъ на той послужѣ нашей. А на спущенье дерева съ пуши Марковско, вси подданные наши волости тамоникѣ мають бити на тяглую службу поставлены, такъ яко Волкиницкіе, которые за дни имъ повиноватые дерево и дрова спущати до Вильни будутъ повинны; а гды бы тая волость водлѣ потребы наше тому досыть учинити не могла, мають бити на то отлучены люди отъ одного альбо двухъ дворовъ нашихъ, которыхъ также на тяглую службу постановити и къ той службѣ съ потребу ихъ привернути.

46. Мосты на мѣстахъ звыклыхъ подданные мають робити, какъ бы безпечный перѣздъ былъ, каждый за своимъ войтомъ; а коли войтъ недбало ся заховываетъ, ино вридъ его маеть напомянути, и если непослушны подданные войта, ино ихъ вридъ кажетъ выгнати къ той работѣ, за войтомъ. А на гостинцахъ и дорогахъ, гдѣ мы господарь съ дворомъ нашимъ ѣдемъ, тамъ за дозрѣньемъ вридовымъ звыклии мосты робити, а за то ничого на подданныхъ вридникъ и мостовничій его брати не мають. А мостовничій отъ насъ посланный маеть только людей боярскихихъ у мощенью мостовъ доглядати, абы были добръ зароблены. А если бы подданные наши осадные, за росказаньемъ и листомъ нашимъ, мосты мостили пезвыкые и имъ пе-

№ 19. повинные, за то имъ будетъ отпущено съ платовъ нашихъ. А подданными тяглыми мосты робити за дни имъ повиноватые.

47. На сторожу замковъ и дворовъ нашихъ чергою подданные ходити повинни, але не болшъ ихъ врядъ брати маєть, одно яко ревизоръ уставить; а ревизоръ не маєть уставляти сторожы, только водлѣ потребы, великости и важности дворовъ нашихъ; и съ тыхъ же сторожовъ, до коней нашихъ, гдѣ будутъ стояти, до каждоѣ стайни одинъ сторожъ, а до двадцати воловъ кормныхъ также одного сторожа ставити.

48. Ремесленики всякого ремесла мають быти на одной вольной волоцѣ ставлены отъ ревизора, при всихъ замкахъ и дворѣхъ нашихъ, водлѣ потребы, а зваща, при гостинцахъ и тыхъ дворѣхъ, въ которыхъ частѣй бываемъ, то есть, тесли, ковали, слѣсары, колодѣи, бондары, рыболове, кграбары, и тыхъ ремеслениковъ не маєть урядъ до домовъ своихъ посылати, а ни роботами своими забавляти.

49. Позвы жадные и дѣтцкіе отъ пановъ воеводъ, также и въ земли Жомойтской отъ старосты абы не были даваны на подданныхъ нашихъ, але врядъ, подъ которымъ есть подданный, маєть съ нимъ справедливость неомѣшканую водлѣ справа дѣлати. Такъ тежъ естли подданный пановъ радъ нашихъ, зъ особна, стану вшеякого, вчинитъ бой якій, кривду, або грабежъ подданнымъ нашимъ, старостове, державцы, тивуны и ихъ врядники мають подданнымъ нашимъ во всемъ справедливости доводити, такъ, якобы ся подданнымъ нашимъ на всемъ кривда и шкода нагородила. А посылати вряду своего слугу зъ войтомъ за кривдами подданныхъ безъ вымовы; которому служъ вряду своему помилного, отъ каждоѣ мили по грошу: ино, коли что презыщеть, а не зыщеть ли, на томъ ничего не брати. А хто бы справедливости дѣлати и шкодъ нагороджати подданнымъ нашимъ за

обосланьемъ врядувымъ не хотѣлъ, къ такому врядъ маєть ся заховати водлѣ статуту. А которые осялости и людей не мають, тогды вземши листъ отъ уряду, къ справѣ рокъ положить; а не станетъ ли, альбо на позовъ не отзовется, маєть урядъ зослати, и съ права грабежъ вчинивши шкодному лати, што бы за его шкоду стояло.

50. Многие зъ шляхты и подданныхъ, уживаючи мысливства, збожѣя и ярины подданныхъ нашихъ топчутъ и шкоду имъ чинятъ; таковое шкодливое мысливство маєть быти отъ уряду заказано и боронено, а хто ся не уйметъ, правомъ его о то умовляти и шкоды позыскивати.

51. Старостове, державцы и тивунове абы злодѣевъ и иныхъ злочинцовъ карати казали, водлѣ статуту, безъ вины злодѣйскоѣ, которая передъ тымъ бывала; а маестности злодѣйскоѣ и каждого злочинца абы конечно на врядъ и никого иного не брано: одно, при земли жону и дѣтей зоставити; а не будетъ ли жоны и дѣтей, ино иншого на томъ осадити. Такъ тежъ отумершинъ и отбѣгшинъ абы конечно брати не смѣли, але на той маестности и томъ кгрунтѣ иншихъ годныхъ подданныхъ нашихъ осажали, абы тымъ не множилися пустоши.

52. Повинность замку Виленского панъ воевода Виленскій зъ волостей воеводства своего Виленского поднялся опатровати, по тому яко зъ стародавна бывало, и Набольшъ, а иншое все и тежъ повинность замку Троцкого зъ скарбу нашего опатрована быти маєть, кгдажъ вже люди на волочныхъ платѣхъ и повинностяхъ суть осажоны и поставлены.

53. Въ земли Жомойтской, въ дворѣхъ и волостехъ нашихъ шляхта, которые были за староства пана Станислава Яновича, рекомого Кезкайла, и за сына его пана Станислава Станиславовича, тые мають быти вси захованы при тыхъ же вольностяхъ шляхетскихъ: лечъ которые бы по зеистью ихъ и за вкупы

своими zostали бояры, таковые вси абы ровного права зъ шляхтою не вживали, и въ повинности волочные тыхъ и ихъ земли обернены мѣти хочемъ, и въ томъ обовязуемъ повинность урядниковъ нашихъ, водлѣ ихъ сумнѣнья, абы сами и зъ ревизоры и мѣрники зъ великою пильностью того постерегали. А кому бы листы наши къ листомъ старостинымъ на шляхетство приданы были, то маєть быти отложено на вырокъ нашъ, а такожъ и о тыхъ всихъ, которыхъ бы становилъ ревизоръ на платы повиноватые, а они показали бы листы пановъ старостъ Жомойтскихъ: тогды тые листы маєть ревизоръ передъ нами оказати, для вѣдомости певноѣ, съ которыхъ причинъ того права и вольности шляхетскоѣ альбо боярскоѣ хто доступилъ.

54. Зъ волостей Рускихъ меды и иншые доходы мають быти по старому браны и по тому, яко на сесь часть, до иншого науки и постановленья нашего.

55. Кгдажъ вже черезъ ревизоровъ и помѣрчихъ о всихъ кгрунтѣхъ и подданныхъ нашихъ вшеякая вѣдомость до скарбу нашего дошла, хочемъ мѣти, абы по смерти старостъ, державецъ и тивуновъ, знову увлячѣе подданныхъ нашихъ не пописывали, и списного и стацей никоторыхъ на нихъ не брали, подъ ласкою нашою и нагороженьемъ совито шкодъ подданнымъ: одно мають реистръ ревизорскій зъ скарбу нашего взяти, або зъ реистровъ войтовскихъ во всемъ ся справити, што въ томъ урядѣ прибыло, або тежъ спустошало, и зъ якоѣ причины; которая вѣдомость и до свѣтченъя при врядѣ, войтъ и лавникахъ маєть быти. А по смерти старостъ, державецъ и тивуновъ нашихъ, естли бы была потреба всыланья на врядъ отъ пановъ радъ, альбо отъ пана подскарбія, тогды тогожъ ревизора послати, который тамъ на ревизіи будетъ. А што съ третього снопа врядуичого тамъ ~~зостанеть~~, маєть ревизоръ на зошлого половицу дати, а другую наставауючому вряду-

Акт. Зап. Росс. Томъ III.

нику и собѣ на выхованье взяти. А што ся до № 19. тычетъ замковъ нашихъ украинныхъ, тамъ по смерти врядуника нашего, маєть быти послано отъ насъ, або отъ пановъ радъ нашихъ, которыхъ вряду то належитъ, для осторожности отъ непріятеля.

56. Хочемъ мѣти, абы вси уходы до пушъ и лѣсовъ, озеръ и рѣкъ нашихъ, и забиванье ѣзовъ, и дерево бортное, и сѣножати и иншыя всякіе пожитки на кгрунтѣхъ властныхъ нашихъ никому иному, одно подданнымъ мѣстъ и волостей нашихъ отъ уряду, на цыншахъ и платѣхъ даваны были, для припможенья пожитковъ скарбу нашего: чого ревизорове пильнѣ вывѣдывати и стеречи мають, ижьбы то было безъ шкоды наше, абы тежъ такими вступы и уходы, за вкупы и поклоны, ни хто властности наше забирати не могъ.

57. Хочемъ тежъ мѣти, абы въ пуцахъ нашихъ лѣсничіе никому дерева стоячего на будованье, а ни на жадную рѣчь для пожитковъ своихъ давати не смѣли, подъ строгою карностью нашою: вѣдѣже лежачое дерево могутъ давати, але не иншому кому, одно нашимъ подданнымъ, которые бы на волокахъ своихъ къ ихъ потребамъ лѣсу не мѣли.

А во всихъ тыхъ справахъ, около розмноженья пожитковъ нашихъ и порадности господарства въ помѣрѣ кгрунтовъ нашихъ, обравши на то первѣй сего справцою, поручили есмо державцу Кнышинскому пану Петру Фалчевскому, гдыжъ и на сесь часть, подлѣ оногo первшого злѣценья и сѣъ уставы наше, хочемъ мѣти: гдѣ бы въ которомъ имѣнии нашемъ потреба указывала, абы онъ зъ нашего росказанья догдѣдалъ и доѣзжалъ, яко около помѣры, такъ и въ иныхъ рѣчахъ господарству належачихъ, становячи все то къ пожитку скарбному, подлѣ воли наше господарскоѣ.

II. — Тогожъ року 1557, мѣсяца Октября 20 дня, господарь король его милость и вели-

№ 19. кій князь Жикгимонтъ Августъ рачилъ по-правовати нѣкоторые артыкулы, въ той уставѣ вышей описаные, съ причинъ певныхъ, отъ пана Петра Фалчевскаго пода-ныхъ, и розказуетъ его милость господарь, абы на всемъ тые артыкулы ниже описаные при уставѣ ревизоры оновѣдали и стано-вили:

1. До артыкула 3-го, о конюхахъ съдел-ныхъ и иныхъ. То его королевская милость рачилъ розказати доложити: конюхи, также и вси слуги дворные садити однимъ селомъ въ каждомъ урядѣ, и такожъ волоки мѣрити въ три поля, и въ среднемъ поли ихъ садити, какъ и волостныхъ людей.

2. До артыкула 4-го, о стрѣльцахъ. То его королевская милость рачилъ розказати до-ложити: стрѣльцы садити межи тяглыхъ людей, пересажаячи иными людьми, ижбы не по-полу сѣдѣли.

3. До артыкула 6-го, о осочникахъ. Роска-залъ его милость господарь то доложити: осоч-ники на границы Прускіе перенести съ поля, гдѣ колько потреба, двухъ або трехъ, а и-ныхъ обирати съ тыхъ, которые тамъ пере-мѣниваютъ альбо осаконы будутъ.

4. До артыкула 7-го, о войтахъ. Росказалъ его милость господарь доложити: войты тя-глые абы мѣли на войтовскую службу по двѣ волоки вольныхъ отъ всихъ потяглей и подат-ковъ. А гдѣ села кгрунтами и поселенемъ при-легли собѣ, тамъ триста и чотыриста волокъ можетъ одинъ войтъ справовати, зваща, гдѣ осадные люди, а не тяглые; а большей то въ земли Жомойтской маеть быти, кгдажъ ро-ботъ, а ни отвозовъ тамъ не встановлено. А при обиранию на войтовства, войтове и лав-ники присѣгати мають, водлѣ первоѣ ustawy.

5. До артыкула 9-го, о мѣстѣхъ. То его королевская милость мѣти хочеть, абы при большихъ мѣстѣхъ войтомъ по двѣ волоки даваны, а въ меньшихъ, зваща, гдѣ не на го-стинцу, войтомъ по одной волоцѣ давати на

ихъ службу войтовскую, отъ платовъ и повин-ностей вольные, абы тымъ хтившими къ по-рядку были.

6. До артыкула 13-го, о корчмахъ. Доло-жити его королевская милость розказати ра-чилъ: корчмы покутные, князскіе и панскіе, зваща, гдѣ не на гостинцу, абы были гамо-ваны и забирапы отъ уряду егѣ королевской милости, хотяжъ бы и листы его милости госпдарскіе мѣли: бо таковыми покутными корчмами не одно шкода его милости госпо-дарю, але и рѣчи посполитой, дороговъ въ живности и знищенъе убогихъ людей.

7. До артыкула 18-го, около отдаванья сѣна и овсовъ. Рачилъ его королевская ми-лость розказати доложити, абы при отдаваньи овсовъ и сѣнъ не давано большъ, одно яко въ уставѣ описано, а войтъ за квитъ не маеть большъ дати, только одинъ грошъ служебни-кови конюшого; а конюшій квитъ до каждоѣ державы одинъ маеть дати, за который 12 грошей брати ему.

8. До артыкула 24-го, о заробленъи пашни. По тому его королевская милость заховы-ваетъ, яко вышей описано, ижъ маеть быти на каждую волоку фолварковую зоставлено по семи волокъ осѣлыхъ, съ воли и съ клячами, на заробленъе пашни. А къ тому, естли бы врядъ розумѣлъ, ижъ тыми людьми пашни заробити не можетъ, и будетъ ли того потреба, маеть толоки збирати на хлѣбъ дворный (на што зѣ гумна его королевской милости збожъе взяти маеть), а подданные будутъ вицны на та-кіе толоки ити; и кгда ревизоръ прїѣдетъ, обачивши, што слушнѣ врядникъ учинилъ, маеть въ ревизіи описати, абы то было ему на личбѣ принято.

9. До артыкула 27-го, о млынарѣхъ. Роска-залъ его милость господарь доложити, абы млынары зѣ волоки, которая имъ будетъ дана на млынарство, по два дни тесельскою робо-тою служили до замку, альбо до двора, а не по одному дню, яко въ уставѣ выше описано.

10. До артыкула 29-го, о коняхъ. То его королевская милость доложити розказати ра-чилъ: кони врядникъ каждый у своемъ до-зрѣнью маеть мѣти, и самъ отповѣдати, естли злѣ будутъ хованы: бо то его королевская милость на врядника, а не на машталера зда-вати рачитъ; для чого при таковыхъ коняхъ маеть врядникъ своего служебника слати до господаря.

11. До артыкула 36-го о ревизорахъ. По-правуючи его королевская милость, рачилъ розказати доложити: ревизоры со всею спра-вою своею мають ся зѣзжати до Вильни, на певный часъ, который имъ будетъ ознай-менъ; ижбы тежъ и панъ Фалчевскій на тотъ часъ вызванъ былъ, и при немъ справу реви-зіи своей отдавати и справовати ся повинни въ скарбѣ, або кому то его королевская ми-лость поручити рачитъ, и во всемъ ся съ па-номъ Фалчевскимъ порозумѣвати мають, абы вездѣ одинако справа волочная шла, по тому яко у него у Кнышинѣ.

12. То тежъ особливо его королевская ми-лость хочеть мѣти, абы на пустыхъ волокахъ вольно было подданнымъ паствити быдло, и жадепъ врядникъ абы не смѣлъ грабити быдла подданныхъ на пустомъ, хотя бы и на сѣножати, кромѣ збожья засѣяного на пусто-щизнѣ, съ чого бы платъ мѣлъ быти.

13. О ревизорахъ до земли Жомойтской хочеть его королевская милость мѣти, абы ѣхали и водлѣ первой науки справовалися: вѣдѣже гдѣ покажется въ реистрахъ помѣр-чихъ, што будутъ наддатки давали на кгрун-ты подлые, таковыхъ волокъ знову шнуромъ не пробовати, кгдажъ то панъ Фалчевскій повѣдилъ, ижъ у всихъ мѣрниковъ есть въ реистрахъ описано, што на звышъ на которую волоку дано, и зѣ якоѣ причины; а про то та-ковые реистры мають быти даны до скарбу, абы вѣдомость была всякого кгрунту въ зем-ли Жомойтской въ скарбѣ.

14. Есть тежъ воля его королевской мило-

сти, абы съ пѣнязей съ гуменъ браныхъ за № 19. збожъе быдло до фолварковъ панове врядни-ки куповали, зваща коровы, а съ того пожи-токъ до скарбу его королевской милости при-множали, чимъ тежъ и ролю фолварковъ на-правовати могутъ; а што такихъ пѣнязей гуменныхъ на быдло выдавати будутъ, то на личбѣ маеть быти прїимовано.

III. — Устава на товары, на шинкѣ и на ре-месленики. Кто едвабными рѣчьми торгуетъ, маеть дати чотыри грошы, а хто только сук-ны и иными крамными товары торгуетъ, маеть дати два грошы, а отъ золотаря также два грошы. Кто шинкѣ корчму держитъ, тотъ даеть отъ меду одинъ грошъ, а отъ пива одинъ грошъ, а отъ горѣлки два грошы. Рѣз-ники каждый того ремесла уживаючи одинъ грошъ виненъ дати; кравцы, кушнеры, шев-цы, ковали, слѣсары, столяры, бондары, ко-лесники, стельмахи, рымары, сыромятники, дуботолки, сѣдлары, гончары, токары, шкля-ры, пекары, и каждого ремесла хто — колве уживати будетъ и обходитися ремесломъ, въ мѣстѣ сѣдѣчи, маеть зѣ ремесла такового дати одинъ грошъ, але отъ товаришовъ не повиненъ платити; а отдаючи тые доходы, бирчого и писчого неповиненъ дати большъ одного пѣнязя, хотя мало, альбо много дасть.

Вѣдѣже хто бы съ таковыхъ купцовъ, альбо зѣ ремесленниковъ хотя однимъ товаромъ съ тыхъ рѣчей менованныхъ и на одинъ разъ въ мѣстѣ торговалъ, альбо ремесла уживалъ; тогды тоежъ отъ товаровъ своихъ и ремесла маеть дати и заплатити, яко и тые обечнѣ въ мѣстѣ перемѣшкиваючіе, платячи то на раты уставленые, и вольно ему будетъ на цѣлый годъ такового торгу уживати. А для того вси купцы и купчики, во всихъ мѣстѣхъ, мають ся вписати въ реистръ урядовый, чимъ хто зѣ нихъ торгуетъ; естли жъ того не всхочеть, а трафятся едвабные або якіе иные незвычайные въ его купецствѣ това-ры, тогды маеть заплатити отъ того по сей

№ 19. уставъ, и вольность мѣти тымъ купчити, отъ чего заплатитъ.

А отдавати тые пѣязи до вряду замковъ и дворовъ его королевской милости, на двѣ раты разложивши, на Новое лѣто половицу, а другую половицу на день святого Якуба; а послѣ року у двухъ недѣляхъ, каждый вридикъ маеть ихъ до скарбу отдати. А землянскіе люди, хто повиненъ носити подводу, подлѣ ухвалы земской на соймѣ вчиненой, мають платити зъ службы по шести грошей, и на тыежъ роки повинны вридники господарскіе отсылати тые пѣязи до скарбу его королевской милости. А за тые пѣязи кони на подводы наймованы быти мають.

IV. — Устава о подводахъ. Во всихъ мѣстѣхъ и селѣхъ, гдѣ потреба, а вызволены мѣста отъ подводъ, на предмѣстѣхъ, хотя гдѣ до сего часу подвода не давана, мають ховати кони на наемъ подводы.

А гдѣ волоки суть, тые мѣщане, которые волоки держатъ, будутъ повинны ховати кони, и стеречи подводы перемѣною, по недѣлямъ, у ровности, а мѣти кони каждому по два; а хто всхоцетъ большъ мѣти коней, ино таковой маеть ховати то на свою властность.

А войтъ каждого такового мѣстечка и села маеть два кони ховати, а отъ даванья подводъ будетъ воленъ, для того, абы порядку даванья подводъ доглядѣлъ; а станетъ ли омѣшканье гонцу, то войтова вина, и строгая карность на него отъ господара короля его милости вложена будетъ.

До всихъ замковъ и мѣстъ немногіе дороги и гостинцы росписати отъ столечного мѣста Вильни, абы чужоземцомъ, збѣгомъ и шпегомъ, лихимъ людемъ, вольный проѣздъ, а мыту господарскому шкода въ прокрадыванью купцовъ не была. А класти гостинцы, яко на простѣй можетъ быти, и такъ по всей земли разложить гостинцы и станы певные, на которыхъ подводамъ отмѣна маеть быти. А не становити подводы нигдѣ большъ семи

миль и меньше трехъ, и то алижбы инакъ не могло быти, ино въ чотырехъ, въ пяти, въ шести-миляхъ отмѣну становити, хотя въ князьскихъ и панскихъ мѣстѣхъ и селѣхъ, гдѣ подводу носити повинно.

А коли прійдетъ посолъ великій, альбо будетъ отвозъ рѣчей господарскихъ, на што бы таковыхъ коней большъ потреба была; ино тое мѣсто альбо село мають ся способляти, яко бы тыхъ коней водлѣ потребы зготовали: бо о таковой потребѣ могутъ передъ часомъ вѣдати. А которые то повезутъ, такъ мѣщане яко и волощане, абы имъ также плачено было помилное, яко ниже описано. Въ чомъ хотячи порядокъ учинити, постановили есмо, абы въ дому войтовомъ, бурмистровомъ, альбо лавниковомъ подводѣ отмѣна была.

А маеть быти плачено отъ коня, по грошу на милю, также одинъ грошъ отъ подводного коня, яко и отъ того, на которомъ проводникъ ѣдетъ; а отъ возовъ подводы однимъ конемъ полтора гроша на милю, а отъ двухъ коней до одного воза полтретѣя гроша на милю; а если бы своимъ возомъ двумя конями повезъ, тогда отъ воза зъ двумя коньми три грошы маеть быти дано на милю. А если бы тежъ тотъ подводникъ мусилъ и, назадъ на той же подводѣ нести гонца, ино ему платити потомужъ; а не понесетъ ли гонца, тогда и платити ненадобъ. А маеть гонецъ и каждый посланецъ наемнику пѣязи вси заразъ дати, а то для того, абы ратовати могъ, если конь рознеможеться, або здохнетъ, штобы мѣлъ за што иного коня наняти, а не омѣшкати гонца.

Гонецъ маеть ѣхати до уряду господарского, за листомъ господарскимъ подводнымъ; а урядъ войту, альбо бурмистру и лавнику, тому хто на то уставленъ старшимъ, кажетъ ему подводы дати, колько на листъ его милости господарскомъ, либо на листъ пановъ радъ, также и на листъ старостъ и державецъ украинныхъ описано, и напишетъ на

листъ подводномъ, которого дня бралъ подводу, абы за однимъ листомъ, если не описано въ листъ, не брали подводъ по двакротъ, яко то многократъ чинили до сего часу.

А будутъ ознаймены особы певные при дворѣ и скарбъ его милости господарскомъ, хто тые пѣязи на подводы раздавати маеть, зъ скарбу беручи, и которые, отправуючи гонца, давати мають на наймованье подводъ, яко далеко ѣдетъ, на каждую милю по одному грошу, а на страву ему толькожъ, на особу его, и слугамъ его, колько съ нимъ будетъ, также по одному грошу; и назадъ на страву мають ему платити, а онъ вже будетъ наймовати и платити тымъ, которые обраны ховати тые наемные кони. Нижли хто возомъ ѣдетъ, тотъ не такъ ся борзо поспѣшитъ; для того и на страву маеть ему дано быти на милю полгрошкомъ большъ, а вѣдѣже мають розумѣти, на таковыхъ гонцовъ, который самъ одинъ съ слугою або съ двумя посланъ бываетъ; а хто съ большимъ почтомъ ѣдетъ, такому маеть быти большъ и дано, водлѣ особы и потребы: на што тотъ, хто въ справѣ своей то мѣти будетъ, маеть бачнымъ быти, и зъ волю его королевской милости такимъ посланцомъ отправу чинити.

А дворянинъ на подводѣ ѣдучи, не маеть черезъ перемѣну далѣй на той подводѣ ѣхати, и у переѣздчихъ тежъ людей коней не маеть брати; а если бы то учинилъ, тогда совито повиненъ будетъ шкоду нагородити, а за такъ неповсяжливый выступокъ двѣ недѣли у вѣзенью съдѣти, а на тую послугу николи посыланъ не будетъ, абы тымъ ся и иные карали. Нижли, если бѣ подводный конь усталъ, альбо здохъ, тогда маеть онъ гонецъ у переѣздного чоловѣка, альбо гдѣ на селѣ при гостинцу коня наняти; а проводникъ тому, чій конь будетъ, заплатити маеть, такъ же яко ему плачено (кдѣжъ пѣязи за наемъ отъ гонца взять), для того, абы посланцомъ

его королевской милости и пановъ радъ и № 19. съ украинъ потребамъ земскимъ нигдѣ ся омѣшканья не было.

А съ украинъ мають панове воеводове, старостове и всякіе вридники посылати посланцовъ, даючи свои пѣязи на подводу; и кдѣ прійдетъ таковой посланецъ, ино взявши вѣдомость въ канцелярии, съ якою справою посланъ и хто посылалъ въ земской справѣ, таковому каждому черезъ посланца его маеть быти заплачено за наемъ подводъ. А хто для своея потребы шлетъ, тотъ своимъ накладомъ и отправляй, а господарскихъ подводъ не прапуй: для чего, о земскомъ дѣлѣ шлючи, своихъ потребъ на таковыхъ посланцовъ не вскладати, ижбы тымъ не омѣшквали въ справахъ земскихъ, ожидаючи дѣламъ пана своего отправки; але гонецъ съ дѣломъ его милости господарскимъ и земскимъ отправо- ватися спѣшитъ маеть, ничимъ инымъ не забавляючися.

V. — Тогожъ року 1557, мѣсяца Октября 20 дня, его королевская милость рачилъ розсказати, до тоѣ устави на подводы приписати: купцы чужоземскіе, которые - кольвекъ до панства его королевской милости пріѣзжаютъ съ торговлями, и домовъ своихъ не мають нигдѣ въ границахъ панства его милости, на таковой податокъ для наймованья подводъ повинны складатися, кдѣжъ мыто платятъ.

Што тежъ описано вышей въ той уставѣ, «абы на двѣ раты разложивши тотъ податокъ на подводы отдавали», его королевская милость хочеть мѣти, ижбы завжды тотъ податокъ отдаванъ былъ на Новое лѣто, и таковой бы податокъ вридники завжды при цыншахъ отбирали.

VI. — Лѣта Божьего нароженья 1558, мѣсяца Мая 20 дня, господарь король его милость и великій князь розказавши розсылати ревизоровъ и мѣрниковъ, рачилъ поручити то ознаймити и къ той справѣ доложить: ижъ

№ 19. вси тые ревизоры и мѣрники, въ небытности его королевской милости въ тутошнемъ панствѣ, будучи на ревизию и на помѣру, также и зѣхавши зъ sprawy и зъ ревизии своей, маюють съѣзжати ся съ паномъ Петромъ Фалчевскимъ, яко съ тымъ, который около порядку того господарства зъ ними намовляти, и, чего бы которое имѣнье господарское потребовало, такъ въ порядку помѣры, яко тежъ и въ господарствѣ и пожиткахъ его королевской милости, имъ раду и науку давати будетъ; а онъ, въ чомъ потреба, докладатися будетъ пана воеводы Виленского, маршалка земского, канцлера великого князства Литовского, старосты Берестейского, державцы Борисовского и Шовленского его милости пана Миколая Радивила: кгдажъ господарь его милость на пана воеводу Виленского то предложить рачилъ, абы панъ Фалчевскій и вси въ тую службу поставленные способлялися наукою и помощью и обороною, во всѣхъ справахъ, што бы ся належало до пожитковъ и кгрунтовъ господарскихъ.

Къ тому, будучи они на таковыхъ службахъ его королевской милости, маюють съ паны врядники порозумѣваючися, имѣній его милости господарскихъ доглядати: гдѣ ся подданные роздѣлили, а много ихъ въ одномъ селѣ, а на маломъ кгрунтѣ, таковыми абы пустые волоки осаживаны были, оставивши брата одного або двухъ на волоцѣ, або отца зъ сыномъ; а давати имъ вольность, на пустыхъ волокахъ осаживаючи, для вспоможеня, яко вышеи описано.

Тежъ, абы того врядники доглядали: гдѣ подданнымъ къ розробленнымъ волокамъ лѣсы приданы для будованя и дровъ, такъ мѣстскимъ яко и волостнымъ, ижбы только на свою потребу ихъ брали, а не продавали.

Што ся дотычетъ стрѣльцовъ, господарь его милость на томъ застановити рачилъ, за ихъ чоломбитемъ: ачъ на уставѣ описано, не давати имъ цыншовъ зъ двухъ волокъ, але ижъ

теперь большій почотъ ихъ, нижи первый было, и притомъ подвязались сами платити цынши и осады со всякими повинностями, такъ яко и осадные люди, пѣнязми, кромѣ работы и потяглей; и господарь его милость розказуетъ: каждому зъ нихъ дати по двѣ волоки, и осадити ихъ селы, на добрыхъ кгрунтахъ и поодаль отъ пушы; а они маюють одну волоку мѣти вольную отъ платовъ, а зъ другой платити будутъ цыншъ и весь податокъ, такъ яко иные осадные люди, вѣдьже а ни сѣна, а ни овса, ни жадныхъ отвозовъ, альбо подводъ и потяглей неповинны давати, только голый цыншъ альбо платъ, имъ ознайменый, до вряду, на чей волости съдять, за вѣдомостью служебника пана Довойны. А судитися имъ, стрѣлцу съ стрѣлцомъ, передъ тымъ, кого панъ Довойно уставитъ надъ ними; а коли съ кимъ инымъ судъ, ино пана Довойновъ слуга, за обосланьемъ зъ уряду, маеть его становити на судъ врядничей, и самъ на томъ судѣ маеть быти и посполъ зъ урядникомъ судити. А гдѣ бы ся пригодило съ подданнымъ нашимъ судити стрѣлца, о покажене або переоране межы, потомужъ маеть врядъ нашъ, або войтъ волостный, посполъ съ тымъ служебникомъ пана Довойновымъ, тую рѣчь судовити водлѣ уставы наше заставити. А при роздаванью волокъ стрѣлцомъ маеть тамъ быти тежъ служебникъ пана Довойновъ.

VII. — Лѣта Божьего нароженя 1558, мѣсяца Юня 20 дня, господарь король его милость и великій князь Жикгимонтъ Августъ рачилъ намовляти съ паны радами ихъ милостью, о даване подводъ, и вырокомъ своимъ господарскимъ на томъ застановити, якимъ обычаемъ маеть быти порядокъ sprawy и повинности тоѣ земскоѣ становленъ во всѣхъ мѣстехъ, мѣстечкахъ и волостяхъ Рускихъ его королевской милости, кромѣ мѣстъ упривилежавныхъ вольностью отъ подводъ; а вѣдьже и въ таковыхъ мѣстехъ на предмѣстьехъ

перемѣшкаваючие абы платили по тому, яко нижеи описано, не выймути съ того никого, и чей — кольбекъ чоловѣкъ съдять въ мѣстѣ господарскомъ и на предмѣстьи, одинако платити маеть, яко и мѣщане.

Мѣщане всѣхъ мѣстъ абы давали съ кожного дому по два грошы; а хто волоки держитъ, тогды особно отъ волоки маеть дати три грошы; а отъ морговъ при мѣстѣхъ по чотыри пѣнези, а отъ прута огородного мѣстского одинъ пѣнязь. А гдѣ волоки еще не мѣрены, ино зъ дому два грошы, а съ фолварка мѣстского або съ пашни по шести грошей; а въ которомъ фолварку люди, ино съ службы по шести грошей, а отъ огорода по два грошы.

А Рускіе волости, гдѣ волоки не мѣрены, маюють дати съ дыму такового, въ которомъ земли свое и особного хлѣба уживають, грошы два съ хлѣба, а съ дерева бортного грошы три зъ лезива; а хто того обоого не уживаетъ, только на огородѣ съдять, тотъ отъ огорода грошъ одинъ дати маеть; а хто и огорода не мѣлъ бы, тотъ маеть зъ дыму дати полгроша.

Сии семь статей выписаны изъ Литовской Метрики (Публичн. дѣлъ кн. VI, л. 1 — 27), хранящейся при Правительствующемъ Сенатѣ, въ С. Петербургѣ.

20. — 1558 Марта 28. Жалованная грамота Полоцкому боярину Глѣбу Корсаку, на преемство Полоцкой архіепископии, по кончинѣ тамошняго владыки Германа.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ. Ознаймуемъ симъ листомъ нашимъ, кому будетъ потреба того вѣдати, ижъ есмо маючи ласковый взглядъ на пыльные и вѣрные службы боярына земли Полоцкоѣ пана Глѣба Ивановича Корсака, и за жаданьемъ

воеводы Полоцкогo, державцы Свислоскогo, № 20 пана Станислава Станиславовича Довойна и пановъ бояръ земли Полоцкоѣ, дали есмо ему и симъ листомъ нашимъ даемъ архіепископью владычество Полоцкое, по смерти теперешнего архіепископа владыки тамошняго Полоцкогo Германа Хребтовича. Маеть онъ, по животѣ его, вжо за симъ листомъ нашимъ и даниною, въ тую архіепископью Полоцкую вѣхати, и тую архіепископью и монастырь святого Михайла въ Городку, подаваня нашего господарского, въ справу свою взяти, и на тотъ станъ духовный вступивши и водлѣ звычайу закону хрестіанского совершивши, за насъ господаря повиненъ будетъ Бога просити, и тую архіепископью, со всимъ, по тому, яко первые архіепископы владыки Полоцкіе держали, маеть онъ до живота своего держати, и всѣхъ пожитковъ водлѣ давного обычая уживати, и къ тому монастырю святого Михайла въ Городку архимандритовъ на то годныхъ подавати, справуючися во всѣхъ слушнѣ и раднѣ, яко на его станъ святительскій належитъ. И на то есмо ему дали сѣсь нашъ листъ, съ подписаньемъ руки наше господарской, до которого на твердость того и печать нашу приложить казали. Писанъ у Вильни, лѣта Божьего нароженя 1558, мѣсяца Марта 28 дня.

Изъ Литовской Метрики (Запис. кн. XXXVII, л. 139 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Привилей Глѣбу Ивановичу Корсаку, на архіепископью Полоцкую.

21. — 1558 Апрель 22. Жалованная грамота епископу Макарію, на преемство Пинской и Туровской епархii, по кончинѣ тамошняго епископа Макарія.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, ознаймуемъ симъ нашимъ листомъ.

№ 22. Билъ намъ чоломъ епископъ Макарій, которо-го зошлый архіепископъ митрополитъ Кіевскій на епископство поставилъ и у себе его мѣлъ, абыхмо его хлѣбомъ духовнымъ пожаловали, и по животъ владыки теперешнего Пиньского и Туровского Макарія тое владычество Пиньское ему дали, якожъ и воевода Виленскій, маршалокъ земскій, канцлеръ великого князства Литовского, староста Берестейскій, державца Борисовскій и Шовленьскій панъ Миколай Радивилъ, а воевода Новгородскій, маршалокъ двориный, подскарбій земскій, писарь нашъ, староста Слонимскій, державца Кревскій панъ Иванъ Горностай за нимъ у причинъ насъ о то жадали. А такъ мы, на причину и жеданье ихъ милости пановъ радъ нашихъ и на чоломбитье епискупа, зъ ласки нашею господарской то вчинили, тую епископію Пиньскую и Туровскую ему дали и симъ листомъ нашимъ даемъ. Маеъ онъ, по животъ того владыки теперешнего Пиньского Макарья, взявши вижа зъ уряду тамошнего жъ Пиньского, въ тую епископію Пиньскую възхати и на себе ее увязати, и держати ее до живота своего, со всимъ, по тому яко и первые владыки тамошніе, предкове его, тую епископію къ рукамъ своимъ держивали; на штожъ даемъ ему сесъ нашъ листъ зъ нашою печатью привѣсистою. Писанъ у Вильни, лѣта Божого нароженія тысяча пятьсотъ пятьдесятъ осмого, мѣсяца Апрѣля двадцать второго дня. — Подпись руки господарской. «Остаеѣй, маршалокъ и писарь.»

Изъ Литовской Метрики (Запис. кн. ХLI, л. 2 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей епископу Макарію на владычество Пиньское и Туровское.

22. — 1558 Мая 8. Королевская грамота князю Юрію Слуцкому, о подтвержденіи въ отчинъ своей православному духовенству быть подсудными Кіевскому митропо-

литу Сильвестру и вносить въ казну его соборныя куницы и другія положенныя пошлыны, и о запрещеніи урядникамъ своимъ вмешиваться въ церковныя суды и доходы.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, князю Юрію Юрьевичу Слуцкому. Присылалъ до насъ архіепископъ митрополитъ Кіевскій и Галицкій и всея Руси Селивестръ, обтяжливо жалючи на архимандрита твоей милости Троецкого Слуцкого Никандра, и на игумена Николского Мороцкого, и на поповъ Слуцкихъ, и на иныхъ поповъ по всимъ имѣньямъ твоей милости, о томъ, штожъ дей они въ справъ церковной не водлѣ звычайу и постановленья закону Греческого ся справують, и въ справахъ духовныхъ его яко старшого пастыря своего послушни быти, и на Соборъ для науки духовноѣ до его ѣздити, и куницъ соборныхъ и стацей объѣздныхъ и иныхъ доходовъ, водлѣ стародавнего повиноватства своего, давати и полнити не хочуть; а къ тому дей врядники твоей милости, по всимъ имѣньямъ твоей милости, въ справы ся духовныя вступаютъ, судятъ и справують, и роспусы чинятъ, и вины духовныя на себе берутъ, а протопопомъ и врядникомъ его до имѣній твоей милости въѣзжати и справъ духовныхъ судити и справовати забороняють, и великую переказу и шкodu въ томъ его милости дѣлають: въ чомъ собѣ кривду немалую быти мѣнячи, билъ намъ чоломъ и просилъ насъ, абыхмо до твоей милости листъ нашъ о томъ писати казали. — Про то, если будетъ такъ яко онъ намъ жаловалъ, приказуемъ тобѣ, абы твоя милость тому архимандриту Троецкому Слуцкому Никандру, и игумену Николскому Мороцкому, и попомъ Слуцкимъ, и инымъ попомъ по всимъ имѣньямъ твоей милости, въ справъ церковной закону вашего Греческого водлѣ стародавнего обичаю и постановленья ся справовати, и въ справахъ

духовныхъ его милости яко старшого пастыря своего послушными быти, и на Соборъ для науки духовноѣ до него ѣздити, и куницы соборныя и стацей объѣздныя и иншіе доходы, водлѣ звычайного повиноватства ихъ, ему отдавати и полнити казалъ, ижъбы они во всемъ ся къ его милости заховали водлѣ прислухающеи виности ихъ. А врядникомъ бы своимъ твоя милость съ пилностью розказалъ, ижъбы они, черезъ то, въ справы духовныя ничимъ ся не вступовали, и не судили, и винъ духовныхъ на себе не брали, и такожъ врядникомъ его тамъ въѣзжати и справъ духовныхъ судити не забороняли, и никоторѣ кривды и переказы въ томъ его милости не чинили. Писанъ у Вильни, лѣта Божьего нароженія 1558, мѣсяца Мая 8 дня.

Подлинникъ писанъ на бумажномъ полулистѣ, сплошною скорописью, безъ строчныхъ знаковъ. Королевской подписи нѣтъ. Внизу грамоты скръпъ: Янъ Шимковичъ, маршалокъ и писарь. Печать Литовскаго княжества малая вытиснута на красновосковой массѣ подъ бумажною покрышкою. На оборотѣ современная отмѣтка: Листъ до князя Слуцкого отъ господаря.

Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

23. — 1558 Юня 9. Грамота королевская Мстиславскому и Радомльскому старостѣ князю Ивану Соломерецкому, о выдачѣ медовой и денежной дани тамошнимъ православнымъ монастырямъ и церквамъ.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, старостѣ Мстиславскому и Радомльскому князю Ивану Васильевичу Соломерецкому, и инымъ старостамъ Мстиславскимъ, хто и напотомъ тотъ замокъ нашъ отъ насъ завѣдати будетъ. Пріѣздили тыхъ часовъ до насъ священники и вси крылошане церкви собор-

ноѣ святоѣ Троицы, со Мстиславля, оповѣ-**№ 23.** даючи, ижъ князь Михайло Ивановичъ Мстиславскій, маючи въ моцы своей замокъ Мстиславскій правомъ дѣдичнымъ, надалъ и записалъ давати съ своего подклѣта, вѣчными часы, на церковь соборную святоѣ Троицы кадъ меду, а на церковь святоѣ Пречистоѣ пять пудовъ меду желѣзного вѣсу, а на монастырь и церковь святоѣ Пречистоѣ жъ въ Пустынцѣ три пуды меду желѣзного вѣсу и сорокъ грошей, а на церковь святого Аѳонасія такожъ три пуды меду, а на церковь тежъ святого Архангела Михаила, въ Радоми, кадъ меду прѣсного и десять копъ съ пашни Радомской отъ всякого збожья; на што они и листы князя Михайла Мстиславского передъ нами оказывали, за которыми дей завжды то имъ было давано ажъ до сего часу: одножъ дей староста бывшій Мстиславскій князь Иванъ Васильевичъ Полубенскій, предокъ твой, не казалъ имъ теперешнего году того меду выдавати, повѣдаючи, яко быхмо того въ скарбъ нашомъ на личьѣ пріймовати не велѣли; гдѣ они били намъ чоломъ, абыхмо кривды имъ въ томъ дѣлати и оныхъ листовъ наданья князя Мстиславского нарушати не казали. — Ино жъ, кгдажъ будетъ передъ тымъ, завжды, водлѣ листовъ князя Мстиславского, тотъ медъ имъ выдаванъ былъ, а князь Полубенскій кромъ слышноѣ причины въ себе то задержати хотѣлъ; приказуемъ тобѣ, абы еси и теперь по томужъ ся къ нимъ заховалъ, и имъ весь медъ прѣсный и все то, што — колъ-векъ на церкви менованые записано, въ кождый годъ выдавалъ, ничимъ не задерживая; а вѣдъ же, естли бы што иного въ томъ дѣлося, ты бы намъ знати о томъ далъ. Писанъ у Шерешовѣ, лѣта Божого нароженія 1558, мѣсяца Юня 9 дня.

Подлинникъ писанъ на бумагѣ, крупною скорописью. Королевской подписи нѣтъ. Внизу грамоты скръпъ: Остаеѣй, маршалокъ и писарь. Пе-

№ 24. чать Литовскаго княжества малал, подъ кустодію, съ оттискомъ едва примѣтнымъ.

Хранится въ Могилевскомъ Архіерейскомъ архивѣ, въ связи подъ № 115. См. Бѣлор. Арх. др. грамотъ, I, 19.

24. — 1559. Уставы данные Литвѣ и областямъ Жмудьской, Полоцкой, Витебской и Мстиславской, на четвертомъ Виленскомъ сеймѣ.

1. — Отказъ отъ господаря короля его милости и великого князя Жикгимонта Августа княжатомъ, панятномъ и всему рыцерству, шляхтѣ, обывателемъ панства его милости великого князства Литовского, на тые рѣчи и прозьбы ихъ, которыи они на писмѣ королю его милости дали, на теперешнемъ вальномъ соймѣ Виленскомъ, лѣта Божьего нароженья 1559.

1. Прозьба. Што въ которыхъ рѣчахъ прозьбы свои на писмѣ къ его королевской милости приносили и подали есте, ижъ до статуту нового стегаются. *Отказъ.* О томъ статутѣ вже певное постановленіе на листѣ его королевской милости вамъ дано; а такъ вси тые рѣчи, все што въ листѣ описано, до того сойму пришлого его королевская милость откладати рачитъ.

2. Прозьба. Одно жъ, што въ тыхъ же прозьбахъ своихъ доложили есте, абы осямлости иныхъ народовъ людемъ земли Ифлянтской не были даваны, только обывателемъ и прироженцомъ великого князства. *Отказъ.* Его королевская милость росказалъ вамъ повѣдѣти, ижъ то, што въ земли Лифлянтской его королевской милости пришло тогда, не инымъ правомъ, одно заставою: про то, яко заставного, его милости зменьшати не належитъ; вѣдѣже о державы и уряды тыхъ замковъ хочетъ его королевская милость ласкавое баченіе мѣти на обывателей великого князства.

3. Прозьба. Што тежъ пишете о кривды

отъ пановъ Поляковъ границамъ великого князства Литовского, и о таковыи ихъ кройники неслучные, а вамъ нелюбые. *Отказъ.* Господарь его милость велѣтъ вамъ повѣдѣти, ижъ кгда его королевская милость въ керунъ Польской будетъ, хочетъ тую справу на ласкавомъ баченіи мѣти; а будутъ ли тежъ послове на съемъ корунный посланы, тогды и черезъ тыхъ пословъ всказаніе будетъ о границы и о направленіе таковыхъ непристойныхъ кройникъ.

4. Прозьба. Ижъ просите при той же справѣ о рѣчь княжати Семена Слудкого и княгини Ильиное Костентиновича съ паномъ воеводою Ленчицкимъ. *Отказъ.* Его королевская милость хочетъ въ той справѣ вчинити то, што слушного и пристойного видѣти ся его милости будетъ.

5. Прозьба. Што тежъ просите, абы мытъ отъ товаровъ вашихъ не брано. *Отказъ.* Его королевская милость зъ ласки своеи господарской рачитъ вамъ отпушати мыто отъ товаровъ лѣсныхъ, вашеи роботы и зъ вашихъ властныхъ имѣній, хто своимъ накладомъ выребивши пуститъ; также и отъ збожья, што бы своеи властью пашни, а не купленое за границу пушалъ, и быдло доморослое: вѣдѣже повиненъ будетъ панъ того товару, або служебникъ его на томъ присягнути, на первой коморѣ, ижъ зъ властного имѣнья пана того и его властнымъ накладомъ тотъ лѣсный товаръ робленъ.

6. Прозьба. О мынцу просите, абы опатрована была. *Отказъ.* Его королевская милость хочетъ то осмотрѣти, яко справа мынцы къ пожитку рѣчи посполитой будетъ, а на шкоду николи не прійдетъ битьемъ всякои монеты и пѣвезей дробныхъ.

7. Прозьба. О уближеніи вольностей земскихъ во врьдѣхъ, што есте описали. *Отказъ.* Его королевская милость хочетъ на ласкавомъ баченіи то мѣти, яко впередъ во всемъ водѣ

вольностей земскихъ опатровано и зостановлено будетъ.

8. Прозьба. Што тежъ просите, абы референдары справамъ земли Подляшской, тубыльцы и прироженцы великого князства уставлены были. *Отказъ.* На то его королевская милость призволяти рачитъ, и съ часомъ, обравши зъ народу обывателей великого князства умѣлыхъ въ томъ правѣ референдаровъ дати его милость хочетъ.

9. Прозьба. О путники што пишете, ижъ могутъ бити къ послужѣ межѣ нихъ обраны. *Отказъ.* Его королевская милость и того не занѣхивати роскажетъ, присмотрѣвшись, хто бы до того былъ годнымъ.

10. Прозьба. О сумму, которая внесена на замки Лифлянтскіи и о платы съ того краю поступленого просите, абы нигдѣ индѣ, одно до скарбу его королевской милости и земского были обернены. *Отказъ.* Господарь его милость на то призволяти рачитъ.

11. Прозьба. Што есте тежъ оповѣдали его королевской милости, ижъ бачучи потребу рѣчи посполитой, сами есте готовы и охотны ити противко неприятели отчизны его королевской милости, и еще причиняючися, зъ маетностей своихъ поступаете на прибылые люди податокъ съ подданныхъ вашихъ, къ тому податку, который на Громницы пришло свята, водѣ первой уставы, по пяти грошей зъ сохи давати маете, а теперъ по другой пяти грошей прикладаете, и то сполна по десяти грошей давати хотите; а на другій годъ и на тоежъ свято Громницы по другой десяти грошей зъ сохъ поступаете: нижли, абы и первыи податки выданы были отъ всихъ становъ, о то просите. *Отказъ.* Его королевская милость тую хуть вашу и чуйность къ потребѣ рѣчи посполитой ласкаво и влячѣ, яко отъ вѣрныхъ слугъ, пріймовати рачитъ, и абы тымъ же порядкомъ, яко и на прошломъ соймѣ *ухвало*, тотъ теперъ поступлений податокъ былъ бранъ, мѣти хочетъ, яко ся на

листѣхъ его королевской милости доложитъ *№ 24.* достаточнѣ; а хто того не выдалъ съ первой уставы, ино роскажетъ его королевская милость то отиравати на таковомъ водѣ *ухвалы* тогожъ сойму прошлого.

12. Прозьба. О службу земскую, абы панове духовные зъ вами служили, просите. *Отказъ.* Его королевская милость прозьбу вашу на томъ застановляти рачитъ, яко то ся вже на первыхъ соймѣхъ постановлено, и повинны будутъ панове духовные зъ имѣній, которые подъ земскимъ правомъ мають, службу земскую служити.

13. Прозьба. Просите тежъ объ отмѣны за земли ваши черезъ мѣрниковъ побраные у волоки, а гдѣ которымъ дана отмѣна, абы то листы господарскими было подтвержено. *Отказъ.* Его королевская милость росказалъ вамъ повѣдѣти, ижъ его милость не хочетъ, абы шляхтѣ черезъ мѣрникъ утискъ былъ въ неотданіи отмѣнъ за земли ихъ, якожъ зъ листовъ его королевской милости на помѣру данныхъ порозумѣти можете: въ которыхъ доложено, абы зморкговавши таковыи земли шлятетскіи, напередъ отмѣну дано, нижъ што взято будетъ у волоки. И теперъ кому бы не дано отмѣны, за што слушнѣ отмѣну дати належитъ, роскажетъ его королевская милость листы съ канцлерыи давати, абы отмѣны не задерживали и отдавали: нижли, абы есте тежъ сами въ томъ напомнимъ ся и отмѣны водѣ уставы господарской брали, а границъ бы волокамъ господарскимъ не казили; а кгда достаточнѣ отмѣны дойдутъ и успокоются, его королевская милость хочетъ утвержати таковыи отмѣны листы своими господарскими.

14. Прозьба. Што тежъ хоружіи подали на своей цедулѣ, абы шляхта на съемъ при хоружихъ братью свою обирали и слали. *Отказъ.* Его королевская милость въ томъ давній обычай захованъ мѣти хочетъ, и яко отъ господаря его милости на листѣхъ соймовыхъ хору-

№ 24. жимъ ознаймено будетъ, такъ ся нехай захывають, по обычаю давному.

15. *Прозьба.* Просите тежъ о платъ певный зъ шляхты, за чимъ на соймы маєте ѳздити и серебищизну носити. *Отказъ.* Его королевская милость въ томъ новоѣ рѣчи становити не хочетъ, але яко и передъ тымъ бирьчое бывало хоружимъ при податкахъ земскихъ, и теперъ водлѣ постановленья соймового брати будете бирьчое, за працу свою.

16. *Прозьба.* Еще просите, абы зъ людей вашихъ серебищизны не давали, и докладаете, ижъ передъ тымъ хоружые зъ людей своихъ не давали серебищизнѣ. *Отказъ.* Его королевская милость не бачить, кимъ бы (*) съ того были вызволены: про то абы есте оказали тотъ давный обычай, яко ся передъ тымъ захывывало.

17. *Прозьба.* Просите тежъ, абы листы въ потребъ земской до шляхты черезъ листовниковъ отношены были въ каждого домъ. *Отказъ.* Тотъ обычай его королевская милость по давному мѣти хочетъ, яко въ которомъ хоружствѣ то бывало, и при поправѣ статуту, на другомъ соймѣ припоминайте.

18. *Прозьба.* Еще въ той же цedula пишите, ижъ хоружии съ повѣты своими у войску на сторожу не ѳздили; а часу рушенья первшого къ границамъ Лифлянтскимъ, за прозьбою пана гетмана и милуючи его королевскую милость пана своего милостивого, сами съ повѣты сторожу заступовали есте, кгдажъ пѣняжнии люди не были, — и просите, абы то въ пошлину не было, и листомъ бы господарскимъ обварованы въ томъ были. *Отказъ.* Его королевская милость хочетъ отъ васъ вѣдати: кгда передъ тымъ, за предковъ его королевской милости, у войскахъ люди служебные не бывали, хто сторожу у войску держалъ? а кгда то окажете на пришломъ соймѣ, его королевская милость осмотрѣти рачить, абы каждый своей повинности досыть чинилъ; а

до того часу абы есте терпеливы были, и потомужъ яко и въ томъ рушеньи заховали ся.

19. *Прозьба.* А што просили есте господаря его милости около даванья пересудовъ и увязчого, звлаща, отъ таковыхъ рѣчей, которые еще не переведены, одно до права всказаны. *Отказъ.* То его королевская милость до даванья статуту откладати рачить, въ той же моцы захывываючи, яко на прошломъ соймѣ уставлено: нижли отъ таковоѣ рѣчи, которая будетъ сказана до права, не мають на врьдѣхъ брати, одно паметное; а увязываючи до права, не мають брати большъ, одно отъ кождоѣ десяти копѣ дванадцать грошей, або помильное; а кгда въ тойже рѣчи правомъ переконано будетъ, тогды пересудъ водлѣ уставы соймовоѣ, и отправчое, будетъ ли зъ уряду отправовано.

20. При томъ его королевская милость росказалъ вамъ повѣдати: о подводахъ та ухвала сталася на соймѣ валномъ прошломъ: съ таковыхъ людей, которые здавна подводы давали (хотя жъ отъ столу его королевской милости отданы), абы зъ службы по шести грошей платили; и потомъ на прошлыхъ соймѣхъ завжды то припоминано. Якожъ черезъ листы его королевской милости росказано было прошлого року, дати первый по три грошы, до того часу, поки его королевская милость обачить, естли тою суммою можетъ ся той потребѣ оподводахъ досыть учинити: ино многие, а мало не вси, держачи таковыхъ людей здавна выслужонныхъ, того плату на подводы не даютъ; а которые дали, и тые не по тому яко бы належало: бо гдѣ которые мѣста подводу давали, до часу постановленья его королевской милости, пѣняжнии подводы, съ таковыхъ мѣстъ не яко мѣщане короля его милости платятъ на подводу, але отъ служебъ даютъ, мѣнячи, ижъ передъ тымъ только служебъ выслужово, которыми мѣсто осажено. — Его королевская милость въ томъ васъ казалъ напомнати, абы есте кождый, вѣдаючи таковыя

(*) Можно читать и «чимъ бы», т. е. какимъ правомъ.

люди въ имѣньяхъ своихъ, которыхъ и передъ тымъ, за предковъ его королевской милости, повинность была подводу носить, по три грошы зъ службы на тотъ часъ выдавали, поколь уважено будетъ, естли той потребѣ досыть тымъ учинитися можетъ. А зъ мѣстъ, гдѣ которые мѣста подводу носили, нехай бы платъ давали, яко и мѣщане господарскіе, альбо подводу по старому носили; а тотъ платъ, и задержанный, абы есте выдавали безъ всякого замѣшканья, стерегучися, абы черезъ отправчихъ господарскихъ не отправовано того всего плату: бо зъ скарбу его королевской милости немалая сумма на подводы выдана, ульжение чинячи таковымъ людямъ, абы подводъ не носили. Про то, яко въ рѣчи и потребѣ земской, далѣй въ томъ льгота не будетъ; и хто на святой Мартинъ пришлого свята плату того не отдасть, роскажетъ его королевская милость то зъ дѣцкованьемъ отправовати на таковыхъ людехъ.

II. — Прозьбы земли Жомойтской.

1. *Прозьба.* Што есте его королевской милости просили, абы часу потребы, при шихованью войска, отъ гуфу вального васъ не отлучано, але по звыклому давному обычаю ижбы есте у гуфъ вальномъ стояли. *Отказъ.* Его королевская милость рачилъ росказати на то вамъ повѣдати, ижъ часу потребы, у войску, отъ гуфу вального отлучаны не будете, але подлѣ стародавнего обычаю, у гуфъ вальномъ стояти маєте.

2. *Прозьба.* Къ тому просите господаря его милости, абы есте по давному службу земскую военную служили; а которые братья ваша земли межи собою подѣлили, ижбы съ таковыхъ земель одинъ конь былъ ставленъ. *Отказъ.* Господарь его милость рачилъ росказати на то вамъ повѣдати, ижъ яко первый сего около обороны земскоѣ постановлено и ухвалено, которымъ обычаемъ служба земская служена быти маєтъ, и отъ того часу якій почотъ съ чѣго имѣнья былъ ставленъ:

ино и теперъ съ такового имѣнья потомужъ № 24. служити мають, хотя бы и роздѣлили имѣнья братья межи собою, которые людей не мають.

3. *Прозьба.* А што есте просили его королевской милости, ижбы его милость той земли хоружого дати рачилъ. *Отказъ.* Его королевская милость зъ ласки своеѣ господарской той земли хоружого давати рачить, которого панъ староста Жомойтскій, чоловіка годного обравши, господарю его милости маєтъ заѣцъцъцъ; а кгдагы господарь его милость на тотъ врьдъ его установить и подтвердить, таковой, яко и иншы хоружые у великомъ князствѣ, люди къ попису до пана старосты водити и хоруговъ часу рушенья носить маєтъ; а хоруговъ въ захованьи у пана старосты будетъ, кгдажъ съ паномъ старостою войну служите.

4. *Прозьба.* Къ тому просили есте господаря его милости: ижъ которые станове духовные и свѣтскіе осялости подлѣ земскимъ правомъ въ земли Жомойтской мають, а часу потребы естли бы сами особами своими на службу быти не могли, абы почты свои тамъ ставили. *Отказъ.* Его королевская милость то на томъ заставляти рачить, ижъ съ таковыхъ имѣній всихъ служба земская служена быти маєтъ потомужъ, яко ся то во всемъ великомъ князствѣ захывываетъ.

5. *Прозьба.* Тежъ просили есте господаря его милости, ижбы въ лѣсѣхъ его милости господарскихъ дерева на будованье и на иншыя потребы ваши брати и въ озеряхъ рыбы ловити вамъ не забороняно, и въ томъ ижбы васъ по давному обычаю и водлѣ привилья вашего заховано. *Отказъ.* Господарь его милость казалъ вамъ на то повѣдати, ижъ гдѣ — кольве здавна уступъ въ пуши и въ озера его милости господарскіе мѣщали есте и въ которыхъ мѣстцахъ, то бы есте ознаймили и вывели таковыя лѣсы, гдѣ былиты уступы сперва; и хотя жъ бы теперъ хто и люди свои поселилъ безъ листовъ и даянны господар-

№ 24. скоѣ: ино въ тыхъ лѣсахъ и теперь, водлѣ дав-ного звичаю и подлугъ привилія земского, воль-ность мѣти будете, якожъ его королевская ми-лость росказати рачилъ доведатися о таковыхъ пуцахъ пану старостѣ вашему Жомойтскому.

6. *Прозьба.* Тежъ просили есте его королев-ской милости, ижбы особы духовные и свѣт-скіе, и тежъ кнѣжата и панята, которые имѣнья свои въ земли Жомойтской мають, о кривды шляхтъ въ повѣдѣхъ отказывали. *Отказъ.* Его королевская милость рачилъ ро-сказати вамъ на то повѣдѣти, ижъ его ми-лость рачитъ то откладывати до выданья ста-туту, а до того часу по давному обычаю то его королевская милость составляетъ.

7. *Прозьба.* Еще просили есте господаря его милости, ижбы господарь у Ляховъ, Нѣмцовъ и Угровъ, которымъ въ земли Жомойтской ослѣности подаваны, рачилъ вамъ дозволити ихъ скуповати, кгдажъ ся вамъ отъ нихъ ве-ликое утѣсненіе дветъ. *Отказъ.* Господарь его милость рачилъ росказати на то вамъ по-вѣдѣти, ижъ его милость откладаетъ то до по-становленія: которое кгда во всемъ панствѣ его милости великомъ князствѣ Литовскомъ учинено будетъ, по томужъ и въ земли Жо-мойтской заховати ся мають.

8. *Прозьба.* Оповѣдаете тежъ его королев-ской милости, ижъ отъ жидовъ у мытъ обя-женіе великое вамъ ся дветъ, и просите, што-бы его милость господарь тое мыто на васъ презожити рачилъ, а вы туюжъ сумму до скарбу его королевской милости давати хоче-те, што и жидъ даетъ. *Отказъ.* Его королев-ская милость рачилъ росказати вамъ на то повѣдѣти: кгда рокъ выдержанью аренды выйдеть, на онъ часть его королевская милость съ тымъ вчинити рачитъ то, што ся лѣпшого и пожиточнѣйшого его милости господарю въ томъ видѣти будетъ.

9. *Прозьба.* А што пожитки новые зъ уста-вы, яко мыто, такъ и волоки въ земли Жо-мойтской постановлены, просите, абы листомъ

господарскимъ было обваровано, ижбы то на-потомъ вольностямъ вашимъ шляхетскимъ не шкодило. *Отказъ.* Господарь его милость ра-чилъ росказати на то вамъ повѣдѣти, ижъ его милость росказалъ на то вамъ листъ свой господарскій дати, штожъ то нынѣ и на по-томные часы вольностямъ и справамъ вашимъ шляхетскимъ шкодити не маеть.

10. *Прозьба.* Просили тежъ еще его коро-левской милости, жебы Ляхове и Русь, кото-рымъ надъ привилія ваши уряды въ земли Жомойтской подаваны, зложоны зъ урядовъ были, и впередъ абы чужоземцомъ уряды не даваны, одно вамъ, обывателемъ земли та-мошней. *Отказъ.* Его королевская милость ра-чилъ росказати вамъ на то повѣдѣти, ижъ яко на прошломъ соймѣ въ року пятьдесятъ пя-томъ около врьдовъ постановлено, потомужъ и васъ его королевская милость въ томъ захо-вати хочеть.

11. *Прозьба.* Тежъ просили есте его коро-левской милости, ижбы панъ староста Жо-мойтскій винъ незвыклыхъ на васъ не бралъ; а отъ челяди, которая отъ васъ утекаетъ, абы во врьдѣхъ господарскихъ поземное не бра-но; а ижъ Прусы и Лифлянты съ збѣгами ва-шими справедливости вамъ не чинятъ, въ томъ есте о науку просили. *Отказъ.* Госпо-дарь его милость рачилъ росказати на то вамъ повѣдѣти, ижъ панъ староста нынѣшній и по немъ будучіе панове старосты Жомойтскіе въ бранѣхъ винъ мають ся заховати по давному обычаю; а поземное отъ збѣговъ вашихъ въ тивунствахъ отъ того часу брано быти не маеть, але съ права таковыхъ выдавати. А што ся дотычетъ збѣговъ вашихъ за границу, ино за листы его королевской милости, съ ни-ми справедливости собѣ доводити маете, а его королевская милость и черезъ пословъ своихъ тыхъ пановъ сусѣдовъ напомянути рачитъ, абы съ тыми збѣгами справедли-вость вамъ чинили и ихъ черезъ то не приї-мовали.

12. *Прозьба.* Къ тому тежъ просили есте его милости господаря, абы привиліевъ, твер-достей на отчизны свои, передъ ревизоромъ не покладали, а за кгрунты ваши у волоки побранные абы отмѣна дана, и съ тоѣ отмѣны абы вже рушоны не были. *Отказъ.* Его коро-левская милость рачилъ то постановити на томъ, ижъ листовъ и права своего на кгрунты черезъ то передъ ревизоромъ оказывати не маете, але передъ паномъ старостою Жомойт-скимъ привилія и твердости на имѣнья свои покладати маете. А што кому отъ ревизоровъ его королевской милости въ отмѣнѣ дано за ваши властные земли, и за што слушнѣ от-мѣна дана быти мѣла, то всемъ обывателемъ земли тамошнее господарь его милость при-виліемъ своимъ господарскимъ роскажетъ подтвердити.

13. *Прозьба.* Ознаймуе тежъ его королев-ской милости, ижъ имѣнья шляхетскіе на во-локи помѣрены, а шляхта на платѣ осажена, и просите, абы таковые при первой почтиво-сти были заставлены. *Отказъ.* Его королев-ская милость рачилъ росказати на то вамъ повѣдѣти, абы есте всехъ таковыхъ, братью свою, шляхту, чіи — то имѣнья помѣрены, пану старостѣ Жомойтскому оновѣдали, а панъ староста господарю его милости о томъ маеть знать дати; а его королевская милость вземши въ томъ порозумѣнне, учинитъ съ тымъ, што ся слушного и справедливого его милости видѣти будетъ.

14. *Прозьба.* Далѣй просили есте господаря его милости, ижбы зъ Лифлянты земли Жо-мойтскоѣ границы были направлены, и гдѣ бы што шляхетского было кому забрано, абы то томужъ было привернено. *Отказъ.* Госпо-дарь его милость росказалъ вамъ на то повѣ-дѣти, ижъ его милость около того Мистра Лифлянтского напомянути рачитъ, и кгда ся тые границы направлять и постановять, его королевская милость што слушного въ той прозьбѣ вашей обачивши учинити рачитъ.

15. *Прозьба.* А што есте господаря его ми-лости просили, ижбы отъ товаровъ вашихъ, которые за границу проважены будутъ, мыто не брано. *Отказъ.* Господарь его милость ро-сказалъ на то повѣдѣти, ижъ кгда властное збожѣ зъ имѣній вашихъ, або было домо-рослое за границу проважено будетъ, тогды то безмытнѣ пропускано быти маеть, въдыже за присягою васъ самихъ, або слугъ вашихъ, которые съ тымъ пойдутъ, штожъ тое збожѣ есть вжатѣ ваше властное и было доморо-слое, а не купленное; а што товаровъ назадъ повезено будетъ, отъ того вже мыто дати по-винны будете, кромъ зброй и коней, што на свою потребу хто будетъ провадити.

III. — Прозьбы земли Полоцкой.

1. *Прозьба.* Што есте его королевской ми-лости прѣсили, ижбы его милость господарь васъ слугъ и подданныхъ своихъ водлѣ при-виліевъ и вольностей, отъ предковъ его мило-сти господарскихъ, и отъ отца его милости, и тежъ отъ самого его королевской милости паданныхъ, рачилъ заховати, а въ домъ Божій святоѣ Софѣи и въ домъ Божій святого Спаса и въ люди тыхъ церквей не вступоватися каза-ти рачилъ, а ижбы его королевская милость, подлугъ давного обычаю, яко то за предковъ вашихъ бывало, опекуновъ церковныхъ уста-новити рачилъ. *Отказъ.* Его королевская ми-лость казалъ вамъ на то повѣдѣти, ижъ его милость не звыкъ никому привиліевъ и воле-ностей нарушати; такъ тежъ и васъ, яко вѣр-ныхъ слугъ, во всемъ при вольностяхъ ва-шихъ заставляти рачитъ, и опекуновъ, которые въ привилія вашемъ стародавномъ описаны, панъ воевода Полоцкій, восполкъ зъ вами, особъ на то годныхъ двухъ съ пановъ бояръ тамошнихъ Полоцкихъ тымъ обѣма церквамъ Божимъ, святоѣ Софѣи и святого Спаса, опе-кунами обравши установити маеть: которые пригдѣдати будутъ, абы отъ владыки и отъ игуменіи имѣнья церковные знищенія не тер-пѣли; а по смерти тыхъ духовныхъ парсунъ

№ 24. менованныхъ, и жбы тые опекуны, съ вѣдомомъ пана воеводинымъ и съ вижомъ его милости, скарбы церковные и всю маетность въ имѣньяхъ церковныхъ списывали, и списавши, тыежъ опекуны до науки его королевской милости то все завѣдати, и въ цѣлости посланцу господарьскому, который владыку, або игуменью Полоцкую увязывати поѣдетъ, здати и личьбу со всего учинити повинны будутъ.

2. *Прозьба.* Што тежъ на прозьбѣ своей его королевской милости докладаете, и жъ его милость всихъ тыхъ, которые повинность замковую полняютъ, отъ плаченъ мѣта вызволити рачилъ; а ваши мѣшане на земляхъ вашихъ живучи, восполкъ зъ мѣшане его милости господарьскими всимъ повинностямъ замковымъ досыть чинятъ, только и жъ двухъ сотъ копѣ грошей, которые мѣшане королевскіе отъ права своего Майтборского до скарбу его милости даютъ, платити помогати имъ не хочутъ, а они, для того, къ той вольности отъ плаченъ мѣта имъ даной ихъ не припускаютъ, — и просите, абы къ той вольности и ваши мѣшане были припущены; а отъ товаровъ ихъ, которые коли до Риги спускати будутъ, штобы мѣто не было брано. *Отказъ.* Его милость господарь казалъ вамъ повѣдати, и жъ мѣшаномъ Полоцкимъ тую вольность подлѣ привилеѣвъ ихъ учинити рачилъ; а вашъ привилей вольности тоѣ мѣшаномъ вашимъ не обмодляетъ; а тежъ то не есть со шкодою ихъ, кгда вольность мають торгу, и съ того мѣто даютъ, чимъ торгуютъ.

3. *Прозьба.* Еще просили есте господаря его милости, и жбы его королевская милость, заховываючи васъ водлѣ привилеѣвъ и вольностей вашихъ, серебщизны съ подданныхъ вашихъ, черезъ то, николи не брати казати рачилъ. *Отказъ.* На то его королевская милость рачилъ розказати вамъ повѣдати, и жъ серебщизну не господарю его милости, але на потребу земскую ухвалете сами и даете: про то податку такового, отъ всихъ становъ ухвале-

ного на потребу рѣчи посполитой, яко его милость до скарбу своего господарского привлашати не звыкъ, такъ и отпускати не можетъ.

4. *Прозьба.* Къ тому повѣдаете, и жъ мытникъ Полоцкій отъ товаровъ вашихъ, которые для набытѣ коней и зброй до Риги спускаете, мыто беретъ, а въ привилеѣхъ и вольностяхъ вашихъ описано, и жъ мыто на Полочанъхъ вѣчнѣ брано быти не маеть, — и просите, штобы его королевская милость, водлѣ тыхъ привилеѣвъ и вольностей вашихъ заховываючи васъ, и мѣта отъ товаровъ вашихъ не брати казати рачилъ. *Отказъ.* Господарь его милость розказалъ заховати васъ въ томъ водлѣ привилеѣвъ вашихъ; и не будете повинны давати мѣта отъ тыхъ всихъ рѣчей, штокольвекъ въ имѣньяхъ вашихъ сами властнымъ накладомъ своимъ выробивши спускати будете, такъ тежъ отъ збожѣя своего господарства и отъ быдла доморослого; а вѣдже панъ оногo товару, або его слуга маеть на первой коморѣ присягу учинити на томъ, и жъ тотъ товаръ зъ его або пана его имѣнья и властнымъ накладомъ робленъ, также и збожѣе его господарства и быдло доморослое.

5. *Прозьба.* Притомъ просите его королевской милости, и жбы для борзѣйшоѣ справедливости, судей и писаря присяжного, и печатъ его милости господарскую повѣтовую дати вамъ, и памятное и вижовое и дѣцкованое, водлѣ привилеѣвъ и вольностей вашихъ, брати розказати рачилъ. *Отказъ.* Его королевская милость на тую прозьбу вашу рачилъ казати вамъ повѣдати, и жъ тотъ артыкулъ с судѣяхъ и вижахъ рачитъ его милость откладати до статуту нового, кгдажъ недолгій часъ и рокъ на выданье статуту ознанити вже его милость рачилъ; а до того часу, маете судитися по первому, и дѣцкованое по тому, яко въ привилеѣхъ вашихъ описано, брано быти маеть; а кгда статутъ новый будетъ всимъ землямъ выданъ, на онъ часъ вже будете справоватися по тому яко ся въ статутъ постановитъ.

6. *Прозьба.* Надъ то просите его королевской милости, и жбы его милость роботы замковыхъ, городенъ наметныхъ, то есть, пустовскихъ, которые были роблены передъ тымъ волостями, зрадливо отъ непріятеля его милости посягнутыми, большъ на васъ наклапати не рачилъ, заховываючи васъ водлѣ привилеѣвъ и вольностей вашихъ: бо естли городни наметные перво сего людьми вашими зароблены были, то есте учинили за жеданьемъ святоѣ памяти Жикгимонта господаря короля его милости, отца его королевской милости, а и жъ уношину то пойти не мѣло, на што и листы его милости вказуете. *Отказъ.* Господарь его милость казалъ вамъ на то повѣдати, и жъ его милость о тую роботу замковую, ни въ чомъ не нарушаючи тыхъ листовъ, васъ заховывати рачитъ, же съ повинности тыхъ наметныхъ городенъ пустовскихъ людьми вашими робити не маете: нижли его милость отъ пана воеводы маеть вѣдомо, што тоѣ роботы есть пыльная потреба на сесъ часъ; про то жадаеть его милость васъ, добрыхъ слугъ своихъ, абы есте теперъ тые городни заробили, розобравши то межѣ себе и розложивши на люди свои; а его королевская милость листъ свой господарскій розказалъ вамъ дати, и жъ то въ пошину вамъ не будетъ; а впередъ хочеть его милость найти тому обычай, кимъ бы таковыя пустые городни заробливаны были.

7. *Прозьба.* Просите тежъ его милости о заспособенъ стрѣльбою и живностью Полоцкого замку. *Отказъ.* То его королевская милость розкажетъ осмотрѣти, и, взявши вѣдомо отъ пана воеводы Полоцкого, всими тыми потребами оный замокъ посилити.

IV. — Прозьбы повѣту Витебского.

1. *Прозьба.* Што есте просили его королевской милости: которые князи и панове и державцы имѣнья свои въ повѣтъ Витебскомъ мають, абы службу, яко военную, такъ и лежанья въ замку, коли потреба будетъ, съ тыхъ имѣній своихъ служили, имѣньями свои-

ми головнѣйшими не вымодляючися. *Отказъ.* № 24. Его королевская милость на то рачилъ розказати вамъ повѣдати, и жъ хто — кольве имѣнья свое въ повѣтъ Витебскомъ маеть, будь зъ особъ духовныхъ или свѣтскихъ, завжды часу потребы, отъ пана воеводы ознаненоѣ, маеть самъ особою своею при замку быти; а кгда самъ отѣдетъ, ино врядника, чоловѣка доброго и годного, zostавляти маеть, который часу потребы, за розказаньемъ пана воеводинымъ, при замку мѣшкати будетъ, и зъ собою такъ много людей мѣти, яко къ войнѣ; а часу войны, подлѣ статуту мають ся заховати.

2. *Прозьба.* Просите тежъ его королевской милости, и жбы въ нижнемъ и въ верхнемъ замку вѣжи оправити, также и замокъ верхній весь абы былъ оправленъ, и стрѣльбою, дѣлами и гаковницами, порохами и пушкарями заспособленъ, и шпихлеры бѣ поробити, и живностью тотъ замокъ заспособити его милость розказалъ. *Отказъ.* Его королевская милость розкажетъ то все водлѣ потребы осмотрѣти, яко панъ воевода справу его милости того дастъ и потребу окажетъ.

3. *Прозьба.* Што тежъ есте его королевской милости просили, и жбы его милость тую серебщизну, которая на два годы по пяти грошей розложена, вамъ отпустити рачилъ, и впередъ николи на васъ, яко на людехъ украинныхъ, серебщизны не брати казати рачилъ. *Отказъ.* На то его королевская милость рачилъ розказати вамъ повѣдати, и жъ серебщизну не господарю его милости, але на потребу земскую даете, и того податку, на потребу рѣчи посполитоѣ ухваленого, яко его милость до скарбу своего господарского привлашати не звыкъ, такъ тежъ и отпускати не можетъ.

4. *Прозьба.* А што билъ есте господарю его милости чоломъ, абы зъ людей вашихъ серебщизну брати потужъ яко и въ Полоцкомъ повѣтъ: который чоловѣкъ одною клячою у сохъ робитъ, абы платилъ яко отъ полсохи,

№ 24. водлѣ давнѣйшѣй звѣдѣности. *Отказъ.* Господарь его милость на то призволяти рачитъ : вѣдѣже который чоловѣкъ двѣма клѣчами у сохѣ робити будетъ, таковой абы серебщицу отъ суполнѣ сохи платилъ.

5. *Прозьба.* Докладаете тежѣ то его королевской милости, на прозьбѣ своей, ижѣ кгда панъ воевода Витебскій, за розказаньемъ его милости господарьскимъ, або за потребою своею, съ тамошняго замку зѣдетъ; тогда, хотя потреба не есть и часъ спокойный, вамъ съ почтами своими при замку лежати кажетъ: въ чомъ трудность собѣ немалую быти мѣнующи, просите, абы то впередъ вамъ чинено не было. *Отказъ.* Господарь его милость рачилъ розказати на то вамъ повѣдѣти, ижѣ князю воеводѣ Витебскому вже то отъ его королевской милости розказано: кгда потреба не вказуетъ, ижбы вамъ съ почтами вашими при замку лежати не казалъ; а вы бы тежѣ за писаньемъ пана воеводинымъ, кгда бы его милость потребу разумѣючи, къ замку вхати вамъ казалъ, въ томъ не сплосался.

6. *Прозьба.* Притомъ просите господара его милости, жебы для борзѣйшѣй справедливости, судей и писаря присяжного вамъ дати, и памятное и вижовое и дѣйкованое водлѣ привилѣевъ и вольностей вашихъ брати розказати рачилъ. *Отказъ.* Его милость господарь на тую прозьбу вашу рачилъ розказати вамъ повѣдѣти, ижѣ тотъ артыкулъ о судьяхъ и вижахъ рачитъ его милость откладати до статуту нового, кгдажѣ недолгій часъ и рокъ на выданье статуту ознанити вже его милость рачилъ; а до того часу маете судитися по первому, и дѣйкованое по тому, яко у привилѣяхъ вашихъ описано, брано быти маеть; а кгда статутъ новый будетъ всимъ землямъ выданъ, на онъ часъ вже будете ся справовати по тому, яко ся въ статутѣ постановитъ.

7. *Прозьба.* Надъ то просили есте господара его милости, ижбы вы службу военную служили и почты зъ имѣній своихъ выправовали

по тому, яко и Полочане выправуютъ, кладучи похожихъ людей двухъ дымовъ за одного отчизного чоловѣка, то есть, съ двадцати чоловѣкъ похожихъ одного коня ставити. *Отказъ.* Господарь его милость рачилъ розказати вамъ на то повѣдѣти, ижѣ его милость водлѣ давнѣйшаго обычаю зостановляти рачитъ тую рѣчь на тотъ часъ.

V. — Прозьбы повѣсту Мстиславского.

1. *Прозьба.* Што есте просили короля господара его милости, ижбы его милость князю старостѣ Мстиславскому и городничому тамошнему рачилъ казати, къ робленью городень вашихъ знову въ замку Мстиславскомъ (который, оповѣдаете, ижѣ вельми опалъ и оправленья потребуеть), и тежѣ къ робленью мосту васъ не притягивати, повѣдаючи, ижѣ вы николи съ фундату того замку не робили, одно въ половицы замку городни свои поправляли, и теперъ ихъ водлѣ давнѣйшаго обычаю, оповѣдаете, ижѣ поправляти хочете; а мосту николи робити есте повинны не были, але волостями господарьскими и нѣкоторыхъ князей и пановъ людьми мостъ роблявѣ. *Отказъ.* Его королевская милость рачилъ розказати на то вамъ повѣдѣти, ижѣ замокъ и мостъ всимъ при тамошнемъ замку мѣшкающимъ есть потребенъ: про то, яко его королевской милости подданные, такъ и ваши люди будутъ повинны замокъ и мостъ робити; а подданные господарьскіе князьскихъ и паньскихъ замковъ не будутъ.

2. *Прозьба.* Къ тому просили есте о листъ его королевской милости до князя старосты Мстиславского и до ротмистра тамошняго, абы хоромъ будованья вашего въ замку не розбирано; а особливо о листъ до ротмистра тамошняго просите, абы драбовъ въ имѣнья ваши не всылалъ и шкодъ чинити не допускалъ, яловицъ и барановъ и збожья въ селѣхъ и на торгу уставою брати не казалъ, але ижбы цѣною ихъ куповано; и еще другій листъ заручный, о небезпечность здоровья, до негожѣ

штобы вамъ былъ данъ. *Отказъ.* Господарь его милость рачилъ розказати вамъ на то повѣдѣти, ижѣ листъ до князя старосты Мстиславского и до ротмистра тамошняго будетъ вамъ данъ, штобы будованья вашего въ замку не розбирано. А што ся дотычетъ драбовъ, господарь его милость велѣлъ вамъ повѣдѣти, ижѣ драбовъ при тамошнемъ замку его милости, для потребы того замку и для лѣпшой безпечности вашею ховати рачитъ: про то, естли хочете, жебы драбы въ имѣнья ваши не входили, и вы бы всякую живность до мѣста Мстиславского на торгъ возили; а его королевская милость розказати рачилъ ротмистру тамошнему и драбамъ, живность не уставою, але торгомъ куповати; а листъ свой господарскій велѣлъ его милость дати, грознѣя заказючи ротмистрови, абы ся спокойнѣ къ вамъ заховалъ. А особливо его милость господарь листомъ своимъ князю старостѣ тамошнему розказати хочеть, ижбы шляхты тамошнее утискати и некоторого безправья и трудности чинити имъ не допускалъ.

3. *Прозьба.* Оповѣдаете тежѣ его королевской милости, ижѣ на тотъ часъ хоружого тамъ во Мстислави нѣтъ, и просите за братомъ вашимъ Богданомъ Селицкимъ, жебы господарь его милость хоружое тамошнее ему дати рачилъ. *Отказъ.* Король его милость на то рачилъ розказати вамъ повѣдѣти, штожѣ хоружое тамошнее тому брату вашему Богдану Селицкому дати рачилъ.

Изъ Литовской Метрики (Публ. дѣлъ, кн. IV, л. 100—116), хранящейся при Правительствующемъ Сенатѣ, въ С. Петербургѣ.

25. — 1559 Ноября 16. Окружная королевская грамота, о подвозѣ кормовъ жолнерамъ, отправленнымъ въ Ливонію.

Жикгимонтъ Августъ, Божьею милостью король Польскій, великій князь Литовскій, Русскій, Прускій, Жомойтскій, Мазовецкій и иныхъ, княземъ, паномъ, воеводамъ, старо-

стамъ, державцамъ, намѣстникомъ, тивуномъ, № 25. земляномъ, бояромъ и дворяномъ нашимъ, и тежѣ войтомъ, бурмистромъ и радцамъ, и всимъ подданнымъ нашимъ, и князскимъ, и панскимъ и духовнымъ. Отправили есмо на замки наши въ земли Ифлянтской старосту Чечерского и Пропойского пана Юрья Зеновевича, зъ ротою его людьми вѣдными: и вы бы вездѣ по дорожѣ, ажѣ до границъ Ифлянтскихъ, на торги и на станы живности для ихъ самихъ и для коней велѣли везти, и продавати водлѣ уставы нашей нижей описаной, то есть: за вола оремного осмдесятъ грошей, за корову телную сорокъ грошей, за яловицу двадцать чотыри гроша, за вепра кормного двадцать грошей, а за некормного дванадцать грошей, за свинью десять грошей, за барана шесть грошей, за гусь грошъ, за двое куръ грошъ; за копу жита осмъ грошей, за бочку жита десять грошей, за кулъ овса пять грошей, за бочку овса шесть грошей; и кгда зъ земли Ифлянтской у пипованье онъ пошлетъ, абы есте таковыя живности водлѣ тоѣ уставы нашею продавали. А естли бы подданные наши, або тежѣ ваши, князскіе, панскіе и духовныхъ, тыхъ живностей на станы ихъ везти або продавати по той уставѣ вашей не хотѣли: тогда они взявши вижа зъ уряду, гдѣ бы который наблизшій былъ, мають сами, за вижомъ, таковыя живности брати и водлѣ уставы нашей верху мѣненой платити, але надъ тую уставу, подданнымъ утиску жадного не мають чинити, подъ строгимъ караньемъ нашимъ. Писанъ у Вильни, мѣста Божьего нароченья 1559, мѣсяца Ноября 16 дня.

Подлинникъ писанъ на полулистѣ. Внизу грамоты скръпа: Остаеи, маршалокъ и писарь. Печать Литовская малая, подъ кустодіею. На оборотѣ отпечатка современная: List. . . do wszystkich stanów, aby po drodze do Inflant . . . żołnierzom żywność podwożowali.

Хранится въ Императорской Публичной Библиотецѣ.

№ 26
— 27.

26. — 1559 Декабря 23. Наказная королевская грамота гетманам Яну Ходкевичу и Юрию Зеновичу, *объ охраненіи Ливонскихъ замковъ и о содѣйствіи Мистру Кетлеру въ войнѣ съ Русскими.*

Жикгимонтъ Августъ, Божьею милостью король Польскій, великій князь Литовскій, Русскій, Прускій, Жомойтскій, Мазовецкій и иныхъ, гетманомъ нашимъ, до земли Ифлянтской отъ насъ посланнымъ, столнику великого князства Литовского, старостъ Люценскому пану Яну Еронимовичу Ходкевичу, и старостъ Чечерскому и Пропойскому пану Юрию Николаевичу Зеновичу. Ознаймуемъ вамъ, ижъ воеводъ Троцкому, гетману навишному великого князства Литовского, старостъ Мозырскому, державцъ Лидскому и Бѣлицкому пану Николаю Юрьевичу Радивилу, зъ войски нашими вже есмо рушится казали, якожъ на день Нового лѣта панъ гетманъ маєтъ быти на мѣстцы, къ збиравью всимъ землямъ назначеномъ; особливый тежъ нѣкоторый почотъ людей отправляемъ на помощь войску Ифлянтскому: про то штобы есте поспѣшались, и вси замки, до которыхъ посланы, въ мощъ свою взяли. Бо вже есмо до мистра Ифлянтского писали, ижъ тебе, пане Зеновичу, съ тыми людьми, которые при тобѣ суть и што отсель отправляемъ, на помощь до войска его шлемъ: и яко мистръ Ифлянтскій до тебе напишетъ, взываючи къ собѣ, абы еси со всеми тыми служебными людьми, вземъ Бога на помощь, тягнулъ до него, тыми мѣстцами, гдѣ онъ тобѣ oznаймитъ, а не при границы Московской. А мы до него писали, абы онъ о безпечное преистье тобѣ до войска его отъ Московскихъ людей причинилъ ся. А кого отсель отправимъ, тотъ тамъ же въ земли Ифлянтской съ тобою ся зведетъ, або пакъ у войску тебе найдетъ. А яко зъ замковъ оба-два, такъ и въ томъ тягненьи, и до войска къ мистру притягнувши, того бы есте съ пильностью стерегли, абы въ землю Московскую въѣзду и жадноу шкоды

не чинили: только, если бы битву Москва зъ вами становити хотѣли, альбо загоны въ землю Ифлянтскую пускали; на тотъ часть, вземши Бога на помощь, не допускаючи шкоды чинити, будете то дѣлати што добрымъ и вѣрнымъ слугамъ нашимъ належитъ, застановляючися противъ силамъ того непріятеля. Въдѣже кгда ты, пане Зеновичу, зъ замку зѣдешъ, нехай бы ся панъ Остикъ староста, для большоу безпечности, съ почтомъ своимъ осталъ на замку, але роту суполно, яко пѣнези взялъ, абы послалъ при тобѣ, уставивши поручника, которого человека доброго и годного, о чомъ есмо и до него листъ нашъ писати казали. А поколѣ панъ Зеновичъ отъ мистра зъ войска вернется, ты, пане столнику, въ чуйности и въ великой осторожности былъ бы еси, и старостъ на другихъ замкахъ и роты о то напоминалъ; и што певного поновится зъ стороны непріятельской, намъ бы и пану гетману вѣдати давалъ. Писанъ у Вильни, лѣта Божьего нароченья 1559, мѣсяца Декабря 23 дня.

Подлинникъ писанъ на листъ. Королевской подписи нѣтъ. Внизу грамоты скръпна: Остаеи, маршалокъ и писарь. Бывъ сложенъ и запечатанъ, импѣтъ на пакетъ адресъ, съ титулами обоимъ гетмановъ, какъ означено въ заглавii акта.

Хранится въ Императорской Публичной Библиотецѣ.

27. — 1560 Января 8. Грамота гетманамъ Яну Ходкевичу и Юрию Зеновичу, *съ выговоромъ за промедленіе въ походъ и причиненіе обидъ жителямъ, на пути въ Ливонію.*

Жикгимонтъ Августъ, Божьею милостью король Польскій, великій князь Литовскій, Русскій, Прускій, Жомойтскій, Мазовецкій и иныхъ, гетманомъ нашимъ въ земли Ифлянтской, столнику великого князства Литовского пану Яну Еронимовичу Ходкевичу, а ста-

ростъ Чечерскому и Пропойскому пану Юрию Зеновичу. Што маючи росказанье и листы наши, абы есте на замки наши въ земли Ифлянтской што наборзды тягнули, отписуете намъ, ижъ колько недѣль собравшись на пограничью лежите; нижли трудность быти прекладаете тамъ безъ спижы тягнути, не вѣдаючи о шафарахъ и о стацыи, которая на тыхъ замки маєтъ быти зъ вами проважена: о томъ первѣй сего писанья вашего маемъ вѣдомость, ижъ збожья и иныхъ живностей немало до Дунемборку звезено, чого тамъ ся ближе могли есте довѣдати, а такъ долго для того не мѣшкать было на одномъ мѣстцы; бо зъ Дунемборку на иншіе замки мають тые спижы подавати. А тое мѣшканье ваше на одномъ мѣстцы и въ тягненьи въ дорожъ жалобы зъ плачомъ отъ подданныхъ до насъ доносить; ино выписывати того на тотъ часть занѣхиваемъ, ажъ будетъ все списано: бо маемъ вѣдомо, ижъ вы не яко въ панствѣ нашемъ, але яко въ непріятельской земли спижовались, о чомъ особливо дворянинъ нашъ будетъ посланъ и таковыи вси кривды и шкоды спижетъ; за што повиненъ будетъ кождый отповѣдати, на кого въ чомъ вина будетъ дана. Къ тому што есмо писали, абы ты, пане Зеновичу, на листъ мистра Ифлянтского, до войска Нѣмецкого тягнулъ со всеми ротмистры и ротами вѣдными, твоей справѣ поручеными, зоставивши пана Остика на замку Рѣзицы съ пѣшими людьми; а вы отписуете, ижъ есте тотъ листъ и волю нашу ротмистромъ и товаришомъ оповѣдали, и они вси одностайнѣ колько причинъ на то повѣдали: первая, ижъ пѣнязей на то не брали, абы мѣли до войска Нѣмецкого тягнути, але одно за тые пѣнязи на замкахъ нашихъ полрока служити, и иные многіе причины, такую заплату яко у войску Ифлянтскомъ и далекость дороги прекладаючи. Тому всему зрозумѣвши, дивуемся не помалу, и то за новую а небывалую рѣчь отъ васъ пріймемъ: бо того николи не бывало, ижбы мѣли служебные

люди вѣдные замѣренные тягненья противко № 27. непріятелю мѣти, и, взявши пѣнези, только на замкахъ лежати, на што бы непотреба вѣдныхъ, только пѣшихъ, абы замковъ оборонити. А што примовляются къ такой заплатѣ, яко у Нѣмецкомъ войску платятъ: ино досыть немалую заплату взяли, а тежъ не водлѣ Нѣмецкого обычаю почты свои оказали, яко есмо зъ реистру попису вырозумѣли, и хочемъ мѣти, абы ништо таковыми причинами вымовы чинити не смѣлъ; але абы еси, пане Зеновичу, водлѣ первшого листу и росказанья нашего, зъ ротмистры вѣдными и съ тыми, которые при пану столнику, — кромѣ тыхъ стаконой, на которые тобѣ, пане столнику, пѣнязи даны, — за писаньемъ отъ мистра Ифлянтского, до войска его тягнулъ, на тые мѣстца, куды онъ oznаймитъ, и вже бы есте съ тому способляли. Нижли, если бы князь Полубенскій, которого съ Татары тамъ же отправляемъ, надтягнулъ, яко бы посполъ съ тобою до войска ихъ притягнулъ: про то отпишешъ до мистра, што вже тягнути хочешъ, але причину каковую задаси, што бы къ спѣшному тягненью переказило, а для того часу притягненья до войска его не oznаймишь. А што ты, пане столнику, за листомъ и росказаньемъ нашимъ, не отмовляешся пильности къ службѣ нашей мѣти, и oznаймуешь, ижъ на Себѣжу козаковъ Московскихъ семь сотъ, а въ Красномъ городку, полтрети мили отъ Люцена, чотыри ста козаковъ: ино, яко есмо перво до тебе писали, такъ и теперъ хочемъ мѣти, абы еси съ пильностью стерегъ, ижбы никоторые уторжки и зацепки въ непріятельскую землю зъ наше стороны не были. А если бы непріятельскіе люди мѣли злый умыслъ въ землю нашу ити, тогды порозумѣватися будешъ въ томъ зъ воеводою Полоцкимъ, державцою Свислоскимъ паномъ Станиславомъ Станиславовичомъ Довоиною; а панъ воевода Полоцкій, маючи науку въ томъ отъ насъ даную, помочь и посидокъ людьми къ

№ 28. отпору тымъ людемъ неприятельскимъ додавати тобѣ будетъ. Писанъ у Вильни, мѣста Божьего нароженъ 1560, мѣсяца Генваря 8 дня.

Подлинникъ писанъ на листѣ. Въ концѣ грамоты скрѣпа: Остаеи, маршалокъ и писарь. Бывъ сложенъ пакетомъ и запечатанъ, имѣетъ адресъ на имя обоихъ гетмановъ, какъ означено въ заглавіи акта.

Хранится въ Императорской Публичной Библиотеки.

28. — 1561 Февраля 20 Уставная королевская грамота Могилевскимъ мѣщанамъ, съ объясненіемъ данныхъ имъ льготъ, также разныхъ повинностей и податей, подлежащихъ ко взносу въ казну съ земель, товаровъ, ремеслъ и проч.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ. Били намъ чоломъ подданные наши, вси мѣщане мѣста нашего Могилевского о томъ, ижъ што которое постановленіе съ помѣры новоѣ, за росказаньемъ нашимъ госполарскимъ, учинено есть около платовъ и пожитковъ нашихъ, которымъ обычаемъ доходы до скарбу нашего давати и вси ихъ повинности въ каждый годъ они полнити мають, якожъ и устава отъ тыхъ, кого староста посылалъ на свое мѣстцо, дана имъ есть: ино били они намъ чоломъ, абыхмо нашу господарскую уставу имъ на то дали, и то все, на што они повинни быти мають, на уставъ нашой господарской выписали. А про то, хотячи, абы захованы были во всемъ подданные наши водлѣ уставы имъ даноѣ на сесь часъ, казали есмо на семъ листѣ напомъ выписати ее, слово отъ слова. И такъ ся въ собѣ маеть:

На-первѣй: зъ волокъ къ мѣсту вымѣренныхъ, которые суть кгрунту середнего, мають платити, водлѣ уставы нашеѣ, съ каждоѣ волоки грошей сорокъ; а особливо, за пригоны и

иные повинности старые зъ волоки грошей дванадцать. А зъ домовъ, въ рынку отъ прута пѣнязей по-дол-осма, а въ улицахъ отъ прута пѣнязей по пол-пяти; зъ огородовъ въ мѣстѣ отъ прута пѣнязей по пол-третья; зъ моркговъ полныхъ на предмѣстью, также зъ моркговъ сѣножатныхъ, надъ рѣкою Днѣпромъ помѣренныхъ, грошей по три; зъ сѣножателей на болотахъ помѣренныхъ, отъ моркгу грошъ одинъ и пѣнязей пять. Съ застынковъ мѣстскихъ, хто ихъ принялъ, мають платити до скарбу нашего по тому, яко въ реестру на врьдѣ зоставленомъ есть описано. А тотъ весь податокъ, водлѣ уставы нашеѣ, съ помѣры новоѣ въ року прошломъ шестидесятомъ поставленный, мають почати до скарбу нашего платити въ року теперешнемъ шестидесять первомъ; а почати отдавати имъ тотъ податокъ въ каждый годъ, на рокъ и часъ певный, то есть, отъ дня нароженъ святоѣ Пречистоѣ. А при отдаванью тыхъ платовъ и податковъ нашихъ, не маеть урядъ на себе большъ писчого и бирчого зъ нихъ брати, одно зъ волоки пѣнязей дванадцать. А хто волоки не держитъ, тотъ только отъ воротъ пѣнязи два дати повиненъ, а зъ моркгу полного, также и сѣножатного пѣнязей одинъ. А иныхъ некоторыхъ повинностей полнити, податковъ и стадей давати, и зъ листы нашими и врьдничими ѣздити неповинни, окромъ тыхъ платовъ и повинностей ихъ, тутъ вышей и ниже описанныхъ.

Съ корчомъ мѣстскихъ, въ которыхъ медъ и пиво шинкуютъ, и отъ горѣлки, и тежъ съ коморы мытной, и отъ важчого, што держатъ на три годы на арендѣ жидове Берестейскіе, Аврамъ Длукгачъ и Еска Шломичъ, дають до скарбу нашего въ каждый годъ, водлѣ аренды, копъ тысячу и чотыриста; а часъ выдержанья ихъ тоѣ аренды, отъ року теперешнего шестидесять первого, отъ дня Нового лѣта до двухъ годовъ. Окромъ обѣстки отъ людей купецкихъ переѣздчихъ, которая завжды на пожитокъ старостинъ приходитъ, а окромъ скла-

ду замкового, который уряду вольно на пожитокъ свой мѣти одинъ кротъ до году, къ святу святого Іоанна Крестителя (а сытити ему пятьдесятъ пудовъ меду, ваги тамошней Могилевской, або што похочетъ), и особливо тежъ окромъ складовъ поповскихъ и мѣщанскихъ, въ которыхъ сытити медъ вольно попомъ семь кротъ на годъ, то есть, къ святу святого Спаса, и на день Вознесенія Христова, и къ святой Троицы, къ Матцѣ Божой, и на день святого Николы, и на день святыхъ Апостоловъ Петра и Павла, и на день святого Ильи; одно жъ за каждымъ разомъ, не большъ, только за два рубли грошей широкихъ меду купивши, розсытити мають, — къ тому, мѣщаномъ мѣста Могилевского вольно есть въ каждый годъ дванадцать складовъ на пожитокъ ихъ мѣти, къ святому урочистымъ, коли они сами похочутъ; одно жъ за каждымъ разомъ, не большъ, только за два рубли грошей широкихъ меду купивши, сытити они мають. Надъ то вольно всимъ мѣщаномъ тамошнимъ въ домѣхъ ихъ, на властную ихъ потребу, а не на продажу, медъ и пиво мѣти, то есть: къ веселью, къ выданью дѣвки и къ ожененью сына, и на коляцью, коли ся то кому пригодитъ; а за вѣдомомъ мытниковъ, и горѣлку на тые ихъ потребности въ домѣхъ ихъ палити. Еще въ каждый годъ пять кротъ, къ святому урочистымъ, то есть: къ Божьему Нароженью, къ Запустомъ великимъ, на недѣлю Масленую, къ Великодню, къ святой Троицы и къ святому Николѣ осеннему, мають вольность вси мѣщане мѣста Могилевского горѣлку въ домѣхъ ихъ палити; одно жъ за каждымъ таковымъ разомъ, не большъ, только по одной четверти солоду, мѣры тамошней Могилевскоѣ, на горѣлку спалити вольно.

Вольности мѣщанъ нашихъ: на-первѣй, отъ работъ замковъ нашихъ украинскихъ ихъ вызволяемъ; нижли роботу замку тамошнего и паркану мѣстского повинни будутъ оправовати, и переконъ около замку и около паркану мѣстского копати, выправуючи зъ домовъ

своихъ къ той работѣ каждый противъ со- № 28. бѣ чергою: вѣдѣже не будутъ они повинни большъ замку и паркану робити, также ихъ оправовати, и перекопу замкового и парканового копати, одно четвертую часть противъ волости, а волость три части; бо и передъ тымъ завжды такожъ повинни были волошане къ каждой работѣ замковъ нашихъ зъ волости выправовати. Слобожане, кувичники и вси тии мѣщане, которые передъ тымъ званы были сусѣдами и огородниками, мають нести одну повинность зъ мѣщаны, въ работѣ замку и паркану, и въ копанью перекопу, и тежъ въ даванья податковъ, водлѣ теперешней новоѣ помѣры на мѣщанъ уставленоѣ. Вѣдѣже врьдѣ, для вымысловъ своихъ, обтяжати поданныхъ тою работою не маеть, але яко зъ войтомъ мѣстскимъ и съ сотниками чергу работы на мѣщанъ постановитъ, такъ вже не маеть ихъ большъ къ той работѣ притягивати; одно тими людьми съ черги уставлеными робити, поколѣ роботу зачатую доконають. А ижъбы тымъ спѣшнѣй тая работа ся поспѣшала, тогда будутъ повинни почати роботу вышей описаную въ томъ року, коли того будетъ потреба указовати, отъ дня Благовѣщенья святоѣ Пречистоѣ: вѣдѣже часъ потребности таковыхъ работъ врьдѣ розузнавати будетъ.

Сторожу тежъ въ мѣстѣ, въ парканѣ и на вѣжахъ паркановыхъ абы мѣщане завжды мѣли; а для того мають брати на пожитокъ свой мѣстскій, до воли и ласки нашеѣ, съ крамницъ мѣстскихъ, и зъ ятокъ мясныхъ, также и зъ лавокъ рыбныхъ и хлѣбныхъ, и съ каждого дробного товару певный платъ: отъ крамницъ и отъ лавокъ, то есть, отъ каждоѣ крамницы, зъ якимъ — кольвекъ товаромъ хто въ ряду сѣдѣти будетъ, маеть дати въ годъ грошей дванадцать, а зъ лавки отъ локтя пѣнези два; и тотъ податокъ войтъ мѣстскій до рукъ своихъ отбирати, и за вѣдомостью сотниковъ и иныхъ мѣщанъ головнѣйшихъ, на

№ 28. пожитокъ и потребу мѣстскую оборочати маеть.

А при замку тамошнемъ млынъ для пожитку замкового и потребъ мѣстскихъ завжды можетъ быти забудованъ на рѣцѣ Дубровенцѣ: ино, естли бы коли весною, альбо въ осень, также лѣтомъ, альбо зимою вода кгвалтовная пришла, которая бы тому млыну шкодити мѣла; тогда абы въ часть навалности, вси мѣшане бѣгли на ратунокъ отъ воды, яко на кгвалтъ, подъ казнью вины дванадцати грошей.

Коморники въ мѣстѣ тамошнемъ, которыхъ избу або комору у подворника наймуютъ, и подъ теперешнимъ часомъ того постановленья въ мѣстѣ мѣшкаютъ, и которыхъ бы потомъ до мѣста приходили, о таковыхъ мають давати вѣдомость войты вряду замковому; а они, водлѣ уставы наше, будутъ повинни платити до скарбу нашего въ каждый годъ по два грошы; и тотъ податокъ также почати отдавати мають въ року теперешнемъ шестьдесятъ первомъ.

Стаций на послы и гонцы некоторыхъ мѣшаномъ не давати: ино то все съ скарбу нашего опатровано быти маеть.

До сторожы замковоѣ, на кликанье и на иншыя потребы, повинни мѣшане зъ волостью шестнадцать сторожовъ нанявши, въ каждый годъ давати, то есть, мѣшане чотырехъ, а волошане дванадцать чоловѣковъ дати мають; а на наймованье тыхъ сторожовъ складатися мѣшаномъ пѣнязми зъ домовъ по только, по кольку прійти зъ нихъ можетъ, чимъ бы одно тыхъ чотырехъ сторожовъ наняти могли.

Тежъ мѣшане мѣста тамошнего повинни вси и каждый зособна, для обороны, въ часть небезпечности земскоѣ отъ непріятеля нашего, стрѣльбу всякую, то есть, гаковницы, ручницы и сагайдаки и иншую оборону, то есть, рогатины и што иного къ той оборонѣ наемжитъ, въ домѣхъ своихъ мѣти; а хто не можетъ большъ, ино хотя одну ручницу и рога-

тину нехай маеть, а безъ обороны таковоѣ въ дому своемъ нехай не мѣшкаеть.

Вольности мѣшаномъ до ловленья рыбъ на рѣцѣ Днѣпрѣ водлѣ обычаю стародавнего, але до озеръ селскихъ некоторого уступу мѣшаномъ не мѣти. Ъзы тежъ на мѣстцахъ звыклыхъ мѣшаномъ забивати вольно, также и перевѣсья на Днѣпрѣ, на старыхъ ловищахъ; а ловячи рыбы, мѣшаномъ межи зереманы бобровыми на берегу не становитися и сътей бобровыхъ не мѣти.

По дерево, на будованье и на дрова и на иншыя потребы свои, мѣшаномъ вездѣ до лѣсовъ и пущъ подданныхъ нашихъ вѣзджати вольно, отъ мѣста за двѣ мили, одно жъ дерева бортного казити не мають.

Тежъ вольно мѣшаномъ, ѣздячи по волости, скуповати всякіе рѣчи торговые и везти на торгъ свой, до Могилева; а гдѣ бы на торгу своемъ чего не продали, ино вольно имъ то на обчихъ торгахъ продавати.

Сѣножатей тежъ мѣстскихъ вряду замковому коньми своими не травити, а ни сѣна мѣстского не брати.

Вины на насъ господаря и на вряду нашъ: вина битая, судомъ осужоная, полтина грошей; а естли только обжаловавши, зѣднאותся, ино дванадцать грошей вины на томъ, хто еднаеть; а иншая всякая вина, отъ рубля десять грошей: таковыхъ винъ до скарбу нашего двѣ части, а на вряду нашъ третья часть. Винъ некоторыхъ вряду нашъ на мѣшанахъ нашихъ слугамъ своимъ выдавати не маеть. Пересуду на вряду отъ рубля пять грошей, то есть, отъ десяти грошей полгроша; а хто отяжется, ино только памятного чотыри грошы дати повиненъ. А дѣцкованья отъ мили грошъ; вижованого, естли зъ мѣста не поѣдетъ, два грошы, а поѣдетъ ли зъ мѣста, ино помилное. Также и отъ пригляданья присѣги вижови платити два грошы; дяку врядуничому отъ суда, записного грошъ одинъ, а кому выпишу надобъ, ино другій грошъ за выписъ. Отъ

выданья святости до присѣги грошъ одинъ; а если не присягнетъ, ино только полгроша виненъ дати. Куницы свадебные отъ каждоѣ невѣсты, яко и дѣвки одинако мають быти даваны по дванадцатѣ грошей, то есть, на вряду замковый десять грошей, а войту грошы два. Тежъ о межу на волокахъ къ мѣсту помѣренныхъ, и въ застѣнкахъ, и на сѣножатехъ мѣстскихъ, и обѣ испашъ и страву войтъ мѣстскій коли осудитъ, ино отъ поправленья межи собѣ чотыри грошы возьметъ, а другую чотыри грошы на вряду отдасть. Мѣшане въ мѣстѣ мають вже отъ того часу перестати розрубовъ и розметовъ класти на мѣшанъ нашихъ: бо вже мѣшане отъ того вызволены и выняты суть.

Люди князьскіе, паньскіе и боярскіе, пріѣзжаючи до мѣста у буденный день, окромъ торгового дня въ недѣлю, товару своего на разнѣ продавати и шинковати имъ не мають, одно уздоймомъ продавати; а купцы пріѣзжіе не мають съ товары своими межи крамы мѣстскими въ рынку стояти, але каждый въ домъ гостинный нехай ѣдетъ и подлѣ давного звычаю товары своими торгуеть. Торговое на вряду маеть быти брано зъ людей пріѣзжихъ на торгъ, то есть: отъ мѣры всякого збожья и отъ солодовъ, отъ бочки ново въ мѣру чотырехъ корцовъ постановленной, пѣнязей по чотыри, а отъ корца по пѣнязю одному, а иншое всякое торговое водлѣ обычаю звыклого на вряду брано быти маеть.

Тежъ жита, овса, сѣна и дровъ на вряду замковый мѣшаномъ не давати, и въ подводѣ въ потребъ врядуовой и тежъ въ ловы не ходити, и коней своихъ подлѣ слуги и посланцы врядуовые не давати.

А къ тому, для лѣпшоѣ вольности мѣшанъ нашихъ, вряду надъ мѣшаны жадныхъ побоевъ не чинити, а вѣдѣже злочинцовъ и лихихъ людей водлѣ заслугъ ихъ карати; а упорныхъ и неповстагливыхъ до везенья сажати, а иншихъ людей, которые одно коли у

вину нашу впадутъ, ино винами небольшими, № 28. только водлѣ уставы наше карати.

А ижъ въ мѣстѣ тамошнемъ войта и лавниковъ и некоторого вряду мѣстского первѣй не было, для того великій непорядокъ въ мѣстѣ, и отъ дворянъ нашихъ и отъ иншихъ становъ въ бранью стапей и иншихъ рѣчахъ обтяжливость немалая дѣялася: ино съ теперешнего нового постановленья, поручено и дано есть войтовство мѣшанину мѣста тамошнего Несе-ду Іосифовичу; а особливо, для лѣпшого порядку и справы въ мѣстѣ межи подданными нашими, установлено чотырехъ сотниковъ, поручивши каждому зъ нихъ певную часть людей подлѣ справою своею мѣти: про то войтъ маеть во всемъ порядку мѣстского доглядати, и слушнѣ а ряднѣ справовати во всехъ рѣчахъ, и потребы мѣстскіе къ вряду нашему замковому доносити; а тые сотники, вмѣсто лавниковъ, во всякихъ справахъ войту допомогати и къ нему во всемъ послушенство чинити мають: вѣдѣже войты некоторыхъ справъ мѣстскихъ, безъ сполноѣ намовы съ сотниками и съ иншими мѣшаны головнѣйшими, въ рѣчи посполитой мѣста того становити и отправовати не мають. А за працу войту, водлѣ уставы наше, волока одна и домъ въ мѣстѣ отъ платѣ вольный на дано есть. Особливо тежъ войтъ повиненъ будетъ пожитковъ нашихъ примножати, и того перестерегати, ижбы справедливо а суполно платѣ, и доходы наши, и вины, водлѣ теперешнеѣ уставы наше отдаваны были, и при отбиранию тыхъ платовъ нашихъ, при вряду онъ завжды быти повиненъ. А што ся дотычетъ сотниковъ, ино ижъ они меншую працу нижли войтъ мѣти будутъ, тогда, до воли и ласки наше, маеть мѣти вольность каждый зъ нихъ отъ плаченья съ одноѣ полволоки податку нашего, зъ волокъ мѣстскихъ описаного; одножъ съ другоѣ половины волоки, водлѣ уставы наше, до скарбу нашего тотъ податокъ давати будутъ повинни: и за то мають они тыхъ людей,

№ 29. въ справу имъ порученыхъ, въ дозрѣную своею мѣти, и потребности ихъ вряду доносить, и завжды за росказаньемъ врядовымъ, въ часъ небезопасности отъ непріятеля нашего, и къ каждой потребѣ, такъ ко оборонѣ замковой, яко и къ работѣ, съ тѣми людьми поготову быти.

Повинность того мѣста на подводны: вси мѣщане мѣста Могилевскаго будутъ повинны платити, водлѣ уставы нашею, на подводны съ каждого дому грошы по два; а хто волоку держитъ, тогда особно отъ волоки маеть дати грошы три, а съ моркгу при мѣстѣ пѣязи чотыри, а отъ прута огородного мѣстскаго пѣязь одинъ. А особливо, хто едвѣбными рѣчми торгуеть, тотъ дати повиненъ грошы чотыри; а хто сукины и иными крамными товары торгуеть, ино грошы два; а отъ золотаря также грошы два; а хто шинкѣ, кормчу держитъ, тотъ отъ меду грошъ одинъ, и отъ пива грошъ одинъ дати маеть. Рѣзники, каждый того ремесла уживаючи, повиненъ дати грошъ одинъ; а къ тому крамцы, кушеры, котельники, ковалы, слесары, бондары, колесники, шевцы, рымары, сыромятники, дуботолки, сѣдлары, гончары, пекары, дойлиды, солодовники, и каждого иного ремесла хто-козвекъ уживати будетъ и обходитися тѣмъ ремесломъ, въ мѣстѣ сѣдлачи: маеть съ ремесла такового дати грошъ одинъ, але отъ товаришомъ неповиненъ платити; а отдаючи тѣ пѣязи, бирчого и нисчого неповиненъ большей дати, только одинъ пѣязь, хотя мало або много дастъ. И вже они тѣ пѣязи подводные отдавши, жадныхъ повинностей подводныхъ полнити неповинны: одо посланцу нашему господарскому, за наемъ, будутъ повинны дати, коли ся трафитъ, коней съ потребу, за листомъ нашимъ; а имъ будетъ плачено отъ того, кому будутъ подводны давати, водлѣ уставы нашею господарскою, отъ каждого коня на мило по одному грошу, а отъ возовъ

подводны отъ коня полтора гроша, а отъ двухъ коней съ возомъ по три грошы.

И тую уставу нашу давши есмо подданнымъ нашимъ того мѣста, хочемъ мѣти, абы они въ томъ во всемъ, яко вышей описано есть, захованы были до воли и ласки и иного поставленья нашего; на што дали есмо имъ сию нынѣшнюю уставу нашу, съ нашою печатью. Писано у Вильни, лѣта Божьего нароженья 1561, мѣсяца Февраля 20 дня. — «Остаею, маршалокъ и писарь великаго князства Литовскаго».

Изъ рукописнаго Сборника грамотъ жалованныхъ городу Могилеву (писанъ въ л., въ XVI и XVII в.), хранящагося въ Могилевской Семинарской библиотекѣ. Списокъ сего акта, стариннаго письма, находится и въ тамошнемъ Архьерейскомъ архивѣ, въ связкѣ подъ № 43. См. Бѣлор. Арх. др. грамотъ, 1, 20 — 27.

29. — 1562 Октября 20. Жалованная грамота королевскому дворянину Боркулабу Корсаку, о предоставленіи ему въ пожизненное владѣніе Полоцкаго Предтеченскаго монастыря съ отчинами и пожитками, съ правомъ имѣть въ немъ своего наместника.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій и иныхъ. Ознаймуемъ симъ листомъ нашимъ, што который монастырь въ Полоцку святого Ивана Предтечи, на островѣ, перво сего дали есмо были иноку Арсенію, до живота его; ино, ижъ за писаньемъ и жеданьемъ воеводы Полоцкаго, державцы Свислоскаго, пана Станислава Станиславовича Довойна и за чолумбитьемъ бояръ, шляхты и всея земли Полоцкаго, тому иноку Арсенію, съ ласки нашею господарскою, дали есмо архіепископство владычество Полоцкое, за чимъ тотъ монастырь, яко подаванье наше господарское, зася въ руки наши пришло: ино

мы оный монастырь на островѣ святого Ивана, за чолумбитьемъ дворянина нашего Боркулаба Корсака, дали есмо и симъ листомъ нашимъ даемъ тому упередъ менованому Боркулабу Корсаку, до его живота. Маеть онъ тотъ монастырь святого Ивана на островѣ, по тому яко и первые (*) держали, со всеми церквами, и съ имѣньями, съ селы и съ людьми здавна къ тому монастырю прислухающими, и со всеми пожитками, якимъ — козвекъ именемъ могутъ быти названы, держати и спокойнѣ уживати, до живота своего, маючи у справѣ своей поповъ, черницъ и чернцовъ и весь станъ духовный, которые здавна послушенство къ настоятелю того монастыря чинити повинны; и маеть онъ въ томъ монастыри отъ себе мѣти особу духовную, чолумба научнаго, который бы умѣлъ въ справахъ духовныхъ водлѣ закону Греческаго справоватися, и за насъ господаря Бога просити, съ пильностью того досмотряючи и стерегучи, абы хвала Божья въ томъ монастыри, по тому яко и теперь есть, была и ничимъ ся не вменшала. И на то есмо ему Боркулабу дали сесь нашъ листъ съ нашою печатью и подписаньемъ руки нашею. Писанъ у Вильни, лѣта Божьего нароженья 1562, мѣсяца Октября въ 20 день. — Подпись руки господарскою. — «Остаею Воловичъ».

Изъ Литовской Метрики (Запис. кн. XLIV, л. 65), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Листъ данный Боркулабу Корсаку на монастырь въ Полоцку святого Ивана на островѣ, до живота его.

30. — 1562 Октября 22. Жалованная грамота Полоцкаго Предтеченскаго монастыря иноку Арсенію Шишкѣ, на Полоцкую и Витебскую архіепископію.

Жикгимонтъ Августъ, Божьею милостью

король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій и иныхъ. Ознаймуемъ симъ листомъ нашимъ всимъ псполито, кому будетъ потреба того вѣдати, што которое архіепископство владычество Полоцкое и Витебское перво сего съ ласки и данины нашею господарскою держалъ до живота своего панъ Григорей Марковичъ Воловича: ино, ижъ онъ тѣхъ часовъ съ сего свѣта зшолъ, мы, за писаньемъ и жеданьемъ воеводы Полоцкаго и за чолумбитьемъ бояръ, шляхты и мѣщанъ и всего посольства земли Полоцкаго, тое архіепископство владычество Полоцкое и Витебское, съ ласки нашею господарскою, дали есмо и симъ листомъ нашимъ даемъ иноку Арсенію Шишкѣ, до живота его. Маеть онъ тое архіепископство владычество Полоцкое, со всеми монастырями и церквами, и съ дворами и имѣньями, и съ селы и съ людьми, и со всемъ што къ тому владычеству здавна прислухають, до живота своего держати и уживати, и, на тое владычество совершившися, слушнѣ и раднѣ во всемъ ся справовати и за насъ господаря Бога просити, заховываючися во всемъ козвекъ обычаю закону своего Греческаго, и съ пильностью того стерегучи, абы снѣ въ томъ хвала Божья не вменшала, и маючи въ мощы и владычости своей архимандритомъ, игуменомъ, поповъ, чернцовъ, черницъ и все духовенство, которые здавна до сего часу послушенство къ архіепископу владыкѣ тамошнему Полоцкому чинити повинны, и всихъ платовъ, доходовъ и пожитковъ уживаючи, по тому яко и первые архіепископы владыки тамошніе Полоцкіе уживали. И на то есмо ему дали сесь нашъ листъ съ нашою печатью. Писанъ у Вильни, лѣта Божьего нароженья 1562, мѣсяца Октября 22 дня. — Подпись руки господарскою. — «Остаею Воловичъ».

Изъ Литовской Метрики (Запис. кн. XLIV,

(*) Въ подл. пробѣлъ: надлежало бы написать «настоятели», какъ ниже, или иначе.

№ 31. л. 64), хранящейся при Правительствующем Сенате, в С. Петербургъ. Въ заглавіи грамоты отмѣчено: Привилей на архіепископство и владычество Полоцкое и Витебское иноку Арсецію Шашцѣ, до живота его.

51. — 1562 Декабря 15. Поученіе Кіевскаго митрополита Сильвестра новопоставленному іерею.

Милостию Божіею и пречистые его Матере, мы смиренный Селивестръ, архіепископъ митрополитъ Кіевскій, Галицкій и всея Руси, по преданію и правиломъ святыхъ Апостолъ и по завѣщанію святыхъ Отець, даю тобѣ іерею херотонію сію, священія свитокъ законный, рукоположенія на тобѣ моего епископства. Слыши, чадо, и внимай и исправляй такъ, якоже рѣхъ и завѣщаю. Се тобѣ, чадо іерею Михайло, Господь поручи священія службу, страшнѣ и тайнѣ, рукоположеніемъ моего смиренія и послушествомъ разумныхъ его Силъ, въ няже желаютъ и сами Ангели приникнути. Дѣло же твое буди учитись закону Господню день и ночь, и заповѣдей прехвальныхъ Апостолъ, и вселенскихъ семи Соборовъ и помѣстныхъ святыхъ Отець правилъ: составленія бо святительства Божія истинная хитрость; не можно бо не почитая часто спасти себе. Святъ Богъ на Святыхъ почиваетъ. Умъ разуменъ въ разумныхъ глубинахъ обрѣтается. Пророкъ рече: «рабъ твой есмь азъ, вразуми мя и увѣмъ правды твоя, возрадуюся о словесѣхъ твоихъ, яко обрѣтая корысть многу, паче тысящъ злата и сребра». Рече пророку Богъ: «дахъ законъ мой во сердце твое и словеса моя во уста твоя, и глаголеши, якоже ти заповѣдахъ». Се избра тя Богъ, іерею Михайло, отъ братіи твоея и постави тя пророка въ людехъ своихъ: не о собѣ бо кто честь пріемлетъ, но нареченный отъ Бога. Ты, чадо, твори волю пославшаго тя, да будеши правя евангелія Божія истинное слово, якоже бысть обѣтъ твой къ Богу передъ нами,

а не превращеніемъ по похотѣнію сердца своего и на плотное пріемля послушествомъ божественныхъ писаній, да не будеши ложный послухъ Богови, чрезъ волю его священная крадя. Се же пріялъ еси отъ вышнего промысла, не токмо себе пользовати, но и ближнихъ, въ показанія духа силы: дѣла бо и вѣру совершаютъ; долженъ убо еси показати добронравіе святительскаго подобія, любовь, кротость, цѣломудріе, пощеніе, трезвеніе, удержаніе всѣхъ сластей; не буди кошунникъ, ни игрецъ, ни срамословникъ, ни буй, ни гордъ, ни напрасень, ни безстудень, ни піяница, ни складовъ ни пировъ творй, но инѣмъ возбраняй, ни рѣзоимецъ, ни накладовъ не еми; да не будеши мятежникъ, ни пировникъ, ни поручаясь по комъ; не бій вѣрна согрѣшающа, ни невѣрна обидяща, а своими руками никогоже не удари; ни лововъ твори, ни закалай животнаго; брашна и питія не воспріеми безъ времени, но въ подобно время, въ законъ и во славу Божію. Аще будутъ на брацѣ или въ пиру позоры, отходи преже видѣнія; а на бракъ не ходи, гдѣ мужъ жону пуститъ, или жона мужа безъ вины и индѣ ся поймаютъ, или во племени поймутся, или въ сватовствѣ, или въ кумовствѣ; незванъ у пиръ не ходи, ни на кормлю. Одежду носи долгу до глезна, одноличну, по священническому подобію, ни отъ пестринъ ни отъ утварей мірскихъ, ни облечися въ порты непричитаемы во крылось. Книгъ возбраненныхъ не почитай; или доселѣ научилъ ся еси несвѣдомая словеса, и ты нынѣ тыхъ престани, чары или кобы, лечбы, дивы творя, или игрызовоми ляки и шахмоты; метей да ся останеши, конного урыстанія не смотри. Нетомительнѣ челядь свою держи. Нищихъ безъ мзды на свою работу не понуди. Чада своя накажи и научи своему пути доброму и самъ буди кромѣ всякого зазора: горе бо тому имже соблазнъ приходитъ. Теци путемъ не заповѣдемъ Божіимъ: не суть бо тяжки заповѣди Божія, но изволенія наша зла. Внимай

ученію, буди терпѣливъ во молитвѣ, пой разумно, отъ сердца, по силѣ. Имѣй усердіе къ олтарю Божію безъ лѣности, въ олтарь входи самъ со опасеніемъ, во чистѣй совѣсти, а простымъ возбраняй: олтарь токмо попомъ и дякономъ, а четцемъ и пѣвцемъ предъолтаріе. Пріимши рукоположеніе отъ епископа верхъ постриженъ носяще, краткій фелонъ, честі чтенія и апостолъ, пѣти прокимны и «Богъ Господь», а простымъ ни пѣти, ни честі. Пономаръ избранъ, неповиненъ ни въ коемъ же грѣсѣ, благословеніемъ епископа носящи священное знаменіе; а ко сосудомъ церковнымъ не прикасаются слугы, ни кадятъ во святѣй церкви. Во олтарь не вноси ни куты, ни пива, ни хлѣба, ни иного чого отъ брашенъ, развѣ свѣчи и просфiry. Церковь держи чисто, безъ пороха и паучины, паче жъ олтарь; а книги ветшныя и иконы пооправливай; а на трапезѣ не положи ничего, развѣ евангелія и тайнъ. Въ койждо день служити тобѣ литургію, тогда ни съ кимъ молвы не твори, ни препирайся съ кимъ, чистъ буди, ни вражду имѣя на кого, да не проженеши Утѣшителя. Во страхъ и трепетъ предстой олтарю Господню, не мысля земныхъ, ни озирайся камо, но очи возведъ ко единому подлежащему Царю и стоящимъ окрестъ его Силамъ: отъ вѣзора бо помыслъ приходитъ во сердце. Да не угодія ради человекъ, тѣхся кратити молитвы: коли будешъ человекомъ угожая спѣшно служити Божію службу, не со вниманіемъ, мыслію сердца, таковымъ рассыпаются кости, по пророку. Со отлученными не служи. Не устыдись, ни убойся никаковаже человека, на грѣхъ собѣ. Имже правила не повелѣваютъ, не давай причастія, ни по дару, ни по страсти, ни по любви; помни заповѣдь Владычню и святыхъ Апостолъ: «не дайте, рече, псомъ святыхъ, ни бисеръ мещите свиніямъ». Блюди псовъ и яже по сихъ, да не съ ними осудишися. Да твоего ради небреженія, мышь или иное что прикоснется божественнымъ тайнамъ, да не

сплѣсневѣтъ, или одымѣтъ, или пріято будетъ отъ несвященныхъ рукъ, того всего брезги и съ пильностью храни. Во церкви не давай повѣстовати, ни смѣятись никому; а не послушаетъ тя, такового изъ церкви вышли. И не пріеми приноса у Божій жертвеникъ отъ невѣрныхъ, ни отъ еретикъ, ни отъ блудникъ, ни отъ прелюбодѣй, ни отъ татей, ни отъ розбойникъ, ни отъ властей немилосердыхъ, ни отъ корчомниковъ, ни отъ рѣзоимецъ, ни отъ ротника, ни отъ клеппника, ни отъ клеветника, ни отъ клятвенника, ни отъ лживаго послуха, ни отъ волхва, ни отъ потворника, ни отъ игрьца, ни отъ злобника, или томящего челядь свою голодомъ и ранами: кто будетъ таковыхъ, а не покается, не еми отъ нихъ приноса. Просфiry приноси отъ своихъ дѣтей духовныхъ, вѣдаючи житія ихъ. А духовныя дѣти учи и исправливай, по мѣрѣ грѣховъ запрещай, епитимью давай, непокорника во грѣхи впадающа отъ церкви отлучи и отъ себе отжени, дондеже обратится къ тобѣ; а отъ иного попа отгоненаго и ты не пріимай; пріиметъ ли кто такового, мнѣ возвѣсти. А убогихъ сиротъ, аще хто болятъ, или родитъ, или умретъ, и незванъ поиди, Сошедша насъ ради съ небеси; будучи стражъ день и ночь, съ покаяніемъ и со причастіемъ, и твори достойное правило съ любовію, тихо, не борзая: младенецъ не разумѣтъ, а мертвецъ не чувствуетъ, то живымъ наказаніе; младенца крести, и всякому человеку причастіе дай, а мертвому не мози дати причастія: аще кого изгубиши лѣностію и нерадѣніемъ, мука ихъ на тобѣ възыскана будетъ. А къ нейже церкви поставленъ еси, не остави тобѣ ея во вся дни живота своего, развѣ великія нужда, и то по совѣту своего епископа, гдѣ ты благословитъ; а въ чужій предѣлъ не отходи, не вземъ грамоты отпустноу у своего епископа. А въ чужій предѣлъ пришедши не служи, не вземъ грамоты и благословенія у тамошняго епископа, или у его намѣстника, и безъ воли

№ 32. его не твори ничтоже. А имѣй собѣ епископа своего главу во всемъ, и бойся яко Бога, любовь и боязнь имѣй къ нему, яко Апостоли ко Христу; а на соборъ приходи, на исправленіе церковныхъ вещей и на пріятіе истиннаго разума. А на соборъ идучи, приноси съ собою всегда ко святителю листъ свой ставленный и сію херотонію, даную тобѣ, и исповѣдь ему, по чему и како исправляеши рядъ и исправленіе церковное, да можеша дати благодать, на созданіе послушающимъ тебе и явитись всимъ во всемъ по имени своему. Имена бо твоя многа и велика, по Господню словеси и святыхъ его: ты еси іерей, служитель престола Господня, свѣтъ міру, соль земли, врачъ больныхъ, вожь слѣпыхъ, наставникъ блудящимъ и учитель, свѣтильникъ, око тѣлу церковному, путь, дверникъ, ключарь, дѣлатель, строитель, гостинникъ, купецъ, стражъ, пастухъ, воевода, судія, властель, чиститель, жрецъ, холмъ высокъ, тайнъ домъ, столпъ премудрости, уста Божія, даи миръ мірови, ангелъ Господень, труба Божія, отецъ братіи своей, къ Богу нудитель, міру молитвенникъ, подражатель Господень, апостольскій подобникъ, источникъ водъ не сушей во источницѣ. Не словомъ бо, но дѣломъ мзды даются; вѣсть бо Богъ, колико болѣи можемъ, а лѣнящіяся не дѣлаемъ. Отроковица бо, не соблюди дѣвства, оскверни тѣло; а душа, не сохрани завета, оскверни духъ, и вослѣдуетъ ненависть, и укоръ, и раны, и отлученіе. Се тобѣ, сыну и брате, написахъ отъ святыхъ писаній и правилъ святыхъ Апостолъ и богоносныхъ Отецъ, изложшихъ саны церковныя по горнему образу. Аще сія сохраниши и исправиши, блаженъ будеша; аще ли преступиши и не исправиши, или во обиду даси, азъ о семъ дѣла не имамъ, самъ узриши въ день судный испытаніе, и за то отвѣтъ даси, и мѣсть достойную приимеши. Доселѣ мое ко тобѣ слово, еже ти буди сохранити. Се есть херотонія сія, даема тобѣ: тако убо ти подобаетъ принять ю отъ

моего смиренія руки и должну соблюдать ея. Писанъ въ Новгородку, лѣта Божія народженья 1562, мѣсяца Декабря въ 15 день.

Подлинникъ писанъ въ тетради, въ четвертку, на четырехъ листкахъ, полууставнымъ почеркомъ переходящимъ въ скоропись. Въ концѣ грамоты своеручная митрополитѣя подпись, уставомъ и съ вѣзью: Волею. Божьею. Селивестръ. архіепископъ. митрополитъ Кіевски. Галицки. и всея Руси. На бумагѣ остался знакъ красновосковой печати. Вѣха.

Хранится въ архивѣ бывшихъ Греко-Униѣтскихъ Митрополитовъ, при Святѣйшемъ Синодѣ.

32. — 1563 Іюня 7. Жалованная грамота Литовскому и Русскому дворянству и рыцарству православной вѣры, о сравненіи сего сословія въ правахъ съ дворянами Польскаго королевства, исповѣдающими вѣру Римско-католическую.

Во имя Божье станься, къ вѣчной памяти тоѣ-то рѣчи! Кгдажъ вси sprawy съ часомъ съ памяти людскоѣ сплываютъ и въ забытѣ приходятъ; а для того есть вынайдено, абы письмомъ объяснены были, къ вѣдомости потомъ будущимъ. А про то, мы Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Ифлянтскій и иныхъ панъ и дѣдичъ, чинимъ вѣдомо симъ листомъ нашимъ нынѣшнимъ и напотомъ будущимъ, кому будетъ потреба того вѣдати, ижъ кгда есмы черезъ листы наши созвали на съѣмъ вальный, въ столечномъ мѣстѣ нашемъ у Вильни зложоный, пановъ радъ нашихъ духовныхъ и свѣтскихъ, кнежатъ, панятъ, врядниковъ всихъ земль того панства нашего отчизного великого князьства Литовского, а за прозбами пановъ радъ нашихъ ихъ милости и всихъ становъ помѣненныхъ, дозволили есмы и дозволяемъ привиліи правъ и вольностей земскихъ въ статутъ повописанный вложить и вписати, по тому же обычаю, яко и въ корунѣ

Польской привиліи и вольности шляхетскіе въ статутъ вписаны суть. За што вси станы чинячи даяки, съ чоломбѣемъ намъ господарю и пану своему прироженому донесли въ томъ прозбу свою, ижъ въ тыхъ же привиліяхъ земскихъ нѣкоторые артыкулы потребуютъ ширшого объясненія, къ латвѣйшому вырозумѣнью, а то въ томъ напервѣй: Яко ся стало обдарованье и наданье отъ прадѣда нашего, славнаго памяти Якейла короля Польского и навишшого великого князя Литовского, также и отъ брата его милости Александра Витолта, великого князя Литовского, въ которыхъ то есть описано: «за злученіемъ панствъ подъ онымъ часомъ, коруны Польскоѣ зъ великимъ князьствомъ Литовскимъ и за выданіемъ того привиліи тамъ же въ корунѣ Польской, въ Городлѣ, ижъ панове, шляхта, бояре земль нашихъ Литовскихъ, дарованіемъ, привиліями и наданіемъ имъ даякими, узычоными и подаными, только повшехноѣ, то есть, соборноѣ вѣры хрестіанскоѣ и Римскому костелу подданные, и которымъ клейноты, то есть, гербы шляхетскіе суть наданы, мають ся съ тыхъ вольностей веселити, участниками быти и ихъ уживати, яко панове и шляхта коруны Польскоѣ свои вольности держать и ихъ уживаютъ». А другій артыкулъ, ижъ «на достоинства и преложенства не мають быти обираемы, одно, если бы были повшехноѣ вѣры хрестіанскоѣ и подданы Римскому костелу; а ни тежъ уряды которые земскіе вѣчные, яко суть достоинства и каштелянства, не мають быти даваны, одно людемъ вѣры хрестіанскоѣ, и до радъ нашихъ не мають быти допущены, а ни въ нихъ бывать». Якожъ послѣ того, тотъ привиліи на вольности даный въ подтверженіе дѣда нашего Казимера, и стрія Александра, и отца нашего Жикгимонта первшого, славнаго памяти королей и великихъ князей Литовскихъ, и потомъ въ наше подтверженіе тымъ же словы вписанъ. О томъ вси одностайнѣ были намъ чоломъ, абыхмо то въ

порознанье слушное приведши, нашимъ листомъ и привиліемъ достаточнѣ то объяснили. Мы съ паны радами нашими обачивши, ижъ передъ тымъ, ижъ тотъ привиліи у Городлѣ выданъ, станы и народы шляхетскіе знакомитыми службами рѣчи посполитой и предкомъ нашимъ заслугуючися, зацно вывышоны и учестены были (яко тое въ самомъ томъ привиліи на початку его меновитъ описано, каковы станы и на тотъ съѣмъ до Городла пріѣхали); а къ тому, ижъ тежъ бываючи не только Римского костела послушныи, але и Грециного, въ лавины рады предковъ нашихъ и наше, также и иные вси станы, на разныхъ службахъ нашихъ бываючи, вѣрность и сталость свою къ службамъ предковъ нашихъ и нашимъ охотнѣ, яко добрыми и вѣрными подданными належитъ, завжды со всякою сталостью оказывали. А такъ, уважаючи тые вси зацныи заслуги, и бачучи, штожъ въ томъ привиліи, къ нѣкоторому униженію и възгарженію тыхъ, хто гербовъ не брааъ, также и тыхъ, хто вѣру Грецкую держачи, противко предкомъ нашимъ и намъ господарю вѣрность свою сталѣ показываютъ, одно, ижъ не вси на томъ соймѣ были, а зваща, станы Русскихъ земль: про то, не уймаючи и ни въ чомъ не нарушаючи оныхъ первшихъ привиліевъ, отъ предковъ нашихъ и отъ насъ господаря на данныхъ, але во всемъ при моцы ихъ оставляючи и заховываючи, а только тые два члонки и артыкулы вышей описанные объясняячи и ровняячи, — съ порадою и съ призволеніемъ пановъ радъ нашихъ духовныхъ и свѣтскихъ, ухваляемъ и хотимъ мѣти, ижъ отъ того часу, не только тые панове, шляхта и бояре, або потомкове ихъ, всихъ земль нашихъ того всего панства нашего, дарованья привиліевъ и наданья всихъ вольностей и правъ земскихъ уживати и съ нихъ ся веселити мають, которые суть поддани костелу Римскому и которыхъ тежъ предкове клейноты и гербы въ корунѣ Польской пріимовали, але

№ 32. тежъ и вси иные стану рыцарского и шляхетского, яко Литовского такъ и Руского народу, одно бы были вѣры христіанскоѣ, и тежъ которыхъ предковѣ клейнотовъ альбо гербовъ съ коруны Польскоѣ не брали, одинако и заровно того всего вѣчными часы уживати и съ тыхъ вольностей веселитися мають, яко передъ тымъ, здавна и до того часу, тыхъ всихъ вольностей станъ рыцарскій шляхетскій обоого народу, такъ Литовского яко и Руского, уживали и съ того ся веселили. Такъ тежъ на достоинства и преложеньства всякіе, и до рады наше, и на уряды дворные и земскіе, не только подданные костелу Римскому отъ того часу обираны и прекладаны быти мають, але одинако и заровно вси рыцарского стану зъ народу шляхетского люди вѣры христіанскоѣ, яко Литва такъ и Русь, каждый водѣ заслугъ и годности свое, отъ насъ господара на мѣста зацные и преложеньства зъ ласки наше браны быти мають; а жаденъ зъ стану рыцарского и шляхетского, зъ стороны закону своего будучи вѣры христіанскоѣ чловѣкъ, не маєть быти отъ того отдаленъ и отлученъ, для тыхъ двухъ артыкуловъ и члунковъ въ тыхъ первыхъ привилеяхъ описаныхъ. Вѣдѣже, ижъ тое наданье вольностей и правъ земскихъ, въ привилею короля Якейла и великого князя Витолта спольномъ описаное, постановлено и справлено есть въ корунъ Польской, такъ, яко тотъ помѣненный привилей свѣтчить: про то, на первомъ близко пришлому вальномъ соймѣ, который отъ насъ зложенъ есть обоимъ тымъ панствамъ, корунъ Польской и великому князству Литовскому, тое поровнанье, будетъ ли потреба, еще съ большимъ примноженьемъ вольностей, иншимъ листомъ нашимъ възновити, за спольнымъ зволеньемъ обоого панства нашего, коруны Польскоѣ и великого князства Литовского пановъ радъ и всихъ становъ, хочемъ и общаемъ, але не зменшаючи вже, а ни уймуючи ни въ чомъ сего листу нашего, и во всемъ при моцы непорушной

зоставуючи его на вѣчные часы. Якожъ на утверженьє тоѣ рѣчи, печать нашу маестатную казали есмы привѣсити къ сему нашему листу, подписавши рукою нашою господарскою. При томъ были панове рады наши ихъ милость: князь Валеріанъ, бискупъ Виленскій; князь Янушъ Андрушевичъ, бискупъ Луцкій и Берестейскій; князь Миколай, бискупъ Кіевскій; панъ Миколай Радивилъ, на Олицѣ и Несвижу княже, воевода Виленскій, маршалокъ земскій, канцлеръ нашъ навыйшый великого князства Литовского, староста Берестейскій, Ковеньскій и Борисовскій; панъ Миколай Радивилъ, княже на Дубинкахъ и Биржахъ, воевода Троцкій, гетманъ нашъ навыйшый великого князства Литовского, староста Лидскій, Мозырскій и Бѣлицкій; панъ Троцкій, гетманъ нашъ дворный великого князства Литовского, справца староства Жомойтского, державца Кормяловскій панъ Григорей Ходкевичъ; воевода Кіевскій, маршалокъ земли Волынскоѣ, староста Володимирскій князь Костянтинъ Костянтиновичъ Острозскій; воевода Новгородскій панъ Павелъ Ивановичъ Сопега; воевода Витебскій князь Стефанъ Андреевичъ Збаражскій; воевода Подляшскій, староста Менскій, державца Лысковскій, Межирѣчскій и Аинскій панъ Василей Тишкевичъ; маршалокъ дворный, подскарбій земскій великого князства Литовского и писарь нашъ, староста Могилевскій, панъ Остаеѣй Воловичъ; подчасій нашъ великого князства Литовского, староста Дорогичкій панъ Миколай Кипка съ Техоновца; крайчій нашъ великого князства Литовского, староста Бѣльскій панъ Юри Александровичъ Ходкевичъ; стольникъ нашъ великого князства Литовского, староста Плотельскій, державца Тельшовскій, панъ Янъ Ходкевичъ; староста Житомирскій князь Романъ Оedorовичъ Санкгушковича; конюшій нашъ дворный великого князства Литовского, староста Мельницкій, державца Кеграновскій панъ Ярошъ Корыцкій; подскарбій

нашъ дворный великого князства Литовского, державца Пуньскій и Жижморскій панъ Станиславъ Захаревичъ Влопекъ; мечникъ нашъ великого князства Литовского панъ Щастный Сирутовичъ; хоружій земскій, державца Радуньскій панъ Щастный Герцыкъ; маршалокъ и писарь нашъ, староста Тыкотинскій, панъ Янъ Шимковичъ; писарь нашъ, конюшій Городеньскій, державца Ошменьскій, Вилькейскій и Красносельскій панъ Янъ Миколаевичъ Гайко; писарь нашъ, державца Марковскій и Мядельскій панъ Миколай Нарушевичъ, и иные панове маршалки, старосты, и державцы, и вриадники наши земскіе и дворные. Писанъ у Вильни, подъ лѣты Божьего нароженья 1563, мѣсяца Іюня 7 дня.

Изъ Литовской Метрики (Запис. кн. XXXVIII, л. 420 об. и сл.), хранящейся при Правительствующемъ Сенатѣ, въ С. Петербургѣ. Въ заглавіи грамоты отмічено ея содержаніе: Привилей короля с. м. Жикгимонта Августа всимъ обывателямъ великого князства Литовского даный, объясняючи нѣкоторые артыкулы въ привилеяхъ королей Якейла и Витолта, зъ стороны правъ и вольностей, заровно, яко тыхъ, которые гербы отъ пановъ Поляковъ брали, такъ и тыхъ, которые не брали, и о прекладанью на достоинства людей вѣры повсехноѣ, Римскому костелу подданныхъ (не дописано). См. рукоп. Бѣлор. Арх. др. грамотъ, Ч. II, стр. 153—160, гдѣ сія привилегія помѣщена въ старинномъ переводѣ на Польскій языкъ.

33. — 1563 Іюня 19. Уставъ данный на Виленскомъ сеймѣ Литовскому дворянству, шляхтѣ и рыцарству, о военной повинности и сборѣ «серебизны», по случаю предстоящей войны съ Русскими и проч.

1. О оборонѣ земской. Господарь король его милость рачилъ казати вамъ повѣдати: Што есте подали его королевской милости на писмѣ, напервѣй ко оборонѣ земской, абы на тотъ часъ къ той квалтовной потребѣ рѣчи

Акт. Зап. Росс. Томъ III.

посполитовъ панове рада зъ имѣній своихъ отчизныхъ, выслужоныхъ и купленыхъ къ службѣ военной почты свои сполна ставили, подлугъ ухвалы Берестейскоѣ, съ десяти служобъ людей десятого: хто десять служобъ людей маєть, одного пахолка и конь одинъ, а збройно, съ тарчами и съ древы; шляхта абы тежъ тымъ же способомъ войну служили, и жебы каждый шляхтичъ ослѣый, естли не маєть брата недѣленого, въ почтѣхъ панскихъ не были, але опустивши пановъ своихъ и почты при нихъ zostавивши, ставили бы ся на мѣстахъ своихъ, яко то статутомъ старымъ обваровано. *Отказъ.* На тотъ первый артыкулъ господарь король его милость, панъ нашъ милостивый, рачилъ казати вамъ повѣдати: такъ яко сами есте его милости то подали, абы съ десяти служобъ людей одного пахолка конно и збройно на службу земскую выправовали, яко ихъ милость панове рада, такъ тежъ и вси станы до того належачіе, зъ имѣній своихъ отчизныхъ, выслужоныхъ и купленыхъ, на то его королевская милость призволяти рачить. А которая шляхта на имѣньяхъ ослѣые паномъ служатъ и пѣязи датовъ на кони у нихъ берутъ, таковой шляхтичъ самъ особю своею при панѣ своемъ zostати маєть, а подъ хоругвою съ имѣнья своего, подлѣ повинности своей, мѣсто свое уставити такъ добрымъ шляхтичомъ яко самъ, на добромъ конѣ, водѣ уставы, съ почтомъ слугъ своихъ, и службу земскую военную заступовати маєть; который шляхтичъ отъ него уставленный на его мѣсто, съ почтомъ его въ войску обещъ съ хоружимъ на службѣ господарской маєть быти, никуды свовольнъ отъ него не отѣзжаючи: вѣдѣже тая устава далъ сойму другого пришлому трвати и статуту въ той мѣрѣ ничего шкодовати не маєть.

2. Што ся дотычетъ тѣго, яко на писмѣ есте господарю королю его милости дали, ижбы, первѣй нижили вси повѣты на войну выгдуть, каждый староста або державца въ

№ 33. повѣтъхъ своихъ, посполъ съ хоружимъ, передъ рушнемъ день и мѣсто назначили, гдѣ бы ся мѣли до нихъ звѣзжати; и тамъ сполнѣ всю шляхту и почты ихъ пописавши, абы вси зъ суполными почты ѣхали до войска на мѣсто назначное, до пана гетмана, при старостѣ и державцы и при хоружомъ своемъ; а староста и державца и хоружій жебы того доглаждали, абы въ тягненью никому никотороѣ шкоды не дѣяли, але водлѣ уставы живность куповали. Тотъ же староста, або державца и хоружіе всю шляхту, дѣльныхъ и недѣльныхъ братью, и тыхъ которые паномъ служатъ, и которые въ домѣхъ ся zostали, а къ службѣ военной суть годны, списавши на реистръ, о томъ абы справу давали господарю королю его милости и пану гетману. *Отказъ.* На тотъ второй артикулъ его королевская милость казалъ вамъ повѣдѣти, ижъ его милость, для нѣкоторыхъ слушныхъ причинъ, старостѣ и державцовъ въ то не вкладючи, рачитъ на хоружихъ то прекладати, ижъ каждый хоружій маєть, передъ рушнемъ на войну, шляхтъ всей хоругви своею въ часть дати вѣдати, заховачи ся въ томъ по старому обычаю; а они на одно мѣсто со всеми почты своими до него собравшися, ѣхати мають, сполномъ зъ собою, на часть и мѣсто зложоное къ збиранью войскъ его королевской милости, до пана гетмана. А вѣдучи въ дорожѣ, хоружій маєть того пильно стеречи, ижбы шляхтичъ никому никотороѣ шкоды не дѣлалъ. А живность абы куповали не водлѣ уставы, але торгомъ, до того часу, поки до пана гетмана на мѣсто назначное въ войско прїѣдутъ и уставу отъ его милости на скупованье живности собѣ возмутъ: гдыжъ ее жаденъ собѣ уставляти не можетъ, ино зъ установленья и обволанья гетманского у войску. Живности тежъ не маєть жаденъ у войску брати и за пѣязи куповати надъ потребу свою, а поготову въ возы пиповати и до домовъ отсылати; а естли бы хто надъ потребу

живности беручи и въ возы пицуючи до дому своего отсылалъ, таковой маєть быти каранъ злодѣйскою виною: бо войска уголоживати не пристойтъ. Тежъ, гдѣ бы и колько хоругвей въ малыхъ почтъхъ было, ино за росказаньемъ его королевской милости, панъ гетманъ великій, водлѣ баченья своего, по кольку хоругвей до одного хоружства маєть зложити. А што ся дотычетъ шляхты, дѣльной и недѣльной братьи, которые бы дома zostали, а на войну не ѣхали, такихъ каждый хоружій въ хоружствѣ своемъ повиненъ будетъ имени на реистръ списати справедливъ, подъ присягою своею, и, прїѣхавши до войска, господарю королю его милости и тежъ пану гетману оповѣдѣти и справу въ томъ дати. Тежъ его королевская милость, намовившися о томъ зъ ихъ милостью паны радами своими, хочеть мѣти, абы вже отъ-сего часу, вси каждого стану, съ суполнымъ почтомъ слугъ своихъ, къ збиранью и звѣжанью до войска, до пана гетмана великого, на день и мѣсто зложоное и назначное, ошѣшкивати не смѣли, подъ таковымъ караньемъ, яко то есть въ статутѣ земскомъ описано. Къ тому, абы шляхта на пописъ у войску, также яко и жолнеры, одинъ у другого жадноѣ рѣчи, т. е. коней и зброи не позычалъ, але каждый, водлѣ повинности своею, яко коня, такъ и зброю свои нехай бы мѣлъ; а тотъ, который зброи або коня другому дома на войну вѣдучи позычитъ, албо на войнѣ будучи, тогда не маєть того, на войнѣ будучи, у него отыймовати, олижъ онъ зъ войны до дому своего прїѣхавши, маєть ему, што позычилъ, зброю або коня отдати. А естли бы два шляхтича на одномъ кони и съ одною зброю, позычаючи, у войску мѣли ся показывати и передъ паномъ гетманомъ пописывати, а то было бѣ на нихъ доведено; тогда таковыя оба — два, яко бы тежъ на войнѣ не служили, мають за то караны быти тою виною, яко въ статутѣ земскомъ описано.

3. Тежъ то припоминаете, абы каждый

къ службѣ военной мѣлъ коня, который бы стоѣлъ надъ шесть копѣ грошей, и зброю, тарчъ, древо; а хто бы могучи мѣти зброю и такъ доброго коня, а не мѣлъ бы, тогда половицу имѣнья и всею маестности своею абы тратилъ на рѣчь посполитую. *Отказъ.* На тотъ артикулъ вышней помененый, въ той мѣрѣ, подъ тыми вышней меновитъ описанными обвязки и тежъ виною, яко сами есте то на писмѣ дали, его королевская милость рачитъ призволяти, и въ томъ ся его милости пану гетману великому противку васъ подлѣ того заховати, господарь король его милость казати рачилъ.

4. А за тымъ, што ся дотычетъ шляхты, о которыхъ вѣдѣли есте замену, ижъ ся поддали паномъ зъ имѣньями своими для обороны, абы тыхъ всехъ каждый хоружій въ повѣтъ своемъ пописавши справедливъ, подъ присягою своею, его королевской милости и тежъ рѣчи посполитой оповѣдали. *Отказъ.* На то его королевская милость позволяти рачитъ и казалъ вамъ повѣдѣти, ижъ не одно тыхъ шляхтичовъ, которые зъ имѣньи своими паномъ, але тежъ хто будетъ зъ нихъ и земляномъ шляхтъ зъ имѣньи своими поддалися, абы хоружіе, каждый въ хоружствѣ своемъ, таковыхъ зособна меновитъ списавши, подъ присягою своею, справедливъ, никого не укываючи, господарю королю его милости оповѣдали и неомѣшканую справу и вѣдомость о томъ дали; а его милость таковыхъ всехъ шляхтичовъ зъ ихъ имѣньями до повѣтовъ, гдѣ они первѣй были, казати привернути рачитъ.

5. Докладаете того, абы панове и шляхта зъ имѣній купленыхъ, зъ малыхъ и великихъ, съ чого первѣй бывала служба рѣчи посполитой, и теперъ ставили почты особливые; а съ заставныхъ имѣній, гды бы листомъ не было обваровано, также абы были почты ставлены; а естли бѣ листомъ обваровано, тогда тотъ, который заставилъ, повиненъ былъ съ того

имѣнья заставного почотъ ставити; а естли бы тотъ, хто заставилъ, водлѣ обвязку своего службы земской съ того заставного имѣнья для недостатку заступити не могъ: тогда тотъ, хто закупилъ, маєть съ того заставного имѣнья почотъ поцинный сполна ставити. *Отказъ.* На тотъ артикулъ господарь король его милость казалъ вамъ повѣдѣти: за слушное ся то его милости видѣти, абы панове и шляхта зъ имѣній купленыхъ, также и съ заставныхъ имѣній, на службу господарскую и земскую, на войну, почты свои ставили такъ, яко и передъ тымъ служба земская зъ нихъ бывала: нижли, естли бѣ тотъ, хто имѣнье заставилъ, для недостатку своего, съ того имѣнья своего заставного службы заступити не могъ, а тотъ, хто закупилъ, самъ у войску съ того имѣнья за него служити будетъ повиненъ; тогда онъ съ тымъ, хто имѣнье ему заставилъ, мовити и росправу въ томъ приняти маєть. Тежъ его королевская милость намовившися о томъ зъ ихъ милостью паны радами, а бачачи того быти пильную потребу, хочеть то мѣти такъ: у войску, при панѣ гетманѣ, въ писанью почтовъ каждого стану, естли бы одинъ за другого почотъ съ имѣнья заставного, або якимъ-колькекъ способомъ ставити и заступити мѣлъ, ино тотъ тогожъ дня при почтѣ своемъ будетъ повиненъ пану гетману особливе ся показати и у книги его ввести, также кромѣ всякихъ позычокъ слугъ и коней и зброи, особнымъ почтомъ.

6. Жаденъ каждого стану шляхетского не маєть коня, на которомъ самъ, або слуга его въ попису и въ тягненью або въ потребѣ сѣдѣти, до воза впрягати, а ни зъ воза подлѣ себе: бо то есть немалое замѣшанье и забавка войску. А хто бы былъ такъ убогій, ижбы одного коня и до воза и подлѣ себе мѣлъ, тогда бы нехай колько ихъ на одного коня у возъ подлѣ живность собѣ ся зложили, сѣдѣчи сами на тыхъ конѣхъ, на которыхъ писаться ѣхали, и такъ чинити мають зъ непрїателемъ.

№ 33. 7. А жаденъ, подъ горломъ и почтивостью, абы слати на мѣсто свое до войска слуги и наймита не важилъ ся, опрочъ хоробы тяжкоѣ (и тое подлѣ статуту доводити будетъ повиненъ урядомъ и присѣгою), и тежъ окромъ иной послуги его милости господарской, або потребы рѣчи посполитой земской.

8. Што тежъ просили есте господаря короля его милость, ижбы розказати его милость рачилъ на теперешнемъ соймѣ то постановите, абы вси пріймичи тые, которые до вдовъ и дѣвокъ въ дома ихъ на имѣнья вступають, сами на войну ѣздили, а не слугами и ни наймитами послугу господарскую и земскую отпращивали, повѣдаючи, ижъ таковыя люди съ послуги земской тымъ ся вымовляютъ, же не наши имѣнья, але женнины, або тешины. *Отказъ.* Его королевская милость на то казалъ вамъ повѣдѣти, же его милость намовившися о томъ съ паны радами своими, рачилъ водлѣ прозьбы вашеѣ на то позволить, докладаючи еще того: который бы съ таковыхъ пріймичовъ самъ на войну не ѣхалъ, але слугу, альбо наймита на свое мѣсто на войну послалъ; таковой кождый маеть быти карацъ тымъ же обычаемъ, яко иная шляхта осылая, яко о томъ вышей въ теперешней ухвалѣ соймовой есть описано. А особливе которые — кольвекъ Поляцы, которого жъ кольвекъ стану, тутъ въ панствѣ его милости великомъ князствѣ Литовскомъ имѣнья осылости свои по жонахъ своихъ, або якимъ — кольвекъ обычаемъ набытые мають, съ которыхъ передъ тымъ служба земская военная бывала: тогда таковой самъ, особливо своею, съ тыхъ имѣній службу земскую военную служити будетъ повиненъ, такъ яко и Литва.

9. Зъ войска, передъ шихомъ и по шиху, олижъ до роспущенъ, жаденъ особою своею не маеть нигдѣ отъѣзжати, а ни ся назадъ до дому ворочати, а поготову слугъ, коней и воевъ отсылати безъ вѣдомости и дозволенъ пана гетманова; а естли бы безъ вѣдомости и

дозволенъ гетманского отъѣхалъ хто самъ, або слугъ послалъ, таковой, будетъ ли тамъ за розказаньемъ пана гетмановымъ погоненъ и пойманъ, горломъ маеть быти каранъ. А естли бы до дому отъѣхалъ, а тамъ не былъ пойманъ, тогда и потомъ предъся горломъ за то каранъ быти маеть. А на роспущенъ войска абы жаденъ своевольнъ не смѣлъ отъѣзжати, олижъ первѣй передъ паномъ гетманомъ оказавши ся, яко войну съ почтомъ своимъ служилъ и яко въ реистрѣ гетманскомъ будетъ описалъ, окромъ, естли бы кому слуги померли, альбо кони поздыхали, а то бы оказалось слушнѣ; тогда на тое мѣсто иншихъ слугъ и коней ставити на онъ часъ не будетъ повиненъ, и, съ вѣдомомъ его милости, до дому своего отъѣхати маеть.

10. Гды бы отецъ старѣй, або вельми хворѣй былъ, тогда сына своего дорослого къ службѣ земской на мѣсто свое выправити маеть; а гды бы сына не мѣлъ, тогда неосылого шляхтича доброго за себя послати маеть, тубылаца, або и Поляка.

11. А што есте господаря его милости просили, абы теперѣ послалъ до коруны Польской, до пановъ Поляковъ о помочъ, жадаючи ихъ напротивку тому неприятелю, князю Московскому: ино его королевская милость на-залъ вамъ на то повѣдѣти, ижъ тому теперѣ часу нѣтъ, гдыжъ всимъ землямъ панства его милости господарского, великого князства Литовского, на войну противъ тому неприятелю ѣхати и на конѣ вже всѣдати казано; а тежъ, безъ сойму вального Поляки въ одно мѣсто зъѣзжати не звыкли, а сойму не могутъ складати, ажъ зъ волею его королевской милости; якожъ вже и зложенъ съемъ на свѣтый Мартинъ теперѣ прійдучого свѣта, тамъ же въ онъ часъ то зъ ними черезъ послы свои становити будете.

12. Нихто отъ пана гетмана особою, а ни почтомъ вызволенъ отъ послуги военновъ быти не маеть; также на посылки всякіе и потребы

военные ни хто слугъ своихъ вымовляти и отпращивати не маеть у пана гетмана, а ни самъ съ того вымовляти, тамъ, гдѣ панъ гетманъ на службу земскую кому съ почту его послати кажетъ, такъ съ пановъ радъ ихъ милости, яко съ княжаты и паняты и вриадниковъ.

13. Што было подано отъ господаря короля его милости княжатоу, панятоу и всему рыцерству, ижъ кого бы панъ гетманъ знаючи быти годнымъ надъ людьми гдѣ послалъ, абы подъ тую справу, безъ всякоѣ вымовы, панове рада дворы свои посылали, также преднѣйшіе княжата, панята, вриадники, а нѣкоторые сами особами своими примемъ ѣхали; тогда о то все рыцерство просили его королевской милости, абы станове преднѣйшіе подъ справу равнѣйшихъ особъ, нижли сами, и подъ справу слугъ пана гетмановыхъ не были подаваны: ино его милость казалъ вамъ повѣдѣти на то, ижъ панъ гетманъ водлѣ стародавнаго обычаю и баченъя своего въ томъ ся заховати маеть.

14. А што есте мовили его королевской милости о сторожу въ войску, ижъ серебшизну даете на жолнеры, и сами на войну ѣдете, и для того ся зъ нее вымовляете, не хотячи ее держати; и повѣдаете, же передъ тымъ шляхта сторожи у войску не стерегли, одно дворяне господарскіе и Татарове тутъ въ Литвѣ осылые сторожу держивали. *Отказъ.* На то его королевская милость рачилъ казати вамъ повѣдѣти: кдыжъ серебшизну на жолнеры даете, жолнеры сторожу у войску держати будутъ; а кды бы жолнеровъ не доставало, тогда сами сторожу, почонши отъ пановъ радъ ихъ милости, и княжата и панята и вси станы, колею, водлѣ потребы, у войску держати будете.

15. Кождаго стану, такъ панове рады ихъ милость, яко княжата, панята и шляхта, мають до службы земской почты зъ имѣній своихъ ставити, водлѣ ухвалы соймовоѣ, спра-

ведливо и сполна, не утаиваючи ничего; а № 33. естли бы хто што утаилъ и сполна почту зъ имѣнья не поставилъ, а то бы зася на него хто господарю королю его милости, або пану гетману оповѣдалъ и довелъ: тогда у того, хто почту сполна не поставилъ, на господаря короля двѣ части того имѣнья взято быти маеть, а третяя часть тому, хто то на него объявить и доведетъ, маеть дана быти.

16. О выправу почтовъ на войну зъ имѣній костелныхъ пановъ духовныхъ, бискуповъ и канониковъ, плебановъ, оларистовъ, митрополита, владыкъ, архимандритовъ, игуменовъ, чернцовъ, поповъ, яко есте то на писмѣ его королевской милости достаточнѣ списавши дали. *Отказъ.* Его королевская милость на тотъ артикулъ повѣдѣти вамъ казалъ, ижъ князи бискупове и иное духовенство Римского и Греческого закону, на выправу къ оборонѣ земской зъ людей своихъ податокъ серебшизну дадутъ, и зъ имѣній своихъ свѣтскихъ почотъ водлѣ обычаю выправятъ; а предъся, на мѣсто выправы на войну пѣшихъ драбовъ зъ маестностей своихъ, собравши межи собою сынодъ, водлѣ возможности своеѣ господарю его милости особливый податокъ дадутъ, прикладомъ иныхъ пановъ духовныхъ братьи своеѣ, яко и въ корунѣ Польской.

17. Тежъ его королевской милости подали есте, абы панове рада и вси вриадники земскіе, которые воеводства со всеми доходы и иншіе врияды доживотнымъ правомъ мають, а до скарбу господарского платовъ не дають, — къ той потребѣ земской навалной съ десяти волокъ одного коня ставили, а особливе панъ маршалокъ земскій, и канцлеръ, и панъ маршалокъ дворный, и подскарбій земскій, старостове и иншіе вриадники и писарове. *Отказъ.* А такъ господарь его милость король казалъ вамъ на то повѣдѣти, ижъ его милость тотъ артикулъ отъ васъ поданный на сторону откладати рачитъ, съ той причины: кдыжъ его милость добръ то вѣдаеть, ижъ вси панове

№ 33. рада и вриадники земскіе, и тежъ вриадники дворные, сами съ хоти своее въ службахъ господарскихъ и земскихъ во всемъ досыть зъ себе чинять, и не одно обещными службами своими, при его королевской милости мѣшкаючи, але тежъ нѣкоторые зъ нихъ пановъ радъ въ службахъ господарскихъ и рѣчи посполитой зъ немалымъ накладомъ своимъ и съ пильностью ся заховывають, якожъ и теперъ, на тую потребу кѣвалтовную рѣчи посполитой, хочутъ ихъ милость въ становень почту надъ повинность земскую приложитися зособна, каждый съ доброу воли своее.

18. А за тымъ, што есте доложили о старосты, тивуны, державцы, войскіе, городничіе, ключники, мытники, поборцы, лѣсничіе и которая шляхта пильнують роботу Татаровъ лѣсныхъ, тежъ войтове тые што староства держатъ и ревизорове, абы они вси на войну съ почты своими ѣхали и на звыклыхъ мѣстцахъ своихъ ся становили. *Отказъ.* Ино его королевская милость велѣлъ вамъ на то повѣдѣти, ижъ господарь его милость рачитъ то бачити, штожъ то властная рѣчь господарская есть, и самъ его милость водлѣ воли своее постановити то казати рачилъ: вѣдѣже, которые зъ нихъ службу военную зъ имѣній своихъ служити повинны, таковые на войну съ почты своими ѣхати мають.

19. Дворяне господарскіе, и тежъ Татарове подѣ его королевскою милостью ослѣые, въ почтѣхъ пановъ радъ и пановъ маршалковъ земского и дворного и писаровъ и иныхъ вриадниковъ дворныхъ быти не мають.

20. Листы господарскіе, отъ войны на вызволенъе первѣй выданные и теперъ которые мѣли бы даные, мають пожжены быти, кромѣ людей уломныхъ и лѣты старыми зомыхъ и на войну негодныхъ, тежъ вдовъ съ дѣтми лѣтъ недорослыми, сиротъ, и тыхъ жонъ, которыхъ мужове въ поиманьи и въ рукахъ неприятельскихъ суть съ Полоцка.

21. О опеки. Которые опеки держатъ пано-

ве и шляхта, абы съ тыхъ имѣній земская служба и платъ водлѣ уставы соймовой были полнены. *Отказъ.* Его королевская милость на тотъ артыкулъ рачилъ казати вамъ повѣдѣти, ижъ то есть рѣчь слушная и повиноватая, абы каждый съ таковыхъ имѣній, што въ опецъ своей яко панове такъ и шляхта держать, службу земскую военную служили, и платъ водлѣ уставы соймовой полнили, и досыть тому дѣлали.

22. Што тежъ есте его королевской милости, пану нашему милостивому, на писмѣ подали, о ѣханье Татаръ господарскихъ, што ихъ тутъ въ Литвѣ есть, на службу господарскую и земскую военную. *Отказъ.* Его королевская милость казалъ вамъ на то повѣдѣти, ижъ первѣй нижли есте то на писмѣ принесли, господарь о вси Татаре, въ панствѣ его милости великомъ князствѣ Литовскомъ, которымъ обычаемъ они на службу господарскую и земскую военную мають выправованы и посланы быти, рачилъ вже науку свою господарскую достаточную дати пану гетману великому.

23. О мѣщанѣхъ всехъ мѣстъ господарскихъ, абы людъ пѣшій и которымъ обычаемъ выправовали, то его королевской милости на писмѣ есте ознакомили. *Отказъ.* Натотъ артыкулъ господарь король его милость казалъ вамъ повѣдѣти, ижъ што ся дотычетъ господарскихъ мѣстъ въ таковой справѣ, то властная рѣчь есть его милости, и въ томъ господарь король подлѣ воли своее заховати ся рачитъ.

24. Тежъ припоминаете его королевской милости: мѣщане князей бискуповъ и пановъ воеводъ, и тежъ поповскіе и шляхетскіе, которые дома свои мають въ мѣстѣ Виленскомъ и иныхъ мѣстахъ, а наймовали бы въ домѣхъ своихъ коморы и мѣли шинкѣ або якій пожитокъ мѣстскій, абы они ровно повинны были тоежъ бремя носити, яко и мѣщане королевскіе, окромѣ самыхъ дворовъ або домовъ шляхетскихъ, съ которыхъ пла-

товъ и повинностей некоторыхъ зъ мѣстомъ полнити неповинны. *Отказъ.* На тотъ артыкулъ господарь король его милость рачилъ казати вамъ повѣдѣти, ижъ мѣщане князей бискуповъ, и пановъ воеводъ, и тежъ поповскіе и шляхетскіе, которые въ мѣстѣ Виленскомъ и въ иныхъ мѣстахъ господарскихъ мѣшкають, тыежъ бремена и повинности будутъ на собѣ поносити, што и мѣщаномъ господарскимъ отъ его королевской милости будетъ розказано: одножъ съ дворовъ або домовъ князскихъ и панскихъ и землянскихъ надворники жадного податку съ мѣстомъ давати не мають, окромѣ обороны мѣстскоу часу potrzeby; которая жъ оборона ижъ веимъ есть одинако потребна, тогда заровно зъ мѣстомъ и мають ее полнити.

25. Припоминаете его королевской милости, абы зъ мѣстскихъ фольварковъ задныхъ на войну выправовано: ино господарь король казалъ вамъ на то повѣдѣти, ижъ самъ его милость водлѣ воли своее то постановити рачитъ.

26. Его королевской милости припоминаете о гости, которые тутъ у Литвѣ запоможенъе великое маетностей своихъ по мѣстѣхъ взяли, а звлаща тутъ въ Вильни, Ормяне, Нѣмцы, Волохи и иныхъ народовъ люди, абы они повинности якую къ службѣ земской съ товаровъ своихъ вдѣлали, и того меновитъ докладаете, абы на маетность ихъ такса была положена. *Отказъ.* А такъ его королевская милость казалъ вамъ на то повѣдѣти, ижъ таковые гости прѣвзжіе туюжъ повинность съ товаровъ, маетностей своихъ, будутъ на собѣ поносити, въ той мѣрѣ, яко и подданные мѣщане господарскіе, обыватели тутошнего панства его милости великого князства Литовского.

27. А которые съ таковыхъ гостей прѣвзжихъ умрутъ, абы маетностей ихъ третья часть на близкихъ, а двѣ на оборону рѣчи посполитой земской приходило. *Отказъ.* Ино то

его королевская милость при волѣ и ласцѣ № 33. своей господарской заховати рачитъ.

28. О спадки по смерти людей безпотомныхъ, и тежъ купцовъ тубыльцовъ и чужоземскихъ, припоминаете его королевской милости, ижъ не мѣли бы ни на кого приходить, одно на господаря короля и на рѣчь посполитую. *Отказъ.* А такъ его милость казалъ вамъ на то повѣдѣти, ижъ то давно вже статутомъ земскимъ обваровано. А што дѣлаете взмянку о смерти купца Александра, Орменина, который на тыхъ часѣхъ въ Вильни умеръ и немалую маетность, яко менуете, по собѣ оставилъ; такъ тежъ о другомъ купцѣ Нѣмцѣ, который въ Бѣльску умеръ, написали есте, што маетность его безъ вѣдомости вриаду замку господарского есть побрана: ино господарь король казалъ вамъ на то повѣдѣти, ижъ его милость велѣлъ пану подскарбію земскому о томъ достаточное вывѣданье удѣлати.

29. Подали есте его королевской милости о жидѣхъ: што-кольвекъ есть ихъ въ Литвѣ, въ мѣстѣхъ господарскихъ и князскихъ и панскихъ и землянскихъ, абы они людей пѣшихъ двѣ тысячи на войну выправовали, а стрѣльцовъ еще большъ причиняли, и, которымъ обычаемъ заплата отъ нихъ стрѣльцу, по чому на чверть року давано мѣло быти, то есте тежъ на писмѣ ознакомили. *Отказъ.* А такъ его милость намовившись о томъ съ паны радми своими, казалъ вамъ на то повѣдѣти, ижъ для потребы рѣчи посполитой земской, певный платъ пѣнежный съ одного на всехъ жидовъ въ панствѣ его милости великомъ князствѣ Литовскомъ положить казати рачитъ.

30. Его королевской милости подали есте о скарбы костеловъ Римскихъ и церквей Рускихъ, што панове и шляхта побрали, абы вси тые скарбы на потребу рѣчи посполитой въ цѣлости отданы были, а звоны на дѣлы. *Отказъ.* Господарь король, панъ нашъ милостивый, на тотъ артыкулъ казалъ вамъ повѣ-

№ 33. дити, ижь его милость о томъ достаточнъ ся вывѣдати казати рачить.

31. При томъ што есте мовили господарю его милости о присягу, ижьбы вже отъ сего часу присяга шляхтича и посполитого чело-вѣка не на образъ малеваный, а на рытый, яко первый, была, але на имя Бога въ Троицы единого кождый подлугъ вѣры своее закону хрестыанского присѣгалъ. *Отказъ.* Его королевская милость казалъ вамъ повѣдiti, ижь то есть рѣчь статутная и до теперешнихъ справъ соймовыхъ ничего не маеть.

32. Тежъ подали есте его королевской милости о скарбы костелные, ижьбы господарь король рачилъ къ той военной потребѣ казати взяти половину скарбовъ костелныхъ. *Отказъ.* А такъ его милость рачить еще съ пань радами о той рѣчи намовитися.

33. Просите господара короля, абы его милость, зъ ласки своее, вамъ подданнымъ своимъ обоихъ становъ, духовнымъ и свѣтскимъ, рачилъ то дати и привилеємъ своимъ господарскимъ потвердити, абы на портѣхъ водныхъ збожья съ гуменъ вашихъ властныхъ, и тежъ товары лѣсные съ вашихъ властныхъ лѣсовъ, властной работы вашее, вольно и безмытно пропущаны, и яко мыта господарского, такъ гребелного, и тежъ войского и поквитного не брати казати рачилъ. *Отказъ.* Господарь король, намовившись о томъ съ пань радами, казалъ вамъ повѣдiti, ижь за прозьбами вашими, отъ властного збожья съ гуменъ вашихъ и отъ товаровъ лѣсныхъ зъ вашихъ же властныхъ лѣсовъ, вашее работы, а не купленыхъ, водою спущоныхъ, мыта и гребелного казалъ не брати, и отъ того мыта вольными васъ дѣлаеть: одножъ, на мытѣхъ, самъ тотъ панъ, альбо слуга, который то провадити будетъ, присягу вдѣлати мають на томъ, ижь то збожье властное, а не купленое, и тежъ товары лѣсные его властного лѣсу и властнымъ накладомъ, а не чужими пѣнязми выробленны. Такъ же бѣ князи и пань и земае, стану

духовного и свѣтского, по имѣньяхъ своихъ, на мостѣхъ, млынахъ и гребляхъ, съ тыхъ, которые съ збожьемъ и роботами лѣсными властными водою плыть будутъ, мыта на себе не брали, кгдажъ его милость свое мыто отпущати рачить: нижи, што ся дотычетъ мыта войского, ино которые войскіе мыта съ васъ брати будутъ, его милость въ томъ вамъ право и вольное мовенье съ ними заховати рачить; и такіе войскіе не за позвы врьдовыми, але за мандаты господарскими привилы свои оказывати мають. Тежъ, што берутъ поквитное по копѣ грошей, ино отъ сего часу не мають болѣшъ поквитного брати, одно по 4 грошы Польскихъ отъ каждого судна съ товаромъ.

34. А што есте доложили то въ прозьбахъ своихъ, абы въ Каменцы Мазовецкомъ не было вытягано того мыта што въ Дорогичинѣ и въ Тыкотинѣ берутъ; а вѣдѣже хто бы ся не оповѣдавши на мытѣхъ господарскихъ, въ Дорогичинѣ и Тыкотинѣ мыто проминулъ, тотъ не только тое съ чимъ ѣдетъ, але и горло тратить маеть. *Отказъ.* На то его королевская милость призволяти рачить.

35. Просите, абы его милость, съ пань радами своими намовившись на теперешнемъ соймѣ, вамъ рыцерству своему, и купцомъ всимъ на сукна и всякіе рѣчи крамные, и тежъ ремесленникомъ на каждую рѣчь уставу учинити, и тую уставу вамъ и тежъ мѣщаномъ, купцомъ и ремесленникомъ на писмѣ подъ печатью королевскою казати дати рачилъ. *Отказъ.* На тотъ артикулъ прозьбы вашее господарь король казалъ вамъ повѣдiti, ижь его милость рачилъ казати паномъ воеводамъ, абы въ воеводствахъ своихъ, напервѣй въ мѣстѣ Виленскомъ и въ иныхъ краѣхъ, купцомъ и мѣщаномъ, на продажъ сукна и всихъ иныхъ крамныхъ рѣчей, и тежъ ремесленникомъ уставу, вже отъ сего часу, передъ войною, маючи при собѣ по колько особъ стану рыцерского, которыхъ вы теперъ съ того сойму вального на то оберете, вдѣлали.

36. Еще тежъ просите господара короля, абы мѣра на продаванье збожья тутъ въ мѣстѣ Виленскомъ и во всихъ иныхъ мѣстахъ подѣстрихъ была уставлена. *Отказъ.* Его королевская милость казалъ вамъ повѣдiti, ижь по всимъ мѣстамъ мѣру у стрихъ черезъ листы господарскіе рачилъ казати постановити.

37. Просите его королевской милости, пана нашего милостивого, о люди властные отчичи свои, которые отъ васъ пошедши прочъ, осли и мѣшкають на грунтѣхъ въ волостяхъ господарскихъ и тежъ князскихъ, панскихъ и земайскихъ, тутъ въ Литвѣ и на Волини, а вамъ ихъ оттоль выдати не хочуть, и для того просите, абы съ сойму теперешнего вального таковая устава была ухвалена: хто бы за листы господарскими, не хотѣлъ чѣхъ отчичовъ выдати и справедливости слушной водлѣ права и статуту учинити; тогда, коли таковой позванъ або къ праву о то притягненъ будетъ, а окажется съ права, ижь онъ упорнѣ и безправнѣ ихъ держитъ, а по сей ухвалѣ соймовой листы господара короля або врьдовыми обосланъ будетъ, и отъ того часу, по обосланью, справедливости не учинитъ, — абы таковой навязывалъ, подлѣ статуту, каждой службѣ людей задержанныхъ на недѣлю по 6 грошей; а люди съ права, если найдутъ ся отчичами, выдаваны быти мають. *Отказъ.* Его королевская милость прозбу вашу, вѣрныхъ слугъ и подданныхъ своихъ, милостиво прѣимовати рачить, и намовившись о томъ съ пань радами своими, то ухвалити: хто бы не хотѣлъ чѣхъ отчичовъ выдавати и справедливости слушной въ томъ учинити; тогда, кгда таковой позванъ або къ праву притягненъ будетъ, а окажется съ права, за слушнымъ доводомъ, ижь онъ упорнѣ и безправнѣ тыхъ отчичовъ держитъ, а вже отъ того часу, по сей ухвалѣ соймовой, яко листы господара короля, або листы врьдовыми обосланъ будетъ, и по обосланью, справедливости не учинитъ, — таковой абы навязывалъ, подлѣ ста-

туту, кождой оной службѣ людей задержанныхъ по шести грошей на недѣлю; а если съ права люди найдены и доведены будутъ отчичами, тогда выдаваны быти мають; и то маеть быти вписано въ статутъ земскій, теперъ нововыданный. А тые люди, которые осли на воляхъ въ имѣньяхъ господарскихъ, князскихъ, панскихъ и земайскихъ, повинны будутъ давати платъ серебшизну на оборону земскую.

38. О серебшизну. Подали есте его королевской милости то на писмѣ, ижь поступаете, на оборону границъ Литовскихъ отъ Москвы и на отысканье, дасть Богъ. Полоцка (если будетъ певная война съ Московскимъ, съ стороны князства Литовского, а не отъ Лифлянтъ), серебшизну на сѣсь годъ 63-й, зъ сохи по 30 грошей, а отъ земли, хто сохи своее не маеть, по 15 грошей, а отъ огородника по 5 грошей. А напередъ, если бѣ война певная была съ Московскимъ съ стороны князства Литовского, тогда и на другій и на третій годъ таковой же податокъ съ подданныхъ вашихъ, съ сохи по полконы грошей, ухвалили и поступили есте, одножъ подлѣ тымъ обычаемъ: если бѣ въ которомъ року, съ тыхъ трехъ лѣтъ, войны съ Московскимъ не было, тогда тотъ податокъ не маеть бранъ быти. *Отказъ.* А такъ его милость казалъ вамъ повѣдiti, ижь есте то добръ вдѣлали, же тотъ платъ серебшизный на оборону рѣчи посполитой панства его милости великого князства Литовского постановили и ухвалили. А што ся дотычетъ того, што хочете межи собою обрати трехъ людей зацныхъ, на выбиранье тоѣ серебшизны, на то его милость рачить призволяти. А за тымъ што есте доложили на писмѣ, ижь тыми пѣнязми не маете платити старыхъ долговъ жолнеромъ, которые служили въ Лифлянтѣхъ, одно тымъ, которые теперъ служити будутъ, боронячи границъ князства Литовского, а не Лифлянтъ; на то господарь король казалъ вамъ повѣдiti, ижь въ томъ панствѣ его ми-

№ 33. лости отчизномъ, великомъ князствѣ Литовскомъ, такіи ся обычаи заховываетъ, штожъ серебризна складана и давана бываетъ на потребу и оборону земскую; потомужъ и теперь его милость въ томъ ся заховати рачитъ, ижъ тые пѣнязи серебризные мають даваны быти на потребу, для обороны и доброго рѣчи посполитой противъ всимъ непріятелемъ, которые бы съ которой-коллежъ стороны мѣли злый умыслъ тягнути зъ войски на панство его милости великое князство Литовское. Якожъ велѣлъ господарь его милость вамъ повѣдѣти, ижъ для обороны границъ великого князства, потреба есть ховати людей пѣнежныхъ, бѣдныхъ и пѣшихъ почотъ немалый, и тежъ немалый часть тые люди служебные держаны быти мають на границахъ, для лѣпшой безпечности отъ непріятеля; и хотя жъ бы его милость войско земское пану гетману роспустити казалъ часу своего до ихъ домовъ, ино они предѣся на границахъ зостануть. А што есте доложили, ижъ кгда бы въ тыхъ трехъ лѣтахъ, на которые серебризну есте ухвалили, война скучечная съ Московскимъ не была, и тая серебризна брана быти не мѣла: на то король его милость рачитъ призывати; нижи, што ся дотычетъ первой серебризны, на сѣсь годъ 63-й ухваленой, его милость рокъ отданью ее до шафаровъ и дѣяка вашего складати рачитъ на день свята Нароженья Панны Маріи близко пришлого въ року теперешнемъ.

39. Тежъ доложили есте о шляхтѣ убогой, которые людей своихъ не мають и дворными сохами своими пашутъ, ижбы тые неповинны были давати серебризну отъ сохъ дворныхъ, а никоторого плату отъ коней, кгдажъ вси дѣльные братья и себры, колько ихъ будетъ, каждый на одномъ кони, на тую квалтовную потребу ѣхати повинны: вѣдѣже, которые бы съ тыхъ шляхтичовъ, што людей не мають, сохъ дворныхъ чотыри або большъ мѣли, на таковыхъ постановили есте, абы каждый далъ

отъ коня копу грошей, а хто бы мѣлъ сохъ меньше чотырехъ, ино неповиненъ будетъ ничего давати. *Отказъ.* Его королевская милость на то рачитъ призывати.

40. Статутъ правъ земскихъ новоучиненный подлугъ ухвалы сойму прошлого, который господарь король рачилъ вамъ, всему рыцерству, обывателемъ великого князства Литовского, зъ ласки свое выдати, напервѣй къ поправленью заровно отъ всихъ становъ правъ новоучиненныхъ, прегляденъ быти не можетъ на тотъ часть небезпечный отъ непріятеля, за рушеньемъ военнымъ всихъ земель панства тутошнего: про то его королевская милость вамъ, всимъ станомъ великого князства, на поправление и ухваленіе того статуту часть и рокъ певный складати рачитъ, по роспущенью войскъ у дванадцати недѣляхъ.

41. Которые дворяне его королевской милости, въ великомъ князствѣ Литовскомъ ослѣные, зъ ласки его милости, на Дворѣ господарскомъ съ почты своими службу мають и пѣнязи съ скарбу господарского на кони берутъ, таковые дворяне почты съ имѣній своихъ, подлѣ давного обычая, къ службѣ господарской и земской на мѣстцахъ звыклыхъ становити будутъ повинны, сами заставаючи на Дворѣ, при службѣ господарской; а на своемъ мѣстцѣ такъ доброго шляхтича, яко самъ, съ почтомъ слугъ своихъ къ службѣ земской выправовати будутъ повинны.

42. Тежъ его королевской милости припоминаете, ижъ подлѣ заволаеньемъ войны и подлѣ часомъ собранья на съемъ всихъ становъ, для обмысленья около обороны отъ непріятеля и успокоенья панства и всихъ обывателей великого князства, на розныхъ мѣстцахъ дѣють ся многіе наѣзды домовые, бои, квалты, забійства и мордерства явные, а то умыслѣнъ чинятъ, въ надѣи долгой войны, ижъ то пойдетъ на зволюку и на продолженіе, къ латвѣйшому ~~выпущенью отъ таковыхъ злыхъ чинковъ;~~ и для того просите покорнѣ его милости, абы

на таковыхъ явныхъ квалтовниковъ и злочинцовъ листы мандаты зъ канцеляріи отъ господаря его милости даваны были, а война ижбы не загоржала дороги до росправы съ злочинцами. *Отказъ.* Его милость зъ маестату своего королевского, и самъ того постерегати и о томъ завжды обмысливати рачитъ, абы права подданнымъ своимъ примножати, справедливости Божье постерегаючи; якожъ и овшемъ на тую прозбу вашу, бачучи ее быти слушную, призывати рачитъ, и хто бы подлѣ войною и подлѣ часомъ собранья на съемъ, наѣзды домовые або якіи квалтъ вѣлѣалъ, на таковыхъ листы мандаты зъ канцеляріи господарской даваны будутъ. Писанъ у Вильни.

Изъ Литовской Метрики (Шубл. дѣлъ кн. V, л. 107 — 117), хранящейся въ С. Петербургѣ, при Правительствующемъ Сенатѣ. Въ заглавіи акта отмѣчено: Отказъ отъ господаря короля е. м. всимъ княжатамъ, панятамъ и всему рыцерству на тые рѣчи, которые они на писмѣ дали на соймъ великомъ вальномъ у Вильни, лѣта Божьего нароженья 1563, мѣс. Іюня 19 дня. *На переплетѣ, по прежней нумераціи вытиснутъ № 56.*

34. — 1563 Іюня 19. Грамота Литовскому дворянству, шляхтѣ и рыцарству, о чрезвычайномъ сборѣ коннаго и пѣшаго войска, для отобранія у Русскихъ Полоцка.

Жикгимонтъ Августъ, Божьею милостью король Польскій, великій князь Литовскій, Русскій, Прускій, Жомойтскій, Мазовецкій, Ифлянтскій и иныхъ. Ознаймуемъ симъ нашимъ листомъ всимъ въ посполитости, нынѣшнимъ и напотомъ будущимъ, штожъ на соймъ великомъ вальномъ теперешнемъ, который къ обмысленью и становенью, для квалтовныхъ и великихъ потребъ и наглого отъ Московского непріятеля звѣчнаго нашего и того — то панства нашего великого князства, есть зложенъ отъ насъ господаря и по-

чался мѣсяца Мая дванадцатого дня въ року нынѣшнемъ тысяча пятьсотъ шестьдесятъ третьемъ, становячи таковую оборону, якая бы налѣпшая и напожиточнѣйшая, зъ славою нашою господарскою и зъ славою и пожиткомъ рѣчи посполитой быти могла, — вси станы, до сойму належачіе, такъ панове рада наши, яко тежъ панове вриадники наши столовые и земскіе, кнежата, панята, хоружіе, шляхта, все собранье того сойму, обачиваючи, яко тотъ непріятель нашъ, убезпечивши листомъ своимъ кглѣйтовнымъ на послы насъ и панства наши, подтягнувши подлѣ замокъ нашъ отчизный Полоцкъ, квалтовнымъ налогомъ, за допущеньемъ Божьимъ тотъ замокъ взялъ и опановалъ; а хотячи за Божьею помощью и стараньемъ нашимъ господарскимъ, тому непріятелю мощно отперети и замокъ Полоцкій и то, што непріятель отъ сего панства нашего взялъ, выратовати, а, гды тотъ же всемогучій Сотворитель похочетъ и поможеть, сказы и шкодъ панствамъ нашимъ отъ того непріятеля починенныхъ надъ его землею помстою поветовати; надъ то вѣдаючи и зъ устъ нашихъ господарскихъ услышавши, ижъ мы сами, головою и парсоною маестату нашего, на того непріятеля умыслили есьмо тягнути, обваровываючи небезпечность здоровья нашего, — надъ вси обычаи звыклые и повинности свои въ статутъ описанные около службы военныхъ, зъ милости и вѣры свое к намъ пану и господарю своему прироженному и рѣчи посполитой тоѣ отчизны наше и свое, не одно, звычаемъ предковъ своихъ и своимъ властнымъ, выносячи къ таковой послугѣ нашой и потребѣ рѣчи посполитой горла и животы и прикладаючи до того маестатомъ своимъ: але обычаемъ новымъ, по доброй воли своей (яко ся вышей помѣнило), для насъ господаря, къ таковой потребѣ рѣчи посполитой позволили и поступили на одну сюю войну, на теперешнее тягненье наше и войскъ нашихъ противъ тому непріятелю (чому и часть певный зло-

№ 34. женъ есть, отъ дня завтрешнего недѣльного за шесть недѣль), становити межи двумя ѣздными, которые ѣздные подлѣ давной и теперешней ухвалы зъ двадцати службъ мають быти ставлены, одного пѣшого зъ ручницею и съкирою, а могутъ тежъ быти межи стрѣльцами зъ рогатинами и зъ съкирами; а гды бы у кого только десять або менше службъ было, тогда пѣшого ставити неповиненъ: вѣдѣже надъ десять службъ хотя бы одну або двѣ службъ мѣлъ, и такъ звыше ажъ до двадцати таковой межи двумя ѣздными третьего пѣшого (а то тымъ обычаемъ, яко хто повиненъ почты ѣздные ставити), на тотъ часъ и на тую только одну теперешнюю потребу поставити маеть. Къ тому призволили тежъ, также по доброй воли своей, на сесь часъ и на одну туюжъ войну и тягненье (яко вышей о пѣшихъ описано), абы вси братья и сынове зъ отцы недѣльные, шляхта, лѣтъ дорослые, дома не оставаючися, тягнули на тую-то потребу военную, лечъ такимъ обычаемъ, ижъ мають братья и сынове отъ отца недѣльные выправивши одного старшого або годнѣйшого брата къ службѣ земской на войну, такъ яко въ статутѣ описано, ѣздо и пѣшо, хто яко всхочеть и возможетъ, сами пѣнязи наши брати, або тежъ паномъ кому хотя служити въ той потребѣ военной; а однакъ же, для пригладанья дому, одинъ братъ недѣльный, або сынъ при отцу вельми зхвораломъ и лѣты зошлому дома зостатися можетъ. А хто бы пѣшого межи двумя ѣздными не поставилъ, альбо который съ братьи и тежъ съ сыновъ зъ отцы недѣльных, лѣтъ дорослыхъ (окромъ тыхъ што дома по одному зостанутъ), на тую теперешнюю потребу военную въ жолнерской и пѣшой службѣ, або при панѣхъ своихъ не вытягнули и не были: тогда (яко сами жъ вси станове предречоны постановили и вину на таковыхъ възложили) тые мають быти караны съдѣньемъ у вѣжи на долѣ дваццать недѣль, такъ тяжкимъ съдѣньемъ, яко за голо-

ву карають, то только выймучи, ижъ гды бы которому шляхтичу, брату альбо сыну отъ отца недѣльному, пѣнзей на службу жолнерскую и пѣшую за его стараньемъ не дано, альбо панове ѣдучи на войну прїимовати ихъ не хотѣли: тогда таковой оповѣдавши то на вѣдѣ и у хоружихъ, будетъ отъ таковой вины съдѣнья у вѣжи воленъ. А пѣшихъ тыхъ позволили и поступили мѣти на войнѣ при собѣ и при почтѣхъ своихъ ѣздныхъ; а пану гетьманови великому давати тыхъ пѣшихъ до шиху и по битвѣ. — Про то, гдыжъ вси станове до сойму належачіе, не съ жадноу повинности и принуженья, а ни обычаемъ давнымъ, одно росторопнымъ баченьемъ и добрымъ умысломъ, по доброй воли своей, къ такъ квалтовной и горячей потребѣ рѣчи посполитоу, для насъ пана своего то вчинили, постановили, позволили и поступили на одну тую только теперешнюю потребу военную и тягненье пѣшихъ людей и тежъ братью и сыновъ недѣльных: мы господарь, съ зволеньемъ пановъ радъ нашихъ, уцвѣняемъ и обвѣриваемъ, — не одно тымъ станомъ, которые до сойму належатъ и на теперешнемъ соймѣ суть, и тое въ тыхъ двухъ артыкулѣхъ дочасное постановление вчинили, але всимъ обывателемъ всехъ земель великого князства Литовского, шляхетского и рыцерского народу, штожъ тая помѣненная ихъ самыхъ дочасная и замѣренная устава, и выполнение еѣ однимъ тымъ разомъ, въ пошлину имъ николи впередъ ити и быти не маеть, и ни въ чомъ вольностямъ ихъ стародавнымъ и новѣ отъ насъ наданымъ, а ни статуту шкодити и на переказъ быти, всимъ въ посполитости и каждому зособна не будетъ; а ни они сами впередъ и ихъ потомкове, вѣчными часы, жаднымъ примушеньемъ и впоминаньемъ того, што теперъ по доброй воли своей для насъ пана своего и рѣчи посполитоу на одинъ кротъ и на одно тое рушенье военное вчинять, до того николи не будутъ повинны, и яко отъ насъ самыхъ,

такъ и отъ потомковъ нашихъ великихъ князей Литовскихъ и ни отъ кого иного тымъ и ничимъ инымъ до таковой повинности большъ притисканы не будутъ и не мають быти. Што мы имъ сами за себе и за потомковъ нашихъ господарскихъ великихъ князей Литовскихъ, повторнѣ, вѣчнѣ упевняючи, обѣщаемъ и прирекаемъ словомъ нашимъ королевскимъ. И на то дали есмо всимъ вышеймъненымъ станомъ и всему рыцерству нашему всехъ земель великого князства Литовского сесь нашъ листъ, зъ нашою печатью А при томъ были панове рады наши ихъ милость (сльдуютъ имена Литовскихъ радныхъ пановъ, въ томъ самомъ порядкѣ, какъ они означены выше, на стр. 120-121, въ грамотѣ подъ № 32). Писанъ у Вильни, лѣта Божьего нарѣженья 1563, мѣсяца Юнія 19 дня. — Подпись руки господарьскоу.

Изъ Литовской Метрики (Запис. кн. XXXVIII, л. 423 об. и слѣд.), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Варунокъ, всимъ обывателемъ великого князства Литовского, ижъ позволение добровольнѣ учиненое, зъ стороны ставленья къ потребѣ военной межи двумя ѣздными одного пѣшого, также о ѣханье на войну братьи недѣльной, альбо сыномъ отъ отца недѣльнымъ, за пѣнзы жолнерскіе альбо при панѣхъ, только на одинъ тотъ разъ и потребу военную трвати маеть.

35. — 1564 Февраля 11. Вѣстовая отписка неизвѣстнаго Литвина, о поражении Московскаго войска подъ Улоу и Дубровою.

Вельможный милостивый пане! Ачъ мамъ за то, ижъ ваша милость о той ласцѣ Божей и фортуной новинѣ, которая ся стала войску его королевской милости, вѣдомость до сего часу мѣти рачишь: вѣдѣже мнѣ, повольному служебнику вашей милости, не годилось того учинити, абыхъ вашей милости о томъ ознай-

мити не мѣлъ. А то такъ ваша милость вѣдати рачъ, ижъ въ среду, мѣсяца Генваря двадцать шостого дня, поражено есть войско не-пріятельское Московское черезъ пановъ гетьмановъ ихъ милость Литовскихъ, навышшого и дворного, тымъ обычаемъ: ижъ маючи ихъ милость вѣдомость о войску не-пріятельскомъ, которое съ княземъ Петромъ Шуйскимъ съ Полоцка мѣло ити до Друцкихъ подъ черезъ панство его королевской милости, чинячи плѣнъ и шкоду, и заниматися съ другимъ войскомъ, которое мѣло ити зъ Смоленска подъ Оршу; а ижъ певная и частая вѣдомость о тыхъ людехъ не-пріятельскихъ до ихъ милости доходяща, и слышечи о томъ войску отъ себе въ колько миляхъ, того дня, въ среду, рушилися ихъ милость зъ обозу своего противку имъ, и, доѣхавши мѣстечка пани Кишчиноу Чашникъ, прибѣгли сторожы повѣдаючи, ижъ зъ сторожою Московскою видѣлися. Потомъ отправлено ротъ двѣ, пана Боркулаба и пана Баки, а зъ ними ишіе люди, и панъ гетманъ дворный зъ людьми передовыми, такъ тежъ и панъ гетманъ навышшій зъ войскомъ великимъ. Заразъ отъ Чашникъ тые двѣ роты пана Боркулабова и пана Бакина зъ людьми Московскими поткалися, и тамъ колько вязней людей передовыхъ Московскихъ доставши, противку пановъ гетьмановъ послали просячи о посилокъ. Якожъ для посланку отправлено имъ князя Соломерецкого и пана Миколая Соуѣгу, воеводича Новгородского, и панъ гетманъ дворный зъ иными гуфами за ними пошелъ, и его милость панъ гетманъ навышшій, также зъ иными гуфами и съ дѣлы и съ драбы, а притягнувши на поле немалое подъ село при рѣцѣ Улѣ, тамъ обачивши Московскіе гуфы застановилися, и, сождавшися, вси сполечнѣ гуфы росправили. А еще нимъ ихъ милость на тое мѣсто притягнули, черезъ тыхъ людей передовыхъ колько-десять Москвичъ убито и вязней колько — наццать поймано. А кды гуфы росправили, не чинили

№ 35. ихъ милость некоторые переказы, але въ справъ будучи на мѣстцу стояли, и, зготовившись, зъ рѣсказанья пана гетмана наивѣщного, панъ гетманъ дворный подступилъ къ нимъ зъ людомъ и рѣсказалъ учинити потканье пану старостѣ Чечерскому, пану воеводу Новгородскому, и князю Соломерецкому, и тежъ своему почту: которые яко ся зъ ними поткали, заразомъ ихъ сперли, ажъ потомъ почали тымъ додавати, и такъ тежъ гонячи за ними били ихъ, ижъ за ласкою Божьею тое войско на голову поразили, бьючи ихъ и гонячи ажъ черезъ пять миль. Того войска было тысячей двадцать чотыри. А такъ побивши и кошъ увесь войско господарское взяло, которыхъ воевъ было большъ трехъ тысячъ, и здобычу немалую войско его королевское милости взяло: зброй большъ двухъ тысячъ и иныхъ многихъ рѣчей. А надъ тымъ войскомъ были воеводы: въ первомъ полку передовомъ Захарья Плещевъ, въ большомъ полку князь Петръ Шуйскій, а въ сторожовомъ полку Иванъ Васильевичъ Шереметевъ, въ четвертомъ панъ Семенъ Васильевичъ Яковлевъ, въ пятомъ полку князь Ѳеодоръ Ивановичъ Татевъ, въ шестомъ князь Иванъ Петровичъ Охлябинъ, въ семомъ Иванъ Очинъ — Плещевъ, у восьмомъ Яковъ Ѳеодоровичъ Болтинъ. Въ той битвѣ немало воеводъ и иныхъ людей запныхъ поймано, то есть: Захарья Ивановича Плещева, воеводу передового полку; князя Ивана Петровича Охлябина, воеводу полкового Ивана Пороватого, сына боярского зъ Новагорода Великого; дворянъ князя великого: Воина Стомина Рутовского зъ Дорогобужья, Олиѣра Васильевича Ѳедьцова съ Козельска, Богдана Кутузова зъ Ржова, Оеонася Васильевича Чихачова и Ивана Оеонасовича Арцыбашева зъ Пскова, Дмитрея Кошкарева, Костянтина Ѳеодорова Филиповича, Василья Олексѣевича зъ Пскова, Бошмана Якушкина зъ Вязмы, Солмана Ивановича Дементьева зъ Новагорода, Семена

Ѳеодоровича съ Переславля, тысячника стрѣleckого Семейка Ѳеодоровича Хохолкина съ Колодна, тые вси дѣти боярскіе; а слугъ ихъ колько — десять, кромъ иныхъ вязней, которыхъ много по войску. А скоро по той битвѣ, ихъ милость панове гетманове зъ всимъ войскомъ рунилися ближе къ Орши и мѣли положить кошъ въ Соколинъ, а напередъ отправлено до Орши передовыхъ людей сколько тысячей съ паномъ Филономъ Кмитю, и тамъ же вжо за Оршою, подъ Дубровною, сторожу Московскую, Москву и Тотаръ громили, и двухъ мурзъ а десять Москвитиновъ поймали: бо войско Московское великое кошомъ положилося за Дубровною у мѣли. Войско тежъ наше Польское съ дѣлы вжо тыми часы рушилося съ Борисова до великого войска Литовского, оставивши обозъ у Борисовъ, и вжо до сего часу будутъ стягнуты зъ великимъ войскомъ. Пана Боже, дай, абы то было fortunъ, и есть надѣя въ ласцѣ Божей, штожъ ся тотъ непріятель не будетъ тѣшити, а вборзѣ дастъ Богъ, и другая новина щастливая насъ всѣхъ увеселитъ.

Што тежъ зъ сойму Варшавского до его милости пана моего писано, то вашей милости ознаймую: ижъ панове Ляхове дивными а разными претекстами хотѣли, жебы Литву у кабалу записали и у вѣчную неволю собъ насъ взяли; напервѣй, одноъ ляски, одноъ печати, одного скарбу, одноъ канцеляреи допиралися; потомъ, кгда того довести не могли, тогды предся, жебы вси тые станове и врядники Литовскіе писалися «маршалокъ земскій коруны Польской у великомъ князствѣ Литовскомъ», потомужъ и иные вси врядники Литовскіе, а король жебы ся писалъ «король Польскій и земль князства Литовского»: чого кгда тежъ довести не могли, тогды предся то намъ отнимають, чого имъ Боже не поможи, абы заразъ въ Польщи на великое князство подношенье было, а въ Литвѣ жебы николи на князство подношенье не было. По

тому жъ и о соймы, абы соймы вальные черезъ то въ Литвѣ не были, только спельные зъ ними на границахъ; чого панове послове наши, дай пана Боже, абы боронили, якожъ есть и надѣя въ Бозѣ, штожъ и оборонять.

Кгда—мъ того листу до вашей милости дописывалъ, принесена новина до его милости пана моего, ижъ тое войско Московское, которое за Дубровною кошомъ было положилося, послышавши о нашемъ войску до себе тягнучи, повтекали, возы и сани порубали, и тегино покинувши и сами на вьюки складшися въ скокъ побѣгли до свое земли; а ихъ милость панове гетманы, великій и дворный, со всимъ войскомъ Литовскимъ пустилися за ними въ погоню. Пана Боже дай, абы fortunъ звѣтство было и надъ тымъ войскомъ того нежданного пана. А Польское войско еще въ Борисовъ обовомъ лежитъ: бо панъ гетманъ нашъ задержалъ ихъ своимъ листомъ у Борисовъ, абы далѣй не тягнули, ижъ теперь не есть потреба, але ожидали бъ иного листу, гдѣ ся зъ войскомъ Литовскимъ здѣймовати мають. Ваша милость вѣдаючи о томъ, не рачте опускати молитвами своими волать до пана Бога, абы рачилъ зъ милосердыя своего, того непріятели покорити подъ ноги господаря нашего милостивого.

Иного ничого на сѣхъ часъ писати къ вашей милости не маю, одно, вѣрнѣ зычачи вашей милости, пану и добродѣю своему, при добромъ здоровьи всихъ fortunъ, себе и покорные службы свои звыклой ласцѣ вашей милости поручаю. Писанъ у Вильни, року 64, мѣсяца Февраля 11 дня.

Еще, по написанью тобъ педулы моее, другая потѣшная новина пришла до пана моего, ижъ въ той битвѣ самого Шуйского забито и тѣло его въ рѣцѣ знайдено; а то повѣдиль подскарбій его, которого поймано отъ нашихъ людей, ищучи тѣла пана своего. А Шереметевъ также въ битвѣ будучи древомъ шкодливъ пребылъ, и скоро прѣхавши до Полоцка умеръ.

А тое войско непріятельское, што подъ Дубровною было, уже ся были перепровадилъ на свою сторону Орши и Днѣпра; а скоро о войску господаря нашего и тежъ о пораженіи Шуйского зъ войскомъ увѣдали, взявши на себе страхъ и покинувши увесь кошъ побѣгли, и яко за три дни у Смоленска стали; а бѣгучи, добра и маетности свои кдали, и тамъ, Оршанцы повѣдають, ижъ такожъ великозъ добычи и при великой битвѣ Оршанской не взято. А теперь князь великій послалъ былъ дворянина своего Петра Ивановича Сотницына — Клобукова зъ сорокма коней, съ тымъ до того войска, даючи вѣдати о той битвѣ, которого козаки Дубровенскіе побили и двухъ живыхъ поймали, съ чого со всего нехай будетъ хвала пану Богу!

Изъ Литовской Метрики (Запис. кн. XLV, л. 59 об.), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Листъ о новинахъ писанный.

36. — 1564 Августа 15. Дарственная запись княжны Анастасіи Михайловны Мстиславской супругу своему князю Стефану Збаражскому, на Тетеринскую и Пацковскую отчину.

Я Стефановъ Андреевичъ Збаражскій, вдовинъ Витебскій, Анастасія Михайловна княжна Мстиславская, чиню явно и визнаваю симъ моимъ листомъ, всимъ посполитъ и кому будетъ потреба того вѣдати, нынѣшнимъ и напотомъ будучимъ: ижъ што въ которыхъ имѣньяхъ, Тетеринъ и Пацковъ, досталася часть мнѣ правомъ прироченымъ дѣдичнымъ, по смерти отца моего небожчика князя Михайла Ивановича Мстиславского и по смерти матки моее княгини Михайловой Ульяны Ивановны, часть четвертая отъ сестръ моихъ рожонныхъ, старостиное Луцкой княгини Андреевой Сангушковой Коширской княгини Богданы, отъ подчашиное господарской, старостиное Дорогичкой пани Миколаевой Петровича

№ 36. Кишиной пани Марины, а отъ пани Яновой Яновича Забрезиньской пани Барбары Михайловенъ, княжонъ Мстиславскихъ : ино я узнавши къ собѣ великую ласку, и во всемъ добротливое захованье, и статечную а правдивую милость малжонка моего, его милости князя Стефана Андреевича Збаражского, воеводы Витебского, и хотѣчи вѣдчность мою за тую ласку его милости отъ себе показати, вынявши есми отъ третѣе части имѣнья замку моего отчизного и вымѣненого Молодечна двѣ части, тую часть мою имѣнья замку Тетериньского и часть имѣнья Пацковскаго, съ будованьемъ замковымъ и дворнымъ, и съ костелы Римскими и Рускими, и со всимъ наданьемъ и подаваньемъ ихъ костелнымъ и церковнымъ, и зъ мѣсты и зъ мѣщаны, и съ торгомъ и съ торговымъ и зъ мытомъ, и съ корчмами, и съ челядью невольною, и съ статки домовыми, и съ гумны и съ землями пашень дворныхъ, и съ бояры и съ слугами путными, и съ людьми волостными и данными и тяглыми, и со всеми кгрунты и землями, властностью и пожитками тыхъ частей моихъ, части имѣнья замку Тетериньского и части имѣнья Пацковскаго, якими — кольвекъ имени названные и помѣненные (такъ, ижъ менованое неменованому, а неменованое менованому ничего шкودити не маеть), записую его милости малжонку моему въ певной суммѣ пѣнезей, въ дву тысячахъ копахъ грошей монеты и личбы великого князства Литовскаго; и вже отъ сихъ мѣстъ, заразомъ, въ моцъ и въ держанье его милости то поступаю и пушаю таковымъ обычаемъ, ижъ маеть его милость князь, малжонокъ мой, теперь, заразомъ, при животъ моемъ, тую часть мою имѣній вышей-помѣненныхъ въ моцъ свою взяти, и ихъ держати и уживати, со всеми доходы и пожитки зъ нихъ приходячими, и со всякою владностью справованья и росказыванья въ нихъ, подлѣ воли своее, такъ яко и я сама. И вольно будетъ его милости отъ сего часу тую часть

оныхъ имѣній въ той суммѣ, у двухъ тысячахъ копахъ грошей, такъ при животъ своемъ, яко и по смерти своей, кому воля его милости будетъ, завести и записати, а я его милости того боронити и въ то ся ничимъ вступовати не маю и не буду мочи; а по смерти моей, дѣти мои (если бы ихъ мѣла), або сестры мои, и ниhto съ близкихъ моихъ, не отдавши тоѣ суммы его милости князю малжонку моему, або тому, кому то его милость запишетъ, не маеть ся ничимъ въ тую часть оныхъ имѣній вступовати и зъ моцы держачаго выимовати: але похочутъ ли тые двѣ части, часть имѣнья моего Тетериньскаго и часть имѣнья Пацковскаго, вынати отъ третѣе части имѣнья замку Молодечаньскаго, яко ся въ собѣ маеть, первѣй будутъ повинны его милости князю малжонку моему, або кому то его милость подлѣ воли своее и сего моего листу запишетъ, тые двѣ тысячи копъ грошей личбы Литовскоѣ заплатити и сполна отложить, а то вже къ рукамъ своимъ взяти. И на то есми его милости князю малжонку моему дала сесь мой листъ записный даровный, зъ моею печатью. А при томъ были и того добръ свѣдомы: его милость панъ Остаеѣй Воловичъ, маршалокъ дворный, подскарбій земскій, писарь его королевской милости, староста Могилевскій, державца Озерицкій и Усвятскій, а панъ Янъ Шимковичъ, маршалокъ и писарь его королевской милости, староста Тыкотиньскій, а панъ Янъ Юрьевичъ Волочковича, конюшій Виленскій, державца Василишскій, якожъ ихъ милость панове будучи того запису моего добръ свѣдомы, за прозбою моею и печати свои рачили приложити до сего моего листу. А къ тому еще, заховываючися водлѣ права, обычаю и ухвалы земскоѣ, пришедши есмо передъ господаря короля его милость и постановившия обличнѣ, тую рѣчь и сесь записъ мой его королевской милости оповѣдила и визнала, и просила господаря его милость, абы его королевская милость рачилъ росказати,

то до книгъ его милости господарскихъ канцлерейскихъ записати. Писанъ въ Межирѣчи, лѣта Божьего нароженья 1564, мѣсяца Августа 15 дня.

Выписана изъ подтвердительной грамоты короля Сигизмунда Августа, данной въ томъ же 1564 г., которая внесена въ Литовскую Метрику, Запис. кн. XXXVIII, л. 519.

37. — 1565 Юня 12. Окружное послание Львовскаго епископа Арсенія Литовско-Русскому православному духовенству и мирянамъ, о вспоможеніи Дорогошевскому поселанину Симеону, обрекшему себя, за грѣхи, на странствование и собираніе подаяній на церковь.

Милостію Божією, молитвами пречистыя его Богоматере и честнаго ея Успенія. Преосвященнымъ и христоролюбивымъ архіепископомъ и епископомъ, и достойно-почетнымъ архимандритомъ и игуменомъ, о Христѣ почтеннымъ протопопомъ и попомъ, и о святомъ Дусѣ возлюбленнымъ архидіакономъ и діаконъ и всему причту святыхъ Божіихъ церквей, и яснѣ а висоцѣ-вельможнымъ панѣмъ воеводамъ, паномъ каштеляномъ, старостамъ и подстаростемъ, урожонымъ паномъ земляномъ, и ихъ милостей паніямъ, благороднымъ и благочестивымъ княземъ и княгинямъ, бояромъ и дворяномъ господарскимъ, славетнымъ паномъ мѣщаномъ, и опатрнымъ паномъ бурмистромъ и паномъ радцамъ, и шляхетнымъ паномъ войтомъ и лентвойтомъ, тивуномъ и ватаманомъ, и всѣмъ повсюду православнымъ христіаномъ во православіи живущимъ, обывателемъ землѣ господаря его милости и такожъ великаго князства Литовскаго и Волынскаго. Мы смиренный Арсеній, епископъ митрополіи Галицкой, владыка Львовскій и Каменца Подолскаго, со благословеніемъ Божіимъ просимъ вашу милость, посподити всѣхъ православныхъ христіанъ, и даемъ вамъ знати о семъ младенци, на имя

Семвонъ, ижъ пошелъ промежку васъ православныхъ христіанъ, гдыжъ онъ обрѣклъ ся естъ милостивому Богу послужити, и пречистой его Матерѣ, и Угодникомъ его святымъ, яко въ нѣкоторомъ его согрѣшеніи Богъ святая милость рачилъ скарати его; и якожъ онъ тое на собѣ побачилъ, штожъ на немъ карность тая естъ водлѣ воли и ласки и милосердія Божія, и билъ намъ чоломъ, и епископъ нашей громада зъ Дорогошева Малого, абыхъ мы ему листъ нашъ на то дали, подлѣ печатію нашею, къ вамъ православнымъ христіаномъ, абы есте его спомогали на посвященіе церкви святой святыхъ Мученикъ Фрола и Лавра, до села Дорогошева, до имѣнія его милости пана барзого пана старосты Львовскаго Петра, а онъ абы тое выполнялъ, яко ся обѣщалъ, и на всѣ потребности церкви святой, чимъ кого Богъ святой научитъ и вразумитъ, по силѣ вашей, про ваше душевное спасеніе и тѣлесное здравіе. А тое ваше споможеніе и наданье Богъ премилостивый и пречистая его Богомати стократцею да отдастъ и отплатитъ радостію вѣчною во царствіи его святомъ небесномъ, и отъ мукъ васъ всѣхъ вѣчныхъ да избавитъ православныхъ христіанъ, творящихъ споможеніе и милостыню святымъ Божіимъ церквамъ. Споманѣте, ваша милость, слово Христово, якожъ самъ его святая божественная милость повѣдѣти рачилъ: «блажени милостивіи, яко тіи сами помиловани будутъ.» И Вселенскій учитель, великій во Апостолѣхъ Павелъ пишетъ намъ у епископѣхъ: «строющимъ Богу храмы земныя уготоваетъ имъ Богъ жилища небесная,» то естъ, справленіемъ Божіихъ церквей мужемъ и женамъ зглажаются грѣси и имена ихъ суть написаны на небесѣхъ. И еще быхмо вашу милость наупоминали отъ святыхъ писаній: ино, яко ваша милость требуетъ милости отъ Вседержителя Бога, и вы по силѣ вашей дайте милостыню. Ино мы пакъ вашего благочестія покорнѣ просимъ и жадаемъ, рачьте

№ 38. того обреченного младенца вышей писаного и съ его товаришемъ, куды — колъекъ на которую страну пойдутъ, въруйте имъ, и пропущайте ихъ добровольнъ, и путь правъ показуйте имъ, и честуйте ихъ, яко — то слугъ Божіихъ церквей, на мытѣхъ и на перевозѣхъ будьте имъ милостиви и на нихъ ласкави, и почитуйте ихъ яко-то страннопришелцовъ. При томъ благодать и милость Божія со всеми вами, и нашего смиренія благословеніе, купно жъ и молитва наша уставичная ко Господу Богу о всѣхъ васъ. Данъ въ Стратинѣ, лѣта Божія нароженія 1565, мѣсяца Іюня 12 дня, на преподобного Отца нашего Онофрія.

Подлинникъ, хранящійся въ Львовскомъ Ставропигіальномъ архивѣ, писанъ современною скорописью, безъ строчныхъ знаковъ, съ титлами. Внизу грамоты приложена митрополичья печать, подъ кустодією.

Доставлена въ Археографическую Коммиссію, въ списокъ, корреспондентомъ Г. Зубрицкимъ.

38. — 1565 Декабря 30. Жалованная грамота всемъ обывателямъ Литвы, о дозволѣніи имъ въ судныхъ дѣлахъ пользоваться новоизданнымъ Статутомъ, съ предоставленіемъ права имѣть по упѣдамъ «сеймики», по примѣру Поляковъ.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Ифлянтскій и иныхъ. Чинимъ явно симъ листомъ нашимъ нынѣшнимъ и напотомъ будущимъ, кому будетъ потреба того вѣдати, абычучи его слышати, ижъ будучи намъ господарю на великомъ соймѣ вальномъ въ мѣстѣ нашемъ столечномъ Виленскомъ, съ паны радами нашими духовными и свѣтскими, и съ князи и паны вриадники земскими и дворными и со всемъ рыцерствомъ всѣхъ земль панства нашего великого князства Литовского, гдѣ

панства нашего, донесли прозбы свои, межинными рѣчьми, съ покорнымъ чоломбитиемъ къ намъ господарю вси станы сполнѣ и одностайнѣ, ижъ быхмо для способу лѣпшого и отправки посипѣшнѣйшоу въ сираведливости людской, статутъ новыи, отъ насъ господаря на соймѣ вальномъ у Бѣльску року прошлаго выданныи и привилеємъ нашимъ утвержонныи, въ skutечное уживанье привели, и тымъ статутомъ суды отправовати назали; а приводячи къ большому порядку рѣчь посполитую, што быхмо на выбиратье пословъ къ соймомъ вальнымъ и инымъ потребамъ земскимъ належачихъ, дозволили и допустили въ повѣтѣхъ (то есть, гдѣ — колъекъ врияды судовые засажены, и гдѣ потомъ черезъ насъ господаря засаженье вриядовъ судовыхъ зъ ихъ прозбы и зволенья дойдеть) соймы малые къ збиранью всѣхъ обывателей въ каждомъ повѣтѣ мѣти, и на тые соймы повѣтвые всимъ паномъ радамъ нашимъ, княземъ, паномъ вриядникомъ земскимъ и дворнымъ, и всимъ станомъ народу шляхетского и стану рыцерекого, гдѣ хто въ которомъ повѣтѣ осялость маєтъ, на часы черезъ листы наши назначоные зъѣзжати, тымъ же прикладомъ и порядкомъ, яко на такихъ соймѣхъ повѣтвыхъ справа, поступокъ и обычай заховывается въ панствѣ нашемъ корунъ Польской. Ино мы господарь, дознавши не одно черезъ весь часъ панованья нашего, але къ памяти и воспоминаню годному приводячи, ажъ съ давныхъ вѣковъ, за щастливого панованья славноу памяти предковъ нашихъ, королей ихъ милости и великихъ князей Литовскихъ, яко предковъ велебныхъ въ Бозѣ и вельможныхъ пановъ радъ ихъ милости духовныхъ и свѣтскихъ, князей, пановъ вриядниковъ земскихъ и дворныхъ, и всего рыцерства, родичовъ и обывателей всѣхъ земль великого князства Литовского, цнотливые и вѣрные и пожиточные заслуги къ рѣчи посполитой, также и всѣхъ на тотъ часъ будучихъ къ намъ господарю, пану своему при-

реженому, и къ кождымъ потребамъ земскимъ (которыми не только зъ утраченіемъ маенностей, але зъ нелитованіемъ здоровья и горлз своихъ, мужнѣ и сталѣ zostавуючися, такъ радами мудрыми, яко и ростропностью своею и моцию усиленною, противку каждому неприятели нашему намъ господарю и рѣчи посполитой добръ заслугуючи подобали и подобатися не переставаютъ): а для таковыхъ вѣрныхъ, цнотливыхъ и намъ милѣ-вдичныхъ заслугъ, умыслили есмо, не только таковыхъ потребъ рѣчи посполитой належачихъ не отмовляти, але еще завжды щедробливо (яко есмо звыкли) причиняти и примножати хочемъ, и дозволяемъ, абы вже тымъ статутомъ новымъ судилися и сиравовалися вси станы, однакимъ порядкомъ, въ повѣтѣхъ и на мѣстцахъ судомъ засажонныхъ, передъ вриядники на суды отъ насъ высажонными, водлугъ привилія и наданья нашего на соймѣ Бѣльскомъ на то отъ насъ обдарованого. А въ тыхъ же повѣтѣхъ на мѣстцахъ головнѣйшихъ зъѣзжати и збирати княземъ, паномъ радамъ нашимъ, вриядникомъ земскимъ и дворнымъ, и всему рыцерству, хто въ которомъ повѣтѣ осялость маєтъ, дозволяемъ, и, за обосланіемъ и листы нашими господарскими зъѣхавшися, о потребахъ рѣчи посполитой радити и намовляти и обмышляти, о чомъ имъ отъ насъ господаря ознаймено будетъ; и съ тогожъ собранья и намовъ спольныхъ, пословъ обирати и на съемъ великій вальный звыклый въ томъ панствѣ нашемъ (кдѣ листы нашими господарскими мѣстцо таковому сойму ознаймено и зложено будетъ) выправляти, и черезъ тыхъ пословъ потреби рѣчи посполитой и кождого зособна повѣту до насъ господаря приносить, во всемъ справуючися по тому, яко въ панствѣ нашемъ корунъ Польской обычай, около таковыхъ съѣздовъ повѣтвыхъ, отправованья пословъ и доношенья потребъ рѣчи посполитой на съемѣ вальномъ передъ насъ господаря, заховывается. А то все, яко справы судовые у повѣ-

тѣхъ, такъ тежъ и соймы въ тыхъ же повѣтѣхъ, яко вышей описано, маєтъ отъ насъ господаря и отъ потомковъ нашихъ великихъ князей Литовскихъ вѣчнѣ и непорушнѣ держано быти; а съ того права и порядку не маемъ ничего вызволяти и ничимъ отмѣняти, якожъ на утверженье и моцность того нашего привилія, подписавши его властною рукою нашего господарскою, печать нашу къ нему привѣсити есмо казали. Дано и дѣялося на вальномъ соймѣ, у Вильни, при бытности пановъ радъ нашихъ духовныхъ и свѣтскихъ, и тежъ князей и пановъ вриядниковъ земскихъ и дворныхъ, лѣта Божьего нароженья 1565, мѣсяца Декабря 30 дня.

Изъ Литовской Метрики (Запис. кн. XXXVIII, л. 570), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Привилей всимъ обывателямъ великого князства Литовского, о позволеніи имъ статутомъ ново въ Бѣльску выданнымъ и привилеемъ потвержоннымъ отправовати всякіе справы въ повѣтѣхъ, и о зъѣзжанью на соймики передъ соймомъ вальнымъ.

39. — 1567 Аврѣля 14. Наказная королевская грамота Кіевскому каштеляну Павлу Сопѣзъ, о пригожовленіяхъ къ предстоящей войнѣ съ Русскими.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Ифлянтскій и иныхъ, каштеляну Кіевскому, державцѣ Любечскому пану Павлу Ивановичу Сопѣзъ. Вѣдомо есть, не одно вашей милости радамъ нашимъ, але и всему рыцерству, вѣрнымъ подданымъ нашимъ, ижъ мы отъ щастливого панованья, съдши на столѣцы панствѣ нашихъ, николи на кровопролитье не стояли, але по приказанью Божьему, со всеми господары хрестіянскими, также и зъ великимъ княземъ Московскимъ въ братской пріязни быти хотѣчи, ко всему доброму

№ 40. умыслъ нашъ склоняли, всихъ тыхъ рѣчей, которыми онъ къ неприязни зъ стороны своею причину давалъ, въ терпливости будучи и ожидаючи въ томъ узнанья его; а за писаньемъ и присыланьемъ отъ него кглейтовъ (яко бы беручися зъ нами къ покою и постановенью хрестыанскому), пословъ нашихъ не однокроть къ нему посылали; съ которыми онъ постановенья некоторого не вчинилъ упкомъ давно—звыклоу хитрости своею, болшъ неприязни причиняючи, на панство наше посягаетъ, и, предсявзятыя своего не снижаючи, не только къ покою и зверненью несправедливо забраноу отчизны нашею не беретъ ся, и шкоду панству и подданнымъ нашимъ починенныхъ не нагорождаетъ, але еще и далѣй на панство наше злый умыслъ свой подноситъ. Про то, хотѣчи съ помощью Божьею за кривду нашу и шкоду панства нашего стояти, на валномъ великомъ соймѣ Городеньскомъ недавно минуломъ, со всеми станы сойму належачими, за сполнымъ всихъ обмысленьемъ и зволеньемъ (до чого и наша воля господарская приступила), вынайденъ и постановленъ есть способъ обороны и валки потужноу противку того неприятеля, што все меновитъ и достаточнѣ на ухвалѣ соймовой описано. А мы вборзъ отправивши потребы здѣшняго панства на соймѣ теперешнемъ, до того тамъ панства великого князства поспѣшимъ ся: бо ачъ — колвекъ тотъ неприятель и пословъ своихъ до насъ шлетъ, але замковъ на кгрунтѣ нашомъ отъ него побудованныхъ не отступилъ, и еще къ посягненью отъ панства нашего таковыхъ же замковъ люди немалые отправилъ. Чого вже болшъ терпѣти не хотѣчи, складаемъ збиранию войска мѣстцо певное у Молодечнѣ, и приказуемъ тобѣ, ажбы твоя милость самъ, особю своею, конно и збройно, съ почтомъ своимъ ѣзднымъ и пѣшимъ, ничимъ не отступаючи отъ постановленья и ухвалы соймовой и во всемъ водлугъ того заховываючи, у войско на тое мѣстцо назна-

ченное тягнулъ, и на часъ певный, то есть, на день семоу суботы теперешнего пришлого свята тамъ становилъ ся, ничимъ часу назначеного не омѣшкиваючи, але еще и инымъ поспѣшностью своею, яко рада наша, прикладъ даючи, чинячи то для ласки нашею господарской и вѣдаючи о постановеньи соймовомъ, къ службѣ нашей и земской на неопѣшныхъ ухваленомъ. Писанъ у Петриковѣ, лѣта Божьего нароженья 1567, мѣсяца Априля 14 дня.

Подлинникъ писанъ на бумажномъ листѣ, современною скорописью, безъ строчныхъ знаковъ. Королевской подписи у грамоты нѣтъ. Скрѣпа: Михайло Гарабурда, писарь. Внизу приложена малая печать, подъ кустодіею, на которой отпискъ не виденъ. Ветха.

Изъ коллекціи актовъ, приобрѣтенныхъ для Археографической Коммисіи въ Швеціи корреспондентомъ г. Соловьевымъ.

40. — 1567 прежде Августа. Наказная королевская грамота старостамъ и державцамъ Ливонскихъ замковъ, также жолнерскимъ ротмистрамъ, о подчиненности гетману Яну Ходквичу, по предоставленной ему власти въ управленіи Ливонскою землею.

Старостѣ Волмерскому князю Александру Ивановичу Полубенскому, и всемъ старостамъ и державцамъ замковъ архіепископства Рижского и всихъ иныхъ замковъ и державъ нашихъ въ земли Лифлянтской, и тежъ всемъ ротмистромъ и ихъ товаришомъ ротъ ѣздныхъ и пѣшихъ, которые служатъ въ земли Лифлянтской. Даемъ вамъ вѣдати, ижъ отправили есмо старосту Жомойтского, маршалка земского великого князства Литовского, державцу Плотельского и Тельшовского, пана Яна Ходквича до земли Лифлянтской, и зѣтили есмо его милости всю справу, мощъ и владность архіепископства Рижского, и иные вси замки наши, и гетманство земли Лифлянтской,

давши ему суполную мощъ архіепископствомъ Рижскимъ и всеми замки нашими въ оной земли Лифлянтской, также и вами людьми служебными рядити и справовати, и неприятелемъ границъ того панства съ добрымъ и пожиточнымъ нашимъ отпоръ чинити, и укривжонымъ подданнымъ справедливость дѣлати, и служебныхъ пріймивати въ службу и имъ приповѣдати, и всякіе рѣчи водлугъ зданья его милости справовати. И вы бы о томъ вѣдали, и пана старосту Жомойтского, яко високого раду нашего, и справцу той земли Лифлянтской головного, и гетмана нашего, въ великой учтивости и повагѣ мѣли, и всякое послушенство къ его милости чинили. А гдѣ бы его милость около старостъ и державъ нашихъ тамошнихъ какое постановление зѣлѣпшимъ и пожиточнымъ нашимъ господарскимъ чинилъ, хотимъ мѣти, ижбы есте и вы вси, старостове и державцы, водлугъ постановленія его милости заховали ся. Такъ тежъ, если бы хто съ подданныхъ нашихъ, такъ отъ васъ старостъ и державецъ, яко и отъ васъ ротмистровъ и товаришвъ вашихъ какое укривженіе и шкоды быти собѣ мѣновалъ, а до пана старосты Жомойтского съ жалобою ся утекъ: тогда, приказуемъ вамъ, ажбы есте во всемъ передъ его милостью усправедливали ся, а права и розсудку его милости послушны будучи, во всемъ, што бы ся на которомъ изъ васъ зѣ розсудку его милости указало, досытъ чинили. А заплаты бы за служеного своего на тые почты, съ которыми теперь при пану старостѣ служити будете, ни отъ кого иного, одно отъ его милости смотрѣли: бо вже онъ отъ насъ науку достаточную маеть, откуль заплату теперешнего за служеного вашего чинити будетъ.

Изъ Догелева манускрипта: Codex diplomaticus regni Poloniæ (Т. VI, стр. 1821—1823), въ которомъ актъ сей вписанъ Польскими буквами. Въ заглавіи такими же буквами и отмытка: Листъ до старостъ и державцовъ архіепископства

Рижского и въ земли Лифлянтской, также до ротмистровъ и товаришвъ ротъ ѣздныхъ и пѣшихъ, зѣдаючи старостѣ Жомойтскому, маршалку земскому, пану Яну Ходквичу всю мощъ, справу и владность архіепископства Рижского, замковъ и гетманства Лифлянтского. *Datum ne означено.*

Хранится въ Императорской Публичной Библиотеке.

41. — 1568 Марта 4. Отписка Литовского гетмана Яна Ходквича королю Сигизмунду Августу, о безуспѣшной осадѣ крѣпости Улы, по причинѣ трусости и неповиновеніи войска.

Наяснѣйшій, милостивый господарю королю, пане а пане мой милостивый! Притягнувши мнѣ се-здѣ, подъ сесѣ замокъ неприятеля вашей королевской милости Московского Улу, зѣ войскомъ и зѣ дѣлы, мѣшкалъ есми недѣль три, и за порадою ихъ милости пановъ воеводъ и пановъ ротмистровъ, которые се-здѣ со мною были, хотѣчи вашей королевской милости, моему милостивому пану, послугу якую вырядити, уживалъ есми надъ тымъ замкомъ вшелякихъ фортелевъ, яко-мъ на тотъ часъ могъ. Въ томъ часѣ непогодномъ зимномъ, напервъ стрѣляно до одноу бакшты, которая есть надъ Улою; тую-мъ бакшту и полѣтны, которая отъ нее ажъ до середнѣ бакшты походитъ, такожъ збилъ и здиравилъ, ижъ яко щотка, бервенье зѣ стѣны и зѣ обломковъ выпадало, але про мощное збудованье и нафасованье землею, жадною мѣрою стѣна, а ни въжа обвалитися не могла. А видѣчи то, же-мъ стрѣлою не могъ ничего учинити, уживаючи того, якобы могло бытъ безъ шкоды людей, ночи прошлоу, съ понедѣлку на второкъ, мѣсяца Марца второго дня, пуц.... до стѣны зѣ огнемъ: ино, ачъ панове ротмистрове досытъ были неповольны до того, мѣнуючи, же имъ потреба дыру въ стѣнѣ такую, якобы можно въ ней прапорцомъ обернуть, выбити. Теперь они до штурму ити позволя...., але а

№ 41. ни драбинами, а ни паленьемъ того замку брать не хотѣли: ино, ижъ ся вжо обламки были на стѣнѣ абили, а часть немалая стѣны вывадила, а имъ казалъ, абы заразъ... блещими тарасы, оныя передъ собою катячи, перекопъ деревомъ наполнили, а потомъ, гдѣ есть дыра такая, якая на тотъ часъ быти могла, абы ся кусили о нее, будь штурмомъ, любъ драбинами, любъ тежъ запаленьемъ; а иже-мъ видѣлъ людъ посволитый драбскій, такъ тежъ и десятники ихъ барзо не смѣли и боялися смерти, припустиломъ ихъ подъ стѣну, чотыри години предо днемъ, абы такъ въ необаченю одного смерти другому сердца не псовали: але и то ничего не помогло. Ачъ другіе ротмистрове шли хотя досыть неспѣшнѣ, вѣдѣже однакъ волоклися, колько могучи, але драбы ихъ вси по лѣсъ, по ровахъ и по подрѣчю похоронилися; также за великимъ волашемъ, напминашемъ, пригоняшемъ (же ми алижъ до того пришло, иже-мъ руки мои окровавилъ, принужаючи ихъ до штурму), вшакожъ жеданого поступку по собѣ и справы рыцерекоу оказать не хотѣли, але чимъ ихъ болшъ до того гвано, тымъ ся болшъ крыли и утекали: зачимъ тая ночь и заранѣ безъ пожитку отправить ся мусило. Тымъ же обычаемъ и козаки, которыхъ я былъ за пѣзези свои нанялъ, ледво до перекопу дошедши поутирали. А такъ, ижъ тая ночь несчастливъ ся отправила, хотѣлъ поправить того въ день, и за радою ихъ милости всихъ, которые со мною были, умыслилъ . . . , до самого полудня . . . розмовами ротмистры . . . указуячи то и даючи причину, же ихъ десятники и драбы до штурму безъ великоу дыри ити не хотѣли. Я и прозьбою и добротою, а потомъ тежъ зъ уряду моего, который все на тотъ часъ на собѣ носилъ, упоминаломъ, просиломъ и рассказываломъ, прекладаючи повинность, не только драбскую, але всихъ людей пѣшихъ постороннихъ, жебы только перекопъ наметали, а самъ ся вжо былъ способилъ на нѣкото-

рые Нѣмцы, яко пушкари, такъ тежъ и иншіе слуги мои (мѣжи которыми и Орелъ Москвитинъ былъ, который ся зъ замку до мене не передалъ); тые вжо подметъ стѣнѣ вчинити мѣли, якожъ и вчинили досыть: абовѣмъ тотъ Орелъ напродъ, а за нимъ Нѣмцовъ колько, замокъ запалили были, але панове драбы ихъ не ратовали и не посиляли, а на остатокъ стрѣлбою тымъ, которые огонь гасили, ихъ предсвязать не боронили; якожъ и потомъ, въ ночи, пушкари огнистыми кулями по кольку—кротъ запаливали, а Москва выпадаючи за перекопъ . . . кули загашали, а ни одинъ человекъ съ пѣшихъ людей не обралъ ся, абы по нихъ стрѣлить, або якожъ — человекъ ратовать мѣлъ, окромъ одного гайдука. Я могу то смѣлъ вашей королевской милости, моему милостивому пану, писать, же вси драбы двадцати разовъ не стрѣляли, и то за горою стоячи, черезъ тые приметы. Якоу працы, горлованья, зъ великою перевагою, его милость панъ Дялыньскій, съ хути къ службамъ вашей королевской милости въ тыхъ потребкахъ обу-двухъ чинилъ, трудно быхъ то вашей королевской милости выписать мѣлъ, яко то въ самой рѣчи се — здѣ было: абовѣмъ не только же всего порядку доглядѣлъ, бы панове ротмистры водлугъ пристойности свое починали, але самъ приметь носилъ на небезпечнѣйшій мѣсты, выносячи горло свое и подаючи другимъ доброе серцо, — што все паномъ драбомъ не помогло (якожъ зычилъ быхъ вашей королевской милости, моему милостивому пану, того, ижъбы ваша королевская милость до вшелякихъ службъ вашей королевской милости вѣлъ такихъ хутливыхъ, зычливыхъ и того серца слугъ мѣти рачилъ, злща до потребы военной). А видѣчи я, наяснѣйшій милостивый королю, непослушенство и нехуть пѣшихъ, зсѣлъ есми съ коня и самъ шолъ на тое мѣсто, откуда имъ къ приметомъ ити казалъ, хотѣчи имъ тымъ лѣпшое серцо утѣлѣти, якожъ панъ Богъ лѣпшій вѣдаетъ, же-мъ

того умыслнѣ искалъ, або службу вашей королевской милости вырядити, або тежъ тамъ горло отдать: до чого обоого ижъ не пришло, ничому, только нещастью своему те причитати мушу. Абовѣмъ, по долгомъ напминанью, прозьбою, грозьбою, везаньемъ . . . и забиваньемъ, што все не помогло, казалъ есми на конецъ, Татарскимъ обычаемъ, приметъ, купу за купу, дерева кидать, а такъ бысымы ся могли до перекопу, а потомъ ажъ и подъ обламки подметать; што ачъ ся было зачало и за помощью Божьею могло бы было къ лѣпшому концу прійти, але за перевагою Московскою, а не смѣлостью нашихъ до skutku не пришло: абовѣмъ выпадши колько Москвитинъ, на встыдъ всимъ драбомъ, кгда вжо добръ дѣло, зажгли приметъ; еще зъ лука стрѣлено отъ замку, а драбы не только абы оноу ратовать, але и разу стрѣлити не смѣли, а потомъ утекли отъ шанцовъ; заледво панъ Дмитровскій зъ нѣкоторыми вѣдными дѣлки поратовалъ, которые въ переднихъ шанцахъ стояли для збѣганья побочноу стрѣлбы; а кгда-мъ прибылъ до дѣла, не только въ переднихъ шанцахъ, але и въ другихъ и въ третьихъ драбскоу пѣхоты не намоу, окромъ колько ротмистровъ, вже-мъ мусилъ чотыри роты вѣдныхъ съ коней зсадить и дѣлъ стеречь, бачачи, же вжо въ пѣхотѣ ани мужства, ани бою, ани жадноу надѣи не было. А видѣчи я, наяснѣйшій милостивый королю, же тыхъ пѣшихъ людей, черезъ которыхъ, а не вѣдныхъ, замковъ добывать потреба, и же-мъ ихъ до жадного фортелю ужить не могъ яко стрѣлбою такъ и до штурмовоу справы, на конецъ и до . . . шанцовъ, которые надъ всю потребу лѣниво волокли; видѣчи тежъ то, же у штурму болшъ людей гинетъ, чимъ смѣлѣйшихъ . . . на цѣлую засажоную стрѣлбу, . . . приметомъ замокъ запалень быти можетъ: не хотѣлъ есмь болшъ непотребнѣ часу тратить и шкодоу въ людехъ и конехъ подыймовать, которые се-здѣ про голодъ вѣлыми здыхаютъ.

Боячися тежъ того, абы отъ мене, про тотъ № 42. голодъ, люди, которые ся про голодъ вѣлыми розбѣгать почали, до конца не повтекали, а про малость пѣшихъ людей абы въ небезпеченство дѣла вашей королевской милости не пришли, а на конецъ смотрѣчи на то очима, же ачбы была дыра въ томъ замку, яко съ Кракова до Вильни, предся бы до нее драбы ити не хотѣли и не смѣли; притомъ зъ намовою всихъ ихъ милости пановъ радъ и всихъ ротмистровъ, дѣлы ночи нынѣшнее, мѣсяца Марца четвертого дня, оттягнути есми умыслилъ, вѣдаючи достаточнѣ о великомъ въ замку достатку такъ стрѣлбы яко живности и людей, которыхъ ани въ порохъ, ани въ живность долгимъ часомъ выморить не могъ, а маючи тежъ передъ очима, же ся въ Марцы дорога . . . псуетъ. О чомъ достаточнѣй, прѣхавши, самъ справу вашей королевской милости моему милостивому пану дамъ, а покорнѣ прошу, абы тое невзятѣ замку, не моею небалости, але тымъ причинамъ помѣненнымъ причитано быти могло. Съ тымъ нанижшій службы мои зъ вѣчною подданностью до милостивоу ласки вашей королевской милости пана моего милостивого офярую. Писанъ подъ Улоу, мѣсяца Марца 4 дня, року 1568.

Подлинникъ писанъ на трехъ полулистахъ, рукою самого гетмана. Въ концѣ его же подпись: Вашей королевской милости, моего милостивого пана, нанижшій слуга и вѣрный подданный Янъ Ходкевичъ, староста Жомойтскій, маршалокъ земскій великого князства Литовского. На полѣ первой страницы, позднѣйшимъ почеркомъ отмѣчено: List od kogoś(?) do króla zpod Uły, o powodzeniu woiennym. Ветхъ.

Изъ коллекции актовъ, приобретенныхъ для Археографической Коммиссии въ Швеции корреспондентомъ г. Соловьевымъ.

42. — 1568 Юня 17. Наказная королевская грамота Полоцкому каштеля-

№ 43. ну Юрію Зеновичу, о поспышнѣишемъ построении Лепельскаго замка.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій и иныхъ, каштеляну Полоцкому, старостѣ Лепельскому, державцѣ Чечерскому и Пропойскому пану Юрію Миколаевичу Зеновичу. Ижъ замокъ нашъ Лепельскій еще не добудованъ, про то, постерегаючи, абы (чого Боже вховай!) для того отъ непріятеля въ якую небезпечность оный замокъ не пришолъ, рассказали есмо съ нѣкоторыхъ волостей нашихъ люди на роботу до того замку послати; а ижбы для лѣпшой безпечности обывателей земли Полоцкой, людей и имѣній ихъ, до того замку прилежныхъ, тымъ спышнѣи оный замокъ забудованъ былъ, рассказали есмо до князей, пановъ воеводъ, каштеляновъ, старостъ и всихъ тыхъ, которые имѣнья и люди свои неподалеку того замку мають, листъ нашъ писати, желаючи и приказуючи, шобы они по доброй воли своей, въ потребъ рѣчи посполитоѣ досыть чинечи, велѣли людемъ своимъ къ работѣ того замку помочнымъ быти. А тобѣ приказуемъ, ижбы твоя милость и тымъ людемъ нашимъ, которые къ замку Лепельскому твоей милости держати поданы, тотъ замокъ съ подданными волостей нашихъ робити и будовати казалъ, иначей того вчинити и сего розказанья нашего ослушаться не смѣючи, конечно. Писанъ у Городнѣ, лѣта Божьего нароженья 1568, мѣсяца Юня 17 дня.

Подлинникъ писанъ на полулистъ, скорописью, безъ строчныхъ знаковъ. Королевской подписи нѣтъ. Въ концѣ грамоты скръпъ: Михайло Гарабурда, писарь. На пакетъ адресъ Лепельскаго старосты такой же, какъ въ заглавіи.

Хранится въ Императорской Публичной Библиотецѣ.

43. — 1568 Юня 25. Просительныя статьи Кіевскаго митрополита Іоны, поданныя королю Сигизмунду Августу на Городенскомъ сеймѣ, о нуждахъ Православной церкви въ Литвѣ и Рускихъ областяхъ, и королевскій отвѣтъ.

1. *Прозба.* Што просишь господаря его милости, абы въ панствѣ его милости господарскомъ, такъ въ князствѣ великомъ Литовскомъ, яко и въ тыхъ князствахъ Рускихъ, которые къ корунѣ належатъ, достоинства духовные людемъ свѣтскимъ не были даваны; а кому бы свѣтскому врьдѣ духовный дано, а онъ далѣй въ трехъ мѣсяцхъ стану и врьду духовного на себе приняти не хотѣлъ, у таковыхъ абы епископы въ своихъ епископіяхъ, а архіепископъ въ своей архіепископіи оные достоинства и хлѣбы духовные отбирали и людемъ духовнымъ подавали. *Отказъ.* Господарь его милость, видѣчи въ томъ прозбу твоей милости слушную, призовети на то рачить: вѣдѣже у тыхъ, хто бы стану духовного на себе приняти не хотѣлъ, не митрополитъ, а ни владыки мають врьды або достоинства духовные отбирати и подавати, але они, съ повинности врьду своего, о таковыхъ безъ омѣшканья мають знати давати королю его милости; а его королевская милость отбираючи ихъ отъ таковыхъ, отдавати будетъ инымъ, подлугъ воли своеѣ господарской, кому ся будетъ годити.

2. *Прозба.* Къ тому бьешъ чоломъ господарю королю его милости, абы тыи наданья церковные стародавние, которые безиравнѣ, моцью, черезъ многихъ становъ отъ церквей Божьихъ забраны, зася, зъ ласки и моцью зверхности его королевской милости были къ нимъ привернуты, и въ держанье кому што належитъ подано. *Отказъ.* Его королевская милость позволяти на то рачить; а митрополитъ и владыки мають такихъ особъ ознати его королевской милости, и часть, коли и што взято.

3. *Прозба.* При томъ просишь короля его милости о листы до всихъ обывателей въ панствѣ его королевской милости, абы свѣтскіе особы во владность справъ и судовъ, духовнымъ особамъ здавна належачихъ, ничимъ не вступовалися. *Отказъ.* О томъ листы съ канцелярии его милости господарской выданы будутъ.

4. *Прозба.* За тымъ бьешъ чоломъ господарю его милости, абы тымъ же прикладомъ и обычаемъ, яко и Римского послушенства духовные ихъ милость князи бискупове мѣстцо и вотумъ (*) въ лавицы рады его королевской милости мають, и тыи также владыки епископы закону Греческого мѣстцо и вотумъ въ радѣ его милости господарской, зъ милости воѣ ласки его королевской милости, и воѣды обычаю звыклого, яко то предки твои архіепископы мѣвали, одержати могли. *Отказъ.* То его королевская милость на иншій часть откладати рачить.

5. *Прозба.* Што тежъ доносишь вѣдомость его милости господарской, ижъ передъ тымъ въ Новѣгородку наданья и фундованья стародавнего было церквей десять, нижили, повѣдаешъ, при постановленью помѣры волочноѣ, вси люди и земли и пожитки отъ тыхъ церквей отобраны, а за то нѣкоторѣ отмѣны не дано, за чимъ нѣкоторые съ оныхъ церквей спустили; а ижъ, повѣдаешъ, тыхъ земель у волоки забраныхъ вывести нѣкому, бьешъ чоломъ господарю его милости, абы на тые церкви зъ кгрунту его милости господарского тамошняго Новогородскаго рачилъ надати волокъ двадцать, а къ каждой волоцѣ по два морги сѣножати, а по два морги на гай кгрунту, а въ мѣстѣ огороды и дома вольные, ижбы еси тымъ наданьемъ поповъ и слугъ церковныхъ опатривши, постановити и задержати могъ. *Отказъ.* Господарь его милость хо-

четъ то мѣти, абы достаточно было оказано: № 43. гдѣ и што взято, и хто а коли вѣдѣлъ а маючи о томъ певную вѣдомость, потомъ учинити съ тымъ рачить што ся его королевской милости видѣти будетъ.

6. *Прозба.* А што ускаржаешся королю его милости на мѣщанъ Виленскихъ о забранѣ привилей, на архіепископью и на наданья и уфундованье съ належачихъ, и бьешъ чоломъ, абы тобѣ тыи привилей зъ розказанья его королевской милости были отъ нихъ вернуты. *Отказъ.* Король его милость отсылати съ тымъ рачить до права, абы твоя милость мѣщанъ о то правомъ уживалъ.

7. *Прозба.* Еще тежъ бьешъ чоломъ господарю его милости, абы тебе и владыкѣ, и тежъ иншого духовенства, зъ имѣній церковныхъ до врьду замкового и земского не позывано: одно, ижбы самъ его королевская милость, которого опецъ и оборонъ наданья церковные належатъ, справедливость съ вами, кому бы о то до васъ дѣло было, чинити рачилъ. *Отказъ.* Господарь его милость рачилъ розказати на то повѣдати: гдѣ идетъ подаванье властное его королевской милости, о то до господаря его милости самого маеть быти позыванье, а о иные рѣчи до права, воѣды Статуту належачого, вольно будетъ васъ позывати.

8. *Прозба.* Просишь короля его милости, абы архіепископство Галицкое, по старовѣчному обычаю, въ руки и справу твою было подано, а имѣнья вси, архіепископьи и епископьи и иныхъ всихъ духовныхъ, за листы его королевской милости, черезъ певныхъ особъ списаны, ограничены и успокоены были. *Отказъ.* То его королевская милость откладати рачить до сполного сойму, который маеть быти обывателемъ тутошнимъ великого князства съ обыватели панства его королев-

(*) Это Латинское слово и въ подл. написано Русскими буквами.

№ 44. ской милости коруны Польскою: тамъ же, на тотъ съездъ твоя милость послати о то маешь.

Подлинникъ писанъ на двухъ листахъ, вмѣстѣ сшитыхъ шелковыми малиновыми нитями, которыхъ оба конца соединены подъ печатью Литовскаго княжества, вытиснутою на красновосковой массѣ, покрытой лоскуткомъ бумаги. Королевской подписи нѣтъ. Внизу скръпи: Янъ Шимковичъ, маршалокъ господарскій. Въ началѣ акта отмѣчено: Отказъ отъ господара короля е. м. и великого князя Жигимонта Августа, на вѣзбы отъ е. м. отца архіепископа митрополита Кіевского и Галицкаго и всея Руси, которые е. м. въ потребѣхъ церковныхъ, передъ его королевскую милость, принесть на теперешнемъ валномъ соймѣ, у Городнѣ, лѣта Бож. нарож. 1568, мѣс. Іюня 25 д.; за которыми жъ прозбами его, господарь е. м. рачилъ его въ томъ захвати, въ тѣхъ потребѣхъ, мощью того сойму, по тому яко то на семъ отказѣ есть описано. Вѣтъ.

Хранится въ архивѣ бывшихъ Греко-Униатскихъ Митрополитовъ при Святѣйшемъ Синодѣ, въ двухъ одинахъ экземплярахъ.

44. — 1568 Іюля 5. Жалованная подтвердительная королевская грамота Кіевскому Выдубицкому монастырю, на владѣніе землею Звѣринцемъ, съ описью границъ ея и угодьевъ.

Жигимонтъ Августъ, Божіею милостию король Польскій, великій князь Литовскій, Русскій, Прускій, Жомойтскій, Мазовецкій, Лифлянтскій и иныхъ. Билъ намъ чолемъ игуменъ монастыря святаго Архангела Михаила Выдубицкаго Григорій Шваба, и повѣдѣлъ передъ нами, што дей. великіе князи Рускіе къ тому монастырю Выдубицкому зъ вѣковъ придали землю прозываемую Звѣринецъ, надъ рѣкою Днѣпромъ лежащую, которую панъ воевода Кіевскій Константинъ княжа Острозское, за листомъ нашимъ, якоже тая земля отъ князей Рускихъ надана, ограничилъ; и тотъ листъ граничный пана воево-

ды Кіевского передъ нами покладалъ, просячи, абыхмо тое ограниченіе велики въ книги вписати и привилеємъ нашимъ подтвердили, яко панъ воевода ограничилъ и таковою граничною описалъ: почавши отъ рѣки Днѣпра вверхъ озера Затона, а зъ того озера въ долину Глубокую, ровчакомъ и поточкомъ Наводницкимъ простуючи до колодезей у вербъ граничныхъ, въ якихъ колодезяхъ были и знаки граничные положены, два сошники у жорна; отъ вербъ граничныхъ и колодезей, тоують долиною Наводницкою, ровчакомъ и поточкомъ на озеро, которое въ долину межъ лѣсомъ стоитъ, а съ того озера на борокъ, отъ борочка на Перепеличъ долину и чрезъ гостинецъ Триполскій, тою долиною простуючи въ Лыбедь (а тамъ въ Лыбеди млынъ Выдубицкій вмѣстный, пополамъ съ Печерскими, а они тотъ млынъ зъ Выдубицкими за чотыри дворища на Звѣринцѣ вымѣнили); оттолъ Лыбедью нанизъ, на — задки, до млына другого Выдубицкаго зычистаго на Лыбедь же, тою Лыбедью снова въ Днѣпръ. Которого жъ такового листу граничного, черезъ пана воеводу Кіевского Константина князя Острозскаго зпориженного, и иныхъ листовъ великихъ князей Рускихъ на тую землю Звѣринецъ къ тому монастырю Выдубицкому наданныхъ, и отъ предковъ нашихъ королей Польскихъ подтвержденіе тыхъ листовъ оглядаючи, зъ ласки нашею на чоломбитѣ помянутого игумена Григорія Швабы то учинили и таковое ограниченіе въ книги вписати велики. Маеъ тотъ игуменъ и по немъ наступующіе, со всемъ штожъ — колвекъ въ томъ имѣнью есть, яко въ листу пана воеводы описано и ограничено есть, со всякими пожитками, въ томъ имѣнью находячимися, къ той церкви Божой держати, и подтверждаемъ симъ листомъ нашимъ на вѣчность; до которого жъ листу нашего подписуючи ся, на твердость, и печать казали есмо приложити. Писанъ въ Городнѣ, подъ лѣто Божого нароженія тысяча пятьсотъ

шестдесятъ осмаго, мѣсяца Іюля пятого дня, индикта одинадцатаго. — Подпись руки господарской: «Sigismundus Rex.»

Списокъ сей привилегіи изъ книгъ Литовской Метрики выданъ, по королевскому повелѣнію, въ официальной выписи 1752 г. Сентября 6. Выпись эта писана на двухъ, вмѣстѣ сшитыхъ листахъ, Польскими буквами, и скръплена Литовскимъ подканцлеромъ княземъ М. Черторижскимъ. Печать большая, подъ кустодіею.

Изъ бібліотеки Кіевской Духовной Академіи.

45. — 1568 Декабря 11. Письмо Литовскаго гетмана Григорія Ходкевича Кіевскому каштеляну Падлу Сопѣгъ, о прекращеніи набѣговъ въ Московскія границы, съ извѣщеніемъ о взятіи у Русскихъ крѣпости Улы.

Вельможный пане каштеляне, пане, а зятю мой милый! . . . (*) особливъ за тые новины, о которыхъ ми ваша милость писаньемъ своимъ ознаймуешь, ижъ ваша милость до земли непріятельской ходилъ, и тамъ послугу дѣлалъ, и земли непріятельской немалую часть завоевалъ, — на знакъ того послалъ ми ваша милость двухъ Москвитиновъ, вязневъ, которые ми черезъ служебника ваше милости отданы суть, — за то, за все дякую. . . . Вшакожъ ражу и прошу, абысь ваша милость вже, черезъ тое, за рубежъ въ землю непріятельскую яко самъ не ходилъ, такъ и людей не посылалъ, и заховалъ бы ся ваша милость спокойнѣ, а зачѣпокъ некоторыхъ чинити не велѣлъ: бо того есть пыльная потреба и розказанье господарское. . . . О то тежъ рачъ ваша милость вѣдать, ижъ гонецъ господарскій зъ Москвы сими часы пришоу, и листы опасные отъ князя великого принесть; а вѣдъ же, што тотъ гонецъ вырозумѣлъ отъ того непріятеля, радить и напоминаеть, абысь

мы ни на што ся не обезпечивали, але въ чуждѣмъ М 45. лости и въ готовности и въ осторожности были: бо то Богъ вѣсть, къ чому на концѣ прійдетъ. Вшакожъ, гдѣ бы ся люди непріятеля господарского въ панство его королевской милости вторгнуть хотѣли, таковымъ за Божьею помощью слухный отпоръ ваша милость чинить можете, але до земли непріятельской повторнѣ ваша милость не порывайся, зваща съ такъ малыми людьми; а теперь, пакъ, и овшемъ не годится, кгдажъ отъ господара его милости заказъ на то есть. . . . Самому на то вытѣгаться непотреба, чого на сѣсѣ частъ не потребують. . . . А што вашей милости вѣдомость дошла, недавного часу, о взятіи Улы зъ рукъ непріятельскихъ, чрезъ его милость князя воеводу Браславского, тогда то вже отъ немалого часу, зъ ласки Божьей и за помощью его святою, дошло, и, пане Боже дай, жебы вѣчнѣ трвало: одножъ, тою Улою, зъ Божьего допущенія, на многихъ мѣстахъ, отъ повѣтрѣ въ людехъ великій упадъ сталъ, яко въ Витебску, въ Чашникахъ, въ Могилевѣ, на Вороничу и на иныхъ мѣстахъ; а вѣдъ же милосердіемъ Божьимъ, на сѣсѣ частъ то вже утихло, пане Боже дай, надрато! Притомъ полежаю ея ласки и милости вашей, блага моего милого, и прошу, абыхъ зъ ней не были опущены. Писанъ въ Минска, мѣсяца Декабря 11 дня, року 1568.

Подлинникъ писанъ на двухъ полулистахъ, скорописью, безъ строчныхъ знаковъ. Въ концѣ акта тѣмъ же почеркомъ подпись въ сокращеніяхъ: В. м. зычливый пріятель, Григорей Алексавровичъ Ходкевичъ, панъ Виленскій, гетманъ великаго князства Литовскаго, староста Городенскій, державца Могилевскій. Бывъ сложенъ и запечатанъ перстневою печатью, подъ кустодіею, на пакетъ имѣетъ надпись: Вельможному пану, а зятю моему милому, особливе до мене ласкавому,

(*) Здѣсь исключены тѣ мѣста, въ которыхъ говорится о частныхъ, фамильныхъ дѣлахъ, неинтересныхъ для историка, на пр. о неплатѣ долговой суммы и т. п.

№ 46. е. м. пану Павлу Ивановичу Сопезъ, каштеляну Кіевскому, старостъ Любецкому. *Ветхъ.*

Изъ коллекціи актовъ, приобритенныхъ въ Швеціи корреспондентомъ Археографической Комиссіи г. Соловьевымъ.

46. — 1568 Декабря 23. Наказная королевская грамота Луцкому и Бра-славскому старостъ князю Богушу Корецкому, о неприкосновенности свѣдѣтельскаго и духовнаго суда, о подтвержденіи Подольскому православному духовенству быть послушными Кіевскому митрополиту Іоанъ и установленнымъ отъ него намѣстникамъ и прочимъ властямъ, и о содѣйствіи имъ противъ ослушниковъ.

Жикгимонтъ Августъ, Божію милостью король Польскій, великій князь Литовскій, Русскій, Прускій, Жомойтскій, Мазовецкій, Лифлянтскій и иныхъ, старостъ Луцкому, Бра-славскому и Вѣницкому князю Богушу Оедоровичу Корецкому, а въ небытности его милости самого въ Браславѣ и въ Вѣниці, ино подстаростимъ тамошнимъ. Яко первый того, будучи намъ на вальномъ соймѣ, у Городнѣ, недавно прошломъ, такъ и тыхъ часовъ, писалъ и присылалъ до насъ архіепископъ митрополитъ Кіевскій, Галицкій и всея Руси кѣрѣ Іона, о томъ, ижъ ачъ — кольвекъ того пильная потреба, абы онъ самъ зъ мѣстца и уряду своего пастырского, вси монастыри и церкви соборные вездѣ у архіепископствъ своемъ объѣхалъ, и во всихъ справахъ церковныхъ подлугъ звыклого обычаю и закону ихъ Греческого порядокъ и постановленіе учинилъ, и всихъ слугъ церковныхъ дозрѣлъ, жебы каждый зъ нихъ водлугъ повинности своею, на што взять есть, досыть чинилъ; а къ тому ижъ тежъ великая а пильная того есть потреба, абы въ справахъ и судѣхъ, которые вряду и пастырству его належатъ, постановленіе было учинено, и певные а годные особы для лѣпшой и прудшой справедливости на нѣкоторыхъ мѣстцахъ водлѣ потре-

бы установлены были: вѣдь же, ижъ на тотъ часъ онъ есть забавленъ таковымижъ пильными справами церковными, а ижъ тежъ онъ самъ . . . вездѣ быти не можетъ: про то, хотѣчи на свое мѣстце для такихъ . . . справъ духовныхъ и церковныхъ, посланцовъ своихъ отправить, просилъ насъ, абыхмо листъ нашъ до тебе . . . ти казали. А такъ, хотяжъ подлугъ обычаю звыклого, и окромъ нашихъ листовъ, онъ черезъ свои листы то отправить бы могъ, кгдажъ и при выданьи отъ насъ Статуту земского, на привиліи нашомъ тые sprawy и суды, уряду ихъ духовному належачіе, ничимъ непоручитъ, але въ-цѣлѣ имъ оставлены и захованы: вѣдьже, ижъ то онъ вѣдомости нашей донестъ, мы съзверхности нашею господарскою постерегаючи, абы зъ мѣстца и уряду его пастырского всякіе sprawy церковные, повинности и суду ихъ духовному належачіе, водлѣ закону ихъ Греческого слушитъ и порадитъ были справованы, а слуги церковные абы тому всему досыть чинили на што суть взяты; — хочемъ мѣти и приказуемъ, абы твоя милость, княже старосто, (а въ небытности его самого, ино вамъ подстаростимъ его тамошнимъ Браславскому и Вѣницкому приказуемъ), въ мѣстѣ и на волости нашей, во всемъ повѣтъ Браславскому и Вѣницкому, въ sprawy церковные и суду ихъ духовному належачіе ничимъ ся черезъ то не вступовалъ и никому ся въ то вступовати не казалъ и не допускалъ, але всимъ архимандритомъ, игуменомъ, протопопамъ, десятинникомъ, и попомъ, дякономъ и всимъ инымъ слугамъ церковнымъ, яко бѣльцомъ, такъ тежъ и всимъ станомъ въ законъ будучимъ, потомужъ всимъ людемъ того закону и послушенства церкви ихъ Греческой, въ справахъ церковныхъ и суду ихъ духовному належачихъ, нетолько къ тымъ посланцомъ его милости на то посланнымъ, але тежъ и къ намѣстникомъ и протопопамъ и каждымъ осо-

бамъ, которые бы на то отъ него самого, або и черезъ посланцовъ его гдѣ жъ — кольвекъ постановлены и высажены были, абы еси всякое послушенство чинити розказалъ; а хто бы ихъ водлѣ звыклости и повинности своею послушонъ быти не хотѣлъ, на таковыхъ непослушныхъ абы еси зъ уряду своего помочь всякую, водлѣ того яко они отъ тебе потребовати будутъ, чинилъ, и за то ихъ, яко противныхъ, зъ уряду своего каралъ, ижъбы нихто у звыклой и пристойной повинности своей укрытися, и фолькы жадноу ни отъ кого противъ имъ, посланцомъ его и противъ намѣстникомъ и протопопамъ и особамъ на то отъ него поставленнымъ и высаженнымъ, мѣти не могъ, конечно. Писанъ въ Люблинѣ, лѣта Божьего нароженія 1568, мѣсяца Декабря 23 дня.

Подлинникъ писанъ на бумажномъ листѣ, сплошною скорописью, безъ знаковь препинанія. Лѣтосчисленіе церковными буквами. Королевской подписи нѣтъ. Внизу грамоты приложена печать Литовскаго княжества, подъ кустодіею. Тутъ же скрипка: Лавринъ Война, подскарбій дворный и писарь. Ветхъ.

Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

47. — 1569 Декабря 26. Жалованная грамота Луцкому и Острожскому епископу Іоанну, на Жидичинскую архимандрію въ пожизненное управленіе.

Жикгимонтъ Августъ, Божію милостью король Польскій, великій князь Литовскій, Русскій, Прускій, Жомойтскій, Ифлянтскій панъ и дѣличъ, ознаймуемъ симъ нашимъ листомъ, кому будетъ потреба того вѣдати, нынѣшнимъ и напотомъ будучимъ. Билъ намъ чоломъ велебный Іоаннъ Красенскій, владыка Луцкій и Острожскій, абыхмо ему архимандритство Жидичинское, которое теперь по зовѣстѣ сего свѣта небожчика Іоны, бывшего архимандрита Жидичинского, ва-

куетъ, дали и тымъ его пожаловали. А такъ № 47. мы зъ ласки нашею господарскою, и маючи бачность на залецонные намъ отъ певныхъ радъ нашихъ службы его, которые онъ служилъ намъ господарю и рѣчи посполитой зъ молодости лѣтъ своихъ и до сего часу, коли отъ насъ вызванъ былъ, и повинности своей завжды досыть чинилъ, и тежъ на чоломбитѣ его то есмо учинили, оную архимандритю и монастырь Жидичинскій помѣненому Іоанну Красенскому, владыцѣ Луцкому и Острожскому дали есмо, и симъ листомъ нашимъ даемъ, до его живота. Маеетъ онъ тое архимандритство Жидичинское держачи, въ церкви головной Жидичинской надъ червцами, попами и надъ всимъ духовенствомъ къ той — то архимандрити прислухающимъ, всякую владу пастырства своего ростегати, по обычаю звыклому закону ихъ Греческого, уживаючи тежъ съ дворовъ, съ имѣній и съ фольварковъ, съ селъ и съ гуменъ и што — кольвекъ къ той архимандрити Жидичинской здавна належитъ, всихъ пожитковъ, якимъ — кольвекъ именемъ названы суть, по тому яко и первые архимандриты Жидичинскіе на себе держали, а розмножаючи межѣ хрестіаны хвалу Божію, за насъ господаря Бога просити будетъ повиненъ; и на то дали есмо Іоанну Красенскому сесь нашъ листъ, съ подписаньемъ руки нашею господарскою и зъ нашою печатью. Писанъ у Варшавѣ, дня 26 мѣсяца Декабря, лѣта Божьего нароженія 1569, панованія нашего 40. — Подпись руки его королевскою милости: «Sigismundus Augustus Rex.»

Изъ Коронной Русской Метрики (Acta Metryki Ruskiej, s. Privilegia palatinatum Kijoviae, Woly-niae etc., рукоп. in fol. второй пол. XVI вѣка, Запис. кв. СССIV, л. 2 — 3.), хранящейся въ С. Петербургѣ, при Правительствующемъ Сенатѣ. Въ заглавіи грамоты отпѣчено: Данина Ивану Борзобогатому, владыцѣ Луцкому, на архимандритство Жидичинское. Такая же отпѣтка и по Польски.

№ 48. 48. — 1570 Февраля 5. Вѣстовый списокъ Московскаго посланца Вислаго Булгакова, о Литовскихъ дѣлахъ, и три королевскія грамоты: Кіевскому митрополиту Іонъ, Полоцкому воеводѣ Станиславу Довойнъ и Минскому каштеляну Николаю Тальвошу, о обмѣнѣ тѣла царскаго воеводы князя Петра Шуйскаго, убитаго подъ Чашниками, на тѣло Довойновой жены, скончавшейся въ Московскомъ плъну.

І. — Лѣта 7078 Февраля въ 5 день, прѣхалъ изъ Литвы въ Смоленскъ князь Петровъ человекъ Ивановича Шуйскаго Вислой Булгаковъ; а ѣздилъ для князя Петрова тѣла Шуйскаго, на обмѣну за Довойновы жены тѣло. И Довойна, сказалъ, его отпустилъ съ послы, съ королевскаго вѣдома; а о тѣлѣ князь Петровъ у короля рада была, и король и всѣ паны Литовскіе и Лядцкіе приговорили князь Петрово тѣло отдать, и грамоту были о томъ къ бискупу написали: и одинъ Виленскій воевода да староста Жомойтскій о томъ не прирадили, потому, что Виленскому воеводѣ съ Довойномъ недружба о имѣньяхъ, а Жомойтской староста ему другъ, и за то тѣла не отдали.

А вѣстей, сказалъ Вислой, слышелъ, что король нынѣ въ Варшавѣ, а быти ему въ Люблинѣ. И какъ пословъ отпустили, и паны разѣхались по домоу; а идутъ дей послы къ царю и великому князю о миру, чтобъ миръ взяти по своей волѣ, и чертежъ, сказалъ, съ собою везутъ, какъ границъ и Полотцкому повѣту съ Велижскимъ повѣтомъ быти; а послы люди середніе. А собранья, сказалъ, Литовскимъ людямъ нѣтъ нигдѣ, oprичъ тѣхъ людей, которые съ рохмистры лежатъ по украиннымъ городомъ. А въ единачество король Ляховъ съ Литовскими паны привелъ, и присяга межъ ими была, одинъ не присягалъ Виленской воевода; а еднанье ихъ на томъ, что имъ стоять ото всѣхъ украинъ за-одинъ: Ляхомъ Литвѣ пособляти, а Литвѣ Ляхомъ

пособляти, безъ пѣнезей; а вотчинамъ и уряду быти въ Литовской землѣ по старому, какъ было напередъ того.

А на Москвѣ бояре Вислого спрашивали: какъ нынѣ Литовскій король съ Турскимъ солтаномъ, и съ Крымскимъ царемъ, и съ цесаремъ и съ иными съ пограничными его сусѣды? и что слухъ въ Литвѣ про приходъ къ Асторохани Турского людей? и про иные про тамошніе вѣсти, и въ Крыму про Оеонасыя Нагово съ товарищи что ему вѣдомо? и про государскихъ измѣнниковъ, про Курбского и про Володимера Заболотцкаго и про Тетерина съ товарищи, въ которомъ они обычеъ при королѣ, и къ которымъ раднымъ паномъ которой прихожъ, и что ихъ служба королю, и нѣтъ ли отъ нихъ котораго лихого умышленія про государевы украинны?

И Вислой сказывалъ про Турскихъ пословъ, что, слышелъ, лѣтось съ весны былъ въ Люблинѣ у короля Турского солтана посолъ, Стражемъ зовутъ; а бывалъ Ляхъ и отѣхалъ отъ короля, потурчился и служить солтану; а сколько съ нимъ людей приходило, и того ему не случилось слышети; а присылалъ его Турской салтанъ, чтобъ король Турского людямъ далъ дорогу на царевы и великого князя украинны, черезъ Подольскую землю и на Волынъ, мимо Кіева, а тамъ невѣдомо на кои мѣста. И рада королю про то отговорили, что ему дорога дати черезъ свою землю Турскимъ людямъ на Московскіе украинны непригоже: только дей Турской Московской извоуетъ, а намъ дей отъ Турского и самимъ какъ впередъ пробывать? и дороги Турскому черезъ свою землю король не далъ. А какъ Турского рать шла къ Асторохани, и они Днѣпръ . . . , немного ниже Каневскихъ Черкасъ. А сказывалъ ему, сказываетъ, Довойно: слышелъ ли дей еси новины, что Турской завоевался съ Московскимъ, послалъ дей къ Асторохани двѣсти тысячъ конныхъ людей, а сто тысячъ пѣшихъ

людей? И Вислой, сказываетъ, ему молвилъ: дай Богъ, здоровъ былъ государь на многія лѣта, можетъ государь противъ его стояти. И послѣ того на осени слухъ прошелъ, что Турскіе люди, Астороханъ взявъ, идутъ къ Казани. И тамошніе люди говорили: коли дей Турской Московской государя извоуетъ, и намъ дей какъ пробывать отъ Турского? А послѣ, вѣсти были на сей зимѣ, что царя и великого князя люди Турскихъ людей побили многихъ, а Асторохани и Казанскимъ мѣстомъ Турскіе люди никаковы шкоты не учинили.

А Крымского царя послы у короля были жъ сего лѣта въ Люблинѣ, послѣ Турского солтана пословъ, а иманъ имъ не вѣдаетъ, потому что былъ онъ у Довойна въ селѣ. А слышелъ, что приходили о томъ, чтобъ король со царемъ и великимъ княземъ не мирился, а съ Турскимъ и съ нимъ былъ за-одинъ; и сеѣ осени Крымскіе царевичи (а иманъ имъ не вѣдаетъ же) приходили къ Литовской украинѣ, на Подолье, и къ королю гонцовъ присылали, чтобъ король ко царю и къ нимъ дань прислалъ по прежнему, а не пришлетъ имъ, и его воевати. И король имъ о дани отказалъ, и номинковъ никакихъ къ нимъ и гонца своего не послалъ, для того, что дей король хочетъ со царемъ и великимъ княземъ помириться. А сколько со царевичи было людей, и про то ему слышети не случилось; а пошли прочъ, не воевавъ.

Да сего жъ лѣта въ Люблинѣ дей у короля были цесаревы послы; а иманъ посломъ, и сколько съ ними было людей, того не вѣдаетъ; а приходили послы къ королю о томъ, чтобы король отдалъ ему его города, которые взялъ за сестрою его въ приданые, или бы другую его сестру король взялъ за себя; и король хотѣлъ былъ по договору съ цесаревыми послы на сѣздъ ѣхати, на границу, сеѣ осени о Семени днѣ Лѣтопроводца, и съ цесаремъ договоръ учинити о всемъ межъ себя самимъ,

и другую сестру его взяти за себя; и паны № 48. радные съ королемъ о томъ думали, и тотъ сѣздъ отложили до весны, до Мая мѣсяца.

Да Вислой же сказывалъ, что слышелъ въ Оршѣ у полоняника, у сына боярскаго у Богдана Глѣбова, Бѣжитцкіе пятины, а везетъ его къ Москвѣ Варколабовъ человекъ Сидоръ; слышелъ онъ, сказываетъ, у Сидора, что Сидоръ везетъ съ собою чертежъ Полотцкому повѣту, и Полотцкимъ пригородомъ и иными пограничнымъ городомъ, на чемъ межи государя и короля миру быти; а про урочища сказалъ: по которые мѣста и чему въ королевую сторону быти, и про то ему слышети не случилось; а слышелъ, сказалъ, тотъ полоняникъ Богданъ у Сидора въ разговорѣ, чтобъ дорога . . . дати, а волости бѣ посторонъ дороги за короля написать.

А про государевыхъ измѣнниковъ сказалъ, про Курбскаго и про Володимера Заболотскаго и про Тимоху Тетерина: слышелъ, что всѣ при королѣ, въ Варшавѣ, а что къ нимъ королево жалованье, или какое прихождение, и про то, сказалъ, слышети ему не случилось. А про Курбского жъ, сказалъ, слышелъ у Довойна, что за Курбскимъ были два города, Крѣвъ да Ковель, и король Крѣвъ у него взялъ и отдалъ Болку князю, что вотчина ихъ изстари; а прозвища Болку князю, и чей сынъ, и чего для взялъ у Курбского, и про то у Довойна и отъ иныхъ ни у кого слышети ему не случилось; а бережетъ дей Курбского воевода Виленской панъ Миколай Юрьевичъ Радивилъ.

А про государевыхъ пословъ, про Оеонасыя Нагово съ товарищи слышелъ: въ Крыму держать ихъ за сторожи, а Литовского посла изъ Крыма не выпускать же, а имани Литовскому послу не вѣдаетъ. А Крымской посолъ прежней въ Литвѣ есть, а имани, сказалъ, ему не вѣдаетъ же. А про Ибраима князя съ товарищи, сказываетъ, слышелъ, на дорогѣ влучи къ Оршѣ, что прѣхалъ къ королю, а съ нимъ Татаръ триста человекъ; а былъ ли у короля,

№ 48. и что его приезд к королю, и про то еще ведомости нетъ.

А про уряды сказалъ Вислой, что Григорей Ходкѣвичъ гетманство великое хочетъ отставить, а вмѣщаетъ, чтобъ дали то мѣсто сыну его Ондрѣю; а на Юрьево мѣсто Ходкѣвича нынѣ панъ Троцкой Остаеи Воловичъ, и прежніе уряды, которые за нимъ преждь того были, и нынѣ за нимъ же; а Яна Еронимова, сказываетъ, не любятъ всюю землею, что ходилъ къ Улѣ и многихъ людей истерялъ, до пяти тысячъ человекъ, и нарядъ большой и малъ изъ Борисова у Григорья Ходкѣвича сильно и пушку большую Витовтову.

А про Изборское взятъе, сказалъ, слышалъ Вислой, что князь Александръ Полубенской къ Изборску ходилъ безъ королева вѣдома, со государскими измѣнники съ Сарыхозиными.

А Ливонскую землю, сказываетъ, не вѣдаетъ, какъ ее королю оберегати.

А про свой отпускъ сказалъ Вислой, что его Довойно отпустилъ отъ себя Декабря 3 дня, а велѣлъ его везти своимъ людямъ по своимъ имѣньемъ, для прокормленія. А съѣхалъ по слову въ Оршѣ, и грамоту королеву къ пану къ Николаю Талвошу Довойновы люди привезли и его отдали; а какову грамоту далъ король къ митрополиту о княжѣ Петровѣ тѣлѣ Шуйского, и какову грамоту далъ Довойну, и какову грамоту послалъ король къ Талвошу, и съ тѣхъ грамотъ Вислой далъ списки, а списалъ, сказалъ, тѣ списки съ грамотъ у Довойна.

II. — Списки съ грамотъ королевскихъ, каковы даваны о княжѣ Петровѣ тѣлѣ Шуйского:

Списокъ съ королевскаго листа. — Жигимонтъ Августъ, Божьею милостию король Польскій и великій князь Литовскій, Рускій, Прускій, Жемоитскій, Мазовецкій, Лифлянтскій и иныхъ, архіепископу митрополиту Кіевскому, Галицкому и всея Русіи куръ

Юнѣ. Писалъ до насъ великій князь Московскій о томъ, ижъ воевода Полоцкій Станиславъ Станиславовичъ Довойна, кгда до панства нашего великого княжства Литовского отъ него зъ Москвы выходилъ, смову и поставленіе съ нимъ и съ бояры его подѣлымъ обычаемъ былъ удѣлялъ, ижъ тѣло небожчика князя Петра Ивановича Шуйского, гетмана его великого, на Улѣ убитого, за тѣло малжонки своей съ сего свѣта зошлые, пани Петрунелли Радивиловы, у насъ господаря упросити и на границы въ отмѣнъ дати, а жены своей тѣло противъ того за то взяти мѣлъ: ино, кгдажъ мы господарь не только умерлыхъ, але и живыхъ людей хрестіанскихъ въ неволѣ мѣти не хотимъ, и на отмѣну за вѣрныхъ подданныхъ нашихъ даемъ; а такъ, за писаньемъ князя великого, яко тежъ за жаданьемъ пана воеводы Полоцкого, оное тѣло княжѣ Петрову Шуйского, зъ ласки нашего господарской, въ обмѣну за тѣло небожницы малжонки его пани Петрунелли ему дали. — И твоя бы милость, отче митрополите, а въ небытности его самого въ Вилнѣ, протопопу, который на тотъ часъ отъ него въ Вилнѣ, о томъ приказуемъ, ижъбы еси, за симъ листомъ нашимъ, служебнику пана воеводы Полоцкого, тому, которого его милость съ тымъ нашимъ листомъ и съ Шуйского служебникомъ, которого зъ Москвы при собѣ маеть, на имя Вислаго Булгакова, до тебе пришегъ, тое тѣло князя Петра Шуйского изъ церкви святыя Пречистыя вынати розсказалъ и до рукъ посланца Московского, на имя Вислаго отдалъ, а иначе того учинити не смѣлъ, конечно. Писанъ въ Кнышинѣ, року 69, мѣсяца Сентября 11 дня. — «Лавринъ Война, подскарбій дворный и писарь.»

III. — Списокъ съ королевскаго листа. — Жигимонтъ Августъ, Божьею милостию король Польскій и великій князь Литовскій, Рускій, Прускій, Жемоитскій, Мазовецкій, Лифлянтскій и иныхъ, воеводѣ Полоцкому пану

Станиславу Станиславовичу. Писалъ твоя милость до насъ, просячи тѣла князя Петра Ивановича Шуйского, на отмѣну за тѣло малжонки своей: ино есмы листъ на то до митрополита Кіевского и Галицкого и всея Русіи писать розсказали, и тое тѣло выдать изъ церкви святыя Пречистыя велѣли. А ижъ посылы наши тыхъ часовъ, постомъ, по святомъ Михайлѣ, до Менска съѣхатись мають, и тамъ оттолѣ за границу до князя великого пойдутъ; и твоя бы милость тое тѣло и служебника князя Шуйского, которого при собѣ зъ Москвы маешь, на имя Вислаго Булгакова, при послѣхъ нашихъ отпустилъ. Писанъ въ Кнышинѣ, лѣта Божья нароженья 1569, мѣсяца Сентября 11 дня. — «Лавринъ Война, подскарбій дворный и писарь.»

IV. Списокъ съ королевскаго листа: — Жигимонтъ Августъ, Божьею милостию король Польскій и великій князь Литовскій, Рускій, Прускій, Жемоитскій, Мазовецкій, Лифлянтскій и иныхъ, каштеляну Менскому, старостѣ Дынеборскому пану Талвошу, а подкоморому земли Новгородской, секретарю нашему пану Андрею Ивановичу. Кгда до васъ воевода Полоцкій панъ Станиславъ Станиславовичъ Довойно служебника небожчика князя Петра Ивановича Шуйского, которого зъ Москвы, для тѣла пана его, на имя Вислаго Булгакова, при собѣ маеть, пришегъ, приказуемъ вамъ, ижъбы есте въ вѣдомости своей ажъ до Москвы его у себя мѣли, и, приѣхавъ до князя великого Московского, бояромъ его оповѣдали и того Вислаго отдали, а иначе бы того не учинили. Писанъ въ Кнышинѣ, року 1569, мѣсяца Ноября 18 дня. — Подпись у листа: «Лавринъ Война, подскарбій дворный, писарь господарскій.»

Подлинникъ писанъ современною скорописью, столбцемъ на 16 листкахъ, которые расклеены, перенумерованы и сшиты въ особой оберткѣ.

Хранится въ Главномъ Московскомъ Архивѣ № 49. Министерства Иностранныхъ дѣлъ.

49. — 1570 Мая 30. Жалованная подтвердительная грамота Кіевскому Пустынскому Николаевскому монастырю, на селища, земли и угоды, по купчимъ и отказнымъ записямъ разныхъ лицъ.

Жигимонтъ Августъ, Божьею милостию король Польскій, великій князь Литовскій, Рускій, Прускій, Мазовецкій, Жемойтскій, Лифлянтскій, панъ и дѣдичъ, озаимуюемъ симъ нашимъ листомъ всемъ и каждому зособна, кому будетъ потреба того вѣдѣти, або чтучи его слышати, нынѣшнимъ и напотомъ будущимъ. Покладали передъ нами велебный отецъ Касьянъ, игуменъ монастыря святого Микола Пустыньского, съ Кіева, и зъ братьею своею чернцы оного монастыря Пустыньского, листовъ семь, одинъ славной памяти короля его милости Жигимонта, пана отца нашего, на паркламентъ писанный, подѣ датою року Божого тысяча пятьсотъ четвертого (*), мѣсяца Іюля 29 дня, индикта 2, справы писаря Михайла Васковича, которымъ листомъ своимъ король его милость, отецъ нашъ, селищу пустое, въ Кіевѣ, за Дибромъ, на имя Княжичи, и озеро, которое на тотъ монастырь Пустыньскій еще продокъ нашъ, король его милость Казимерь, и тежъ король его милость Александръ, стрый нашъ, надати рачили, на вѣчность подтвержать тому же монастырю Пустынскому рачить, а шесть листовъ пановъ и землянь Кіевскихъ, которые для усноможенья того монастыря попридавали и записали люди и земли свои на тотъ монастырь Пустыньскій, то есть: листъ Булгака Лисичина сына и Михайла Волчковича, подѣ датою въ лѣто 7007 року, мѣсяца Августа 4 дня, индикта 2, которымъ листомъ своимъ онъ отдаляючи жону, дѣти, братью и всихъ повинныхъ своихъ, двѣ

(*) Надобно прибавить «надесять», сообразно съ индиктомъ. См. Акт. Зап. Росс. II, 116.

№ 49. дѣлницы свои селища Ивонинцовъ, лежачого при рѣчцѣ Красной, пашни и сѣножатей и млына на тотъ монастырь Пустыньскій вѣчно записуютъ; третій листъ Семена Романовича и жены его Татьяны, подъ датою въ лѣто 7015 року, мѣсяца Сентября 1 дня, индикта 10, которымъ листомъ онъ отдаляючи братью и всехъ повинныхъ своихъ, половицу имѣнья своего, Шепеличъ часть, на Припяти, и къ тому озеро Веропуть и Долгую тоню на вѣчность томужъ монастырю Пустыньскому въ Кіевъ записуетъ; четвертый листъ Солтана Албевича, толмача, и жены его Куньки и сыновъ Ивашка и Васка, подъ датою въ лѣто 7016 року, мѣсяца Августа 13 дня, индикта 11, которымъ листомъ они взявши отъ игумена и чернцовъ Пустыньскаго монастыря чотыриста копѣ грошей, и отдавши то отъ всехъ повинныхъ и сыновъ своихъ, продали и записали вѣчно землю свою бортную, съ селища, дубровы, боры, лежащую за Дитпротъ, на имя Полукнязевскую, на тотъ же монастырь Пустыньскій; пятый листъ Сенька Романовича, намѣстника Житомирскаго, которымъ онъ листомъ своимъ озеро на имя Веропуть на тотъ же монастырь Пустыньскій далъ; шестой листъ Ивана Михайловича Волчковича, подъ датою мѣсяца Марца дня 15, индикта 6, которымъ листомъ своимъ онъ половицу ѣзу, имѣнья своего Шепеличъ, на рѣцѣ Припяти и къ тому землю бортную тогожъ имѣнья Шепеличъ, на имя Пенячавскую, со всеми пожитки до той земли здавна прислухающими, вѣчно на вѣки на тотъ же монастырь Пустыньскій въ Кіевъ святого Николы записалъ; седьмой листъ Рака Полозовича, подъ датою мѣсяца Августа 1 дня, индикта 11, которымъ листомъ своимъ онъ землю свою отчизную, на имя Копьевскую, отдаляючи жону и всехъ повинныхъ своихъ, на тотъ же монастырь Пустыньскій вѣчно записалъ. И просили насъ, абыхмо то къ вѣдомости нашей господарской принустивши,

мощью зверхности наше королевское, тые селища, люди и земли къ той церкви Божьей монастырю Пустыньскому святого Николы у Кіевъ подтвердили и умоцнили то имъ во всемъ, на вѣчность, листомъ привилеємъ нашимъ. Ино мы оглядавши тыхъ листовъ записовъ ихъ, и видячи ихъ быть цѣлыхъ и ни въ чомъ не нарушоновъ, на прозбу ихъ то вчинили, подтвердили есмо и симъ листомъ привилеємъ нашимъ подтверждаемъ. Мають они сами, и по нихъ игуменъ и черицы въ томъ монастырю Пустыньскомъ Кіевскомъ будучые, тые вси дворища, люди и земли вышеймѣненые, зъ землями пашными и бортными, и зъ сѣножатями, и зъ службами тыхъ людей, и зъ даными грошовыми, медовыми, бобровыми и куничными, и съ озеры и зъ рѣками и зъ ѣзы, и зъ бобровыми гоны, и съ ставы и зъ млыны, и со всимъ съ тымъ яко ся тые люди, селища и земли здавна въ собѣ и теперь мають во всемъ, водлугъ листу и подтверженья славной памяти короля его милости Жикгимонта, пана отца нашего, и тежъ водлугъ данины и записовъ тыхъ пановъ и землянъ Кіевскихъ вышейписанныхъ, до той церкви Божьей монастыря святого Николы Пустыньскаго въ Кіевъ, держати и уживати, вѣчно и на вѣки непорушно. И на то есмо игумену и всей братьи его чернцомъ монастыря Пустыньскаго дали сесъ нашъ листъ, подписавши его рукою нашею господарскою, до которого на умоцнение и печать нашу привѣсити есмо казали. Писанъ у Варшавѣ, на соймѣ вальномъ корунномъ, дня 30 мѣсяца Мая, лѣта Божьего нароженья 1570, панованья нашего року 41-го. «Sigismundus Augustus Rex m. p.»

Изъ Коронной Русской Метрики (Acta Metryki Ruskiej, seu privilegia palatinatum Kijoviae, Volyniae, Podoliae et caet., современная рукоп. in fol. Запис. кн. СССІV, л. 18—21), хранящейся въ С. Петербургѣ, въ Сенатскомъ Архивѣ. — Характерный подлинникъ сей привилегии находится въ архивѣ Кіевской Казенной Палаты.

№ 50. — 1570 Июня 5. Жалованная грамота жителямъ города Суража, о сравненіи ихъ въ правахъ съ Витебскими мѣщанами.

Жикгимонтъ Августъ, Божьею милостью король Польскій, великій князь Литовскій, Русскій, Прускій, Жомойтскій, Мазовецкій, Ифлянтскій и иныхъ, ознаймуемъ симъ листомъ нашимъ нынѣшнимъ и напотомъ будучимъ. Билъ намъ чоломъ подданный нашъ, войтъ мѣста Суражскаго Иванъ Тарасовичъ Хима, самъ отъ себе и ото всехъ подданныхъ нашихъ мѣщанъ Суражскихъ, и повѣдилъ перелъ нами, ижъ они въ томъ мѣстѣ Суражскомъ, правѣ, на границы отъ земли непріятеля нашего великаго князя Московскаго, до одного мѣста Суражскаго збираются, и, надѣючися ласки наше господарской около наданья вольностей тому мѣсту Суражскому, тамъ фундоватися хочутъ; а ижбы тымъ лѣтѣмъ и безпечнѣмъ въ ономъ мѣстѣ Суражскомъ люди осѣдали и кгрунтовалися, жебыхмо прикладомъ мѣста нашего Витебскаго, таковыя права и вольности имъ надали и узычили, якие права и вольности мають подданные наши мѣщане мѣста Витебскаго и ихъ уживають. А такъ, ижъ тое мѣсто наше Суражское на мѣстцу потребномъ, при границахъ земли великаго князя Московскаго заложено есть; тогда мы, для того, жебы ся подданные наши въ томъ мѣстѣ Суражскомъ, на границахъ Московскихъ, охотнѣмъ осѣдали, фундовали и будовали, зъ ласки наше господарской, за чоломбитѣмъ войта вышейписаного и всехъ мѣщанъ Суражскихъ, прикладомъ мѣста нашего Витебскаго, права и вольности имъ надаемъ и узычаемъ, такъ, яко въ артыкулѣхъ въ семъ листѣ нашемъ ниже описанныхъ доложено есть. Напервѣй, ижъ ни то иный, одно мы господарь войта въ томъ мѣстѣ, человека осѣлого, кого мѣщане Суражскіе обравши намъ ознаймать, тому мѣсту давати и установляти маемъ. А судити мѣ-

щанъ Суражскихъ о каждую рѣчь воеводове № 50. Витебскіе и намѣстники ихъ Суражскіе одмы сами не мають, одножъ маючи при собѣ войта мѣстскаго и колько особъ старшихъ мѣщанъ Суражскихъ. А если кто зъ мѣщанъ въ якую вину впадетъ, тогда воеводове и намѣстники ихъ вины большъ брати не мають, только отъ копы по шести грошей пересуду отъ вшелякихъ рѣчей сужоновъ воеводове и намѣстники ихъ беручи, на-полы зъ войтомъ и зъ мѣщанами старшими, которые на судѣхъ съдѣти будутъ, дѣлити мають. Дѣцкованье и отправление отъ каждой рѣчи сужоновъ, никотороу не выймуочи, водлѣ Статуту теперешнего нового на мѣщанахъ Суражскихъ брано и отправано быти маеть, черезъ поруку, о вшелякую рѣчь. А если кто зъ мѣщанъ Суражскихъ въ чомъ обвиненъ будетъ, а по собѣ слушное рукоемство людей добрыхъ, вѣры годныхъ и тамъ осѣлыхъ дастъ, таковой до вязенья замковаго и мѣстскаго сажонъ быти не маеть. Дозволяемъ тежъ имъ для людей мѣстскихъ должныхъ (окромъ злочинцовъ, то есть, злодѣевъ, зрадець и розбойниковъ) тюрьму особную въ мѣстѣ збудовати и подѣ сравою и владностью войта тамошнего мѣстскаго мѣти. А если у кого зъ мѣщанъ Суражскихъ якое покраденье рѣчей и маетности его ся станетъ, а доишутъ ли ся злодѣйства у кого лицомъ; тогда все то што ся найдетъ, цѣло и добровольнѣ тому, у кого будетъ покрадено, маеть быти вернено, а чого не достанетъ, то зъ дому и маетности злодѣйскоу маеть быти плачено; а самъ тотъ, хто въ томъ дознанъ будетъ, водлѣ выступу своего и права посполитого каранъ быти маеть. Къ тому тежъ, для лѣпшого и латвѣйшого выхованья и запоможенья ихъ, придаемъ имъ кгрунту оромого, лѣсу и сѣножатей около замку и мѣста Суражскаго на вси стороны на мило; которую землю они держачи, службу конную возную напротивку непріятелю нашему заступовати мають, по тому, яко ся мѣщане мѣста нашего Витебскаго зъ

№ 50. кgrundовъ своихъ мѣстскихъ въ той службѣ военной заховываютъ, а особливо, на осады около замку, водѣ обычаю мѣсть и замковъ Рускихъ, пляцы, каждому мѣщанину по одному пляцу на одинъ домъ, розданы и заведены быти мають черезъ ревизоровъ нашихъ и черезъ врьдъ воеводы Витебского. А што ся дотычетъ пригоновъ и лововъ всякихъ, отъ того мѣщанъ Суражскихъ и сусѣдовъ ихъ выймуемъ и вольными дѣлаемъ. Торги тежъ вольные, безъ даванья и безъ плаченья мыта, подужного и никоторого плату иншого на насъ господаря и на врьдъ нашъ замковый, тому мѣсту Суражскому въ панствѣ нашомъ даемъ и уставляемъ: одножъ, естли бы мѣщане Суражскіе соль зъ Риги водою до Суража для продаванья провадили, тогды отъ берковеска соли по чотыри грошы давати, а гды бы воскъ зъ Суража до Риги або до Вильни и до иншихъ мѣстъ нашихъ водою спускали, або сухимъ путемъ везли, отъ камня воску до скарбу нашего платити повинны будутъ, черезъ руки мытниковъ нашихъ на коморахъ мытныхъ уставленныхъ, по тому яко и въ иншихъ мѣстѣхъ установлено будетъ. Даемъ тежъ и позволяемъ мѣщаномъ Суражскимъ въ мѣстѣ Суражскомъ въ году два ярмарки мѣти, вольныхъ и безмытныхъ, одинъ, почавши отъ дня святого Петра, черезъ три недѣли, а другій, почавши отъ дня Божого Нароженья, также черезъ три недѣли цѣлыхъ, безъ плаченья торгового, и ихъ на каждый годъ по два разы (яко въ семъ листѣ нашомъ описано) уживати вѣчными часы. А коли хто зъ мѣщанъ Суражскихъ сами межи собою побьются, а за дѣлкимъ погодятся: отъ того куницы заплатити на врьдъ тамошній замковый шесть грошей мають; а гды ся безъ дѣцкого поеднають, ино ничого врьду нашему замковому платити неповинны; а у посварцѣ межи собою естли бы ся одинъ выдалъ въ винъ, а другій бы ся не выдалъ: тогды тотъ вины на обоихъ врьдъ нашъ Суражскій брати и правити не

маетъ. А о всякую рѣчь, такъ малую, яко и великую, хотя бы о горло шло, мѣщанъ Суражскихъ, самыхъ и съ кимъ ся постороннымъ чловекомъ трафитъ, нигдѣ индѣ, только у Суражу, воеводове и намѣстники ихъ зъ войтомъ и мѣщаны старшими судити мають; а отъыватися до насъ господаря ни хто не маетъ, ажъ по судѣ. А кгда бы тежъ, за причиною воеводы тамошнего, што за службу которому зъ мѣщанъ Суражскихъ зъ ласки наше господарской было дано, того отъ нихъ не отдаляти, але при нихъ вѣчно оставляти маемъ. А во всякіе спадки по умерлой руцѣ, кому бы хто сходячи зъ сего свѣта што отказалъ, або кровному або обчому чловеку, въ тое мы господарь и урядъ нашъ Суражскій ничимъ ся вступовати не маетъ. Естли бы тежъ мѣщанинъ который Суражскій тамъ въ мѣстѣ Суражскомъ мѣшкати не хотѣлъ, а до иншого мѣста въ панствѣ нашомъ пойти волю мѣлъ: тогды таковому продавши домъ и пашню свою, со всемъ статкомъ и маенностью его до иншого мѣста въ панствѣ нашомъ, оказавшися уряду тамошнему, пойти вольно будетъ; а урядъ нашъ замковый никоторѣ трудности въ томъ ему задавати и его ничимъ гамовати не маетъ. Воскобойное, которое въ томъ мѣстѣ Суражскомъ приходити будетъ, на урядъ замковый Суражскій давано быти маетъ; а на опатренье потребъ мѣстскихъ важное и пострыгалное на мѣстскіе потребы, а дрягольное войту тамошнему къ его пожитку надаемъ и вѣчно оставуемъ. А около даванья подводъ, по тому, яко ся заховываютъ мѣщане въ мѣстѣ нашомъ Витебскомъ, заховати ся и мѣщане Суражскіе мають. Въ которыхъ всихъ рѣчахъ и артыкулахъ, въ семъ листѣ нашомъ описанныхъ, мы господарь и потомки наши тыхъ подданныхъ нашихъ мѣщанъ Суражскихъ, которые — колъвекъ въ томъ мѣстѣ осыли и напотомъ осыдати будутъ, заховывати вѣчными часы маемъ, и большихъ вольностей (о што бы насъ слушны просили) водѣ

ласки наше господарской узычати имъ будемъ. Якожъ воеводѣ Витебскому, державцу Суражскому пану Станиславу Пацу, и напотомъ будущимъ воеводамъ Витебскимъ приказуемъ, ижбы они тыхъ мѣщанъ Суражскихъ при тыхъ вольностяхъ и артыкулахъ, въ семъ листѣ нашомъ описанныхъ, на вси потомные вѣчные часы заховали, и никоторыхъ трудностей надѣ то ни въ чомъ имъ не задавали. А на твердость того, дали есмо всемъ обывателямъ мѣста Суражского сесь нашъ листъ, до которого и печать нашу привѣсити есмо розказали. Писанъ у Варшавѣ, лѣта Божьего нароженья 1570, мѣсяца Іюня 5 дня. — «Sigismundus Augustus Rex.» «Лаврынъ Война, подскарбій дворный и писарь.»

Выписана изъ жалованной подтвердительной грамоты короля Стефана, данной Суражскимъ мѣщанамъ 1576 г., Декабря 14, въ Городнѣ. Объ сии привилегіи внесены въ Литовскую Метрику (Запис. кн. LXII, л. 33 и слѣд.), хранящуюся въ Сенатскомъ архивѣ, въ С. Петербургѣ.

51. — 1571 Апрѣля 11. Грамота Ульскому державцу князю Константину Лукомскому, о развѣданіи въ порубежныхъ мѣстахъ о дѣйствіяхъ Московскаго Государя и ратныхъ его людей.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій и иныхъ, державцу Ульскому князю Костюши Лукомскому, а въ небытности его самого на тотъ часъ на Уль, ино врьднику его тамошнему Ульскому. Розказали есмо воеводѣ Виленскому, канцлеру великого князства Литовского, старостѣ Лидскому и Мозырскому, державцу Борисовскому пану Миколоаю Юрѣвичу Радивилу, черезъ подданныхъ нашихъ того замку Ульского, або черезъ которыхъ иншихъ людей, вывѣданье въ земли непріятеля нашего великого князя Москов-

ского чинити, о справѣ того непріятеля нашего и войскъ его, гдѣ ихъ оборочаетъ. И ты бы, княже Лукомскій, а въ небытности его самого на тотъ часъ на Уль, тобѣ врьднику его тамошнему приказуемъ, ижбы еси всякимъ обычаемъ до того ся причинилъ, и, за писаньемъ пана воеводы Виленского, таковыхъ людей умѣтныхъ въ томъ дознавалъ, и къ тому самъ съ стороны своее причинялъ, и тыхъ, которыхъ его милость пошлетъ, за границу пропущалъ, всякую опатрность въ томъ и послушенство на листы его милости чинячи, конечно, абы то иначе не было. Писанъ у Варшавѣ, лѣта Божьего нароженья 1500-семдесять первого, мѣсяца Апрѣля 11 дня.

Подлинникъ писанъ на полулистѣ. Въ концѣ грамоты своеручная королевская подпись: Sigismundus Augustus Rex. Ниже скрипа: Михайло Гарабурда, писарь. Былъ сложенъ пакетомъ и запечатанъ, имѣетъ на оборотѣ надпись: Державцу Ульскому князю Костюши Лукомскому, а въ небытности его самого на тотъ часъ на Уль, ино врьднику его тамошнему Ульскому.

Хранится въ Императорской Публичной Библиотекѣ.

52. — 1571 Іюля 5. Жалованная подтвердительная грамота Кіевскому Печерскому монастырю, на право посылать старцевъ своихъ и слугъ въ Московскіе Свѣрскіе города, для сбора дани.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, панъ и дѣдичъ. Ознаймуемъ симъ нашимъ листомъ всемъ, кому — колъвекъ одно то вѣдати належитъ, ижъ што которые дани, перво сего, зъ стародавна, за предковъ нашихъ королей ихъ милости и великихъ князей Литовскихъ, и за короля его милость Жикгимонта, славной памяти пана отца нашего, архимандритомъ Печерскимъ пречистѣ Богоматере въ Кіевѣ, зъ земли непріа-

№ 53. тельской Московской, съ городовъ Сѣверскихъ, съ Стародуба и съ Новгорода, на монастырь Печерскій приходять, о чомъ же первѣй сего, за чоломбитємъ велебного отца Иларіона Песочинского, архимандрита Печерского, и всеѣ братьи чернцовъ того монастыря, и за оказаньемъ передъ нами листовъ короля его милости Жикгимонта, пана отца нашего, которыми его милость имъ по тую дань до земли Московской, за вѣдомостью воеводъ Кіевскихъ, чернцовъ братью ихъ, людей добрыхъ и вѣры годныхъ, посылати дозволить рачилъ, — мы, вырозумѣвши съ тыхъ листовъ короля его милости пана отца нашего, и тежъ бачучи на то, ижъ тотъ доходъ оному монастырю Печерскому зъ наданья предковъ нашихъ приходитъ, а не хотѣчи тежъ пожитковъ церковныхъ уменьшати, зъ ласки нашею такимъ же обычаемъ, оному архимандриту Песочинскому, за границу до земли Московской, до помѣненныхъ городовъ Сѣверскихъ, по тую дань, за вѣдомостью воеводъ и всихъ пановъ Кіевскихъ, братью чернцовъ и слугъ монастырскихъ, людей добрыхъ и вѣры годныхъ посылати дозволили, и на то имъ листъ нашъ, съ подписаньемъ руки нашею и за печатью великого князства Литовского дали. А такъ били намъ чоломъ велебный отецъ, тотъ же Иларіонъ Песочинскій архимандритъ Печерскій и вся братья черниці того монастыря Печерского, и оный листъ нашъ передъ нами покладали, просячи, абыхмо ихъ во всемъ подлѣ того заховаючи, и теперь по оную дань до земли Московской вѣдати допустивши, знову имъ тую вольность листомъ зъ канцелярей нашею коруны Польскоѣ (кгдажъ вѣе на сесъ часть земля Кіевская съ певныхъ причинъ до коруны прилучена естъ) подтвердили. Ино мы видячи въ томъ быти прозбу ихъ слышную, zostавили есмо ихъ при стародавномъ обычаю; и постерегаючи тежъ, ижбы ся перкви Божьей ничого не уменьшило, зъ ласки нашею господарской, за границу до тыхъ городовъ

украинныхъ Сѣверскихъ, до Стародуба и до Новгорода, симъ листомъ нашимъ, по тую дань, коли того часть воля стародавнего обычаю прійдетъ, посылати имъ дозволяемъ. Маесть архимандритъ межи чернцовъ и слугъ монастырскихъ людей добрыхъ и вѣры годныхъ обравши, перво то объявити и оповѣдити воеводѣ Кіевскому, а въ небытности воеводиной справцъ нашему воеводства Кіевского и всимъ паномъ Кіевскимъ, и тогда вѣе, за такою вѣдомостью, по тую дань послати до земли Московской мають. А кгда они зася съ тою данью назадъ прійдутъ, ино также воеводѣ Кіевскому, альбо справцъ нашему оповѣдити мають, съ чимъ оттоль пріѣхали: вѣдѣже воеводы Кіевскіе, альбо справцы наши того будутъ съ пильностью постерегати, абы черезъ тые посланцы ихъ панствы наши якошкы и трудности не приняли. И на то дали есмо архимандриту и всимъ чернцомъ братьи монастыря Печерского сесъ нашъ листъ, зъ нашею корунною печатью. Писанъ у Варшавѣ, лѣта Божьего нароженія тысяча пятьсотъ семдесятъ первого, мѣсяца Іюля пятого дня, панованья нашего року сорокъ второго. — «Подпись руки князя подканцлерого. Справа его жъ».

Изъ Коронной Русской Метрики (Acta Metryki Ruskiej, s. privilegia palatinatum Kijoviae, Wolyniae, et c., современн. рукоп. in fol. Запис. кн. СССР, л. 199 — 202), хранящейся въ С. Петербургѣ, при Правительствующемъ Сенатѣ. Въ заглавіи грамоты отмѣчено: Вольность архимандриту Печерскому по дань до Москвы посылати.

53. — 1571 Сентября 1. Жалованная грамота королевскому писарю Евтиху Высоцкому, о предоставленіи ему, въ награду за службу, въ пожизненное держанье Кіевского Межигорскаго монастыря и Вышегородскаго городища, со всеми угодьями и доходами.

Жикгимонтъ Августъ, Божьею милостью

король Польскій, великій князь Литовскій, Рускій, Прускій, Мазовецкій, Жомойтскій, Кіевскій, Волынскій, Подляскій, Ифлянтскій, панъ и дѣдичъ. Ознаймуемъ тымъ листомъ нашимъ всимъ воебѣ и каждому зособна, кому то вѣдати належитъ, ижъ мы маючи ласкавый взглядъ на вѣрные и пильные службы дѣяка канцлерыи нашею корунноѣ Евтиха Васильевича Высоцкого, которыми онъ будучи при насъ господари, въ канцлерыи нашей корунной большой черезъ часть немалый, въ справахъ нашихъ и рѣчи посполитой вѣрнъ и пильнъ ласку нашу господарскую заслужовалъ и на тотъ часть еѣ заслугуетъ, и хотѣчи его и впередъ охотнѣйшимъ къ службамъ нашимъ и рѣчи посполитой учинити, за причиною певныхъ особъ, пановъ радъ нашихъ на тотъ часть при насъ будучихъ, которые ся за нимъ о то до насъ причинили, зъ ласки нашею господарскоѣ дали есмо ему, якошъ и тымъ листомъ нашимъ даемъ, до его живота, монастырь названный Межигорье, церковь Рускую вѣры и закону Греческого, при замку нашемъ Кіевскомъ, который лежитъ надъ рѣкою Днѣпромъ, отъ Кіева въ дву миляхъ; а къ тому землю пустую, людьми неосѣлую, подъ тымъ же монастыромъ лежащую, названую Вышегородскую, у Вышегорода, со всимъ яко ся тотъ монастырь Межигорье и тая земля Вышегородская зъ давныхъ часовъ, сама въ собѣ, въ пожиткохъ и обыходѣхъ своихъ маесть, съ землями пашными и зъ млыномъ, который подъ тымъ же монастыромъ естъ, зъ лѣсами и пасеками и зъ данью медовою, съ озерами, и съ бобровыми гоны, и зъ ловы рыбными и звѣринными и пташими, зъ ѣзами, зъ виноградомъ, который на той земли Вышегородской естъ, зъ сады, и зъ мыгомъ тымъ, которое тамъ у Вышегорода здавна на насъ идетъ, и зъ иными всякими пожитки и доходы, которые къ тому монастырю Межигорскому и къ той земли Вышегородской здавна належать и якіе бы се кольвекъ тамъ выналезть

и прибавити могли. Маесть онъ самъ, до своего № 54. живота, тотъ монастырь Межигорье, и землю Вышегородскую, со всимъ тымъ яко естъ вышей въ томъ листѣ описано, держати и всякихъ пожитковъ отъ того приходящихъ уживати, и тое мыто Вышегородское, по тому яко здавна было бирано, выбирати и всякіе пожитки тамъ собѣ, яко налѣтнѣ розумѣючи, розмножати и прибавляти и къ пожитку своему оборочати. А на свѣдетство того всего, и печать нашу королевскую до того листу нашего притиснути есмо велѣли. Данъ въ Варшавѣ, дня 1-го Сентября мѣсяца, року отъ нароженія Сына Божьего 1571, а панованья нашего 42-го.

Изъ Коронной Русской Метрики (Acta Metryki Ruskiej, s. privilegia palatinatum Kijoviae, Wolyniae etc., современн. рукоп. in fol. Запис. кн. СССР, л. 93 — 94), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Доживотье на Межигорскій монастырь въ Кіевѣ и на землю, альбо городище Вышегородское, тежъ въ Кіевѣ, отъ замку Кіевского въ дву миляхъ, Евтихови Васильевичу Высоцкому, писарю канцлерыи корунноѣ Рускихъ справъ.

54. — 1572 прежде Іюля. Жалованная подтвердительная грамота Владимирскому владычному боярину Тимоѣею, на вѣдѣніе церковнымъ сельцомъ, съ обязанностью къ службѣ, по данной записи тамошняго епископа Θεодосія.

Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, ознаймуемъ симъ листомъ нашимъ нынѣшнимъ и напотомъ будучимъ. Повѣдилъ передъ нами шляхетный Тимоѣей Васильевичъ, бояринъ владычества Володимирского, ижъ велебный епископъ Θεодосей, владыка Володимирскій и Берестейскій, далъ ему на вѣчность село церковное владычества Воло-

№ 54. димерского, названное Оедоровецъ, въ которомъ людей остьлыхъ пять, а пустовщинъ три; на штожъ владыка листъ свой подъ печатью и съ подписью руки своею ему далъ и передъ нами его вказывалъ, просячи насъ, абыхмо зъ ласки нашею королевскою, тое село ему на вѣчность подтвердили. Ино, хотяжъ владыка не мѣлъ и не маєтъ моцы, кромъ воли и вѣдомости нашею, никому имѣній костелныхъ подаванья нашего на вѣчность роздавати: але мы зъ ласки нашею королевскою, на чоломбигѣ того Тимофея то вчинили, на тую прозбу его ласкаво есмо позволили и позволяемъ, и тое село Оедоровецъ ему подтверждаемъ и вѣчными часы умоцняемъ. Маеъ онъ самъ, и его жона, и дѣти и потомки ихъ, водѣ листу владычина на то ему даного, оное село Оедоровецъ, со всеми людьми тамъ остьлыми, и съ пустовщинами и со всеми кгрунтами пашными и непашными, проробками и зарослями и сѣножатями, и съ платы и доходы и со всемъ, яко ся тое село Оедоровецъ само въ собѣ, въ широкости кгрунтовъ, въ пожиткахъ, границахъ и обыходѣхъ своихъ здавна и нынѣ маеъ, держати и уживати вѣчно и на вѣки непорушно, будучи воленъ тамъ собѣ дворецъ збудовати и людьми осадити, прибавити и роз-

ширити, и всякіе пожитки якіе сѣми похочутъ причинити и примножити; а съ тогожъ теперешнему владыцѣ и по немъ будучимъ владыкамъ Володимерскимъ, ничимъ инымъ, одною службою боярскою шляхетскою, конемъ служить, а иныхъ некоторыхъ службъ владыкамъ служить, и жадныхъ работъ робити, и платовъ платити и давати не маеъ; также владыкове Володимерскіе у него и въ его потомковъ оного села Оедоровца, яко его вѣстного, вѣчистого, некоторыми причинами вжо отнимати и собѣ его привлашати не могутъ и не мають вѣчнѣ. И на то дали есмо ему сѣсь нашъ листъ зъ нашою печатью. Писанъ въ Варшавѣ, на соймѣ вальномъ коронномъ; . . . (*) дня, року отъ нароженья Сына Божьего 1572, а панованья нашего сорокъ третьего. — «Реляцыя вельможного Валентія Дебнського.»

Изъ Коронной Русской Метрики (Записки СССР, л. 137). хранящейся при Правительствующемъ Сенатѣ, въ С. Петербургѣ. Въ главѣ грамоты отмѣчено: Подтверженіе Тимофею Васильевичу, боярину владычества Володимерского, на село названное Оедоровецъ, ему отъ владыки Володимерского и Берестейского Оеодосея данное.

(*) Въ подл. здѣсь пробѣлъ.

VIII. МЕЖДУЦАРСТВІЕ.

55. — 1572 послѣ Іюля. Грамота Московскаго царя Іоанна Васильевича Литовскимъ раднымъ панамъ, въ отвѣтъ на предложеніе ихъ Литовско-Польскаго престола сыну его, царевичу Оеодору.

Милосердія ради милости Бога нашего, въ нихъ же посѣти насъ Востокъ свѣше, во еже направити ноги наша на путь миренъ, и со смиреніемъ, благочестивнѣ, его милосердіемъ, осмотрѣніе сотворити къ покою хрестіянскому. Сего убо Бога нашего въ Троицѣ славимаго милостию, мы великій государь, царь и великій князь Иванъ Васильевичъ всея Русіи и самодержецъ, Влодимерскій, Московскій, Новгородскій, царь Казанскій, царь Астороханскій, государь Псковскій, и великій князь Смоленскій, Тѣерскій, Югорскій, Пермскій, Вятцкій, Болгарскій и иныхъ, государь и великій князь Новгорода Низовскіе земли, Черниговскій, Рязанскій, Полоцкій, Ростовскій, Ярославскій, Бѣлоозерскій, Удорскій, Обдорскій, Кондинскій и всея Сибирскіе земли и Стѣверные страны повелитель, и государь отчинный земли Лифлянтскіе и иныхъ, нашего государского повелѣнія слово великаго княжества Литовскаго паномъ радъ: Миколаю Пацу, бискупу Кіевскому; Миколаю Радивилу, княжѣ на Дубинкахъ и Биржахъ, воеводѣ Виленскому, канцлѣру великаго княжества Литовскаго; старостѣ Лидскому и Мозырскому, державцу Борисовскому; Стефану Ондри-

вичу Збаражскому, воеводѣ Троцкому; Яну № 55. Яронимовичу Ходкевичу, кграбѣ на Шкловѣ и Мыши, старостѣ Жемойцкому, моршалу земскому великаго княжества Литовскаго, старостѣ Ковенскому, державцу Плотелскому и Телшовскому; Юрью Юрьевичу Остику, воеводѣ Мстиславскому, старостѣ Бряславскому; Яну Петровичу Кискѣ, крайчому великаго княжества Литовскаго. Что есте присылали до насъ гонца своего Стефана Матвѣева съ грамотою, и въ той грамотѣ своею къ намъ писали есте: вѣдомо уже нашей милости естъ, что великаго государя Жигимонта Августа, короля и великаго князя, брата нашего, а вашего государя въ животѣ не стало, Богъ душу его милости съ сего свѣта взялъ; а вы, рада, и такожъ княжата и панята и все рыцерство того славнаго панства великаго княжества Литовскаго, яко люди вольные, по отходѣ его королевской милости съ сего свѣта, намовляючи и обмышляючи, кого бы вы собѣ за государя и великаго князя на тое славное панство великое княжество Литовское взяти мѣли, яко сами съ иными паны радами того панства есте до того охотливы, такъ и вси станы и рыцерство того панства такожъ суть прихилны, и вѣрно вси зычите, чтобы потомство нашея милости великаго и хрестіянскаго государя надъ вами пановало; якожъ за певнымъ постановленіемъ, сына нашего молодшего его милость царевича князя Оеодора хо-

№ 54. димерского, названное Оедоровецъ, въ которомъ людей остьлыхъ пять, а пустовщинъ три; на штожъ владыка листъ свой подъ печатью и съ подписью руки своею ему далъ и передъ нами его вказывалъ, просячи насъ, абыхмо зъ ласки нашею королевскою, тое село ему на вѣчность подтвердили. Ино, хотяжъ владыка не мѣлъ и не маєтъ моцы, кромъ воли и вѣдомости нашею, никому имѣній костелныхъ подаванья нашего на вѣчность роздавати: але мы зъ ласки нашею королевскою, на чоломбигѣ того Тимофея то вчинили, на тую прозбу его ласкаво есмо позволили и позволяемъ, и тое село Оедоровецъ ему подтверждаемъ и вѣчными часы умоцняемъ. Маеъ онъ самъ, и его жона, и дѣти и потомки ихъ, водѣ листу владычина на то ему даного, оное село Оедоровецъ, со всеми людьми тамъ остьлыми, и съ пустовщинами и со всеми кгрунтами пашными и непашными, проробками и зарослями и сѣножатями, и съ платы и доходы и со всемъ, яко ся тое село Оедоровецъ само въ собѣ, въ широкости кгрунтовъ, въ пожиткахъ, границахъ и обыходѣхъ своихъ здавна и нынѣ маеъ, держати и уживати вѣчно и на вѣки непорушно, будучи воленъ тамъ собѣ дворецъ збудовати и людьми осадити, прибавити и роз-

ширити, и всякіе пожитки якіе сѣми похочутъ причинити и примножити; а съ тогожъ теперешнему владыцѣ и по немъ будучимъ владыкамъ Володимерскимъ, ничимъ инымъ, одною службою боярскою шляхетскою, конемъ служить, а иныхъ некоторыхъ службъ владыкамъ служить, и жадныхъ работъ робити, и платовъ платити и давати не маеъ; также владыкове Володимерскіе у него и въ его потомковъ оного села Оедоровца, яко его влестного, вѣчистого, некоторыми причинами вжо отнимати и собѣ его привлашати не могутъ и не мають вѣчнѣ. И на то дали есмо ему сѣсь нашъ листъ зъ нашою печатью. Писанъ въ Варшавѣ, на соймѣ вальномъ коронномъ; . . . (*) дня, року отъ нароженья Сына Божьего 1572, а панованья нашего сорокъ третьего. — «Реляцыя вельможного Валентія Дебнського.»

Изъ Коронной Русской Метрики (Записки СССР, л. 137). хранящейся при Правительствующемъ Сенатѣ, въ С. Петербургѣ. Въ главѣ грамоты отмѣчено: Потверженіе Тимофею Васильевичу, боярину владычества Володимерского, на село названное Оедоровецъ, ему отъ владыки Володимерского и Берестейского Оеодосея данное.

(*) Въ подл. здѣсь пробѣлъ.

VIII. МЕЖДУЦАРСТВІЕ.

55. — 1572 послѣ Іюля. Грамота Московскаго царя Іоанна Васильевича Литовскимъ раднымъ панамъ, въ отвѣтъ на предложеніе ихъ Литовско-Польскаго престола сыну его, царевичу Оеодору.

Милосердія ради милости Бога нашего, въ нихъ же посѣти насъ Востокъ свѣше, во еже направити ноги наша на путь миренъ, и со смиреніемъ, благочестивнѣ, его милосердіемъ, осмотрѣніе сотворити къ покою хрестіянскому. Сего убо Бога нашего въ Троицѣ славимаго милостию, мы великій государь, царь и великій князь Иванъ Васильевичъ всея Русіи и самодержецъ, Влодимерскій, Московскій, Новгородскій, царь Казанскій, царь Астороханскій, государь Псковскій, и великій князь Смоленскій, Тѣерскій, Югорскій, Пермскій, Вятцкій, Болгарскій и иныхъ, государь и великій князь Новгорода Низовскіе земли, Черниговскій, Резанскій, Полоцкій, Ростовскій, Ярославскій, Бѣлоозерскій, Удорскій, Обдорскій, Кондинскій и всея Сибирскіе земли и Стѣверные страны повелитель, и государь отчинный земли Лифлянтскіе и иныхъ, нашего государского повелѣнія слово великаго княжества Литовскаго паномъ радъ: Миколаю Пацу, бискупу Кіевскому; Миколаю Радивилу, княжѣ на Дубинкахъ и Биржахъ, воеводѣ Виленскому, канцлѣру великаго княжества Литовскаго, старостѣ Лидскому и Мозырскому, державцу Борисовскому; Стефану Ондри-

вичу Збаражскому, воеводѣ Троцкому; Яну № 55. Яронимовичу Ходкевичу, кграбѣ на Шкловѣ и Мыши, старостѣ Жемойцкому, моршалу земскому великаго княжества Литовскаго, старостѣ Ковенскому, державцу Плотелскому и Телшовскому; Юрью Юрьевичу Остику, воеводѣ Мстиславскому, старостѣ Бряславскому; Яну Петровичу Кискѣ, крайчему великаго княжества Литовскаго. Что есте присылали до насъ гонца своего Стефана Матвѣева съ грамотою, и въ той грамотѣ своею къ намъ писали есте: вѣдомо уже нашей милости естъ, что великаго государя Жигимонта Августа, короля и великаго князя, брата нашего, а вашего государя въ животѣ не стало, Богъ душу его милости съ сего свѣта взялъ; а вы, рада, и такожъ княжата и панята и все рыцерство того славнаго панства великаго княжества Литовскаго, яко люди вольные, по отходѣ его королевской милости съ сего свѣта, намовляючи и обмышляючи, кого бы вы собѣ за государя и великаго князя на тое славное панство великое княжество Литовское взяти мѣли, яко сами съ иными паны радами того панства есте до того охотливы, такъ и вси станы и рыцерство того панства такожъ суть прихилны, и вѣрно вси зычите, чтобы потомство нашея милости великаго и хрестіянскаго государя надъ вами пановало; якожъ за певнымъ постановленіемъ, сына нашего молодшего его милость царевича князя Оеодора хо-

№ 56. тѣли бы есте собѣ за государя и великого князя на тое панство великое княжество Литовское взяти. И братьѣ вашей панѣмъ радамъ коруны Польскіе радити и до того ихъ приводити хотите жъ, чтобы ихъ милость на королевство Польское сына нашего собѣ за пана и короля взяли. А такъ, естли жъ наша воля будетъ на таковую хвалебную рѣчь (которая несеть великую и несмертельную славу намъ самому и роду нашей милости) позволить, и сына нашего молодшего царевича князя Ѳеодора теперь заразомъ вамъ обрати на великое княжество Литовское дати; а его милость естли жъ вси ваши свободы, права и вольности вамъ утвердити и иныхъ еще придати всхочетъ: и мы бы вамъ, и съ сыномъ нашимъ старшимъ съ его милостию царевичемъ княземъ Иваномъ, и съ его милостию со царевичемъ княземъ Ѳеодоромъ, свободы, права и вольности ваши поприсягнули и крестнымъ цѣловацемъ утвердили, и надъ то миръ вѣчный съ вами постановили. . . . (окончаніа не достаеъ).

Подлинникъ писанъ современною скорописью. Бывъ сложенъ и запечатанъ, имѣетъ на пакетъ адресъ, съ означеніемъ именъ Литовскихъ сенаторовъ, въ томъ же порядкѣ, какъ и въ началѣ грамоты. Остальная половина акта оторвана, по этому при немъ и датумъ нѣтъ.

Доставленъ въ Археографическую Коммиссію, въ списокъ, Варшавскимъ корреспондентомъ, профессоромъ Мацьевскимъ, изъ архива гг. Сенизскихъ, находящагося въ Галиціи, въ округѣ Перемышльскомъ.

56. — 1572 Сентября 27. Листъ Литовскихъ радныхъ пановъ къ Московскому царю Іоанну Васильевичу, объ отпращиваніи къ нему посла Михаила Гарабурду для переговоровъ о избраніи царевича Ѳеодора на Литовско-Польскій престолъ, съ просьбою продолжить перемиріе.

Великому государю Ивану Васильевичу, Божьею милостью государю всея Руси и великому князю Владимирьскому, Московскому и пр. Яко есмо перво сего писали до вашей милости, даючи вѣдати, якою жалостью зъ смерти господаря нашего, короля Польского и великого князя Литовского, славной памяти Жикгимонта Августа, панъ Богъ насъ навѣдиль, . . . ижъ мы по смерти господаря нашего, оставши у вольной рѣчи посполитой нашей, и хотячи всего доброго въ хрестіанствѣ дождати и рады зычити, хотимъ панованья на тыхъ господарскихъ народѣхъ вашей милости. Про то и теперь послали есмо до вашей милости врядника присяглого. . . . писаря великого князства Литовского, державцу Свицловского, пана Михайла Гарабурду, доведываючися воли вашей милости: будетъ ли воля вашей милости съ коруною Польскою и съ великимъ князствомъ Литовскимъ зъ господарствы вашей милости мирного . . . хотѣти, а сынови вашей милости князю . . . ру приступъ къ милости и склонности . . . народовъ нашихъ зычити. Зачимъ быхмо зѣхавшиися на елецкью, съ братьею нашею съ паны Польскими о томъ намовляли, и зъ вольного обранья, голоса наши на сына вашей милости подавали, за постановеньемъ и за увѣненьемъ черезъ вашу милость яко о границахъ, такъ и о земляхъ забраныхъ; для чого вси артыкулы, которыхъ упередити елецкью потреба. . . , списаны оказати, и о томъ . . . мовити, пану Гарабурдѣ есмо . . . А будетъ ли на то воля Божья и вашей милости, рачь намъ волю свою ознаямити, и перемиріе далѣй помкнути, и то листомъ своимъ намъ черезъ того нашего посланника увѣннати, за чимъ быхмо не къ войнѣ, але ко всему доброму вашей милости и народу вашей милости мысли наши склоняли, и братья нашей панѣмъ Польскимъ ласкавое панованье вашей милости выславили, и сполнѣ вси и одностайнѣ вашей милости такъ великой и несмертельной славы зычили. Писанъ

въ Рудникахъ, року 1572, мѣсяца Сентября 27 дня.

Современный списокъ писанъ на трехъ страницахъ листа, скорописью. Скрепленъ и подписей нѣтъ. Въ заглавіи акта отмѣчено: Минута на листъ до великого князя Московского, зъ Рудниковъ, черезъ пана Гарабурду писаря, гдѣ жъ не съ тымъ маєтъ вхати, который до князя Слуцкого посланъ. Ветхъ.

Изъ коллекціи актовъ, приобретенныхъ для Археографической Коммиссіи въ Швеціи корреспондентомъ г. Соловьевымъ.

57. — 1572 Декабря 12. Вводная грамота Кіевскаго воеводы князя Константина Острожскаго Золотоверхо-Михайловскому монастырю, на владѣніе землю Орининскую и Дѣвичь-гору, по розѣзжей записи.

Костентинъ княжа Острожское, воевода Кіевскій, маршалокъ земли Волынскоѣ, староста Володимерскій. Били намъ чоломъ игуменъ и вси еже о Христѣ братья монастыря святого Михаила Золотоверхой церкви, и жаловали намъ на землянина Кіевскаго Максима Панковича, о томъ, ижъ дей онъ землю владѣющую церковную того монастыря, прозываемую Орининскую и Дѣвичь-гору, не вѣдати за которымъ правомъ, отъ монастыря упорнѣ и квалтовнѣ отнялъ и ее уживаетъ; которая дей земля здавна приналежитъ, отъ ста лѣтъ и большей, къ тому монастырю святого Михаила Золотоверхой церкви; и, принявши зъ собою тотъ игуменъ и чернци зъ Максимомъ

Панковичомъ рокъ на тую землю выѣхати. № 57. просили насъ, абы есмо кого зъ рамени нашего на тотъ розѣздъ выслали. И мы зъ рамени нашего выслали есмо на тотъ кгрунтъ, къ розѣзду и догдѣланью справедливости, намѣстника нашего Кіевскаго пана Василья Рая, и служебниковъ нашихъ, Яна Викгуру, Сидора Яковицкого, Семена Мякиша, которые тамъ на томъ розѣздѣ булучи, во всемъ слушнѣ и пристойнѣ водѣтъ права поступовали, и оную землю Орининскую и Дѣвичь — гору къ монастырю святого Михаила Золотоверхой церкви привернули, и листомъ своимъ розѣзднымъ достаточнѣ границы описали: который розѣздъ и листъ тыхъ слугъ нашихъ бачачи быти слушнѣй, и симъ листомъ нашимъ подтверждаемъ игумену и чернцомъ того монастыря святого Михаила Золотоверхого, подъ печатью и съ подписемъ руки нашею данымъ. Писанъ въ Кіевѣ, мѣсяца Декабря 12 дни, року 1572.

Подлинникъ писанъ современною скорописью, безъ строчныхъ знаковъ. Внизу акта воеводская подпись, крючковатымъ и неразборчивымъ почеркомъ, и гербовая печать на красновосковой массѣ. На оборотѣ отмѣчено: вписано до книгъ кгородскихъ Кіевскихъ. Другая, позднѣйшая отмѣтка по Польски: An. Domini 1633, m. Decembra 15 dnia, wielebnі w Bogu oycowie, Pafnoty Olszanskj y Jlia . . . , zakonnicy s. Michała Złotowierczego Kijowskiego, do xiąg per oblatam podali. Suscepi Sta. Wi. Ho. i nam. Kijow. Ветхъ.

Изъ архива Кіевской Казенной Палаты.

IX. ГОСУДАРСТВОВАНИЕ ГЕНРИКА,

и

МЕЖДУЦАРСТВІЕ ПОСЛѢ НЕГО.

№ 58. 58. — 1573 и 1574. Вѣстовыя отписки Оршанскаго старосты Филона Кмиты Чернобыльскаго Польскому королю Генрику и Литовскимъ раднымъ панамъ, о *Московскихъ дѣлахъ*.

I. — Ясневелможный, милостивый пане Троцкій, пане мой милостивый! Новины, годные вѣдомости вашей панской милости, пану моему милостивому, зъ сего краю даю вѣдати. Дали ми справу шпегу мои, ижъ великій князь Московскій, собравши войска немалые, просто тягнулъ до Казани, хотѣчи дати ратунокъ: бо дей Черемиса Луговая отъ него ся откинувши, дороги землею и водяные вси до тыхъ царствъ его залегли и до Казани не пропускаютъ, шкodu великую чинятъ, и тыхъ дей часовъ войска его осмь тысячъ на-голову поразили. Также дей и Нагайцы и иншыя орды отъ него ся откинули и Казань дей за-певнѣ облегли. Якожъ тыхъ часовъ, Декабря пятого дня, въ субботу, у вилію святого Николая, вышелъ полоненикъ зъ Москвы, на имя Иванецъ, подданный его милости пана старосты Жомойтского, зъ Шклова, который былъ у вязенью у Татаръ Московскихъ, за Москвою сто миль, у Мешерску (а вышолъ зъ Мешерска передъ Филиповыми запусты, и шолъ на

Александрову слободу и на Москву, а зъ Москвы до Смоленска, а зъ Смоленска ажъ тутъ до Орши); тотъ будучи у мене на Орши, далъ ми такову жъ справу, во всемъ зго-жаючися съ шпегами моими . . . (*). О князь великомъ повѣдилъ, ижъ дей самъ князь великій и зъ сынами своими есть въ Олександровъ слободъ, зъ войска великими собрався, съ которыми маеть ити до Казани: Татарове дей, Нагайцы, Черемиса Луговая и иншыя орды Татарскіе отъ него ся откинули и Казань облегли, и самъ дей князь великій особю своею тамъ на ратунокъ тягнетъ; а запевнѣ дей зъ Олександровы слободы вытягнетъ на день святого Николая. А небезпечно-сти панства господара нашего жадноѣ не по-вѣдаеть, и повѣдилъ, ижъ людей военныхъ, почавши отъ Москвы ажъ до Смоленска, по тымъ городомъ нигдѣ нѣтъ и простоѣ черни мало: всихъ дей зъ нимъ до Казани выгнано, а иншихъ, идучи по дорожъ, много жъ людей тягнучихъ на войну до Олександровы слободы потыкалъ; для чого, зъ ласки Божой, покою отъ того непріятеля на тотъ часъ великого сподѣваемся, якожъ тотъ же полоненикъ повѣ-даеть, ижъ слышалъ у Смоленску, штожъ отъ князя великого до воеводъ Смоленскихъ

(*) Въ этой и слѣдующихъ отпискахъ, мѣста не принадлежащія къ дѣлу, комплименты, жалобы и т. п. изъ текста исключены и замѣнены рядомъ точекъ.

наказъ пришолъ, абы въ границахъ спокойнѣ ся заховали, и берегли покою накрѣпко, и купцомъ тыхъ панствъ абы обидѣ жадныхъ не чинили, и ласкаво ся со всякою вольностью до нихъ заховали. А товары дей дорогіе, золотоглавы, оксамиты и иншіе дорогіе рѣчи до казны своею розказалъ братъ и платитъ поцѣнно; а отъ своихъ дей купцовъ вси товары Московскіе розказалъ отбирать, то есть, сукна, кожухи всякіе, и бораньи шлыки: того дей не вѣдати, для чого, одно ся домышляють, яко бы мѣлъ дары давать Татаромъ. Ваша милость, панъ мой милостивый, о всемъ томъ рачъ вѣдати Писанъ у — въ Орши, мѣсяца Декабря 5 дня, року 1573.

За тымъ слѣдуетъ приписка: Пыталъ же есми того: естли бы князь великій не мѣлъ котораго умыслу противку панствамъ короля е. м. пана нашего? повѣдилъ, ижъ дей того не слышать, только дей тое на Москвѣ говорятъ, што зъ Литвою миръ выйдеть борзо, и вѣрно дей города осматривать. В. м., мой милостивый пане, о всемъ томъ рачъ вѣдати. Съ тымъ зычучи вашей панской милости въ ласцѣ Божой, при добромъ здоровью fortunного панованья Писанъ у Ворши, Декабря 6, року 73.

II. — Освѣцонные и ясневелможные, милостивые панове рада великого князства Литовского, панове мои милостивые! Новинъ съ краю тутошнего не мѣлъ есми чого вашей панской милости на тотъ часъ писать; одно то зъ земли непріятельскоѣ слышать, ижъ дей воеводы великого князя Московского, которые на Астарахани были и Астараханъ боронили, не могучи выдержати мочи Татаръ Нагайскихъ и Черемискоѣ, отъ которыхъ черезъ два годы у — въ облеженью были, и про недостатокъ живности, пороховъ и куль, ижъ ся вже боронити непріятелю своему чимъ не мѣли, а помочи и ратунку отъ господара своего мѣти не могли, зъ Астарахани утекли и бронною рукою ажъ до Казани вошли: то

пакъ дей Татаре и Черемиса Астараханъ № 58. осли и въ мочь свою взяли. А съ Казани ся дей боронять мощно: одно дей также живности не доставаетъ и дровъ не мають, чимъ ся грѣть: будованье въ замку внутри все попалили. А такъ которые войска князь великій впередъ до Казани высалъ (яко есми о томъ первѣй до вашей панской милости писалъ), о тыхъ войскахъ еще ничего не слышать: але певнѣ есть тутъ слышать, ижъ до Казани пойдутъ и поратуютъ; бо дей и другіе войска, съ которыми до Инфлянтъ ся мѣлъ обернути, тамъ же послалъ, а съ королемъ дей Шведскимъ якобы некое дочасное перемирье взялъ; а тыхъ дей часовъ есть самъ на Москвѣ, и мѣлъ ѣхати до Новгорода Великого. В. м., панове мои милостивые, о томъ вѣдати рачте Писанъ у — въ Орши, мѣсяца Генваря 26 дня, року 74.

III. — Освѣцонные и ясневелможные, милостивые панове рада великого князства Литовского, панове мои милостивые! Новинъ съ краю тутошнего не мѣлъ есми чого вашей панской вѣлможности на тотъ часъ писать: одно то съ земли непріятельскоѣ слышать, ижъ дей князь великій Московскій самъ и съ сынами своими тыхъ часовъ съ Москвы выѣхалъ до Олександровы слободы, а вже дей о приѣханью его королевской милости пана нашего милостивого до Кракова чуетъ. Войска которые былъ роспустилъ, тымъ зася поготову розказалъ быти. А съ Татары Нагайскими и съ Черемисою перемирье взялъ, и жалованье дей або поминки великіе имъ далъ, якобы около тыхъ царствъ постановлене зъ ними великое взялъ; Казань одержалъ, и на Астараханъ своихъ же воеводъ иншихъ послати мѣлъ. Послы его, которые до вашей милости пановъ радъ коруны Польской и великого князства Литовского, пановъ моихъ милостивыхъ, посланы, также и гонецъ, тые и теперь лежать у Смоленску. Тое тежъ слышать, ижъ опатрность великую якъ у Смо-

№ 58. ленску, такъ и по инымъ всемъ городомъ украиннымъ всякими потребами чинять. Ваша милость, панове мои милостивые, о всемъ томъ вѣдать рачьте. . . . Писанъ у — въ Орши, мѣсяца Марца 1 дня.

IV. — Освѣцонные и ясневелможные, милостивые панове рада великого князства Литовского, панове мои милостивые! По высланию до вашей панской милости отсюль зъ Орши того хлопца моего Лосятинского, сегодня у — во второкъ, Марца 2, прислалъ до мене съ заграничья шпекгъ мой, на имя Кузма Труба, посланца своего, даючи знать, ижъ дей на днѣхъ теперешнихъ близко прошлыхъ, люду Московского немалые войска до Смоленска прибыли, а людей пограничныхъ изъ селъ отъ границъ приставщики выгоняють до Смоленска, и острогъ дей новый мощный въ Смоленску почали робить. А вѣдже для певнѣйшей и лѣпшой вѣдомости, тотъ Труба самъ еще на рубежу позосталъ; а я, слуга вашей панской милости, маючи такую вѣдомость, тогожъ часу и тоѣ години другого есми шпекга Олексѣя Надавца тамъ же еще до границъ выслалъ, абычого певного и неомыльного вывѣдавшись, мнѣ знать давали. Потомъ, скоро по отправѣ тыхъ шпекговъ, тогожъ дня у — во второкъ, Марца 2 жъ, другій шпекгъ мой, зъ другоѣ стороны, зъ рубежа жъ Смоленского, на имя Юрко Желѣзковецъ далъ знать тымижъ словы, ижъ дей съ Смоленска приставщики Смоленскіе (не вѣдати, што тому за причина), людей всехъ съ селъ съ заграничья до Смоленска выгоняють, и повѣдилъ, ижъ ся того запевнѣ вывѣдалъ, штожъ на тыхъ часѣхъ запевнѣ князя великого Московского съ сыномъ его меншимъ до Якимова починку сподѣваются, и люду дей военного немало до Смоленска прибыло. А сына дей старшого князь великій посадилъ на царствѣ, на Новгородъ Великомъ. Ваша милость, панове мои милостивые, о всемъ томъ

рачьте вѣдать Писанъ у Ворши, мѣсяца Марца 2 дня, року 74.

V. — Освѣцонные и ясневелможные панове рада великого князства Литовского, панове, панове мои милостивые! Даю вѣдати вашей панской велможности, паномъ своимъ милостивымъ: тыхъ часовъ, Марта третьегонадцать дня, въ субботу, прѣхалъ до Орши зъ Олександровы слободы служебникъ мѣщанина Виленского Лукаша Момовича, на имя Алексѣй (которому два вчорашнего, въ пятницу, двѣ недѣли минуло якъ зъ Олександровы слободы выѣхалъ, а якъ зъ Москвы выѣхалъ, вчорашнего жъ дня, въ пятницу, Марта второгонадцать, тыждень минулъ); тотъ Алексѣй о князѣ великомъ Московскомъ далъ такую справу, ижъ на тотъ часъ есть у Олександровъ слободъ, зъ обѣма сынами своими. О справахъ его наипервѣй то повѣдилъ, ижъ съ Черемисою и Татары Нагайскими перемирье взялъ, которые при бытности его, князю великому и прѣсягу чинили и дары великіе отнесли, и были честованы черезъ колько дней великими достатки (на которыхъ дей чстяхъ и тотъ Алексѣй съ иными купцами панствъ его королевской милости господаря нашего милостивого межъ ними былъ); и вже дей запевнѣ князь великій при обоихъ тыхъ царствахъ, Казани и Астарахани, презпечно зосталъ. И чинили дей ему прѣсягу, не только о тые царства съ нимъ покой заховать, але и противъ каждого непріятеля его ему помогати. Якожъ за певное и того тамъ же тые купцы вывѣдали, ижъ дей скоро, о святкахъ, по всехъ границахъ панства его королевской милости великого князства Литовского войска Татаръ Нагайскихъ и Черемискіе будутъ, гды бы до часу того покой съ нимъ зоставленъ не мѣлъ быти. А къ тому и о томъ дей такъ слыхать, и сами дей Москва нѣкоторые, панствамъ тымъ зычливые, о томъ такъ говорятъ: «гды дей въ томъ року господарь вашъ съ государемъ нашимъ

дѣла якого дѣлати не будетъ, на другій дей годъ будетъ трудно до всего прійти.» А къ тому повѣдилъ тотъ Алексѣй тые новины: ижъ дей при бытности жъ ихъ, отъ царя Перекопского былъ у великого князя посолъ, которого дей пріймовалъ у городку Братошинѣ (межъ Александровою слободою и Москвою, впосродку по колькудесять верстѣ); и коли дей того посла пріймовать мѣли, самъ дей князь великій сѣлъ на мѣстцу своемъ господарскомъ и вложилъ шлыкъ на себе бараній, а ормякъ сермяжный, а передъ нимъ держали топоръ; а сына дей посадилъ подлѣ себе, у такомъ же уборѣ. И коли дей посолъ передъ него пришолъ и посольство справовалъ, въ которомъ мовилъ отъ царя, абы ему давалъ съ кождоѣ головы людей своихъ по гривнѣ, а Казанъ и Астараханъ приворотилъ, хотѣчи вѣчный миръ самъ черезъ себе и на потомство свое къ нему и потомству его заховати; а естли бы того всего князь великій вчинити не хотѣлъ, онъ ему обѣщаль отъ царя, ижъ у него будетъ гостемъ на лѣто; а впоминку подаль ему отъ царя ножъ голый: то пакъ дей князь великій, кды выслухалъ посольства, отказалъ дей тому послу тыми словы: «царь дей господарь твой проситъ мене о дань; ино дей нѣчого дати, онъ мене всего самъ ограбилъ, а то ты посолъ его видишь, въ чомъ я теперь сижу, и ничего не маю, а што маю то посылаю.» И снявши дей съ себе тотъ бараній шлыкъ, а съ сына такіи же другій, и тому послу далъ. «А што дей мнѣ упоминается о царства мои, тому дей быти не мочно; а обѣщается дей ко мнѣ на лѣто быть гостемъ: я дей его жду и браги дей допона наварю; а послалъ мнѣ черезъ тебе посла своего ножъ, а я ему посылаю топоръ.» И съ тымъ того посла отпустилъ. И тотъ же Алексѣй повѣдилъ, ижъ если бы дей не зашло его таковое отъ царя Перекопского посольство, брамъ дей велми охотно до Москвы, а зъ Москвы готованы дей ему стацни

аждъ до Якимова починку. А што дей кто- № 58. рыхъ людей, стрѣльцовъ и вѣднихъ прислалъ былъ до Смоленска, ино дей слышалъ есмитое, штожъ и тыхъ зася обернулъ до войска: бо дей вже заразмъ розказано, скоро по отправѣ того посла Перекопского, всей землѣ готовится противъ Татаръ, на берегъ, на Окурѣку. Ваша панская велможность, панове мои милостивые, о всемъ томъ рачьте вѣдать. . . . Писанъ у — въ Орши, мѣсяца Марта 13 дня, року 1574.

VI. — Освѣцонные и ясневелможные, милостивые панове рада великого князства Литовского, панове мои милостивые! Новины годные вѣдомости вашей панской велможности, моихъ милостивыхъ пановъ шнеги мои, которыхъ уставичнѣ маю при границахъ къ Смоленску, такъ тежъ и мѣщане зъ розныхъ мѣстъ того панства господарского, которые изъ Смоленска съ куплями своими зворають, одностайнѣ справу дають, ижъ князь великій, вѣдаючи вже о пріистыю его королевской милости нашего милостивого господаря, во всехъ своихъ справахъ пильно ся опатруеть. Не отмѣняючи тыхъ повѣстей ни въ чомъ, только яко есми первѣй черезъ хлопца моего Лосятинского, такъ потомъ еще лѣпшій и достаточнѣй черезъ тотъ мой листъ, до его милости князя бискупа посланный, вашимъ панскимъ милостямъ выписалъ и ознаймилъ: то пакъ сегодня, въ среду середопостную, Марта 17, пришли до мене шнеги мои, также заразмъ, на той же годинѣ, прѣхали подданные господарскіе зъ Смоленска, мѣщане Оршанскіе, и привели съ собою полоненика, который взятъ въ полонъ въ службѣ жолнерской въ Ифлянтѣхъ, на имя Олексѣя Станиславовича, родомъ изъ Ошмены (а былъ проданъ отъ Москвы до Перии, и оттоль вышедши шолъ на Москву, аждъ до Смоленска), и повѣдаеть тымижъ словы, ижъ князь великій съ обоими сынами своими въ Олександровъ слободѣ, збираеть войска великіе противъ

№ 58. Татаръ Перекопскихъ, а зъ Нагайцы и съ Черемисою покой въчный взялъ; а и на тыхъ двѣхъ до Смоленска жильцовъ своихъ прислалъ, розказуючи тымъ людямъ, которые были притягнули для залоги и опатренья Смоленска, всимъ имъ до себе зася тягнути, и всимъ дѣтемъ боярскимъ и стрѣльцомъ и волошаномъ Смоленскимъ розказано теперь заразомъ на берегъ ити. А которые дей войска Московскіе со всихъ его земель собраны, тые вси мають быти обернены противъ Татаръ Перекопскихъ; а войска ордъ Нагайскихъ и Черемискіе, тые дей о семей суботъ мають быть на границахъ до Смоленска и до Полоцка и до иныхъ городовъ. Якожъ тые мѣщане Оршанскіе зъ Смоленска до Орши ѣдучи, поткались съ вожомъ князя великого съ Тишкомъ Ломакинымъ, Смольняниномъ, отъ Смоленска въ двухъ миляхъ (тотъ Ломакинъ здавна у мене шпегомъ есть, и передъ тымъ многіе вѣдомости и перестереженье мнѣ чинивалъ, што все первѣй доходило до вѣдомости господаря е. м. зошлого и в. м. пановъ радъ), который всказалъ до мене умысленъ, правъ, во вси тые слова, згожаючися яко съ тымъ Алексѣемъ, слугою Момоничовымъ, такъ съ иными шпегамы моими, и съ тымъ полонникомъ, и съ тыми мѣщанами, о вси тые sprawy князя великого, а повѣдилъ, «иждъ то иначе не есть; а войскамъ дей великимъ Нагайскимъ и Черемискимъ до Смоленска и по всей той украинѣ быть: только дей вѣдати того не можемъ, если отъ васъ ся первѣй што почнетъ, або отъ насъ; а теперь дей воевода Смоленскій по мене послалъ, не вѣдаю по што, але такъ ми ся видить, што дей мнѣ быти у князя великого: и вы дей о томъ всемъ Филону отъ мене подружите; а намъ бы дей лѣтѣй, штобъ межи господарей былъ покой.» И всказавши тые слова, съ тыми мѣщанами розѣхался. Ваша милость, панове мои милостивые, о всемъ томъ рачьте вѣдать. . . . Къ тому тежъ вѣдати даю в. м., паномъ моимъ мило-

стивымъ, иждъ воевода Смоленскій писалъ до подстаросты моего Оршанского, и вже ся и не разъ о то упоминаеть, иждъ посланникъ князя великого, въ скоромъ дѣлѣ до в. м. пановъ радъ коруны Польской и великого князства Литовского отъ него посланный, въ Смоленску есть задержанъ. . . . Писанъ у Ворши, мѣсяца Марта 17 дня, року 74.

VII. — Ясневельможный, милостивый пане воевода Виленскій, пане мой милостивый! По написанью того листу моего до всихъ вобще в. м. пановъ радъ, моихъ милостивыхъ пановъ, тогожъ дня Марта 17, прѣхалъ мѣщанинъ Минскій съ Александровы слободы, на имя Оксентій Дроновичъ, и што повѣдилъ мнѣ о князѣ великомъ, и о сынѣхъ его, и о взятѣ перемирія съ Нагайцы и съ Черемисою, и о посольствѣ отъ царя Перекопского, и о збиранью войска противко ему на берегъ, въ томъ во всемъ одинако згожается зъ Олексѣемъ слугою Момоничовымъ. А о войску Татаръ Нагайскихъ и Черемисы, о тые такъ же твердить, иждъ дей тые войска будутъ обернены до украины, до великого князства Литовского. . . . А будетъ ли съ Шведскимъ королемъ война, ино ся все дей тое отмѣнити можетъ, иждъ тые войска противъ Шведовъ обернуть. Але дей то вѣдаетъ запевнѣ, иждъ князь великій съ королемъ нашимъ войны сподѣвается, да только дей царь Перекопскій ему на великой переказъ, и хочетъ дей съ нимъ еднаться; который хотябъ дей ему на панства господарскіе помочнымъ не былъ, одно бѣся съ нимъ не воевалъ и ему не перекажалъ. А Нагайцомъ дей обѣщалъ и на томъ имъ присягнулъ, иждъ если бы съ королемъ е. м. господаремъ нашимъ войну поднялъ, што — колвекъ полону и скарбовъ завоеванныхъ съ панствъ господарскихъ они вынесутъ, того у нихъ не отбирать, и вольно будетъ ихъ со всимъ тымъ до орды изъ земли своее пропускать (чого жъ имъ пане Боже не помози!). То тежъ пробачилъ еси въ первомъ писанью моемъ

до в. м. доложить, иждъ яко Алексѣй, слуга Момоничовъ, такъ и тотъ Аксентій теперь далъ ми такую справу, иждъ дей съ королевства Англійского привезена князю великому коруна, вельми коштовная, за которую шацовано по два кротъ сто тысячъ рублей и тридцать тысячъ рублей, а есть дей такъ высока, мало не локоть. . . .; за которую коруну плачено Англійчикомъ соболями вельми коштовными. Тотъ же засъ Аксентій повѣдилъ, иждъ для отправки людей на берегъ, самъ князь великій, запевнѣ, на Благовѣщенье на Москвѣ быти маеть. В. м. мой милостивый панъ, о всемъ томъ вѣдати рачи. . . . Писанъ въ Орши, мѣсяца Марта 17 дня, року 74.

VIII. — Освѣщонные и ясневельможные, милостивые панове рада великого князства Литовского, панове мои милостивые! Тыхъ часовъ, мѣсяца Апрѣля 11 дня, на самый Великъ-день, въ обѣдъ, здѣсь до Орши прѣхалъ посланецъ отъ воеводы Смоленского, дворянинъ князя великого, на имя Иванъ Звѣровъ, который далъ мнѣ листы зашитые, за печатми самого князя великого, одинъ листъ писанный до ихъ милости пановъ радъ коруны Польской, а другій листъ писанный до вашей вельможности пановъ радъ великого князства Литовского; которые листы въ цѣлости, яко мнѣ даны, до вашей милости посылаю, и о то покорнѣ прошу, абыхъ отъ в. м., пановъ моихъ милостивыхъ, писанье до себе мѣлъ, естли тые листы върыхлѣ до в. м. дойдутъ: бо тотъ посланецъ воеводы Смоленского о томъ нильное всказанье до мене мѣлъ и прозбу чинилъ, иждъ тыхъ листовъ послать не омѣшквалъ, днемъ и ночью до в. м. поспѣшитъ. . . . О князи великомъ тотъ посланецъ, дворянинъ его, далъ мнѣ справу, иждъ дей есть на тотъ часъ на Москвѣ; а его дей съ тыми листы, ѣдучи ему на службу съ Смоленска противъ Татаръ на Оку рѣку, посланецъ князя великого въ дорогѣ поткалъ, и съ дороги его здѣсь

до Орши звернулъ. . . . Сегожъ дня, на Великъ-день, рано передъ обѣдомъ, слуга каштеляновъ съ другимъ товаришомъ своимъ, Влохомъ Антоніемъ, которые просто съ Александровы слободы отъ князя великого съ товары своими выѣхали, были у мене и дали ми тую справу, иждъ дей князь великій есть у великой небезпечности отъ Татаръ, и весь людъ свой со всихъ украинъ и со всихъ городовъ обернулъ противъ Татаръ на берегъ; а самъ дей Великъ-день мѣлъ пріймовать на Москвѣ. А къ тому и отъ иныхъ шпеговъ своихъ вѣмъ, иждъ вси скарбы свои съ Александровы слободы до Новгорода Великого выпроводилъ, и тамъ дей ся и съ сынами своими оборочаетъ: бо дей индѣ-нигдѣ мѣстца безпечного отъ неприятели не маеть. А король дей Шведскій вельми ему доробилъ, и теперь дей войска Шведскіе въ земли его есть, и ратунку дей жадного не маеть чимъ учинить. В. м., панове мои милостивые, рачьте о томъ вѣдать. . . . Писанъ у Орши, Апрѣля 13 дня, року 1574.

IX. — Наяснѣйшій милостивый господарю, королю нашъ милостивый! Иждъ панъ Богъ Створитель, съ прѣзрѣнья ласки своее Божской, рачилъ вашу королевскую милость, господаря нашего милостивого, зъ отчизнѣ хвалебныхъ вашей милости до тыхъ — тутъ славныхъ панствъ въ добромъ здоровью принести и на столицы незвытежного королевства посадить, дай же пане Боже, абы в. м. господарь нашъ милостивый, на тыхъ панствахъ надъ нами вѣрными поддаными своими счастливъ и fortunнъ зъ благословенствомъ Божьимъ пануючи, намъ хрестіанскимъ, милосердымъ и справедливымъ паномъ быти рачилъ, и отъ неприятели своихъ господарскихъ и нашихъ милостиве боронилъ, которыхъ абы панъ Богъ всемогущій помочью ласки своее свято рачилъ тлумить и подъ ноги вашей королевской милости положить; о што пана Бога, яко вѣрные подданные в. м. господарскіе

№ 58. повинны есмы просить. . . . При томъ даю в. м. вѣдать: далъ ми знать воевода Смоленскій, ижъ гонецъ господаря его великого князя Московского Федоръ Елизарьевъ сынъ Елчаниновъ до вашей господарской милости идетъ, который будетъ на границахъ панствъ в. м. господарскихъ въ сюю середу пришлюу, мѣсяца Юня девятого дня, съ которымъ почту двадцать человекъ, а коней двадцать два. Ваша королевская милость, господарь нашъ милостивый, о всемъ томъ рачъ вѣдать. Одно жъ ми, наименшому слугъ в. м. господарскому, того потреба вѣдать и науку мѣть, кого у стрѣчу противъ таковыхъ гонцовъ, посланниковъ и пословъ до границъ высылати маю? кгдажъ шляхта тутошняго уряду, которые были того повинны, вольностями правъ шляхетскихъ отъ того ся боронятъ и въ тыхъ послугахъ послушенства ко мнѣ не чинятъ. А къ тому, до каждого такового гонца и до посланниковъ и пословъ давши приставы, што маю на страву давать и отнюль тое брать? Такъ тежъ и тымъ моимъ посланцомъ, которыхъ впередъ яко зъ вѣдомостью до вашей господарской милости, такъ и зъ повинными шляхтыными высылати буду, отколь на страву брать? На тое все в. м. господаря моего милостивого, о ласковомъ милостивомъ опатреніи прошу, абы ся недостаткомъ моимъ рѣчь в. м. господарская и посполитая пѣ чомъ не затруднила и не замѣшкала. То тежъ в. м. господарю моему милостивому вѣдать даю, о справѣ неприятели в. м. господарского великого князя Московского, чого есми ся черезъ шпегі мои вывѣдалъ: ижъ дей на сесь часъ самъ, особливо своею, и съ обовма сынами своими есть въ Олександровой слободѣ, а на запусы Петровы, то есть, на день Троицы святые Римского свята, маеть быти у Серпуховъ, межи Калуги и Коломны, напротивку Татаръ, которыхъ ся заевнъ сподѣваегъ до Москвы къ святому Ильи. Татаръ повѣдаютъ войска великіе, межи которыми три царевичи, а стоятъ уже

въ земли его, въ поляхъ пустыхъ, на урочищахъ въ Лужахъ Овечьихъ; ино противъ нихъ зготовалъ дей войска свои немалые и положилъ около рѣки Оки, при которыхъ и гулай-городовъ набудовалъ дей немало. И въ первомъ дей полку стояти мають Мстиславскій и Петръ Морозовъ, а въ другомъ полку Иванъ Шереметевъ да князь Иванъ Шуйскій, а самъ дей у войску посемиковомъ быти маеть. А сына дей молодшого отиравити маеть до Москвы, а старшого сына отправляетъ у Новгородъ Великій, съ Татары Казанскими и Касимовскими и иными войска, опасующия короля Шведского войска, тежъ и в. м. господаря нашего милостивого въ томъ выистью перемирья нерестерегаются вельми. Послы его, которые еще зимъ съ Полоцка переѣхали до Смоленска и которые мѣли до панства в. м. господарского ити, тые и теперь у Смоленску лежатъ, и то въ вѣдомости вѣтъ, есть ли здѣсь тежъ послы пойдутъ, або иныя съ ишною справою отправлены будутъ. И то тежъ вѣдомости, черезъ шпегі мои досягнулъ, ижъ гонцы его Московскіе, которые дей въ тыхъ частяхъ отъ пановъ радъ до князя великого отправлены, до него дошли; отъ которыхъ дей порозумѣнье взявши, своего гонца до в. м. шлетъ, и въ тыхъ дей частяхъ вборзъ сподѣваются его до Смоленска. . . . А о посланцахъ в. м. господарскихъ, за ознаиеніемъ и писаніемъ в. м., до Смоленска воеводѣ Смоленскому далъ есми вѣдать. . . . Писанъ въ Орши, мѣсяца Юня 1, року 1574.

Х. — Ясневелможный, милостивый пане Троцкій, пане мой милостивый! . . . Въ томъ же вашей милости листъ панскомъ, зъ ласки в. м. панской, объявлено ми, ижъ въ тыхъ листахъ отъ Московского посланныхъ выличаетъ вся збродни, чимъ его отселъ зъ Литвы зводили, часу несчастного, безъ господаря будучи. И въ томъ листъ егожъ, што до ихъ милости пановъ радъ Литовскихъ писалъ, вспоминаетъ мене, слугу в. м., и раду, абы

сына зъ войскомъ до Смоленска послалъ, хотячи служити и помогати ему на панованье, только ижбы былъ въ приближеніи у него, што яко одну рѣчь легкую вспоминаетъ. Што розумѣючи в. м. мой милостивый панъ, предлагать рачишъ: если бы то чинилъ, чинилъ быхъ то съ потребы умыслу его неприятели, абыхмо опатрѣйшимъ на тыхъ границахъ былъ. . . . потребовати рачишъ, абы есми в. м. моему милостивому пану, яко высокой радъ господарской и пану добродѣю моему милостивому, объявилъ: естли таковое писанье отъ мене было, и естли бъ такъ далеко сягалъ? . . . по смерти господарской, якожъ то в. м. мой милостивый панъ, усномнить рачишъ, што было на тотъ часъ намъ слугамъ в. м. отъ пановъ радъ объявлено, чого тежъ мы сами, служащи в. м. на украиняхъ, отъ неприятели сядомы были? якихъ тежъ послугъ, потребъ, фортелевъ надъ неприятели, в. м. панове наши отъ насъ пограничныхъ урядниковъ потребовали? Звѣща, кому есмы были послушенство чинити новинны? германомъ, канцлеромъ, маршалкомъ, воеводамъ. То, што было чинено, черезъ рады ихъ милости самыхъ и черезъ послуги наши чинено было, за вѣдомостью, волею и розказаніемъ ихъ милости, головъ нашихъ, хотя не такъ широко, яко неприятели пишеть. Ино, милостивый господарю пане Троцкій, я слуга в. м., отъ пановъ радъ брати вашей на таковыя послуги вызванъ будучи, не згола то чинилъ, а ни самъ зъ себе, а ни безъ причины; и если-мъ што чинилъ и до Московского писалъ, чинять то есми мусилъ, яко пана нашего собъ не маючи; а иному есми не служилъ: только врялъ панства того надъ собою мѣлъ, который то все радилъ и чинилъ; того одного слухать есми былъ повиненъ. И што зъ рукъ ихъ милости въ руки мои приходило и изъ устъ ихъ въ ухо мое входило, то тежъ до рукъ ихъ и до уха относилъ. . . . А предъ сѣмъ, служащи вѣрою моею, никому болшъ,

только в. м. моему милостивому пану самому, № 58. съ початку, тую рѣчь черезъ писанье мое объявилъ, и тармену есми писанья моего (которымъ обычаемъ мене научили и розказали писати листу до князя великого) къ в. м. въ листъ моемъ послалъ. . . . А тежъ, милостивый господарю, не вѣдати, кому то-съ, на кого, и для чого бы жалъ было? А то ласки Божіи, господаря маемъ, которому заховали вѣру и правду. О которомъ ни думали, ни гадали, да господаремъ нарадили, а тотъ на обѣщаньяхъ не пересталъ, чимъ бы было лихого збыть. Ноли утопили, топоръ давали, а выплывши ни топорща. Солгавши спасаяся: бо безъ напасти бъ отъ него не быть. А справы и потужности наши якіе были, Богъ вѣдаеть и в. м. сами. На остатокъ, и ихъ милости панове корунные в. м. паномъ нашимъ милостивымъ оказали тому неприятели борониться, какъ могучи. Панъ Тарановскій не Литвы, але только своею одной жаловалъ шкуры, да на святого Михайла оного тирана за короля взяти былъ обѣщалъ; а мы, вакъ, Богъ то вѣдаеть, милостивый пане, яко бѣды и небезпечности есмы уживали, и не одно отъ Москвы, але и отъ своихъ, мѣшкаючи ми тутъ, и не одно я, але и панъ Гарабурда. Кгда, подъ тымъ часомъ таковой небезпечности, въ тые службы также вѣдаться мусилъ, и за посланіемъ же пановъ радъ до того Москвитина вѣхалъ, черезъ колько дней тутъ у Орши плакалъ, и радъ бы ея дорого съ того посельства откупилъ; а тежъ, зворотившися, умѣлъ вашей панской милости справу дать, на што былъ трафилъ, и, подобно, видѣло ся, ижбы хромого волна за лисицу стало. Я не вѣмъ, што бы былъ виненъ. . . . Мнѣ розказываю о всихъ, хто былъ на свѣздѣ Рудницкомъ и хто не былъ, . . . звѣща, ижъ о Литву шло; а тежъ и тогда тая баба на двоє ворожила: былъ бы паномъ, былъ а не былъ: ино отъ него Богъ избавилъ; а только бъ было часу несчастья, но ворожъ не бытъ. . . . А писаніи его Мос

№ 58. сковскому, милостивый пане, не напротивитесь: пишеть якъ хочеть, и не только на вашу милость пановъ радъ, або на насъ слугъ вашихъ, але слышали есмо и на господаря своего славной памяти, коли и голову козину здѣсе до мене переслалъ. . . . маю ли за то тратить почтивость мою, або горло? Звѣща жъ, то не есть противъ господаря: гдыжъ есмо вольные люди, вольно господаря обирать; не есть тежъ противъ рѣчи посполитой, гдыжъ не маючи ни отъ кого никотороу помочи, себе ратовать. А иншіе, пакъ, и сами хотѣли королями быть и моцою того доходить. . . . И то в. м., господарь мой, обещаши, ижъ я въ приближеніи у него быть не хотѣлъ, и о посланіи сына зъ войскомъ до Смоленска не писалъ, и помогати на панование не могъ, а ни умѣлъ, а ни помышлялъ: только то е писалъ, што панове велѣли; и самъ писалъ, хотячи сына его господаремъ мѣти и пановъ радъ коруныхъ на то-вести. Вѣдъ же, для лѣпшѣ справы, нехай ихъ милость отписы на то его покажутъ, а я свои покажу. Московскій не дастъ баламутить: вси слова съ початку въ отписѣхъ речетуетъ. . . . А тежъ и тыхъ жалъ Богу, хто-бы себе марно тратилъ: бо и первѣй, еще за живота господарского, въ недостатку силы, фортеями есмо наробили; три человекъ за тридцать або за сто тысячъ стали, которыми тремя шестьдесятъ тысячъ войскъ Московскихъ съ Серебряными и съ царевичи отъ Орши прогнано: за што не только не дяковано, але еще, яко рѣчь злую и нецнотливую, зтерли, змяли и въ землю закопали. А за таковыя ярма, што — кольвекъ для рѣчи посполитой чинено и хто чинилъ, годилося бъ тому опатренія, а не иного на насъ домышленія; што все нехай Богъ платить. А тежъ якъ доробило лихо, прорѣжутся и зубы. . . . Писанъ на Орши, мѣсяца Іюня 1 дня, року 74.

XI. — Ясневельможный, милостивый пане воевода Виленскій, пане мой милостивый!

Даю вѣдать в. м.: тыхъ часовъ, Іюня 16 дня, зъ Смоленска, воевода Смоленскій далъ ми знать черезъ посланца и листъ свой, ижъ государь его князь великій Московскій отпустилъ владыку Молдавской земли зъ Москвы, на имя Исаію, который дей у государя его былъ для милостины, ознаймуячи, ижъ и листъ свой государь его до его королевской милости господаря нашего ему далъ, абы его добровольнѣ, безъ зацепки пропустилъ. А потомъ тотъ владыка до Орши прѣхалъ, а при немъ людей пять человекъ, возки два, и былъ у мене въ имѣничку моемъ Смоленскихъ Іюня 18, и далъ ми листъ, за князя великого печатію, писанный до его королевской милости господаря нашего, зашитый, за которымъ просилъ мене, абыхъ его добровольнѣ пропустилъ, и мовилъ мнѣ, ижъбы тотъ листъ до господаря писанный розшилъ и изъ него вырѣзъ, а ему листъ свой пропускной далъ, пытаючися дороги. Я того не смѣючи учинить, яко тотъ листъ воеводы Смоленского до мене писанный, такъ и тотъ листъ до господаря его милости отъ князя великого, зашитый, до в. м. пана моего милостивого, яко до найвысшого рады господарского и канцлера послалъ. . . . При томъ новины годныя къ вѣдомости в. м. своему милостивому пану ознаймую: о небезпечности и войнѣ князя великого Московского съ Татары далъ ми таковую справу, ижъ дей князь великій, по отиравъ его зъ Москвы, самъ тянулъ зъ войски своими до Серпухова, и видѣлъ дей войска Нѣмецкого пятнадцать тысячъ збройного люду, которыхъ напередъ зъ дѣлы до войскъ переднихъ на Оку рѣку выславъ; за ними дѣлъ двѣсти и шестдесятъ проважно; за тымъ тридцать тысячъ стрѣльцовъ, межъ которыми самъ зъ дворомъ своимъ ѣхалъ. Пыталъ же есми его: много бы того войска всего было? повѣдилъ, ижъ дей ему того, яко чужоземцу трудно вѣдать, але дей повѣдаютъ нѣкоторые, штожъ люду того идетъ шестдесятъ ты-

сечь, окромъ черни, якожъ дей и знакъ того есть, ижъ люды собранный муситъ быть великій; бо черезъ всю землю его ѣдучи, трудно человека увидѣть, кромъ дѣтей и головъ-бѣлыхъ. Пришло жъ дей до него съ Черкасѣ козаковъ господаря нашего Черкасскихъ пятьсотъ, недзнихъ, ошарпанныхъ, которые дей ѣдучи подошли подъ войска Татарскыя и большъ полторы тысячи отогнали и вязневъ достали. А къ тому дей зъ войска Татарского переметчики, прибѣгши отъ Дону, тежъ козаки, которыхъ дей тысяча и семсотъ тамъ уставичнѣ лежатъ, прислали ему вязневъ, пословъ Татарскихъ, которыхъ царевичи зъ войска своего до Татаръ Нагайскихъ послали были, намовляючи ихъ, абы имъ къ помочи шли. А такъ, кгда ся дей тые вси до него собрали, и вѣдомость о войскахъ Татарскихъ взялъ, охотно дей вельми пошолъ, и великую дей ласку людемъ своимъ и опатреніе показалъ, а Черкасцомъ тымъ дей на збытъ жалование учинилъ; и такъ дей слыхатъ, што войскъ Татарскихъ великое множество вышло, повѣдаютъ дей, яко бы и самъ царь съ ними; а идуть дей на двое, але дей кгда прѣидетъ до потребы, восполокъ сниматься мають. Войска тежъ особливые, звѣща, Татаръ своихъ тыхъ противку королю Шведскому послалъ. В. м., мой милостивый панъ и добродѣй, рачъ о всемъ томъ вѣдать. . . . Писанъ у Смоленскихъ, Іюня 18, року 1574.

XII. — Ясневельможный, милостивый пане воевода Виленскій, пане мой милостивый! Даю вѣдать вашей панской вельможности, ижъ гонецъ князя великого Московского Федоръ Елизарьевъ сынъ Елчаниновъ овдѣ до Орши, въ недѣлю, Іюня 20 дня пришоу, который заразъ на потканью шафару госпо-

дарскому и подстаростѣ моему оповѣдилъ, № 58. ижъ вѣдетъ зъ поздравленіемъ до его королевской милости, «а въ иншихъ дей дѣлахъ государя своего листы несущи». Около чого досягнулъ есми зъ Смоленска черезъ шпегі мои таковой вѣдомости, яко бы клеветы господаря нашего, черезъ гонцовъ его Московскихъ въ тыхъ недавнихъ часѣхъ пересланные, назадъ до господаря нашего несутъ; а того не вѣдать, естли чого не доложено, або зъ якихъ иншихъ причинъ; гонцовъ тежъ короля нашего е. м. пыльнѣ до себе ждегъ, и еще за первымъ ознайменіемъ моимъ и росказаніемъ господарскимъ, Мая 20, приставовъ на границу выслано, и до того дей часу лежатъ. О небезпечности его отъ Татаръ вѣсть ни въ чомъ ся не отмѣняетъ, але дей и овшемъ у великой тревогѣ и страху есть и вся земля его: бо, повѣдаютъ, войска великія Татарскыя собраны, и вже дей на сторожѣ урвали ему людей немало. Отсюль, зъ Смоленска, и остатокъ людей выгнано и до войскъ зведено; замoky и острогъ моцою опатрують. Того дей вельми боится и стережеть, гды потканье съ Татары чинити будетъ, абы ся войска господаря нашего въ землю его не вторгнули. В. м., пане мой милостивый, о всемъ томъ рачъ вѣдать. . . . Писанъ у Орши, Іюня 20 дня, року 1574.

XIII. — Освѣценыя и ясневельможныя, милостивые панове рада великого княжества Литовского, панове мои милостивые! Даю вѣдать вашей панской вельможности: въ среду, Іюля 28 дня (*), секретари его королевской милости, панъ Завалскій и панъ Матвѣй (**), до Орши прѣехали, а въ субботу, Іюля 31, отсюль выѣхали, а въ недѣлю, Августа 1 дня, на границахъ панствъ его королевской милости, на Мереи, ихъ милость ся постановили:

(*) Въ подл. «Іюня 28», написано по ошибкѣ писца. По вычисленію выходитъ, что въ 1574 г. 28 ч. Іюля (какъ поправлено) было въ среду. Этому вполне соответствуютъ и дальнѣйшія числа, означенныя въ отпискѣ.

(**) Протасовичъ. См. Карамз. IX, прим. 435, и Hist. Rus. monum. I, 253.

№ 58. нижи жъ стрѣча зъ Смоленска напротивку ихъ на тотъ день не поспѣшила; панове секретари того дня за рубежъ не переходячи, на сторонѣ короля е. м. ночлеги мѣли; а на завтра, въ понедѣлокъ, Августа 2, стрѣча зъ Смоленска ихъ поткала, которыхъ было человекъ десять, старшій приставъ на имя Якушъ; а того дня отъ рубежа семь миль уѣхали и въ земли неприятельской, на урочищѣ, на рѣцѣ Лосмѣ первый ночлеги мѣли, только жъ на томъ ночлегу стацыи имъ не дано. И дали ми справу посланцы мои, которые до того ночлегу ихъ проводили, ижъ яко на привитанью, такъ и въ дорожѣ, приставае ласково до нихъ ся оказали и разговляли, общуючи стрѣчу великую и кормъ на другій ночлеги дати. О князѣ великомъ кгда ихъ пытали, повѣдалъ, ижъ дей на тотъ часъ есть на Москвѣ. . . . А на тотъ часъ, зъ стороны неприятельской, злѣща отсюль зъ Смоленска тихо, и такую дають справу, ижъ князь великій войска свои вси обернулъ подлѣ Колыванъ; а замокъ Смоленскъ съ цѣлностью опатрують и живностями шипикують, и всимъ заказано, такъ служебнымъ яко и посохомъ поготову быть. В м. панове мои милостивые, о всемъ томъ вѣдать рачте. Писанъ у Орши, мѣсяца Августа. . . дня, року 1574 (*).

XIV. — Ясневельможный, милостивый пане Троцкій, пане мой милостивый! Дошло ми писаніе в м. моего милостивого пана, зъ Польски первѣй сего, и теперь черезъ служебника моего Зуба, о отъѣханъ господарскомъ и о иныи рѣчи. . . Дивны суть судьбы Божіи! мы отъ воротъ, а онъ дырою вонъ. Не только намъ того не уразумѣти, але такого господарского отъѣханъ всему свѣту не вмѣстити. Не слыхано отъ вѣку, шобы кто слѣпорожденну отворилъ очи: такъ и помазанцу Божьему тымъ способомъ отъ подла-

ныхъ своихъ уѣхати. . . Если бы тутъ в м. панъ мой милостивый, уши свои мѣлъ, якій же около того шмеръ на Москвѣ, якій при границахъ страхъ Божій! О всемъ все вѣдають. . . Говорятъ многіе во вси стороны: «не только абы Московскій господаремъ быти мѣлъ. . . , только бы кривды людей Божіихъ мстилъ и въ порядокъ привелъ». . . . Хотя на сторону Московского зъ той мѣрѣ не треба ся оглядати: естли первѣй не хотѣлъ, не сподѣваемся; шобы и теперь захотѣлъ; только насъ пане Боже ухвой! отъ ишого якого умыслу его, яко слухи доходятъ до королей дей у нихъ много, надобѣ бѣ почати што». Передъ тымъ Москва, овдѣ прѣзжаючи, злѣщали и до нашихъ ся склоняли, а теперь ни словка о добрую пріязнь. . . . А што в м., панъ мой милостивый, пишешъ о осторожность мою: естли бы и повторилъ о такихъ службахъ рассказывано, абы ти еси опатроваль, яко е. м. панъ Гарабурда: иио, пане господарю! в кайда не хочу, и по воду не йду; пишешъ ми государыня моя пани Троцкая: «ожогтися на молодъ, вѣлно на воду дуть». Я того и первѣй не зналъ што чинилъ; только што вѣлно чинить, тое и чинилъ. . . Данъ зъ Орши, року 74, Августа 5 дня.

XV. — Освѣцонные и ясневельможные, милостивые панове рада великого княжества Литовского, панове мои милостивые! Даю в м. вѣдать: сегодня, въ понедѣлокъ, Августа 9, посланецъ мой, которого еси до пановъ посланцовъ его королевской милости приставомъ и проводникомъ до Смоленска послашь, зъпротившися оттодѣ, дасть ми тую справу, ижъ панове посланцы господарскіе пришли до Смоленска въ среду, Августа 4 дня, и на стрѣчи вдячиѣ приняты, такъ передъ Смоленскомъ, въ семи миляхъ, черезъ Михайла Третьякова, яко и въ Смоленску передъ мѣ-

стомъ, черезъ дворянъ князя великого, на имя Олизара Ивановича Черткова: которые оновѣдавши имъ ласковое отъ государя своего привитанье, и о здоровью его королевской милости государя нашего милостивого, именемъ князя великого пытали, и вѣхали дей съ ними ажъ до ночлегу, до околицы Богдановы, за Смоленскомъ семь верстѣ; тамъ же дей стацыи водлугъ потребы постановили, и отпочинуть имъ позволили двѣ ночи, а въ пятницу, Августа 6, до Дорогобужа съ Богдановы околицы вышли. В м., панове мои милостивые, о томъ вѣдать рачте. . . О князѣ великомъ, гдѣ бы на тотъ часъ былъ, певности не дано; только дано знать, ижъ по городомъ своимъ проѣзжается: але тотъ посланецъ мой певчѣ вывѣдалъ, ижъ дей въ тыхъ частяхъ съ Старицы прѣхалъ до Якимова починку; и такъ ся сподѣвають, ижъ посланцы господарскіе въ Якимовъ починку будутъ пріймованы. А о войскахъ его певности не слыхати: только дають справу, ижъ одно войско обернулъ до Инфлянтъ, а другіе дей еще на берегу стоять. . . . Писанъ въ Орши, Августа 9, року 1574.

XVI. — Освѣцонные и ясневельможные, милостивые панове рада великого княжества Литовского, панове мои милостивые! Даю вѣдать в м., паномъ своимъ милостивымъ: сегодня, въ среду, Августа 18 дня, воевода Смоленскій прислалъ посланцовъ и писалъ до мене, даючи вѣдать, ижъ за повелѣніемъ государя его великого князя, идетъ до господаря Молдавскіе земли Богдана Александровича человекъ его Иванъ Логофетъ съ листы князя великого, противъ которого абыхъ на рубежъ стрѣчу выслать, съ которымъ людей человекъ два, а коней пять. . . . А такъ тые посланцы, подаючи листъ до рукъ служебника моего, повѣдали тыми словами, ижъ дей воевода Смоленскій, за тымъ листомъ своимъ, всказалъ до Филона старосты Оршанского, пытаючи о томъ: «для чего бы посланники го-

сударя нашего великого князя въ панствѣ его № 58. королевской милости государя вашего бывають задержаны, чого передъ тымъ не бывало? и теперь посланецъ, который до короля брата государя нашего посланъ, видѣлъ ли короля вашего, або не видѣлъ, и якъ бордзо оттодѣ его отпустятъ?» А повѣдають еще, ижъ посланцы королевскіе вже у государя ихъ приняты, и надѣются, шобы дѣло межъ государей доброе будетъ, и будетъ покой, и велѣли то Филону повѣдати неимѣнно. То, пакъ, милостивые панове, я на тые слова до тыхъ посланцовъ воеводы Смоленского всказалъ: што ся дотычетъ такового задерживанья посланцовъ государя ихъ, чого передъ тымъ не бывало; иио то сталося, первѣй и теперь, не за жадною неприязнію господарскою, а на пановъ радѣ, только первѣй, за несчастіемъ всихъ насъ подданныхъ господарскихъ панствъ тыхъ, коруды Польскои и великого княжства Литовского, ижъ государя нашего е. м. Жигмунта Августа въ живѣтъ не стало; а потомъ, теперешнему господарю нашему е. м. королю Генрику также Богъ воля свое Божье смуткъ заслалъ, ижъ братъ е. м. господарскій, король Французскій съ сего свѣта зшелъ, и королева е. м., матка государя нашего, пословъ своихъ до него посладала и писала, ижбы государь на погребѣ тѣла брата своего, е. м. короля Французского вѣхалъ и королевство свое отчизное Французское принялъ: якожъ государь е. м. съ того панства своего корупного для того на тотъ часъ отъѣхалъ, а дастъ Богъ, вбордзъ будетъ назалъ; и для того посланникомъ государя вашего омѣшканія таковыи ся дѣяли, ижъ въ таковыи времена жалостныи и несчастныи прѣзжали; а бывало тожъ и посланцомъ государя нашего у государя вашего, яко Юрю Быковскому и инымъ. А теперь тому посланнику государя твоего Федору Елчанинову отпавы надѣюся бордзовъ; а естли государь нашъ въ томъ королевствѣ своемъ

(*) Въ рукоп. здѣсь вырванъ одинъ или нѣсколько листовъ.

№ 58. Французкомъ всхоцетъ поосмотрѣться и не будетъ сездъ бордзо, ино паномъ радамъ ро-скажетъ его отправить, и мѣшканья ему дол-гого не будетъ; а нужы ему нѣтъ. А што еси всказалъ о покою: ино то дѣло обычное, господаремъ христіанскимъ въ миру быти и съ собою ся миловать. А што ся дотычетъ пріймованія посланцовъ его королевской ми-лости, ино и шпегіи мои дали ми вѣдать, ижъ запевнѣ суть вже приняты, а то такимъ обы-чаемъ: кгда ихъ было провадили просто до Старицы, гдѣ самъ великій князь былъ, то пакъ, Августа 10 дня, посланники князя ве-ликого, съ дороги, которая идетъ зъ Вязмы до Старицы, поткавши, обернули ихъ до Але-ксандровы слободы (бо дей ихъ въ Старицы пріймовати не хотѣлъ) и помчали вборзѣ, почлеги два и три минуючи. . . А войска дей свои, которые мѣлъ на берегу и въ земли Ифлянтской, тыхъ всихъ о святомъ Семенѣ роспустити мѣлъ, а о Покровѣ дей конечно казалъ всимъ готовымъ быть противу Нѣм-цомъ. В. м. рада господарская, панове мои милостивые, о всемъ томъ вѣдать рачьте. . . Писанъ въ Орши, року 1574, Августа 18.

XVII. — Освѣцонные и ясневельможные, милостивые панове рада великого княжества Литовского, панове мои милостивые! Даю вѣ-дать в. м., паномъ своимъ милостивымъ: дня вчерашнего, въ субботу, Августа 28, поздно, воевода Смоленскій прислалъ посланцовъ и писалъ до мене листъ свой, даючи вѣдати, ижъ государь его великій князь Московскій въ томъ пріистью посланцовъ его королевской милости до него, приказалъ, абы онъ против-ку панствамъ господаря нашего короля е. м. покой заховалъ, до того часу, поколь госпо-даря нашего послы великіе у князя великого будутъ и певное постановленіе учинять: якожъ я къ достаточнѣйшему вырозумѣню в. м., листъ воеводы Смоленского властный, и

што есми ему на то отписалъ, зъ листу моего копью, при томъ листѣ моемъ посылаю (*). В. м. панове мои милостивые, о всемъ томъ достаточнѣ вѣдать будете рачили. Къ тому тые посланцы воеводы Смоленского и тую ми справу дали, ижъ дей князь великій послан-цовъ господаря нашего пріймовалъ въ Стари-цы; было дей то слышать, ижъ ихъ попрова-дити хотѣли до Александровы слободы: то дей тому тая была причина, ижъ дей подъ тымъ часомъ, самъ государь зготовился былъ ѣхать зъ Старицы до Москвы. . . и вже дей коли у Вязмѣ посланники были, государь дей розмыслилъ ся и захотѣлъ вборзѣ ихъ приня-ти и отпустити; и надѣмся дей, ижъ отъ сеѣ недѣли за тыждень, посланники будутъ на-задъ, въ Смоленску; и такъ дей слышать, ижъ и своего посланника государь при посланцахъ до господаря е. м. короля шлетъ. В. м. пано-ве мои милостивые, о всемъ томъ вѣдать рач-те. . . Писанъ въ Орши, Августа 29, року 1574.

XVIII. — Освѣцонные и ясневельможные, милостивые панове рада великого княжества Литовского, панове мои милостивые! Даю вѣдать в. м. своимъ милостивымъ паномъ: сегодня, въ субботу, Сентября 18, третіе годи-ны въ почи, зъ Смоленска, воевода Смоленскій далъ ми вѣдать черезъ писанье и посланцовъ своихъ, ижъ государь его великій князь по-сланцовъ его королевской милости господаря нашего отъ себе отпустилъ, и при нихъ по-сланника своего, на имя Петра Давыдова, до посланца своего Ѳедора Елизарьева Елчани-нова посылаетъ, которые завтрешняго дня, въ недѣлю, Сентября 19, на границахъ панства господаря е. м. становитися мають, абы есми стрѣчу, кормъ и подводы напротивку имъ и купецкимъ людемъ на тотъ рокъ выслалъ: што я все сеѣ жъ ноци зготовивши выслалъ. В. м. панове мои милостивые, о всемъ томъ

(*) Обѣихъ отписокъ въ манускр. не оказалось.

рачьте вѣдать. Писанъ въ Орши, мѣсяца Сен-тября 18, року 1574.

XIX. — Ясневельможный, милостивый пане воевода Виленскій, пане мой милостивый! Тые такъ пыльные и важные новины рачъ в. м. вѣдать: сегодня, у понедѣлокъ, панове посланцы короля е. м. были у мене на обѣдѣ; а нимъ до Орши вѣехали, напередъ пріѣхалъ и далъ ми справу мѣшанинъ Виленскій Бог-данъ Момоничъ, ижъ покой съ великимъ княземъ Московскимъ застановленъ на два годы, лечъ только кглеити на то не взяли послы: бо вборзѣ шли. Своихъ тежъ нагото-вилъ. Посланцу своему Елизарьеву розказалъ короля чекать, хотя бы цѣлый рокъ, и до него шлетъ посланца своего съ иншою нау-кою, у которого, сподѣваются наши, ижъ и до в. м. пановъ радъ листы суть. Звороченья дей господаря нашего не сподѣваются, и о князи Ѳедорѣ ся примовляютъ. О тревогѣ нашей далъ былъ в. м. знать, якобы посланцовъ господарскихъ мѣли тамъ загамовать и розве-сти: ино дей ачъ того не было, але за вели-кою сторожою были, мало не въ везенью. А по отправѣ ихъ отъ князя великого, дано имъ знать, ижъ неякій листъ до него прине-сенъ. . . о которомъ листѣ повѣдано паномъ посланцомъ, ижъ отъ пановъ радъ зъ Литвы пересланъ: для чого кгда дей о томъ панъ Завадскій услышалъ, вельми и зъ великимъ фрасункомъ нарекалъ, приписуючи дивные рѣчи паномъ Литовскимъ, и о томъ дей спра-ву дать паномъ Польскимъ обѣцалъ не за-мѣшкать. В. м., панъ мой милостивый, рачъ то вѣдать. . . Писанъ въ Орши, Сентября 20, року 1574.

XX. — Освѣцонные и ясневельможные, ми-лостивые панове рада великого княжества Литовского, панове мои милостивые! Даю вѣ-дать в. м. своимъ милостивымъ паномъ: сего-дня, у среду, Сентября 22, скоро по вы-ѣханью посланцовъ короля е. м., пана Бал-тромея Завадского и пана Матѳея Протасови-

ча, а при бытности гончыка князя великого № 59. Петра Давыдова (который до посланника го-сударя своего Ѳедора Елизарьева Елчанинова идетъ), воевода Смоленскій посланца своего до мене прислалъ и писалъ, даючи вѣдать, ижъ государь его великій князь Московскій до е. м. господаря нашего посланцовъ своихъ посылаетъ, которые вжо у Дорогобужѣ ле-жать и ожидаютъ того посланника государя своего Ѳедора Елизарьева отъ его королевской милости съ листомъ опаснымъ. . . В. м. панове мои милостивые, вѣдаючи о томъ, приставовъ и шафаровъ панскихъ овдѣ въ часть рачьте ро-сказати прислати. . . Писанъ въ Орши, мѣ-сяца Сентября 22, року 1574.

Всѣ сии отписки выписаны изъ современнаго манускрипта, писаннаго Бѣлорусскою скоро-писью, въ листѣ, на 96 страницахъ, съ поправ-ками въ текстъ. Въ срединѣ его нѣсколько ли-стовъ вырвано, и конечныхъ также недостаетъ. Полное его заглавіе слѣдующее: Реистръ спи-сання тарменъ, которые есми листы черезъ по-сланцы мои, даючи вѣдомость о князи великомъ и о новинахъ, о которыхъ мнѣ шпегіи мои зъ земли его неприятельской Московской вѣдати дава-ли, по смерти его кор. мил., славной и святой памяти зошлого пана нашего (т. е. Сигизмунда Августа), до ихъ милости пановъ радъ в. княж. Литовского посылалъ, почонши отъ року 1573 мѣс. Декабря 5 д., и потомъ до е. кор. мил. пана нашего пришлого (Генриха Анжуйскаго) и до пановъ радъ, даючи вѣдати о справахъ в. кн. Мо-сковского и о новинахъ, отсель съ Орши писалъ и посланцовъ моихъ посылалъ въ року 1574.

Хранится въ библіотекѣ Департамента Ге-неральнаго Штаба.

59. — 1574 Апрѣля 9. Жалованная подтвердительная грамота короля Ген-рика жителямъ Жмудской области, на стародавнія ихъ права.

Генрикъ, Божьею милостью король Польскій, великій князь Литовскій, Рускій, Прускій, Мазовецкій, Жмойтскій, Кіевскій, Волын-

№ 59. ский, Подляшский, Лифлянтский и иных, а к тому князя Андегавенское, Борбонское и Альверненское, и тежъ кграбя въ Мархи, Форестии, Кверцыи, Роверии и въ Монтисфорцыи и пр. Во имя Божье, аминь. Къ вѣчной памяти тоѣ рѣчи станься! Мы король и великій князь Генрикъ чинимъ знаменито симъ листомъ нашимъ всемъ вообще и каждому зособна, кому потреба будетъ того вѣдати, нынѣшнимъ и напотомъ будущимъ. Кгдажъ есмо зъ ласки и призрѣнья Божьего, а за вольнымъ обраньемъ всехъ становъ коруны Польскоѣ и великого князства Литовского и иныхъ всехъ обывателей земель къ тымъ панствамъ належачихъ, на столицу королевства Польского и великого князства Литовского коронованы и посажены, ничего тежъ собѣ, по ласцѣ Божьей, большъ не ждаемъ, одно, абыхмо таковую хуть, милость и склонность подданныхъ нашихъ къ намъ господарю оказаную, шодробливостью ласки наше господарскоѣ нагрожали. Про то, за посланьемъ пословъ земскихъ отъ всехъ становъ, ихъ милости пановъ радъ нашихъ, тивуновъ, державецъ, шляхты, бояръ и всего рыцарства земли Жомойтскоѣ, прѣѣхавши тутъ до Кракова, на съемъ корунации наше, подкоморый земли Жомойтскоѣ, тивунъ Ойракогмский панъ Миколай Станкевичъ Бѣлевичъ; старостичъ Жомойтский, тивунъ Шовдовский панъ Войтъхъ Юрѣвичъ Бѣлевичъ; каштеляновичъ Жомойтский панъ Янъ Малхеровичъ Шеметъ, просили насъ, абыхмо вси права, вольности, привилыя и данины всякіе, отъ продковъ нашихъ, паяснѣйшихъ ихъ милости королей Польскихъ и великихъ князей Литовскихъ, то есть, Витолта, Швитрикгайла, Жикгимонта, Казимера, Александра, Жикгимонта второго и Жикгимонта третьего, всемъ станомъ земли Жомойтской наданые, которыхъ они ажъ до сего часу во вживанью были, привилемъ нашимъ то имъ утвердили и умоцнили. И мы господарь на доброй бачности маючи, яко есмо

всимв станомъ коруны Польскоѣ и великого князства Литовского и всемъ обывателямъ земель къ тымъ панствамъ належачихъ, при корунации нашей присягою то варовали, увернили и утвердили, хотѣчи всемъ станомъ народу нашего, подданнымъ нашимъ, права и вольности ихъ вѣрнѣ и статечнѣ ховати и полнити, также тежъ, зособна, вси права и данины и привилыя обывателямъ родичомъ земли Жомойтскоѣ отъ преречоныхъ продковъ нашихъ, ихъ милости королей Польскихъ и великихъ князей Литовскихъ наданые, которые они передъ нами покладали, и въ нихъ вглянувши, при тыхъ всехъ правахъ, вольностяхъ и данинахъ и ихъ звыклыхъ обычаѣхъ стародавнихъ во всемъ хотимъ впасть и на вѣки непорушнѣ ихъ заховати, и съ тыхъ всехъ первыхъ привилей отъ продковъ нашихъ наданныхъ артыкулы въ сесъ нашъ привилей казали есмо меновитъ вписати, которые тамъ ся въ собѣ мають:

1. Ижъ продки обывателей земли Жомойтскоѣ ихъ милости продкомъ нашимъ великимъ княземъ Литовскимъ сами добровольнѣ подъ панованье ся поддали, а не мечомъ, а ни квалтомъ до того притѣснены, и абы въ доброй славѣ ихъ мнѣманья злого никто чинити не смѣлъ; и яко то на привилыяхъ отъ ихъ милости князей Литовскихъ имъ есть варовано, такъ и мы господарь то признаваемъ, ижъ они яко до продковъ нашихъ великихъ князей Литовскихъ, такъ и до насъ господаря, за добровольнымъ обраньемъ, яко вольный народъ, приступили.

2. Старосту Жомойтского, которого они всхотятъ и межи собою оберуть, а намъ господарю того електа своего черезъ послы свои ознаимать, мы господарь на того позволити, и врядъ староство Жомойтское тому дати и привилемъ нашимъ то ему потвердити повинны будемъ.

3. Тымъ же тежъ способомъ и иньи достоинства и вяды, тивунства, хоружства и

державы, не маемъ никому иншому въ земли Жомойтской давати, одно родичомъ тоѣ земли, которые съ продковъ своихъ, здавна, тамъ засѣли и урожени суть, и которыхъ они на тые вяды межи собою оберуть, а намъ ихъ черезъ посланцы альбо листы свои намѣнять, тымъ вяды тые давати повинны будемъ; а мимо властныхъ родичовъ Жомойтскихъ, на вяды и достоинства иншого народу людей не маемъ въ той земли Жомойтской прекладати.

4. Посланцовъ нашихъ господарскихъ которыхъ до земли Жомойтской, за рѣку Невяжу, водлѣ стародавнаго звычайу заховываючися, не будемъ посылати.

5. Тивунствъ и державъ двухъ никто не маеть держати.

6. Также тежъ въ суммахъ пѣнезей тивунствъ и державъ никому заводити, а ни тежъ частями заставовати.

7. Осѣлостей, также и спадковыхъ имѣней въ той земли Жомойтской, окромъ родичовъ тоѣ земли Жомойтскоѣ, никому не маемъ давати, чого панъ староста Жомойтский зъ належности вяду своего постерегати будетъ повиненъ, яко бы ся ни въ чомъ привилымъ и вольностямъ родичомъ земли Жомойтской никакое ублѣженье не дѣяло.

8. Часу рушенья посполитого, пана старосты Жомойтского и иныхъ всехъ вядниковъ, шляхты и бояръ, обывателей земли Жомойтскоѣ, отъ войска великого вального великого князства Литовского прирекаемъ не отрывать, а ни отлучати, а ни на заставу, ни на сторожу ихъ самыхъ особъ, ни слугъ ихъ посылати не будемъ, такъ, яко и за продковъ нашихъ великихъ князей Литовскихъ то ся имъ не дѣяло, абы отъ пана гетмана войска великого мѣли быти отлучиваны и на заставу або на сторожу посылаемы: але завжды, часу рушенья посполитого, при насъ господарѣ, подъ справою пана старосты Жомойтского, весь гуфъ пановъ вядниковъ и всее шляхты земли

Жомойтскоѣ, не роздѣляючи нигдѣ отъ нихъ № 59. части никакѣ, вси зъ — одного тягнути и подъ хоругвою земли Жомойтскоѣ становитися будутъ повинны.

9. Ловы мають быти вольные всякого звѣру обывателямъ преречоной земли, тамъ гдѣ передъ тымъ ловили, окромъ тыхъ лововъ, въ которыхъ ихъ милость великіе князья Литовскіе Витолтъ и Казимеръ ловили, за Нѣмномъ, къ границы Мазовецкой и Прусской, тамъ ловити не мають.

10. Также въ озерахъ и въ рѣкахъ и въ рѣчкахъ гдѣ уступы здавна мѣвали, и теперь уходы тые водлѣ давнаго уживанья вольные имъ зоставуемъ.

11. А лѣсничіе въ земли Жомойтской по оной сторонѣ Нѣмна и Невяжи не мають быти, одно въ тыхъ пуцахъ, которые суть надъ Нѣмномъ, къ границы Мазовецкой и Прусской, то есть, у Новой Воли и Вистинцу лѣсничіе наши будутъ водлугъ стародавнаго обычаю, для постереженья пожитковъ нашихъ.

12. Мыта въ земли Жомойтской, водлѣ стародавнаго обычаю, отъ шляхты и бояръ, которые товарые лѣсные въ пуцахъ имѣней своихъ властныхъ мають робити, также отъ жита и збожья всякого, которое они съ гуменъ своихъ властныхъ до Прусь, Ифлянтъ и гдѣ индѣ спущати будутъ, абы не брано; также тежъ и отъ того, што на властную ихъ потребу домовую и военную будетъ куплено и назадь проважано, мыто не маеть быти правлено: а вѣдьже сами, або ихъ слуги, которыхъ при тыхъ товарѣхъ лѣсныхъ и збожью, унизъ спущаючи, также што и назадь провадити будутъ, присягнути мають, ижъ тые товары лѣсные во властныхъ ихъ имѣняхъ суть роблены, и збожья зъ гуменъ зъ имѣней ихъ властныхъ спущоны, и то што назадь повезутъ, на властную потребу, а не на продажу отъ нихъ есть куплено.

13. Выдавшина и пересуды отъ большого до

№ 59. наменьшого стану обывателей земли Жомойтскоѣ не мають быти браны.

14. А отъ кошенья сѣножатей, которыхъ за продковъ нашихъ, ихъ милости великихъ князей Литовскихъ Витолта и Казимера не кошивали, и теперь мають быти вольны.

15. Данинъ всякихъ, которые тивуномъ, державцомъ, шляхтѣ, бояромъ, отъ продковъ нашихъ королей ихъ милости Польскихъ и великихъ князей Литовскихъ, Витолта, Швитригайла, Жикгимонта князя великого, Александра, Казимера, Жикгимонта второго и Жикгимонта Августа, суть даные, такъ тежъ замѣны всякіе учиненные, — а хотя бы хто отъ давнихъ часовъ держачи и листовъ на то не мѣлъ, а во вживанью того былъ, — ни въ чомъ не маемъ нарушати, але ихъ въ цѣлости заховываючи, каждый держанья своего вѣчными часы спокойнѣ уживати маеть.

16. Вдовы стану шляхетского по смерти малжонковъ своихъ мають на имѣньяхъ мужовъ своихъ змерлыхъ zostавати и оныхъ уживати, до того часу, покуль у вдовѣмъ станѣ замужъ не ходячи трывати будутъ; а кгда въ малженство зася вступятъ, тогда имѣнья на потомки або на близкихъ мужовъ ихъ первыхъ приходити мають: вѣдѣже тотъ, который имѣнье возметъ, вѣно або оправу и тежъ што будетъ отъ мужа первого записано, повиненъ будетъ то ей заплатити.

17. Права и вольности хрестіянскіе всему рыцерству, шляхтѣ, бояромъ и всему посполству земли Жомойтской поступуемъ и даемъ такіе, якіе обывателемъ великого князства Литовского отъ продковъ нашихъ суть наложены; которыхъ всихъ бояръ и шляхту земли Жомойтской хотимъ и будемъ въ той же учтивости и бачности нашей господарской мѣти и ихъ ховати, яко и властные продки наши ихъ милость, Владиславъ король, и великій князь Витолтъ и иные великіе князи Литовскіе мѣли и ховали: и што — кольвекъ отъ продковъ нашихъ имъ будетъ надано, а

они того, яко имѣней и людей, такъ пущѣ и озеръ, отъ мала до велика, во вживанью до того часу были и суть, того всего спокойнѣ уживати вѣчнѣ мають.

18. Которые шляхта, за короля Владислава и за великого князя Витолта и иныхъ ихъ милости королей и великихъ князей Литовскихъ, вольностей шляхетскихъ уживали, тыхъ и теперь за шляхту почитати и мѣти будемъ; а иное все посольство повинности въ службахъ давные, которые передъ тымъ чинивали, и теперь ихъ полнити будутъ повинны.

19. А естли бы ся кому зъ стану шляхетского брата собѣ ровного шляхтича съ пригоды яко трафило забити, тогда водлугъ привилевъ давныхъ, отъ продковъ нашихъ даныхъ, таковой забойца виненъ будетъ головщины шестьдесятъ рублевъ, то есть, сто копъ грошей Литовскихъ платити.

20. Што тежъ черезъ ихъ милость Владислава и Витолта и иныхъ великихъ князей Литовскихъ, шляхтѣ, бояромъ и всему посполству въ земли Жомойтской, въ повѣтъхъ Росенскомъ, Крожскомъ, Кнетовскомъ, Пернаровскомъ, Медницкомъ, Кгойжовскомъ, Поштовскомъ, и въ иныхъ тивунствахъ и державахъ, зъ стародавна есть надано, того всего, яко имѣней, селъ и людей, такъ тежъ пущѣ и озеръ, хто чого доселѣ былъ въ держанью и уживанью спокойномъ, тые и теперь вѣчными часы, сами и потомки ихъ, мають то держати и уживати.

21. Новинъ жадныхъ вводити, а ни постановляти въ той земли Жомойтской, также на заочное обжалованье никого карати не кажемъ: ажъ бы хто правомъ и доводомъ слышнымъ былъ поконанъ, таковой водлѣ выступу своего, съ права и съ суду каранье терпѣти маеть, водлугъ правъ оноѣ земли Жомойтскоѣ.

22. Общумъ тымъ же способомъ, ижъ на заочное повѣданье, яко отнятемъ врьдовъ такъ имѣнья и некотороѣ маетности никого не

допустимъ карати, ажъ бы былъ правомъ посполитымъ, въ той земли звычайнымъ, водлѣ привилевъ ихъ первѣй осужонъ.

23. Листы заручные съ канцелярии нашеѣ, противъ вольностямъ земли Жомойтскоѣ, на заочное повѣданье не мають быти выданы.

24. Шляхта, бояре городовъ або замковъ рубити и дворовъ будовати, а ни на выправу земскую, то есть, на заставу и на сторожу сами вѣздити и тежъ слугъ своихъ посылати не суть и не будутъ повинны, окромѣ тыхъ, которые за великого князя Витолта тые пошлыны и повинности полнили, тые и теперь чинити ихъ и полнити мають.

25. Дворовъ новыхъ въ той земли причиняти и будовати не кажемъ: одно тые дворы, которые за ихъ милости великихъ князей Литовскихъ Витолта и Александра суть побудованы, zostати и направованы быти мають.

26. Коней нашихъ на лежахъ подданные наши ховати и ихъ кормити не будутъ повинны.

27. А которые съ подданныхъ нашихъ за великого князя Витолта и иныхъ продковъ нашихъ куницы даивали, а теперь на волокахъ суть осажоны и цынши на нихъ вложены, тые водлугъ постановленья помѣры волочноѣ цыншъ платити мають.

28. Подарковъ и посуловъ отъ того, што кому мы господарь зъ ласки нашеѣ родичомъ оноѣ земли Жомойтскоѣ тамъ же въ той земли нашей дадимъ, никто зъ урядниковъ земскихъ, державцовъ и тивуновъ нашихъ, брати а ни ся ихъ домогати не маеть.

29. А ижъ врьдники, то есть, каштелянъ, подкоморый и войскій, также судья, подсудокъ и писарь земскій передъ тымъ въ земли Жомойтской не были, але ново, за продка нашего короля его милости славноѣ памяти Жикгимонта Августа суть причинены и постановлены, мы господарь, за причину пана Виленского, старосты Жомойтского, маршал-

ка земского великого князства Литовского, № администратора и гетмана земли Ливонскоѣ, старосты Ковеньского, державцы Плотельского и Тельшовского пана Яна Ходкевича, на Шкловъ и Мышы кграби, а за жедаьемъ всихъ врьдниковъ, шляхты и рыцерства родичовъ земли Жомойтскоѣ, къ большоѣ тоѣ земли оздобѣ, до первыхъ старолавныхъ врьдовъ и тые новые вѣчными часы тамъ уставляемъ и симъ листомъ нашимъ ихъ утвержаемъ. А на обранье електовъ на врьды всякіе въ той земли Жомойтской, то есть, на староство Жомойтское, каштелянство, подкоморство, войское, тивунство, державцы, судьи и подсудка и писаря земскихъ, и на иные врьды, кгда который съ тыхъ теперешнихъ пановъ радъ нашихъ и врьдниковъ земли Жомойтскоѣ на большое достоенство преложонъ будетъ, або тежъ умретъ; тогда, коли того потреба укажетъ, позволяемъ мы господарь, за причину предреченого его милости пана Виленского, старосты Жомойтского, и за жедаьемъ всихъ становъ земли Жомойтскоѣ, зѣзжатиися до Росейнъ: и кого тамъ на яке достоенство и врьдъ межи собою оберутъ, намъ водлѣ стародавного обычаю ознайти мають; а мы господарь тому, яко вышей въ семъ листѣ нашемъ есть доложено, тотъ врьдъ, заховываючиися водлугъ привилевъ ихъ, дати общумъ.

30. Яко тежъ перво сего, за позволеньемъ продка нашего короля его милости и великого князя Жикгимонта Августа, тотъ, который привилья и вольности Жомойтскіе за порученьемъ зсее шляхты въ схованью у себе мѣвалъ, отъ войны былъ вызволенъ; такового каждого и мы господарь вольнымъ отъ того завжды быти чинимъ.

31. Которые артыкулы вышей помѣненные, и иные вси права, свободы, вольности и привилья, отъ наясѣйшихъ королей Польскихъ и великихъ князей Литовскихъ, продковъ нашихъ, всимъ родичомъ земли Жомойтскоѣ

№ 60. стану и народу шляхетского, на листѣхъ пар-
кгаминовыхъ и паперовыхъ по Латинѣ и по
Руску написаны и имъ даны суть, и хотя бы
што тыхъ вольностей въ томъ привилію на-
шомъ не было написано, тогда мы варуемъ,
иже то свободамъ ихъ шкодити не маеть, але
въ цѣлой суполности, такъ, яко бы въ семъ
листѣ нашомъ воображены были, во всемъ
цалѣ и непоручи не одно захвати и ихъ ни
въ чомъ не вменшати, але имъ, яко вѣрнымъ
слугамъ и подданнымъ нашимъ, зъ ласки и
щедробливости наше господарское (въ томъ
ихъ милости предковъ нашихъ, королей Поль-
скихъ и великихъ князей Литовскихъ наслѣ-
дующи), тымъ большъ примножати и причи-
няти хотимъ, и словомъ нашимъ господар-
скимъ и подъ обовязкомъ присяги наше дер-
жати то имъ обѣцуюмъ, якоже вси права, сво-
боды, вольности, данины и привилія имъ отъ
предковъ нашихъ наданы, симъ листомъ и
привиліемъ нашимъ во всихъ кондиціяхъ,
способахъ и артыкулѣхъ ихъ утверждаемъ,
ухваляемъ, и оныя за мощные вѣчными часы
признаваемъ, ничего въ тыхъ всихъ вольно-
стяхъ и данинахъ, въ привиліяхъ, въ арты-
кулѣхъ и способахъ вышней описаныхъ, и
тежъ въ стародавнихъ звыклыхъ обычаяхъ
ихъ не нарушаючи, въ цѣлой суполности хо-
вати ихъ обязуемъ; и, абы во всемъ были въ
стародавней пристойности и владности хова-
ны и держаны, о томъ зъ наибольшимъ уси-
лованіемъ нашимъ старатися будемъ. А естли
въ оной земли правамъ и вольностямъ што ся
противного стало за предковъ нашихъ; тогда
то водлѣ первшого порядку и свободъ, воль-
ностей и обычаевъ стародавнихъ поправить
обѣцуюмъ, и сами мы господарь того, што бы
было противного правамъ и вольностямъ зем-
ли Жомойтскоѣ, чинити не будемъ и иному
того чинити не допустимъ; а то што бы къ
сказъ вольностей и привиліевъ, листовъ и да-
нинъ, отъ предковъ нашихъ родичомъ того
панства нашего земли Жомойтскоѣ нада-

ныхъ, стало и ихъ уближило, або тежъ че-
резъ насъ, або вриадниковъ и посланцовъ на-
шихъ, за листы нашими, въ чомъ ся выкро-
чить мѣло: тогда то жадноѣ mocy мѣти не
будеть, и то симъ листомъ и привиліемъ на-
шимъ въ - нивечъ оборочаемъ и за прожное и
даремное мѣти хотимъ, заховываючи ихъ во
всемъ при ихъ стародавнихъ обычаяхъ и
тежъ правѣхъ, свободахъ, вольностяхъ и при-
виліяхъ, отъ предковъ нашихъ, королей ихъ
милости Польскихъ и великихъ князей Литов-
скихъ наданныхъ, и отъ насъ господаря черезъ
сесь привиліей нашъ имъ утвержонныхъ, до
которого, для большоѣ твердости, руку нашу
подписавши и печать нашу привѣсити есмо
казали. Писанъ у Краковѣ, на вальномъ сой-
мѣ корунацыйи наше, при бытности ихъ ми-
лости пановъ радъ нашихъ духовныхъ и свѣт-
скихъ, мѣта Божьего нарощеня 1574, мѣсяца
Апрѣля 9 дня. — «Henricus Rex.»

Изъ Литовской Метрики (Запис. кн. LVII, л. 58 и слѣд.), хранящейся при Правительствующемъ Сенатѣ, въ С. Петербургѣ.

60. — 1574 въ Сентябрѣ или позже. По-
сольскія рѣчи Московскаго государя
Іоанна Васильевича Литовскимъ рад-
нымъ панамъ, о продолженіи перемирія, съ
требованіемъ опасной грамоты царскимъ по-
сламъ.

Бога въ Троицы славимого милостью, вели-
кій государь, царь и великій князь Иванъ Ва-
сильевичъ всея Руси, Владимирскій, Москов-
скій, Новгородскій, царь Казанскій, царь
Астороханскій, государь Псковскій, и великій
князь Смоленскій, Тверскій, Югорскій, Перм-
скій, Вятскій, Болгарскій, государь и великій
князь Новгорода Низовскіе земли, Чернигов-
скій, Рязанскій, Полоцкій, Ростовскій, Яро-
славскій, Белоозерскій, Удорскій, Обдорскій,
Кондинскій, и всея Сибирскія земли и сѣвер-
ныя страны повелитель, и государь отчинный
земли Лифлянтскія и иныхъ, вамъ паномъ

радамъ великаго княжества Литовскаго вельмъ
поклонитися.

Да подати грамоту вѣрющую.

А бывъ у пановъ радъ великаго княжества
Литовскаго, быти и у пановъ радъ коруны
Польскіе, и поклонъ правити, и вѣрющую
грамоту подати, и рѣчь говорити потомужъ
что и Литовскимъ паномъ.

А сюю рѣчь говорити паномъ радамъ вели-
каго княжества Литовскаго:

Бога въ Троицы славимого милостию, вели-
кій государь, царь и великій князь Иванъ Ва-
сильевичъ всея Руси и многихъ земель госпо-
дарь, вельмъ вамъ говорити: Посылали есми
къ вамъ паномъ радамъ великаго княжества Ли-
товскаго гонца нашего Федора Елизарьева сына
Елчанинова, для своихъ дѣлъ; и вы, панове рада
духовные и свѣтскіе коруны Польскіе и вели-
каго княжества Литовскаго, которые на тотъ
часъ межи собою съѣхалися, гонца нашего
Федора Елчанинова съ грамотою къ намъ от-
пустили, и въ той грамотѣ къ намъ писали,
что есте съ нашимъ гонцомъ съ Федоромъ
Елчаниновымъ на наши послы грамоты опа-
сной не прислали, потому что многіе изъ васъ
съ того съѣзду розѣхалися; а до того бы
часу, покомъ наши у васъ послы будутъ, а
ваши послы у насъ будутъ и дѣло доброе къ
покою христіанскому постанавлять: и намъ
бы, для покоя въ христіанствѣ, по всемъ гра-
ницамъ и замкамъ украиннымъ, воеводамъ и
державцамъ и всемъ людемъ нашимъ, въ го-
сподаря вашего панствахъ, въ великомъ кня-
жествѣ Литовскомъ и въ земли Лифлянтской,
никоторыхъ шкодъ и зачѣпокъ чинити не ве-
лѣти; а вы потомужъ всемъ воеводамъ и ста-
ростамъ и державцамъ и всемъ людемъ погра-
ничнымъ въ тѣхъ панствахъ, въ великомъ
княжествѣ Литовскомъ и въ земли Лифлянт-
ской, велѣли заказати миръ и покой во всемъ
захвати. А сее зимы прошлые, нѣкоторые на-
ши воинскіе люди въ землю господаря вашего
Лифлянтскую войною приходили, и немалые

шкоды и спустошенія господаря вашего земли
учинили, и людей многихъ въ полонъ вывели;
а вы того не вѣдаете, съ нашего ли то вѣдо-
ма, или безъ нашего вѣдома: и намъ бы тако-
выхъ винныхъ скарати сыскавши, и людей
господаря вашего изъ земли Лифлянтской по-
лономъ выведенныхъ добровольно отпустить. И
мы вашу грамоту вычли и вырозумѣли гораз-
до; и что есте къ намъ писали, что есте на
наши послы грамоты опасныя не прислали,
потому что многіе изъ васъ съ того съѣзду
розѣхалися: и вы бы, панове рада великаго
княжества Литовскаго, мимо первого обычаю
нового дѣла не всчинали. Во всѣхъ государ-
ствахъ обычаѣ поведенъ тотъ, что изъ госу-
дарствъ въ государства послы и посланники
ходятъ по опаснымъ грамотамъ, а безъ опа-
сныхъ грамотъ послы и посланники изъ госу-
дарства до другаго государства не ходятъ; и
намъ за тѣмъ пословъ своихъ посылати не
лѣзъ. И вы бы, панове рада великаго княже-
ства Литовскаго, на наши большіе посланни-
ки, или на меншіе послы грамоту опасную къ
намъ прислали, съ нашимъ посланникомъ съ
Лукою Захарычемъ съ Новосилцовымъ; а мы
по той вашей опасной грамотѣ, своихъ бол-
шихъ посланниковъ или меншихъ пословъ
пошлемъ не мѣшкаючи, и съ ними о всякихъ
о своихъ дѣлахъ къ вамъ прикажемъ подлин-
но, какъ межи насъ и господарствъ коруны
Польскіе и великаго княжества Литовскаго
доброе дѣло совершити и постановити, къ
прибытку всего христіанства. И вы бы, панове
рада великаго княжества Литовскаго, пото-
мужъ то доброе дѣло дѣлали, не опускаючи.
для покоя христіанскаго. А что есте писали о
перемирѣ, чтобы намъ рати и войны не всчи-
нати: и мы яко есми государь христіанскій,
завсе у Бога сотворителя милости просимъ о
покоѣ христіанскомъ, не радуяся кровямъ
христіанскимъ, и, жалѣя о христіанствѣ, по
всемъ граничнымъ мѣстамъ бояромъ своимъ и
наместникомъ и воеводамъ заказали есми

№ 61. крѣпко, чтобы рати и войны не всчинали и пограничнымъ людямъ обидѣ и зачѣпокъ чинити не велѣли, до тѣхъ мѣстъ, пока наши большіе посланники или меншіе послы у васъ будутъ, а ваши великіе послы у насъ будутъ, и тое доброе дѣло, на покой христіанскій постановленіе учинять. А вы бы, панове рада великого княжества Литовского, по всемъ граничнымъ мѣстамъ, воеводамъ и справцамъ и старостамъ и державцамъ заказали накрѣпко, рати и войны чтобы не всчинали и порубежнымъ нашимъ людямъ обидѣ и зачѣпокъ некоторыхъ чинити не велѣли. А что есте писали, что сеѣ зимы нѣкоторые наши воинскіе люди въ землю господара вашего войною приходили, и немалые škody и спустошенія господара вашего земли учинили, и людей много въ полонъ вывели; и намъ бы таковыхъ виновныхъ скарати сыскавши, а людей господара вашего изъ земли Лифлянтской попомомъ выведенныхъ добровольно отпустить: ино сеѣ зимы посылали есмы бояръ своихъ и воеводъ съ воинскими людьми, потому, что Лифлянтская земля отъ прародителей нашихъ, искони — вѣчная отчина наша; а приходили Нѣмецкіе люди съ Лифлянтскихъ городовъ на Юрьевскіе и на Вильянскіе и на Падежскіе мѣста войною часто, и подѣ нашимъ городомъ подѣ Ракоборомъ многое время стояли и къ городу приступали; и рать наша воевали Нѣмецкихъ людей, а не Литовскихъ. А первѣй сего господара вашего люди, Полубенскій съ товарищи, въ перемирные лѣта, пришедши въ нашу землю, городъ были Изборескъ взяли; а нынѣ, не въ давнихъ часѣхъ, писалъ къ намъ изъ нашей отчины изъ Лифлянтской земли намѣстникъ Юрьевскій и воевода князь Аѳанасей Шейдаковичъ Нагайскій, что приходили въ мѣсяцъ въ Іюль изъ Вололимерца и съ Треката да изъ Клазбора Литовскіе и Нѣмецкіе люди, вмѣстѣ съ нашими измѣнники съ Тубомъ да съ Илертомъ, и, пришедши въ нашу отчину въ Лифлянтскую землю, въ Юрьевскіе уѣзды въ Ан-

кахъ и Овалокъ, по рубежу къ Говесову многіе мѣста воевали, и людей нашихъ побивали, и въ полонъ имали: и мы, яко есмы государь христіанскій, и на то не смотрѣчи, рати и войны не всчинаемъ, а свое слово крѣпко держимъ, по тому яко есмы первѣй сего съ вашими посланники къ вамъ приказывали, что по вашему прошенью, на ваши незгоды не стали есмы, и въ Ливонскую землю рати и войны не посылаемъ, и на кровь христіанскую не прагнемъ. И вы бы, панове рада великого княжества Литовского, того стерегли накрѣпко, и такими задоры доброго дѣла не рушили, которое бы дѣло къ прибытку всего христіанства совершилось. А нашего бы есте посланника Луку Захарьича Новосильцова съ опасною грамотою къ намъ отпустили, не мѣшкаючи, на нашихъ болшихъ посланниковъ или меншихъ пословъ, чтобы далъ Богъ, межи насъ и господарствы коруны Польскія и великого княжества Литовского тое доброе дѣло ранѣе совершилось, къ прибытку всего христіанства. А подлинно о Лифлянтской землѣ прикажемъ мы къ вамъ къ паномъ радамъ своими послы и посланники.

Современный списокъ писанъ Бѣлорусскою скорописью, на двухъ листахъ. Скрипы нѣтъ. На оборотѣ послѣдней страницы отмѣчено: Przepis ustnego mówienia posłańca Moskiewskiego, które za listem wierzącym mówić przed panu radą w. ks. Lith. Datum не означено.

Хранится въ Императорской Публичной Библиотецѣ.

61. — 1574 въ Ноябрь. Наказная грамота Литовской рады полному гетману Христофору Радивилу, объ уменьшеніи числа пѣхотныхъ ратниковъ и казаковъ въ украинныхъ замкахъ, въ надеждѣ на перемиріе съ Московскимъ Царемъ.

Валеріанъ, зъ ласки Божей бискупъ Виленскій; Миколай Паць, бискупъ Кіевскій; Миколай Радивиль, воевода Виленскій.

канцлеръ великого княжества Литовского, староста Лидскій и Мозырскій, державца Борисовскій; Янъ Ходкевичъ, грабя на Шкловъ и Мыши, панъ Виленскій, староста Жомойтскій, маршалокъ земскій великого княжества Литовского; Остаеѣй Воловичъ, панъ Троцкій, подканцлерый великого княжества Литовского, староста Берестейскій и Кобринскій; Юрь Тишкевичъ — Логойскій, воевода Берестейскій, староста Волковыскій; Миколай Талвошъ, каштелянъ Жомойтскій, староста Дынеборскій, тивунъ его королевской милости земли Жомойтскоѣ Бержнинецкій; Григорей Воловичъ, каштелянъ Новгородскій, староста Слонимскій; Павель Паць, каштелянъ Витебскій, староста Вилькомирскій; Янъ Гайко, каштелянъ Берестейскій, конюшій Городенскій, староста Трабскій; Миколай Нарушевичъ, подскарбій земскій великого княжества Литовского, писарь его королевскоѣ милости, державца Марковскій, Мядельскій, Ушпольскій и Пеняскій; Миколаю Криштофу Радивилу, на Олыцѣ и Несвижу княжатъ, вельможному пану гетману, маршалку дворному и подчашому великого княжества Литовского, старостѣ Солецкому. Маючи того вѣдомость отъ твоей милости, яко гетмана, ижъ на тотъ часъ по всемъ замкамъ украиннымъ того панства великого княжества Литовского, въ ротахъ пѣшихъ есть личбою тысяча шесть сотъ и пять драбовъ: ино мы рады, подѣ тымъ часомъ перемирія съ великимъ княземъ Московскимъ, таковой личбы драбовъ на замкахъ украинныхъ не видимъ быть потребу, одно, абы замки украинные въ доброй осторожности были, фолгуючи тежѣ въ томъ расходѣ великимъ скарбу земского тутешнего панства, а бачучи то, ижъ на всехъ замкахъ, подѣ тымъ часомъ покою, досыть есть драбовъ шести сотъ шестидесять пяти, а къ тому козаковъ сорокъ и пять. Про то, водѣ того замѣренія нашего, рачѣ твоя милость, всемъ паномъ ротмистромъ почтовъ ротъ ихъ ува-

№ 62. ши, подѣ уваженія своего, на которомъ замку съ ротмистромъ якій почотъ драбовъ за стати маеть, листы своими паномъ ротмистромъ, яко гетманъ, службу приповѣдати, на которыми листы приповѣдными, заплатити съ скарбу земского того панства великого княжества Литовского будетъ чинена. Писанъ у Вильни, лѣта Божьего нароженія 1574, мѣсяца Ноября . . . дня.

Подлинникъ писанъ на листѣ. Въ концѣ акта приложено 12 сенаторскихъ печатей. На оборотѣ отмѣтка слѣдующая: List przypowiedny od ich mości panów rad w. ks. Lit. na drabów i kozaków, Krzysztofowi Radziwiłowi, i datum акта.

Хранится въ Императорской Публичной Библиотецѣ.

62. — 1575 Февраля 21. Опасная грамота Литовской рады Московскимъ царскимъ посламъ, на проѣздъ въ Литву и Польшу.

Мы рады великого княжества Литовского, которыхъ есмы на тотъ часъ у Вильни были: Валеріанъ, зъ ласки Божей бискупъ Виленскій; Миколай Юрьевичъ Радивиль, воевода Виленскій, канцлеръ великого княжества Литовского, староста Лидскій и Мозырскій, державца Борисовскій; Янъ Ходкевичъ, грабя на Шкловъ и Мыши, панъ Виленскій, староста Жомойтскій, маршалокъ земскій великого княжества Литовского, администраторъ и гетманъ земли Лифлянтскоѣ, староста Ковенскій, державца Плотельскій и Тельшовскій; Янъ Яновичъ Глѣбовича, каштелянъ Менскій, державца Оникштенскій; Миколай Криштофъ Радивиль, маршалокъ дворный великого княжества Литовского. Што великій господарь Иванъ Васильевичъ, Божьею милостью государь всея Руси и великій князь, Володимирскій, Московскій, Новгородскій, Казанскій, Астараханскій, Псковскій, Тверскій, Югорскій, Пермскій, Вятскій, Болгарскій и иныхъ, всказывалъ до насъ черезъ послаца своего

№ 63. Луку Захарыча Новосильцова, хотячи больших своих посланниковъ або меньшихъ пословъ до пановъ радъ ихъ милости Польскихъ и до насъ радъ великого князства Литовского послати: ино мы, при клейтъ пановъ радъ ихъ милости Польскихъ, братья наше, даемъ сесь нашъ листъ клейтовный, называемый опасный, за которымъ клейтомъ нашимъ и клейтомъ ихъ милости пановъ радъ Польскихъ, посланникомъ великого господаря Ивана Васильевича, Божьею милостью государя всея Руси и великого князя большимъ, або посломъ меньшимъ, кого великий госпдаръ Иванъ Васильевичъ, Божьею милостью государь всея Руси и великий князь пошлетъ, вольно будетъ со всеми людьми и статками ихъ до тутошнего панства великого князства Литовского и до коруны Польской ити, и назадъ до господаря своего также со всеми людьми и статками своими вернуться, безъ всякого гамованья и зачепки. Писанъ у Вильни, лѣта Божьего нароженья 1575, мѣсяца Февраля 21 дня.

Современный списокъ писанъ на полулистъ. Скрыты нѣтъ.

Хранится въ Императорской Публичной Библиотекѣ.

63. — 1575 въ началѣ Августа. Окружная грамота Литовской рады, о походе гетмана Радивила съ отрядомъ жолнеровъ на границы, для охраненія ихъ, въ слѣдствіе слуховъ о вторженіи Русскихъ въ Ливонію, и о подвозѣ имъ кормовъ.

Велебнымъ въ Бозѣ и всневѣлможнымъ паномъ радамъ ихъ милости великого князства Литовского, духовнымъ и свѣтскимъ,

паномъ маршалкомъ, старостамъ, и всемъ врядникомъ земскимъ и рыцерству великого князства Литовского. Мы рады великого князства Литовского, духовные и свѣтскіе, которые есмо на тотъ часъ, въ року теперешнемъ лѣта Божьего нароженья 1575, мѣсяца Августа первого дня, до Вильни для потребъ земскихъ зѣхалися, и за тою небезпечностью, о которой до насъ зѣ земли Инфлянтской вѣдомость дошла, ижъ князь великій Московскій замки къ великому князству Литовскому належаціе, вославши войска свои, побралъ — по-стерегаючи того, абы тотъ непріятель умыслу своего не розширилъ, а также въ панства Литовскіе, яко въ землю Инфлянтскую, безъ вѣсти не вторгнулъ, урядили есмо сполномъ зѣ рыцерствомъ отпавити на границы гетмана польного, подчасного великого князства Литовского, старосту Солецкого, его милость пана Криштофа Радивила, приповѣдавши его милости службу на дванацать сотъ жолнеровъ вѣдныхъ. Про то, гдѣ его милость панъ гетманъ самъ, або поручники надъ тымъ вышей — мененымъ войскомъ оборочатися воля потребы будутъ, ваша бы милость, яко въ тягненью, такъ и на лежахъ, живности за пѣнези, подлѣ уставы на то учиненой, такъ на кони яко и на ихъ самыхъ не бороили; а они готовыми пѣнями за живность всякую платити будутъ повинны. О томъ бы ваша милость вѣдали. Писанъ въ Вильни, лѣта Божьего нароженья 1575.

Подлинникъ писанъ на листъ. Въ концѣ акта приложено шесть сенаторскихъ печатей. Скрыты нѣтъ.

Хранится въ Императорской Публичной Библиотекѣ.

Х. ГОСУДАРСТВОВАНИЕ СТЕФАНА БАТОРІА.

№ 64. — 1576 Июля 7. Челобитная королю Стефану Брѣславской шляхты, о томъ, чтобы вѣльно было королевскіе указы къ нимъ писати по Русски, а не на Польскомъ языкѣ.

Насвѣтѣйшій, милостивый королю, пане а пане нашъ милостивый! Даны суть листы, черезъ дворянина вашей королевской милости пана Оршевского, братья нашей, наименьшимъ слугамъ и подданнымъ вашей королевской милости, писмомъ Польскимъ писаные, позываючи ихъ передъ маестатъ вашей королевской милости нашего милостивого пана. Хотяжъ, насвѣтѣйшій милостивый королю, за постановленьемъ унѣ, листы съ канцлерыи вашей королевской милости не ивакимъ, одно Рускимъ писмомъ мають быти выдаваны: мы тебѣ, насвѣтѣйшій милостивый королю, въ чомъ не будучи есмо о тые позванные братья наши спротивны воли и розказанью вашей королевской милости, вжо на тое розказанье вашей милости господарское вхати къ вашей королевской милости были готовы. Нижли, будучи есмо подъ тотъ часъ у великомъ вѣтревоненью и небезпеченствѣ отъ непріятеля отъ Татаръ, отъ себе есмо ихъ не пустили; а вшикожъ мы предъся послали къ вашей королевской милости брата нашего, пана Янковского, и покорными нашими прозбами вашей

королевской милости нашего милостивого пана просимо, абы наша королевская милость, въ милостивой лѣски своей королевской, тыхъ братью пану позванныхъ отъ року и отъ позвовъ вольными учинити и захвати розказати рачилъ: иждьжъ, насвѣтѣйшій милостивый королю, то ея намъ дѣетъ надъ право вольности нашей, ины листы съ канцлерыи вашей королевской милости до насъ писмомъ Польскимъ выдавають. За што и впродѣ вашей королевской милости нашего милостивого пана покорными нашими прозбами просимо, абы ваша королевская милость при привилеіи освободѣ нашихъ насъ захвати, и до насъ листы съ канцлерыи вашей королевской милости Рускимъ писмомъ выдавати розказати рачилъ; а напотомъ, гдѣ кто въ томъ виненъ zostanieъ, сиравоватися муситъ. А за тымъ найнижшыя службы наши милостивой милости вашей королевской милости господарю нашему залецаемъ. Писанъ въ Браслави, мѣсяца Июля 7 дня. — «Найнижшыя слуги и верные подданные в. к. м., вся шляхта рыцерство воеводства Браславского покорны низко чоломъ бжють».

Подлинникъ писанъ современною скорописью. Внизу акта приложенъ 22 перстневыхъ гербовъ печати. На оборотѣ листа надпись: Насвѣтѣйшому милостивому королю, пану нашему

№ 64.

№ 63. Луку Захарыча Новосильцова, хотячи больших своих посланниковъ або меньшихъ пословъ до пановъ радъ ихъ милости Польскихъ и до насъ радъ великого князства Литовского послати: ино мы, при клейтъ пановъ радъ ихъ милости Польскихъ, братья наше, даемъ сесь нашъ листъ клейтовный, называемый опасный, за которымъ клейтомъ нашимъ и клейтомъ ихъ милости пановъ радъ Польскихъ, посланникомъ великого господаря Ивана Васильевича, Божьею милостью государя всея Руси и великого князя большимъ, або посломъ меньшимъ, кого великій господарь Иванъ Васильевичъ, Божьею милостью государь всея Руси и великій князь пошлетъ, вольно будетъ со всеми людьми и статками ихъ до тутошнего панства великого князства Литовского и до коруны Польской ити, и назадъ до господаря своего также со всеми людьми и статками своими вернуться, безъ всякого гамованья и зачепки. Писанъ у Вильни, лѣта Божьего нароженья 1575, мѣсяца Февраля 21 дня.

Современный списокъ писанъ на полулистъ. Скрыты нѣтъ.

Хранится въ Императорской Публичной Библиотекѣ.

63. — 1575 въ началѣ Августа. Окружная грамота Литовской рады, о походе гетмана Радивила съ отрядомъ жолнеровъ на границы, для охраненія ихъ, въ слѣдствіе слуховъ о вторженіи Русскихъ въ Ливонію, и о подвозѣ имъ кормовъ.

Велебнымъ въ Бозѣ и всемогущимъ паномъ радамъ ихъ милости великого князства Литовского, духовнымъ и свѣтскимъ,

паномъ маршалкомъ, старостамъ, и всемъ врядникомъ земскимъ и рыцерству великого князства Литовского. Мы рады великого князства Литовского, духовные и свѣтскіе, которые есмо на тотъ часъ, въ року теперешнемъ лѣта Божьего нароженья 1575, мѣсяца Августа первого дня, до Вильни для потребъ земскихъ зѣхалися, и за тою небезпечностью, о которой до насъ зѣ земли Инфлянтской вѣдомость дошла, ижъ князь великій Московскій замки къ великому князству Литовскому належаціе, вославши войска свои, побралъ — по-стерегаючи того, абы тотъ непріятель умыслу своего не розширилъ, а также въ панства Литовскіе, яко въ землю Инфлянтскую, безъ вѣсти не вторгнулъ, урядили есмо сполномъ зѣ рыцерствомъ отпавити на границы гетмана польного, подчасного великого князства Литовского, старосту Солецкого, его милость пана Криштофа Радивила, приповѣдавши его милости службу на дванацать сотъ жолнеровъ вѣдныхъ. Про то, гдѣ его милость панъ гетманъ самъ, або поручники надъ тымъ вышей-мененымъ войскомъ оборочатися воля потребы будутъ, ваша бы милость, яко въ тягненью, такъ и на лежахъ, живности за пѣнези, подлѣ уставы на то учиненой, такъ на кони яко и на ихъ самыхъ не бороили; а они готовыми пѣнями за живность всякую платити будутъ повинны. О томъ бы ваша милость вѣдали. Писанъ въ Вильни, лѣта Божьего нароженья 1575.

Подлинникъ писанъ на листъ. Въ концѣ акта приложено шесть сенаторскихъ печатей. Скрыты нѣтъ.

Хранится въ Императорской Публичной Библиотекѣ.

Х. ГОСУДАРСТВОВАНИЕ СТЕФАНА БАТОРІА.

№ 64. — 1576 Июля 7. Челобитная королю Стефану Брѣславской шляхты, о томъ, чтобы велѣно было королевскіе указы къ нимъ писати по Русски, а не на Польскомъ языкѣ.

Насвѣтѣйшій, милостивый королю, пане а пане нашъ милостивый! Даны суть листы, черезъ дворянина вашей королевской милости пана Оршевского, братья нашей, наименьшимъ слугамъ и подданнымъ вашей королевской милости, писмомъ Польскимъ писаные, позоваючи ихъ передъ маестатъ вашей королевской милости нашего милостивого пана. Хотяжъ, насвѣтѣйшій милостивый королю, за постановленіемъ унѣ, листы съ канцлерыи вашей королевской милости не ивакимъ, одно Рускимъ писмомъ мають быти выдаваны: мы tedy, насвѣтѣйшій милостивый королю, въ чомъ не будучи есмо о тые позванные братья наши спротивны воли и розказанью вашей королевской милости, вжо на тое розказанье вашей милости господарское вхати къ вашей королевской милости были готовы. Нижли, будучи есмо подъ тотъ часъ у великомъ вѣтровоженіи и небезпеченствѣ отъ непріятеля отъ Татаръ, отъ себе есмо ихъ не пустили; а вшикожъ мы предъся послали къ вашей королевской милости брата нашего, пана Янковского, и покорными нашими прозбами вашей

королевской милости нашего милостивого пана просимо, абы наша королевская милость, въ милостивой лѣски своей королевской, тыхъ братья нашу позванныхъ отъ року и отъ позвовъ вольными учинити и захвати розказати рачилъ: ижежъ, насвѣтѣйшій милостивый королю, то ея намъ дѣетъ надъ право вольности нашей, иже листы съ канцлерыи вашей королевской милости до насъ писмомъ Польскимъ выдавають. За што и впродѣ вашей королевской милости нашего милостивого пана покорными нашими прозбами просимо, абы ваша королевская милость при привилеіи освободѣ нашихъ насъ захвати, и до насъ листы съ канцлерыи вашей королевской милости Рускимъ писмомъ выдавати розказати рачилъ; а напотомъ, гдѣ кто въ томъ виненъ zostanie, сиравоватися муситъ. А за тымъ найнижшыя службы наши милостивой милости вашей королевской милости господарю нашему залецаемъ. Писанъ въ Браслави, мѣсяца Июля 7 дня. — «Найнижшыя слуги и верные подданные в. к. м., вся шляхта рыцерство воеводства Браславского покорно низко чоломъ бжють».

Подлинникъ писанъ современною скорописью. Внизу акта приложенъ 22 перстневыхъ гербовъ печати. На оборотѣ листа надпись: Насвѣтѣйшому милостивому королю, пану нашему

№ 65. милостивому, Стефану, зъ ласки Божой королю Польскому, великому князю Литовскому и Рускому, Прускому, Жомойтскому, Мазовецкому, Инфлянтскому, и тежъ княжати Седмигородскому, пану нашему милостивому.

Доставленъ въ Археографическую Коммиссію, въ списокъ, Варшавскимъ корреспондентомъ, профессоромъ Мацьевскимъ, изъ архива гг. Сенявскихъ, находящагося въ Галиціи, въ округъ Перемышльскомъ.

65. — 1576 Июля 8. Жалованная грамота Кирилу Терлецкому, на Пинскую епископію.

Стефанъ, Божьею милостью король Польскій, великій князь Литовскій и Рускій, Прускій, Жомойтскій, Мазовецкій и иныхъ. Ознаймуемъ симъ листомъ нашимъ, ижъ што которое владычество Пинское и Туровское первѣй сего держалъ владыка Пинскій и Туровскій отецъ Макарей Евлашевскій; ино, ижъ тотъ Евлашевскій въ сего свѣта змѣлъ, тогда ихъ милость панове рады наши великого князства Литовского, постерегаючи, абы за такимъ зействомъ зъ сего свѣта владыки Пинского, яко старшого пастыря, въ томъ владычествѣ Пинскомъ, также и во всехъ церквахъ до него належачихъ хвала Божая не уставала, але уставичѣ, ни въ чомъ ся не зменшаючи, водлугъ звыклого обычая закону Греческого завжды своимъ порядкомъ отиравана была; и, видѣчи на тую столицу духовную владычества Пинского быти годнымъ чловѣка цнотливого, во всякихъ сравахъ духовныхъ статечного и въ писмѣ научного, протопопа церкви замку нашего Пинского Дмитровского Кирила Семеновича Терлецкого, оное владычество Пинское, во владность и справованье во всехъ церквахъ къ нему належачихъ, также имѣнья, фольварки и села, такъ въ Пинску и въ Туровъ, яко и въ иныхъ парафіяхъ до того владычества прислухающихъ, со всеми пожитки того владычества Пинского и Туров-

ского, зъ мѣстцъ своихъ сенаторскихъ въ мощь, владность и уживанье верхуменованому Кирилу Семеновичу подали и злецили: на што ихъ милость и листъ свой ему давши до митрополита Кіевского, Галицкаго и всея Руси куръ Іоны, абы его зъ владности духовенства своего на столицу владычества Пинского и Туровского, по звыклому обычаю, водлугъ обряду закону Греческого постановилъ и совершилъ, его отослалъ, и листъ свой о томъ до него писали; гдыжъ отецъ митрополитъ, за листомъ ихъ милости пановъ радъ, того протопопа замку Пинского Дмитровского Кирила Семеновича, въ писмѣ святомъ добръ научоного и во всехъ поступкахъ и сравахъ духовныхъ чловѣка статечного, достаточнѣ досвѣтчивши, зъ владности владу духовенства своего, водлѣ звыклого обычая закону Греческого на владычество Пинское и Туровское совершилъ и поставилъ. За чимъ Кирило Семеновичъ владность справованья всякихъ рѣчей духовныхъ въ мощь своей маючи, и внемлящихъ добръ и пожитковъ къ владычеству Пинскому и Туровскому належачихъ (ажъ до щастливого прѣхання нашего на тые панства, корону Польскую и великое князство Литовское) уживаючи, билъ намъ чоломъ, абыхмо водлугъ листу ихъ милости пановъ радъ нашихъ великого князства Литовского, его при ономъ владычествѣ Пинскомъ и Туровскомъ до живота его зоставивши, то ему листомъ нашимъ подтвердили. А такъ, кдыжъ за зействомъ владыки Пинского и Туровского Макарія Евлашевского, ихъ милость панове рады тое мѣстцо ему указали, на которое и отъ митрополита, яко отъ старшого въ духовенствѣ, водлугъ закону Греческого постановленъ и совершенъ есть: тогда мы господарь въ томъ рѣчь слушную бачучи, зъ ласки наше господарской, оное владычество Пинское и Туровское при немъ до живота его зоставуемъ, и то ему симъ листомъ нашимъ подтверждаемъ. Маetz впродъ реченый Кирило

Семеновичъ Терлецкій, владыка Пинскій и Туровскій, тотъ владъ духовный владычества Пинского и Туровского въ мощь и завѣданью своемъ мѣти: особъ духовныхъ, до которыхъ бы церкви въ томъ владычествѣ потреба оказывала, ставити, и вшеляко въ владычеству его належаче уживати, и того, абы во всехъ церквахъ оного владычества Пинского и Туровского набоженство во всякихъ сравахъ духовныхъ и богомольство за насъ господаря со вшелякою учтивостью водлѣ звычаю закону Греческого отправовано было, пилъ постерегати; также фольварковъ, селъ и иныхъ всехъ пожитковъ къ владычеству Пинскому и Туровскому съ давнихъ часовъ належачихъ, такъ въ Пинску и въ Туровъ, яко во вшелякихъ иныхъ парафіяхъ на владыку Пинского здавна прислухающихъ уживати, до живота своего, во всемъ по тому яко за продковъ нашихъ королей Польскихъ и великихъ князей Литовскихъ, первіе владыки Пинскіе держали и уживали. И на то есмы Кирилу Семеновичу Терлецкому, владыцѣ Пинскому и Туровскому, дали сесъ нашъ листъ съ подписомъ руки наше господарской, до которого на твердость и печать нашу приложити есмы велѣли. Писанъ у Варшавѣ, лѣта Божьего нароженія 1576, мѣсяца Июля 8 дня. — Подпись руки господарской.

Изъ Литовской Метрики (Запис. кн. LXIII, л. 5-7.), хранящейся при Правительствующемъ Сенатѣ, въ С. Петербургѣ. Въ заглавіи грамоты опмѣнено: Листъ Кирилу Терлецкому на владычество Пинское.

66. — 1576 Июля 8. Окружная грамота короля Стефана Литовскимъ раднымъ панамъ, сановникамъ, дворянству и рыцарству, съ увѣреніемъ, что онъ будучи избранъ Литовскимъ государемъ и при-

нявъ присягу отъ нихъ на вѣрность подданства, № 66. далъ и съ своей стороны клятву, охранять естъ стародавныя ихъ права и защищать границы княжества отъ непріятелей, и съ приглашеніемъ ихъ на Торунскій сеймъ.

Стефанъ, Божьею милостью король Польскій и великій князь Литовскій, Рускій, Прускій, Жомойтскій, Мазовецкій и иныхъ, воеводѣ Виленскому, канцлеру великого князства Литовского, старостѣ Мозырскому, Лидскому и Борисовскому, пану Николаю Радивилу, княжати на Дубинкахъ и Биржахъ, также княземъ, паномъ маршалкамъ, старостамъ, державцамъ, вриадникомъ земскимъ и дворнымъ, и всему рыцарству, обывателемъ воеводства Виленского, земль и повѣтовъ къ нему належачихъ, всемъ воецѣ и каждому зособна, ознаймуемъ и къ вѣдомости приводимъ. Ижъ што ваша милость, панове рады наши духовные и свѣткіе, а вси станы рыцарство великого князства Литовского, зъ съвѣду Метибоговского присылали до насъ братью свою, и некоторыхъ ихъ милость пановъ радъ нашихъ и пановъ урядниковъ земскихъ и дворныхъ, также со всехъ земль, воеводствъ и повѣтовъ великого князства Литовского, . . . часу елекции и корунации наше (*) ублизилъ; а ижъ есмы послы наши до ваше милости всехъ становъ великого князства Литовского на зъвѣдъ Метибоговскій посылали, упоминаючи и ласкавостью добротливости наше до згоды приводячи, ижъбы таковое розрозненье, для доброго и пожиточного рѣчи посполитовъ, и для задержанья въ цѣлости тыхъ панствъ, коруны Польской и великого князства Литовского къ згодѣ и братскому поровнанью приведши, на панованье наше у великомъ князствѣ Литовскомъ зволили. Въ чомъ ваша милость, панове рады и вси станы, будучи народъ вольный и цнотливый, яко въ

(*) Въ орг. Метр. здѣсь замѣтенъ пропускъ.

№ 66. кождыхъ иныхъ, такъ и въ той справѣ розсудности и доброго баченія уживаючи, и цѣлостъ захованія рѣчи посполитой постеригаючи, въ милости своеѣ къ персонѣ маестату нашего, на панованье нашу у великомъ князствѣ Литовскомъ умыслъ свой склонивши, черезъ тыхъ же пановъ пословъ своихъ того си домовляли и потребовали, ижъ быхмо то, што ся народови великого князства Литовского убдижило, обваровавши, захованье правъ, вольностей и свободъ великого князства Литовского присягою нашою утвердили. Въ чемъ мы повинность нашу господарскую знаючи, а таковую жъ хуть и склонность, которую вси ваша милость панове рады и иные станы великого князства Литовского вдячи въ намъ и милѣ къ особѣ маестату нашего оказали, со вшелякою ласкавостію приѣмучи, рады есмы тому, и воимугъ згодливости пановъ пословъ зволнвши, яко на тое все, до чого повинности наша была, приприсоединили, такъ и тогда, когда намъ въ особы нашего роду, особливими маніями нашими обваровали и утвердили; а што о на тотъ часъ сойму великого вального отправить и скончити немогло, то есмы на сеймъ великій вальный близко пришедшій отложили (чого всего пренисы съ канцлерын наше великого князства Литовского, хто бы того потребовалъ, выдавать есмы рассказали, и то до земель, воеводствъ и повѣтовъ великого князства Литовского розсудано будетъ). А когда есмы тому всему што намъ належало досыть учинили, тогда ихъ милость панове послове, за мѣною и здеценіемъ отъ всихъ становъ имъ данымъ, именемъ своимъ и именемъ вашей милости пановъ радъ, братьи своеѣ, на вѣрное подданство присягу намъ вдѣлали, и то все зверхности нашой отдали, што належало персонѣ и маестату нашому къ владѣ и справованію рѣчи посполитой. И мы похваливши имя вшехощного пана Бога, который такъ великіе справы къ згодѣ зносити рачитъ, таковое змоцненіе поприся-

женіемъ тоѣ все справы вашей милости ознаймуемъ: и ваша бы милость, панове рады наши и вси станы обыватели великого князства Литовского, о томъ вѣдаючи (кгдажъ вжо вшелякіе справы околѣ шастливому панованія нашего достаточнѣ ся кончили и дошли), всякіе справы, врядомъ вашей милости сенаторскимъ, также врядомъ гродскимъ и земскимъ повѣтовымъ належныѣ, подъ зверхностью и титуломъ нашимъ господарскимъ рядили и справовали; и справы судовые водлѣ обычаю права посполитого и статуту великого князства Литовского отпраовали. А ижъ намъ панове послове прекладаючи немалые небезпеченства того панства великого князства Литовского, обороны потребовали; тогда яко есмы особу маестату нашего, со всимъ што намишого мѣти могли, до тыхъ панствъ вынесли, такъ и къ обороны и задержанію цѣлести ихъ, не токмо маестности, але и здоровья нашего господарского, на тоѣ потребовали, а также, литовати небузаси. И тогда за поспѣшненіемъ обороны, въ корунъ Польской рѣхъ ухващенной и постановленной, и въ всемъ доброй и безпечности коруны Польской и великого князства Литовского со всимъ усилованіемъ нашимъ обмысливаемъ, а ижъ быкии рады безпечность и цѣлостъ великого князства Литовского задержали; тогда, теперь же, яко замки пограничныѣ опатрити, такъ и людьми служебными границы зъ власти нашой господарской осмотрѣти и посылити есмы велѣли; а до великого князя Московского, ознаймуочи ему панованье наше, и то, чимъ покой застановленъ съ нимъ держати хочемъ, а кровопролитія въ хрестіанствѣ не ждеамъ, писали есмы и посланцы наши до него посылаемъ. Вѣдь же, до чого бы оны мѣти хотѣли, тогда мы маючи вѣдомость съ той стороны, не омишкаемъ особю нашою къ поратованію и вшелякимъ потребамъ до того панства прибыти. Якожъ для того и для иныхъ всихъ потребъ рѣчи посполитой належачихъ,

а не менши, поважаючи потреби и жаданья народу великого князства Литовского, въ тыхъ артыкулѣхъ, которые ся теперь безъ сойму вального скончити не могли, также и для постановенія поради обороны, умысли есмы съемъ вальный мѣти, на день святого Михайла, въ Торуню. Кгдажъ съ Торуня такъ далеко до Вильна, яко до Варшавы, догжаючи тому, ижъ быхмо ся тамъ, гдѣ того потреба укажетъ, поспѣшити не омишкали: для того и соймки повѣтовые, передъ соймомъ великимъ вальнымъ, передъ святымъ Михайломъ за чотыри недѣли, то есть, мѣсяца Сентября 1-го дня складаемъ; на которыхъ соймкахъ въ повѣтѣхъ вси станы, яко о тыхъ справахъ и артыкулѣхъ, о чемъ есте до насъ черезъ послы свои всказывали и што есте до сойму великого вального отложено, такъ и о томъ, што черезъ посла нашего на соймкѣ повѣтовой отъ насъ будетъ подано, яко о всихъ посполитыхъ, такъ и каждой земли въ воеводствахъ и повѣтѣхъ особныхъ потребѣхъ и доггмостяхъ намовивши, послы отправили; которые (прикладомъ, яко ся въ Польшѣ, въ Корчынѣ и въ Колѣ соймки головные бывають) до Волковыйска зѣхавши и съ собою порозумѣвши, ижъбы отъ томъ прибытьемъ своимъ на съемъ великій вальный не омишквали. А ижъ тежъ по постановенію сойму Любельского, при уніи, постановлены и депутованы певные особы для поправы статуту: про то, што ся колвекъ поправило и еще до сойму вального поправити можетъ, абы на тотъ же съемъ было принесено, яко бы ся тому постановенію досыть стало, кгда жъ то и въ артыкулѣхъ короля Генрика черезъ насъ поприсяжонныхъ есте доложено. Писанъ у Варшавѣ, лѣта Божьяго нароженія 1576, мѣсяца Іюля 8 дня.

Изъ Литовской Метрики (Запис. кн. LX, л. 2-3.), хранящейся при Правительствующемъ Сенатѣ, въ С. Петербургѣ. Въ заглавіи акта отмычено. Листъ соймовый до Торуня.

67. — 1576 Іюля 25. Окружная королевская грамота Литовскимъ воеводамъ и старостамъ, о готовности къ войнѣ съ Московскимъ царемъ.

Стефанъ, Божьею милостью король Польскій и великій князь Литовскій, Рускій, Прускій, Жомойтскій, Мазовецкій, Лифлянтскій, княже Седмигродское и иныхъ, столицу нашому великого князства Литовского князю Александру Пронскому. Тыхъ часовъ писалъ до насъ каштелянъ и староста Мстиславскій князь Иванъ Соломерецкій, маючи вѣдомость зъ заграничья, ижъ великій князь Московскій войска свои збираетъ, и даетъ вѣдати, якобы тотъ сусѣдъ нашъ чинитъ то не въ добрый умыслъ къ панствамъ нашимъ. Ино, ачъ есмы звычайемъ всихъ господарей хрестіанскихъ, и яко было за предковъ нашихъ заховывано, послали до него зъ листы посланниковъ нашихъ, не хотѣчи зъ стороны нашеѣ на кровопролитіе въ хрестіанствѣ причины дати, ознаймуочи ему о панованіи нашоѣ и склонности ко всему доброму хрестіанскому, якожъ рассказали есмы по всимъ замкомъ нашимъ укравшимъ, абы зъ стороны нашеѣ къ панствамъ и подданнымъ великого князя Московского спокойнѣ заховывалися, безъ всякоѣ зачѣпки: лечъ, ажъ перемирье вѣорзъ выйдеть, остерегаючися, абы безъ вѣсти до панствъ нашихъ вторгнувши, якожъ шкоды (чого Боже ухитай!) не учинилъ; и ачъ постановленіе околѣ войны сойму вальному належитъ: вѣдь же видѣлося то намъ, такіе вѣсти ознаймивши вашей милости, ласкавымъ желаніемъ нашимъ господарскимъ напомянути (якожъ о то ждеамъ), абы есте прикладомъ предковъ вашихъ и своимъ, яко есте ся завжды за рѣчь посполитую ставляли, показуючи вѣру противку паномъ своимъ (и прикладомъ обывателей коронныхъ, братьи нашеѣ, которые въ Краковѣ на шастливой коронации нашой позволили на рушеніе, гдѣ бы съ которой стороны небезпечность на рѣчь посполи-

№ 68. тую приходила), и, до таковой ж хути прихилившись, абы готовность военную съ хути и милости своей къ рѣчи посполитой способляли, каждый водѣ доброго баченья и уваженья своего отпираючи и боронячи квалту припалого на отчизны ваши. А о насъ того певны будьте, ижъ мы не омѣшкаемъ прибыти къ каждому поратованью того панства, и показати то готовы будемо, што намъ належитъ, зъ милости къ рѣчи посполитой и ко всимъ вѣрнымъ подданнымъ нашимъ. Писанъ у Княгини, лѣта Божьего нароченья 1576, мѣсяца Іюля 25 дня. — «Лаврынь Война, подскарбій земскій и писарь».

Изъ Литовской Метрики (Запис. кн. LIX, л. 1), хранящейся въ Сенатскомъ архивѣ, въ С. Петербургѣ. Въ заглавіи акта отпечено: Листъ о готовности на войну. Таковыхъ листовъ послано всихъ 15. При семъ актѣ (ibid. л. 5) приложена импная Роспись ротмистровъ гусарскихъ и казаковъ, съ означеніемъ всей конницы въ числѣ двухъ тысячъ человекъ.

68. — 1576 въ Августѣ. Уставная грамота Литовскимъ старостамъ и державцамъ, о денежномъ сборѣ съ жителей во всѣхъ городахъ, мѣстечкахъ и волостяхъ приписанныхъ къ королевскимъ столовымъ имѣніямъ, для возобновленія украинскихъ замковъ въ Литвѣ и охраненія тамошнихъ границъ.

Стефанъ, Божьею милостью король Польскій и великій князь Литовскій, Рускій, Прускій, Жомойтскій, Мазовецкій и иныхъ, каштеляну земли Полоцкой, старостѣ Лепельскому пану Юрью Зеновьевичу, а въ небытности его милости самого у Лепли, ино подстаростѣ его тамошнему, также войту, бурмистромъ, радцомъ, и всимъ подданнымъ нашимъ господарскимъ, мѣщаномъ и волочаномъ и иного всякого стану людямъ въ староствѣ Лепельскомъ, всимъ вообще и каждому зособна ознаймуемъ, ижъ мы господарь, обмысливаяючи всякіе потребности земскіе панства нашего

великого князства Литовского, а меновитъ обезпеченіе границъ и опатрованіе замковъ нашихъ украинскихъ, обачили есмо то, ижъ для тыхъ всихъ рѣчей и розныхъ припадковъ способности въ скарбѣ нашомъ земскомъ великого князства Литовского есть потреба. Про то, съ порадю и наморами пановъ радъ нашихъ ихъ милости, и прикладомъ тымъ, яко недавнихъ часовъ, на соймѣ корунацыи наше полатокъ съ добръ и подданныхъ нашихъ въ корунѣ Польской есть постановленъ, — тымъ же обычаемъ постановляемъ на всихъ подданныхъ господарскихъ у великомъ князствѣ Литовскомъ таковыи жъ податокъ, яко часу уніи коруны Польской зъ великимъ князствомъ Литовскимъ, на соймѣ Любелскомъ, въ року 1569 постановленъ былъ. Напервѣй, ижъ вси подданные наши господарскіе замковъ, дворовъ, мѣстъ, волостей и селъ нашихъ, яко до столу нашего господарского вольнѣлежащихъ, также и заставою кому — кодьвекъ заведенныхъ, которые — кодьвекъ кгрунты и земли наши держатъ, зъ волокъ, такъ давно, яко и на воляхъ ново осылыхъ (на которыхъ воли чотыри годы вжо высѣдали), также войты и бояре путные, и тежъ кухары и дворные машталеры, стрѣльцы, осочники, псарцы, мысливцы, бортники и иные вси реместники и слуги наши, якимъ — кодьвекъ именемъ названные (только выимуючи тыхъ, которые при дворѣ нашомъ теперь въ службѣ нашей общной суть), мають дати съ каждой волоки и зъ службы по 20 грошей польскихъ, а отъ морга застынкового по 5 пѣнезей бѣлыхъ. Огородники, которые только на огородахъ сѣдять, по 2 грошы польскихъ, а тые огородники, которые къ огородамъ земли мають, по 3 грошы польскихъ; а гдѣ волокъ и служобъ нѣтъ, тамъ мають дати съ трехъ дымовъ по 20 грошей польскихъ. Перекупки и перекупни сельскіе мають дати по 6 грошей польскихъ. Реместники всякіе сельскіе отъ ремесла своего по 2 грошы польскихъ. Рыболове въ мѣстахъ,

мѣстечкахъ и на селахъ нашихъ господарскихъ мѣшкаючіе по 8 грошей польскихъ; а которые земли наши подъ собою держатъ, особно зъ нихъ по тому, яко уверху описано, платити мають. Къ тому съ корчомъ дорочныхъ по 16 грошей польскихъ, а съ земли также особливо платити мають; отъ паленья горѣлки по 12 грошей польскихъ, а шинкары отъ шинкованья горѣлки, такъ въ мѣстахъ и мѣстечкахъ, яко и на селахъ нашихъ, по 6 грошей польскихъ; корчмиты уставичные отъ шинкованья пива привозного до року по 8 грошей польскихъ. Зъ млыновъ нашихъ отъ каждого кола валного и отъ фолюша на тотъ часъ мають дати по 20 и по 4 грошы польскихъ, а зъ млыновъ дорочныхъ отъ каждого кола якого — кодьвекъ по 20 грошей польскихъ.

Къ тому, особливо, въ мѣстахъ и мѣстечкахъ нашихъ господарскихъ подданные наши, всякого стану, податки нижеи описанные дати мають, прикладомъ того яко въ корунѣ Польской, двои, то есть: въ мѣстахъ упривилеванныхъ повинны дати отъ домовъ рыноковыхъ, съ каждого дому по 16 грошей польскихъ, отъ уличныхъ домовъ съ каждого по 8 грошей польскихъ, на предмѣстьяхъ отъ дому по 4 грошы польскихъ; а въ мѣстахъ и мѣстечкахъ малыхъ не упривилеванныхъ винны дати, отъ домовъ рыноковыхъ, съ каждого дому по 4 грошы польскихъ, отъ уличныхъ домовъ съ каждого дому по 2 грошы польскихъ, а зъ недзныхъ халупъ по грошу одному; вѣдь же хто при домѣ огородъ мѣти будетъ, ино зъ огорода особно дати маеть по грошу одному.

Жидове вси въ мѣстахъ, мѣстечкахъ и по селахъ нашихъ господарскихъ мѣшкаючіе мають дати отъ себе съ каждой головы по 20 и по 4 грошы польскихъ. Шотове, которые рѣчи своѣ къ продаванью на собѣ носятъ, а въ мѣстахъ и мѣстечкахъ нашихъ перемѣшкають, платити мають по 20 и по 4 грошы польскихъ, а которые товары своѣ возятъ коньми, мають дати отъ каждого коня по 40 и

по 8 грошей польскихъ. Реместники всякіе въ мѣстахъ головныхъ мѣшкаючіе мають дати по 8 грошей польскихъ; а въ мѣстахъ и мѣстечкахъ не упривилеванныхъ по 4 грошы польскихъ: вѣдь же только тые реместники то платити мають, которые до шотового не прикладаются. Шыпрове тые, которые на перекупъ збожье скупають и спускають до Кгланьска и до Кролевца, мають дати отъ каждого лашту по 5 грошей польскихъ, а то подъ присягою передъ урядомъ учиненою платити мають.

Также люди лезные, то есть, гольтяи, мужичныи и невѣсты, которые на службу дорочную не наймуются, мають дати каждый зъ особы своеѣ по 20 грошей польскихъ; которыхъ людей лезныхъ, ижъбы се отъ того податку не укрывали, въ каждомъ мѣстѣ и мѣстечку нашомъ врьдъ мѣстскій подъ присягою досмотрѣти маеть. Якожъ отъ тыхъ всихъ податковъ, вверху меновитъ описанныхъ, ни хто съ подданныхъ нашихъ боронитися не маеть жадными вольностями, выимуючи только тыхъ, которые бы погорѣли, або не вышло бы вольностямъ ихъ лѣтъ чотырехъ: але которымъ вольности лѣтъ чотыри вышло, и иные вси безъ кождыхъ вымовъ платити ихъ мають. А для выбиранья тыхъ всихъ податковъ вверху меновитъ описанныхъ, такъ зъ мѣстъ головныхъ упривилеванныхъ, яко тежъ зъ волостей и селъ нашихъ господарскихъ, врьдъ нашъ тамошній замковый, або дворный, посполъ зъ урядомъ мѣстскимъ, поборцовъ въ каждомъ воеводствѣ, староствѣ и державѣ по двѣ особы, людей добрыхъ, вѣры годныхъ и умѣлыхъ отъ себе обрати и постановити маеть: которые поборцы, за вѣдомостью подскарбьего земского великого князства Литовского, писаря нашего, старосты Пиньского, державцы Олитского и Квасовского пана Лаврына Войны, науку во всемъ достаточную отъ него зъ скарбу нашего на то беручи, тые вси податки съ подданныхъ нашихъ, всякого стану, такъ

№ 68. яко вверху описано, безъ всякого омѣшканья и сложенства выбирати и до скарбу земского великого князства Литовского въ цѣлости и справедливѣ отдать, и личбу съ того всего подѣ присѣгою учинити мають, конечнѣ, на день святого Мартина, въ року теперешнемъ 76, подѣ виною совитого тыхъ податковъ плаченья.

Къ тому, тежъ особливо, во всехъ мѣстахъ и мѣстечкахъ нашихъ, чоповое отъ всякого питья давати и платити мають, тымъ порядкомъ: наперелъ, отъ полкуфка вина 40 и 8 грошей польскихъ; отъ дрелинка, фодра и пол-фодра, шапуючи на барыль, по 20 грошей польскихъ; отъ барила мальвазеи, мушкагелю и вина Волоского по 16 грошей польскихъ; отъ барила меду простого 4 грошы польскихъ, а отъ барила кестранку и малиянику по 6 грошей польскихъ; отъ бочки великоѣ, шапуючи на барыль, чоповое также платити мають отъ барила по 6 грошей; чоповое отъ пива способомъ звыклымъ плачено маеть быти, яко гдѣ зъ стародавна постановлено, отъ бочокъ, або отъ варовъ; отъ пива, которое съ чужихъ земель возятъ, то есть, отъ Кгданьского, Врацлавского, Свидницкого и отъ иныхъ, по 8 грошей польскихъ. Къ тому, ижъ въ разныхъ мѣстахъ и мѣстечкахъ нашихъ мѣры бочокъ медовыхъ и пивныхъ не суть поровнаны: про то тамъ вездѣ, въ мѣстахъ и мѣстечкахъ нашихъ, мають давати, вмѣсто чопового, отъ солянки солоду по 2 грошы польскихъ, а отъ мѣдницы меду прѣсного по 4 грошы; а всякое чоповое наймовано быти маеть, и ни хто, всякого стану, жадными вольностями отъ него щититися не можетъ, але вси одинако въ мѣстахъ, мѣстечкахъ и на селахъ нашихъ платити повинны. А тое чоповое отъ всякихъ трунковъ, и помѣрное отъ бочокъ солоду и отъ мѣдницъ меду сычногого, яко вышней описано, початися и плачено быти маеть отъ свята нароженья Панны Маріи, въ року 77 пришломъ. Который вышъ — помененый пода-

токъ чоповый выбиратъ и до скарбу земского великого князства Литовского отдавъ быти маеть также черезъ поборцовъ нашихъ замковыхъ або дворныхъ, и отъ врьдовъ мѣстскихъ (яко вышней описано), на то обраныхъ и постановленыхъ; которые поборцы тое чоповое спѣшнѣ и справедливѣ черезъ цѣлый годъ выбирати, и пѣнези тые што ихъ зберуть, при собѣ не задерживаючи, до скарбу земского на каждую четверть року отдавати мають; а потомъ, по сконченю року назначеного, то есть, на день свята нароженья Панны Маріи въ року 77, остатокъ пѣнезей до скарбу земского великого князства Литовского отдать, и личбу того скутечную, также присѣгу на томъ, ижъ все справедливѣ, подлугъ сего постановленья нашего выбирати и до скарбу нашего сполна отдали, учинити будутъ повинны.

И твоя бы милость, пане Полоцкій, а въ небытности его милости самого у Леплѣ, ино тобѣ, подстаросто тамошній, также и вамъ всимъ радѣ мѣстской приказуемъ, ажбы есте о томъ вѣдаючи, тые вси податки вышней меновиты описанные со всехъ подданныхъ нашихъ господарскихъ, всякого стану, безъ всякоѣ проволоки, спѣшнѣ и справедливѣ выбирати и до скарбу земского великого князства Литовского въ цѣлости отдавали, справуючи и заховуючи ся въ томъ всемъ подлугъ сего листу и розказанья нашего господарского, а иначе не чинячи, конечнѣ. Писанъ у Варшавѣ, лѣта Божьего нароженья 1576, мѣсяца Августа . . . дня.

Изъ Литовской Метрики (Запис. кн. LX, л. 5—8), хранящейся при Правительствующемъ Сенатѣ, въ С. Петербургѣ. Въ заглавіи грамоты отмічено: Листъ писанный до каштеляна земли Полоцкоѣ пана Юрья Зеновьевича, такъ и до всехъ радець и подданныхъ господарскихъ староства Лепельского, абы податки всякіе отъ всякихъ рѣчій выбиралъ.

69. — 1576 Августа 30. Окружная королевская грамота, о готовности къ походу, по случаю ожидаемаго вторженія Русскихъ въ Литовскія границы, и о назначеніи Виленскаго воеводу Николая Радивила великимъ гетманомъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, княже Седмиградское и иныхъ. Княземъ, паномъ воеводамъ, каштеляномъ, врьдникомъ земскимъ и стола и двора нашего, и тежъ въ земляхъ и повѣтахъ великого князства Литовского на врьдѣхъ, и всемъ обывателямъ стану шляхетского, хто-колле къ войнѣ зъ имѣнья и вызванья шляхетского належитъ, ознаймуемъ, ижъ, такъ яко есмы взяли вѣдомо, штожъ непріятель звыклый великого князства Литовского, князь великій Московскій, убезпечивши насъ листомъ своимъ о захованьѣ покою, ажъ бы послове межъ насъ сходили, и, втягнувши въ землю Лифлянтскую, къ посѣданью, ее пустошитъ и вже къ границамъ великого князства Литовского зъ войски приближается: чому забѣгаючи и ознаймуемъ, листы наши писати есмы казали, жадаючи, абы, яко къ квалтовному припадку, къ отпертью непріятелю, каждый зъ хути и зъ милости своеѣ къ рѣчи посполитой, для насъ господаря, и боронячи отчизны и славы народу своего, поспѣшили и на одно мѣстцо до войска збиралися. А ижъ до такового собранья, есть потреба певноѣ парсоны, къ справованью надъ всемъ войскомъ порядку: про то ужъ есмы жеданьемъ нашимъ королевскимъ воеводу Виленского, канцлера великого князства Литовского, старосту Ошменского и Лидского, пана Миколая Юрьевича Радивила, абы тую працу и владность гетманства великого въ той потребѣ и небезпечности рѣчи посполитой на себе принялъ. Што всемъ къ вѣдомости приводимъ, и хотимъ мѣти, абы ваша милость панове рады наши зго-

№ 69. — 70. жалися во всемъ съ паномъ воеводою Виленскимъ, и вси станы, до войска собранные, подѣ справою его милости будучи, послушенство ему, яко гетману великому належное чинили, а въ службѣ нашей и рѣчи посполитой охотѣ и поспѣшнѣ заховали бы ся есте: што съ вѣдчностью отъ вашеѣ милости пановъ радѣ, и зъ ласкою нашею господарскою отъ всехъ становъ пріймовати и памятовати хотимъ. Писанъ въ обоѣхъ у латерни, лѣта Божьего нароженья 1576, мѣсяца Августа 30 дня.

Подлинникъ писанъ на листѣ. Въ концѣ грамоты своеручная королевская подпись: Stephanus Rex, и скръпя: Венцлавъ Агрияпа, писарь. Печать Литовскаго княжества подѣ кустодією. Хранится въ Императорской Публичной Библиотецѣ.

70. — 1576 Сентября 9. Грамота подтвердительная Кіевскаго воеводы князя Константина Острожскаго Золотоверхо-Михайловскому монастырю, на владѣніе Юрьевскою землею, съ описью ея границы.

Костентинъ княжа Острожское, воевода Кіевскій, маршалокъ земли Волынской, староста Володимирскій. Ознаймуемъ симъ листомъ нашимъ, ижъ што которая земля, прозываемая Юрьевская, есть отъ колько — десять лѣтъ надана на монастырь святого Архистратига Михаила церкви Золотоверхой въ Кіевѣ; на которую землю листъ нашъ игуменъ того монастыря мѣлъ, и подтверженье короля его милости Жикгимонта Августа у себя мають; а ижъ листъ нашъ, давый игумену и чернцомъ того монастыря, часу повѣтрія, кгда игуменъ умеръ, яко то въ повѣтрее бываетъ, згинулъ: и блѣ намъ чоломъ игуменъ и вси черницы монастыря святого Михаила церкви Золотоверхой, абысмы знову имъ листъ нашъ на то дали. Мы тогды маючи оный листъ нашъ на памяти, и взявши певную вѣдомость оной земли границы, наданья и užívанья ихъ, — которые границы такъ се въ собѣ мають: почонши отъ дороги Белоцерковскоѣ,

№ 71. на низъ рѣчкою Шварновкою въ рѣчку Юрьевку, а зъ Юрьевки въ долину глубокую, тою долиною живцомъ до дороги Запольскоѣ, а дорогою до Веты рѣчки, на низъ Ветою до рѣчки Юрьевки, — и теперѣ ихъ при той земли, водѣ наданья и potvrжденья короля его милости заставляемъ; которѣ земли мають игуменъ и вси чернцы, мѣшкаючи въ томъ монастыри, къ тому монастырю спокойнѣ уживати. На што и листъ нашъ, съ подписомъ руки нашей и подъ печатью нашею, игумену и всимъ чернцомъ монастыря святого Михаила церкви Золотоверхѣ даемъ. Писанъ въ Жытомерю, на соймаку Кіевскомъ, дня 9 мѣсяца Сентября, року 1576.

Подлинникъ писанъ на листъ, современною скорописью, безъ строчныхъ знаменъ. Литосчисленіе церковными буквами. Внизу грамоты своею рукою воеводская подпись, почеркомъ крючковаго, и гербовая печать, съ круговою надписью, въ двухъ рядахъ: Constantinus. Constantino. . . d. g. dux. Ostrog . . ., вытиснутая на красновосковой массѣ. Вет. л.

Изъ архива Кіевской Казенной Палаты.

71. — 1576 Сентября 23. Жалованная грамота дворянину Ильѣ Кучѣ, на преемство Кіевской митрополіи по кончинѣ Іоны.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, княже Седмиградское и иныхъ, ознаимуюмъ симъ нашимъ листомъ. Билъ намъ чоломъ дворянинъ нашъ Ильѣ Якимовичъ Куча, и указывалъ передъ нами листъ архіепископа митрополита Кіевского и Галицкаго и всея Руси куръ Іоны, подъ печатью его и съ подписомъ руки его властно ему даный, о томъ, ижъ будучи онъ вже въ лѣтѣхъ зшлый и не могучи службѣ Божой, водѣ повинности закону своего Греческаго, въ рѣчахъ тому вряду и поволанью его духовному належачихъ досыть

чинити, а знаючи его до того быти годнымъ, тое достоинство архіепископство Кіевское и Галицкое и всея Руси ему спустилъ, оставивши собѣ старшинство на томъ достоинствѣ въ справахъ духовныхъ до живота своего: для чого жъ тотъ дворянинъ нашъ Ильѣ Куча билъ намъ чоломъ, абыхмо на то зволнвши, тое достоинство митрополію Кіевскую и Галицкую ему дали и при томъ его оставили, о чомъ же и нѣкоторые панове рада наши ихъ милость, у причинѣ за нимъ, насъ жадали. А такъ, кгдажъ митрополитъ теперешній Іона, самъ, добровольнѣ, тое достоинство свое на него влилъ и то за живота своего ему спустилъ: мы зъ ласки нашея господарскоѣ, на жадање и причину пановъ радъ нашихъ и на чоломбитье ихъ то учинили, тотъ врьдъ духовный, митрополію Кіевскую, Галицкую и всея Руси тому Ильѣ Якимовичу Кучѣ дали есмы и симъ листомъ нашимъ даемъ, и на то его прекладаемъ. Маеъ онъ, водѣ постановленья и умовы зъ митрополитомъ Іоною въ томъ учиненоѣ, теперѣ, при животѣ его, тотъ врьдъ справовати, а по смерти его, вжо за симъ теперешнимъ листомъ нашимъ, тую митрополію, со всякою владностью и съ пожитками здавна и теперѣ къ тому митрополіеству належачими, на себе держати и уживати, и хвалу Божую розмножати, и за насъ господаря Бога просити, и въ повинности вряду того справовати ся и заховывати, водѣ звычайу стародавнаго закону Греческаго, и по тому яко иньшіе архіепископы митрополиты Кіевскіе передъ тымъ и теперѣ справовали ся и заховали. И на то дали есмы ему сесь нашъ листъ, съ подписомъ властно руки нашея, до котораго и печать нашу приложити казали. Писанъ въ Малборку, лѣта Божьего нароченья 1576, мѣсяца Сентября 23 дня. — Подпись руки господарскоѣ. — «Андрѣй Ивановичъ, писарь.»

Изъ Литовской Метрики (Запис. кн. LVIII, л. 71), хранящейся при Правительствующемъ Сенатѣ, въ С. Петербургѣ. Въ заглавіи грамоты

отмѣчено: Привилей Ильѣ Якимовичу Кучѣ на митрополію. Въ концѣ ея приписка слѣдующая: О томъ же листѣ господарскій до хоружаго Волковыйскаго Пукшты, абы помевеннаго Кучу въ тую митрополію, скоро по зействію теперешняго митрополита Іоны увязалъ, подъ тоюже датою, у Малборку, Сентября 23 дня. Скрыта также.

72. — 1576 Ноября 17. Наказная королевская грамота Кіевскому воеводѣ князю Константину Острожскому и его намѣстникамъ, о непорушеніи стародавнихъ правъ, дарованныхъ Кіевскимъ мѣщанамъ.

Стефанъ, Божьею милостью король Польскій, великій князь Литовскій, Рускій, Прускій, Мазовецкій, Жомойтскій, Кіевскій, Волыньскій, Подляскій, Ифлянтскій панъ, и княжа Седмиградское, велможному князю Константину Острожскому, воеводѣ Кіевскому, маршалку земли Волыньскоѣ, старостѣ нашо-му Володимерскому, упріймъ намъ милому, ласка наша королевская; а въ небытности велможности его на тотъ часъ въ Кіевѣ, намѣстнику его Кіевскому, и напотомъ будучимъ воеводамъ Кіевскимъ и справцамъ отъ насъ того воеводства, и ихъ намѣстникомъ. Жаловали нашъ войтъ, бурмистръ, радцы и вси мѣстчани мѣста нашего Кіевского о томъ, ижъ дей здавна передъ тымъ мѣщаномъ Кіевскимъ, яко слугамъ нашимъ тамошняго замку, которые на службу нашу военную противъ непріятеля нашего ѣзды, навезки каждому мѣщанину тамошнему по пяти копъ грошей Литовскихъ суживано и сказывано было, окромъ тыхъ што войны не служатъ; а надъ то, особливо, старшимъ мѣщаномъ, которые бывають на врьды мѣстскіе обираны и прекладаны (а хотя бы коли и на врьдѣхъ съ таковыхъ не былъ, але вжо на то обранъ, або водѣ звычайу у правѣ ихъ мѣстскомъ перемѣненъ былъ), тогда такъ же и таковому, хто бы и перемѣнъ урядникомъ въ мѣстѣ бывалъ, навезки, яко шляхтичу, водѣ статуту земского

и обычаю иныхъ мѣстъ нашихъ головныхъ, № 72. упривилеванныхъ, сужово быти маеъ. Къ тому тежъ жаловали, ижъ дей которые купцы съ товары своими съ панствъ нашихъ, такъ съ короны Польскоѣ яко и великаго княства Литовскаго тамъ до Кіева пріѣзжчаютъ, которыхъ они здавна, за наданьемъ продковъ нашихъ, подъ присудомъ своимъ мѣтали и о всякіе рѣчи ихъ на ратушу суживали: на што и листъ славноѣ памяти Александра великаго князя Литовскаго передъ нами показывали, въ которомъ описуетъ, ижъ всихъ купцовъ, которые одно тамъ до Кіева пріѣзжчаютъ, подалъ въ мощъ войту Кіевскому, подъ право Майтборское, ижъ ихъ никто иный, одно войтъ, бурмистръ и радцы Кіевскіе на ратушу судити мають. Также, которые гости и купцы зъ иныхъ земель и тежъ зъ мѣстъ нашихъ тамъ до Кіева пріѣзжчаютъ, такъ хрестьяны яко и жидове, здавна межи ними на клѣткахъ не сѣживали, и на локоть и фунтъ и золотникъ не продавали. А особливо повѣдили намъ, ижъ дей отъ давныхъ часовъ, водѣ вольности имъ отъ продковъ . . . наданѣ, мѣли вольный вѣздъ въ пуши наши и тежъ биекупскіе, князскіе, панскіе и землянскіе за пять миль, для бранья дерева на будованье и на дрова, только . . . шаючи дерева бортнаго. Ино дей . . . водлугъ давнаго звычайу и правѣ ихъ заховати не хочете, а тымъ мѣщаномъ . . . тамошнимъ тоѣ навезки, яко слугамъ нашимъ замковымъ, по пяти копъ грошей, а старшимъ . . ., которые на врьдѣхъ мѣстскихъ суть, або въ тыхъ урядѣхъ передъ тымъ бывали, шляхетскоѣ навезки судити не . . . Также купцовъ, которые съ товарми своими съ панствъ нашихъ короны Польскоѣ и великаго княства Литовскаго тамъ до Кіева пріѣзжчаютъ, подъ присудъ свой замковый подбиваете и на замку ихъ о всякіе рѣчи судити кажете; тежъ гостемъ и купцомъ пріѣзжчимъ зъ иныхъ земель и мѣстъ нашихъ, такъ хрестьяномъ яко и жи-

№ 73. домъ, межи ними на клѣткахъ сѣдѣть и на локоть и фунтъ и золотникъ продавать позволяете; такъ тежъ въ пушахъ нашихъ Кіевскихъ дерева на будованье и на дрова брати забороняете; также князи, панове и шляхта того вѣзду до пушъ, водлѣ стародавнего звычаю, за пять миль отъ Кіева, не допускають, и за то имъ грабежи и шкоды чинятъ: въ чомъ ся имъ великая кривда и шкода зъ уближеньемъ правъ и вольностей ихъ надъ стародавний звычай ихъ дѣетъ. Для чого били намъ чоломъ, абыхмо имъ въ томъ таковой кривды и шкоды зъ уближеньемъ правъ и вольностей ихъ, надъ стародавний звычай ихъ, чинити не допускали, и въ томъ ихъ водлѣ давнего звычаю и правъ ихъ заховати розказали. А такъ, ижъ есмо всимъ одинако права и вольности ховати поприсѣгнули, не хотѣчи того въ панствахъ нашихъ видѣти, абы хто съ подданныхъ нашихъ, надъ право и вольности своѣ, якое уближенье, кривду и шкоду поносити мѣлъ, хочемъ мѣти по вашей велможности, княже воевода Кіевскій, а въ небытности велможности его на тотъ часть въ Кіевъ, намѣстнику его Кіевскому, и напотомъ будучимъ воеводамъ Кіевскимъ и справцомъ отъ насъ того воеводства, и ихъ намѣстникомъ приказуемы конечно, то мѣти хотѣчи, абы есте таковымъ мѣщаномъ нашимъ Кіевскимъ, которые службу нашу земскую военную противъ непріятеля нашего конемъ служатъ, яко слугамъ того замку нашего Кіевского, навезки по пяти копѣ грошей судили; а тымъ старшимъ, которые бы на вяды мѣстскіе обираны, и не только на тыхъ урядѣхъ бывали, але тежъ, хто бы передъ тымъ зъ нихъ въ урядѣ бывши перемѣненъ и зъ уряду такового зложенъ былъ: тымъ всимъ навезку шляхетскую водлѣ статуту земского абы есте судили; такъ тежъ людей купцовъ прѣвжчихъ, которые тамъ съ товары своими до Кіева прѣвжчаютъ, подъ присудъ замковый не подобивали и ихъ на замку не судили; и тежъ гостямъ прѣвжчимъ,

такъ хрестьяномъ яко и жидомъ, на клѣткахъ посполъ зъ ними сѣдѣти и на локоть и на фунтъ и золотникъ продавати не позволяли и не допускали, къ кривдѣ и шкодѣ ихъ; а особливо, абы есте имъ того вѣзду до пушъ нашихъ и князьскихъ и панскихъ и землянскихъ и духовныхъ, за нять миль отъ Кіева, и зъ нихъ дерева на будованье и на дрова имъ брати не боронили, и во всемъ вольно водлугъ стародавнего звычаю допускали, а отъ иныхъ князей, пановъ, шляхты и духовныхъ въ томъ имъ оборону чинили, и грабежовъ некоторыхъ имъ въ томъ чинити не казали и никому чинити не допускали, и во всемъ ся къ нимъ водлѣ стародавнего обычаю, правъ и вольностей ихъ, отъ предковъ нашихъ наданныхъ и отъ насъ подтвержонныхъ заховали, такъ, яко бы они ни въ чомъ надъ права и вольности своѣ утисненя, кривды и шкоды не терпѣли, и намъ повторѣ о то жаловати причины не мѣли и для ласки наше, иначе того чинити бы есте не смѣли. Данъ въ Торуню, на соймъ вальномъ коронномъ, дня 17 Ноября мѣсяца, року 1576, а королеванья нашего року первшого.

Подлинникъ писанъ на большомъ бумажномъ листѣ, мѣлкою, но четкою скорописью. Въ концѣ грамоты собственноручная королевская подпись: Stephanus Rex. Ниже скръпи: Joachim Wysocki, pisarz. Печать коронная подъ кустодією. Ветха.

Изъ архива Кіевской Городской Думы.

73. — 1576 Ноября 23. Грамота королевская Витебскому воеводѣ Станиславу Пацу, съ изъясненіемъ благодарности тамошней шляхтѣ за возобновленіе въ замкѣ укрѣплений, и съ подтвержденіемъ, не обращать впредъ такового дѣла имъ въ повинность.

Стефанъ, Божьею милостью король Польскій и великій князь Литовскій, Русскій, Прускій, Жомойтскій, Мазовецкій и иныхъ, воеводѣ Витебскому, державцу Суражскому, пану Станиславу Миколаевичу Пацу, и инымъ по-

томъ будучимъ воеводамъ Витебскимъ. Присылали до насъ господаря, на съемъ вальный Торуньскій, князи и вядники земскіе и вся шляхта повѣту Витебского съ посродку себе братью свою, князя Юрья Соколинского, подкоморого Оедора Данильевича, хоружого Ивана Оедоровича и хоружича Богдана Пашницкого, оповѣдаючи, штожъ тыхъ минулыхъ часовъ, кгда продохъ нашъ, король его милость славной памяти Жикгимонтъ Августъ съ непріателемъ своимъ великимъ княземъ Московскимъ валку велъ, тогда дей тотъ непріатель, великій князь Московскій не однокротъ войска своѣ великіе подъ замокъ Витебскій присылалъ, хотѣчи его сбурити; а они, яко вѣрные подданные его королевской милости, ховаючи вѣру пану своему, и заставляючися статечнѣ противку тому непріателю, а бачачи то, ижъ тотъ замокъ велми опалъ и показился, и, porozумѣвшися съ твоею милостью воеводою своимъ, также и сами межи собою намовившися, забудовали того замку часть немалую, на самыхъ шанцахъ и приступѣ непріательскомъ, отъ рѣки Двины, межи вѣжами новозабудованными Устенскою и Пречистенскою; и, докончивши тую роботу свою, били намъ чоломъ, абыхмо то имъ листомъ нашимъ обзаровали, ижъбы то имъ и потомкомъ ихъ въ повинность и въ пошину не шло. Якожъ твоя милость даючи намъ того певную справу, листъ свой за ними до насъ писалъ, ижъ они то за намовою твоей милости, также и сами зволнвшися, по доброй воли своей, не будучи повинны къ работѣ, тую часть замку коштомъ и накладомъ своимъ властнымъ забудовали, для вѣры и прислуги свое, и для навалности, часу пріистыа непріательского варючи небезпечность свою. Чому есмо яко съ писанья твоей милости, такъ и съ повѣсти тыхъ пословъ брати ихъ врозумѣвши, и зъ ласкою нашею господарскою то отъ нихъ принявши, симъ листомъ нашимъ вардемъ дѣлъ, ижъ тое забудованье замку теперешнего имъ самымъ и по-

томкомъ ихъ впередъ николи въ повинность и въ пошину ити не маеть. Для чого твоей милости самому и потомъ будучимъ воеводамъ приказуемъ, абы есте о томъ вѣдаючи, до таковой работы николи ихъ не принуждали и трудности некоторыхъ въ томъ имъ не задавали: кгдажъ они до таковой работы замковой николи неповинны, одно на тотъ часть, съ потребы пильной и квалтовной, сами, добровольнѣ часть того замку Витебского заробили. Писанъ у Торуню, лѣта Божого нароженя 1576, мѣсяца Ноября 23 дня. — Подписъ руки господарской.

Изъ Литовской Метрики (Запис. кн. LX, л. 22—23), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ господарскій, ижъ шляхтѣ Витебской не маеть ничего вольности шкодити, што они робили замокъ часу небезпечного.

74. — 1576 Ноября 25. Грамота королевская Полоцкому воеводѣ Николаю Дорогостайскому, о печиненіи управы въ предѣлахъ Витебскаго воеводства.

Стефанъ, Божьею милостью король Польскій, великій князь Литовскій, Русскій, Прускій, Жомойтскій, Мазовецкій и иныхъ, воеводѣ Полоцкому, старостѣ Волковыйскому и Лепельскому, державцу Велюньскому и Шерешовскому, тивуну Кгондынскому, пану Миколаю Дорогостайскому. Присылали до насъ господаря, на съемъ теперешній Торуньскій, воевода Витебскій панъ Станиславъ Пацъ, также вядники земскіе и вся шляхта повѣту Витебского, ознаймуючи намъ, ижъ дей нѣтъ вѣдома, въ который способъ выносятъ до нихъ съ канцлерей наше листы вядники и шляхта воеводства Полоцкого, къ нарушенью заграниченья повѣту Витебского, которое дей постановлено и листы продка нашего, славной памяти короля Жикгимонта Августа на соймѣ великомъ вальномъ ознаймено и описано, то есть: рѣкою Оболью внизъ въ Двину рѣку, Двиною

№ 75. у верхъ по рѣку Кривину, а Кривиною у верхъ, займучи Вятцо, по границу князей Лукомскихъ. Которое постановление и зезовленіе короля его милости, съ паны радами и со всимъ рыцерствомъ на соймъ вчиненое, на листѣхъ продка нашего передъ нами они оказывали, просячи и напоминаючи насъ господаря, абыхмо того варушивати не поступили: яко и панове рада великого князства Литовского, будучи се-здѣ при насъ господари, дали намъ около того певную справу и вѣдомость, ижѣ не только воеводство Витебское съ Полоцкимъ, але и все великое князство Литовское, на томъ вальномъ соймѣ, околомъ росписанья повѣтовъ и воеводствъ въ новый порядокъ приведено, и такъ постановлено, абы яко къ справедливости людской суды кгородскіе и земскіе въ повѣтѣхъ были засажоны, такъ и каждому стану, гдѣ бы найближей, въ повѣтъ позывати и судитися быти могло. Мы вырозумѣвши яко зъ листовъ продка нашего небожчика, короля его милости зомлого, на тое заграниченіе выданныхъ, такъ на справу и вѣдомость ихъ милости пановъ радъ, и тежѣ не могучи ни въ чомъ порядку и постановенія продка нашего рушити, але во всемъ заховываючи то при моцы, приказуемъ и хочемъ то мѣти, абы твоя милость, надъ тое постановеніе соймовое и заграниченіе, въ повѣтъ воеводства Витебского, по рѣку Оболю, и по рѣку Кривину, и по границу князей Лукомскихъ, водлѣ первшого постановенія и росписанья границъ, ничимъ ся не вступовалъ, и намѣстнику своему Лепельскому черезъ тые границы вступоватися не казалъ, позвовъ и листовъ и возныхъ зъ воеводства Полоцкого тамъ николи не всымалъ, и ни до которыхъ повинностей шляхты тамошнее, которые за тыми границами имѣнья свои мають, не приужалъ: бо, естли быхъ мы тое заграниченіе межи воеводства Полоцкимъ и Витебскимъ взрушили, тогда бы и вси воеводства и повѣты въ великомъ князствѣ Литовскомъ мусили

ся порушити: чого быхмо нерады видѣли, абы таковыя справы, которые въ порадное постановеніе пришли, мѣли зася рушоны быти. Писанъ у Торуню, лѣта Божьего нароченья 1576, мѣсяца Ноября 25 дня. — Подпись руки господарскоѣ. «Андрей Ивановичъ, писарь.»

Изъ Литовской Метрики (Запис. кн. LX, л. 25—26), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Листъ до пана Миколая Дорогостайского, воеводы Полоцкого, абы ся не вступовалъ за границы повѣту Витебского.

75. — 1576 Декабря 15. Жалованная грамота Теофану — Богдану Рпинскому, на Полоцкую архіепископію.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, ознаймуемъ симъ листомъ нашимъ, ижѣ што которое архіепископство владычество Полоцкое, Витебское и Мстиславское первъй сего держалъ архіепископъ владыка Полоцкій, Витебскій и Мстиславскій Варсонофей Валахъ; ино, ижѣ тотъ Варсонофей зъ сего свѣта зшелъ, тогда ихъ милость панове рады наши великого князства Литовского, постерегаючи, абы за такимъ деиствомъ зъ сего свѣта помененого архіепископа владыки Варсонофея Валаха, яко старшого пастыря, въ оной архіепископіи владычествъ Полоцкомъ, Витебскомъ и Мстиславскомъ, также и во всехъ церквахъ до него належачихъ хвала Божая не уставала, але уставичнѣ, ни въ чомъ не зменьшаючи, водлугъ звычайу закону Греческого завжды своимъ порядкомъ отправована была, и видѣчи на тую столицу духовную, архіепископство Полоцкое, Витебское и Мстиславское быти годнымъ чловѣка цнотливого, во всякихъ справахъ духовныхъ статечного и въ писмѣ наученного, землянина нашего повѣту Опшеского, протопопа Марковского Теофана — Бог-

дана Рпинского, тую архіепископію владычество Полоцкое, Витебское и Мстиславское, со всеми монастырями и церквами къ нему належачими, также имѣнья, фольварки, села, во всехъ парафіяхъ до тоѣ архіепископіи владычества прислухаючи, со всеми пожитки тоѣ архіепископіи владычества Полоцкого, Витебского и Мстиславского, зъ мѣстцъ своихъ сенаторскихъ, въ моцъ, владность и уживанье верху — менованому Теоодору Богдану дали и злецыли: на што ихъ милость и листъ свой ему давши до митрополита Кіевского, Галицкого и всея Руси куръ Іоны, абы его зъ владности духовенства своего, на столицу архіепископіи владычества Полоцкого, Витебского и Мстиславского, по звыклому обычаю, водлугъ обряду закону Греческого постановилъ и совершилъ, его отослали; и листъ свой панъ Виленскій, староста Жомойтскій, маршалокъ земскій великого князства Литовского, администраторъ и гетманъ земли Ифлянтскоѣ, староста Ковеньскій и Тельшовскій, панъ Янъ Ходкевичъ, кграбя на Шкловъ и на Мыши, зъ уряду своего маршалковского о томъ до отца митрополита писалъ. Гдыжѣ отецъ митрополитъ, за листомъ пана Виленского, оного Теофана Богдана менованого, въ писмѣ святомъ добръ наученого и во всехъ поступкахъ и справахъ духовныхъ чловѣка статечного, достаточнѣ досвѣтчивши, зъ владности вряду духовенства своего, водлѣ звыклого обычая закону Греческого на тую архіепископію владычество Полоцкое, Витебское и Мстиславское его совершилъ и постановилъ: за чимъ помененый Теофанъ Богданъ владность справованья всякихъ рѣчей духовныхъ въ моцы своей маючи, и добръ и пожитковъ къ тому владычеству Полоцкому, Витебскому и Мстиславскому належачихъ уживаючи, ажъ до шастливого пріѣханья нашего на тые панства, коруну Польскую и великое князство Литовское, билъ намъ чоломъ, абыхмо его при ономъ архіепископствѣ вла-

дычествъ Полоцкомъ, Витебскомъ и Мстиславскомъ до живота его оставивши, то ему листомъ нашимъ утвердили. А такъ, кдыжѣ за зеиствомъ архіепископа владыки Полоцкого Варсонофія Валаха, ихъ милость панове рады тое мѣстцо ему дали и злецыли (на которое и отъ митрополита, яко отъ старшого въ духовенствѣ, водлугъ закону Греческого постановленъ и совершенъ есть); ино мы господарь въ томъ рѣчѣ слушную бачучи, зъ ласки наше господарскоѣ, оную архіепископію владычество Полоцкое, Витебское и Мстиславское, со всеми монастырями и церквами, и зъ имѣньямы, фольварками, селы и людьми и со всякими пожитки, при немъ до живота его заставуемъ, и то ему симъ листомъ нашимъ подтверждаемъ. Маеъ преречоный Теофанъ — Богданъ, архіепископъ владыка Полоцкій, Витебскій и Мстиславскій, тотъ вряду духовный, архіепископство владычество Полоцкое, Витебское и Мстиславское въ моцы, держанью и завѣданью своемъ мѣти; особы духовныя, до которыхъ бы церкви потреба указывала, ставити и всякоѣ влады духовенству его належачоѣ уживати, и того, штобы во всехъ церквахъ тоѣ архіепископіи владычества набоженство во всехъ справахъ духовныхъ и богомольство за насъ господаря со всякою учтивостью водлѣ обычаю закону Греческого отправовано было, нильнѣ постерегати; также монастырей и церквей, имѣней, фольварковъ, селъ, людей и иныхъ всякихъ пожитковъ, къ архіепископіи владычеству Полоцкому и Витебскому зъ давныхъ часовъ належачихъ, во всехъ парафіяхъ на архіепископію Полоцкую, Витебскую и Мстиславскую здавна прислухаючи, держати и уживати, до живота своего, во всемъ по тому яко за предковъ нашихъ, королей Польскихъ и великихъ князей Литовскихъ, первшіе архіепископы владыки Полоцкіе, Витебскіе и Мстиславскіе держали и уживали. И на то дали есмы Теофану — Богдану Рпинскому, архіепископу владыцѣ

№ 76. Полоцкому, Витебскому и Мстиславскому, — 77. сесь нашъ листъ, съ подписомъ руки нашею господарскою, до которого на твердость и печать нашу приложить есмы рассказали. Писанъ у Торуню, лѣта Божьего нароченья 1576, мѣсяца Декабря 15 дня. — Подпись руки господарскою.

Изъ Литовской Метрики (Запис. кн. LXIII, л. 98—99), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Привилей Оеофану Богдану на владычество Полоцкое, Витебское и Мстиславское.

76. — 1576 Декабря 25. Грамота королевская дворному гетману Христофору Радивилу, съ повелѣніемъ отправиться съ Литовскимъ войскомъ въ Ливонію.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, подчашому и гетману нашему дворному великого князства Литовского, старостъ Солецкому и Коконгавзенскому, державцу Жижморскому пану Криштофу Радивилу. Яко перво сего велѣли есмы твоей милости съ людемъ нашимъ служебнымъ, которыхъ подъ справою своею маешь, къ границамъ Инфлянтскимъ тягнута, и за припадкомъ вшелякоу на оную землю небезопасности, порозумѣваючися въ томъ зъ старостою Волмерскимъ и Трыкатскимъ княземъ Александромъ Полубенскимъ, противъ каждому неприятелию за помощью Божью отпоръ чинити; ино, еще для лѣпшого и потужнѣйшого той земли Инфлянтской убѣзпеченья, велѣли есмы пану Виленскому, старостъ Жомойтскому, маршалу земскому великого князства Литовского, администратору и гетману земли Инфлянтскою, старостъ Ковеньскому, пану Яну Ходкевичу, кграбъ на Шкловъ и Мышы, ижъ гдѣ бы того потреба зъ стороны якоу небезопасности указывала, абы тежъ его

милость тамъ до Инфлянтъ прибыти не омѣшкивалъ. А такъ, кгда панъ Виленскій до земли Инфлянтскою прїѣдетъ, а до потребы якоу зъ неприятелиемъ бы пришло, — твоя бы милость съ паномъ Виленскимъ (тамъ, гдѣ бы его милость ознакомили) стягнувшись, и подъ справою его милости, яко гетмана и администратора оной земли Инфлянтскою будучи и съ его милостью порозумѣваючися, съ помощью Божью отпоръ неприятелию чинилъ, и того всего, чего бы къ убѣзпеченью той земли потреба была, зъ звывклоу вѣры и повинности своею постерегалъ. Писанъ у Торуню, лѣта Божьего нароченья 1576, мѣсяца Декабря 25 дня. — Подпись руки господарскою. — «Андрей Ивановичъ, писарь.»

Изъ Литовской Метрики (Запис. кн. LX, л. 35 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Листъ, писанный до гетмана дворного, е. м. пана Криштофа Радивила, о ѣханье до Инфлянтъ.

77. — 1577 Января 28. Жалованная грамота Могилевскимъ мѣщанамъ, на Майдебургское Право, съ предоставленіемъ имъ разныхъ преимуществъ и льготъ въ судебной расправѣ, торговлѣ, ремеслахъ и проч.

Во имя Божье, аминь. Къ вѣчной памяти той рѣчи, которая отходитъ. Ижъ высокій маестатъ княжати не такъ велико съ звывтѣжства, альбо съ выймованья мѣстъ бываетъ подвышонъ, яко съ постановленья правъ и справедливыхъ уставъ: бо справедливость есть всего свѣта мощность и всихъ мѣстъ непарушонный фундаментъ; а всякого порядку налѣпшіе skutki сподѣваються быти добрые, кгда злые и неразумные звывчані, не только праву Божьему, але тежъ праву прироженному къ справованью рожаю людского противныи, бывають . . . (*), и такъ рѣчи бывають постановлены, которые здоровье людское захо-

бывають, которые лѣпшій станъ людемъ приносятъ, которые также каждому то, што слушного и справедливого есть, отдавають: а для того мы господарь Стефанъ, Божью милостью король Польскій, великій князь Литовскій, Рускій, Прускій, Жомойтскій, Мазовецкій, Киевскій, Подляскій, Лифлянтскій, такъ тежъ княжа Седмикгородское, ознакомиуемъ черезъ нынѣшній листъ, которымъ потреба есть, всимъ нынѣшнимъ и прїйдучимъ, вѣдомость писма того маючимъ, ижъ кгда намъ было предложено отъ опатрныхъ мѣщанъ мѣста нашего Могилевского, ижъ велицѣ были обтяжоны въ плаченью винъ и въ тяжкостяхъ нового постановленья отъ тыхъ, которые ими водлугъ часу справовали, то есть, отъ подстарость и отъ иныхъ урядниковъ, отъ которыхъ ся жаднымъ правомъ успомочи, а ни листами, а ни уставами первыми не могли отнять, а ни ся защитити, гдѣ бы не были судомъ права Нѣмецкого успокоены и особливимъ привилеємъ, водлугъ наданья инымъ мѣстомъ и многимъ мѣстечкамъ въ великомъ князьствѣ Литовскомъ. А такъ просили насъ тые мѣщане мѣста нашего Могилевского, своимъ и всего поспольстваименемъ, абытое помѣненное право, которое зовуть Майдебургское, имъ або тому мѣсту ласкаво дати есмы рачили, объцуючи, кгда бы тую рѣчь упростили, не только свой станъ або мѣста оного лѣпшимъ напотомъ учинити, але тежъ и скорбу нашему примноженья пожитковъ; а великое князьство Литовское, мѣстомъ тымъ пограничнымъ (яко ся вжо отъ нихъ почало оправовати), лѣпшій бы обваровано и болшую безпечность противъ каждого неприятелиа оттуль мѣти могло. Тогда жъ то рѣчь есть каждому неволнтливая, ижъ гдѣ мѣщане нищѣють, тамъ тежъ и доходы и пожитки зменьшаются; а гдѣ мѣщаномъ право и доброе справованье справедливости надано и примножено есть, ижъ до та-

кового мѣста люде приходять и въ такомъ мѣстѣ раднѣй мѣшкають, а такое мѣсто тымъ бываетъ оборонѣйшое, и доходы въ немъ ся розмножаютъ. А такъ справедливостью рѣчи, и за прозбами ихъ, такъ тежъ за причинами велможныхъ радъ и вриадниковъ нашихъ, и тежъ зацне-уроженного Александра Ходкевича, старосты нашего Могилевского и Городенского, писмомъ въ той рѣчи до насъ давшимъ будучи есмы приведены, и зъ особливой ласки нашею хотячи станъ и кондыцію ихъ болшую учинити, тое мѣсто наше Могилевское, яко въ своихъ границахъ заложено есть, съ права Литовского на право Нѣмецкое, которое Майдебургскимъ названо, умыслили есмы предложить, якоу черезъ теперешнее имъ писмо прекладаемъ, выймуючи всихъ и каждого зособно, впередъ реченого мѣста нашего Могилевского мѣщанъ, нынѣшнихъ и напотомъ будучихъ, отъ всякоу юрисдикцыи альбо присуду и mocy всихъ и каждого зособно воеводъ, каштеляновъ, державцовъ, старостъ, подстаростовъ, альбо ихъ намѣстниковъ, судей, подсудковъ и иныхъ предложонныхъ и дѣтцкихъ. А подлаючи ихъ праву и суду права Майдебургского, уставляемъ, ижъ на позванье которыхъ — колвекъ персонъ, якоу — колвекъ стану и кондыціи будучихъ, о рѣчи такъ великіе, яко и малые, яко-то: о злодѣйство, о пожару, о мужебойство, о утинанье члонковъ и о иншіе всякіе въступки, кгда бы были позваны, не иначе, одно правомъ и судомъ Нѣмецкимъ будутъ повинны становити ся и отповѣдати. А ни тежъ старосты, або вишые дикгнитарове и вриадники наши напротивку имъ не будутъ мочи сказовати, альбо ихъ винами за то якоу — колвекъ карати: але вси обыватели того мѣста передъ войтомъ, на тотъ часъ будучимъ, во всихъ прѣжречонныхъ и иныхъ справахъ, водлугъ звывчаю права Майдебургского. . . . (*), передъ судомъ вой-

(*) Въ стар. сп. здѣсь пропускъ, а въ Лат. подл. такъ читается: «comparabunt, et de se querentibus responderunt, neque id aliter, quàm jure theutonico, coram officio advocatiali.»

(*) Въ старин. сп. здѣсь пропущено одно реченіе, сохранившееся въ Латин. подл., «abrogantur».

№ 77. товскимъ. А къ тому, войту нашему даемъ и во всехъ криминальныхъ, то есть, кровавыхъ рѣчахъ и иныхъ судахъ поточныхъ суполную мощъ, водлугъ описанья права Майдеборского судити, и сказывати, и карати. Мы тежъ войта, кгда того потреба укажетъ, водлугъ воли наше подаемъ, и потомковъ наши подавати будутъ; якожъ и на тотъ часъ, тое войтовство урожопому Миколаю Ясеньскому, писарю нашему великого князства Литовского и подкоморому Виленскому, до конца живота его даемъ и злецаемъ, тымъ способомъ, абы тотъ писарь нашъ и тое войтовство справовалъ, а на мѣстцу своемъ лент-войта поставити могъ. Обыватели тежъ Могилевскіе, напотомъ, на каждый рокъ чотыри персоны, годныхъ вѣры, которые бы осѣлости свои тамъ же и знаемость права Майдеборского мѣли, обрати и тыхъ войтови нашему показати повинны будутъ; а войтъ къ нимъ пятого, сталой вѣры, которого бы годнѣйшого розумѣлъ быти, на мѣстцу своемъ лент-войтомъ постановити, и присягу отъ него, нимъ ему тотъ урядъ злетитъ, прійметъ. А тымъ обычаемъ на рокъ каждый бурмистры, райцы, альбо лавники и иншіе особы урядовые, зъ обиранья мѣстского, порядкомъ и звычайемъ права Майдеборского, такожъ водлугъ потребности того мѣста, которые бы къ тому годнѣйшіе и пожиточнѣйшіе въ справахъ мѣстскихъ быти ся видѣли, черезъ войта нашего маюти быти постановлены, и sprawy свои и суды водлугъ звычайу и постановленья права Майдеборского справовати маюти; а лент-войтъ зъ бурмистромъ, такъ яко ся вышей помѣнило, обранымъ и постановленнымъ, и съ персонами на то водлугъ права Майдеборского обраными, въ небытности войта, каждого зособно, суду войтовскому належачого, тоужъ мощою, которою тежъ и войтъ, будетъ судити и сказывати. А гды бы которому—колвекъ обывателю того мѣста, альбо кому—колвекъ иншому отъ которого—колвекъ зъ нихъ, на судъ, надъ

право Майдеборское, што было къ кривдѣ удѣлено: тогды, вольно будетъ каждому отъ лент-войта до войта нашего, на тотъ часъ будучого, а отъ войта, естли бы потреба была, до насъ и до потомковъ нашихъ апеллевати: вѣдѣже и на дворъ нашомъ, не иначе, однимъ же правомъ Майдеборскимъ сужоны быти маюти; а инымъ правомъ некоторымъ отказывати и усправлядливати ся неповинны. А ижъбы тое мѣсто нѣякое помножене озаобы мѣло, съ тоужъ ласки наше господарской, надаемъ тому мѣсту печать мѣстскую, то есть, вѣжу мурованую, высоко выведеную, которою врьдъ того мѣста въ судахъ и иныхъ справахъ и потребахъ печатовати, и того гербу уживати маюти вѣчными часы. А што ся дотычетъ доходовъ и пожитковъ, напервѣй нашихъ, якожъ и того мѣста, уставляемъ, ижъ ся такъ заховати маюти: напервѣй, ижъ што державцы и ихъ намѣстники и всякіе урядники въ томъ мѣстѣ великіе тяжкости, кривды, вины, фантованья, дѣцкованья водлугъ воли своею на тыхъ мѣщаныхъ вымышляли и зъ нихъ брати были звыкли; мы тое все прочъ отдаляючи, такъ хочемъ мѣти и черезъ нынѣшнее писмо уставляемъ, абы всякіе таковыя кривды и драпежства въ томъ мѣстѣ перестали, отъ которыхъ обывателей мѣста того всехъ, нынѣшнихъ и напотомъ будучихъ, вольныхъ и вынятыхъ чинимъ, якожъ черезъ нынѣшнее писмо отъ того вызволяемъ и выймуемъ. А што ся дотычетъ винъ судовыхъ, судомъ права Майдеборского въ томъ мѣстѣ осужонныхъ, такъ ховати уставляемъ, яко право мѣстское Нѣмецкое, которое есть названо Майдеборское, въ собѣ маеть: съ которыхъ тыхъ винъ и со всякоу рѣчи осужоноу на насъ и на потомки наши два пѣнези, а третій на войта, на тотъ часъ будучого, маеть приходити; и на тое войтовство надаемъ домъ, и двѣ волоки, лежаціе у стѣнѣ Дубенецкой, отъ всякого податку вольные вѣчными часы. Къ тому допу-
щаемъ тежъ мѣщанъ и обывателей мѣста

Могилевского, дрова и бервенья на потребности домовые добровольнѣ брати и вывозити зъ лѣсовъ и гаевъ нашихъ, на чотыри мили отъ мѣста будучихъ. Тежъ вызволяемъ ихъ отъ подводъ, ижъ державцомъ и ихъ намѣстникомъ не будутъ повинны ихъ давати, а ни тыхъ подводъ державцы, або ихъ врьдники не маюти выправовати, одно лент-войтъ, або бурмистръ, въ часъ потребности нашею и рѣчи посполитовъ, а наибольшъ посланцомъ нашимъ, за особливимъ листомъ нашимъ господарскимъ; тогды вжо на тотъ часъ, и за наукою отъ насъ старость даною, и то за пѣнези, возы и коней на подводы повинны будутъ лавати. Выпусты тежъ около мѣста быдлу своему всякому мѣщане маюти мѣти такъ, ижъ вжо а ни староста, а ни его намѣстникъ николи не будутъ мѣти мочи имъ тыхъ выпустовъ забороняти, або имъ для того якое перенагабанье чинити, и ничего на нихъ за то брати не маюти вѣчными часы. Такъ же тежъ вольное рыбъ ловенье, на звык-
лыхъ мѣстцахъ, гдѣ того и до тыхъ часовъ уживали, будутъ мѣти и уживати. А къ тому важное, або ваги, водлугъ листу короля Жигимонта первшого (который передъ нами покладали), яко здавна на пожитокъ мѣстскій належали, такъ тежъ и нынѣ имъ уступаемъ, . . . (*), накладомъ своимъ, подлугъ давного звычайу, держати и ховати маюти. Къ тому тежъ солодовники, яко до того часу вольные мѣли, такъ же и напотомъ завжды вольные жъ мѣти будутъ. Къ тому тежъ крамницы и коморы для складанья рѣчей и товаровъ, такъ тежъ и ятки мясные, пострыгалию, дрягилное, лазню мѣстскую, на пожитокъ того мѣста, яко отъ врьду мѣстского будетъ постановлено, тому мѣсту надаемъ. Къ

тому тежъ домъ гостинный, для людей прїѣзжихъ купецкихъ збудованный, подъ право и присудъ мѣстскій прилучаемъ и придаемъ: вѣдѣже пожитки наши и старость нашихъ, которые отъ людей купецкихъ прїѣзжихъ первѣй даваны были по давному обычаю, въ цѣлости, на насъ и на потомки наши, и тежъ на старосты наши отдаваны быти маюти . . . (**). Къ тому вси пожитки и доходы, тому мѣсту Могилевскому здавна належачіе, которыхъ они до сихъ часовъ уживаюти, тые вси пожитки и доходы нынѣшнимъ привилеемъ имъ даемъ и утвержаемъ: маюти они тыхъ всехъ пожитковъ, такъ тыхъ, которые въ томъ часѣ были . . . (***) къ ратушу, на пожитокъ мѣстскій, уживати на вси на потомные часы. А за то обыватели мѣста Могилевского тое мѣсто, яко могутъ, на лѣпшую безпечность обваровати маюти; ратушъ, тежъ и школу христїанскую збудовати и фундовати маюти; и такожъ повинны будутъ, по звыклости, на улицахъ мѣстскихъ, гдѣ бы колвекъ потреба того была, дороги мостити и оправовати, и тежъ иншіе послуги и роботы, такъ зъ стороны направованья, яко тежъ сторожи замковоу и мѣстскоу, а звлаша каждого часу безпечности, повинны будутъ, по звыклости своей, полнити и поднимати. Уставляемъ тежъ, и то мѣти хочемъ, абы вси люди князскіе, паискіе, духовныхъ и свѣтцкихъ становъ, яко тежъ иныхъ людей шляхетцкихъ, которые—колвекъ въ томъ мѣстѣ нашомъ Могилевскомъ осѣлости свои маюти, яко тежъ и тые, которые на предмѣстїи мѣшкаюти, и которые тежъ або купечествомъ ся обыхло-
дятъ, або ремесла, або торговъ мѣстскихъ уживаюти, гды податокъ якіи на тое мѣсто ухваленъ будетъ (окромъ тыхъ, которые бы

(*) Этотъ пропускъ дополняется изъ подл. «concedimus, sub eadem conditione, quod, scilicet, illi sumptu suo, custodes arcis et bombardarum magistros» и т. д.

(**) Там. ita, ut debent.

(***) Там. «tam eos (proventus), specialiter expressos, quàm et illos, quorum in usu et pacifica possessione antea et hactenus fuerunt, eisque ad praetorium illorum et in usum praedictae civitatis» и т. д.

№ 78. особливими листы нашими отъ того вызволены были). оный заровно зъ мѣщанами тамошними платити, также до оправы и обороны замку и мѣста, водлугъ давного звычаю и звыклой повинности, повинны будутъ завжды . . . (*), безъ всякого спротивленія и вымовки. А цынши съ кгрунтовъ къ мѣсту приписанныхъ, такъ тежъ капцизны и иные доходы, до скарбу нашего належачіе, въ каждый рокъ, водлугъ давныхъ уставы ревизорскоѣ, звыклымъ обычаемъ полнити и платити будутъ; а серебризны, гды на другіе мѣста наши въ великомъ князствѣ уложены будутъ, . . . (**). А наъ то, ачъ—колвекъ вже недѣльные торги, водлугъ давного постановленія продковъ нашихъ, въ томъ мѣстѣ Могилевскомъ суть установлены: вѣдъже и мы, хотѣчи того мѣста нашего мѣщаномъ и обывателемъ гойнѣйшую ласку показати, и пожитки ихъ розмножити, и кондицію ихъ, яко ся вышей помѣнило, мѣпшую оказати, постановили есмо въ томъ мѣстѣ нашомъ два ярмарки годовые, то есть, одинъ на свято святого Ильи, а другій на свято святого Стефана; а недѣльный торгъ у пятницу на каждый тыждень постановили есмо и постановляемъ, даючи моцъ и вольность помѣненные ярмарки годовые и торги недѣльные тымъ людямъ часовъ описанныхъ мѣти и отправовати. А всимъ, якогжъ колвекъ стану людямъ купецкимъ, фурманомъ, откуль—колвекъ до того мѣста нашего зъ якими жъ колвекъ товары и рѣчьми продажными прѣзжати будутъ, складать, продавать, замѣнять, и на тые торги, отдавши цла звыклые, вольно прѣзхати, и зъ нихъ безнечно отъѣхати, окромъ такихъ людей, которые бы тамъ прѣзхавши и допустивши ся якого злочинства, такового права и вольности уживати и товариства межи людей добрыхъ мѣти год-

ны не были. А па твердость и на яснѣйшее свѣдѣтельство тыхъ всихъ рѣчей вышей описанныхъ, дали есмо тому мѣсту нашому Могилевскому сесь привилей, до которого печать нашу великого князства Литовского привѣсити есмо казали и руку нашу господарскую подписали есмо. Данъ у Быдлгощи, дня 28 мѣсяца Генваря, року Божьего нароженія 1577, а панованія нашего року первого, при бытности велебного въ Бозѣ отца Петра Дунина-Бѣлского, бискупа Премышлского, канцлера корунного; и тежъ при бытности вельможного Петра Зборовского, воеводы и старосты Краковского; пана Остаея Воловича, каштеляна Троцкого, великого князства Литовского подканцлерого, старосты Берестейского и Кобринского; Яна съ Теньчина, каштеляна Войницкого, подкоморого нашего; Андрея Опалинского, найвышшого маршалка; Яна Замойского, подканцлерого корунного, старосты Белзского и Кнышинского, и при бытности иныхъ врядниковъ нашихъ, вѣрнѣ намъ милыхъ. — «Stephanus Rex.» — «Остаея Воловича, панъ Троцкій, подканцлерый вел. княз. Лит.»

Изъ рукописнаго Сборника грамотъ жалованныхъ городу Могилеву (писан. въ л., въ XVI и XVII в.), хранящагося въ Могилевской Семинарской библиотекѣ. Подлинникъ сей привилея, писанный на Латинскомъ языкѣ, на большомъ пергаменномъ листѣ, съ изображеніемъ городского герба, находится въ архивѣ тамошняго городского Магистрата. См. Бѣлор. Арх. др. грамотъ, I, 27 — 39. Они помѣщена на Латинскомъ же языкѣ и въ манускриптахъ Литовской Метрики. Запис. кн. LXII, л. 52 — 56.

78. — 1577 въ Январѣ. Окружная королевская грамота Литовскимъ погра-

(*) Там. «ferre ac exequi.»

(**) «Ipsi etiam nobis et successoribus nostris dabunt et exsolvent.»

ничнымъ воеводамъ, старостамъ и державцамъ, о воспрещеніи порубежнымъ жителямъ чинить своевольные наѣзды и грабежи въ предѣлахъ Московскаго государства.

Стефанъ, Божьею милостью король Польскій, великій князь Литовскій, Рускій, Прускій и проч., державецъ Дрисскому пану Яну Лопотю. Ознаймуемъ тобъ, ижъ на тотъ часъ, зъ ласки Божьей, съ королевою еѣ милостью панею малжонкою нашою есмы въ добромъ здоровьи. При томъ вѣдати тобъ даемъ, ижъ посланцы наши отъ великого князя Московского пришли, черезъ которыхъ писалъ до насъ, заховываючи покой межи панствы, до того часу, поколь черезъ послы намовы стати ся могутъ, якожъ и клеить на послы наши великіе прислалъ: за чимъ мы, постерегаючи всего того што съ стороны нашей къ доброму хрестіянскому належитъ, умыслили есмы, за порождою пановъ радъ нашихъ, пословъ отъ насъ до него отправить, которые къ остатнимъ днямъ мѣсяца Февраля и къ границамъ (мамы за то) быти могутъ. Про то, абы еси о томъ вѣдаючи, зъ воеводами и зъ горододержавцы великого князства Литовского, прилежными къ державѣ твоей Дрисской, ся обособлялъ, даючи имъ вѣдомость, ижъ мы потомужъ (яко и великій князь съ стороны своей покой захвати вѣлѣлъ) рассказали покой захвати по всимъ украиннымъ городомъ и волостемъ его; а подданнымъ нашимъ абы еси грозно рассказали, жебы ся не смѣли важити зачѣнокъ жадныхъ военныхъ, а ни вторгненія въ земли его потаемнымъ обычаемъ чинити: кгдажъ того потреба есть въ каждомъ сусѣдствѣ стеречи и ховати, што бываетъ общано. Чого бы еси зъ великою пыльностью постерегалъ, и своеволеньства жадного надъ сее роказанье наше чинити не допускалъ, и овшемъ своевольныхъ кожлымъ обычаемъ повстагалъ отъ збытковъ и своеволеньствъ. А што бы къ тобъ доходило съ стороны великого князя Мо-

сковского, абы намъ вѣдати давалъ. Писанъ № 79. у Быдлгощи (*Datum ne дописано*).

Изъ Литовской Метрики (Запис. кн. LX, л. 51 об.), хранящейся въ Сенатскомъ архивѣ, въ С. Петербургѣ. Въ заглавіи акта отмѣчено: Листъ до державцы Дрисского, о покой съ в. кн. Московскимъ. Ниже: таковыя жъ листы писаны до воеводъ и старостъ украинскихъ тыхъ: до каштеляна Полоцкого, до каштеляна Мстиславского, до воеводы Витебского, до державцы Воронницкого, до старосты Оршаньского, до старосты Гомейского, до державцы Ульского, до державцы Черчерского, до державцы Рогачевского.

79. — 1577 Марта 29. Жалованная грамота Жмудьскаго старосты Яна Ходкевича Сасину Калѣчицкому, о предоставленіи ему православнаго Маренинскаго монастыря въ пожизненное управление, съ отчинами, угодьями и доходами.

Янъ Ходкевичъ, кграбя на Шкловѣ и Мышы, панъ Виленскій, староста Жомойтскій, ознаймуемъ и чинимъ явно симъ нашимъ листомъ, ижъ што вглянувши мы въ testamentъ славной памяти княжати его милости Богуша Корецкого, воеводы Волынского, знашли есмо, штожъ его милость напередъ насъ онекуна жадаетъ, а потомъ и сына своего тымъ обовязуетъ, абысмы пи въ чомъ монастыровъ и церковей закону Греческого, отъ его милости наданныхъ и уфундованныхъ, не нарушали, и во всемъ, такъ яко его милость ихъ постановилъ, заховывали; а ижъ по смерти архимандрита, въ имѣнни княжати его милости, монастыря Марениньского отца Григорія, маючи мы доброе свѣдѣтельство отъ розныхъ особъ о прикладномъ и побожномъ животѣ и о доброй науцѣ въ вѣрѣ того закону Греческого, также и о учѣтивомъ захованью пана философа Сасина Калѣчицкого, дали есмо ему и симъ листомъ нашимъ даемъ тотъ монастырь Марениньскій, со всеми его властностями и належающими, яко ся самъ въ собѣ маеть, и

№ 80 — 81. яко оный первые архимандритове, отецъ Игнатей и отецъ Григорей держали, яко — то на особливомъ реестрѣ вси доходы и пожитки, той церкви Божьей монастырю Маренинскому приналежаціе; списаны и отъ насъ ему суть поданы. Маеъ онъ тотъ монастырь держати, и въ немъ ся добръ и пристойнѣ заховывати и рядити, водлугъ пристойности своее, а за потомки княжати его милости воеводы Волинского пана Бога просити, беручи вси пожитки на себе и ихъ уживаючи, до живота своего. И на то есмо ему дали сесь нашъ листь, зъ нашою печатью и съ подписомъ властныхъ руки наше. Писанъ въ Корпу, року 77, мѣсяца Марта 29 дня.

Изъ рукописи, подъ заглавіемъ: *Metryki i. m. Iana Chodkiewicza, hrabiego na Szklowie u Myszy, starosty Zmoyskiego, marszałka ziemskiego w. x. Lit. et cat.* (стр. 260), пис. *in fol.*, между 1573—1580 г. — Подарена Археографической Коммисіи отъ г. Министра Народнаго Просвѣщенія, графа С. С. Уварова.

80. — 1577 въ Апрѣль. Листвъ короля Стефана Константинопольскому патриарху Іереміи, съ просьбою объ утвержденіи новизбраннаго владыку Ілію Кучу въ санъ Кіевскаго митрополита.

Отъ Стефана Божьею милостью король Польского и великого князя Литовского, Руского, Пруского, Жомойтского, Мазовецкого, Инфлянтского, княжати Седмигородского и иныхъ, велебному, въ Бозѣ освѣщенному патриарху Царегородскому. Ознаймуемъ достоинству вашему, ижъ въ панствахъ нашихъ великого князства Литовского въ животь не стало митрополита Кіевского и Галицкого и всеа Руси; на которое мѣсто и достоинство залечонъ намъ есть отъ стану закону Греческого на то годный, смиренный владыка Ілія Куча.

Што кгда у вѣдомость вамъ за симъ листомъ нашимъ прійдетъ, абы есте вѣдаючи, ижъ отъ насъ господаря есть наданъ и преложонъ на тое достоинство, оного Ілію Кучу на митрополью Кіевскую и Галицкую и всея Руси по закону вашему благословили, къ службѣ церкви святой хрестіанской и къ наученью и справованью всего, достоинству и владови тому належного: за чимъ вѣдчность звыкшую отъ насъ, яко и отъ предковъ нашихъ, относити будете. При чомъ вамъ каждого благословенства зъ ласки Божой ждаемъ. Писанъ у Вроцлавку, лѣта Божого нароженья 1577, мѣсяца Апрѣля . . . (*) дня.

Изъ Литовской Метрики (Запис. кн. LX, л. 72 об.), хранящейся при Правительствующемъ Сенатѣ, въ С. Петербургѣ. Въ заглавіи акта отмычено: Листвъ митрополиту Ілію Кучѣ, до патриарха Царегородского даный.

81. — 1577 Мая 1. Окружная королевская грамота Литовскимъ раднымъ панамъ, о необходимости скорѣйшаго сбора ратныхъ людей и денегъ, по случаю предстоящей войны съ Московскимъ царемъ и Крымскимъ ханомъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, князю Николаю Пацу, бискупу Виленскому. Такъ яко есмо до твоей милости писали, около зложенія соймиковъ въ воеводствахъ и повѣтѣхъ въ Польши и великомъ князствѣ Литовскомъ: одно, ижъ съ певныхъ причинъ листы наши до великого князства Литовского такъ борзо не суть высланы; за чимъ се отравили соймики въ великой и малой Польши, въ воеводствахъ и повѣтахъ, а головные въ Колѣ и въ Корчынь. Што къ вѣдомости ознаймити намъ здало ся милости твоей, ижъ

ухиливши на сторону посполитое рушенъе, постановили людьми служебными тую войну противъ Кгданчанъ и Татаровъ отпраовати, и для того поборъ по всей коронѣ Польской, водлугъ того яко на соймѣ Любельскомъ року 69-го былъ постановленъ, дати позволили, и которымъ тежъ обычаемъ тотъ податокъ маеъ быти выбранъ. Тогда тое постановенъе головного соймику Корчынского въ Новомъ Мѣстѣ казавши переписать, до твоей милости для вырозумѣнья послати есмо велѣли, съ подписаньемъ руки писарскою. А тымъ же обычаемъ оборону зъ воеводствъ Великого Польши на головномъ соймику въ Колѣ постановили. А ижъ тежъ есмо напомяны о томъ, ижъбы и у великомъ князствѣ Литовскомъ зъ соймиками не омышкивалися, яко бы въ спольной рѣчи посполитой розностью поношенъе тежаровъ роздвоенъе не значилося, росказали есмо яко о неомышканъѣ листы выслати, такъ и тое постановенъе въ Польшѣ вчиненое посломъ нашимъ, на тые соймики посланымъ, вашей милости паномъ радамъ нашимъ и инымъ станомъ и рыцерству преложити поручили. А твоей милости, яко радъ нашой, впредѣ то ознаймуемъ, ижъбы вѣдомость маючи такового постановенъя въ Польшѣ, до того тежъ радю своею на соймику повѣтовомъ и головномъ у Волковыйску будучи приводилъ, яко бы тая потреба рѣчи посполитой згоднѣ и одинако отпраована была: кгдажъ въ спольной рѣчи посполитой съдечи, всимъ краемъ панствъ тыхъ одинако обороны и убезпеченья потреба, звлаща, ижъ зъ великимъ княземъ Московскимъ ничого певного не есть постановлено, ачъ — кольвекъ есмо до него пословъ нашихъ отправили, але съ чимъ и яко ся борзо до насъ вернуть, певности нѣтъ; къ тому и отъ Татаръ вторгненъя обавлятися потреба. Што большому и роостропному уваженью и баченью твоей милости пуцаемъ, розумючи то о твоей милости, ижъ для милости рѣчи посполитой и ласки наше, въ то угрожати и

чинити будешъ, што бы было съ добрымъ а № 82 — 81. пожиточнымъ рѣчи посполитой и зъ славою нашою королевскою. Писанъ у Мальборку, лѣта Божьего нароженья 1577, мѣсяца Мая 1 дня. — Подпись руки господарскою.

Изъ Литовской Метрики (Запис. кн. LX, л. 98 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: И другій листвъ таковой же до пановъ радъ (т. е. посланъ).

82. — 1577 Юня 14. Грамота королевская Литовскимъ раднымъ панамъ, въ коей извѣщая ихъ о прекращеніи возникшаго въ Данцигѣ мятежа, требуетъ принять дѣятельнѣйшія мѣры къ оборонѣ Ливоніи.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, и иныхъ, князю Валеріану, зъ ласки Божее бискупу Виленскому; воеводу Виленскому, канцлеру великого князства Литовского, старостѣ Ошменскому и Лидскому пану Николаю Юрьевичу Радивилу; пану Виленскому, старостѣ Жомойтскому, маршалку земскому великого князства Литовского, администратору и гетману земли Инфлянтскою, старостѣ Ковенскому пану Яну Яронимовичу Ходкевичу, кграбъ на Шкловъ и Мышы, и тежъ княземъ, паномъ маршалкомъ, вранникомъ нашимъ земскимъ и дворнымъ, старостамъ, державцамъ и всему рыцерству, которые ослости своѣ въ повѣтѣхъ мають, а на тотъ часъ на соймикъ; отъ насъ на день 22-й юня мѣсяца зложонный собранымъ. Его милость панъ Виленскій не однокротъ писалъ до насъ, о чомъ тежъ и княже Курлянтское, и князь Полубенскій, и каштеляны и паны старостове наши земли Инфлянтскою дають намъ вѣдати о собранью немаломъ войска великого князя Московского до Пскова. А потомъ и панъ подскарбій земскій писалъ до насъ, ижъ писаръ нашъ польный Инфлянтскій Войтехъ Стабровскій зъ Инфлянтъ на подво-

(*) Въ ориг. Метр. здѣсь пробѣлъ.

№ 82. дахъ прибѣгъ, даючи певнѣ о томъ знати, ижъ вжо и самъ князь Московскій зъ сынами своими до Пскова прѣхалъ. И ачъ—кольбекъ слухъ тотъ есть, ижъбы тые силы свои мѣлъ оборочати подъ Ревель: але первая перестрога учинена, ижъ тое войско на посѣданье и опанованье тоъ земли Инфлянскоѣ замковъ нашихъ есть собрано, кгдажъ не однокротъ вже и за Двину тягнути бы мѣли. И хотя жъ мы, за посланьемъ кглеиту его на послы наши, для постановенья перемирья вже есмы ихъ до великого князя Московского отправили (гдѣ жъ и панъ воевода Мазовецкій, старшій посолъ, за которого неспособности здоровья нѣшто ся въ ѣханью омѣшало), и вжо въ дорожъ суть; и не сподѣваемся, абы посѣдши такъ много панства великого князства Литовского и земли Инфлянскоѣ за предковъ нашихъ, мѣлъ бы ся на насъ и на панства наши торгнути, не маючи отъ насъ жадноѣ причини, до поднесенья вальки даноѣ: вѣдѣже зъ обычаевъ и поступковъ предковъ его и его самого, яко вѣдомость маемъ, то рѣчь не новая у него, злѣша, ижъ тежъ пишется паномъ дѣдичнымъ земли Инфлянскоѣ, а постановленья зъ нами досконалого не маеть. За которыми таковыми небезпечностями рады быхмо до тоъ земли сами особою нашою прибыти, и за помощью Божьею отпоръ ему чинили: нижили, ижъ быхмо постановленью соймовому досыть удѣляли, а людей своевольныхъ и упорныхъ Кгданьщанъ до подданства нашого и до послушенства рѣчи посполитой привели; про то, о томъ усилиючи, вже есмы въ войску, и дня сегоднешнего, Юня 14-го, подъ мѣсто Кгданское притегнули, и тогожъ дня стрѣльбу до муровъ мѣстскихъ прищанцовали и стрѣлять почали, и маемъ надѣю, ижъ то все што есмы съ потребы рѣчи посполитоѣ передъ себе взяли, съ помощью Божьею щастливъ и непредлужнѣ доконаемъ: але такъ борзо въ тамъ—тотъ край посѣштитъ ся не можемъ. А ижъ на соймѣ Торунскомъ ухвалена есть

оборона посполитымъ рушеньемъ (ачъ панове рады и вси станы коруны Польскоѣ вмѣсто посполитого рушенья податокъ на служебные люди на соймкахъ своихъ постановили и черезъ послы свои намъ то ознакомили, яко есмы перво сего знати дали, якожъ и теперь зъ Малоѣ Польщи со всихъ воеводствъ послове до насъ прѣздили, а меновить о томъ припоминали, ижъ быхмо не занѣхали становъ великого князства Литовского напомянути, абы въ одной рѣчи посполитой съдѣчи одинако вси бремена поносили, и докладаючи того, ижъ вже они для потребы рѣчи посполитоѣ третій податокъ даютъ, а у великомъ князствѣ по тые часы ничимъ ся не прикладано), а ижъ таковая небезпечность на землю Инфлянтскую приходитъ, здадо ся намъ за пристойно то нашимъ милостямъ паномъ радамъ нашимъ и всимъ станомъ предложить. И ваша бы милость панове рады, со всеми станы на томъ соймику будущими, о томъ водлѣ первшого писанья нашого намовившися, (ижъ што наборзѣй можеть быти), и, если на таковую оборону зможитесь, яко въ Польщѣ, податкомъ на служебные люди, ижъбы есте обычай нашли, яко бы безъ всякого омѣшканья служебные люди къ поратованью тоъ земли отправлены были, а напередъ Татарове зъ яковымъ равнымъ даткомъ ижъбы ся рушили на границы Инфлянтскіе, безъ обтяжливости и школъ обывателемъ земли Инфлянтскоѣ, не пицуючи въ той земли (кгдажъ великіе доуки отъ становъ Инфлянтскихъ около того по тые часы мѣли есмы); и тамъ гдѣ потреба ся окажетъ, абы тые Татарове подъ справу князя Полубенского тягнули, яко бы обыватели оной земли, обачивши дбалость около обороны ихъ, безъ вонтпеня подданство свое вѣрнѣ заховали, а боявнью устрашены не были. Пакъ ли бы есте тежъ нашли межъ собою пожиточнѣйшее рушенье посполитое: ино, абы ваша милость панове рады наши, часть и мѣсто певное на оборону оной земли Инфлянтскоѣ, тамъ гдѣ

ся непріятельскія силы оборочати будутъ, назначивши, спольнѣ со всеми станы и рыцerstвомъ того панства нашого великого князства Литовского тамъ ся посѣштили. А мы взявши вѣдомость о томъ, листы съ канцлерыи нашею на посѣшность збиранья до войска выдати роскажемъ, и сами особою нашою отправившися отъ Кгданска, дасть Богъ, щастливъ, къ большому посилку и оборонѣ тоъ земли нашой, прибыти до васъ не омѣшкаемъ. А если бы зъ якихъ велико-важныхъ причинъ забавившися, не могли посѣштити водлѣ часу и потребы припаловъ: маемъ надѣю, ижъ ваша милость панове рада наша и рыцerstво оногo панства, въ таковой наглѣ припалой потребѣ ни на што большъ не оглѣдаючися, одно на славу предковъ нашихъ помнячи и потребѣ рѣчи посполитоѣ ратуючи, съ помощью Божьею то чинити будете, што добрымъ сынѣмъ матки своеѣ рѣчи посполитоѣ належитъ, постерегаючи отчизнѣ вашихъ, яко бы непріятель потѣхи съ того не бралъ, и славѣ и панованью нашому и панствамъ тымъ ущербу не учинилъ. Што не одно ласкавъ и съ вѣдчностью пріймемъ, але тежъ и памятовати на пришлые часы хотимъ, яко вашей милости паномъ радамъ, такъ тежъ и долгу до службы рѣчи посполитой хтивому и посѣшному. Писанъ у—въ обозѣ подъ Кгданскомъ, лѣта Божьего нароченья 1577, мѣсяца Юня 14 дня.—Подпись руки господарскоѣ.

Изъ Литовской Метрики (Запис. кн. LX, л. 105—107), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ писанный до пановъ радъ, около обороны земли Инфлянтскоѣ отъ князя Московского.

83. — 1577 Юля 6. Помѣстная грамота Киевскаго митрополита Иліи Софійскому намѣстнику Богущу Гулькевичу—Глѣбовскому, на два церковныя селища.

Я Ілія, Божьею милостию архієпископъ

митрополитъ Киевскій, Галицкій и всея Руси, № 83. ознакомию симъ моимъ листомъ всимъ вобецъ и каждому зособно, гдѣ бы кольбекъ и передъ которымъ урядомъ сесь мой листъ оказанъ былъ, ижъ што предковѣ мои, ихъ милость митрополиты Киевскіи, селища церковныя митрополю Киевскоѣ, на имя Филимоновщину надъ рѣкою Звижденемъ, а Багриновъ надъ рѣкою Днѣпромъ, на службѣ конной военной боярской, до воли и ласки дали были Василью Панковичу и сыну его Максиму: то, пакъ, тотъ Максимъ Панковичъ, яко будучи челоувѣкъ досыть небачный, кромѣ вѣдомости и позволенья предковъ моихъ, митрополитовъ ихъ милости Киевскихъ, селища Филимоновщину землянину тамошнему Киевскому пану Бенедикту Шкаревскому въ семидесяти копахъ грошей заставилъ и въ руки завелъ; а другое селища Багриновъ, черезъ вырокъ его милости князя воеводинѣ, некому-сь Федору Черевчею всказано и въ руки намѣстнику Киевскому пану Василью Раю въ сороку копахъ грошей Литовскихъ заведено, чого бы водлѣ права святого быти не мѣло, абы хто на кгрунты церковныя пѣнези кому давати мѣлъ, альбо вырокѣми своими всказывалъ. А такъ я прагнучи того, абы, за мене, вси кгрунты церковныя, якимъ—кольбекъ способомъ забраные, якъ могучи, выисканы быти могли (а ижъ кромѣ отданья вышей помѣненоѣ суммы пѣнезей, трудно бы ихъ было у кого выискать),—жадалъ и позволилъ есми, и симъ листомъ моимъ позволяю и моцъ суполную даю намѣстнику моему Софійскому, пану Богущу Гулькевичу—Глѣбовскому, яко доброму и вѣрному слугѣ церкви Божее (который—то панъ Богущъ въ оправѣ великоѣ церкви святоѣ Софїи немалый поратунокъ и подпоможенье своими властными пѣнезми учинилъ, церковь покрылъ, побилъ, и добръ въ томъ, яко вѣрный слуга и пріятель, спріязливо послужилъ). у пана Остаѣя Шкаревского селища Филимоновщину въ семидесяти копахъ грошей Литов-

№ 84. скихъ окупити, а у пана Федора Черевчея селища Багриновъ, надъ рѣкою Днѣпромъ, въ сороку копахъ грошей окупити, и до рукъ своихъ въ мощь и уживанье свое взяти (*); а кгда панъ Богушъ тые оба—два селища окупить и пѣнези свои за то отложить, тогда въ той же суммѣ пѣнезей, въ сту копахъ и въ десяти копахъ грошей Литовскихъ, тые оба—два селища Филимоновщину и Багриновъ, такъ яко ся сами въ собѣ, злавна, въ пожиткахъ и обыходѣхъ своихъ мають, на себе держати и уживати маеть. А кгда бы по мнѣ будучіе ихъ милость митрополиты Кіевскіе хотѣли тые селища вышней помѣненные Филимоновщину и Багриновъ у пана Богуша Гулевича окупити, а гроши ему его сто и десять копъ грошей отложить, и отложить; тогда, и по отданью ему пѣнезей его, панъ Богушъ самъ, жона, дѣти и потомки его, тые оба—два селища Багриновъ и Филимоновщину вѣчными часы держати и уживати мають. а ихъ милость митрополиты не мають въ томъ пану Богушу жадноу кривды и переказы чинити: кгдажъ то онъ добръ церкви Божіи, яко зычливый пріятель, заслужилъ и теперь во всемъ спріязливо заслугуетъ (а то уже однако давно отпало и заронено было, про небалость нашу, вѣчнѣ). А по отданью пѣнезей его, маеть панъ Богушъ съ тыхъ селищъ службу земскую военную, такъ яко иншіе шляхта обыватели воеводства Кіевского служатъ, служить, конь одинъ ставити. И на то я Ілія митрополитъ пану Богушу, дѣтемъ и потомкомъ его милости далъ сесь мой листъ, подъ моею печатью и съ подписомъ руки моеѣ. Писанъ въ Новгородку, року 77, мѣсяца Іюля 6 дня.

Подлинникъ писанъ на бумажномъ листѣ, четкою скорописью. Внизу актѣ, по срединѣ, приложена митрополичья печать, подъ кустодією, съ круговою надписью, заключающею въ себѣ титулъ его, какъ онъ въ началѣ грамоты означенъ; тутъ же и собственноручная его подпись: Ілія,

(*) Въ подл. здѣсь прибавлено слово «позволилъ», но оно, кажется, лишнее.

Божією милостію митрополитъ, властною рукою. *На оборотѣ, вверху, позднѣйшимъ почеркомъ отмѣчено: Листъ преосвященного митрополиты Кіевского Іліи Кучи, которымъ позволяетъ пану Богушу, намѣстнику Софійскому, добра Софійскіе Филимоновщину и Багриновъ выкупити*

Изъ библіотеки Кіевской Духовной Академіи.

84. — 1577 Іюля 30. Наказная королевская грамота Литовскому дворному гетману Христофору Радивилу, о наборѣ 1750 казаковъ и гусаръ, съ повелѣніемъ отправиться съ ними къ Московскимъ границамъ.

Стефанъ, Божьею милостью король Польскій и великій князь Литовскій, подчасному нашому великого князства Литовского, гетману дворному, старостѣ Солецкому, державцу Жижиморскому пану Криштофу Николаевичу Радивилу. Ижъ часъ перемирья зъ не пріятелемъ нашимъ, великимъ княземъ Московскимъ, тому панству нашему великому князству Литовскому вже близко выходитъ: про то мы господарь обмысливаючи о вшелякой небезпечности и оборонѣ того панства нашего, умыслили есмо нѣкоторый певный почотъ людей служебныхъ вывести и границы того панства нашего тыми людьми заложить, и тымъ лѣпшій тое панство и подданныхъ нашихъ обезпечити. А про то приказуемъ тобѣ, абы твоя милость, зъ належности вряду своего гетманства дворного, до тоѣ службы и потребы наше господарской и земской людъ служебный, рыцерство за пѣнязи скарбу нашего пріймывалъ и способлялъ, и звалъ всего почту людей служебныхъ тысячу пятьсотъ коней ѣздныхъ, по гусарскій и по козацкій, такъ, яко ся твоей милости видѣти будетъ, и подъ тымъ обычаемъ, яко есмо о томъ достаточную науку тобѣ дали. А мы до тыхъ всѣхъ ротмистровъ нашихъ, которыхъ къ той службѣ нашей господарской и земской твоя ми-

лость залѣцилъ, листы наши приповѣданные писати есмо рассказали, поступуючи имъ службу на цѣлый годъ, отъ того часу, яко ся они до твоей милости зберутъ и почты свои окажутъ и попишутъ. А твоей милости особливъ поступуемъ почту мѣти за пѣнязи наши коней двѣсти по гусарски и пятьдесятъ коней по козацки, и на тотъ почотъ на двѣсти и пятьдесятъ коней также на цѣлый годъ службу твоей милости приповѣдаемъ: на который почотъ заплату твоя милость мѣти будешь зъ скарбу нашего, подлугъ постановленья нашего, то есть, на каждого коня по гусарски осажоного по шести копъ грошей, а на козака ѣздного по чотыри копы грошей Литовскихъ (а особливо, хотѣчи тебе тымъ охотнѣйшого къ службамъ удѣлати, зъ ласки наше, на жолдъ помѣненный поступуемъ тобѣ, на кухню твою, на чверть году пятьдесятъ копъ грошей). Съ которыми же почтомъ людей служебныхъ абы твоя милость къ границамъ панствъ нашихъ до земли Московского прилеглымъ близко притягнулъ и тамъ ся положилъ, гдѣ самъ налѣптъ и напозиточный къ безпечнѣйшой оборонѣ панства и подданныхъ нашихъ розумѣти будешь; а тамъ будучи, о томъ статечнѣ обмыслилъ, яко бы водлѣ звыклого захованья зацныхъ предковъ твоей милости и водлѣ хути и повинности твоее властно, намъ господарю и рѣчи посполитой земской вѣрнѣ, охотнѣ и пожиточнѣ служилъ, яко то твоей милости належитъ и належати будетъ. А мы господарь хуть и поспѣшность твоей милости къ службамъ нашимъ знаючи, будемъ повинны ласкою нашою господарскою памѣтовати, и особливимъ опатренѣемъ и подвышенѣемъ нагорожати обѣцуемъ. Писанъ у Брянску, лѣта Божьего нароженья 1577, мѣсяца Іюля 30 дня.

Изъ Литовской Метрики (Запис. кн. LX, л. 3—4), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ приповѣданный, писанный

до е. м. гетмана дворного, пана Криштофа Николаевича Радивила.

85. — 1577 Августа 10. Окружная королевская грамота, о невзиманіи мыта съ Кіевскихъ мѣщанъ, при провозѣ ими товаровъ чрезъ Литовскіе города, сухимъ и водянымъ путемъ.

Стефанъ, Божьею милостью король Польскій и великій князь Литовскій, княземъ, паномъ воеводамъ, каштеляномъ, вриадникомъ земскимъ и дворнымъ, маршалкомъ, старостамъ, державцамъ, кнегинямъ, панямъ вдовамъ, бояромъ и дворяномъ нашимъ, и тежъ мытникомъ нашимъ господарскимъ, князскимъ, паньскимъ и духовныхъ, по всему паньству нашему великому князству Литовскому. Присылали до насъ войтъ, бурмистры, райцы и вси мѣщане мѣста нашего Кіевского въ долегlostяхъ своихъ и прекладаючи то передъ нами, што они за славныхъ предковъ нашихъ, ихъ милости королей Польскихъ и великихъ князей Литовскихъ, отъ даванья со всякихъ товаровъ мытъ сухимъ путемъ и водою суть вызволены, яко люди украинные (на што листы три продка нашего, славноу памяти короля его милости Жикгимонта Августа, съ подписомъ руки е. м. господарской, передъ нами покладали): котороу жъ дей вольности, не даючи мытъ некоторыхъ отъ жадныхъ товаровъ, по вси прошлые лѣта, за листы славныхъ предковъ нашихъ, ажъ до сего часу они уживали: нижили дей тыхъ часовъ, за панованья нашего, а за постановенѣемъ поборовъ на соймѣ Торуньскомъ ухваленыхъ, почали у нихъ мыто отъ товаровъ ихъ, воску и соли правити и брати, также и на комягахъ, отъ каждого молодца по грошу на нѣкоторыхъ мѣстцахъ отъ нихъ берутъ, чого передъ тымъ не бывало. И били намъ чоломъ тые подданные наши, мѣщане Кіевскіе, абыхмо при стародавнихъ вольностяхъ ихъ zostавили, и отъ даванья мыта, такъ старого яко и нового, отъ

№ 86. всяких ихъ товаровъ, отъ живности и отъ воску и отъ соли и отъ поголовщины вольными учинили. — Ино, кгдажъ они таковое обдарованье и вызволенье отъ мытъ зъ ласки продковъ нашихъ, ихъ милости королей Польскихъ и великихъ князей Литовскихъ одержали; мы тежъ ласкавый взглядъ на люди украинные маючи, зъ ласки наше господарской, при тыхъ вольностяхъ ихъ во всемъ зоставуючи, приказуемъ вамъ, ижьбы есте на тыхъ подданныхъ нашихъ, мѣщанъхъ Киевскихъ, которые будутъ до замковъ и мѣстъ нашихъ, и тежъ вашихъ, съ куплями своими прѣвзжати, и у которыхъ будутъ листы подъ печатью мѣстскою Киевскою, мыта никоторого, такъ старого яко и нового, сухимъ путемъ и водою, отъ товаровъ ихъ всякихъ, отъ живности и отъ воску и соли, такъ съ Киева до панства нашего великого князства Литовского, яко и оттоль назадъ до Киева провадячи, и тежъ отъ молодцовъ поголовщины не брали, и врядиномъ своимъ брати не казали, и ихъ не гамовали, и товаровъ куповати имъ не забороняли, и никоторыхъ трудностей и школъ дѣлати имъ не велѣли, подъ закладомъ нашимъ тысячью копами грошей. Нехай они подъ тою зарукою нашою, въ томъ мытъ и въ купляхъ своихъ, вездѣ по панству нашему великому князству Литовскому вольности уживають, водамъ листовъ короля его милости Жикгимонта Августа, славноѣ памяти продка нашего, имъ даныхъ, и тежъ водамъ сего листу нашего имъ съ подписомъ руки наше даного. Писанъ у — въ обозѣ нашемъ подъ Кгданьскомъ, лѣта Божьего нароженья 1577, мѣсяца Августа 10 дня. — Подпись руки господарскоѣ. — «Венцлавъ Акгрыпа, писарь.»

Изъ Литовской Метрики (Запис. кн. LIX, л. 8), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Листъ мѣщаномъ Киевскимъ, о небравнѣ мыта.

86. — 1577 Августа 14. Грамота королевская Литовскимъ раднымъ панамъ, о поголовномъ вооруженіи для обороны Литвы.

Стефанъ, Божьею милостью король Польскій и великій князь Литовскій, Рускій, Прускій, Жомойтскій, Мазовецкій и иныхъ, воеводѣ Виленскому, канцлеру великого князства Литовского, старостѣ Лидскому и Ошменскому, пану Николаю Юрьевичу Радивилу. И перво сего, маючи бачность на небезпеченство земли Инфлянтскоѣ и великого князства Литовского (штожъ не тайно есть вашимъ милостямъ паномъ радамъ нашимъ), яко есмы о томъ на соймѣ Торуньскомъ всимъ станомъ прекладали, и, ижьбы ся потужная оборона тамъ — той земли поставлена была, до того есмы всехъ напоминали: але, кгда ся тотъ съемъ за скараньемъ Божьимъ не водамъ потребы рѣчи посполитой скончилъ, за чимъ тежъ не постановилася иншая оборона, опрочъ посполитого рушенья. А вѣдъже, и по соймѣ, частокротъ не занѣхали есмы всимъ вашей милости о тыежъ небезпеченства припоминати, и на опатренье тоѣ потребы злѣтили есмы подскарбьему земскому великого князства Литовского, писарю нашему, старостѣ Пинскому, державцу Олитскому и Квасовскому, пану Лаврыну Войню, абы за пѣнези скарбу нашего служебныхъ людей, колько бы быти могло на тотъ часъ, принялъ. Къ тому подавали есмы и то, ижьбы Татарове и стрѣлцы, што есть ихъ у великомъ князствѣ Литовскомъ, на туюжъ потребу рушоны были; также листы наши розослати есмы велѣли, абы вси до посполитого рушенья готовы были. Надъ то, кгда намъ зъ соймиковъ головныхъ Великоѣ и Малоѣ Польши, на мѣсто посполитого рушенья (которое на соймѣ Торуньскомъ сами позволили), податокъ для опатренья потребъ коронныхъ ознайменъ былъ: про то есмы писати велѣли до пановъ радъ нашихъ и всехъ становъ, ознаймуючи о такомъ

обмышленною обороною у Великоѣ и Малоѣ Польщѣ, абы тежъ зложили соймики во всехъ воеводствахъ и повѣтъхъ великого князства Литовского, а головный соймикъ у Волковийску; на которомъ што бы ся постановило, до того часу еще вѣдомости по достатку не маемъ. А ижъ на тотъ часъ пришло вже кгвалтовное небезпеченство на землю Лифлянтскую, же великій князь Московскій съ войскомъ своимъ въ оную землю втягнувши, замокъ Коконгавенъ облежъ (яко то ваша милость зъ листу княжати Курлянского, который до вашей милости посланъ есть, вырозумѣте): мы не бачимъ, которымъ бы ся обычаемъ такъ наглому и прудкому вторгненью того непріятели забѣжчи могли, и не розумѣемъ, до чого ся утечи, только абыхмо еще всехъ напомнимъ, жебы ся яко на кгвалтъ збѣгали. Кгдажъ постановленья иного не вѣдаемъ, окромъ посполитого рушенья (а хотя бы тежъ и было, але такъ прудко до skutку приведено быти не можетъ): про то, зъ милости противку отчизнѣ своей, яко на кгвалтъ потреба есть поспѣшиться, яко бы тому непріятелю отпоръ былъ данъ, альбо просто тягнучи противку войску его, альбо тежъ вторгненьемъ въ иншую сторону, въ панства его властные, чимъ бы ся онъ отъ облеженья въ земли Лифлянтской отвернути могъ. Што ваша милость, яко рады наши оноѣ панства, лѣпѣй бачити можете; а мы сами господаръ рады бысмы заразы съ тымъ войскомъ, которое се — здѣ маемъ, тамъ на тую потребу обернули, гды быхмо бачили, ижьбы того мѣста непослушного Кгданьска упоръ, за отѣханьемъ нашимъ, въ той мѣрѣ, яко теперь есть, задержатися могъ, або быхмо обмышливанье и погамоуванье того мѣста на иншій часъ безпечнѣ отложить могли (але за отѣханьемъ нашимъ, маючи людей немало и готовый нарядъ военный, певнѣ бы ся озамки нани прилегалые кусити не занѣхали, кото-

рыхъ, яко не водамъ потребы опатреныхъ, № 86, лачно бы достати могли: што было бы къ большой небезпечности и сказы панствъ нашихъ, гды бы ся отъ того мѣста нашего отвернути мѣли). А вѣдъ же, кгда отъ вашей милости то мѣти будемъ, ижьбы особы наше теперешняя потреба въ земли Лифлянтской потребовала, мы зоставивши се — здѣ при войску на мѣстцу нашемъ особу певную, къ вашей милости прибыть не омѣшкаемъ, розумючи, ижъ ваша милость до того часу, поки мы господаръ тамъ прибудемъ, зѣхавшися на одно мѣстцо даремнѣ лежати не будете, забѣгаючи такимъ кгвалтовнымъ небезпечностямъ тоѣ земли. Естли бы тежъ ваша милость иншій обычай кгрунтовнѣйшій намовили; тогды его ваша милость уживайте: бо по написанью тыхъ листовъ нашихъ, отданы намъ листы съ соймiku Волковийского, съ которыхъ вырозумѣли есмы, ижъ ваша милость пословъ до насъ выправили; дошло тежъ намъ вѣдати, ижъ есте и податокъ постановили: але ни послы ваши до того часу еще до насъ не прибыли, а ни тотъ податокъ такъ борзо можетъ быти выбранъ, а ни тежъ такъ много, подобно, быти его можетъ, жебы ся тымъ податкомъ теперешней кгвалтовной потребѣ забѣжчи могло. Про то, яко вышей такъ и теперь жадаемъ и напоминаемъ, абы ваша милость вси, яко на кгвалтъ, зъ милости свое къ отчизнѣ и рѣчи посполитой, для такъ наглоѣ потребы поспѣшилися; а за тотъ податокъ предѣся жолнеры што наборздѣй могутъ быти пріймованы. А при отправѣ тыхъ листовъ нашихъ до вашей милости, принесены намъ еще листы отъ старосты Волмерского и Трикатского, державцы Вилкейского и Поюрского, князя Александра Ивановича Полубенского, который о якомъ спустошенью земли Лифлянтскоѣ намъ выписалъ, вырозумѣшь твоя милость съ копѣи листу его (*), которая до вашей милости послана; и для многихъ при-

(*) Отписки кн. Полубенского, о которой здѣсь упоминается, нѣтъ въ манускриптахъ Лит. Метрики.

№ 87. чинъ видить ся намъ потребно, абы твоя милость до всихъ людей тотъ слухъ подавалъ, ижъ за слухнымъ обычаемъ съ Кгданскомъ вжо конецъ маемъ, а ижъ съ войскомъ особою нашою до Инфлянтъ тягнемъ: про тожъ, пустивши бы тотъ слухъ, до всихъ росказалъ станции и иншіе потребности для насъ господаря и для войска нашего на певныхъ мѣстцахъ, гдѣ ночлеги наши быти мають, съ пильностью готовить, на одномъ мѣстцу для войска Литовского, на другомъ для Польского. Писанъ у — въ обозъ подъ Кгданскомъ, лѣта Божьего нароченья 1577, мѣсяца Августа 14 дня. — Подпись руки господарскоѣ.

Изъ Литовской Метрики (Запис. кн. LX, л. 111—113), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Такіе листы писаны до пановъ радъ, о рушенъе посполитое на войну противъ князя Московского, до Инфлянтъ.

87. — 1577 въ Августѣ. Жалованная подтвердительная грамота княгини Феодорѣ Гедройцѣ, о предоставленіи ей въ пожизненное владѣніе четырехъ селъ въ Обельской волости, пожалованныхъ королемъ Сигизмундомъ Августомъ первому ея мужу, князю Михайлу Оболенскому, за службу, леннымъ правомъ.

Стефанъ, Божьею милостью король Польскій и великій князь Литовскій. Чинимъ знаменито симъ нашимъ листомъ, ижъ покладалъ передъ нами землянинъ нашъ Станиславъ Юрага князь Кгедройтъ привилей продка нашего, славной памяти короля его милости Жикгимонта Августа, даный небошику князю Михайлу Андреевичу Оболенскому и малжонцѣ его, и потомству ихъ рожая мужчизного, правомъ леннымъ, на шестьдесятъ и чотыри волоки осѣлыхъ и пустыхъ, и къ тому на шестьдесятъ и одинъ моркговъ на осмдесятъ и чотыри пруты у волости Обельской; который привилей такъ ся отъ слова до слова въ собѣ маеть:

«Жикгимонтъ Августъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій и иныхъ, ознаймуемъ симъ нашимъ листомъ, кому будетъ потреба того вѣдати, нынѣшнимъ и напотомъ будучимъ. Што перво сего зъ ласки наше господарскоѣ дали есмо шестьдесятъ и чотыри волоки людьми осѣлыхъ и пустыхъ, а моркговъ и прutowъ сколько — десять, которые при тыхъ же кгрунтѣхъ, у волости нашей Обельской, дворянину, нашему князю Михайлу Андреевичу Оболенскому, который на имя и славу нашу господарскую зъ земли непріятели нашего великого князя Московского, слышачи о вольностяхъ и свободахъ въ паньствахъ нашихъ, съ жоною своею выѣхалъ, и, показавши въру свою противку намъ господарю и рѣчи посполитой, подъ часомъ валки, ласку нашу господарскую охотнѣ заслужовалъ, и не омѣшкивалъ бывати у войскахъ нашихъ и въ битвахъ, влаючи въ небезпечность здоровье свое: которого и впередъ хотѣчи тымъ хутлившого къ службамъ нашимъ и земскимъ способити, а обычаемъ звыклоѣ щедробливости наше господарскоѣ упевняючи ему тую данину, — тые шестьдесятъ и чотыри волоки, моркги и пруты къ нимъ належачіе, у волости Обельской, въ которые есть увязанъ и въ держанью своемъ маеть, князю Михайлу Оболенскому дали есмо и симъ листомъ нашимъ даемъ на вѣчность, ему самому, его жонѣ и дѣтемъ, и ихъ властнымъ потомкомъ мужского рожая, леннымъ правомъ. Якожъ для лѣпшого певности, велѣли есмо тые села ему отъ насъ даные зъ листовъ и реестровъ увязчихъ въ сесь нашъ листъ вписати, то есть: у волости Обельской, село Боярокуминь, въ которомъ волокъ осѣлыхъ 17, а въ застѣнкахъ волокъ осѣлыхъ 2, а третяя волока неосѣлая; другое село Бутейковское, въ немъ волокъ осѣлыхъ 19, а пустыхъ волокъ 3; третее село тамъ же не подалеку Бонюское, въ которомъ волокъ осѣ-

лыхъ 5, а пустыхъ волокъ 3; а къ тому особливо, при тыхъ же селахъ, при обрубѣ волостномъ села Бутейковского, застѣнку лѣсного волокъ 5; четвертое село Нарутево, въ немъ волокъ осѣлыхъ 9, а въ застѣнку моркговъ среднихъ 7, наддатку прutowъ 15; подлыхъ моркговъ 53, прutowъ 24, а наддатку до тыхъ моркговъ одинъ, прutowъ 45; сумма всего кгрунту князю Оболенскому отъ насъ даного у волости Обельской: волокъ 64, моркговъ 61, прutowъ 84. Маеть князь Михайло Андреевичъ Оболенскій, его жона, дѣти и потомки ихъ властные мужского рожая, леннымъ правомъ, тые вси кгрунты верху — помѣненные, зъ людьми осѣлыми на волокахъ и на службахъ, и со всеми доходы и пожитки съ тыхъ селъ приходячими, съ данью грошевою и медовою, зъ землями оремыми и неоремыми, зъ боры, гаи, лѣсами и сѣножатями, зъ рѣками и рѣчками, съ криницами и съ озеры, зъ ловы звѣринными, пташими и рыбными, и зъ бобровыми гоны, такъ долго и широко, яко ся тые села здавна и теперь сами въ собѣ въ кгрунтѣхъ и границахъ и обрубѣхъ и въ обыходѣхъ своихъ мають, и яко то черезъ ревизоровъ нашихъ есть ограничено и ему на листѣхъ увязчихъ подано, на себе держати и уживати вѣчно, маючи вольность на кгрунтѣхъ своихъ тамошнихъ, на водахъ ставы и сажовки займати и робити, млыны будовати, и иные всякіе пожитки собѣ тамъ прибавляти и примножати, яко налѣпѣй розумѣючи; а съ того нашъ господарю и потомкомъ нашимъ, королемъ и великимъ княземъ ихъ милости Литовскимъ, службу нашу и земскую военную конно и збройно служити будетъ повиненъ, по тому яко и иные, рыцерство наше шляхта паньства нашего великого князства Литовского войну намъ служатъ. И на то дали есмо князю Михайлу Андреевичу Оболенскому сесь нашъ листъ, который подписавши рукою нашою господарскою, и печать нашу велѣли есмо привѣсити. Писанъ у Городнѣ, на соймѣ валь-

номъ, лѣта Божьего нароченья 1568, мѣсяца № 87. Мая 12 дня.» — Подпись руки его королевскоѣ милости: Sigismundus Augustus Rex. Справа Матвѣя Савицкого, писаря короля е. м. И мы господарь привилею тому вырозумѣвши, ижъ небошику князю Михайлу Оболенскому, и малжонцѣ его, и потомству ихъ мужчизного рожая, правомъ леннымъ тая осѣлость вышей описаная отъ продка нашего дана есть; ачъ — кольвекъ жона небошика князя Михайла Оболенского пани Феодора Феодоровна Мироновна, а теперь Станислава Юраги Кгедройтя малжонка, мандатомъ нашимъ позвана была, яко бы уживанье тоѣ данины по зошлому первшомъ малжонку еѣ вжо ей не належало: нижли, за оказаньемъ привилей данины продка нашего, короля его милости Жикгимонта Августа, обачили есмо, ижъ тая данина и паней Феодорѣ Феодоровнѣ Мироновнѣ, яко малжонцѣ позосталой пререченого небожчика князя Оболенского (которая зъ Москвы съ нимъ малжонкомъ своимъ выѣхала) належитъ; и, не хотѣчи правъ и данинъ, отъ продковъ нашихъ, королей ихъ милости и великихъ князей Литовскихъ, слушнѣ наданныхъ никому нарушати, про то тую панью Феодору Феодоровну Мироновну при тыхъ шестидесятъ и чотырехъ волокахъ осѣлыхъ и пустыхъ, и къ тому при шестидесятъ моркгохъ съ однимъ моркгомъ и при осмидесятъ и чотырехъ прутахъ у волости Обельской заставуемъ, и то симъ листомъ нашимъ до живота еѣ утверждаемъ. Маеть она тые вси маетности, до живота своего, водлѣ первшого привилей и данины продка нашего и сего листу нашего уживати. Писанъ у — въ обозѣ надъ моремъ, лѣта Божьего нароченья 1577, мѣсяца Августа. — Подпись руки господарскоѣ.

Изъ Литовской Метрики (Запис. кн. LIX, л. 14—16), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей жонѣ Станислава князя Кгедройтя Феодорѣ Мироновнѣ, на 64 волоки

№ 88. въ волости Обельской, до живота ея, которые
— 89. первый были даны леннымъ правомъ малжонку ея
первшему, князю Оболенскому.

88. — 1577. Сентября 21. Послушная
королевская грамота Вилькейской и
Поюрской державы городскимъ и во-
лостнымъ жителямъ, о повиновении кня-
гини Полубенской, во время отсутствия ея му-
жа, взятого въ плѣнъ Русскими въ Ливоніи.

Стефанъ, Божьею милостью король Поль-
скій и великій князь Литовскій, Рускій,
Прускій, Жомойтскій, Мазовецкій, Лифлянт-
скій, княже Седмиградское и иныхъ, ко
всѣмъ подданнымъ нашимъ мѣстскимъ и волост-
нымъ державы старосты Волмерского и Три-
катского, князя Александра Ивановича Полу-
бенского Вилкейской и тивунства Поюрского.
Тыхъ часовъ дошла насъ вѣдомость, ижъ тотъ
зацный и почтивый мужъ и вѣрный слуга нашъ
и рѣчи посполитой князь Александеръ Полу-
бенскій, въ земли Инфлянтской, на замку
Волмеру, отъ великого князя Московского
мощью есть добытъ и въ везенье взятъ: кото-
рого зацного мужа и вѣрного слуги нашего и
рѣчи посполитой везенья вельми лютуемъ, и
хотѣчи, абы малжонка и потомство его, въ та-
ковомъ несчастливомъ припадку дому своего,
ни отъ кого, ни въ чомъ кривды не терпѣла;
про то оную и потомство ея подъ зверхнюю
оборону и опеку нашу господарскую приняли
есмо; якожъ вамъ всѣмъ подданнымъ нашимъ
мѣстскимъ и волостнымъ приказуемъ, абы
есте никого иного, одно малжонки князя По-
лубенского и вриадниковъ ея послушны были.
А мы съ зверхности наше господарской, хо-
чемъ того вшелякимъ обычаемъ постерегати,
яко бы кнегиня Полубенская съ потомствомъ
своимъ въ правѣхъ своихъ никоторого убли-
женья не мѣла: якожъ и дворенина нашего
Рабеча Филиповича Гвоицкого послали есмо
до кнегини Полубенской, абы онъ для всѣхъ
шкодъ и перестереганья кривдъ отъ посторон-

ныхъ людей, за вами вѣдилъ, и справедливо-
сти во всемъ вамъ доводилъ; и вы бы о томъ
вѣдали. Писанъ у Малборку, лѣта Божьего
нароженья 1577, мѣсяца Сентября 21 дня. —
Stephanus rex.

*Изъ Литовской Метрики (Запис. кн. LXI, л. 72 об.), хранящейся при Правительствующемъ Сенатѣ, въ С. Петербургѣ. Въ заглавіи содер-
жанія акта не означено.*

89. — 1577 въ Сентябрѣ. Жалованная
грамота Минскому землянину Стефану
Достоевскому, о предоставленіи ему та-
мошняго Вознесенскаго монастыря въ пожизнен-
ное управленіе, съ отчинами, угодьями и дохо-
дами.

Стефанъ, Божьею милостью король Поль-
скій, великій князь Литовскій. Ознаймуемъ
симъ листомъ нашимъ, што который мана-
стырь, при мѣстѣ нашемъ Менскомъ, zalo-
женья святого Вознесеня Христова, недавно
сего дали есмы были дворянину нашему Бо-
гушу Невельскому; а тотъ Богушъ Невельскій,
маючи въ держанью и моцы своей оный мана-
стырь, за даинною нашою господарскою ему
данною, и хотѣчи его тымъ же правомъ ему
даннымъ спустити землянину нашему повѣту
Менского Стефану Достоевскому, билъ намъ
господарю чоломъ, ижъ быхмо зъ ласки на-
шое господарской на то позволеніе наше дали
и то ему листомъ нашимъ подтвердили. Мы
господарь, зъ ласки наше господарской и за
причиною пановъ радъ нашихъ, тотъ помѣ-
ненный монастырь Менскій заложенья свято-
го Вознесеня Христова, съ фольварками и съ
пашнею монастырскою, также и со всѣми се-
лы, людьми, кгрунты, доходы и пожитки
всякими къ нему здавна прислухающими,
якимъ — кольвекъ именемъ названными (такъ
яко то за даинною нашою, помѣненный Богушъ
Невельскій у моцы и въ держанью своемъ
мѣлъ), вышей речоному землянину нашему
повѣту Менского Стефану Достоевскому въ
держанье и уживанье дали, и симъ листомъ

нашимъ даемъ. Маеъ помѣненный Стефанъ
Достоевскій тотъ монастырь Менскій zalo-
женья святого Вознесеня Христова, съ фоль-
варками и пашнями монастырскими, также
села, люди, кгрунты, доходы и всякіе пожит-
ки къ тому монастырю належачіе на себе дер-
жати, и всякіе обряды духовные въ немъ рад-
нѣ, съ помноженьемъ хвалы Божьей и слуш-
нымъ порядкомъ справъ церковныхъ, водлугъ
обычаю закону Греческого справовати, и того
монастыря со всѣмъ спокойнѣ уживати, ажъ
до живота своего. На штожъ дали есмо тому
помѣненному землянину нашему Стефану До-
стоевскому сесъ нашъ листъ, съ подписомъ
руки наше господарской и подъ печатью на-
шою. Писанъ у Малборку, лѣта Божьего на-
роженья 1577, мѣсяца Сентября . . . дня. —
«Миколай Ясеньскій, писарь.»

*Изъ Литовской Метрики (Запис. кн. LXI, л. 21 об.), хранящейся при Правительствующемъ Сенатѣ, въ С. Петербургѣ. Въ заглавіи грамо-
ты отмѣчено: Привилей Стефану Достоевскому
на монастырь Менскій заложенья Вознесеня
Христова.*

90. — 1577 въ Ноябрѣ. Наказная коро-
левская грамота Литовскимъ погранич-
нымъ старостамъ, о приготовленіи украй-
ныхъ замковъ къ оборонѣ, на случай непріятель-
скаго на паденія, и удержанія порубежныхъ жи-
телей отъ раздоровъ съ Русскими ихъ сосѣдами.

Стефанъ, Божьею милостью король Поль-
скій, великій князь Литовскій, Рускій, Пру-
скій, Жомойтскій, Мазовецкій и иныхъ, ста-
ростъ нашему Дрискому Яну Лопоту. Ижъ
непріятель панствъ нашихъ, князь великій
Московскій, за втягненьемъ тыхъ часовъ зъ
войски до земли Лифлянтской и осягненьемъ
оноѣ по великой части, войска свои при гра-
ницахъ оныхъ же панствъ нашихъ розложилъ,
зъ великимъ небезпеченьствомъ панства на-
шого великого князства Литовского, и, яко ся
далъ слышати, хотѣчи и самъ, головою своею,

съ посланкомъ къ тымъ войскамъ своимъ сесъ № 90.
зимы прибыти, певнѣ, къ сказъ панствъ на-
шихъ (чого ему панъ Богъ да не поможетъ!):
ино, ачъ есмо съемъ вже зложили, и въ тыхъ
дняхъ справъ Кгданьскихъ доконавши, по
двухъ недѣляхъ, отселъ, зъ Малборку, на
тотъ съемъ до Варшавы выѣзжаемъ, гдѣ ни-
чего напередъ, только около войны и обороны
панствъ нашихъ отправовати хотимъ. Вѣдьже,
хотя бы тежъ и назавтре по початую сойму
вѣдомость насъ дошла, ижъ бы непріятель
бралъ ся къ границамъ нашимъ: мы вси спра-
вы опустивши, съ помощью Божьею до вели-
кого князства Литовского тамъ, гдѣ потреба
укажетъ, умыслили есмо особюю нашою го-
сподарскою тягнути; кгдажъ весь тежаръ къ
войнѣ належачій зъ обозомъ вже въ дорогу
отселъ къ границамъ великого князства Ли-
товского отправуемъ и войско, которое зъ на-
ми было подъ Кгданьскомъ. И яко ихъ еще
большей прибавити есмы умыслили, къ добы-
ванью оноѣ мѣста, на зпму: такъ вже за
успокоеньемъ оноѣ мѣста, то все въ готово-
сти, тамъ, гдѣ потреба укажетъ, обернено бу-
детъ. Про то, абы еси на оноѣ замку держа-
вы своеѣ мѣшкаючи, въ готовности и въ доб-
рой осторожности былъ, и, што бы певного о
томъ непріятелю вѣдалъ, намъ безъ омѣш-
канья ознаймовалъ, не оглѣдаючися и на то,
хотя бы послове наши до него шли (кгдажъ
онъ звывалъ, и подъ часомъ кглеити, форте-
левъ своихъ зъ шкодою тыхъ панствъ на-
шихъ уживати). Нижили того пильнѣ постере-
гай, абы зъ стороны панствъ нашихъ, жалная
причина до войны и ростырковъ граничныхъ
не была дана, яко бы и посломъ затрудненіе
якое не сталося. Писанъ у Малборку, лѣта
Божьего нароженья 1577, мѣсяца Ноября . . .
дня. — Подпись руки господарскоѣ.

*Изъ Литовской Метрики (Запис. кн. LX, л. 151—152), хранящейся при Правительствующемъ Сенатѣ, въ С. Петербургѣ. Въ заглавіи грамо-
ты отмѣчено: Листы до старостъ украинныхъ*

№ 91. писаные, абы кождый зъ нихъ на замку державы свое мѣшкаючи, въ готовности и осторожности былъ.

91. — 1577 Ноября 27. Наказная грамота ревизорамъ королевскихъ Русскихъ волостей, о возвращеніи Полоцкой архіепископской канцеляріи селъ и имѣній, присвоенныхъ разными лицами.

Стефанъ, Божьею милостью король Польскій и великій князь Литовскій, ревизорамъ нашимъ, тымъ, которые отъ насъ до замковъ и волостей нашихъ Рускихъ на ревизію отправлены суть. Присылалъ до насъ архіепископъ владыка Полоцкій, Витебскій и Мстиславскій Оеопанъ Богданъ, о томъ, ижъ по взятыю замку Полоцкого черезъ непріятеля нашего, великого князя Московского, кгда нѣкоторый часъ тотъ врьдъ пастырства духовного ваковалъ, владыки не маючи; за тымъ дей не мало кгрунтовъ, селъ, людей и имѣній, здавна къ архіепископѣ владычеству Полоцкому прислухающихъ, въ земли Полоцкой лежачихъ, черезъ нѣкоторыхъ особъ разныхъ, такъ тежъ отъ старостъ и державецъ замковъ нашихъ, не вѣдати за чимъ, розобрано, и то дей все они и теперъ на пожитокъ свой держачи уживаютъ, къ шкодѣ и знищенію того владычества и къ великому уближенію правъ и вольностей, отъ продковъ нашихъ, королей Польскихъ и великихъ князей Литовскихъ, и отъ насъ господаря яко инымъ таковымъ духовенствамъ, такъ особливъ той архіепископѣ владычеству Полоцкому наданныхъ и уфундованныхъ: и просилъ насъ вышешпомѣненный архіепископъ владыка Полоцкій Оеопанъ Богданъ, абыхмо не допускаючи большъ таковоѣ шкоды и знищенія тому владычеству чинити, то все што бы властности его черезъ кого жъ кольвекъ розобрано было, зася къ тому владычеству привернути велѣли. Въ чомъ мы господарь, не только приставаючи до его жаданья, але большъ чинячи досытъ

повинности нашой (кгдажъ яко подавцою всихъ таковыхъ добръ духовныхъ есмы, такъ и оборона ихъ намъ же господару належитъ), про то хочемъ мѣти и приказуемъ вамъ, ижъбы есте будучи на ревизіи замковъ и волостей нашихъ Рускихъ, особливъ и шилъ въ то, яко во властную рѣчь нашу вглянули, и о всихъ таковыхъ имѣньяхъ, селлахъ, людехъ и кгрунтахъ, которые здавна къ владычеству Полоцкому належали, вывѣданье учинили; и естли бы оказалось што кгрунтовъ, селъ, людей и имѣній того владычества черезъ кого — кольвекъ забрано было, абы есте то все моцью зверхности нашой господарской отъ таковыхъ держачи и владности вынемши, зася къ той архіепископѣ владычеству Полоцкому привернули, и теперешнему архіепископу владыцѣ Полоцкому, помѣненному Оеопану Богдану въ держанье подали. А мы листъ нашъ до князей, пановъ старостъ и державецъ нашихъ, и до всихъ вобецъ, которые бы таковыя добра держали, писати велѣли, ижъбы въ томъ вамъ противны не были, и то все што черезъ нихъ забрано къ владычеству поступовали. Естлижъ бы которые зъ нихъ, держачіе тые добра духовные, отзываютися на право (яко бы то имъ было дано), поступовати того што держать не хотѣли: и вы бы всимъ таковымъ, за тымъ же листомъ нашимъ, рокъ певный къ оказанію права ихъ передъ нами господаремъ зложили и назначили, росказавши имъ, абы въ томъ, яко во властной рѣчи нашой, къ справѣ до насъ господаря вѣдали ина тотъ рокъ становилися. Особливъ тежъ, естли бы ся показали тамъ кгрунты того владычества Полоцкого, замками и мѣстомъ нашимъ занятыя, альбо близко къ замкамъ нашимъ прилеглыя, безъ которыхъ бы замки наши обойтися не могли: и вы бы таковыя кгрунты, люди и села, широкости и пожитки ихъ по достатку выписавши, намъ о томъ ознакомили; а мы вземши о томъ отъ васъ вѣдомость, учинимъ съ тымъ, што ся слышного намъ госпо-

дарю видѣти будетъ. Писанъ у Малборку, лѣта Божьего нароженья 1577, мѣсяца Ноября 27 дня. — «Stephanus Rex.»

Изъ Литовской Метрики (Запис. кн. LXI, л. 90 — 91 об.), хранящейся при Правительствующемъ Сенатѣ, въ С. Петербургѣ. Въ заглавіи содержанія акта не означено.

92. — 1578 Февраля 2. Окружная королевская грамота войтамъ и бургомистрамъ, о несужденіи Евреевъ Магдебургскимъ правомъ, но земскимъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій и иныхъ, войтомъ, бурмистромъ, радцамъ во всихъ мѣстахъ панства нашего великого князства Литовского, которые права Майдеборского уживаютъ и имъ ся судятъ и справуютъ. Присылали до насъ вси жидове зборовъ и мѣстъ у великомъ князствѣ Литовскомъ мѣшкаючіе, обтяжливъ жалючи о томъ, штожъ дей коли ся трафитъ имъ справу якую мѣти наврядѣхъ вашихъ мѣстскихъ о збитѣе и зраненіе ихъ, тогды дей вы ихъ правомъ Майдеборскимъ, а не земскимъ судите и справуете; а они дей на то листы и привилія отъ продковъ нашихъ и отъ насъ господаря наданные у себе быти повѣдаютъ: и въ томъ собѣ надъ вольности имъ данные кривду и уближеніе правъ своихъ быти менючи, били намъ чоломъ, абыхмо некоторого уближенія надъ права и вольности ихъ пріймовати имъ не допустили, и водлѣ обычаю стародавнего въ справахъ ихъ правомъ земскимъ судити ихъ велѣли. Про то, кгдажъ они водлѣ правъ и вольностей своихъ, отъ продковъ нашихъ и отъ насъ господаря имъ наданныхъ, во всихъ урядѣхъ нашихъ правомъ земскимъ ся судятъ и справуютъ; ино приказуемъ вамъ, ажъбы есте вездѣ, во всихъ мѣстѣхъ нашихъ, гдѣ бы ся которому жиду на ратушу у права Майдеборского о бой справу мѣти потрафило, правомъ земскимъ, водлѣ

обычаю права посполитого и статуту земского ихъ судили и справовали, и въ томъ ся водлѣ листовъ и вольностей имъ наданныхъ и водлѣ звычайу стародавнего къ нимъ заховали, такъ, яко бы они надъ вольности имъ наданные и упривилеванные некоторого уближенія не терпѣли и намъ о томъ не жаловали. Писанъ у Варшавѣ, лѣта Божьего нароженья 1578, мѣсяца Февраля 2 дня.

Изъ Литовской Метрики (Запис. кн. LX, л. 167), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ жидомъ, абы ихъ правомъ Майдеборскимъ не сужено, одно земскимъ.

93. — 1578 Февраля 8. Окружная королевская грамота Литовскимъ Евреямъ, о взносѣ въ казну податей золотомъ монетою.

Стефанъ, Божьею милостью король Польскій и великій князь Литовскій, ко всимъ поданнымъ нашимъ жидомъ збору Пиньского, такъ въ мѣстѣ Пиньскомъ яко тежъ въ мѣстѣхъ и мѣстечкахъ князскихъ, паньскихъ, земляньскихъ, духовныхъ и свѣтскихъ, также и въ иныхъ мѣстечкахъ, селлахъ и коримахъ въ повѣтѣ Пиньскомъ, мѣшкающимъ. Ижъ то есть повинность всихъ васъ, ижъбы есте до скарбу нашего податокъ вашъ звыклый червонные золотые платили: которыхъ червонныхъ золотыхъ ижъ есте за рокъ прошлый семдесять семей до скарбу нашего не отдали; тогды мы господарь, для вытеганія и справованія ихъ на васъ, посылаемъ до васъ дворянина нашего Миколая Кирдея, и вы бы о томъ вѣдали: и кгда тотъ дворянинъ нашъ Кирдей зъ симъ листомъ нашимъ до васъ пріѣдетъ, ижъбы есте оные червонные золотые до рукъ его отдали, и во всемъ ся черезъ него скарбу нашему уистили и досытъ зъ себе учинили. Пакъ ли жъ бы есте тыхъ податковъ отдавати не хотѣли, тогды росказали есмо ему то моцно на васъ зъ дѣцкованьемъ отправовати: которому, приказуемъ вамъ, ижъбы есте ни-

№ 94. чимъ противны не были, конечно. Писанъ у Варшавъ, року 1578, мѣсяца Февраля 8 дня. — «Венцлавъ Акгрыпа, писарь.»

Изъ Литовской Метрики (Запис. кн. LX л., 168), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Листъ писанный до жидовъ Пинскихъ о золотые червоты. *Нижѣ:* Таковыя листы до тыхъ мѣстъ писаны: до мѣста Новгородского; до мѣста и повѣту Менского; до мѣста и повѣту Городеньского; до мѣста и повѣту Кобринского; до мѣста и повѣту Виленского; до мѣста и повѣту Троцкого; до мѣста и повѣту Берестейского; до мѣста и повѣту Мстиславского; до мѣста и повѣту Ковеньского.

94. — 1578 Февраля 19. Жалованная грамота Полоцкому архіепископу Теофану, о предоставленіи ему въ управленіе Могилевскаго Спасскаго монастыря, съ правомъ на владѣніе отчиною его, угодьями и доходами.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, Седмиградскій и иныхъ. Ознаймуемъ тымъ листомъ нашимъ каждому, кому бы того потреба была вѣдати, ижъ што которую церковь заложенъ Святого Спаса, и монастырь при той церкви, въ мѣстѣ нашомъ Могилевскомъ, за листами предка нашего славноѣ памяти Жикгимонта Августа короля его милости, держалъ Иванъ протопопъ Могилевскій, который потомъ (подъ часомъ зенствъ зъ сего свѣта предка нашего короля его милости) змеръ, а тая церковь и монастырь ваковала и хвала Божая въ ней не была: ино панъ Виленскій, староста Жомойтскій, маршалокъ земскій великаго князства Литовскаго, администраторъ и гетманъ земли Инфлянтской, староста Ковеньскій, панъ Янъ Ходкевичъ, постерегаючи, абы хвала Божая въ той церкви не знишила, зъ волею и вѣдомостью нѣкото-

рыхъ пановъ радъ нашихъ того — тамъ пацства великаго князства Литовскаго, тую церковь и монастырь архіепископу владыцѣ Полоцкому, Витебскому и Мстиславскому Теофану-Богдану далъ, со всимъ доходомъ и наданьемъ церковнымъ, што здавна къ тому монастыру належало. Ино помѣненный архіепископъ владыка Полоцкій Теофанъ-Богданъ тыхъ часовъ прислалъ до насъ, быючи намъ чоломъ, абыхмо ласку нашу господарскую ему показали, и тую церковь зъ монастыромъ вышей помѣненнымъ (которая въ парафии владычества его лежитъ, зваща, въ краю томъ гдѣ онъ наибольшей перемѣшкиваетъ) при немъ оставивши, листомъ нашимъ то ему подтвердили. Ино мы господарь бачучи въ томъ быти прозбу его слушную, зъ ласки наше господарской то есмо учинили, оную церковь заложенъ Святого Спаса и монастырь при той же церкви, въ мѣстѣ нашомъ Могилевскомъ, при немъ оставили и симъ листомъ нашимъ заставляемъ, и то ему подтверждаемъ: маеть архіепископъ владыка Полоцкій Теофанъ — Богданъ тую церковь Святого Спаса и монастырь при той церкви въ мѣстѣ нашомъ Могилевскомъ, зъ людьми, зъ землями и со всеми доходы и наданьемъ церковнымъ, што здавна къ тому монастыру принадлежитъ, держати и уживати до живота своего, справуючи ся на томъ слушнѣ и раднѣ, и того со всякою пильностью постерегаючи, яко бы тамъ хвала Божая водлѣ порядку закону ихъ Греческого отправована была. И на то дали есмо архіепископу владыцѣ Полоцкому Теофану-Богдану сесь нашъ листъ, зъ нашою печатью и съ подписомъ руки наше господарской. Писанъ въ Варшавѣ, лѣта Божьего нароженъ 1578, мѣсяца Февраля 19 дня. — «Stephanus Rex.» — «Венцлавъ Акгриппа, писарь.»

Изъ Литовской Метрики (Запис. кн. LIX, л. 52 об. — 53), хранящейся въ Сенатскомъ архивѣ, въ С. Петербургѣ. Въ заглавіи грамоты отмѣчено: Потверженъ владыкѣ Полоцкому на ма-

настырь въ мѣстѣ Могилевскомъ. — *Официальная выпись изъ Метрики*, за скрѣпною подканцлера князя Михаила Черторыжскаго, выданная 1726 г. Февраля 7, находится въ Полоцкомъ епархіальномъ архивѣ. См. рукоп. Бѣлор. Арх. д. грамотъ, II, 169, принадлежащую Археографической Комиссiи.

95. — 1578 Февраля 22. Листъ желѣзный Могилевскимъ торговымъ людямъ, Кондрату Пашковичу и Мартину Мишковичу.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, Седмиградскій и иныхъ, княземъ, паномъ воеводамъ, каштеляномъ, старостамъ, державцамъ, кнегинямъ, панямъ вдовамъ, маршалкомъ нашимъ и вридикомъ земскимъ и кгородскимъ и дворнымъ, земляномъ и дворяномъ нашимъ, также войтомъ, бурмистромъ, радцамъ, лавникомъ и всимъ тымъ, кому бы то вѣдати належало. Били намъ чоломъ подданные наши, мѣщане Могилевскіе Кондратъ Пашковичъ и Мартинъ Мишковичъ, и повѣдили передъ нами, ижъ въ року прошломъ 1577, о святѣ Греческомъ святоѣ Пречистое, вѣдучи имъ съ куплями и товарами своими, съ сукномъ и солью, которыхъ дей было на триста копъ грошей Литовскихъ, зъ Риги до Витебска, рѣкою Двиною, за припущеньемъ Божьимъ отъ людей непріятельскихъ великаго князя Московскаго суть розбиты; гдѣ дей вси тые товары ихъ отъ тыхъ людей непріятельскихъ суть поотниманы, только ледво дей сами зъ горлами своими живы поутекали: за чимъ дей въ немалое убожество и знищенъ на маетностяхъ своихъ пришли (на которые товары способляючися, въ немалые дей долги попали); а уходячи, абы яко трудности отъ

тыхъ, кому суть винны, не подняли, униженъ насъ господаря просили, абыхмо убезпечючи ихъ, и для запоможенъ, откуль бы они борзды къ выплаченъ тыхъ долговъ своихъ прійти могли, часу вольного до колька лѣтъ узычивши, листомъ нашимъ то имъ умоцнили. А такъ мы господарь маючи бачность на таковое ихъ знищенъ, которое они отъ люду непріятельскаго на маетностяхъ своихъ подняли, на запоможенъ ихъ узычаемъ тымъ подданнымъ нашимъ, Кондрату Пашковичу и Мартину Мишковичу вольность торговати, безъ всякаго нагабанъ и переказы отъ тыхъ, которымъ они суть винны, до лѣтъ . . . (*). Якожъ то умоцняючи, всимъ верху помѣненнымъ, кому того належитъ, приказуемъ, абы есте тымъ подданнымъ нашимъ верху помѣненнымъ о долги ихъ, которые бы они кому — кольвекъ винны были, до лѣтъ . . . (**), ни яко кривды и нагабанъ и переказы въ торговляхъ ихъ не чинили, также и поручникомъ ихъ некотороѣ трудности не задавали, конечно того не чинѣчи. А хто бы сему листу и розказанъу нашому господарскому спротивляючися, што имъ чинити, або трудности якіе задавати къ кривдѣ ихъ хотѣлъ; таковой повиненъ будетъ заруки на насъ господаря дати . . . (***) копъ грошей Литовскихъ. И на то дали есмо тымъ подданнымъ нашимъ сесь нашъ листъ, съ подписомъ руки наше господарской и зъ нашою печатью. Писанъ у Варшавѣ, лѣта Божьего нароженъ 1578, мѣсяца Февраля 22 дня. — Подпись руки господарской. «Венцлавъ Акгрыпа, писарь.»

Изъ Литовской Метрики (Запис. кн. LX, л. 171), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Листъ желѣзный Могилевцомъ, Кондрату Пашковичу и Мартину Мишковичу.

(*) Въ орг. Метр. пробѣль.

(**) То же.

(***) Число «заручной» или штрафной суммы также не означено.

№ 96. 96. — 1578 Апрѣля 28. Окружная королевская грамота Литовскимъ раднымъ панамъ, съ извѣщеніемъ о безуспѣшности мирныхъ переговоровъ съ царемъ Иоанномъ Васильевичемъ относительно Ливоніи, и съ повелѣніемъ быть въ готовности къ войнѣ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, Седмигородскій и иныхъ: князю Валеріану, бискупу Виленскому; князю Малхеру Кгедройтю, бискупу Жомойтскому; воеводѣ Виленскому, канцлеру нашему и гетману нашему великого князства Литовского, старостѣ Ошменскому и Лидскому, державцу Мерецкому, пану Миколаю Юрьевичу Радзивилу; пану Виленскому, старостѣ Жомойтскому, маршалку земскому великого князства Литовского, администратору и гетману земли Инфлянтской, старостѣ Ковенскому, пану Яну Яровимовичу Ходкевичу, кграби на Шкловъ и Мыши; воеводѣ Троцкому, державцу Сомалишскому, Жосленскому, Рудницкому и Дбрунишскому князю Стефану Андреевичу Корыбутовичу Збаразскому; подскарбьему земскому и писарю нашему великого князства Литовского, старостѣ Пиискому, Олитскому и Квасовскому пану Лаврыну Войнѣ. Ознаймуемъ вашей милости, ижъ есмо зъ ласки Божое на тотъ часъ въ добромъ здоровью. При томъ даемъ вѣдати вашимъ милостямъ, ижъ послове наши великіе, которыхъ есмо до великого князя Московского посылали, до насъ до Варшавы прѣѣхали, правѣ, на выѣханью нашимъ въ тую дорогу ко Львову: ино, што они тамъ справили, и намъ оповѣдали и на писмѣ отдали, и яко вырозумѣли есмо съ повѣсти ихъ о вывышней мысли и досыть-гордомъ предсѣзятъ того сусѣда нашего, — о томъ широко писати не потреба. Бо хотѣчи титулъ царскій собѣ привлаци, много рѣ-

чей вспоминалъ, такъ, ижъ дѣдичнымъ паномъ повѣдаетъ себе быти корунъ Польской и великому князству Литовскому; и не хотѣлъ покою дочасного пріймовать, одно до девяти лѣтъ, а на осмъ мѣсяцы, яко была воля наша, ни якимъ обычаемъ не позволялъ. А кгда вѣже за постановленіемъ покою до трѣхъ годовъ, отъ Звѣстованья Панны Маріи, пришло до писанья листовъ: не хотѣлъ позволить писати водѣ тыхъ копій, которые были даны съ канцлерей нашею (яко панъ воевода Иновлоцлавскій съ паномъ Жомойтскимъ принесли остатнее застановленіе покою съ нимъ продку нашему, славноѣ памяти королю его милости Жикгимонту Августу), и тежъ писати не хотѣлъ успокоенія замковъ и повѣтовъ держанья нашего, которые суть въ земли Инфлянтской; одно, згола, написалъ тую землю свою отчизную быти, въ которую абымы ся не вступовали (которые слова приданы суть въ листъ его на первое застановленіе): Для чого, къ вырозумѣнью, посылаемъ преписъ листу его (*) до твоеѣ милости, пане воеводу Виленскій, яко до канцлера нашего, и къ указанью другимъ панамъ радамъ ихъ милости. Съ которого ваша милость обачите, яко замокъ Кесь со всеми пригородками, и замокъ Дынемборкъ со всемъ што къ нему належитъ, своими вспоминаетъ; къ тому князство Курляньское и землю его, и Ригу и вси города тоѣ земли своими властными описалъ, абыхмо ся въ то не вступовали. О которыхъ замкахъ, яко о Дынемборку, передъ тымъ, нижили послове наши до земли его вѣѣхали, вѣдомость мѣли, ижъ наши люди служебные зася къ рукамъ нашимъ его взяли: бо и послове наши на границы задержали ся были набольшей тою причиною, взялиемъ Дынемборку. Также и о взятыю Кеси черезъ жолнеры наши, нижили послове наши отправлены были отъ него, вѣже вѣдомость мѣли. И не держачи тыхъ замковъ,

(*) Означеннаго акта въ манускр. Литовск. Метрики нѣтъ.

надъ то еще и Курляньскую землю, также и Ригу подъ властность свою привлащаетъ. И съ тымъ постановленіемъ послы свои великіе къ принятю отъ насъ присѣги послати обѣцалъ, о которыхъ справа намъ дана, же вборзѣ на границахъ панства нашего будутъ. И ачъ — кольвекъ послове наши свой листъ дали, водѣ того, яко и отъ короля его милости Жикгимонта Августа остатній разъ послове дали: але онъ о землю Инфлянтскую такий подступокъ чинить, и безъ вшелякоѣ причины своимъ то менуетъ чого не держитъ, и што недавно у него побрано, то въ заприсяженіе свое кладетъ, и такъ ся ширячи въ земли Инфлянтской, и замки наши и княжати Курляньского съ князствомъ собѣ привлачаючи, вѣже границу по землю Прускую замѣряетъ. Съ того се всего значить, же онъ только оказыва а погоды своеѣ ждетъ, за которою лачно поприсяженіе свое можетъ взрушитъ, давши причины, ижъ тые — то замки наши отобранные, также земли Курляньской и Риги и иныхъ замковъ, которые суть подъ панованіемъ нашимъ, боронимъ. А мы ижъ бымы нерады ни въ чомъ покою застановленого нарушити и наименьшого слова обѣтницы нашеѣ, не только присѣги зменьшати быхмо не хотѣли: вѣдѣже, ижъ бачимъ быти вельми вонтливое застановленіе съ тымъ непріателемъ, и для того хочемъ зданья вашихъ милостей пановъ радъ нашихъ мѣти, а въ земли, звлаща, при границахъ вшелякую опатрность и острожность, яко бы панове воеводы и старосты граничные на своихъ староствахъ мѣшкали: о чомъ абы есте ихъ ваша милость напоянули, которые бы оттуль зѣѣхалися. А тымъ часомъ абы есте ваша милость послали до пана старосты Оршанского, жебы далъ до Смоленска знать, ижъбы послове его не шли до панствъ нашихъ, ажъ бы посланецъ нашъ Гарабурда, которого есмо до великого князя Московского послали, напоминаючи о поконъ въ земли Инфлянтской, до насъ вернулся. А вѣдаючи та-

кій непевный покой черезъ него постановленій, будете ваша милость въ готовности ея мѣти, и другимъ обывателемъ оногю панства до того указуючи, абы то што ся на соймѣ постановило, къ статку приходило, жебы есмо за помощью Божьею къ отпертью того непріателя способлены въ часъ быти могли. Што все доброму баченію вашей милости пушаемъ. Писанъ въ Сендомиру, лѣта Божьего нароченія 1578, мѣсяца Апрѣля 28 дня. Подпись руки господарскоѣ. — «Венцлавъ Акгрипа, писарь.»

Изъ Литовской Метрики (Запис. кн. LX, л. 203—205), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ до пановъ радъ писанный, за звороченіемъ пословъ его королевской милости отъ князя Московского, о зломъ предсѣзятю его.

97. — 1578 Іюня 5. Окружная королевская грамота, о починкѣ дорогъ, для проѣзда Московскихъ пословъ, и о приготовленіи имъ подводъ и кормовъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, Седмигородскій и иныхъ: княземъ, паномъ воеводамъ, кашталюномъ, старостамъ, державцамъ, кнегинямъ, панямъ, земляномъ и дворяномъ нашимъ, и тежъ войтомъ, бурмистрамъ, радцамъ мѣстъ нашихъ господарскихъ и князьскихъ и паньскихъ и духовныхъ, въ панствѣ нашемъ великомъ князствѣ Литовскомъ. Ижъ послы великого князя Московского до насъ господаря идутъ, противко которыхъ приставами, для проваженія ихъ до насъ, послали есмо маршалка нашего пана Дмитрія Скумина, и тивуна и городничего Троцкого пана Мартина Стравинского. А такъ приказуемъ вамъ всемъ и каждому зособно, абы есте на мѣстцахъ звыклыхъ, водѣ повинности давнѣ, для тыхъ пословъ мосты

№ 98. направовати, гати гатити и станы робити казали, и стапци способити велѣли, также и подвола съ потребу додавали, не опускаючи ни въ чомъ повинности своею давнѣе звыклоу, и некоторого омѣшканья и сплосненства въ томъ не чинячи, конечно. Писанъ у—во Львовѣ, лѣта Божьего нароченья 1578, мѣсяца Іюня 5 дня. — Подписъ руки господарскоу. — «Венцлавъ Акгрипа, писарь.»

Изъ Литовской Метрики (Запис. кн. LX, л. 213 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Листъ о мосты для пословъ Московскихъ.

98. — 1578 Іюня 24. Жалованная грамота Полоцкому архіепископу Теофану, о предоставленіи ему въ пожизненное управление Мстиславскихъ монастырей, Николаевского Нагорнаго и Пустынского, съ отчинами ихъ и доходами.

Стефанъ, Божьею милостью король Польскій и великій князь Литовскій, Ознаймуемъ симъ листомъ нашимъ, што которые два монастыри, одинъ въ мѣстѣ нашомъ Мстиславѣ съ церковью zaloженъя святого Николы повѣ Мстиславскій Евпатей, а другій монастырь неподалеку Мстиславля, прозываемый Пустыньскій съ церковью zaloженъя святого Пречистого сынъ тогожъ попа Евпатія Матѣей держатъ, менуючи на то у себе наданье прадка нашего, славнѣе памяти короля его милости Жыггимонта Августа: о чомъ сими часы архіепископъ владыка Полоцкій, Витебскій и Мстиславскій отецъ Теофанъ Богданъ, чинѣчи досытъ повинности своей, намъ господарю черезъ листъ свой ознаймили, ижъ яко тотъ попъ Евпатей, такъ и сынъ его Матѣей, отъ немалого часу оныя монастыри держачи, стану духовного мнишеского подлугъ закону ихъ Греческого на себе не приняли, и повинности своей подлугъ права ихъ духовного досытъ не учинили. А такъ мы господарь бачучи, ижъ

подлугъ ухвалы сойму вального Городеньского, они на тые монастыри сами собѣ права свои нарушили, за чимъ вжо ихъ одержати не могутъ: съ тоу причины, оныя права ихъ, которые на то у себе мѣли, подлугъ ухвалы сойму вального Городеньского на сторону отложивши, тые монастыри, святого Николы у Мстиславля и святого Пречистого Пустыньскій отъ нихъ есмы взяли и симъ листомъ нашимъ беремъ. А маючи черезъ пана Троцкого, подканцлера великого князства Литовского, старосту Берестейского и Кобриньского, пана Остаея Воловича, залечную особу, того архіепископа владыку Полоцкого, Витебского и Мстиславского отца Теофана Богдана, ижъ онъ на томъ мѣстѣ везванъя своего будучи, пристойной повинности своей со всякою пильностью и преуженьемъ своимъ досытъ чинитъ, и отъ часу того чинити не переставаетъ; а тежъ не мнѣй то опатруючи съ зверхности нашею господарскою, абы онъ на томъ мѣстѣ будучи, подлугъ везванъя своего, слушное выхование мѣти и тымъ способнѣе церкви Божьей служити и всякихъ порядковъ закону Греческого постерегати могъ, — зъ ласки нашею, тые монастыри, святого Николы и святого Пречистого дали есмы и симъ листомъ нашимъ даемъ архіепископу владыку Полоцкому отцу Теофану Богдану, до его живота. Маеъ отецъ архіепископъ владыка Полоцкій тые два монастыри и церкви, zaloженъя святого Николы въ мѣстѣ Мстиславскомъ, и Пустыньскій неподалеку отъ Мстиславля, zaloженъя святого Пречистого, со всеми наданьями, здавна и теперъ къ нимъ надежачими, держати и уживати, и тамъ подлугъ закону своего Греческого во всемъ хвалы Божьей примножати, и подлугъ баченья своего слушнѣе и раднѣе ихъ справовати, а за насъ господаря Бога просити. И на то дали есмы ему сесъ нашъ листъ, съ подписомъ руки нашею господарскою и зъ нашою печатью. Писанъ во Львовѣ, лѣта Божьего нароченья 1578, мѣсяца Іюня 24 дня. —

«Stephanus Rex.» — «Венцлавъ Агрипа, писарь.»

Изъ Литовской Метрики (Запис. кн. LIX, л. 120-121), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Привилей владыку Полоцкому на два монастыри, одинъ во Мстиславлю, а другій неподалеку Мстиславля Пустыньскій.

99. — 1578 Іюня 28. Грамота королевская Троцкому воеводѣ князю Стефану Збаражскому, съ повелѣніемъ отправиться въ Ливонію съ гетманомъ Радивиломъ, для содѣйствія въ предстоящей войнѣ съ Русскими.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Седмиградское и иныхъ, воеводѣ Троцкому, державцу Семилишскому и Жосленскому князю Стефану Андреевичу Збаражскому. Ознаймуемъ вамъ, ижъ дошла до насъ певная вѣдомость, же великій князь Московскій войска свои великіе въ собранъе поготову маеъ, къ посяданью и опанованью до конца земли Инфлянтскоу, а люди его передовые въ оной земли вжо вустошатъ и снаженъе чинятъ. А ижъ для невыданья податковъ, перво сего у Волковийску постановленыхъ, также и на соймѣ прошломъ Варшавскомъ ухваленыхъ, людей служебныхъ такъ великого войска, яко есмы потребу быти разумѣли, способити ся не могло: про то жадаемъ твоей милости, абы твоя милость, видѣчи такъ великую и наглую потребу рѣчи посполитовъ (которая якую небезпечность и великому князству Литовскому за собою приноситъ, кгда бы, чого Боже ухвай, тотъ неприятель съ потѣхою предсявѣя того злого умыслу своего доконалъ), при воеводѣ Виленскомъ, гетманѣ наивышномъ великого князства Литовского, канцлеру нашомъ, старостѣ Ошменскомъ и Лидскомъ пану Миколаю Юрьевичу Радивилу, до оныхъ земли

Инфлянтской самъ тягнулъ, чинячи то для твоей милости отчизны своею и для славы нашею королевской, а забѣгаючи тому, абы неприятели потѣхи не ужилъ. Што не только съ вѣдчностью отъ твоей милости пріймемъ, але и памятовати то и ласкою нашою нагороджати твоей милости, яко радъ нашому, подлугъ каждымъ часомъ хотимъ; и маемъ тую надѣю, ижъ твоя милость такоу квалтовнѣе потребности за такимъ жадаемъ нашимъ опустити не будешъ хотѣти: кгдажъ не бачимъ, абы чимъ инымъ такъ великая квалтовная потреба рѣчи посполитой ратоватися могла, одно самоу милостью вашею славы нашею, а за тымъ до того рушенья охотноу посвѣщностью. Писанъ у Львовѣ, лѣта Божьего нароченья 1578, мѣсяца Іюня 28 дня. — Подписъ руки господарскоу. — «Венцлавъ Акгрипа, писарь.»

Изъ Литовской Метрики (Запис. кн. LX, л. 216), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Листъ до воеводы Троцкого, о вхажѣ на войну до Инфлянтъ, противъ князю Московскому.

100. — 1578 Іюля 3, 1581 Января 26 и 1582 Февраля 15. Акты, относящіеся къ тяжбному дѣлу о расторженіи брака князя Андрея Курбского съ супругою его княгинею Марією Гольшанскою.

I. — Лѣта Божьего нароченья 1578, мѣсяца Іюля 3 дня, господарь король его милости и великій князь Литовскій Стефанъ рачилъ росказа-ти до книгъ своихъ господарскихъ канцелярейскихъ то занисати, што постановившася очевисто передъ господаремъ его милостью панъ Янъ Андреевичъ Монтольтъ, съ пріятелы дому своего, оповѣдалъ и обтяжливъ жаловалъ о томъ, ижъ дей князь Андрей Михайловичъ Курбскій, взявши за себе въ станъ маженскій матку его, княгиню Марью Юрьевну Гольшанскую, не подлугъ стану ее ховалъ, бий, морды и окрутенства безъ всякоу причины ей

№ 100. чинилъ, не для чого иного, одно дей вытягачи записи отъ нее на имѣнья, которые пани—матка имъ сыномъ своимъ первѣй записала. Якожъ таковоѣ обтяжливости не хотѣчи кнегини matka его терпѣти, водлѣ обычая костела Божьего Греческого приняла вызволенѣ отъ князя Курпского зъ малженства, передъ особами певными духовными; нижили дей онъ пани—матку его предѣся у везеню ховаеть, хотѣчи посѣсти маестность, ему потомку еѣ властѣ належачую, якожъ вжо нѣкоторые имѣнья продаеть и постановенья чинить, надъ право ихъ прирощеное и отъ нее яко отъ матки записаное. А што большого, ижъ matka его не естъ дей безпечна здоровья своего, и яко до его вѣдомость доходила (кгдажъ ихъ дѣтей до еѣ милости не приушаль), ижбы вжо съ сего свѣта сойти мѣла. Про то князя Курпского передъ маестатъ его королевскоѣ милости былъ позвалъ; але, ижъ дей тутъ во Львовѣ князь Курпскій, припрывавши еѣ за сторожою ховалъ, вѣдѣже за нѣкоторыхъ пріятелей ужитьемъ, допустилъ ему еѣ видѣти, которую дей видѣлъ, заледво живую и схворалую: про то, естли бы съ сего свѣта зошла, иначе розумѣти не хочеть, одно, ижъ черезъ трутизну о горло матки его прійдетъ. Въ чомъ его королевскоѣ милости просилъ, ижъ бы такового вязенья его королевскоѣ милость еѣ чинити не допустилъ, и добровольнѣ, яко тую, которая зъ малженства вызволена, выпустити розказалъ, и листомъ своимъ господарскимъ князя Курпского о то напомути рачилъ. И заховаючи собѣ панъ Монтотъ вшедакій поступокъ о таковую кривду матки и дому своего съ княземъ Курпскимъ чинити, просилъ, абы тое оповѣданѣ его до книгъ господарскихъ канцелярейскихъ было записано: съ которыхъ и выпишь пану Монтоту естъ данъ. Писанъ у Львовѣ.

Въ заглавіи акта отмычено: Оповѣданѣ пана Яна Монтотла на князя Курпского, о непристойное мордованѣ и хованѣ матки его, жоны своеѣ.

II. — Лѣта Божьего нароженѣ 1581, мѣсяца Генваря 26 дня. Што князь Андрей Михайловичъ Курпскій Ярославскій позвалъ былъ передъ его королевскоѣ милость, къ праву, кнегиню Марью Юрьевну Гольшанского, мѣнячи водлугъ еѣ добровольного опису о невиненѣ досыть запису еѣ, ему даного; за которыми позвы, припалъ рокъ той справѣ передъ его королевскоѣ милостью се-здѣ, у Варшавѣ, мѣсяца теперешнего Генваря 19 дня. На который рокъ они обѣ-дѣ стороны, князь Курпскій, черезъ умоцованого своего, и кнегиня Марья Гольшанского въ канцлярей его королевскоѣ милости становилися и того року пилновали: нижили его королевскоѣ милость, уважаючи то, ижъ перво сего таковыѣ вси справы суду его милости господарскому належатъ, той рокъ преложити рачилъ, по вѣханыю его королевскоѣ милости съ того теперешнего сойму Варшавского въ границы великого князства Литовского, за чотыри недѣли, вынемши только съ тоѣ лимитации тѣѣ справы, которые водлѣ права, ниждѣ индѣ, одно на соймѣ сужовы и отпрапованы быти мають. Про то и тую справу ихъ до тоѣжъ первшой лимитации отослати его королевскоѣ милость рачилъ: што до книгъ его милости господарскихъ канцлярейскихъ записано естъ, съ которыхъ и сесъ выпишь кнегини Марьи Гольшанской подъ печатью его королевскоѣ милости данъ. Писанъ у Варшавѣ.

Въ заглавіи акта отмычено: Лимитация справы князя Андрея Курпского съ кнегинею Марьею Гольшанскою, о неучиненѣ досыть запису еѣ.

III. — Стефанъ, Божьею милостью король Польскій и великій князь Литовскій. Смотрѣли есмы тоѣ справы съ паны радами нашими, на тотъ часъ при насъ будучими, за отосланьемъ до насъ отъ велебного Онисифора Петровича, архіепископа митрополита Кіевского и Галицкого и всея Руси, ижъ што первѣй сего кнегиня Андреева Курпская, кне-

гиня Марья Гольшанского позывала позвы нашими до насъ господаря, князя Андрея Курпского о разводъ малженства, о вязенѣ и о забранѣ имѣній и маестности своеѣ: чого мы господарь на тотъ часъ не скончили и отослали есмы до суду належного духовного, абы ся первѣй о разводъ малженства, яко о головнѣйшую рѣчь, межи собою росправили. За которыми отосланьемъ нашимъ, кнегиня Марья Гольшанская позывала князя Курпского позвы духовными передъ архіепископа митрополита, на трои роки становитися. И кнегиня Марья, за тыми позвы и права своего попираючи, на тые роки становилася: нижили князь Курпскій на тыхъ всихъ трехъ рокахъ у суду духовного передъ митрополитомъ самъ не становячися, причинами нѣкоторыми, первѣй листомъ нашимъ военнымъ, мѣнячися быти на войнѣ, а потомъ обложною хоробою закладалъ ся. За чимъ митрополитъ, за третьими позвы, по томъ третьемъ року, узнаваючи, ижъ князь Курпскій, водлугъ права духовного, къ праву становитися и отказовати былъ повиненъ, не вымовляючися нѣкоторыми причинами; бачучи тежъ то зъ листу владыки Володимирского, около разводу писаного, ижъ тотъ разводъ малженства не водлугъ письма Божьего и правъ святыхъ Отецъ межи ними стался: кгдажъ причинъ слушныхъ, въ письмѣ Божомъ описаныхъ, для которыхъ бы разводъ малженства быти мѣлъ, зъ obu сторонъ собѣ не дали и не показали; а хотя бы тежъ и зъ слушныхъ причинъ разводъ малженства межи ними стался: тогды вжо князь Курпскій, за живота еѣ, иншоѣ жоны поймовати не могъ, а ни кнегиня Курпская, такъ же, за живота его, за иншого мужа пойти. Съ тыхъ причинъ, архіепископъ митрополитъ Онисифоръ тотъ разводъ межи ними узнаваючи быти неслухный и противъ письму Божьему и праву духовному учиненый, вѣдѣже вырокъ и сказанѣ о то не чинячи, зданѣ свое въ той справѣ, на узнанѣ и подтверженѣ наше, до

насъ господаря отослалъ, докладаючи того, № 100. ижъ князь Курпскій праву его духовному послушенства чинити не хочеть, и посланцовъ его, которыхъ въ той справѣ до него съ позвы духовными посылаетъ, до себе не пускаеть и бити ихъ кажетъ, а самъ къ праву передъ нимъ не становитися и въ томъ обвиненю своему не справуется, и просячи насъ господаря, абы есмы тое узнанѣ его вырокомъ нашимъ утвердили. За тымъ, тутъ же стоячи очевисто умоцованый князя Андрея Курпского Миколай Суликовскій, за моцью суполною отъ него собѣ въ той рѣчи даною, тыми словами мовилъ, ижъ дей «князь Курпскій на первомъ року у права духовного слушнѣ ся не становилъ: бо дей былъ на войну подъ Псковъ поѣхалъ; а ижъ его хороба зашла, тогды тамъ не доѣхавши вернутися мусилъ, и на томъ року листомъ его королевскоѣ милости военнымъ водлугъ права защитилъ ся; для того тотъ рокъ за первшими позвы за рокъ признанъ быти не можетъ; а што ся дотычетъ роковъ за другими и третьими позвы: ино князь Курпскій, за хоробою своею становитися не могучи, о хоробѣ своей суду и сторонѣ знати давалъ; а кгдажъ хороба у каждого права вымовляетъ, про то тамъ сторона некоторого сказанѣя и за тыми третьими позвы одержати не могла, але еще бы о то князя Андрея Курпского позывати мѣла». Для чого просилъ, абы тая справа до належного суду духовного отослана была, повѣдаючи, ижъ князь Курпскій усправедливити ся и право свое показати готовъ будетъ.—А кнегиня Курпская черезъ умоцованого своего Адама Марха-ча повѣдила, «ижъ князь Курпскій на первомъ року листомъ военнымъ укрыватися, также за другими и третьими позвы хоробою вымовлятися не могъ: кгдажъ дей яко на войнѣ самъ не былъ, такъ и хоробою обложною о тыхъ рокахъ зложонѣ не былъ; чого доводила листомъ протопопа Виленского и всего собору церкви святоѣ Пречистоѣ, которые созна-

№ 100. вають, ижъ князя Курпского по томъ року первшомъ, въ року прошломъ 81. мѣсяца Юля 23 дня припаломъ, въ томъ же року мѣсяца Августа 15 дня, въ церкви святой Пречистой, у Вильни, у службъ Божой видѣли; а потомъ дей онъ не на войну, але до имѣнья своего, на Уинить лежачого, до Криничина вхавши мѣшкалъ, и тамъ ему другіе и третіе позвы поданы были: нижили онъ, уликаючи права, безъ слушныхъ причинъ мнѣ усprawдливити ся не хочеть», — и просила насъ господаря, абыхмо тое узнанье отца митрополита, въ той рѣчи до насъ отосланое, вырокомъ нашимъ утвердили, даючи того справу. ижъ право духовное въ таковомъ обвиненью каждого не далѣй, только на трой роки позывати кажетъ; а звлаща дей, вжо трудно его знову очевистъ позывати, длятого, ижъ онъ посланцовъ его митрополитхъ къ собѣ не пускаетъ и позвовъ приймавати не велить. — А такъ мы гоенодаръ намовивши въ томъ достаточнѣ зъ ихъ милостью папы радами нашими духовными и свѣтскими, которые на сее часть при насъ были, такъ есмы знашли, ижъ тотъ рокъ первшій, на которомъ се князь Курпскій листомъ нашимъ военнымъ заложилъ, слушнѣ за рокъ принять быти не маеть, съ тоѣ причины, ижъ службою земскою военною и листомъ нашимъ будучи обезпечонъ становитися не могъ: вѣдѣже тые два роки, на которыхъ ся обложною хоробою закладалъ, кнегини Марьи Курпской у права ити мають; для чого маеть кнегиня Курпская, теперъ, на третій остатній рокъ еще князя Андрея Курпского позвомъ митрополитмъ позвати: на которомъ року, яко на завитомъ, будетъ ся повиненъ князь Курпскій передъ митрополитомъ, не вымываячися жадными причинами, становитися, и въ томъ обвиненью своемъ во всемъ наконецъ усprawдливити ся; а митрополитъ, не откладаючи тоѣ sprawy на иншій дальшій часть, але вжо на томъ року вырокъ и сказанье skuteczное водѣтъ права духовного учинити

маеть, не боронячи сторонамъ апелляци до вышшого права. Што все, для памяти, до книги нашихъ канцларейскихъ есть записано, съ чого и сее выписъ съ книгъ кнегини Марьи Гольшанской подъ нашою печатю есть выданъ. Писанъ у Вильни, лѣта отъ нароженья Сына Божого 1582, мѣсяца Февраля 15 дня.

Въ заглавіи акта отмѣчено: Справа, за отосланьемъ митрополитмъ, кнегини Андреевой Курпской Марьи Гольшанского съ княземъ Андреемъ Курпскимъ, о розводъ малженства и о иные рѣчи.

Три сіи акта выписаны изъ Литовской Метрики (Судн. дѣлъ кв. LVIII, л. 74—75 и кв. LX, л. 210 и 318—320), хранящейся въ Сенатскомъ архивѣ, въ С. Петербургѣ.

101. — 1578 въ Августъ. Жалованная грамота Подляшскому воеводичу Ивану Сопѣгѣ, на право подаванья (*jus patronatus*) Черейскаго Троицкаго монастыря, основаннаго предкомъ его, Смоленскимъ епископомъ Мисайломъ.

Стефанъ, Божьею милостью король Польскій, великій князь Литовскій, Рускій, Прускій, Жемойтскій, Мазовецкій, Инфлянтскій, князя Седмиградское и иныхъ, ознаймуемъ симъ нашимъ листомъ, хто на него посмотритъ, альбо чтучи его услышитъ, всимъ вообще и каждому зъ особна, нынѣшнимъ и напотомъ будучимъ, кому будетъ потреба того вѣдати. Оповѣдалъ передъ нами воеводичъ Подляскій, старостичъ Дорогичскій, панъ Иванъ Ивановичъ Сопѣга, ижъ што съ давныхъ часовъ, владыка Смоленскій Мисайло, къ хвалѣ Божой и къ богомолью господару и родителемъ своимъ, удѣлялъ храмъ Святое Троицы и мацастырь надъ озеромъ Головлемъ, въ Черей, и надалъ къ той церкви Божой часть свою, которая се ему съ дѣлу достала отъ брата въ томъ же имѣнью въ Черей, такъ тежъ што Бабицы князи Друцкіе надали и записали къ храму Святой Троицы мана-

стыра Черейского люди свои и земли, каждый свою часть, у Рыдемли, и привилъя свои дали, а потомъ и передъ господаремъ святое памяти Казимеромъ королемъ Польскимъ, предкомъ нашимъ, сами очивистъ признали: на што отъ короля его милости Казимера подтверженье владыцъ Смоленскому Мисайлу есть дано; а владыка Смоленскій Мисайло далъ, приказалъ и записалъ тотъ храмъ Божій и мацастырь Святое Троицы въ опеку, въ оборону и въ подаванье зятю своему пану Богдану Сопѣзъ, жонѣ его, а братаннѣ своей, дѣтемъ и наслѣдкомъ ихъ: што все достаточнѣ и меновитъ на тыхъ привилъяхъ есть описано. Которые листы, твердости и привилъя панъ Иванъ Сопѣга передъ нами показывалъ, паркгаменовыхъ листовъ шесть съ привѣсистыми печатями, семый листъ подтверженный святое памяти короля Казимера, а осмый листъ паней Ивановое, яноки Агаѣи, матки владыки Смоленского Мисайла, съ привѣсистую печатю, и билъ намъ чоломъ, абыхмо ему на то листъ нашъ дали и то ему листомъ нашимъ подтвердили. Ино мы тыхъ листовъ записныхъ оглѣдавши, велѣли есмы вси отъ слова до слова въ сее нашъ листъ вписати, и такъ се въ собѣ мають:

I. — Листъ первый, съ завѣсистую печатю, князя Семена Федоровича:

«А се язъ князь Семень Федоровичъ далъ есми и записалъ къ церкви святое Троицы общему монастырю, иже на Головли, человека своего Савку, съ его семьею, што ся мнѣ досталъ на мою дѣляницу, съ его пашною землею и съ сѣножатями и съ бортною землею, што ся мнѣ достало на мою дѣляницу шотовоѣ земли, по его писмени; тая земля такъ ходитъ ему къ святой Троицы, по своему писмени, а то есми далъ къ святой Троицы, на память отцу своему и родителемъ своимъ, а собѣ на бого-

молью; а далъ есми того человека къ святой Троицы твердо и непорочно съ тыми землями; и по моемъ животѣ, въ того человека, а ни въ его земли не надобъ никому вступатися моимъ сродичомъ. А при томъ были: князь Василей Григорьевичъ, а бояре его Юрья а Нестеръ, а монахъ бояръ Андрей, а Гайко, а Андрейко Михайловъ. А на твердость сее свое грамоты, и печать есми свою приложилъ. А писанъ въ лѣто 6974 (*), индикта чотырнадцатого, мѣсяца Юля въ двадцать шостый день.»

II. — Листъ второй, съ завѣсистую печатю, князя Федора Федоровича:

«А се язъ князь Федоръ Федоровичъ далъ есми и записалъ къ церкви святой Троицы общему монастырю, иже на Головли, у Рыдемли, селце у своей отчизнѣ, што ся мнѣ достало на мою дѣляницу, на имя Нестерково, што коли тотъ Нестерко завѣдалъ, съ пашною землею и съ сѣножатями и съ бортною землею, што ся мнѣ достало на мою дѣляницу шотовоѣ земли, по Нестеркову писмени: тая земля такъ ходитъ къ святой Троицы, по его писмени; а то есми далъ и записалъ къ святой Троицы, на память отцу своему и родителемъ своимъ, а собѣ на богомолью, а далъ есми тое къ святой Троицы твердо и непорочно, какъ же вверху выписано; и по моемъ животѣ, въ тое селце, какъ же записано, не надобъ вступатися никому моимъ сродникомъ. А при томъ были мои бояре: Осій, Богданъ а Тотаринъ Сопреновичи, Сошко Каепоровичъ Азбука, а духовникъ мой панъ Василей, а дьякъ Пыика. А на твердость сее свое грамоты, и печать есми свою приложилъ. А писанъ въ лѣто 6974, индикта чотырнадцатого (**), мѣсяца Августа въ двадцать шостый день.»

III. — Листъ третий, съ завѣсистую печатю, князя Василья Федоровича:

(*) Т. е. 1466 г. Индиктъ вѣрнѣ. Слич. ниже.

(**) См. выше, въ предыдущей статьѣ.

№ 101. «А се язъ князь Василей Оедоровичъ далъ есми и записалъ къ церкви святыя Живона-
чалныя Троицы общему монастыру, иже на
Головли, у Рыдомли, селце у своей отчизнѣ,
што ся мнѣ достало на мою дѣлницу, на имя
селце Давыдково, што коли тотъ Давыдко за-
вѣдалъ, съ пашною землею и съ бортною и съ
сѣножатями, што ся мнѣ достало на мою дѣл-
ницу чотовоѣ земли, по Давыdkову писмени; а
положилъ есми той земли рубежъ, што есми
далъ къ святой Живоначалной Троицы, и то
есть: ручей отъ Березова болота, ино отъ того
ручья до Олександрова угла; то есми далъ
святой Троицы, на память отцу своему и роди-
телямъ своимъ, а собѣ на богомолью, а далъ
есми то церкви Божой твердо и непорушно, а
потому въ тое селце Давыдково не надобѣ мнѣ
вступатися, ни моей брати, ни кому иному зъ
моего роду. А при томъ были: конюшый Смо-
ленскій Василей Павловичъ Полтева, а князь
Иванъ Козечинъ, а моихъ бояръ Романъ Лит-
винъ, а Булгакъ, а Васко, а Еско. Писанъ у
Смоленску, Октября одиннадцатого въ лѣто
6974 (*), индикта чотырнадцатого.»

IV. — Листъ четвертый, съ завѣсистою пе-
чатью, князя Ивана Оедоровича:

«А се язъ князь Иванъ Оедоровичъ далъ
есми и записалъ церкви святой Троицы обще-
му монастыру, иже на Головли, человека
своего Сергѣйка, съ его сѣмьею, што ся мнѣ
досталъ на мою дѣлницу, съ его пашною зем-
лею и съ сѣножатями и съ бортною землею, што
ся мнѣ достало на мою дѣлницу чотовоѣ земли,
по его писмени: тая земля таки ходитъ ему къ
святой Троицы по своему писмени; а то есми
къ святой Троицы далъ, на память отцу свое-
му и родителемъ своимъ, а собѣ на богомолью;
а далъ есми того человека къ святой Троицы
твердо и непорушно съ тыми землями, и по
моемъ животѣ въ того человека, а ни въ его

земли не надобѣ никому вступатися моимъ
сродникомъ. А при томъ были: бояринъ мой
Дроздъ, а Ивашко Сенькевичъ Менениновъ,
а попъ Зеновъ Никольскій, а Андрей Михайло-
вичъ, маршалко владычинъ; а писалъ игуменъ
Гарасимъ. А на твердость сее своее грамоты,
и печать свою приложилъ. Въ лѣто 6984 (**),
индикта девятого, Февраля двадцать вто-
рого.»

V. — Листъ короля Казимера святое памяти
такъ ся въ собѣ маеть:

Самъ Казимеръ, Божьею милостью, король
Польскій, великій князь Литовскій, Рускій,
княжа Пруское, Жомойтскій и иныхъ. Былъ
намъ чоломъ владыка Смоленскій Мисайло:
што записали ему къ святой Троицы манасты-
ря Черейского князь Семень, а князь Оедоръ,
а князь Василей, а князь Иванъ Оедоровичъ,
дѣдичи, у Рыдомли люди свои и земли, кож-
дый свою дѣлницу, съ землями пашными и съ
бортными, со всимъ, ничего на себе не вымѣ-
няя, вѣчно, абыхмо мы то ему подтвердили къ
святой Троицы нашимъ листомъ. А князь Се-
мень, а князь Оедоръ, а князь Василей, а
князь Иванъ повѣдили передъ нами, штожъ
они записали ему къ святой Троицы манасты-
ру Черейскому, у Рыдомли, люди свои и зем-
ли, каждый свою дѣлницу, со всимъ, ничего
на себе не вымѣняя, вѣчно, и били намъ чо-
ломъ, абыхмо мы тые люди у Рыдомли и зем-
ли вси, которые жъ они записали къ святой
Троицы, утвердили нашимъ листомъ. Ино мы
тые люди и земли къ святой Троицы утвер-
жаемъ симъ нашимъ листомъ: ужю оны не
мають ся въ тые земли вступатися ничимъ,
нижи маеть держати ихъ къ святой Троицы
владыка Смоленскій Мисайло, со всимъ, какъ
они сами держали; а по его животѣ, игуменъ
съ братьею, который коли будетъ у святой
Троицы манастыря Черейского, маеть тые

(*) См. выше.

(**) Т. е. 1476 г. Индиктъ и здѣсь вѣренъ: по datum этого акта сомнительно, потому что въ означенномъ году епископъ Мисайлъ былъ уже Кіевскимъ митрополитомъ. Слѣдовательно, писанъ раньше.

люди и земли держати со всимъ къ святой
Троицы, вѣчно. Писанъ у Вильни, Генваря
двадцать второго дня, индиктъ вторый (*).

VI. — Листъ купчий, што владыка Смо-
ленскій купилъ землю у Дашковыхъ дѣтей:

«А се мы Дашковы дѣти Ивановича, Ивась-
ко, а Василей, а Олехно, а Сенько, продали
есмы господарю своему владыцѣ Мисайлу, къ
церкви святой Троицы, иже на Головли,
пашню свою отчизны своее и дѣдины Клуби-
ничъ, со всимъ съ тымъ по тому какъ дѣдъ
нашъ держалъ, и продали есмы твердо и не-
порушно; а потомъ намъ тоѣ пашни не по-
искивати, ни нашему роду. А при томъ были:
зять нашъ Митько Мастытичъ, а дядя нашъ
Михайло Володковичъ, а Илья Митьковъ сынъ
Мастытича.»

VII. — Листъ матки владычнее:

«Во имя Отца, и Сына, и Святого Духа. Я
пани Ивановая, инока Агаея, записала есми
бонду свою, у Витебску, селце Улановичи къ
святой Троицы, на Головли общему манасты-
ру, и сыну своему Мисайлу, владыцѣ Смо-
ленскому, со всимъ съ тымъ што къ тому
селцу слушаетъ, съ пашною землею и съ во-
дами и сѣножатями, своей души на память и
всему роду своему; а сыну моему Мисайлу,
епископу Смоленскому, мене кормити и мною
печаловатися до моего живота, а по моемъ
животѣ душею моею печаловатися ему; а по
моемъ животѣ ненадобѣ въ то ся вступати ни
моимъ дѣтемъ, ни моимъ унучатомъ и всему
роду моему: то есми записала къ святой Трои-
цы на Головли общему манастыру твердо и
непорушно. А при томъ были добрые люди:
архимандритъ Пречистое Сильвестръ, духов-
никъ мой попъ . . . , Митько Мастытичъ,
зять мой, и дочка моя пани его Огренька, а
панъ Оедко Немировичъ, зять нашъ и пани
его, и панъ Левъ и его пани, а игуменъ

Ефросимья, и старцы и старицы, и иныхъ № 101.
добрыхъ людей много было при томъ. А съ
того селца давати десѣтина къ Пречистой со-
борной церкви у Витебску. А хто сее мое
данье иметъ рушать, отнимати отъ церкви,
или мои дѣти и внучата, или отъ рода моего
хто, тотъ ся со мной розсудитъ передъ Богомъ,
на страшномъ судѣ, и буди на немъ клятва
трехъ сотъ святыхъ Отецъ иже въ Никій. А
писанъ въ лѣто 6000-ое 900-е 73 (**), индикта
третьего (надцать).»

VIII. — Листъ владыки Смоленского:

Се азъ владыка Смоленскій Мисайло чиню
вѣдомо каждому доброму симъ моимъ листомъ.
Штожъ ми ся достала часть отъ брати у Че-
реи, и я грѣшный къ хвалѣ Божьей удѣлалъ
и къ богомолью господарю и родителемъ
своимъ храмъ святыя Троицы и манастырь; и,
умысливши есми, штобы тотъ храмъ Божій
и манастырь по моемъ животѣ у кого въ обо-
ронѣ былъ съ кровныхъ моихъ, приказалъ
есми и далъ тотъ храмъ Божій и манастырь
святыя Троицы, по своемъ животѣ, въ оборону
и въ поданье братаннѣ своей кнегини Марьи,
и зятю нашему пану Богдану Сопѣзъ, писару
королеву, и жонѣ его, и дѣтемъ и наслѣдкомъ
ихъ, со всеми людьми и селы своими, и што
князи Друцкіе Бабичы тому манастырю села
въ Рудомлѣ, а князи Лукомскіе село въ Ко-
реевичахъ и озеро Золотино придали, съ куп-
лями и со всимъ наданьемъ природныхъ и не-
природныхъ моихъ, вѣчно и на вѣки; и вже
зъ иныхъ съ кровныхъ нашихъ не маеть ни-
хто (въ) тотъ манастырь и въ люди и земли и
ни во што вступатися; а хто бы по мнѣ сее
слово мое и сесь записъ мой хотѣлъ рушити,
тотъ се со мною розсудитъ на страшномъ судѣ,
передъ небеснымъ царемъ а господарю дастъ
сто рублевъ грошей. А при томъ моемъ записѣ
были: князь Семень Оедоровичъ Соколинскій,

(*) Вѣроятно, въ 6977, т. е. 1469 г., сообразно съ выставленнымъ здѣсь индиктомъ.

(**) Т. е. 1465 г. Недописка въ индиктъ дополнена, сообразно съ годомъ.

№ 102. а братья мои, панъ Микита а панъ Дашко, и на то есми имъ далъ сесь мой записъ, съ моею печатью. Писанъ въ лѣто 6983 (*), индикта девятого, мѣсяца Октября семого дня.»

А такъ мы зъ ласки нашею господарской, на чоломбитѣ воеводича Подляского то есѣмо учинили: кгдажъ за тыми листы и правомъ, дѣлъ его панъ Богданъ Сопѣга тотъ монастырь Черейскій святое Троицы въ опецъ, въ оборонѣ и въ поданью своемъ до живота своего мѣлъ и спокойнѣ держалъ, а по немъ и отецъ его панъ Иванъ Богдановичъ Сопѣга, воевода Подляскій, староста Дорогицкій, и жона его воеводиная Подляская пани Ганна Андреевна Санкушковна такожъ до животомъ своихъ спокойнѣ держали, а потомъ и онъ самъ, по смерти родичовъ своихъ, яко дѣдизну и отчизну свою, и до того часу въ оборонѣ, въ опецъ и въ поданью своемъ мѣлъ и спокойнѣ держалъ; за такими листы и правомъ его, и мы на то ему даемъ сесь нашъ листъ и подтверждаемъ ему тотъ монастырь Черейскій святое Троицы на Головли сѣмъ листомъ нашимъ. Маеъ воеводичъ Подляскій, старостичъ Дорогицкій, панъ Иванъ Ивановичъ Сопѣга, онъ самъ, дѣти его, потомки и наслѣдки, тотъ монастырь Черейскій святое Троицы на Головли, со всѣмъ наданьемъ, такъ яко зъ давнихъ часовъ въ собѣ маеъ, въ оборонѣ, въ спокойномъ держанью и въ подаванью своемъ мѣти вѣчными часы, и никто зъ близкихъ кровныхъ и далекихъ въ томъ ему жадноу переказы чинити не мають. А для лѣшшоу твердости, и печать нашу къ сему нашему листу привѣсити есѣмо казали и рукою нашою подвисали. Писанъ у Львовѣ, лѣта Божьего нароженья 1578, мѣсяца Августа . . . дня. — Подписъ руки господарской. — «Венцлавъ Акгрипа, писарь.»

* Изъ Литовской Метрики (Запис. кн. LIX, л.

137—141), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Потверженъ воеводичу Подляскому пану Ивану Сопѣзъ на монастырь Черейскій святое Троицы, на Головли.

102. — 1578 Августа 26. Жалованная грамота Пятигорскому князю Темрюку Шимковичу, на два села въ «державѣ» Горждовской, въ пожизненное владѣніе.

Стефанъ, Божьею милостью король Польскій и великій князь Литовскій. Ознаймуемъ сѣмъ листомъ нашимъ, кому бы того вѣдати потреба была, ижъ мы господарь маючи ласковое баченъ на вѣрные и цѣнливые, а отъ пановъ радъ нашихъ коруны Польское и великого князства Литовского намъ залепоныя службы ротмистра нашего княжати Темрука Шимковича Петигорского, которые вже отъ часу немалого, еще королю его милости славное памяти Жикгимонту Августу, продку нашему, у великомъ князствѣ Литовскомъ противъ люду неприятельскому князя великого Московского, такъ тежъ будучи посланный до Волохъ, противъ люду Турецкому и Волоскому, на Подолью, черезъ часть немалый служачи и зъ людомъ Татарскимъ частые потребы и поражки мѣваючи, зъ нелитованьемъ горла, кровопролитъя и маетности своею зъ себе оказывалъ, также вжо и намъ господарю служачи въ Прусъхъ, подъ Щевомъ и подъ Кгланьскомъ, и теперъ недавно зъ людомъ Татарскимъ на Подолью досытъ мужнѣ и значнѣ собѣ починаючи, то, што почтивому рыцерству належало, чинилъ, ласку нашу господарскую собѣ заслугуючи, — дали есѣмо ему двѣ селъ наши у волости Кгорждовской (которые первѣй сего, за дапиною нашою, дворянинъ нашъ Григорей Суета до живота своего держалъ), на имя село Вержаты, въ немъ волокъ 30, а

другое село Скарники, въ которомъ также волокъ 30, то есть, всего волокъ 60, зъ людьми на нихъ осѣлыми и со всѣми кгрунты, въ застѣнкахъ къ тымъ селамъ примѣренными, на выпусы и на выгоны прилаными, и со всѣмъ, яко ся въ собѣ здавна мають и яко то небожчику Суеъ отъ насъ было дано до его живота. Маеъ помѣненный ротмистръ нашъ княжа Темрукъ Шимковичъ Петигорскій верху — мевеныи села Вержаты и Скарники зъ людьми въ нихъ будучими, зъ кгрунты пашными и непашными, зъ боры, зъ гаи и лѣсы, зъ дубровами, зъ деревомъ борнымъ, зъ рѣками, зъ озерами, зъ млыны и ихъ вымелки, зъ дяклы и со всякими пожитки и повинностями, съ данью грошовою и медовою, и съ чыншами и со всѣмъ, яко ся оныи села сами въ собѣ, здавна, въ границахъ, обыходѣхъ и въ обрубкахъ своихъ мають, и яко то небожчику Суеъ отъ насъ дано было, за сѣмъ нашимъ листомъ держати, и вси пожитки зъ нихъ приходячыи на себе брати, и тамъ собѣ дворъ збудовати и пашню становити, ставы и сажавки копати, и иныхъ всякихъ пожитковъ собѣ прибавляти воленъ будучи, до живота своего, ничего съ того намъ господарю и до скарбу нашего не зоставуючи и не даючи, только службу земскую военную конно, збройно, по тому яко и иные шляхта рыцерство у великомъ князствѣ Литовскомъ, служити и заступовати будетъ повиненъ. И на то дали ему сесь нашъ листъ, съ подписомъ руки нашею господарской и зъ нашою печатью. Писанъ у — во Львовѣ, лѣта Божьего нароженья 1578, мѣсяца Августа 26 дня, а панованъя нашего року третего. — «Венцлавъ Акгрипа, писарь.»

Изъ Литовской Метрики (Запис. кн. LIX, л. 147—148), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей княжати Темруку Петигорскому на два села, въ державѣ Кгорждовской, на имя Вержаты и Скарники, до живота его ланые.

№ 103. 103. — 1578 Сентября 30. Окружная королевская грамота Литовскимъ ротмистрамъ, отправленнымъ въ Ливонію, съ повелѣніемъ оставаться тамъ съ своими ротами на службу, подъ начальствомъ гетмановъ Радивиловъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Седмиградское и иныхъ, ротмистру нашему роты вѣдноу въ земли Инфлянтской . . . (*). Маеъ того вѣдомбѣ, ижъ вы упоминаетесь приповѣдныхъ листовъ, безъ которыхъ служить не хотите: што не есть въ обычаю, абы кождоу чверти мѣла быти приповѣдана служба тымъ, которые тамъ въ земли Инфлянтской уставичѣ служатъ; але, яко есте отправу зъ скарбу нашего перво сего взяли, такъ завжды будете мѣти певную заплату на роты вѣдные и пѣшіе, водѣ того, яко хто служить будетъ, поколь вамъ служба не будетъ выповѣдана. Про то абы есте водѣ звыклоу вѣры вашею, подъ справою воеводы Виленьского, канцлера и гетмана навишшого великого князства Литовского, старосты Ошменьского и Лидского пана Миколая Радивила, альбо сына его милости пана Крыштофа, подчасного нашего и гетмана надворного великого князства Литовского, намъ и рѣчи посполитой въ оной земли служили, будучи певны заплаты зъ скарбу нашего, которую рассказали есѣмо пану подскарбѣму земскому вамъ неомѣшканѣ чинити. А ижъбы есте подъ такимъ часомъ потребнымъ зъ службы нашею не зъѣзжали, чимъ рѣчь намъ вѣдичую учините, а мы зъ ласкою нашою то отъ васъ

(*) Т. е. 1475 г., если впрочемъ лѣтосчисленіе вѣрно.

(*) Въ подл. для вписанія имени оставленъ пробѣлъ.

104. приймовати будемъ. Писанъ въ Премысли, лѣта Божьего нароченья 1578, мѣсяца Сентября 30 дня. — «Венцлавъ Агрипа, писарь.»

Изъ Литовской Метрики (Запис. кн. LX, л. 242—243), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Листы до ротмистровъ въ земли Инфлянтской писаные.

104. — 1578 Октября 10. Окружная королевская грамота, о подвозѣ кормовъ ратнымъ людямъ, отправленнымъ въ Ливонію.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, князя Седмиградское и иныхъ, княземъ, паномъ воеводамъ, каштеляномъ, маршалкомъ нашимъ, старостамъ, кнегнямъ, панямъ вдовамъ, державцамъ, вридикомъ земскимъ и кгородскимъ, земяномъ и дворяномъ нашимъ и ихъ вридикомъ, также войтомъ, бурмистромъ, радцамъ, лавникомъ, и всимъ подданнымъ въ мѣстѣхъ и селахъ нашихъ господарскихъ, князскихъ, паньскихъ и земянскихъ, обывателемъ великого князства Литовского. Ознаймуемъ вамъ, ижъ чинячи досытъ поставленью сойму прошлаго Варшавского, за поднесенемъ войны отъ великого князя Московского на землю Инфлянтскую, отправили есмы войско служебныхъ Польскихъ тою дорогою, на Берестье, до Каменца, Шерешова, а тамъ малый часъ змѣшавши, помкнулися мають великою дорогою мимо Вильно къ Позволю до земли Инфлянтской; а надъ ними старшимъ преложили есмы (*): которые жъ то служебные посполу тягнути мають. А передъ ними ѣдетъ посланецъ нашъ съ симъ листомъ, оповѣдаючи вамъ, абы вездѣ, водлѣ росписанья на реестрѣ, отъ подданныхъ

ночлеги имъ готовано, и направовано мосты и дороги, и живность на люди и на кони, на продажу, по сей уставъ нашей абы зъ сторонъ на мѣстца назначоны проважно. А за вѣдомостью дворянина нашего (**), абы плачно было по сей нашей уставъ, то есть: на Польскую личбу, за вола кормного золотыхъ пять, за вола оремого золотыхъ чотыри, за корову дойную золотыхъ три, за яловицу золотыхъ два, за вепра кормного золотыхъ три, за вепра некормного грошей сорокъ, за полоть солонины золотый одинъ, за теля золотый одинъ, за барана грошей десять, за ягня грошей пять, за гусь грошей два, за кура альбо за курицу грошъ одинъ, за сыръ углястый грошей два, за сыръ малый грошъ одинъ, за медницу масла золотыхъ два, за десять лець пѣнезей пять, за медницу меду прѣсного золотыхъ три, за бочку меду питного золотыхъ полосма, за бочку пива грошей осмнадцать; за збожье, мѣрячи въ бочку по три корцы Краковскихъ, за бочку жита золотый одинъ, за бочку пшеницы грошей сорокъ, за бочку овса грошей десять, за бочку ячменю грошей осмнадцать, за бочку ярицы грошей пятнадцать, за бочку гороху бѣлого грошей сорокъ, за бочку гороху черного грошей двадцать, за бочку гречихи грошей десять; а естли бы ся снопами трафило брать: за копу сноповъ жита грошей осмнадцать, за копу овса грошей осмъ, за копу ячменю грошей пятнадцать, а за копу ярицы грошей семь; за возъ сѣна однимъ конемъ грошей два. А то все на Польскую личбу плачно маєтъ быти, по осми пѣнезей бѣлыхъ у грошъ Польскій. А хто бы въ чомъ отъ войска укривженъ былъ, або што безъ платы взято: ино, за обжалованьемъ, таковому (гды ся утечетъ до ротмистра роты той, отъ которой укривженъ станеть) росказанье наше есть строгое, абы справедливость

(*) Въ подл. оставленъ пробѣлъ для вписанія имени.

(**) Еще пробѣлъ.

чинена была безъ продлуженья; а гды ротмистръ не учинить справедливости, ино съ тымъ дворяниномъ нашимъ утекати ся мають до звышъ — менованого преложенного нашего надъ тымъ людомъ (альбо хто отъ него тежъ будетъ преложенъ), о учиненье справедливости; пакъ ли бы не стала справедливость отъ него, таковый абы кривду свою въ реистрѣ того дворянина нашего вписалъ, а мы потомъ вѣдати будемъ, яко то осмотрѣти кажемъ, абы укривжоный на томъ ничего не шкодовалъ. Особливъ, стацый жадныхъ даремнъ абы не вымышляли, подводъ не брали, и ни яко владности надъ подданными нашими господарскими, духовныхъ и свѣтцкихъ, собъ не привлащали, и зъ дороги назначонъ нигдѣ до селъ не зѣзжали; только, гдѣ бы живность къ продаванью на мѣстца певные и ночлеги не была подвезена, тогда съ тымъ дворяниномъ нашимъ, посланцомъ ихъ живность брати вольно будетъ, платячи по той уставъ нашей: вѣдъ же въ домѣхъ шляхетскихъ и въ гумнахъ ихъ маєтъ покой захованъ быти, и во всемъ ся подлѣ права описаного заховати мають. А кды притягнуть за Немонъ: ино, яко будутъ назначоны мѣстца тягненью и отпочиненью войска отъ воеводы Виленского, канцлера нашего и гетмана найвышшого великого князства Литовского, старосты Ошменского и Лидского пана Миколая Юрьевича Радивила, тыми мѣстцы тягнути и тамъ отпочивати будутъ повинны, по той же уставъ нашей за живность платячи. О томъ бы есте вѣдали, и яко по дорожъ, такъ и на мѣстцу живность всякую продавали водлѣ уставы наше и за вѣдомостью того дворянина нашего: кдыжъ онъ повинень того догледати, абы за живность запла- та доходила, а укривжонымъ справедливость чинена была отъ тыхъ, которые суть преложены надъ войскомъ. Писанъ у Краковѣ, лѣта Божьего нароченья 1578, мѣсяца Октября 10 дня. — Подпись руки господарской. — «Венцлавъ Агрипа, писарь.»

Изъ Литовской Метрики (Запис. кн. LX, л. 244—245), хранящейся при Правительствующемъ Сенатѣ, въ С. Петербургѣ. Въ заглавіи акта отпечено: Листъ жолнеромъ, яко се мають справовати, тягнучи у войско до Инфлянтъ зъ Польщи на Берестье и иные мѣстца.

105. — 1578 въ концѣ Октября. Въстоялая отписка Андрея Сопѣга, о пораженьи Московского войска въ Ливоніи, подъ Кесью.

I. — Панъ Андрей Сопѣга, который есть преложенъ отъ е. м. пана Миколая Радивила, воеводы Виленского, гетмана найвышшого великого князства Литовского, надъ войскомъ его королевской милости въ Инфлянтѣхъ, видѣчи, ижъ войска Московскіе, которые Иберколь замокъ подъ королемъ Шведскимъ взяли, обернулися и Кеси добывать, замку короля его милости, 14-го дня Октября обогнувши замокъ съ дѣлы притягнули, а 15-го дня облегли замокъ и стрѣлять почали: за чимъ, зъ людомъ его королевской милости зложившиися войско короля е. м., на отсѣчь непріятелю тягнули, и 21-го дня тогожъ мѣсяца Октября надъ рѣку Кчовью притягнули и почали ся наши переправовати. Видѣчи то войско Московское, ижъ малость люду нашего, допустили имъ переправы; и триумфовали Москва, малость люду нашего вжо переправленого видѣчи тамъ. Кгдыжъ наши дали имъ битву, за помощью Божою пощастилося войску короля е. м. Гетманъ преднѣйшій войска Московского утеклъ; бито непріятеля яко на двѣ мили, поки поля ставало вѣдолжъ, а другіе zostали въ окопѣхъ и шанцахъ боронячися мощно при дѣлахъ: не одно дня, але и ночи мусилися занять добываючи ихъ; а вѣдъ же, за помощью Божою, пораженъ на голову непріятель и дѣла вси взято, которыхъ есть штукъ двадцать зъ мождчерами. Тутъ лацно обачить, узрѣвши, якая вага куль, яко то нижей есть описано.

№ 106. II. — Воеводамъ въ томъ войску побитые и пойманные: Андрей Шолкановъ. Князь Василей Сицкій. Князь Андрей Палецкій. Васидай Воронцовъ. Оедоръ Шереметевъ. Князь Михайло Оболенскій. Никифоръ Ченчуковъ. Данило Салтыковъ.

А то пойманные: князь Петръ Ивановичъ Татевъ. Князь Михайло Оедоровичъ Гвоздевъ-Ростовскій. Андрей Клобуковъ, писарь князя великого. Солтанъ Григорьевичъ. Оедоръ Кучуковъ. Князь Петръ Ивановичъ Хворостининъ. Князь Семень Оболенскій. Князь Тихонъ Казанскій. Петръ Ченчуковъ.

Дѣла подъ Кесью взятые и ихъ имена и вага: дѣло великое «Волкъ», на семь локтей, куля вѣжить фунтовъ 58.

Въ заглавіи акта отмѣчено: Описание поражки войска Московского въ земли Инфлянтской, подъ Кесью.

III. — Списание воеводъ Московскихъ и дѣлъ, которыми Кеси добывали: князь Иванъ Оедоровичъ Мстиславскій. Князь Василей Юрьевичъ Булгакъ. Князь Оедоръ Мстиславскій. Петръ Васильевичъ Морозъ. Князь Василей Ивановичъ Мстиславскій. Оедоръ Васильевичъ Шереметевъ. Князь Семень Даниловичъ Пронскій. Князь Дмитръ Ивановичъ Хворостининъ. Князь Иванъ Юрьевичъ Булгаковъ. Князь Петръ Ивановичъ Хворостининъ.

Дѣла: Соловей, Соколъ, Дѣвка, Гладкая, Собака, шостому имени запоматовали.

Дѣлъ верховыхъ, то есть, мождчеровъ 5, дѣлъ полоторныхъ 5.

Въ заглавіи акта отмѣчено: Тую педулу е. м. панъ Виленскій при листъ своемъ прислалъ.

Изъ Литовской Метрики (Запис. кн. LX, л. 202 и 258), хранящейся въ Сенатскомъ архивѣ, въ С. Петербургѣ.

106. — 1578 Октября 29. Окружная королевская грамота Литовскимъ сановникамъ, дворянамъ и рыцарству, о готовности къ походу въ Ливонію.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Седмигородское и иныхъ, княземъ, паномъ воеводамъ, каштеляномъ, маршалкомъ, старостамъ, державцамъ, кнегинямъ, панямъ вдовамъ, намѣстникомъ, тивунномъ, земляномъ и дворяномъ нашимъ, и всему рыцарству шляхтъ обывателемъ воеводства Виленского. Маемъ того вѣдомость певную, ижъ непріятель нашъ, великій князь Московскій войско готовое въ земли Инфлянтской вжо маєтъ, хотѣчи замки наши посѣдати. Якожъ намъ справа есть дана, ижъ не только поборы зъ ухвалы соймовоѣ постановленые, але и съ постановенья Волковыйского податокъ еще не есть выданъ, а нѣкоторые и въ недбалость то собѣ покладаютъ (за который податокъ служебные люди до войска способлены быти мѣли: ино тому ся за недбалостью и невыданьемъ податку досытъ не стало); а панъ воевода Виленскій до насъ писалъ, ижъ хотѣжъ бы онъ хотѣлъ рушитися, зъ належности своеѣ гетманской и зъ хути къ намъ пану своему и рѣчи посполитой: нижми властности войска не належитъ е. м., яко найвышшому гетману. А такъ, ижъ се омѣшканье таковое въ отданью того податка дѣетъ: про то, кгда панъ воевода Виленскій, яко гетманъ оногo панства, о небезпечности земли Инфлянтской вамъ ознаймитъ, жадаемъ васъ, ажъ бы есте охотнѣ и спѣшнѣ до его милости, къ отпору тому непріятелю, вѣхали, чинячи то не зъ жадноѣ повинности, але зъ милости рѣчи посполитой, отчизны своеѣ, и славы нашеѣ королевской. А хто одно до тоѣ потребы спѣшнѣ прибудетъ, тыхъ мы ласкою нашою памятовати и нагрожати хочемъ. Писанъ у Краковѣ, лѣта Божьего нароженья 1578, мѣсяца Октября 29 дня. — Подпись руки господарской. «Венцлавъ Акгрипа, писарь.»

Изъ Литовской Метрики (Запис. кн. LX, л. 250), хранящейся при Правительствующемъ

Сенатъ, въ С. Петербургѣ. Въ заглавіи грамоты отмѣчено: Листы о рушеніе до Инфлянтъ напротивъ князю Московскому, до воеводствъ и повѣтовъ писанные.

107. — 1578 Декабря 9. Грамота королевская земскому подскарбію Лаврентію Войнѣ, о задержаніи Московскихъ царскихъ пословъ, возвращающихся изъ Кракова, въ Литовскомъ городкѣ Мстибоговъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Семигородское и иныхъ, подскарбію земскому и писарю нашему великого князства Литовского, старостѣ Пиньскому, державцу Олитскому и Квасовскому пану Лаврину Войнѣ. Ижъ пословъ великого князя Московского, передъ выѣздомъ нашимъ отсель, съ Кракова, до великого князства Литовского отпустили есмы, которыхъ за прѣвханьемъ всехъ пановъ радъ великого князства Литовского и за радю ихъ милости въ Городнѣ отправить хочемъ; якожъ и почлеги гдѣ тые послове, вѣдучи до Литвы, которого дня мѣти будутъ, реестръ до твоеѣ милости посылаемъ, ижъ остатнего дня теперешнего мѣсяца Декабря въ Нарви будутъ: про то, абы твоя милость безъ всякого омѣшканья, шафара съ пѣнязми, для подыймованья тыхъ пословъ Московскихъ, противъ нимъ отправилъ; а приставомъ при нихъ маршалка нашего пана Дмитра Скумина посылаемъ (который тежъ и на тотъ часъ при нихъ есть). А до того часу покуль мы, дасть Богъ, до Городна прибудемъ, абы тые послы Московскіе у Мстибоговъ задержаны были, которымъ абы шафаръ достатки на выхованье такъ ихъ самыхъ, яко слугъ и коней ихъ, водлѣ постановленья твоеѣ милости давалъ; а што бы тежъ тамъ, мѣшкаючи имъ, у Мстибоговъ, могло быть дано на потребу ихъ сѣна и дровъ съ двора того, абы имъ не скупуючи, дѣромъ давано. Писанъ у Краковѣ, лѣта Божьего на-

роженья 1578, мѣсяца Декабря 9 дня. — Подпись руки господарской.

Изъ Литовской Метрики (Запис. кн. LX, л. 259), хранящейся въ Сенатскомъ архивѣ, въ С. Петербургѣ. Въ заглавіи грамоты отмѣчено: Листъ о послы Московскіе до подскарбьего земского пана Лаврына Войны, зашпѣтый.

108. — 1578 Декабря 20. Наказная королевская грамота Литовскимъ пограничнымъ старостамъ и державцамъ, о приготвлении украинныхъ замковъ къ оборонѣ, на случай приближенія къ нимъ Московскихъ войскъ, о наблюденіи за лазутчиками и удержаніи порубежныхъ жителей отъ распрей съ Русскими ихъ сосѣдями.

Стефанъ, Божьею милостью король Польскій, великій князь Литовскій и пр., старостѣ Кричевскому пану Николаю Службѣ. Маемъ вѣдомость отъ воеводы Виленского, канцлера нашего великого князства Литовского, старосты Лидского, Ошменского и Мерецкого, пана Миколая Юрьевича Радивила, княжати на Дубинкахъ и Биржахъ, о готовности войскъ непріятеля нашего, великого князя Московского, съ которыми въ панства наши гдѣ — кольвекъ або самъ вторгнути, або тые войска свои вослати хочетъ (въ чомъ ему пане Боже не поможи!). Ино, ачъ въ томъ ничего не вонтнимъ, ижъ ты самъ, зъ вѣры своеѣ къ намъ господарю и рѣчи посполитой, вѣдаючи, якъ много на томъ замку Кричевскомъ украинномъ належитъ, въ доброй опатрности и осторожности на немъ мѣшкати будешъ: вѣдѣже, естли бы еси про якіе потребы свои на часъ съ того замку нашего зѣвхалъ, тогды абы еси безъ всякого омѣшканья и сплошенства до того замку Кричевского староства своего вѣхалъ, и водлѣ повинности своеѣ на немъ ся чуйнѣ и опатрнѣ справовалъ, ностерегаючи тежъ того, ижъбы некоторые шпѣги за границу панства нашего, до непріятельской земли, для даванья вѣстей не выходили и не переѣзжали. Чого тымъ болѣе стеречи надобъ,

109. покуль послове Московскіе за границу панства
110. нашего назадъ не отъѣдутъ: кгдажъ, яко
бачимъ съ поступковъ ихъ, же съ подступ-
нымъ застановленьемъ покою до насъ госпо-
даря въ поселствѣ пріѣхали. А вѣдьже абы
еси того всякимъ обычаемъ стерегъ, яко бы
зъ наше стороны никоторой зачѣпки къ на-
рушенію покою на сторону великого князя
Московского не дѣялося. Писанъ у Краковъ,
лѣта Божьего нароженья 1578, мѣсяца Де-
кабря 20 дня. — Подпись руки господарской.

Изъ Литовской Метрики (Запис. кн. LX, л. 265), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листы до старостъ украинныхъ, зъ стороны небезпечности отъ великого князя Московского писанные.

109. — 1579 Января 20. Наказная ко-
ролевская грамота Мстиславскимъ
старостамъ, о дозволеніи тамошнему мѣ-
щанскому братству, по старинному обычаю,
производить «медовые склады,» съ обращеніемъ
дохода съ нихъ въ пользу церкви.

Стефанъ, Божьею милостью король Поль-
скій и великій князь Литовскій, Рускій,
Прускій, Жомойтскій, Мазовецкій, Лифлянт-
скій, княжа Седмиградское и иныхъ, подко-
морію Мстиславскому, справцъ староства
Мстиславского пану Михайлу Суходольскому
и инымъ напотомъ будущимъ старостамъ на-
шимъ Мстиславскимъ. Приходили се-здѣ до
насъ подданные наши, мѣщане Мстиславскіе,
Андрей Павловичъ, Радько Матѣевичъ,
Игнатъ Милеховичъ, сами отъ себе и отъ
всѣхъ иныхъ мѣщанъ тамошнихъ Мстислав-
скихъ, братья своее, жалючи о томъ, ижъ
што они зъ давнихъ часовъ мѣвають три кротъ
до году склады свои урочистые, на дни и свя-
та певные, то есть, на Святую Троицу и на
дни Миколины у — въ осени и на веснь, и на
каждое свято съ тыхъ завжды дей по десяти
пудовъ меду розсычаютъ и оный шинкують, а

воскъ на свѣчи до церкви Божой оборочають,
а пѣвези, што за медъ вышинкують, то на
оправованье церкви дають: то дей старостове
тамошніе Мстиславскіе тыхъ медовъ складо-
выхъ далѣй трехъ дней шинковати не допу-
скають; але, скоро по которомъ съ тыхъ
святъ три дни минутъ, тогда дей у нихъ тотъ
медъ не вышинкованый на замокъ забирали;
въ чомъ ся имъ не однокротъ кривды дѣють,
але тежъ и церкви Божьей, за недопущеньемъ
тыхъ складовъ братства ихъ, пустють и опа-
дываютъ, ижъ оправы ни откуль на нихъ не
чиняють. А про то тобъ и инымъ напотомъ бу-
дущимъ старостамъ нашимъ Мстиславскимъ
приказуемъ, ижъбы есте имъ тыхъ складовъ
медовыхъ не забороняли: и кгда они на тые
три урочистые свята, на Святую Троицу и на
дни Миколины у — въ осени и на веснь, на
каждое съ тыхъ свято по десяти пудовъ меду
розсытятъ, добровольнѣ, не черезъ три дни,
але покуль его вышинкують, шинковати до-
пускали, никотороу трудности надъ стародав-
ные звычаи имъ въ томъ не чинячи, конечно.
Писанъ у Радомлю, лѣта Божьего нароженья
1579, мѣсяца Генваря 20 дня. — Подпись руки
господарской. «Венцлавъ Акгрипа, писарь.»

Изъ Литовской Метрики (Запис. кн. LXIV, л. 1), хранящейся въ Сенатскомъ архивѣ, въ С. Петербургѣ. Въ заглавіи грамоты отмѣчено: Листъ мѣщаномъ Мстиславскимъ до старостъ Мстиславскихъ, въ кривдахъ ихъ зъ стороны складовъ медовыхъ даный.

110. — 1579 Февраля 17. Жалованная
грамота Минскому землянину Михаилу
Рагозъ, о предоставленіи ему въ пожизненное
управленіе Минскаго Вознесенскаго монастыря,
съ тѣмъ, чтобы онъ вступилъ въ монашество и
былъ посвященъ въ санъ архимандрита.

Стефанъ, Божьею милостью король Поль-
скій, великій князь Литовскій, Рускій, Пру-
скій, Жомойтскій, Мазовецкій, Лифлянтскій,
княжа Седмиградское и иныхъ. Ознаймуемъ

симъ листомъ нашимъ, ижъ што который ма-
настырь, въ мѣстѣ Менскомъ, Вознесенія
Христова перво сего дали есмы были подда-
ному нашему Богушу Невельскому, а онъ став-
ши особою духовною мѣлъ тотъ монастырь
держати: то, пакъ, будучи намъ у Варшавѣ,
писали до насъ, митрополитъ Кіевскій, Галиц-
кій и всея Руси киръ Илія, и каштелянъ Мен-
скій, державца Радошковскій, панъ Янъ Глѣ-
бовичъ и иншіе вряники и нѣкоторая шляхта
тогожъ повѣту Менского, повѣдаючи, ижъ
тотъ Богушъ Невельскій, не хотѣчи стану ду-
ховного на себе принять, тотъ монастырь зе-
мянину нашему Стефану Достоевскому, та-
кожъ челоуку свѣтскому, и къ тому еще за-
кону не Греческого, пустилъ (што и мы ли-
стомъ нашимъ (*) ему подтвердили): але, ижъ
тотъ Достоевскій только дей для пожитку сво-
его тотъ монастырь держитъ, а хвала Божая
никогда въ немъ водлѣ закону Греческого пол-
нена не бываетъ, — писали до насъ помѣнные
особы, бѣючи чоломъ, абыхмо при иншихъ
вольностяхъ и права духовные въ цѣлости за-
ховываючи, тотъ монастырь у того Достоев-
ского, яко у челоука свѣтского вземши, зе-
мянину нашему тогожъ повѣту Менского Ми-
хайлу Рагозъ, челоуку въ учтивости, ста-
течности, богобойности заховалому и въ пись-
мѣ святомъ умѣлому, тотъ монастырь дали; а
онъ станъ чернецкій на себе вземши и особою
духовною составши, за насъ господара Бога
просити и тымъ монастыромъ справовати хо-
четъ. А такъ, кгдажъ тотъ Достоевскій, бу-
дучи челоукомъ свѣтскимъ и не Греческого
закону, тотъ монастырь держитъ, надъ звы-
чай закону Греческого и надъ ухвалу сойму
Городеньского, за продка нашего, короля его
милость и великого князя Жикгимонта Авгу-
ста учиненую и утвержденую, ижъ «кому бы
кольвекъ хлѣбъ духовный былъ данъ, а тотъ
бы за три мѣсецы стану духовного принять не
хотѣлъ, таковый отъ тоу данины отпадаетъ»:

за таковыми причинами, мы господарь тотъ М^н.
монастырь, въ мѣстѣ Менскомъ, Вознесенія
Христова отъ того Достоевского ваяти казав-
ши, тому Михайлу Рагозъ, отъ митрополита и
отъ каштеляна Менского и отъ вряниковъ и
нѣкотороу шляхты повѣту Менского намъ
залецному, зъ ласки наше господарской дали
есмы и симъ листомъ нашимъ даемъ. Маеть
тотъ Михайло Рагоза у станъ чернецкій по-
шедши и особою духовною архимандритомъ
зоставши, оный монастырь, со всимъ што къ
нему належитъ, до живота своего держати, и
службу Божью въ томъ монастыри водлѣ обы-
чаю закону Греческого поднати, и за насъ гос-
подаря Бога просити, вси справы духовные
особъ его належачые справючи, и всякихъ
пожитковъ здавна къ тому монастыру прислу-
хаючи уживаючи, по тому, яко и продкове
его, первіе архимандриты того монастыря
уживали, и справучися въ томъ монастыри
во всемъ слушнѣ и раднѣ, водлѣ обычаю за-
кону Греческого. И на то дали есмы Михай-
лу Рагозъ сесь нашъ листъ, съ подписаньемъ
руки наше господарской и зъ нашею печатью.
Писанъ у Городнѣ, лѣта Божьего нароженья
1579, мѣсяца Февраля 17 дня. — «Михайло
Гарабурда, писарь».

Изъ Литовской Метрики (Запис. кн. LXIV, л. 6—7), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей Михайлу Рагозъ, на архимандритство монастыря, въ мѣстѣ Менскомъ, Вознесенія Христова.

111. — 1579 Марта 27. Королевскіе при-
говоры Кіево-Печерскаго монастыря ар-
химандриту Мелетію Хребтовичу, о томъ,
чтобы онъ искалъ суда и расправы съ князьями
Александромъ Полубенскимъ и Ярославомъ Ми-
китичемъ, за отнятыя ими монастырскія
имѣнія и угоды, на основаніи Статута.

I. — Лѣта Божьего нароженья 1579, мѣсяца

(*) См. выше грамоту подъ № 89.

№ 112. Марта 27 дня, господарь король его милость Польскій и великій князь Литовскій Стефанъ рачилъ росказати до книгъ своихъ господарскихъ канцелярейскихъ записати, ижъ што которая справа, за двоими позвы короля его милости, приточилась на судъ его милости господарскій архимандриту Печерскому, велебному въ Бозѣ отцу Мелентею Хребтовичу съ княземъ Ярославомъ Ярославовичемъ Микитинича, о отнятыи людей и земли церковныи монастыря Печерского въ Любнащохъ, также и о невыданье десяти кадей меду на монастырь Печерскій (которая жалоба отца архимандритова на томъ позвъ ширей и меновить описана и доложена есть). На которомъ року, за тыми позвы короля, е. м. припаломъ, объ-двѣ сторонѣ, яко отецъ архимандритъ, также и князь Ярославъ становилися: нижли князь Ярославъ черезъ умопованого своего Адама Мархача повѣдилъ, ижъ дей «тая справа, за тыми позвы, суду его королевской милости не належить, але дей нехай отецъ архимандритъ о то до суду належного князя Ярославъ позываетъ». Господарь король его милость, не хотѣчи ни въ чомъ статуту права посполитого нарушивати, тую справу до суду приваляжного отослати рачилъ. Што, про память, до книгъ его милости господарскихъ канцелярейскихъ записано, а отцу архимандриту Печерскому выпись съ книгъ подъ печатью его милости господарскою есть выданъ. Писанъ у Вильни. — «Венцлавъ Акгрипа, писаръ».

Въ заглавіи акта отмѣчено: Отосланье до суду належного справы архимандрита монастыря Печерского съ княземъ Александромъ Полубенскимъ, о певныи добра церковныи того монастыря.

II. — Льта Божьего нароженья 1579, мѣсяца Марта 27-го дня, господарь король е. м.

Польскій и великій князь Литовскій Стефанъ рачилъ росказати до книгъ своихъ господарскихъ канцелярейскихъ записати: што которая справа, за позвы короля его милости, приточилась на судъ е. м. господарскій архимандриту Печерскому, велебному въ Бозѣ отцу Мелентею Хребтовичу съ княземъ Ярославомъ Ярославовичемъ Микитинича, о отнятыи людей и земли церковныи монастыря Печерского въ Любнащохъ, также и о невыданье десяти кадей меду на монастырь Печерскій (которая жалоба отца архимандритова на томъ позвъ ширей и меновить описана и доложена есть). На которомъ року, за тыми позвы короля, е. м. припаломъ, объ-двѣ сторонѣ, яко отецъ архимандритъ, также и князь Ярославъ становилися: нижли князь Ярославъ черезъ умопованого своего Адама Мархача повѣдилъ, ижъ дей «тая справа, за тыми позвы, суду его королевской милости не належить, але дей нехай отецъ архимандритъ о то до суду належного князя Ярослава позываетъ». Господарь король е. м., не хотѣчи ни въ чомъ статуту права посполитого нарушивати, тую справу до суду належного отослати рачилъ. Што, для памяти, до книгъ е. м. господарскихъ канцелярейскихъ есть записано, а отцу архимандриту Печерскому сѣсь выпись съ книгъ данъ есть, подъ печатью е. м. господарскою. Писанъ у Вильни. — «Венцлавъ Акгрипа, писаръ».

Въ заглавіи акта отмѣчено: Отосланье до суду належного справы тогожъ архимандрита Печерского съ княземъ Ярославомъ Микитиничемъ, о отнятыи людей и земли церковныи монастыря Печерского въ Любнащохъ и о 10 кадей меду.

Оба акта изъ Литовской Метрики (Судн. дѣлъ кн. LVIII, л. 99—100), хранящейся въ Сенатскомъ архивѣ, въ С. Петербургѣ.

112. — 1579 Апрель 11. Жалованная подтвердительная грамота Киевскому Печерскому монастырю, о замятъ сбора медовой и другихъ даней, предоставленныхъ мо-

настырю князьими Слуцкими съ Мозырскими волостей, денежною суммою въ числѣ 50 копъ Литовскихъ.

Стефанъ, Божьей милостью король Польскій, великій князь Литовскій и пр., ознаемъ симъ листомъ нашимъ нынѣшнимъ и напотомъ будущимъ. Постановившися очевидно передъ нами господаремъ служебники е. милости кнегини Юрьевой Омельковича, кнегини Слуцкой Катерины съ Тенчына, и сыновъ е. милости, княжатъ Юрья, Семена и Александра Юрьевичевъ Омельковича, княжатъ Слуцкихъ, Иванъ Быковский и Богущъ Сестренцовичъ оповѣдали именемъ е. милости кнегини Слуцкой и сыновъ е. милости помѣненныхъ, ижъ што дей вже отъ часу немалого, отъ продковъ княжатъ Слуцкихъ на церковъ святоѣ Пречистоѣ монастыря Печерского, въ Киевѣ, зъ волостей ихъ отчизныхъ Добродеревской и Юденевской цѣкаторыи доходы и пожитки наданы были, которыхъ доходовъ и пожитковъ за колько лѣтъ съ тыхъ волостей не выдано: ино, за прозбою того монастыря архимандрита съ братьею, е. милость кнегиня Катерина съ Тенчына Юрьева Юрьевича Омельковича кнегиня Слуцкая, съ сынами своими, съ княземъ Юрьемъ, съ княземъ Семеномъ и съ княземъ Александромъ Юрьевичи Омельковича, княжаты Слуцкими, за тые доходы и пожитки съ тыхъ помѣненныхъ волостей, съ тымъ архимандритомъ Печерскимъ и съ братьею его черницами того монастыря таковое постановление учинили, подъ тымъ способомъ, ижъ княжаты Слуцкіе, сами и потомки ихъ милости, на каждый годъ, на церковъ святоѣ Пречистое въ монастыри Печерскомъ у Киевѣ, до рукъ того архимандрита и по немъ будущихъ архимандритовъ Печерскихъ, або посланцомъ ихъ, по пятидесять копъ грошей, личбы и монеты Литовской, давати повинны будутъ на мѣстцѣ певномъ, у Слуцку, и на певный часъ, въ листъ отъ е. милости кнегини Слуцкой самой и сыновъ е. тому архимандриту даномъ помѣне-

ный; и тотъ листъ е. милость кнегиня Слуцкая, сполечнѣ съ сынами своими, тому архимандриту даный, передъ урядомъ кгородскимъ Новгородскимъ оповѣдали и визнали. И утвержаючи тотъ выпись вридовый кгородскій Новгородскій, и листъ е. милости княгини Слуцкой и сыновъ е. милости, оныи жъ служебники ихъ милостей Иванъ Быковский и Богущъ Сестренцовичъ передъ нами покладали, просячи, абыхмо то къ вѣдомости нашей господарской припустивши, листомъ нашимъ оному архимандриту утвердили. Иже мы господарь того листу и выпису оглядавши, велѣли асьмо тотъ выпись и листъ слово отъ слова въ сѣсь нашъ листъ вписати, и такъ ея въ сѣбѣ маеть:

I. — Выписъ съ книгъ замку господарского воеводства Новгородского: «Лѣта Божьего нароженья 1579, мѣсяца Марта 17 дня, постановившися очевидно передъ нами, Андреемъ Тризноу, ключникомъ Троцкимъ, судьею, а Лукашомъ Буйцоу, намѣстникомъ, вридыками кгородскими воеводства Новгородского, вѣдомжная е. милость кнегиня Юрьева Омельковича Слуцкая, кнегиня Катерина съ Тенчына, и сынове е. милости, ихъ милость княжата Юрья, Семень, Александръ Юрьевичи Омельковича, княжата Слуцкіе, оповѣдали и то добровольнѣ визнаи рачили, ижъ вже дей отъ немалого часу, отъ продковъ ихъ, къ чти и хвалѣ милого Бога, наданы были на церковъ Пречистоѣ Богоматери на монастырь Печерскій Киевскій доходы и пожитки зъ волостей Добродеревской и Юденевской, въ повѣтъ Мозырскомъ лежащихъ (яко у-въ оныхъ фундахахъ ширей описано); а потомъ дей року 1555, славныи памяти его милость княжа Юрья, малжонкѣ е. милости, а отецъ ихъ милости, посполъ съ братомъ своимъ его милостью княжатею Семеномъ, княжата Слуцкіе, съ небожчикомъ отцомъ Іосифомъ архимандритомъ Киевскимъ монастыря Печерского и съ братьею его черницами тогожъ монастыря, скасовавши первіиѣ фундаши наданья на тые волости, учинили

№ 112. были постановление, иже подданные съ тыхъ волостей въ каждый годъ давати мѣли на манастирь Печерскій до Кіева дани, яко пѣнезми готовыми; такожъ медомъ прѣснымъ, воскомъ, сырами, тежъ гоны бобровые имъ поступили, чего всего на одинъ годъ чинить 55 копъ, грошей 36, пѣнезей 3, а на другій годъ 32 копъ, грошей 55, пѣнезей 8. А иже тые волости, подъ часомъ голоднымъ, про убожество и для укривженья отъ постороннихъ людей и иныхъ причинъ не мало спустошѣли; за чимъ тые доходы и пожитки сполна вытягнены быти не могли, а звлѣща, за зєистѣемъ съ сего свѣта первшого отца архимандрита Кіевского тые помѣненные доходы задержалися: то, пакъ, дей въ року 1576, отецъ Мелентей Хребтовичъ, зоставши архимандритомъ монастыря Печерского Кіевского, за живота его милости княжати Слуцкого, малжонка еѣ милости, а отца ихъ милости, прозбу свою до него доносилъ о задержанье доходовъ и о постановленье слушное на пришлые часы. О чомъ его милость съ отцомъ архимандритомъ зачалъ былъ постановленье чинити, нижи не докончивши съ сего свѣта смертью зшолъ. А иже отецъ Мелентей архимандритъ посполъ съ братьею чернцами монастыря Печерского о томъ же прозбу свою и до ихъ милости донесъ: ино дей ихъ милость, первѣй, за то што за отца Иларіона архимандрита Печерского, также и за его архимандритство было задержано, слушную угоду постановивши, за вси тые доходы монастырскіе досыть учинили. Такъ тежъ бачучи то, иже вже съ тыхъ волостей ни якимъ обычаемъ тые пожитки сполна вытягнуты быти не могутъ, а не зычучи уменьшенья тоѣ суммы, што предковѣ ихъ милости на церковь Божую надали, ино и большъ хотѣчи причинити, — о томъ всемъ ихъ милость съ отцомъ Мелентіемъ Хребтовичемъ и съ братьею чернцами монастыря Печерского, священноереємъ Якимъемъ, уставщикомъ Григоріемъ, архидьякономъ инокомъ Михаиломъ, постановленье учинили, иже вже ихъ ми-

лость сами и потомки ихъ, на вси пришлые часы, въ каждый годъ, на церковь Божую Пречистовъ Богородицы на манастирь Печерскій Кіевскій, имъ самимъ и потомкомъ ихъ по 50 копъ грошей Литовскихъ давати повинны будутъ: на што дей ихъ милость листъ свой вызнанный, подъ печатями своими и съ подписаньемъ рукъ своихъ на то имъ дали. И тотъ листъ свой передъ нами сами покладали, и просили настъ, абы до книгъ кгородскихъ Новгородскихъ былъ вписанъ. А такъ мы тоє очевидное оповѣданье ихъ милости къ вѣдомости своей врядовой припустивши, и того листу передъ нами на врьдъ покладаного и читаного и печатей и подписей рукъ ихъ милости оглѣдавши, и бачучи у того листу ихъ милости печатей приложеныхъ и добрь вытисненыхъ чотыри, дали есѣмо тотъ листъ до книгъ кгородскихъ Новгородскихъ вписати, который «листъ» до книгъ вписуючи слово отъ слова такъ се въ собѣ маєтъ:

. II. — «Мы, кнегиня Юрьева-Юрьевича Омельковича Катерина съ Тенчѣна, кнегиня Слуцкая, я Юри, я Семенъ, а я Александръ Юрьевичи Омельковича, княжата Слуцкіе, ознаймуемъ симъ листомъ нашимъ всимъ вобще и каждому зособно, нынѣшнимъ и напотомъ будущимъ, кому бы того вѣдати належало, иже вже отъ немалого часу, отъ предковъ нашихъ, къ чти и хвалѣ милого Бога, наданы были на церковь Пречистые Богоматери на манастирь Печерскій въ Кіевъ нѣкоторые доходы и пожитки зъ волостей нашихъ Добродеревской и Юденевской, въ повѣтъ Мозырскомъ лежащихъ (яко въ тыхъ фундушѣхъ ширей описано). А потомъ, въ году 1555, славные и гдѣные памяти его милость княжа Юри, малжонковъ мой, а отецъ нашъ, посполъ съ братомъ своимъ его милостью княжатемъ Семеномъ Юрьевичемъ Омельковича, княжата Слуцкіе, съ его милостью небожчикомъ отцомъ Іосифомъ архимандритомъ Кіевскимъ монастыря Печерского, и съ братьею его чернцами того монастыря, на тотъ часъ при менованомъ архимандритъ бу-

дучими, скасовавши первшіе фундушы наданья на тые волости Добродеревскую и Юденевскую, такъ постановили и письмомъ объяснили были, иже подданные тыхъ волостей въ каждый годъ на манастирь Печерскій дани давати мѣли: меду прѣсного зъ волости Добродеревской ведеръ осмдесять мѣры Слуцкой, а зъ Юденевичъ меду прѣсного тридцать ведеръ Туровскихъ съ пудовщиною; а естли бы которого году мѣлъ не зродилъ, ино за каждое ведро меду по десяти грошей давати мѣли полату, съ данью грошей готовыхъ: съ волости Добродеревской одного году 5 копъ, 48 грошей, а другого году меншѣ, то естъ, 4 копы, грошей 58; а Юденевцы одного году грошей 83, а другого году грошей 70 и полтретья; ловецкихъ пѣнезей въ каждый годъ грошей 57, пѣнезей полдевята; пудового копа 1, грошей 8, пѣнезей 5; воску одного году камень и безмѣнъ безъ двухъ восковъ, а другого году полкаменя и полбезмѣна безъ двухъ восковъ, альбо за камень воску шапуючи по копъ грошей; сыровъ 49, альбо за каждый сыръ по грошу одному; а за роботу кухни и кѣлти 5 копъ грошей, а къ тому серебщины отъ каждой сохи по 7 грошей, што чинило 21 копу грошей (вѣдѣже тая серебщиная не каждого году, але черезъ годъ брана); къ тому гоны бобровые въ тыхъ водостехъ на манастирь же гониваны бывали: и рахуючи за вси тые доходы, яко вышей помѣнено, учинить сумму на одинъ годъ копъ 55, грошей 36, пѣнезей 3, а на другій годъ копъ 32, грошей 55, пѣнезей 8. А иже тые волости менованые, подъ часомъ голоднымъ про убожество свое, тежъ для укривженья отъ постороннихъ людей и для иныхъ причинъ, не мало спустошѣли отъ давного часу, а дотоль такъ много, яко первѣй бывало, подданныхъ людей оѣсти тамъ не могло: за чимъ тые доходы и пожитки сполна вытягнены быти не могли; а звлѣща, иже за зєистѣемъ съ сего свѣта первшого отца архимандрита Кіевского, въ небытности настоятеля монастырского, тые

доходы черезъ нѣкоторый часъ задержалися: то, пакъ, въ року 1576, въ Божѣ милостивѣй отецъ архимандритъ Мелентей Хребтовичъ, зоставши настоятелемъ того монастыря Печерского, еще за живота его княжеской милости пана малжонка моего, а отца нашего, къ его милости прозбу свою доносилъ, яко о тую часть задержанныхъ доходовъ, такъ абы вже на пришлые часы певное постановленье было учинено. О чомъ ачъ его милость съ отцомъ архимандритомъ зачалъ былъ постановленье чинити, нижи не докончивши зъ сего свѣта зшолъ. А иже его милость отецъ Мелентей архимандритъ, посполъ съ братьею чернцами монастыря Печерского о томъ же прозбу свою къ намъ донесъ: ино мы первѣй за то, што было еще за отца Ларіона архимандрита Печерского, также и за архимандритства его милости отца Мелентея задержано, слушную угоду постановивши, за вси тые доходы монастырскіе его милости досыть учинили. Такъ тежъ бачучи то, иже вже съ тыхъ волостей менованныхъ ни якимъ обычаемъ сполна тые пожитки вытягнены быти не могутъ, а не зычучи уменьшенья тоѣ суммы, што предковѣ наши на церковь Божую надали, и овшемъ большъ хотѣчи причинити, тые записы, первѣй сего учиненые, касуючи умораемъ и въ-ниветчъ оборочаемъ, а вже такимъ есѣмо обычаемъ съ его милостью отцомъ Мелентіемъ Хребтовичемъ архимандритомъ и съ братьею его чернцами монастыря Печерского, на имя священноереємъ Якимъемъ, уставникомъ Григоріемъ, архидьякономъ инокомъ Михаиломъ (которые сами отъ себе и отъ всеѣ братьи своеѣ при отцу архимандриту на то посланы) постановленье учинили: хотя жъ тамъ тые доходы меншую сумму, то естъ, одного году только 32 копъ грошей чинили; ино уже отъ сего часу тымъ листомъ нашимъ обычаемъ и записуемъ, иже мы и потомки наши давати повинны будемъ въ каждый годъ на церковь Божую Пречистые Богородицы въ манастирь Печерскій, на рокъ

112. и день первый, то есть, на день свята Рождества Пречистые Богородицы, его милости отцу Мелентею Хребтовичу, архимандриту Киевскому монастыря Печерского и по немъ будущимъ архимандритомъ Печерскимъ, либо посланцомъ ихъ, нигдѣ индѣ, одно на мѣсту певномъ, у Слуцку, зъ мыта нашего Слуцкого певную сумму пѣвезей, 50 копъ грошей, личбы и монеты Литовской, которую сумму напервѣй маемъ почати давати за рокъ теперь идущий 79-й; а гды быхмо мы сами, либо потомки наши, на тотъ день назначеный, за который — кольвекъ годъ, тотъ суммы пѣвезей водлугъ сего постановленья нашего не отдали, тогда совито заплатити, то есть, сто копъ грошей повинны будемъ. О которую сумму вольно будетъ его милости отцу архимандриту Печерскому, до которого — кольвекъ похочетъ вриду насъ припозвати, а оный вридъ, передъ который будемъ позваны, маеть, водлугъ сего запису нашего, на насъ тую сумму всказати, и отпращу на имѣньяхъ нашихъ учинити (на которыхъ тежѣ отецъ архимандритъ похочетъ), не складаючи роковъ, але заравомъ; а мы сами черезъ себе, слугъ и подданныхъ своихъ и ни черезъ кого иного, увязанъ въ имѣнья наши за тую сумму его милости отцу архимандриту боронити не маемъ; а гды быхмо якимъ — кольвекъ обычаемъ, за всказаньемъ вридовымъ, въ той суммѣ увязанъ въ имѣнья наши не поступили: тогда маемъ и повинны будемъ заруки на господаря его милость короля пятьдесятъ копъ грошей, а сторонъ, его милости отцу архимандриту Печерскому другую пятьдесятъ копъ грошей заплатити. А гды быхмо мы сами, либо потомки наши межъ имѣньями дѣль приняли, а замокъ и мѣсто наше Слуцкое которому одному либо и двумъ ся достало: ино тотъ одинъ либо и два, хто будетъ мыто наше Слуцкое на себе уживати, маеть завжды тую сумму пѣвезей 50 копъ грошей въ каждый годъ на монастырь Печерскій отдавати, и во всемъ сему запису нашему досыть чинити, ни въ

чомъ его не нарушаючи, вѣчными часы. А ожець архимандритъ и со всею братьею своею въ монастыри Печерскомъ будучими за здоровье наше и за спасанье душевное родителей нашихъ молибы повседневные, водлугъ стародавнего звычаю, неотмѣннѣ полнити мають; а вже въ тые волости Добродеревскую и Юдеевскую ничимъ ся вступовати онъ самъ и потомъ будуче архимандриты не мають и мочи не будутъ вѣчными часы. Якожъ на твердость того, дали есмо сесь нашъ листъ, аодъ печатми и съ подписомъ рукъ нашихъ писмомъ Польскимъ. Писанъ у Слуцку, лѣта Божьего нароченья 1579, мѣсяца Марта 8. дня.» — У того листу подписей рукъ писмомъ Польскимъ чотыри, тыми словы: «Катерина съ Тенчына кнегиня Слуцкая рукою своею». «Юрій княжа Слуцкое рукою своею». «Семень княжа Слуцкое рукою своею». «Александръ княжа Слуцкое рукою своею». Которое добровольное оповѣданье и явное и очевидное вызнанье владоможной еъ милости кнегини Юрьевой Одельковича Катерины съ Тенчына кнегини Слуцкой, и сыновъ еъ милости, княжати Юрѣя, княжати Семена и княжати Александра Юрьевичевъ Омельковичевъ, княжати Слуцкихъ, и тотъ листъ вѣчистый, отъ ихъ милости отцу Мелентею Хребтовичу архимандриту Киевскому монастыря Печерского и братьи чернцомъ того монастыря, священноерею Якимью, уставнику Григорью, архидьякону иноку Михаилу и потомкомъ ихъ даный, за прозбою ихъ милости княжати самихъ, до книгъ кгородскихъ Новгородскихъ есть записано; съ которого записанья и сесь выпись съ книгъ его милости отцу Мелентею Хребтовичу, архимандриту Киевскому монастыря Печерского и всимъ чернцомъ того монастыря подъ нашими печатми есть выданъ. Писанъ въ Новгородку.»

Мы зъ ласки наше господарской, за принесеньемъ и прозбою тыхъ слугъ еъ милости кнегини Слуцкой и сыновъ еъ милости княжати Слуцкихъ, тое записанье симъ листомъ

нашимъ утвержася: маеть ся тотъ архимандритъ во всемъ томъ водѣ постановленья описаного въ листѣ отъ еъ милости кнегини Слуцкой и сыновъ еъ милости ему даномъ заховати, И на то даемъ сесь нашъ листъ тому архимандриту, съ подписомъ руки наше господарской, до которого и печать нашу великого княжства Литовского привѣсити есмо велѣли. Писанъ у Вильни, лѣта Божьего нароченья 1579, мѣсяца Апрѣля 11. дня. — Stephanus rex. «Миколай Ясенскій, писарь».

Изъ Литовской Метрики (Запис. кн. LXI, л. 146—148), хранящейся при Правительствующемъ Сенатѣ, въ С. Петербургѣ. Вторично записана въ кн. LXIV, л. 29—34, безъ всякихъ отмычекъ въ текстѣ.

113. — 1579 Апрѣля 17. Жалованная грамота Озеричскимъ путнымъ боярамъ, о причисленіи ихъ къ разряду бояръ панцерныхъ, съ правомъ на владѣніе отчинными своими землями и съ обязательствомъ отправлять конную службу, наравнѣ съ Витебскими боярами.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Семигородское и иныхъ, ознаймуемъ симъ листомъ нашимъ нынѣшнимъ и напотомъ будучимъ. Били намъ чоломъ подданные наши бояре Озеричскіе, на имя Авдѣй Мартиновичъ, Лукашъ Сеньковичъ, Андрей Никифоровичъ, Микла Васильевичъ, сами отъ себе и отъ всехъ потужниковъ своихъ зъ розныхъ сель волости Озеричской, которые до тыхъ часовъ были на службѣ боярской путной, абыхмо ихъ, зъ ласки наше господарской, на службѣ нашей панцерной конной, при отчизнахъ ихъ, которые они здавна на себе держать, оставили и листъ нашъ на то имъ дали: што мы господарь чинячи зъ ласки наше господарской, и маючи взглядъ на тыхъ подданныхъ нашихъ, яко на людей пограничныхъ, оставили есмо ихъ и симъ листомъ нашимъ при

отчизнахъ ихъ оставляемъ. Мають они сами, жоны, дѣти и потомки ихъ тые отчизны свои держати и уживати вѣчными часы, а намъ господарю съ того они сами и потомки ихъ службу панцерную кономъ служити будутъ повинны, на тотъ часъ яко иншіе бояре наши панцерные и мѣшане Витебскіе выѣдутъ на посылку нашу господарскую: съ которыми пономъ, осажаячи намъ съ тыхъ отчизнъ своихъ дѣсять коней, конно и збройно выѣзджати мають. Однако жъ они мають быти подъ присудомъ и справою державцы Озеричского, а иншихъ повинностей надъ тую службу нашу никоторыхъ полнити не будутъ повинны. Тежѣ вольно будетъ имъ, помѣненнымъ бояромъ Озеричскимъ, тую отчину свою, съ пожитками здавна къ ней належащими, дати, продати и ко всякому пожитку своему обернути: вѣдѣже, естли бы тые подданные наши и продали тую отчину свою, ино и тогда тую службу нашу не съ ничею повинностью и волюнстью, одно съ тоюжъ яко сами ее уживали, полнити повинны будутъ. И на то есмо тымъ подданнымъ нашимъ дали сесь нашъ листъ, рукою нашею господарскою подписавши, до которого и печать нашу привѣсити есмо казали. Писанъ у Вильни, лѣта Божьего нароченья 1579, мѣсяца Апрѣля 17. дня. — «Венцлавъ Ангрыпа, писарь».

Изъ Литовской Метрики (Запис. кн. LXIV, л. 40), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено ея содержаніе: Привилей бояромъ Озеричскимъ, оставляющимъ ихъ при отчизнахъ ихъ вѣчною на службѣ панцерной.

114. — 1579 Іюля 19. Дарственная записъ княжны Анастасіи Михайловны Мстиславской супругу своему, князю Стефану Збаржскому, на имѣніе Кобыльники и дворецъ Жары.

Я Настасья Михайловна кнежна Мстиславская, кнегиня Стефанова Корыбутовича Збаржская, воеводина Троккая, вызнаваю сама

№ 114. на себе тымъ моймъ листомъ, всимъ воебѣ и каждому зособно, кому бы того была потреба вѣдати альбо чтучи слышати, нынѣшнимъ и напотомъ будучимъ, ижъ я знаючи къ собѣ вѣрную милость и учтливое захованье пана малженка своего милого, вельможного пана е. м. кнежати Стефана Корыбутовича Збаражскаго, воеводы Троцкого, державцы Сомилшского, Жосленского и Дорсунишского, а уживаючи въ томъ вольностей права посполитого земско-го великого князства Литовского и ухвалы на сойму вальномъ Берестейскомъ въ року 1565 постановленной, и напотомъ черезъ его королевскую милость на соймѣ Городенскомъ въ году 1567 утверженой, ижъ каждому имѣньями своими, отчизными, материстыми, выслужеными и якожъ колько набытыми и названными вольно есть яко хотѣчи шафовать, будь огуломъ альбо уздоймомъ, по половицы и по частямъ на вѣчность отдати, продати, отъ дѣтей и близкихъ отдалити, и водлугъ воли и подобанья своего записать: про то я безъ жадной намовы и припуженья, одно по своей доброй воли, имѣнье мое Кобыльничъ и дворецъ Жары, выслугу свою, лежащее въ повѣтъ Ошменскомъ, е. м. пану малжонку своему милому, кнежати Стефану Корыбутовичу Збаражскому, воеводѣ Троцкому, даю, дарую и симъ листомъ моймъ на вѣчность записую, то есть, дворъ Кобыльничій съ будованьемъ дворнымъ, съ пашнею дворною и збожемъ застѣлымъ и незастѣлымъ, съ костелы закону Римского и Греческого и ихъ подаваньемъ, мѣсто съ мѣщанами, съ боярами и съ людьми осадными и тяглыми, съ пушами, съ ловы звѣринными и пташными и рыбными, съ деревомъ бортнымъ, съ озерами, ставы и зъ млыны, зъ рѣками и съ болотами, съ бобровыми гоны, съ землями пашными и непашными, съ гаями, зъ лѣсами, съ зарослями, зъ сѣножатями и со всеми пожитками, такъ яко се тое имѣнье мое Кобыльничъ и дворецъ Жары само въ собѣ, въ границахъ, въ межахъ и въ обыходахъ, съ давныхъ часовъ мѣло и те-

перь маеть, не оставляючи ничего сама на себе, близкихъ, повинныхъ и кровныхъ своихъ, и черезъ возного повѣтового, врядовнѣ, въ держанье и уживанье вѣчное е. м. поступила и въ мощь и владность его подала. Маеть е. м. самъ, дѣти, потомки и близкіе кровные е. м. вѣчнѣ держати и уживати; и вольно вже будетъ, отъ сего часу и даты въ семъ листѣ моемъ описаной, малжонку моему милому е. м. кнежати Стефану Збаражскому, воеводѣ Троцкому, дѣтемъ, потомкомъ, близкимъ, кровнымъ е. м. все тое имѣнье Кобыльничъ и дворецъ Жары, отъ мене е. м. на вѣчность записаное, со всимъ яко се въ собѣ мѣло и теперь маеть, отдати, продати, даровати, замѣнити, и на вѣчность кому хотѣчи записать, и къ своему лѣпшому и пожиточному обернути, и яко властностью своею шафовать; а я сама, кровные, близкіе, повинные мои въ тое имѣнье мое Кобыльничъ и дворецъ Жары ни якимъ обычаемъ вступовати, и зъ мощи звѣчистого и епокойного держанья и уживанья выимовати и ни якимъ обычаемъ того подъ его милостью доходити не мають и не будутъ, вѣчными часы. И на томъ я Настасія Михайловна кнежна Мстиславская дала е. м. пану малжонку своему кнежати Стефану Збаражскому, воеводѣ Троцкому, сесь мой листъ, подъ моею печатю. А при томъ были и того суть свѣдоми ихъ милость вельможные панове: е. м. ясневельможный панъ Остаеи Воловичъ, панъ Троцкій, подканцлерый великого князства Литовского, староста Берестейскій и Кобринскій; е. м. панъ Оедоръ Скуминъ, подскарбий дворный великого князства Литовского, и е. м. князь Юрьи Друцкій Соколенскій, подкоморій Витебскій, державца Усвятцкій: чого ихъ милость будучи свѣдоми, за устюю прозбою моею, печати свои до сего вѣчистого запису листу моего приложити рачили. Писанъ у Кобыльнику, лѣта Божьего нароженья 1579, мѣсяца Іюля 19-го дня. — У того листу печатей чотыри.

Выписана изъ подтвердительной грамоты короля Стефана, 1579 года Іюля 19, находящейся въ Литовской Метрицѣ (Судн. дѣлъ кн. LVIII, л. 215–217), въ Сенатскомъ архивѣ, въ С. Петербургѣ.

115. — 1579 Октября 18. Жалованная грамота Оршанскому старостѣ Филону Кмитѣ Чернобыльскому, о возведеніи его въ званіе сенатора, съ титуломъ воеводы Смоленскаго.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, князя Седмиградское и иныхъ. Ознаймуемъ тымъ листомъ нашимъ каждому, кому того вѣдати будетъ потреба, нынѣшнимъ и напотомъ будучимъ, ижъ мы господарь вземши вѣдомость о зацности дому старожитного пана Филона Кмиты Чернобыльского, старосты Оршаньского, и о заслугахъ, которые продкове его и онъ самъ къ продкомъ нашимъ королевемъ ихъ милости Польскимъ и великимъ княземъ Литовскимъ и къ рѣчи посполитой оказывали, якожъ и самъ, будучи отъ насъ предложенъ надъ войски нашими землѣ и замковъ Поднѣпрскихъ, въ земли непріятельской, зваща, подъ замкомъ Смоленскомъ знакомитую шкodu учинилъ, огнемъ и мечемъ доводячи надъ непріателемъ: што мы господарь ласкаво пріймуючи и хотѣчи таковыя заслуги его, въ рѣчи посполитой значныя, баченьемъ нашимъ королевскимъ нагородити, а въ дому и на особѣ его таковыя зацныя поступки и sprawy его оздобити, и тымъ охотѣйшого до службъ нашихъ и рѣчи посполитой способити, беремъ пана Филона Кмиту Чернобыльского, старосту нашего Оршаньского, въ лавицу радъ нашихъ, и даемъ ему воеводство Смоленское, съ такою владностью яко и передъ нимъ будучіе воеводе Смоленскіе мѣстцѣ и достоинствѣ уживали; а гды панъ Богъ щастливо справы рѣчи посполитой поводячи, Смоленскъ къ великому

князству Литовскому привернетъ, хотимъ во всякой владности справѣ и пожитковѣ (которые передъ тымъ воеводе Смоленскіе уживали, гды къ великому князству Литовскому Смоленскъ держанъ былъ) пана Филона Кмиту заховати и въ каждой владности и учтливости его мѣти, яко пристойтъ на зацного и великого раду нашего. А на твердость того, и печать нашу привѣсити есьмо вельми, подпавши тотъ листъ рукою нашою господарскою. Писанъ у Вильни, лѣта Божьего нароженья 1579, мѣсяца Октября 18 дня.

Изъ Литовской Метрики (Запис. кн. LXIV, л. 260), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привілей пану Филону Кмитѣ Чернобыльскому на воеводство Смоленское.

116. — 1579 Октября 20. Листъ Смоленскаго царскаго воеводы князя Василія Пронскаго Оршанскому старостѣ Филону Кмитѣ Чернобыльскому, о запрещеніи Литовскимъ ратнымъ и порубежными людьми производить набѣги въ Русскія границы, впрѣдъ до открытія переговоровъ между Государями Московскимъ и Польскимъ.

Божіею милостию великого государя царя и великого князя Ивана Васильевича всея Русіи, Владимирского, Московского, Ноугородского, царя Казанского, царя Азороханского, государя Псковского, великого князя Смоленского, Тверскаго, Югорского, Пермскаго, Вятцкого, Болгарскаго и иныхъ, государя и великого князя Новгорода Низовскія земли, Черниговского, Рязанского, Полотцкого, Ростовского, Ярославского, Бѣлоозерского, и государя вотчинного и обладателя земли Лифлянтскіе Нѣмецкого чину, Удорского, Обдорского, Кондинского и всея Сибирскія земли и Сѣверныя страны повелителя и иныхъ, его царского величества отъ воеводы и намѣстника Смоленского, ото князя Василія Костянтиновича Пронского, въ Оршу, Филону Семенову

№ 117. вичю Кмитъ Чернобыльскому, старостъ Оршанскому. Вѣдай о томъ, что государь нашъ царь и великій князь указъ свой государевъ намъ учинилъ и всей своей рати, а не велѣлъ по рубежамъ войны всчинати и государя твоего пограничнымъ людемъ зацѣпокъ чинити. И мы, по государя своего приказу, по всей Смоленской границѣ розослали и не велѣли всей государственной рати и пограничнымъ людемъ государя твоего людемъ войны всчинати. И ты бѣ Оршанской староста Филонъ, потому жъ, государя своего всей рати и всѣмъ пограничнымъ людемъ приказалъ и не велѣлъ войны всчинати и во государя нашего землю войною ходити, покаместа государь нашъ царь и великій князь сошдется со государемъ вашимъ Стефаномъ королемъ. А посланника моего отпустилъ бы еси къ намъ, въ Смоленскъ, не издержавъ, и проводити его велѣлъ до границы, чтобъ ему прѣхати было ото государя твоего людей безстрашно. Писанъ во государя нашего его царского величества отчинъ, во градъ въ Смоленскъ, лѣта 7088, Октября въ 20 день.

Подлинникъ писанъ на столбцѣ изъ двухъ листовъ. Бывъ сложенъ пакетомъ и запечатанъ, имѣетъ на оборотъ надписи: Въ Оршу, Филону Семеновичю Кмитъ Чернобыльскому, старостъ Оршанскому. Внизу сего адреса, современною Польскою скорописью написано: List kniazia Wasila Kostantinowicza Prońskiego, wojewody Smoleńskiego, do Filona Kmiety Czarnobylskiego, starosty Orszańskiego, o pokoy w granicach między carem Moskiewskim a królem Polskim, w Smolensku i Orszy.

Хранится въ Императорской Публичной Библиотеке.

117. — 1579 Декабря 18. Жалованная подтвердительная грамота Киевскому Печерскому монастырю, на владѣніе двумя селами, Хомичами и Озерянами въ Быховскомъ округѣ, по данной записи Жмудскаго старосты Яна Ходкѣвича.

Стефанъ, Божьею милостью король Поль-

скій, великій князь Литовскій, Русскій, Прускій, Жомойтскій, Мазовецкій, Лифлянтскій, княжа Седмигородское и иныхъ. Ознаймуемъ симъ листомъ нашимъ, всимъ воеводѣ и каждому зособно, кому бы того вѣдати была потреба, ижъ присылалъ до насъ велебный отецъ Мелентей Хребтовичъ Литаворовича, архимандритъ монастыря нашего Печерского, бѣючи намъ господарю чоловѣкъ, о томъ, ижъ нѣкоторые два села, прозываемые Хомичи и Озеряне отъ предковъ пана Виленского, старосты Жомойтского, маршалка земского великого княства Литовского, старосты Ковеньского и Бирштаньского, доброй памяти небожчика пана Яна Яронимовича Ходкѣвича, кграби на Шкловъ и Мыши, имѣвшихъ милости Быховского, на монастырь Печерскій наданы и записаны были: але, ижъ за докончаньемъ унѣ великому князству Литовскому съ коруною Польскою, земля Киевская зъ иными землями отъ великого княства Литовского до коруны Польской есть прилучена; съ той причины, небожчикъ панъ Виленскій тые села верху помѣненные Хомичи и Озеряне, отъ предковъ своихъ на монастырь Печерскій наданные былъ отнялъ, а потомъ, за прозбами его, тые села со всеми кгрунты, людми, пожитками и власностями ихъ, здавна къ нимъ належачими, на тотъ монастырь Печерскій зася отдалъ и привернулъ, и листъ свой на то ему далъ (якожъ еще за живота своего, панъ Виленскій, доброй памяти небожчикъ панъ Янъ Ходкѣвичъ тотъ листъ свой передъ нами оказывалъ и достаточную справу намъ около того далъ); и просилъ насъ господаря помѣненный архимандритъ монастыря нашего Печерского, абыхмо то къ вѣдомости нашей припустивши, тотъ листъ пана Виленского, небожчика пана Яна Ходкѣвича листомъ нашимъ подтвердили и до книгъ канцелярей наше вписати казали. Который листъ, слово отъ слова, такъ ся въ собѣ маеть:

«Мы Янъ Яронимовичъ Ходкѣвича, кграби на Шкловъ и Мыши, панъ Виленскій, староста Жомойтскій, маршалокъ земскій великого княства Литовского, староста Ковеньскій и Бирштаньскій, ознаймуемъ и явно чинимъ симъ нашимъ листомъ всимъ посполито, кому бы того вѣдати была потреба, нынѣшнимъ и на потомные часы будучимъ. Што которые два села имѣнья нашего Быховского, прозываемые Хомичи и Озеряне, зъ дому нашего и отъ предковъ нашихъ славной памяти наданы и записаны были на монастырь. Пречистов Богоматери Печерскій, въ Киевъ (што и особливими записи предковъ нашихъ есть умовлено), якожъ черезъ долгій часъ тые вышей помѣненные два села, за тымъ наданьемъ предковъ нашихъ, къ монастырю Печерскому держаны и уживаны были: але, ижъ за докончаньемъ унѣ великому князству Литовскому съ коруною Польскою, земля Киевская съ иными землями отъ великого княства Литовского до коруны Польской есть прилучена; съ той причины, яко иныи нѣкоторые княжата и панята, обыватели великого княства Литовского, такъ тежъ и мы сами тые села отъ предковъ нашихъ на тотъ монастырь Печерскій наданные отобрали есмы, маючи вѣдо на иныи церкви Божьи у великомъ князствѣ Литовскомъ тые добра надати. А ижъ потомъ, за шастливого панованья на королевствѣ Польскомъ и великомъ князствѣ Литовскомъ короля его милости Стефана, господаря нашего, зъ воли Божой и зъ ласки его королевской милости, оставши архимандритомъ въ томъ монастыри Пречистые Богородицы Печерскомъ, въ Киевъ, намъ въ кровности повинный, велебный отецъ Мелентей Хребтовичъ Литаворовича прозбами своими насъ въ томъ уживалъ, абыхмо тые села Хомичи и Озеряне, водлугъ наданья предковъ нашихъ, зася къ тому монастырю Печерскому привернули; а такъ мы, яко святоблывому предсавзятю и воли предковъ нашихъ въ томъ догожаючи, такъ тежъ

и его жеданью досытъ чинячи, ты села верху помѣненные Хомичи и Озеряне, со всеми кгрунты, людми, пожитками и власностями ихъ, яко ся здавна тые села сами въ собѣ, въ границахъ и пожиткахъ своихъ мають, къ тому монастырю Печерскому отдаемъ и приворочаемъ. Маеть отецъ архимандритъ самъ и его потомки по немъ будучіе, архимандриты того монастыря Печерского, тые села Хомичи и Озеряне къ тому монастырю Печерскому держати и уживати, во всемъ, подлугъ наданья предковъ нашихъ, вѣчными часы, доколѣ тотъ монастырь Печерскій и тая церковь Божая въ своемъ порядку старовѣчнымъ и въ хвалѣ Божой закону Греческого съ богомольствомъ стояти и тривати будетъ; и держачи тые села, архимандриты Печерскіе со всимъ духовенствомъ того монастыря за предковъ нашихъ, за насъ и потомковъ нашихъ, яко на давцовъ, пана Бога просити повинны будутъ. А мы сами, пани малжонка наша, дѣти и потомковѣ, а ни повинные и кровные наши, ни кто тыхъ селъ вышей помѣненныхъ Хомичъ и Озерянъ отъ того монастыря Печерского отымовати не маемъ, а ни будемъ мочи, на вси приплыи часы, вѣчнѣ. А гды быхмо сами за живота нашего, або по животѣ напомъ пани малжонка, дѣти, потомки и кровные наши, припомнѣвши сего наданья и запису нашего, тые села вышей помѣненные Хомичи и Озеряне отъ того монастыря отняли: тогды король е. м. господарь нашъ, который — кольбекъ на тотъ часъ на корунъ Польской и великомъ князствѣ Литовскомъ зъ воли Божее пановати надъ нами будетъ, тые села Хомичи и Озеряне у насъ самыхъ, тежъ у пани малжонки и потомковъ нашихъ, або хто бы кольбекъ ихъ отъ того монастыря отнявши держалъ, съ зверхности своее господарской взяти казавши, зася къ тому монастырю Печерскому привернути маеть; а мы сами, пани малжонка, дѣти и потомки наши тому поданью черезъ его королевскую милость ни въ чомъ противны быти

№ 118. не маемъ. Якожъ объявили есмо сесь листъ и наданье наше тыхъ селъ Хомичъ и Озерянь, на тотъ монастырь Печерскій въ Кіевъ наданныхъ, наяснѣйшему господарю нашему Стефану, Божьею милостью королю Польскому и великому князю Литовскому, Рускому, Прускому, Жомойтскому, Мазовецкому, Лифлянтскому, княжати Седмигродскому и иныхъ, и въ книги канцлерыи его королевской милости вписати дали, и сесь листъ нашъ велебному отцу Мелентію Хребтовичу Литаворовича, архимандриту монастыря Пречистой Богоматери Печерского, въ Кіевъ, даемъ съ нашою печатью и съ подписаньемъ властной руки нашей письмомъ Польскимъ. А при томъ были, и того будучи добръ свѣдоми ихъ милость панове а пріятели наши, е. м. панъ Лаврынъ Война, подскарбій земскій и писаръ великого князства Литовского, староста Пинскій, Олитскій и Квасовскій, и е. м. панъ Оедоръ Скуминъ Тишкевича, подскарбій дворный великого князства Литовского, за очевистою и устною прозбою нашою, печати свои приложили къ сему нашему листу. Писанъ у Вильни, лѣта Божьего нароченья 1579, мѣсяца Апрѣля 7 дня.» — У того листу печатей три, а подпись руки письмомъ Польскимъ, тыми словы: «Jan Chodkiewicz, manu propria.»

А такъ мы господарь выrozumѣвши добръ листу пана Виленского, небожника пана Яна Ходкѣвича, до книгъ канцлерыи рашой вписаного, и видѣчи быти рѣчь слушную, тотъ листъ во всемъ при mocy оставляючи, симъ листомъ нашимъ подтверждаемъ; и на то дали есмы помѣненному отцу Мелентію Хребтовичу Литаворовича, архимандриту монастыря нашего Печерского и всимъ чернцомъ того монастыря сесь нашъ листъ, съ подписомъ руки нашей господарской, до котораго и печать нашу привѣсити есмы рассказали. Лѣта Божьего нароченья 1579, мѣсяца Декабря 18 дня, а панования нашего року четвертого. — Подпись руки господарской. — «Венцлавъ Акгрипа, писарь.»

Изъ Литовской Метрики (Запис. кн. LXIV, л. 290—292), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Потверженіе архимандриту Печерскому листу пана Виленского, старосты Жомойтского, пана Яна Ходкѣвича, на села Хомичи и Озеряне, отъ имѣнья Быховского на монастырь Печерскій наданные.

118. — 1580 Марта 10. Жалованная грамота Раинъ Войновой, о предоставленіи ей въ пожизненное управленіе православнаго двѣчьяго Св. Варвары монастыря, въ городъ Пинскъ, съ отчинами, угодьями и доходами.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, княжа Седмигродское и иныхъ. Ознаймуемъ симъ листомъ нашимъ, што первѣй сего держала въ мѣстѣ нашомъ Пинскомъ монастырь святые Варвары, на игуменѣи Пинскіе здавна фундованый, съ добрами и пожитки къ оному монастырю Варварскому надлежащими, землянка наша Софія Воловичовна Кирдѣвая до живота своего: ино, ижъ въ тыхъ часѣхъ оная Софія Кирдѣвая съ сего свѣта сошла, тогда мы постерегаячи, ижъбы справы церковныя въ набоженствѣ своемъ безъ порядку звыклого не омѣшкивали, преречоный монастырь святые Варвары, въ мѣстѣ нашомъ Пинскомъ, на игуменѣи Пинскіе прислухающій, съ дворцомъ Высоцкимъ и со всеми яко мѣщаны въ мѣстѣ Пинскомъ, такъ и съ иными подданными въ разныхъ селахъ осѣлыми, а къ тому монастырю Варварскому подлежащими, съ ихъ службами, платы и повинностями и со всякими кгрунты осѣлыми и неосѣлыми, и съ пожитки, которые здавна къ тому монастырю прислухаютъ и которые ся потомъ вынайти могутъ, яко то держала недавно зошлая Софія Кирдѣвая, дали есмы землянцъ нашей паннѣ Раинѣ Войнянцѣ, маючи залѣценіе о учтивомъ и богобойномъ житію еѣ отъ некоторыхъ па-

новъ радъ нашихъ. Маесть помѣненная панна Раина Войнянка оный монастырь святые Варвары въ мѣстѣ нашомъ Пинскомъ, съ дворцомъ Высоцкимъ, съ мѣстомъ и со всякими кгрунты и пожитки къ тому монастырю прислухающими, держати и уживати до живота своего, пилно того постерегати повинна будучи, яко бы справа и порядокъ церковный водлѣ закону Греческого завжды ся обычаемъ звыклымъ въ оной церкви и въ монастыри заховалъ, ижъбы хвала Божая и богомольство за насъ господаря и за весь народъ хрестіанскій богобойнъ и порадиѣ отправовано было. И на то есмы паннѣ Раинѣ Войнянцѣ дали сесь нашъ листъ, подписанный рукою нашою, до котораго и печать нашу приложить есмы велѣли. Писанъ у Городнѣ, лѣта Божьего нароченья 1580, мѣсяца Марта 10 дня. — Подпись руки его королевской милости.

Изъ Литовской Метрики (Запис. кн. LXIII, л. 252—253), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей паннѣ Раинѣ Войнянцѣ на монастырь Варварскій въ мѣстѣ Пинскомъ.

119. — 1580 Марта 16. Окружная королевская грамота, о назначеніи сейма въ Вильнѣ, для постановленія новыхъ необходимыхъ мѣръ къ продолженію войны съ Московскимъ Государемъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, княжа Седмигродское и иныхъ, княземъ, паномъ воеводамъ, каштеляномъ, маршалкамъ, старостамъ, державцамъ, вридникомъ земскимъ, дворяномъ нашимъ и всимъ обывателямъ шляхтъ повѣту Виленского. Яко то есть всимъ вамъ вѣдомо, ижъ мы господарь зъ воли и презрѣнья Божого засѣдши шастливѣ на панствахъ нашихъ, корунъ Польской и великомъ князствѣ Литовскомъ, ни о чомъ болѣ-

шого обмышливанья и старанья нашего не чинимъ, одно, яко быхмо не только оборону и покой панству нашему великому князству Литовскому учинили, але земли, замки и многіе добра отъ панствъ нашихъ великого князства Литовского и земли Лифлянтской черезъ неприятелиа нашего великого князя Московского посягненныя отыскали, и до властности ихъ привернувши, кгрунтовное успокоеніе на долгіе часы панствамъ и вамъ всимъ подданнымъ нашимъ учинили. Якожъ вже зъ милосердія Божого, не только за пилнымъ стараньемъ и обмышливаньемъ нашимъ, але и здоровья нашего нелитованьемъ, а за вашимъ рыцерства нашего мужнымъ звытязствомъ, замки черезъ того неприятелиа опанованные, Полоцкъ, Суша, Соколъ, Туровля, Ситно, Красное, Неперда и иные пригородки, съ немалыми широкостями кгрунтовъ, зъ mocy и владности того неприятелиа славнымъ надъ войски его звытязствомъ вже ся къ панству нашему великому князству Литовскому отыскали и привернули: то все вамъ вѣдомо есть. За чимъ, ижъ съ тымъ неприятелиемъ до жадного еще успокоенія не пришло, а онъ водлѣ звыклости своеѣ, о посягненію панствъ нашихъ незбожного старанья чинити не запѣхиваетъ: тогда, для того, яковымъ бы обычаемъ далѣй ся съ нимъ около успокоенія панствъ нашихъ поступити мѣли, съемъ великій чальный у Варшавѣ недавно есмо были сложили, на которомъ ихъ милость панове рады духовныя и свѣтскіе, и послове земскіе обоего народу, всякіе потребы, шкоды и пожитки, а особливо вывышеніе славы народовъ своихъ уважаючи, то по многомъ намышливанью своемъ обачили, ижъ за такимъ зъ ласки Божее поданнымъ шастьемъ, есть потреба далѣй войну противъ тому неприятелиу попирати, стерегучи, ижъбы ся рѣчи къ покою не застановленныя въ небалости не занѣхали. Которое постановленіе соймовое яко вамъ вже до вѣдомости пришло; такъ мы господарь, съ хути и милости нашеѣ, которую

№ 120. къ панствамъ и вамъ подданнымъ нашимъ маемъ, не литуючи не только утратъ и не до конца достаточныхъ скарбовъ, але и здоровья маестату нашего, скоро есмы съемъ великій вальный отправили, для того есмо до здыпне-го панства нашего великого князства Литовского поспѣшили, ижъ быхмо ся што найборзѣй къ потребѣ военной часу до того пригодного не омѣшкиваючи выправили. А тотъ не-пріятель нашъ, насъ якобы зволекаючи, въ тыхъ частѣхъ гонца своего до насъ присылае, и ни до чого иного, одно, ижъ быхмо пословъ нашихъ до него слали, таковымъ посыланьемъ своимъ приводити хотѣлъ: чого ся намъ зъ многихъ и слушныхъ, а панствамъ нашимъ шкодливыхъ причинъ учинити не годитъ. Про то, яко около рушеня нашего до войска, такъ и около спокойного застановеня панства на-шого великого князства Литовского въ отъ-ханью нашою, о томъ всемъ и о иныхъ справахъ земскихъ (штожъ всимъ станомъ въ-дати належитъ, и никого большъ, яко вастъ вѣрныхъ обывателей панства того и убезпе-ченя жонъ, дѣтей и маестностей вашихъ то заходитъ), — про то мы хотѣчи около того всего со всеми станы намовлятися и обмышля-ти, сложили есмо и симъ листомъ нашимъ складаемъ зъѣздъ ихъ милости паномъ ра-дамъ, вридикамъ земскимъ и всимъ тымъ, которыхъ съ повѣтовъ съ посродку себе обе-рете, по Велицъ — дни близко пришлоу святъ въ двѣ недѣли, то есть, мѣсяца Априля 17 дня, въ столечномъ мѣстѣ нашоу у Вильни. И вы бы о томъ вѣдали, и зъѣхавшися на часть певный, у-во второкъ по Велицъ — дни, то есть, тогожъ мѣсяца Априля 5 дня, на мѣстѣ къ соймику въ повѣтъ вашемъ звык-лое, и о справахъ вамъ въ семъ листѣ нашоу вышшей поданныхъ межи собою намовившися, двѣ альбо три особы, альбо похочете ли и большъ, съ посродку себе братью вашу, лю-дей добрыхъ, росторонныхъ и бачныхъ, на тотъ зъѣздъ, у Вильну, на день 17 мѣсяца

Априля зложонный прислали, и спомя зъ ихъ милостью паны радами нашими и со всеми ста-ны, которые на онъ часть до Вильни прибу-дутъ, яко около рушеня нашего до войска, такъ и о иныхъ потребахъ земскихъ обмыш-ливали, што ся къ доброму, спокойному и по-житочному панства нашего и отчизнѣ вашихъ вынайти можетъ, одностайнѣ и згоднѣ, буду-чи того отъ насъ певны, ижъ мы всего добро-го тому панству нашоу жадаючи, о розши-реню вольностей и пожитковъ, къ успокоеню вашему, со всякимъ услованьемъ зычливого обмышливаня нашего чинити не анѣхаемъ. Писанъ у Городнѣ, лѣта Божьего нароженя 1580, мѣсяца Марта 16 дня. — Stephanus rex. «Венцлавъ Акгрипа, писарь.»

Изъ Литовской Метрики (Запис. кн. LXV, л. 3), хранящейся при Правительствующемъ Се-натѣ, въ С. Петербургѣ. Въ концѣ грамоты отпечено: Listów 22 do wszystkich powiatów rozesia-но z Grodna, 16 Marca anno 1580, w te słowa.

120. — 1580 Июня 1. Листъ Оршан-скаго старосты Филона Кмиты Черно-быльскаго Смоленскому воеводѣ кня-зю Данилу Ногтеву, о выкупѣ изъ Литов-скаго плѣна дѣтей боярскихъ Сатина и Одоев-цова.

Наяснѣйшего и незвитежового великого го-сподаря Стефана, Божьею милостью короля Польского и великого князя Литовского, Ру-ского, Прусского, Жемойтского, Мазовецкого и Лифлянского, княжати Седмигородского и иныхъ многихъ великихъ и славныхъ панствъ господаря, отъ воеводы Смоленского, старо-сты Оршанского, Филона Семеновича Кмиты — Чернобыльского, въ Смоленскѣ, намѣстнику Смоленскому князю Данилу Ондрѣвичу Нох-теву — Суздальскому. Што еси писалъ до мене, ижъ вышелъ изъ Литвы, на окупъ, на вѣру государя твоего великого князя, сынъ бояр-ской Айда Сатинъ, а товарищъ его Гаврилко Ондрѣвъ сынъ Одоевцовъ сидитъ со княземъ

Петромъ Хворостининымъ и со княземъ Семе-номъ съ Тюфякинымъ у его милости пана вое-воды Виленского; и тотъ государя твоего ве-ликого князя сынъ боярской Айда Сатинъ въ Смоленскѣ съ окупомъ прѣхалъ, и привезъ за себя и за Гаврилка окупъ двѣсти пятьдесятъ рублей денегъ, и сорокъ куницъ, лисицу чор-ную и два бобра чорныхъ: што быхъ я о томъ его милости пану воеводѣ Виленскому вѣдомо учинилъ, ижъ бы онъ тотъ окупъ за тыхъ госу-даря твоего дѣтей боярскихъ, за Айду Сатина и за Гаврилка вѣдѣлъ взяти, а Гаврилка Одоевцова прислалъ въ Смоленскѣ, або на рубежъ, на розмѣну, а ижъ быхъ о томъ всемъ тобѣ вѣдомо учинилъ, къ которому дню тотъ государя твоего сынъ боярской Гаврило Одоев-цовъ въ Смоленскѣ, або на рубежѣ будетъ. Ино я о томъ до его милости пана воеводы Виленского писати буду: и яко скоро его ми-лостѣ до мене вѣдомо черезъ писанье свое учи-нитъ и того Гаврилка Одоевцова тутъ до Орши пришлетъ, я о томъ до тебе писаньемъ своимъ черезъ посланника своего вѣдомо учиню; а твоего есми посланника отпустилъ, не издер-живая. Писанъ у Орши, лѣта Божьего наро-женя 1580, мѣсяца Июня 1 дня.

Современный список писанъ на столбѣ изъ двухъ листовъ. Безъ скръпи.

Хранится въ Главномъ Московскомъ Архивѣ Министерства Иностранныхъ Дѣлъ.

121. — 1580 Июня 15. Жалованная подтвердительная грамота городу Полоцку, на Магдебургское Право, съ предо-ставленіемъ жителямъ его разныхъ преимущ-ествъ и льготъ.

Стефанъ, Божьею милостью король Поль-скій, великій князь Литовскій, Рускій, Пру-скій, Жемойтскій, Мазовецкій, Лифлянтскій, княжа Седмигородское и иныхъ, чинимъ зна-мените симъ листомъ нашимъ, нынѣшнимъ и напотомъ будущимъ. Што первѣй сего неприя-тель нашъ, великій князь Московскій, замокъ

Полоцкъ зъ многими кгрунтовъ широкостями № 19 и пожитки былъ осѣлъ и опановалъ: тогда мы господарь, зъ воли и преизрѣнья Божьего засѣдши на панствахъ нашихъ, коронъ Поль-ской и великомъ князствѣ Литовскомъ, ни о чемъ иномъ пыльнѣй не обмышливали, одно о оборонѣ панствъ и подданныхъ нашихъ. И кгда есмы за даньемъ причины отъ неприя-теля нашего, великого князя Московского, тотъ замокъ первѣй черезъ того неприятели нашего посягненьи Полоцкъ подъ опанованье наше взяли и привернули; тогда многіе съ подданныхъ нашихъ, хотячи за щастливого па-нованя нашего въ мѣстѣ Полоцкомъ осѣдати, били намъ чоломъ, абыхмо къ укгрунтованю и фундованю того мѣста Полоцкого, яко вольности правъ, такъ и иные свободы, съ ко-торыхъ бы ся обыватели въ ономъ мѣстѣ осѣ-дающе тѣшили, зъ ласки нашею господарской надали и упривилеговали. А такъ, кгдажъ есмы со вшелякимъ стараньемъ нашимъ о то условали, яко бы помѣненный замокъ Полоц-кій (который несправедливъ черезъ неприятели нашего, великого князя Московского, отъ панства нашего великого князства Литовского былъ оторванъ) къ властности своей зася былъ приверненъ и прилучонъ: тогда тежъ, не шнѣй, подданнымъ нашимъ, которые при томъ замку осѣдати будутъ, вшелякихъ вольностей и свободъ (таковыхъ, которыхъ обыватели мѣста Полоцкого за щастливого панованя ихъ милости королей Польскихъ и великихъ кня-зей Литовскихъ, предковъ нашихъ, уживали) узываючи и завжды заховывати и помножати ихъ хотячи, рады есмы на прѣзбу и чолом-битье преречонныхъ подданныхъ нашихъ въ-лади, и ко вшелякимъ правамъ, вольностямъ, свободамъ и зычаемъ всихъ обывателей, ко-торые теперъ въ мѣстѣ Полоцкомъ осѣли и потомъ осѣдати будутъ, припустили и симъ листомъ нашимъ припускаемъ, и всихъ сво-бодъ, правъ и вольностей подданнымъ нашимъ мѣщаномъ Полоцкимъ, таковыхъ, которыхъ

№ 121. первый (покуль неприятель нашъ, князь великій Московскій того замку не опановалъ) уживали, на вси потомные часы и приплыи и вѣчные уживати позволяемъ.

А напродъ, надаемъ пререченому мѣсту Полоцкому право мѣстское Майдебурское, звычаемъ таковымъ, яко и первый того мѣсто Полоцкое уживало: до которого уживанья права маюти они накладомъ своимъ ратушъ мѣстскій збудовати, и въ томъ ратушу привозное питье, вино, медъ, пиво дозволяемъ шинковать; съ которыхъ рѣчей вышей писавыхъ вси пожитки и доходы бурмистры и радцы къ оправѣ мѣстской брати маюти.

А до справованья справъ мѣстскихъ, съ просрочку себе бурмистровъ чотырехъ въ каждомъ году обирати, и таковыхъ бурмистровъ черезъ мѣщанъ Полоцкихъ обранныхъ маюти пану воеводу Полоцкому ознанити; а панъ воевода Полоцкій зъ мѣстца своего съ тыхъ чотырехъ бурмистровъ маеть двухъ установити, которые зъ лавниками и присяжниками мѣстскими, справы мѣстскіе водлугъ звычайу, права и бѣгу Майдебурского, подъ владностью и зверхностью войта тамошняго отправовати маюти. А што ся дотычетъ войтовства въ ономъ мѣстѣ Полоцкомъ: тогды, ижъ яко съ стародавнихъ часовъ, передъ тымъ, ни хто иной только панъ воевода Полоцкій войтомъ бывалъ и войтовствомъ справовалъ, такъ и теперь панъ воевода Полоцкій теперешній и напотомъ будучіе войтомъ въ ономъ мѣстѣ Полоцкомъ быти, и лент-войта подавати, и всякіе справы мѣстскіе правомъ и звычайемъ права Майдебурского отправовати маюти.

А къ справованью потребъ мѣстскихъ, надаемъ имъ до печати мѣстской гербъ, корабль окрентовый, которого и передъ тымъ мѣсто Полоцкое уживало: которую печать въ схованью радецкомъ мѣти, и, водлѣ обычаю и вольности мѣста нашего Виленского и мѣста Троцкого, къ справованью и печатованью всякихъ справъ и потребъ мѣстскихъ, листовъ, минутъ и вы-

писовъ, и всякихъ товаровъ ихъ уживати маюти. Такъ тежъ придаемъ тому мѣсту другую печать лавничую, фигуру Внебо-взяте Панны Маріи; которую печать уживати маюти для выписовъ и запечатованья домовъ отъ умерлыхъ, коморъ, тестаментовъ и иныхъ рѣчей мѣстскихъ.

А ижъ передъ тымъ, съ стародавна, мѣщане обыватели мѣста Полоцкого за уживанье и пожитки права Майдебурского певную сумму пѣнезей, на каждый годъ по двѣсти копъ грошей до скарбу нашего земского великого князства Литовского давати были повинны: тогды мы зъ ласки наше господарской, для запоможенья и поратованья оного мѣста Полоцкого, тую сумму двѣсти копъ грошей отпускаемъ имъ вѣчными часы, и то на потреби и на пожитокъ мѣстскій надаемъ.

Къ тому, для большого примноженья и розширенья мѣста Полоцкого, позволяемъ и вѣчными часы устанавливаемъ ярмарки два вольные, до року, одинъ зимъ, на Три Кроли, а другій лѣтъ, на день святыхъ Апостоловъ Петра и Павла: на которыхъ ярмаркахъ такъ обывателемъ мѣста Полоцкого, яко и всимъ иныхъ мѣстъ подданнымъ нашимъ, тежъ и людемъ пріѣзжимъ, отъ початку ярмарку до двухъ недѣль, безъ жадного мыта торгового, замкового и мѣстского, всимъ станомъ, торговати вольно будетъ; а по выистью двухъ недѣль, яко мыто наше господарское, такъ тежъ торговое, замковое и мѣстское платити повинны будутъ. А часовъ иныхъ, коли ярмарковъ нѣтъ, гости переѣзжіе, которые до мѣста Полоцкого пріѣзжати будутъ, межи собою некоторыхъ торговъ и купецтвъ чинити не маюти, але людемъ купецкимъ обывателемъ мѣста Полоцкого товары свои продавати повинны будутъ, подъ тою мѣрою яко передъ тымъ у Полоцку бывало, то есть: воски въ одной штуцѣ по полуберковиску; соболи, куницы, тхоры по сороку; горностаи, бѣлку, лисицы, норичы по полтретьяста; попелъ и смолу

лаштомъ однимъ (а того не маюти куповати ни въ селѣ, ни въ бору, ни въ лѣсѣхъ, только на торгу въ мѣстѣ, у мѣщанъ Полоцкихъ); шафранъ, мушкаты, гвоздики, квѣтъ мушкатовый, кгалкганъ, петваръ и иншіе коренья дорогие фунтомъ, также сѣкеры, ножи и иные таковыя рѣчи центнаромъ, тежъ розынки и фикги кошомъ; вино, какое ли будь, пиво Немецкое и иные питья чужіе бочкою цѣлою: и для того, тые купцы чужіе не маюти мѣрою иншою продавати, а ни куповати, только такъ яко ся вышей помѣнило; а естли бы который своею волею иначе учинилъ, тогды тую куплю войтъ съ бурмистры на ратушъ маюти взяти.

А жидове въ ономъ мѣстѣ яко некоторыхъ купецтвъ мѣти, такъ и къ мѣщанью домовъ будовати и куповати не маюти.

А которые мѣщане теперь уже до оного мѣста Полоцкого сошлись, и пляцы розобравши будоватися почали, тые вже ни черезъ кого съ пляцовъ своихъ рушоны быти не маюти; и хотя бы хто съ давныхъ Полочанъ до Полоцка приходши, пляцъ свой отчизный вже забудованный мѣти хотѣлъ; тогды вже тые, которые се на пляцахъ имъ розданныхъ побудуютъ, для тыхъ, которые бы потомъ приходили, рушиться не повинны будутъ, але таковымъ, которые опослѣ приходятъ будутъ, иные пляцы даваны быти маюти. А каждый мѣщанинъ Полоцкій, отъ того часу, отъ которого пляцъ пріиметь и будоватися почнетъ, вольностей въ семъ листѣ нашемъ описанныхъ до часу ниже означеного уживати маеть.

А которые мѣщане земли покупали отъ шляхты и отъ бояръ путныхъ; тогды маюти

намъ служити службу военную, восполъ зъ иншою шляхтою, яко и передъ тымъ служивали (*).

Не маюти тежъ мѣщанъ Полоцкихъ, людей остлыхъ, нигдѣ до права поволокати, а ни ихъ судити, только въ Полоцку, на врьдѣ ихъ мѣстскомъ (**).

Къ тому, прикладомъ иншихъ упривилегованныхъ мѣстъ нашихъ, надаемъ тому мѣсту Полоцкому и обывателемъ въ немъ мѣшкающимъ братства до року трое, то есть: одно на день Божого Нароженья, другое на день Великодний, а третее на день святыхъ Апостоловъ Петра и Павла; на которые дни звышъ помѣненные вольно имъ будетъ по пятьдесятъ пудовъ меду ваги Полоцкоѣ розсытивши, къ пожитку братскому, прикладомъ иншихъ мѣстъ упривилегованныхъ (а звлаща, яко въ мѣстѣ нашемъ Виленскомъ такіе ся братства ведутъ), уживати; а иншихъ часовъ вшелякихъ, вольно мѣщаномъ Полоцкимъ напитки, медъ, пиво, горѣлку, на властную потребу свою мѣти: въдѣже такимъ напиткомъ, хто въ дому своемъ будетъ мѣти, не вольно имъ шинковать.

Вагу мѣстскую подъ ратушомъ мѣстскимъ мѣти, и маеть быти въ справѣ одного отъ мѣста, а другого отъ шляхты; а пожитокъ, што съ тоѣ ваги приходитъ будетъ, на ратушъ брати маюти (**).

Дозволяемъ мѣщаномъ Полоцкимъ лазню для гостей сбудовати, гдѣ мѣсто подобное обравши, а пожитокъ, што съ тоѣ лазни приходитъ будетъ, на ратушъ то брати маюти; вольно тежъ мѣщаномъ Полоцкимъ на свою

(*) Въ другомъ сп. прибавлено: «а которые земли суть мѣстскіе, тогды нигдѣ индѣ, одно передъ судомъ мѣстскимъ усправедливится каждому винны будутъ».

(**) Там. приб.: «а ремесники всякіе, которые на грунтѣхъ мѣстскихъ живутъ, тые маюти быти подъ приговоромъ мѣстскимъ».

(***) Въ др. сп. иначе читается: «а пожитокъ, што съ тоѣ ваги приходитъ будетъ, ино половина того пожитку на мѣсто Полоцкое, а другая половина на пожитокъ шляхты Полоцкой маеть быти давана, по тому яко ся передъ тымъ около того въ Полоцку заховывало».

№ 121. властную потребу лани въ домѣхъ своихъ мѣти.

Мяны на рѣцѣ Полотѣ мѣщане Полоцкіе водлугъ давнего обычая яко они поробятъ, пожитковъ съ того одна половина пану воеводу на врьдѣ замковый, а другая половина на пожитокъ мѣста Полоцкого приходити маеть.

А ижъ теперъ, по спустошенію замку нашего Полоцкого, оное мѣсто Полоцкое знову осѣдати будетъ, для того даемъ всимъ мѣщаномъ и обывателямъ мѣста Полоцкого вольность на роляхъ, которые приняли и пріймовати будутъ на свою властную потребу, отъ плаченія всякихъ платовъ и повинностей замковыхъ и мѣстскихъ, ничего не платити и жадныхъ повинностей не полнити, отъ даты въ семъ листѣ нашомъ описаной до осми годовъ суполныхъ: въ которыхъ осми годѣхъ, яко некоторыхъ податковъ замковыхъ и мѣстскихъ, также податковъ чоповыхъ отъ шинковъ и отъ ремесниковъ платити не повинны, такъ тежъ и корчмы пивные, медовые и горьчичные вольные имъ будутъ черезъ тотъ увесь часъ, покулъ волю высѣдять; а по высиженью воли (*), корчмы тамошніе Полоцкіе на пожитокъ замку Полоцкого быти мають, по тому яко ся и первѣй то въ Полоцку захывало.

Къ тому, особливъ, всимъ обывателямъ мѣщаномъ Полоцкимъ вольно будетъ товарами и куплями всякими, къ живности належачими, яко въ Полоцку, такъ и во всемъ панствѣ нашомъ великомъ князствѣ Литовскомъ, сухимъ и воднымъ путемъ купчити и торговати, ни которого мыта торгового не платячи; а гды бы хто зъ нихъ якіе товары великіе гдѣ — кольбекъ за границу панства нашего великого князства Литовского везли: тые по тому пла-

тити мають, яко и мѣщане Виленьскіе и Троцкіе мыто звычайное платити повинны, и яко которого часу около плаченія мыта въ панствѣ нашомъ, великомъ князствѣ Литовскомъ постановлено будетъ. А вѣдѣже, для запоможенія пререченыхъ мѣщанъ, отъ плаченія мыта всякого отъ товаровъ ихъ, гдѣ — кольбекъ провадити будутъ, даемъ вольность до осми годовъ: въ которомъ часѣ мыта никоторого, старого и нового, отъ товаровъ своихъ, которые за вѣдомостью и записомъ врьду мѣстского попровадятъ, платити не повинны будутъ; а то што они за вѣдомостью врьду мѣстского товаровъ выпускаютъ, на личбѣ пана подскарбьего земского, або хто мыта великого князства завѣдати будетъ, пріймовано быти маеть; а по высиженью тыхъ осми годовъ, мыто такъ платити мають, яко мѣщане Виленьскіе и Троцкіе платятъ (**).

Также правъ, вольностей, свободъ и вшелякихъ пожитковъ и звычайевъ обыватели мѣста Полоцкого уживати и повинности полнити повинны будутъ, по тому яко и первѣй сего, кгда Полоцкъ къ панству нашему, великому князству Литовскому держанъ былъ, правъ, вольностей, пожитковъ и звычайевъ своихъ уживали и повинности полнили: которые вси права и вольности, якихъ первѣй обыватели мѣста Полоцкого уживали, ничимъ и ни въ чомъ не нарушаючи, симъ листомъ нашимъ утвержаемъ, и ничимъ ихъ мы и потомки наши уймовати не будемъ, але ихъ волаъ часу и потребности примножати хотимъ вѣчными часы. На што есмы мѣсту Полоцкому дали сесь нашъ привилей, съ подписомъ руки нашею господарской, до которого и печать нашу привѣсити рассказали. Писанъ у Вильни, лѣта Божого нароженія 1580, мѣсяца Іюня 15 дня. — Подпись

(*) Въ др. сп. «осми годовъ».

(**) Въ подтвердительной привилеи короля Сигизмунда III, пожалованной Полоцчанамъ 1591 г. Января 12, прибавлена статья слѣдующая: «тежъ и отъ подводъ всякихъ подъ обозъ нашъ, и тежъ подъ посылы и посланцы наши, ижъ ихъ зъ стародавна николи не давали, тымъ листомъ нашимъ ихъ вольными чинимъ».

руки господарской. «Венцлавъ Агриппа, писарь.»

Изъ Литовской Метрики (Запис. кн. LXIII, л. 278 — 282), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Привилей мѣсту Полоцкому, на права, свободы и вольности ихъ. Вторично записана тамъ же, въ кн. LXVI, л. 106 — 110. Привилей сія подтверждена королемъ Сигизмундомъ III, 1591 г. Января 12, на Варшавскомъ сеймѣ, и Владиславомъ IV, 1634 г. Іюля 29. См. рукоп. Бѣлор. Арх. древн. грам. II, 179 — 183, принадлежащую Археографической Комиссии.

122. — 1580 Іюля 27. Вѣстовая отписка королю Стефану Оршанскаго старосты Филона Кмиты Чернобыльскаго, о пропздѣ за границу Московскаго гонца Шишмарева, на возвратномъ пути изъ Польши; о сборѣ Русскихъ ратныхъ людей въ разныхъ городахъ; о царскихъ послахъ, идущихъ къ королю и пр.

Наяснѣйшій, милостивый господарю королю, пане а пане нашъ милостивый! Панове приставы вашей королевской милости, а м. князь Янушъ Свирскій, маршалокъ, а панъ Григорей Масальскій, судья, и шафары в. к. м. панъ Швабъ и панъ Миколай Бурба, которые вже тутъ у — въ Орши на мѣстну суть на принятіе пословъ великихъ Московскихъ, оповѣдать рачили мыъ, служъ вашему господарьскому, и мовили, абы — мѣ до в. к. м. писалъ, ижъ имъ пѣнезей съ скарбу в. к. м. на подыймованье тыхъ пословъ, просто, ничего не дано: чого есть потреба, ижбы в. к. м. паномъ шафаромъ пѣнезей съ скарбу вашей господарской милости на скупованье всякихъ достатковъ дати розказать рачилъ, абы о то вѣтыду не ужить, и недостатковъ абы непріятель не узналъ.

А то тежъ годно вѣдать вашей господарской милости: гонецъ великого князя Московского

Шишмаровъ, отъ в. к. м. отправленный, се — здѣ до Орши приполъ, которого — мѣ въ до-розѣ день одинъ позадержалъ для листовъ отъ в. к. м., а дня вчорашнего, во второкъ, Іюля 26, о годинѣ нешпорной, его отпустилъ.

Новинъ съ земли непріятельской на тотъ часъ иныхъ нѣтъ, только о чомъ есмы первѣй в. к. м. господарю нашему милостивому вѣдати далъ, ижъ великій князь Московскій войска свои вже собранные маеть; которыхъ, повѣдають, почотъ барзо великій, только дей мотлохъ; и тотъ людъ, который мѣлъ въ Можайску собранный, вже зъ мѣста рушилъ и розказалъ имъ до Вязмы, до Дорогобужа, до Торопца и до Старицы тягнуть, и, гдѣ бы взяли вѣдомость о войскахъ в. к. м., повелѣлъ имъ на полки приходити и тревоги чинить. А въ Смоленску што — кольбекъ люду маеть, все пѣшій людъ, повѣдають, а вѣдныхъ тамъ барзо мало.

А въ писанію того листу моего до в. к. м., въ той же годинѣ пришли изъ-за границы шпегі мои, и дали ми тую справу, ижъ послы великіе Московскіе, сегодня, въ среду, Іюля 27, въ Смоленскъ прійти мають, а вже тамъ для нихъ вси потребности сготованы; о которыхъ пріистыю на границу вѣдомости што часъ сподѣваюся. Ваша милость, господарь нашъ милостивый, о томъ вѣдать рачъ. Съ тымъ найнижше службы и вѣрность подданства моего в. к. м. пилю залечамъ. Данъ зъ Орши, року (15)80, Іюля 27 дня.

Подлинникъ писанъ на двухъ полулистахъ, тщательною скорописью, безъ строчныхъ знаковъ. Внизу акта подписано тою же рукою: Вашей королевской милости, пана и господаря нашего милостивого, найнижшій слуга и вѣрный подданный Филонъ Семеновичъ Кмита Чернобыльскій, воевода Смоленскій, староста Оршанскій. Бывъ сложенъ и запечатанъ, на пакетъ импѣтъ надпись: Наяснѣйшому господарю нашему милостивому, Стефану, Божю милостью королю Польскому, великому князю Литовскому, Рускому,

№ 128. Прусскому, Жомойтскому, Мазовецкому, Инфлянтскому, княжати Седмигродскому и инымъ.

Изъ коллекции актовъ, приобретенныхъ въ Швеции корреспондентомъ Археографической Комиссии Соловьевымъ.

123. — 1580 Октября 10. Грамота Польскаго короля Стефана жителямъ Заволочья, съ убѣжденіемъ ихъ сдать городъ гетману Замойскому.

Самъ великій государь Стефанъ, Божьею милостию король Польскій, великій князь Литовскій, Рускій, Мазовецкій, Жомойтскій, Кіевскій, Волынскій, Подляскій, Лифляндскій, княжа Седмигродское и иныхъ, всимъ посполито и каждому зособно, духовнымъ предложенымъ, бояромъ, намѣстникомъ, воеводамъ, дворяномъ, головамъ, дѣтемъ боярскимъ, ротмистромъ, десятникомъ, стрѣльцомъ, урядникомъ, приказникомъ городовымъ, мѣстскимъ и волостнымъ, мѣщаномъ и всему посполству, людямъ честнымъ, которые одно на сей часъ суть въ городъ Заволочье. Ознаймуемъ вамъ, ижъ мы доходячи справедливости нашей противъ непріятеля нашего, великого князя Ивана Васильевича Московскаго, государя вашего, который былъ несправедливъ отчизну нашу, нѣкоторые города и волости великаго княжества Литовскаго взялъ, и, рушившиися войною противъ него, за помощью Божьею, прошлаго года, замки наши, Полоцкъ, Соколъ, Туровлю, Сушу, Красное, Сытну, Козьянъ и Нешерду, а году теперешнего Великіе Луки, Велижъ, Усвятъ, Невель и Озеріше, отчизну нашу, подъ нимъ взыскали, и, до рукъ нашихъ взявши, всимъ людямъ, которые на тѣхъ городѣхъ будучи намъ покору учинили, ласку и милосердіе наше господарское показали: что вамъ тайно не есть. За тымъ, съ помощью Божьею далѣй поступаючи, послали есмо канцлера великаго королевства Польскаго, гетмана нашего, старосту Белзскаго, знаменитаго пана Яна Замой-

скаго, съ войски нашими до города Заволочья, отчизны нашей господарства земли Псковской: которому ся вы спротививши, намъ поклонитися и города Заволочья, отчизны нашей, подати не хотите; а войска наши будучи отъ васъ ображены, противъ вамъ ся роскручинили: для чого было вамъ на кровопролитіе свое бросатися? А такъ панове рады наши били намъ чоломъ и просили за вами, абыхъ мы за то гнѣву нашего господарскаго на васъ не вскладали, але, раднѣй, мѣстцо на милосердіе наше къ вамъ заховали. Тогда мы, за такимъ чоломбитіемъ и вложеніемъ въ то пановъ радъ нашихъ, не стоячи на ваше злое, але болѣй хотѣчи ласку и милосердіе наше, по звичаю нашому, яко господарь христіанскій, вамъ оказати, заразы, съ симъ листомъ нашимъ, посылаемъ до васъ гонца нашего Андрея Бытовскаго, и о томъ васъ напоминаемъ, абы есте передъ тымъ гонцомъ нашимъ замокъ Заволочье вѣлъ намъ добровольнѣ сдали и пану Яну Замойскому, канцлеру и гетману нашему, поступили. Што естли такъ учините, замокъ Заволочье вѣлъ намъ сдасте, тогда васъ симъ листомъ нашимъ не отмѣнимъ упѣвняемъ, ижъ панъ Янъ Замойскій, канцлеръ и гетманъ нашъ, такъ яко есть отъ насъ ему теперъ наказано, васъ всихъ съ жонами, съ дѣтми и со всеми животы и маестностями вашими вѣлъ захочаетъ. И которые зъ васъ всхотятъ по доброй воли своей намъ служить, тымъ ласку нашу господарскую покажемъ, и помѣстья дадимъ, и потомъ завжды, водлѣ заслуги каждого; яко ся людямъ рыцерскимъ годить, давати будемъ. А которые тежъ до земли Московской ити всхотятъ, тыи вси съ жонами, съ дѣтми и со всеми животы своими добровольнѣ съ панства нашего выпущены и за границу выпровожены вѣлъ будутъ: чого всего тому гонцу нашему пильно досмотрѣти есмы рассказали, якобы вамъ и волось съ головы не спалѣ. А естли бы вы того учинити не всхотѣли и далѣй противными

намъ ся оказали; то вѣдайте о томъ, ижъ не только тые люди, которые уже тамъ суть (*), але и большіе войска наши пошлемъ, съ которыми панъ Янъ Замойскій, канцлеръ и гетманъ нашъ, водлугъ нашего приказу, такъ долго оттолѣ не отойдетъ, ажъ, дастъ Богъ, тую отчизну нашу со всеми противники возьметъ. Писанъ въ отчизномъ нашемъ замку Невлѣ, року отъ нароженія Іисусъ—Христова 1580, мѣсяца Октября 10 дня, а панованія нашего року 5-го.

Черновой подлинникъ, безъ скрипы, находится въ архивѣ Кіевского помѣщика Валент. Ростиславскаго. Актъ сей напечатанъ въ Zrzódła do dziejów Polsk. I, 23—25, Польскими буквами.

124. — 1580 Ноября 5. Королевская грамота Литовскому дворному конюшему Якову Пясецкому, о снабженіи Московскихъ переселенцевъ лошадьми, для обработанія отведенныхъ имъ пашенъ.

Стефанъ, Божьею милостию король Польскій, великій князь Литовскій, конюшому нашему дворному великаго княжества Литовскаго, державцѣ Кгерановскому Якову Пясецкому. Ижъ многіе стрѣльцы и иные люди Московскіе, за щастливымъ взятіемъ, на Полоцку и иныхъ замкахъ Рускихъ на ласку нашу ся подали, и мы имъ у великомъ князствѣ Литовскомъ, въ дворѣхъ староства Городеньскаго опатреніе пустыми волоками есмы дали: ино тыхъ волокъ выробляти и запахати чимъ не мають. А такъ росказуемъ тобѣ, ижъбы еси съ подданныхъ нашихъ, у великомъ князствѣ Литовскомъ, выбралъ клячъ што подлѣйшихъ и наименьшихъ, которые бы ся вже до стада не сгодили, съ полтора, а либо сколько ся ихъ собрати можетъ, и оныя клячы до справы дворовъ староства Городеньскаго Стефана Бѣлявскаго отдати велѣлъ: которому есмы науку дали, яко межи тую Москву тые клячи роздавати маєтъ, конечно. Писанъ у

Городнѣ, лѣта Божьего нароженія 1580, мѣсяца Ноября 5 дня.

Изъ Литовской Метрики (Запис. кн. LXIII, л. 271), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Листъ писанный до пана Якуба Пясецкаго, конюшого, о клячы для роздаванія Москвъ.

125. — 1581 Января 12. Жалованная грамота городу Пинску, на Магдебургское Право, съ предоставленіемъ жителямъ его разныхъ преимуществъ и льготъ.

Стефанъ, Божьею милостию король Польскій, великій князь Литовскій, Рускій, Прусскій, Жомойтскій, Мазовецкій, Инфлянтскій, княжа Седмигродское и иныхъ. Ознаймуемъ симъ листомъ нашимъ всимъ вообще и каждому зособно, кому бы то вѣдати належало, нынѣшнимъ и напотомъ будущимъ, ижъ мы господарь хотѣчи къ лѣйшому пожитку и порядку подданныхъ нашихъ мѣщанъ и обывателей мѣста нашего Пинскаго привести, ижъбы тежъ въ таковомъ порядку пожитки и доходы скарбу нашего розмножены были, тымъ подданнымъ мѣста нашего Пинскаго право Нѣмецкое, которое Магдебургскимъ названо есть, даемъ и симъ листомъ нашимъ позволяемъ, вѣчными часы. Къ которому праву, съ озабочью и помноженіемъ вольностей ихъ, печать мѣстскую, лукъ зъ стрѣлою, назначаемъ и подаемъ, и въ томъ же листѣ нашемъ, всимъ обывателямъ Пинскимъ отъ насъ даномъ, таковую печать и гербъ на яснѣйшее свѣдетство выразити есмы рассказали. Вызволяемъ тежъ тыхъ подданныхъ нашихъ пререченого мѣста Пинскаго отъ правъ земскихъ великаго княжества Литовскаго и отъ звичаевъ посполитыхъ, которые право Магдебургское звывали затрудняти, выймуочи тежъ обывателей того мѣста, и напередъ мѣщанъ теперешнихъ и напотомъ будущихъ, тымъ листомъ нашимъ, на

(*) Здѣсь пропущено какое-то слово.

№ 125. вѣчные часы, отъ зверхностей всихъ воецъ и каждого зособно великого князства Литовского, воеводъ, кашталювъ, старостъ, державецъ, судей, подсулковъ, вриадниковъ и наместниковъ всякихъ, такъ, ижъ передъ ними, альбо передъ которымъ — кольбекъ зъ нихъ зособно, о рѣчи такъ великіе яко и малые и о выступъ якій — кольбекъ стояти альбо отповѣдати, и для нестанья и приказанья которого — кольбекъ правного жадныхъ винъ платити не будутъ повинны: одно передъ войтомъ того мѣста теперешнимъ и напотомъ будущимъ (который отъ насъ водлугъ потребности подаванъ быти маеть), и передъ бурмистромъ, съ посподку себе водлугъ обычаю, таковыхъ мѣстъ великого князства Литовского обранымъ и поставленнымъ, правомъ Майдеборскимъ и водлугъ поступку и захованья того права отновѣдати и справоватися мають, то есть: передъ войтомъ и лавниками тогожъ мѣста присяглыми, водлугъ часу будущими, о рѣчи доткливые и кровавые, яко о злодѣйство, мужобойство, на члонкахъ охромленье, пожару и иные вшелякіе рѣчи и выступы злостливые, суду войтовскому належачіе; а передъ бурмистромъ и радцами того мѣста о рѣчи и справы вшелякіе поточные, которые суду войтовскому и радцкому належатъ, каждому жалобливому, такъ того мѣста обывателемъ яко и постороннимъ особамъ отповѣдати будутъ повинны. Даемъ и позволяемъ войту зъ лавниками, а бурмистру зъ радцами, въ мѣстѣ предреченомъ водлугъ часу установленными, моцъ и зверхность вшелякіе таковыя справы до суду ихъ припалые слухати, узнавати, судити, сказывати и карати волѣ выступку и бѣгу права Майдеборского, моцою сего листу нашего. А всемъ посполѣ того мѣста нашего Пинского обывателемъ, яко тежъ и постороннимъ особамъ, которые бы кольбекъ зъ сказанья и декрету преречонныхъ радъ мѣста Пинского кривду собѣ быти разумѣли, вольно маеть быти отъ сказанья и декретовъ ихъ до старосты на-

шого Пинского теперешнего и напотомъ будущего, отложивши до скринки мѣстскоѣ водлугъ повинности права Майдеборского копу грошей, апеллевати; а потомъ отъ суду старостинного и декретовъ его, о вшелякіе рѣчи судовые до насъ и до суду нашего (если бы была того потреба) отзыватися. На который вриадъ бурмистровскій въ томъ мѣстѣ чоловѣкъ побожный, въ правѣ Майдеборскомъ умѣлый и въ томъ же мѣстѣ осѣлый, съ чотырехъ особъ посполитыхъ чоловѣковъ выбранныхъ и черезъ тыхъ же мѣщанъ старостъ нашему оповѣданныхъ, съ зверхности наше, одинъ, черезъ тогожъ старосту Пинского теперешнего и напотомъ будущего подтверженный и установленный быти маеть. Такъ тежъ войта, чоловѣка побожного и умѣтного, на которого судъ справъ доткливыхъ припадати маеть, мы на томъ вриадъ, уживанью и обыходѣ звыкломъ войтовскомъ, особливимъ листомъ нашимъ, до живота каждого, зособно, або до воли наше, подтвержати и заховати обѣцаемъ, съ кгрунтами на войтовство належачими (которыхъ кгрунтовъ у волокахъ не большъ, одно двѣ волоки, а третья на повинности мѣстской мають быти) и со вшелякою властностью. Надъ то, хотѣчи мы тымъ подданнымъ нашимъ, купцомъ и вшелякимъ ремесникомъ, также инымъ обывателемъ, и напередъ мѣщаномъ того мѣста Пинского щедрѣйшую ласку нашу оказати, постановити тамъ есмы умыслили чотыри ярмарки дорочные, вольные, то есть: первый на день Нового лѣта, другій на день Громницъ, третій на день семыа суботы, четвертый на день Успленія Пречистые, а тыжденный торгъ на каждый тыждень въ понедѣлокъ обыходити и отпраовати уставляемъ, даючи моцъ и владность помѣненнымъ мѣщаномъ Пинскимъ такъ преречонные ярмарки дорочные, яко и торги каждой недѣли, въ днѣхъ и часахъ вышей описанныхъ, обычаемъ иныхъ мѣстъ и мѣстечокъ нашихъ великого князства Литовского обыходити и отпраовати. А всемъ и каждому

зособно купцомъ, фурманомъ, крамаромъ, перекупнямъ, ремесникомъ, мѣщаномъ, селяномъ и людемъ всякого стану, до помѣненого мѣста Пинского на тые часы ярмарковъ дорочныхъ и на дни торговые со всякими товарами и рѣчами продажными прійти и пріхати вольно быти маеть, и товары всякіе продавати, куповати, замѣнати, и оные купецства и гандли со всякими особами откуль — кольбекъ прибылыми отпраовати. Въ которомъ мѣстѣ Пинскомъ бочку помѣрную чотырехъ корцовъ, мѣры Краковской, вольную къ вымѣриванью всякого збожья обывателемъ тогожъ мѣста Пинского привлащаемъ и приписуемъ. А торговое мѣстское, также и отъ иныхъ вшелякихъ рѣчей, кунлей и товаровъ, которыми — кольбекъ прозвиски названныхъ, на каждый тыждень, въ каждый понедѣлокъ, вѣчными часы, на пожитокъ нашъ маеть быти выбрано отъ таковыхъ людей, которые на торгъ съ товары своими пріѣзжати будутъ, окромъ мѣщанъ, которые отъ того торгового зъ рѣчей своихъ купецкихъ, водлѣ обычаю иныхъ мѣстъ нашихъ упривильеванныхъ, вольны быти мають. А если бы которого часу, на которомъ — кольбекъ соймъ, для пильныхъ и квалтовныхъ потребъ рѣчи посполитой, отъ насъ господаря и пановъ радъ нашихъ яковая сумма пѣнезей ухвалена была: повинны будутъ вышѣ-мѣненые мѣщане Пинскіе, водлугъ давного обычаю, такъ яко иншіе мѣста наши господарскіе, што на нихъ съ постановленья соймowego взложено будетъ, до скарбу нашего отдавати. Которому пререченому мѣсту Пинскому и обывателемъ его всемъ кгрунты мѣстскіе, то есть, у волокахъ, селищахъ, огородахъ, моркгахъ, застѣнкахъ, сѣножатехъ, дѣсѣхъ, и иншіе которые — кольбекъ посполитые, съ давной помѣры ревизорской тому мѣ-

сту назначонные и приданые, яко ся въ-должъ и въ ширину въ межахъ и въ границахъ своихъ сягають, нынѣшнимъ привильемъ нашимъ подтверждаемъ, приписуемъ и привлащаемъ имъ самымъ и потомкомъ ихъ, на вси потомные часы, обычаемъ иныхъ мѣстъ нашихъ упривильеванныхъ держати. А если бы коли кгрунты якіе мѣстскіе ставами нашими были заняты, або яко — кольбекъ отъ мѣста отошли, або если напотомъ нѣшто кгрунтовъ мѣстскихъ отойдетъ: тогды мы пререченому мѣсту таковыхъ же кгрунтовъ, и такъ много сколько отойдетъ, отъѣну-слушную, водлѣ уставы наше, на иномъ мѣстѣ кгрунты нашими и на таковой же повинности мѣстской, старостъ Пинскому отдати и исполнити (*) ро-скажемъ. Съ которыхъ кгрунтовъ мѣстскихъ, тымъ способомъ черезъ насъ тому мѣсту приданныхъ и приписанныхъ, мѣщане преречонные, каждый съ нихъ, вси цынши и доходы, капцизны и повинности (водлѣ уставъ нашихъ у великомъ князствѣ Литовскомъ черезъ насъ ухваленыхъ), скарбу нашему належачіе, звыклымъ обычаемъ въ каждомъ року платити и полнати будутъ повинны. А ижъ съ давныхъ часовъ корчмы и шинки пивные, медовые, горѣчяные, также помѣрное, скопное, подужное, яко въ самомъ мѣстѣ Пинску, такъ и въ мѣстечкахъ ниже описанныхъ, въ старостѣ Пинскомъ будущихъ, въ Мотелю, въ Ноблю, въ Погостѣ, и по селамъ, въ певной суммѣ пѣнезей, то есть, въ пяти стахъ конахъ грошей Литовскихъ людемъ постороннимъ звычайъ былъ арендовати: мы тую аренду хотѣчи при мѣстѣ Пинскомъ оставити, уставляемъ, ижъ войтъ съ бурмистрами тые корчмы и шинки и тежъ помѣрное, скопное, подужное держачи на мѣстской арендѣ, и отъ того всего, яко зъ Пинска такъ и зъ мѣстечокъ въ кож-

(*) Въ ориг. Метр. строка «и такъ много — исполнити» написаны другимъ переписчикомъ, иритомъ Польскими буквами.

№ 126. дый годъ тую сумму пѣнезей пять сотъ копѣ грошей Литовскихъ выбравши, до старосты Пинского отдавати мають; а староста до скарбу земского великого князства Литовского платити и личьбу суполную съ того чинити повиненъ будетъ. Въ томъ мѣстѣ Пинскомъ мѣщане тамошніе домъ гостинный коштомъ и накладомъ своимъ на прѣздъ людей купецкихъ сбудовати мають; и тотъ домъ гостинный, кромѣ даванья всякихъ платовъ и доходовъ до скарбу нашего, вѣчными часы вольный быти маеть. Броварни, и въ нихъ котлы до сыченья медовъ, до варенья пива и паленья горѣлки, также солодовни каждому съ тыхъ подданныхъ нашихъ Пинскихъ въ дому своемъ вольно мѣти будетъ. Надъ то, на туюжъ потребу и пожитокъ посполитый помѣненого мѣста нашего, дали есмо обывателемъ его и тымъ привилеємъ нашимъ даемъ доходы и пожитки съ мостовъ у брамахъ Пинскихъ стоячихъ, то есть, отъ каждого вѣза купецкого брати по два пѣнези белые, которыми пѣнези они тотъ мостъ направовати повинны быти мають; къ тому, пожитки и доходы зъ лязни, зъ ваги, зъ постригальни, отъ ятокъ соленныхъ и хлѣбныхъ, которые собѣ мѣщане въ мѣстѣ сбудовати мають, вѣчны и на вѣки: которая лазня, для безпечности отъ огня, на сторонѣ маеть быти збудована; а ижъбы ниhto въ томъ мѣстѣ лазень особливыхъ при домѣхъ своихъ мѣти не смѣлъ, але одна лазня посполитая тамъ быти маеть. А ижъ мѣсто безъ дерева на будованье и на дрова обыйтиса не можетъ: ино съ пушъ нашихъ, безъ шкоды оступовъ и лововъ нашихъ звѣринныхъ, откуль до сихъ мѣстъ дерево бирали, и напотомъ брати позволяемъ. Также на пожитокъ ихъ мѣстскій, въ рѣцѣ Пинѣ и у — въ озерахъ замковыхъ, подъ мѣстомъ будучихъ, ватагою и волоками рыбы ловити вольны будутъ. Къ тому, всехъ мѣщанъ нашихъ Пинскихъ отъ толोकъ и квалтовъ вольными мѣти хотимъ, вынявши властные потребности наши, кгда бы для якихъ

квалтовъ до замку Пинского сбиратися потреба вказывала. При томъ уставляемъ и то мѣти хотимъ, абы шляхта, бояре, люди служебные, якого — кольвекъ стану, которые въ предреченомъ мѣстѣ осялости свои мають и мѣти будутъ (звѣща, которые бы особливими листы нашими съ повинности мѣстской выняты не были), съ таковыхъ своихъ осялостей, посполъ со всеми мѣщаны Пинскими, подъ правомъ и юрисдыціею мѣстскою отповѣдали и всякіе звыклые повинности мѣстскіе полнили. Што все и каждую рѣчь особно во всехъ артыкулѣхъ и пунктѣхъ моцнѣ имъ ховати, сами за себе и за потомки наши, королей ихъ милость. Польскихъ и великихъ князей Литовскихъ, тымъ листомъ привилеємъ нашимъ обѣцуюмъ, на вѣчные часы. И на то дали есмо имъ сесъ нашъ листъ, подписавши его рукою нашою господарскою, до которого и печать нашу привѣсити розказали. Писанъ у Милейчичахъ, лѣта Божьего нароженья 1581, мѣсяца Генваря 12 дня, а панованья нашего пятого року. — Подпись руки господарскоѣ. «Krzysztof Radziwił, pan Trocki, podkanclerzy u hetman poln. W. X. Lit.»

Изъ Литовской Метрики (Запис. кн. LXV, л. 77—79), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей мѣщаномъ Пинскимъ на право Майдеборское.

126. — 1581 Апрѣля 29. Запись Львовскаго дворянина Василя Болобана властямъ Уневскаго монастыря, о принятіи имъ на себя, по королевской привилегіи, званія попечителя сего монастыря, и объ освидѣтельствванні совмѣстно съ ними принадлежащихъ ему земель и угодьевъ.

Я Василій Болобанъ сознаваю симъ листомъ моимъ всѣмъ посполито и каждому особно, кому то вѣдати будетъ належало, теперешнего и напотомъ будущаго вѣку людямъ, ижъ

честные отцѣ, то есть, чернцѣ монастыря Уневскаго, отецъ Симіонъ Боршевскій, старшій игуменъ того монастыря, со всею о Христѣ братіею своею выправили привилей у короля его милости Стефана, пана нашего милостивого, мнѣ на опѣку того монастыря, и возвали мене до себе въ монастырь, гдѣ ижъ и сусѣды и близкіе и подданные ихъ были, и просили мя, яко листовнѣ такъ теперь и устнѣ, абы — мѣ ся той опѣки поднялъ. Тогда я, яко сынъ церковный тыхъ помѣненныхъ отцевъ, тако и зъ милости церкви святое, и для обители святое, гдѣ предковъ моихъ тѣла лежатъ, подымаемъ ся той опѣки подлугъ привилею короля его милости пана нашего милостивого. А кгда — мѣ ся той працѣ поднялъ; тогда отецъ Боршовскій зо всею братіею чернцами того монастыря Уневскаго, отдаючися со всѣмъ и съ подданными монастырскими въ опѣку мнѣ, отдали ми листъ его королевской милости, которымъ король е. м. мнѣ розказуетъ, абы — мѣ беручися за опѣку монастыря Уневскаго, кгрунты монастырскіе оглядѣлъ и мѣстца и знаки и урочища листомъ своимъ описалъ, и оныхъ яко опѣкунъ берегалъ; и ждали мене, абы — мѣ кгрунта ихъ монастырскіе, знаки и урочища, по которымъ тые кгрунта, поля оремые и неоремые, сѣножати, лѣси, дуброви и всѣ приналежности въ уживанью ихъ и подданныхъ монастырскихъ здавна суть, объѣхалъ и оглядѣлъ и описалъ. Тогда всѣвши мы на возы и на конѣ съ пріятелями и сусѣдами своими, попровалили мя за село монастырское Млиновцѣ, до копцовъ Лагодовскаго, Кросянскаго и монастырскаго, которые суть якобы къ заходу слонца зимного, три по сей сторонѣ рѣчки Липи, то есть, монастырскій, Лагодовскій и Кросянецкій, а по тамъ — той сторонѣ тежъ монастырскіе. И провалили отъ тыхъ копцовъ потокомъ, который ся почалъ съ криницъ въ лѣсѣ Яхторовскомъ, названный потокъ Добрый, до ставковъ Лагодовскихъ на томъ потоку будучихъ; и

тамъ застановившися повѣдали, ижъ тыхъ ставковъ греблѣ до кгрунту монастырскаго присыпаны за пана Ванька Лагодовскаго: то чернцѣ и подданные оповѣдали. А тыми ставками и тымъ же потокомъ вгору, лѣсомъ, межъ горы долиною идучи, Лагодовъ по лѣвой рѣцѣ, а Яхторовъ по правой рѣцѣ; а вышодши зъ лѣса, полемъ, до границъ и копцовъ Лагодовскихъ, Погорѣлецкихъ и Яхторовскихъ, дорожкою, черезъ дорогу до Львова идучую, до кгрунтовъ Глинянскихъ и Словецкихъ и до дорогъ, которые идутъ зъ селъ, и зъ Глинянъ сѣножатыми до мостка и до гатки, которые переѣзжаютъ ѣдучи до Словети и до монастыря и индѣй, по залугъ названой Забуковецъ; а тотъ Забуковецъ, и гора названая Чеховая вправѣ къ Яхторову. А отъ того Забуковца идучи на сходъ слонца тою рѣчкою, або потокомъ, названомъ Поплава, черезъ дорогу отъ Бузка и Гологоръ и селъ розныхъ идучую, а Словету зоставуючи влѣвъ, а монастырь вправѣ, вгору, въ лѣсѣ на Слудву, або на урочище Камень Сутичинъ названое, а отъ той Слудвѣ на мѣлкую дебрь, на долину до дебри названой суходолная; тою дебрею суходолною идучи за слобцемъ къ полудню, въ долину суходоль, а съ той долины суходолу черезъ дорогу зъ Млиновецъ села монастырскаго до Липовецъ села королевскаго идучую, просто до рѣчки Липи, на которой рѣчцѣ тѣзи и ставы монастырскіе суть. Черезъ тую рѣчку Липу, Липовцѣ влѣвъ, а Млиновцѣ вправѣ, вгору въ лѣсѣ, а лѣсомъ просто до урочища Лопушанки, мимо лѣсѣ проходистый, а отъ Лопушанки черезъ лѣсѣ позакаменный дорогою до копцовъ, монастырскаго Липовецкаго и Боршовскаго, дорогою мимо копань Ванькову, мимо долину названую Микова долина, гдѣ и пасѣка есть подданаго Млиновецкаго Мика. Тая долина и копань вправо къ Млиновцамъ, ажъ до греблѣ ставу названой Саврскій, которая гребля до кгрунту монастырскаго при-ткнула, гдѣ есть копцовъ три, и дубъ старый,

№ 126. и камень великій укупаный стоитъ въ написанномъ: потологъ граница монастырская до Унева. А отъ того камня и копцовъ идучи по-надъ ставищемъ ставу Свѣрского, рѣчкою Липою, възгору до копцовъ вышъ написаныхъ Кросянского, Лагодовского и монастырскихъ, отъ поля почали провадити; и тамъ становили отецъ Семіонъ Боршовскій зъ черницами старинными монастырскими и съ подданными Яхторовскими и Млиновецкими, повѣдали, ижъ тыми вышъ менованными знаками и урочищами, кгрунты и сѣножати, болота, рѣчки, потоки, ставки, сажавки, вѣи на рѣцѣ Липи и ставы на ний въ Млиновцяхъ, также лѣси, дуброви, дебри, пастьки и засѣчи, почовши отъ копцовъ монастырскихъ Кросянецкого и Лагодовского, а идучи за слонцемъ, по правой руцѣ до монастыря Уневского и до селъ Яхторова и Млиновець здавна належали и теперь належатъ, и всего того есть монастырь Уневскій въ уживанью. При томъ и то повѣдали, иже за тыми знаками и урочищами на милоу есть волный врубъ манастирови въ лѣсахъ королевскихъ; а въ передніе лѣты, и повсела (*) Словѣти до монастыря роблявали и служили церквѣ Божей: що и подданные судніе признали зъ селъ поблизкихъ, то есть, зъ Словѣти, зъ Липовець, зъ Боршова, съ Кросянска, зъ Лагодова и Погорѣлецъ, и вызнали, иже отъ предковъ своихъ, отцовъ и дѣдовъ слышали и сами вѣдали, яко люде старые (повѣдающие собѣ мѣти подѣ сто лѣтъ), иже поти было и е (**) уживанье монастыря Уневского, яко указали черницѣ. Которые и то повѣдали, ижъ тые урочища мѣнованые были означены и описаны черезъ ревизоровъ и комѣсаровъ королевскихъ, и показали на то видимусы съ канцелярии королевской; а иныя правъ листы при спаленью монастыря черезъ Татаровъ попалени: на що прошлый архи-

мандритъ Унювскій отецъ Анастасій Радилонскій присягалъ, и по присязѣ его, король Жигимонтъ Августъ утвердилъ тые привилеи, права и листы погорѣлые, и все то що здавна належало монастырови Уневскому подтвердилъ привилѣемъ своимъ, котрый то привѣлій на паргаминѣ показали и то повѣдали черницѣ, же тійжъ небожчикъ Ванько Лагодовскій (котрый былъ опѣкуномъ тому монастырови) тымъжъ границѣ и знаки и урочища кгрунтовъ монастырскихъ объѣзжалъ и описалъ листомъ своимъ: котрый жъ справъ монастырскіе мають быти у потомковъ его. А при томъ обводѣ и оказанью знаковъ кгрунтовъ монастырскихъ мнѣ Василю Болобану были люди добрые: меновите отъ е. м. пана Гербурта, старосты Львовского, панъ Вердецкий державца Глинянской, и мѣщане Глинянскіе, Юрко, Карпа, Кунецъ и Сень; а зъ Лагодова Олекса Туръ, Иванъ Лисій, Пашко, Панько и Осѣй; а съ Кросянска Юрко, Гриць заставникъ, Василій Чупалець и Сарасимъ коваль; а изъ Словѣти Кунецъ, Карпа, Гринчикъ и Трибень; и тые повѣдали, ижъ полъ — Словѣти робляли до монастыря, за отца Аврамія игумена; а зъ Липовець Грицько Неборанько, Павло Глѣбковичъ, Бысько Ивашко, и Левко и Федко Андрушковичи; а съ Боршова коваль Золотая рука, Иванъ Горошко и Филипъ; а зъ Яхторова Лѣпчикъ, Гранька тивонъ, Иванъ Хустванъ, Романъ и Гринецъ; а Млиновець вѣсь были. А потомъ отецъ архимандритъ Унювскій со всѣми черницами и пріятельми своими просили мя, абы-мъ я, яко опѣкунъ и дозорця, тыхъ кгрунтовъ монастырскихъ и лѣсовъ и вѣсѣхъ принадлежностей постерегалъ и боронилъ. А такъ я Василій Болобанъ, на прозбу отцовъ Уневскихъ, водлугъ волѣ и росказанья короля е. м. пана нашего милостивого, поднявшисъ тои опѣки, маю ся печаловати такъ о кгрунты яко

(*) Въмѣсто «полсела», т. е. половина села.

(**) Въм. «сестѣ».

о посполитые кривды, и якъ могучи боронвити маю, за ознаймениемъ мнѣ отъ помѣненныхъ отцовъ; а они ижъбы Господа Бога просили за короля е. м., и за весь міръ христіанскій, и за родичи мои, и за мене грѣшнаго. И на то дадемъ помѣненному монастырови Унювскому сей мой листъ, подѣ печатью моею и съ подписомъ руки моею. А при томъ были и тогожъ добръ вѣдомые панове пріятель нашъ, меновите панъ Григорій Тисаровскій, панъ Симіонъ Заплатинскій, панъ Василій Рудницкій, панъ Федоръ Василковскій и панъ Романъ Путятинскій, и за прозбою отцовъ помѣненныхъ Уневскихъ печати своѣ поприкладали и подписались, которые писати умѣли, къ сему моему листу. Дѣялося то въ монастырь Уневъ, лѣта Божьего нароженья 1581, мѣсяца Априля 29 дня.

Подлинникъ писанъ полууставнымъ почеркомъ, на хлопчатобумажномъ листѣ. Лѣтосчисленіе церковными буквами. Въ концѣ акта рукоприкладства слѣдующія: Василій Болобанъ, рука властна. Григорій Тисаровскій рукою своею. Симеонъ Заплатинскій. Федоръ Василковскій рукою. Внизу, на лицевой сторонѣ документа, вытиснуто шесть перстневыхъ печатей, но оттиски на нихъ неслѣдственны. — Хранится въ Львовскомъ Ставропигіальномъ архивѣ, подѣ № 5.

Доставленъ въ Археологическую Комиссію, въ спискѣ, корреспондентомъ г. Зубрицкимъ.

127. — 1581 Іюля 20. Жалованная грамота Полоцкому архіепископу Теофану, о предоставленіи ему въ пожизненное управленіе Мстиславскаго Онуфріевского монастыря, съ отчинами, угодьями и доходами.

Стефанъ, Божьею милостью король Польскій и великій князь Литовскій и пр. Ознаймемъ симъ нашимъ листомъ, кому бы того потреба была вѣдати, ижъ што котрый монастырь Онуфріевскій и съ церковью zaloженъ святого Онофрея, въ воеводствѣ Мсти-

славскомъ, за листомъ продка нашего святой М памяти короля его милости Жигимонта Августа, держалъ до живота своего хоружый Мстиславскій Богданъ Селицкий, и тотъ монастырь теперь вакуетъ: ино билъ намъ чоломъ архіепископъ владыка Полоцкий, Витебскій и Мстиславскій Теофанъ Богданъ, абы есмы ему тую церковь зъ монастыромъ Онофріевскимъ дали. А такъ мы господарь бачучи въ томъ прозбу его быти послушную, зъ ласки нашей господарской то учинили, и тую церковь zaloженъ святого Онофрея и монастырь Онофріевскій, въ воеводствѣ Мстиславскомъ, на рафен его, ему есмы до живота его дали. Маеть архіепископъ владыка Полоцкий, Витебскій и Мстиславскій Теофанъ Богданъ тотъ монастырь Онофріевскій, со всими людьми, землями и съ даными медовыми и грошовыми, съ бобровыми гоны и со всякими доходы и пожитки, и съ наданьемъ церковнымъ, и со всимъ съ тымъ што здавна къ тому монастырю принадлежитъ, держати и уживати до живота своего, справуючися на томъ слушнѣ, прістойнѣ и пораднѣ, и того со всякою пильностью постерегаючи, якобы тамъ хвала Божья водлѣ порядку закону ихъ Греческого отправована была. И на то дали есмы архіепископу владыцѣ Полоцкому Теофану Богдану сѣсь нашъ листъ, подѣ нашою печатью и съ подписомъ руки нашею. Писанъ у Полоцку, лѣта Божьего нароженья 1581, мѣсяца Іюля 20 дня. — «Stephanus rex.» — «Левъ Сапега, писарь».

Изъ Литовской Метрики (Запис. кн. LXIX, № 12), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей владыцѣ Полоцкому Теофану Богдану на монастырь Онофріевскій.

128. — 1581 Сентября 6. Листъ королевскій Литовскимъ радѣмъ, вѣску-памъ Виленскому Юрію Радзивилу и

№ 129. Жмудьскому Малхеру Гедройцу, и каштеляну Николаю Тальвошу, съ извѣщеніемъ о взятіи у Русскихъ города Острова и объ осадѣ Пскова и Краснаго.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, князя Седмигородское и иныхъ, князю Юрию Радивилу, зъ ласки Божье бискупу Виленскому; князю Малхеру Кедройту, бискупу Жомойтскому; каштеляну Жомойтскому, державцу Радуньскому, тивуну земли Жомойтской Биржанянскому, пану Николаю Тальвошу. Ознаймуемъ вашимъ милостямъ, ижъ зъ ласки Божье есмы на тотъ часъ въ добромъ здоровью; а втягнувши въ землю неприятельскую Московскую и замокъ мурованый Островъ облегли, черезъ два дни съ дѣлъ до него стрѣляли; и кгда за выбитьемъ на многихъ мѣстцахъ дыръ великихъ, до штурму мѣли есмы пѣшій людъ нашъ припустить: бачучи Москва, ижъ вже замку того не могутъ оборонити, подали намъ замокъ 20 дня мѣсяца Августа. Съ которого замку людей Московскихъ, тыхъ, которые до земли своею Москвы ити хотѣли, вольно выпустити есмы казали; а иныхъ, которые тамъ зостать хотѣли, чернь, тыхъ есмы при осѣлостяхъ ихъ зоставили. А оттуль, въ осьми миляхъ, подъ Псковъ зъ ласки Божье притягнули есмы, которого добывать, естли панъ Богъ дастъ, безъ омѣшканья почнемъ. Наконецъ тежъ Красный-городъ Московскій люди наши осѣли, въ двѣнадцати миляхъ отъ Пскова. А о войску неприятельскомъ вѣдомости певной не маемъ, гдѣ бы ся оборочало: ачъ—кольвекъ есмы въ землю неприятельскую, войска его искати, отиравили е. м. пана Троцкого съ немалымъ почтомъ людей нашихъ; вѣдѣже и до сего часу вѣсти достаточной не маемъ, што бы тамъ справити мѣлъ. Иншого на сѣхъ часъ не маючи што писать до вашихъ милостей, вамъ доброго здоровья и фортуного повоженія отъ

пана Бога до вѣку долгого ждаемъ. Писанъ зъ обозу нашего подъ Псковомъ, лѣта Божьего нароженія 1581, мѣсяца Сентября 6 дня. — «Stephanus rex.»

Современный списокъ, безъ скрѣпы, писанъ на полулистѣ.

Хранится въ Императорской Публичной Библиотецѣ.

129. — 1581 Ноября 1. Жалованная грамота дворянину Ждану Леоновичу, о предоставленіи ему въ пожизненное управленіе Браславскаго православнаго монастыря, съ тѣмъ, чтобы онъ вступилъ въ монашескій чинъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, князя Седмигородское и иныхъ, ознаймуемъ симъ листомъ нашимъ. Дали есмы зъ ласки нашею господарской монастырь Браславскій, на озерѣ Неспѣши лежацій, который держалъ Семенъ Марковичъ Воловича, дворянину нашему Ждану Леоновичу: который монастырь вышней помѣненный, съ дворцомъ монастырскимъ, съ людьми, съ кгрунтами, и со всемъ съ тѣмъ што къ тому монастырю здавна належало и теперь прислухаетъ, тотъ Жданъ Леоновичъ до рукъ и въ держанье свое взявши, маєтъ вступити въ станъ духовный по обычаю закону Греческого, и тотъ монастырь держати а справы вси церковные отправовати, а за насъ господаря и за всихъ хрестіанъ Бога просити повиненъ будетъ, справуючися во всихъ справахъ церковныхъ ему належачихъ пристойнѣ, на томъ монастыри мѣшкаючи и его уживаючи до живота своего. И на то дали есмы ему сѣхъ нашъ листъ, подписавши его рукою нашею господарскою, до которого и печать нашу приложить есмы казали. Писанъ въ обозѣ подъ Псковомъ, лѣта Божьего нароженія 1581, мѣсяца Ноября 1 дня. — Подпись руки господарской. — «Венцлавъ Агрипа, писарь.»

Изъ Литовской Метрики (Запис. кн. LXV, л. 101), хранящейся при Правительствующемъ Сенатѣ, въ С. Петербургѣ. Въ заглавіи грамоты отмічено: Привилей пану Ждану Леоновичу на монастырь Браславскій.

130. — 1581 Декабря 4. Наказная грамота Кіевскаго воеводы князя Константина Острожскаго намѣстнику его князю Евстафію Ружинскому, объ отводѣ тамошнему Успенскому протопопу Іоанну во владѣніе Щекавицкой нивы и сѣножатни.

Костентинъ князя Острожское, воевода Кіевскій, маршалокъ земли Волынской, намѣстнику нашему Кіевскому князю Остафію Ружинскому. Розказуемъ вамъ, ижъбы есте за симъ листомъ нашимъ, отцу Ивану протопопу священнику Матеребожскому, до воли и ласки нашею, въ моцъ, въ держанье и въ уживанье подали землю замку его королевской милости, на Щикавицы нивы и сѣножати, которые Мотиръ держалъ, конечно. Писанъ въ Кіевѣ, року 1581, мѣсяца Декабря 4 дня.

Подлинникъ, находящійся въ Львовскомъ Старицкомъ архивѣ, писанъ на бумажномъ полулистѣ, современною скорописью, безъ строчныхъ знаменъ. Липосчисленіе выставлено церковными буквами. Внизу акта княжеская подпись: властною рукою. Печать подъ кустодіею. На оборотѣ приписка слѣдующая: Року 85, мѣсяца Сентября 27 дня, водѣ старое личбы въ Кіевѣ, князя е. м. зъ очивистое росправы, сѣножати кравцомъ, кушнѣромъ и ковалемъ, яко ихъ властную, присудити рачилъ; а отца Ивана Михайловича, священника Пречистенского, при томъ полъ водѣ вышеннаписаное даяныи зоставилъ. — «Михайло Грабковичъ».

Доставленъ въ Археографическую Комиссію, въ списокъ, корреспондентомъ г. Зубрицкимъ.

131. — 1582 въ Мартѣ. Уставная подтвердительная грамота Виленскимъ

православнымъ купцамъ, о дозволеніи имъ, по старинному обычаю, имѣть свое «братство» и производить въ немъ «медовые склады», съ обращеніемъ доходовъ въ нихъ въ пользу церкви и на вспоможеніе бѣднымъ.

Стефанъ, Божьею милостью король Польскій и великій князь Литовскій и пр., ознаймуемъ симъ нашимъ листомъ, всимъ воецѣ и каждому зособно, кому бы то вѣдати належало, нынѣшнимъ и напотомъ будучимъ. Биди намъ господарю чоломъ подданные наши, мѣщане мѣста нашего Виленского братства купецкого, и повѣдали передъ нами, ижъ што который домъ братства ихъ купецкого, властнымъ накладомъ ихъ вже отъ часу давняго муромъ есть збудованый, лежацій въ мѣстѣ нашомъ Виленскомъ на певномъ мѣстцѣ, то есть, на Старицѣ улицы (съ одной стороны, подлѣ него домъ Есмановскій, а другою стороною стоитъ къ заулку непрохожому, противъ дому Куликовского); до которого-то дому ихъ братского купцы мѣста нашего Виленского, закону Греческого, сходячися, о потребахъ церковныхъ и шпитальныхъ намовы свои мѣвають, и, водѣ давныхъ звычайѣхъ своихъ, медъ властнымъ накладомъ своимъ купуючи, на свята урочистые, осмѣ кротъ въ року, то есть, на Великъ-день, на Семую субботу, на святого Петра, къ Успенью святоѣ Пречистоѣ, на Покровы, къ святому Николѣ, къ Рождеству Христову и къ Благовѣщенію тотъ медъ сытять, и по три дни сходячися медъ вышывають, а воскъ отъ тыхъ медовъ на свѣчы до церкви, а зыскъ медовый на потреби и оправы и на слуги церковные, такъ тежъ и на милосердные учинки до шпитала святоѣ Пречистоѣ и иныхъ, и на ямужну убогимъ людямъ выдають и оборочають; а гды бы за кождымъ святомъ меду розсычонного складового за три дни не вышили, тогда то што ся останеть, зъ дому ихъ братского за цѣнемъ вольно имъ выдати. И абы тымъ порадиць потреби братства ихъ купецкого отправа-

№ 131. лися, и жебы тежъ въ томъ дому имъ братскомъ каждый ся учтивъ и пристойнъ заховывалъ, а непослушные абы были караны, — они артыкулы братству ихъ потребные собъ сложили и выписали, просячи насъ господаря, абыхмо на нихъ позволивши въ сесь нашъ листъ вписати оные казали. Мы господарь на чоломбитъ ихъ чинячи, велѣли есмы тые артыкулы въ сесь нашъ листъ вписати, которые такъ се починають :

«Напервѣй, которого году братья старшая и молодшая того братства купецкого кого собъ старостами межи собою оберуть, тымъ мають пѣнези братскіе и весь станокъ и справы братскіе въ моцъ подати и поручити, съ порадомъ братскою тымъ всимъ справовати и шафовати. А тымъ старостамъ годовымъ мають ключники уставлены быти, къ послузъ братской. А старосты годовые мають всего добра онного братства съ пильностію досмотрѣти, ижьбы ни въ чомъ шкоды ему не было, але лѣпѣй бы ся во всемъ множило; а додержавши року справы своее, ео всего того рахунокъ передъ братьею старшею и молодшею мають учинити и личбу выдати. Къ тому, старосты годовые, при бесѣдахъ ихъ братскихъ, мають яко сами такъ и чрезъ ключники свои пильнѣ того смотрѣти, ижьбы братья въ оное братство вписные и гости приходячіе съ почтливостію въ дому братскомъ сѣдали, словъ збытнхъ межи собою не мовили, и на столъ не влегали, и меду ихъ братского не розливали: одно бы слушнѣ и подлугъ мѣры нили, а некоторыхъ шкодъ не дѣлали; а пакъ ли бы ся хто упивши, якіе збытки починалъ, слова непочтивые мовилъ, альбо на столъ влегалъ и питье розливалъ: тогда старосты такового мають первѣй словы скарати; а естли хто упорный будетъ и отъ того ся не повстанетъ, такового, яко упорного, виною братскою мають карати, чимъ братья обложать. При томъ естли бы хто въ дому ихъ братскомъ ростырку або зваду съ кимъ учини-

нилъ: и кому на кого жалъ будетъ, таковой маеть тогожъ часу рѣчь и жалъ свой старостамъ тамошнимъ обжаловати; а старосты жалобы его выслушавши, мають на завтрешній день отложити, а потомъ братья онного братства назавтрее ся до дому братского зшедши, того дѣла судовнымъ обычаемъ межи ними мають досмотрѣти, и правого передъ судомъ братскимъ обложити, а винного виною братскою скарати. А жадному о таковыхъ рѣчахъ до иншихъ правъ яко духовныхъ такъ и свѣтскихъ, земского и мѣстского, Римской вѣры и Греческой, отъ суда ихъ не отзывать: але каждый маеть права достояти передъ старостами и братьею, въ томъ дому ихъ гдѣ ся оная звада або ростырка кому станеть; бо таковыхъ рѣчей передъ тымъ жадные вяды духовные и свѣтскіе николи не суживали, ино то завжды въ дому ихъ братскомъ справовано и сужово бывало. Тежъ, естли бы хто въ дому ихъ братскомъ старосту зганилъ, тогда того мають виною братскою скарати; а хто бы тежъ ключника тамошнего зсоромилъ або ударилъ, такий маеть за то виною братскою каранъ быти. Такъ тежъ, естли ключникъ будетъ которого того братства старосты непослушенъ въ сыченію и зливанію и спущанію и въ выдаванію медовъ, на братство часовъ урочистыхъ сычонхъ, и на каждый часъ, коли въ братствѣ ихъ сходъ бываетъ: тогда первѣй словы маеть за то каранъ быти; а естли въ томъ недбалый будетъ, маеть потомъ братскою виною быти каранъ. За тымъ, естли бы староста въ томъ братствѣ передъ братьею который выступъ учинилъ: тогда братья старшая и молодшая словы мають его скарати; а пакъ ли бы вины годенъ былъ, мають его виною братскою карати. Тежъ, которые бы люди духовные якогжъ кольвекъ стану, Римской вѣры и Греческой, будучи вписанные въ тое ихъ братство, хотя бы тежъ и невписанные до онного братства ихъ приходили, прощенные отъ кого на свою учту, альбо ся хто

бы на день вкупилъ, хотѣчи меду ихъ братского напиться и бесѣду съ братьею мѣти; и придало бы ся ему съ кимъ въ томъ ихъ братствѣ ростырку або зваду почати: тогда о тыхъ дѣлахъ таковыя духовные люди, яко Римской вѣры до князя бискупа, такъ и Греческой до митрополита и до вядниковъ ихъ (такъ вписанные яко и невписанные въ братство) не мають ся отъ судовъ ихъ отзывать, а ни жадной помочи зъ урядовъ своихъ на то собъ брати: одно, въ томъ братствѣ каждому права достояти и розсудку ихъ братского послушными быти. Далѣй, естли бы шляхтичъ который, або дворянинъ, и инный обчій чоловѣкъ невписный до того братства ихъ пришелъ, хотѣчи братскую бесѣду межи ними мѣти и на день къ трунку ихъ братскому ся вписати, або откуль на честь будетъ прошенъ: таковой не маеть мѣстцомъ взгоржати, але гдѣ се придалъ, тамъ маеть сѣдѣти; а старосты, знаючи кондого по стану, мѣсто имъ давати мають. А съ бронеми жадными до свѣтлицы братской никто не маеть входить, а ни слуга за паномъ своимъ: одно тые мають у свѣтлицы братской безъ брони сѣдѣти, которыми ся у медъ ихъ братскій вкупать. Тежъ, естли бы который братъ ихъ вписный хотѣлъ съ того братства ихъ у — въ инное братство пойти, тогда ся маеть старостамъ и братьи оповѣдати и выписъ зъ реестру ихъ взяти; а пакъ ли будетъ у реестрѣ братства ихъ именемъ вписанъ стояти, а индѣ братство будетъ полнити: такового за брата не мають они собъ мѣти, и, по смерти его, тыхъ потребъ што на погребѣ тѣла прислухають, зъ братства своего не мають давати. Про то, естли бы который чоловѣкъ у братство ихъ вписный змеръ, тогда мають они на погребѣ его оксамитъ и свѣчы братскіе дати, и сами тѣло его проводить. За тымъ они установили: ижъ которые — кольвекъ гости до дому ихъ братского прійдуть, хотѣчи межи братьею бесѣду мѣти; тогда каждый зъ нихъ не маеть некоторыхъ збыт-

ныхъ и непотребныхъ рѣчей тамъ мовити, а ни о которыхъ своихъ потребахъ розмовляти, одно учтивъ маеть сѣдѣти и къ старостамъ братства послушенство мѣти. А бурмистры и радцы мѣста Виленского, Римской и Греческой стороны, не мають некоторыхъ людей въ братство ихъ вписанныхъ до своихъ братствъ на послугу собъ брати, и братству ихъ усчербку и переказы тымъ чинити: бо каждое братство особныхъ слугъ съ своего братства обираеть и для послугъ своихъ ховаеть.»

Про то, кгдажъ тое братство ихъ купецкое отъ давныхъ вѣкъ часовъ въ мѣстѣ Виленскомъ уфундовалося и розмножило, и теперь они его добровольнѣ уживають, и подлѣ тыхъ артыкуловъ вышей мѣненныхъ завжды ся тамъ радять и справують, а врядъ мѣстскій того имъ при бытности нашей въ тамошнемъ панствѣ великомъ князствѣ Литовскомъ николи не боронилъ, а ни ся въ то вступовалъ: якожъ помѣненные мѣщане купцы мѣста нашего Виленского били намъ господарю чоломъ, абыхъ мы зъ ласки наше господарской, на тые склады въ дому ихъ братскомъ и на артыкулы ихъ въ сесь нашъ листъ описанные позволили, и листомъ нашимъ имъ и по нихъ будучимъ купцомъ мѣста Виленского тое братство ихъ купецкое на вѣчностъ утвердили. А такъ мы господарь зъ ласки наше господарской на чоломбитъ ихъ то чинячи, и хотячи, ижьбы тымъ лѣпшій порядокъ въ томъ мѣстѣ нашомъ Виленскомъ межи людьми купецкими былъ, на тые склады и артыкулы ихъ въ сесь нашъ листъ описанные позволяемъ, и оные во всемъ при модѣ зоставивши, симъ листомъ нашимъ на вѣчностъ утверждаемъ: ижъ мають они въ томъ братствѣ своемъ купецкомъ, во длугъ звѣклости и зоставленья ихъ всея братьи, за свой властный накласть меды купуючи, на свята урочистые, осмъ кротъ въ року, то естъ, на Великѣ-день, на Семую субботу, на Успеніе святоѣ Пречистой, на святоѣ Петра, на Покровы, иъ свя-

№ 132. тому Миколѣ, на Рожествѣ Христова и на Благовѣщеніи, на каждое такое свято меду сытити, и по три дни на каждый таковой складъ сходячися въ дому ихъ братскомъ тотъ медъ пити, почому на тотъ часъ старосты годовые устанавливать. А естли бы за три дни оного меду, къ которому — кольвекъ святу розсычюного не выпили; тогда остатокъ того меду вольно имъ будетъ зъ дому братского за пѣнзи выдати, а за то капищны (што отъ корчомъ посполитыхъ на годъ по копъ грошей бываетъ давано) и тежъ отъ медницъ помѣрного они николи давати не будутъ повинны: кгдажъ они шпитали тепломъ и иными потребами, также убогихъ людей въ нихъ мѣшкающихъ выживеніемъ въ каждый годъ съ того дому своего братского опатруютъ, и свѣчы восковые до церкви уставичнѣ дають, а на то накладъ немалый чинити мусятъ. Къ тому тежъ, зъ ласки наше господарской, тотъ домъ ихъ братства купецкого отъ стояннѣ гостей, яко при бытности нашей господарской, такъ и безъ бытности нашей, вызволяемъ на вѣчность. А на твердость всихъ рѣчей въ семъ листѣ нашомъ меновитѣ описаныхъ, за чоломбитемъ тыхъ подданныхъ нашихъ мѣшанъ Виленскихъ братства купецкого, дали есьмо имъ сесь нашъ листъ, съ подписомъ руки наше господарской, до которого и печать нашу притиснути есьмо рассказали. Писанъ у Ризъ (*Datum не дописано*). — Подпись руки господарской. — «Левъ Сапега, писарь».

Изъ Литовской Метрики (Запис. кн. LXIX, № 72), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей мѣшаномъ Виленскимъ братства купецкого на нѣкоторые артыкулы, вольгъ которыхъ мають ся справовати въ дому своемъ братскомъ на то змурованомъ, и на вольность имъ сыченнѣ медовъ. Грамота сія въ означенномъ манускриптѣ записана между актами, писанными въ Мартѣ 1582 года.

152. — 1582 Июля 10. Жалованная подтвердительная грамота князей Слуцкихъ, Юрія, Симеона и Александра Юрьевичевъ, архимандриту Михаилу Рагозъ, на настоятельство въ Слуцкомъ Троицкомъ монастырѣ, по предоставленному на то ему праву ихъ матерью.

Мы Юрьи, Янъ — Симеонъ, Александръ Юрьевичи Омельковича, князата Слуцкіе, ознаймуемъ симъ листомъ нашимъ, ижъ што славные и годные намѣти ихъ милость князата Слуцкіе, предковѣ наши; съ давнихъ часовъ монастырь святыя живоначальныя Троицы, при мѣстѣ Слуцкомъ, на вѣчныя часы надати и уфундовати рачили: до которого монастыря, по зенствю съ сего свѣта славные и годные памяти его милости князати пана-отца нашего, еъ милость пани матка наша настоятельство, то есть, архимандритство въ томъ монастыри отцу Михаилу Васильевичу Рагозъ, зрозумѣвши его до того быти человекомъ годнымъ и въ законѣ Греческомъ досконалъ учовымъ и добръ сталымъ, дати ему еъ милость рачила; а такъ мы звышъ — помѣнные князата, дознавши сами такоужъ стало-сти по немъ, симъ листомъ нашимъ ему утверждаемъ, ижъ отецъ Михайло Рагоза до живота своего въ томъ монастыри святыя Троицы архимандритомъ быти маєтъ, справуючися вольгъ уставъ святыхъ Отецъ; а мы, до живота его, въ томъ монастыри архимандритства никому иному давати и его съ того рушати не маемъ. И на то есьмо ему сесь нашъ листъ съ печатями и съ подписы рукъ нашихъ дали. Писанъ въ Слуцку, лѣта Божьего нароженья 1582, мѣсяца Июля 10 дня.

Подлинникъ писанъ на бумажномъ листѣ, въ видѣ диплома. Литосчисленіе церковными буквами. Внизу акта своеручныя подписи трехъ князей слѣдующія: Jerzy książę Sluckie ręką swą. J. Symeon ks. Sluckie ręką swą. Alexander ks. Sluckie ręką swą. При этихъ подписяхъ приложены три княжескія печати, вытиснутыя на красновоско-

вой массой, съ изображеніемъ на щитѣ подъ короною всадника, скачущаго въ правую сторону. На нихъ надписи, на первой пять начальныхъ буквъ: G. D. G. D. S. m. e: Georgius, Dei gratia dux Slucensis; на второй, перстневой, кругомъ герба: Simeon, Dei gratia dux Slucensis; на третьей также круговая надпись: Alexander, Dei gratia dux Slucensis. На оборотѣ, позднѣйшимъ почеркомъ отмѣчено: Podanie xiażat Sluckich archimandriey Rahozie. Ветхъ. Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

133. — 1582 Июля 20. Судная королевская грамота Пинскому и Туровскому епископу Кириллу Терлецкому, о возвращеніи во владѣніе его церковной отчины, присвоенной Пинскимъ земляниномъ Тенюкою.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, княжа Седмигородское и иныхъ. Смотрѣли есьмо того дѣла, съ паны радами нашими, на тотъ часъ при насъ господари будучими: што которая справа приточилася на судъ нашъ, за апеляцыею отъ суда земского Пинского, владыцъ Пинскому и Туровскому Кирилу Терлецкому съ земляниномъ повѣту Пинского Михайломъ Тенюкою, въ справѣ, которую они передъ судомъ земскимъ Пинскимъ мѣли о имѣнье церковное епископій Пинскоѣ въ селѣ Неньковичахъ, которого онѣй Тенюка полчетверта дворища съ людьми и со всеми ихъ пожитки забравши, на себе то отъ немалого часу держалъ: то, пакъ, онѣй судъ земскій, съ певныхъ доводовъ и показаннѣ справъ на письмѣ отъ владыки Пинского на то имѣнье Неньковицкое, опять то, яко властность церковную, до епископій Пинскоѣ всказалъ и присудилъ вѣчными часы; которого всказаннѣ вридового тотъ Михайло Тенюка не пріймучи, отозвалъ ся былъ съ тымъ и апелевалъ на вырокъ нашъ господарскій. За которую апеляцыею, на року припаломъ обѣ — двѣ сто-

ронъ передъ нами господаремъ становилися, и тотъ листъ суду земского Пинского передъ нами епископъ Пинскій покладалъ, которого мы господаръ прослухавши и зъ ихъ милостью паны радами нашими намовивши ся въ томъ, также всее справы до того права належачой и листу небожчика пана Лаврына Войны, подскарбьего земского, старосты Пинского, отъ владыки Пинского передъ нами господаремъ покладаного, оглѣдавши, — въ которомъ описуетъ, ижъ за вывѣданіемъ его милости, нигдѣ ся то не показало, жебы кгрунты Михайла Тенюки забираны и къ замку Пинскому приворочаны быти мѣли, которыхъ кгрунтовъ церковныхъ села Неньковичъ Михайло Тенюка безправнѣ на себе черезъ часть немалый держалъ, къ шкодѣ и уближенію епископій Пинскоѣ, — и видѣчи мы господаръ то е сказанье суду земского Пинского вольгъ права посполитого учиненое, во всемъ есьмо оное сказанье при моцы zostавили, и тотъ судъ ихъ теперешнимъ вырокомъ нашимъ господарскимъ подтверждаемъ на вѣчныя часы. Маетъ то имѣнье Неньковичи, полчетверта дворища, съ людьми на тыхъ кгрунтахъ мѣшкающими, до епископій Пинскоѣ впродѣ менейшій епископъ Пинскій самъ до живота своего держати и уживати, и по немъ вси иныіе епископи Пинскіе оное имѣнье, яко властность церковную, въ моцы и владыы своей вѣчными часы мѣти и оного держати и уживати мають. На што и сесь декретъ рукою нашею подписавши, съ печатью нашею епископу Пинскому Кириллу Терлецкому выдати есьмо велѣли. Писанъ у Городнѣ, лѣта Божьего нароженья 1582, мѣсяца Июля 20 дня.

Подлинникъ писанъ современною скорописью. Внизу грамоты собственноручная королевская подпись: Stephanus rex, и скръпъ: Венцъ Акрипа, писарь. По срединѣ листа, на пестромъ шелковомъ скръпѣ привѣшена печать Литовскаго княжества, вытиснутая на красной массѣ, въ восковомъ ковчезицѣ. На оборотѣ

№ 134. *отмѣчено содержаніе акта такъ*: Dekret królewski w sprawie xiędza Terleckiego, episkopa Pińskiego, z im. p. Teniuką o dobra Nieńkowicze.

Доставленъ въ Археографическую Коммиссію, въ списки, Варшавскимъ корреспондентомъ, профессоромъ Мацлевскимъ, изъ архива гг. Селенскихъ, находящагося въ Галиціи, въ округѣ Перемишльскомъ.

134. — 1582 Ноября 12. Льготная королевская грамота Оршанскимъ мѣщанамъ, *объ освобожденіи ихъ отъ приговоровъ и работъ въ тамошнемъ замкѣ.*

Стефанъ, Божьею милостью король Польскій, великій князь Литовскій и пр., ознаменуемъ симъ нашимъ листомъ каждому, кому того потреба будетъ вѣдати, альбо чтучи его слышати, нынѣшнимъ и напотомъ будучимъ. Били намъ чоломъ подданные наши, мѣщане мѣста Оршанского, Истома Михайловичъ, войтъ, Василей Курьяновичъ, Василей Казевъ и Яковъ Максимовичъ, сами отъ себе и отъ всея братья своея мѣщанъ мѣста Оршанского, и повѣдали передъ нами, ижъ што они повинны были съ домовъ и осѣлостей своихъ для пашни замковоѣ на пригонъ съ сохою, на жниво съ серпомъ, на сѣножать съ косою, на воженіе леду, такъ тежъ на работы кухни, стаини, погребу и на иные потребы замковые ходити, — абыхмо ихъ отъ всякихъ таковыхъ приговоровъ вызволити велѣли. А такъ мы господарь, маючи на то ласкавый взглядъ и баченіе, ижъ тые мѣщане наши Оршанскіе, по тые вси лѣта неспокойные, яко отъ неприятели такъ тежъ и отъ жолнеровъ войскъ нашихъ суть зѣубожены и спустошены, а къ тому тежъ, ижъ тые мѣщане наши Оршанскіе пословъ и гонцовъ, такъ нашихъ яко и великого князя Московского живностью поднимаячи и подводы имъ даючи, немалые утраты въ маєтностяхъ своихъ подносятъ, — зъ ласки нашея господарской и за чоломбитемъ тыхъ подданныхъ нашихъ, мѣщанъ Оршанскихъ, отъ вся-

кихъ таковыхъ приговоровъ вышей помѣненныхъ на потребы замковые, ихъ самыхъ и потомковъ ихъ вольными учинили есмы и симъ листомъ нашимъ чинимъ. И вже отъ сего часу и даты въ семъ листѣ нашемъ ниже описаной, тые подданные наши, мѣщане Оршанскіе, они сами, дѣти и потомки ихъ отъ тыхъ приговоровъ вышейменованныхъ вѣчными часы вольными быти мають: до чого старосты и вряники наши Оршанскіе вже, черезъ тое, примушати ихъ и притягати не мають и не будутъ мочи. И на то дали есмы имъ сесь нашъ листъ, подъ печатью и съ подписомъ руки нашея. Писанъ у Варшавѣ, лѣта отъ нароженія Сына Божого 1582, мѣсяца Ноября 12 дня.

Изъ Литовской Метрики (Запис. кн. LXIX, № 137), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей мѣщаномъ Оршанскимъ на вольность отъ работъ и повинностей замковыхъ.

135. — 1582 Ноября 21. Судная королевская грамота Полоцкому архіепископу Теофану, *по жалобѣ его о присвоеніи тамошнимъ городничимъ Францомъ Жукомъ церковной отчины.*

Лѣта отъ нароженія Сына Божого 1582, мѣсяца Ноября 21 дня, господарь король е. м. и великій князь Литовскій Стефанъ рачилъ розсказати до книгъ его королевской милости канцларейскихъ записати, што за розсказаньемъ его королевской милости, ихъ милость панове рады и вряники наши дворные великого князства Литовского, на справы судовые высаженные, слухали тоѣ справы на року зложономъ и припаломъ, за позволомъ его королевской милости на сеймъ теперешній валный Варшавскій: жаловалъ архіепископъ владыка Полоцкій, Витебскій и Мстиславскій Теофанъ Богданъ, черезъ умоцованого своего Миколая Суликовского, на городничого Полоцкого Фронца Бартошевича Жука о томъ,

ижъ онъ село называемое Путилковичи, къ владычеству Полоцкому здавна принадлежачое, съ людьми, съ землями и со всимъ на все, яко ся здавна въ собѣ маєтъ, менѣчи данибу господарскую, на себе держитъ и уживаетъ, а ему яко властности церковной поступити не хочеть, къ немалой шкодѣ и уближенію права его. — Фронцъ Жукъ, городничій Полоцкій, повѣдалъ на то, ижъ «ми то его королевская милость Жикгимонтъ Августъ за вѣрные и учтивые службы мои, которые — мѣ по взятыю Полоцка отъ великого князя Московского въ земли Полоцкой чинилъ, дати рачилъ, не отневши того отъ владыки Полоцкого, але отлучивши то отъ староства Дисенского»: чого доводилъ листомъ его королевской милости Жикгимонта Августа, писанымъ до пана Боркулаба Корсака, старосты Дисенского, подъ датою року 1567, мѣсяца Февраля 23 дня, абы ему тое село Путилковичи въ староствѣ своемъ Дисенскомъ поступилъ и въ держаніе его подалъ; на што панъ Боркулабъ и листъ свой увяжчый ему далъ. Потомъ показалъ привилей его королевской милости тогожъ короля е. м. Жикгимонта Августа, на паркгаминѣ писанный, ижъ его королевская милость тое село ему ствердяти рачилъ на вѣчность. Къ тому повѣдалъ, ижъ «то держу отъ лѣтъ шестнадцати, а о то отъ прошлого владыки Полоцкого Варсонофія Валаха не былъ правнѣ напомниманъ, а ни позыванъ: откуль се значить, тежъ снать то розумѣлъ быти неналежащее къ владычеству Полоцкому; а ижъ теперешній владыка Полоцкій чинить набѣганіе на его королевскую милость, теперешнего пана нашего, о села къ староству Дисенскому належачіе и о то село мое Путилковичи: ино ему, въ нагороду тыхъ селъ и селца моего Путилковичъ, которое отъ староства Дисенского есть отлучено, его королевская милость рачилъ дати монастырь во Мстиславлю, который одно меду прѣсного чинить ему до року сто пудовъ, кромѣ грошей, збожья и иныхъ

пожитковъ». — Умоцованный владыки Полоцкого Суликовский на то повѣдалъ, ижъ ачъ — кольвекъ великій князь Московскій, при збуренію замку Полоцкого, привилія ихъ фундаши на тое владычество побралъ, але, напервѣй, привилей его королевской милости пана нашего милостивого положилъ, подъ датою въ Торуню, лѣта Божого нароженія 1576, мѣсяца Декабря 15 дня, подъ печатью и съ подписомъ руки его королевской милости, справы небожчика пана Лаврына Войны, подскарбіа земского и писаря, въ которомъ описано, ижъ тое владычество Полоцкое, со всимъ яко се въ собѣ маєтъ, съ монастырми, съ церквми и со всеми имѣньями и селы владыцъ Полоцкому дано и подтвержено, до живота его. А доводячи того, ижъ тое село Путилковичи здавна на владычество Полоцкое принадлежить, положилъ выписъ съ книгъ пановъ ревизоровъ его королевской милости: е. м. пана Павла Паца, воеводы и старосты Мстиславского; пана Андрея Ивановича, писаря великого князства Литовского, и пана Мартина Стравинского, маршалка его королевской милости, подъ датою лѣта Божого нароженія 1578, мѣсяца Декабря 26 дня, подъ печатьми и съ подписомъ рукъ ихъ властныхъ, въ которомъ описуетъ, ижъ они за листомъ его королевской милости, чинили вывѣданіе о имѣньяхъ земскихъ владычныхъ отъ нѣкоторыхъ певныхъ особъ, пановъ вряниковъ земскихъ и иныхъ обывателей земли Полоцкой, также отъ бурмистровъ, райцовъ и мѣщанъ, и взяли певную вѣдомость, ижъ тое село Путилковичи, здавна, передъ тымъ на владычество Полоцкое прислухало и держано было. Къ тому положилъ реестръ списанья имѣній владычества Полоцкого, въ року 1580 мѣсяца Генваря 10 дня, черезъ ревизоровъ отъ его королевской милости до земли Полоцкой зсыланныхъ, подскарбіа дворного великого князства Литовского, старосту Браславского пана Феодора Скумина, и подкоморого Витебского князя Юрія Соколинского Друцкого,

№ 135. въ которомъ реестръ и тое село Путилковичи меновить есть описано (у того реестру пана подскарбія дворного и князя подкоморого Витебского печати и подписъ рукъ ихъ властныхъ). Къ тому бралъ собѣ на помощь умоцованный владыки Полоцкого привилеѣвъ земскихъ, великому князству Литовскому и земли Полоцкой даныхъ отъ королей святоѣ памяти Казимира, Жикгимонта перваго, Жикгимонта Августа и Генрика, и подтверженіе съ присягою его королевской милости, пана нашего милостивого, межи иными вольностями станомъ коруны Польскоѣ и великого князства Литовского: ижъ «духовенства, яко Римского такъ и Греческого закону, наданье ихъ водлугъ привилеѣвъ ничимъ не уменьшати, и въ костелы и кляшторы, церкви соборныя, бискупства, архіепископства и владычества, и въ наданья ихъ ничимъ ся не вступовати». А къ тому покладалъ въ Статутъ, въ роздѣлѣ первомъ артыкулъ двадцать осмый: «гдѣ бы што кому дано и упривилевано, и потомъ тоежъ кому иному дано; тогда первая данина при mocy зостати, а послѣднѣйшая въ ниво-што обернена быти маеть». Для чего и тая данина городничому Полоцкому, яко послѣднѣйшая (по наданью и уфундованью здавна того села на владычество Полоцкое), ити ему, и онъ того села одержати не можетъ. А што тежъ умоцованный городничого Полоцкого повѣдаетъ, ижъ бы за тое село некакій монастырь во Мстиславлю его королевская милость владыцъ дати мѣлъ, который бы такъ много доходовъ ему чинилъ: тогда на то и на доходы того монастыря на тотъ часъ отказу и даишю справы не есть потреба; бы тежъ якіе немалые доходы чинило, до того городничій Полоцкій ничего не маеть: але «яко владычества и монастыри суть уфундованы, таковымъ наданьямъ церковнымъ некотороѣ замѣны водлугъ права быти не можетъ, яко се то вышей привилеями и правомъ земскимъ показало. Випакъ же, нехай бы запись або постановленіе яко владыки

Полоцкого на замѣну показалъ, есть ли жъ який монастырь мѣною ему за тое село данъ, або нѣ. А што тежъ дей повѣдаетъ городничій Полоцкій, ижъ бывшій владыка Полоцкій, небожчикъ Варсонофей Валахъ того села подъ нимъ не доходилъ и давность земская зашла: ино вольно дей то было небожнику Варсонофею чинити, за пріязнями або за якими иными причинами того не доходити: але имѣнья духовныя въ давность ити не могутъ; бо такъ могъ бы духовный который пріятелемъ своимъ вси имѣнья церковныя пороздавати и давность земская латвѣй бы зашла; а естли бы то мѣло быти держано, то бы вси наданья духовныя были розданы». А къ тому тежъ бралъ собѣ на помощь и привилей земскій на унѣи учиненый, ижъ «въ отысканью имѣній подъ не пріятелемъ тому маеть быти отдано, чѣе держанье было». — За тымъ ихъ милость панове рады и вриадники тѣѣ справы и мовенья обудуухъ сторонъ выслушавши, его королевской милости реляцію того чинити похотѣли; нижъли, ижъ его королевская милость на тотъ часъ важнѣйшими справами забавленъ быти рачилъ, а потомъ сеймъ есть выповѣдалъ: съ тыхъ причинъ, и тая справа, зъ розказанья его королевской милости, до сойму пришлого (который по теперешнемъ напервѣй зложенъ будетъ), подъ тоюжъ моцою и за тымижъ позвы есть отложена; на которомъ соймѣ пришлому стороны обѣ — двѣ становити и до конца росправити ся мають. Што, для памяти, до книгъ его милости господарскихъ канцлярейскихъ записано есть, съ чего и сесъ выписъ подъ печатью господарскою городничому Полоцкому Фронцу Жуку есть выданъ. Писанъ у Варшавѣ. — «Левъ Сапега, писарь».

Изъ Литовской Метрики (Судн. дѣлъ кн. LX, л. 380—383), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Отложеніе справы архіепископа владыки Полоцкого Осоеана Богдана съ городничимъ Полоцкимъ Фронцомъ Жукомъ о село Пу-

тилковичи, къ владычеству Полоцкому належачое, на сеймѣ. Сюда же принадлежатъ слѣдующія замѣтки, находящіяся въ Лит. Метрицѣ, Запис. кн. LXX, л. 14 об.: Данъ листъ, съ подписомъ руки его королевской милости, архіепископу владыцѣ Полоцкому Теофану Богдану, до подстаросты Дисенского пана Островского писанный, абы села Дольце и Весницко, которые съ давныхъ часовъ къ тому владычеству належатъ, а панъ Смоленскій къ старосту Дисенскому забралъ былъ, оному владыцѣ водлугъ права его привернулъ и подалъ, и черезъ то большъ вступовати не важилъ ся. Въ Берестью, року 83, Окт. 29. «Левъ Сапега, писарь». — О томъ же листѣ писанный до дворянина Василья Ивашковича, ижъбы владыцѣ Полоцкому тѣѣ села вышей менованные подалъ и въ то его увязалъ. Даты тоежъ яко вышей. Справа пана Сапежина.

136. — 1583 Февраля 5. Льготная грамота Озериченскимъ мѣщанамъ, съ освобожденіемъ ихъ отъ всѣхъ податей и повинностей на восемь лѣтъ.

Стефанъ, Божьею милостью король Польскій и великій князь Литовскій. Ознаймуемъ симъ нашимъ листомъ, ижъ мы господарь отыскавши замокъ Озерича зъ рукъ непріятельскихъ, и хотѣчи, абы при томъ замку нашомъ мѣстечко забудовати и осадити се могло, всимъ тымъ мѣщаномъ, которые бы одно тамъ при замку нашомъ Озеричскомъ въ мѣстечку будоватисе и осѣлати хотѣли, дали есмы и симъ листомъ нашимъ даемъ вольности отъ всякихъ платовъ, цыншовъ, капщизнъ и повинностей замку нашего Озеричского, до осми годовъ, годъ по году порядкомъ по собѣ идущихъ. Мають и вольны будутъ тѣѣ мѣщане Озеричскіе и вси которые одно тамъ въ мѣстечку Озеричскомъ осѣлости пріймовати будутъ, до осми годовъ порядкомъ по собѣ идущихъ; меды, нива, горьлку и иныяе всякіе рачи нишквати, продавати и торговати, отъ всякихъ платовъ, цыншовъ, капщизнъ и по-

винностей замку нашего Озеричского вольны — будучи: вѣдѣже тѣѣ мѣщане наши отъ мѣтъ водныхъ, такъ старыхъ яко и ново подвыпныхъ не будутъ вольны. И на то дали есмы имъ сесъ нашъ листъ, подъ печатью и съ подписомъ руки нашею. Писанъ въ Неполонцахъ, лѣта отъ нароженья Сына Божьего 1583, мѣсяца Февраля 3 дня. — Подпись руки господарской. — «Левъ Сапега, писарь».

Изъ Литовской Метрики (Запис. кн. LXIX, № 167), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей мѣщаномъ Озеричскимъ на вольность, до осми годовъ.

137. — 1583 Ноября 8. Грамота королевская Дисенскому подстаростѣ пану Островскому, объ отдачѣ Полоцкимъ Езуитамъ во владѣніе трѣхъ селъ, принадлежащихъ тамошнимъ Воскресенскому и Спасскому православнымъ монастырямъ.

Стефанъ, Божьею милостью король Польскій и великій князь Литовскій и пр., подстаростъ Дисенскому пану Островскому, азьбо хто — кольвекъ на тотъ часъ Дисну и села Игуменово, Копоровичи и Мотырино держитъ. Ознаймуемъ тобѣ, ижъ мы господарь маючи то на бачности, абы тѣѣ добра, которые отъ продковъ нашихъ ихъ милости великихъ князей Литовскихъ и Полоцкихъ, также и отъ иныихъ людей добрыхъ и богобойныхъ къ хвалѣ Божьей и на службу его святую на даны, къ свяцкому уживанью оборочаны не были; а ижъ бывшій кашталянъ Смоленскій, староста Дисенскій, небожчикъ панъ Юрей Збновичъ села вышейменепые ажъ до живота своего держалъ, а по смерти его, тѣѣ села пошолъ съ Дисною къ рукамъ нашимъ пришай: прѣто мы село Игуменово, надъ рѣкою Дисною належачое, монастыря Мошоноцкого Воскресенского, также село Копоровичи и село Мотырино монастыря святого Спаса игуменства Полоцкого, яко есмы надали и фундовали на

№ 138. костелъ Божій и на коллегіумъ въ Полоцку отцомъ езуитомъ вси добра игуменскіе и ипшихъ всихъ монастыровъ и церквей замку и мѣстъ Полоцкихъ, кромѣ самого владычества; такъ и теперь умыслили и постановили есмы тые села отцомъ езуитомъ Полоцкимъ и ректорowi на тотъ часъ будущому въ моцъ, въ держанье и въ уживанье ихъ подати и поступити. А для того посылаемъ тамъ коморника нашего Василья Ивашковича, которому рассказали есмы тые села вверху мѣненные зъ моцы и зъ держанья вашего взяти и на костелъ отцомъ езуитомъ Полоцкимъ и ректорowi ихъ на тотъ часъ будущому поступити и ихъ въ то увязати: и вы бы о томъ вѣдаючи, сей воли и рассказанью и тому коморнику нашему ни въ чомъ противитися не смѣли, и въ тые села, черезъ то, большъ ничимъ вступовати не важилися, конечно, подѣлакою нашою, иначе того не чинячи. Писанъ у Берестью, лѣта Божьего нарoженья 1583, мѣсяца Ноября 8 дня. — «Девъ Сапега, писарь».

Изъ Литовской Метрики (Запис. кн. LXX, л. 27), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Листъ до подстаросты Дисенского, о села игуменства Полоцкого, на имя Игуменова, Копоровичи и Мотырино, отцомъ езуитомъ Полоцкимъ.

138. — 1583 Ноября 20. Окружная грамота Константинопольскаго патріарха Іереміи II-го православному Русско-Литовскому и Армянскому духовенству, о *неправильномъ измѣненіи Христіанскаго лѣтосчисленія Папою Римскимъ Григоріемъ XIII, съ подтвержденіемъ не держаться нововведеннаго Календаря, но праздновать дни св. Пасхи и другіе праздники по указанію Пасхалии, установленной на первомъ Вселенскомъ Никейскомъ Соборѣ.*

Іеремія, милостію Божіею архіепископъ Константинополя. Новаго Рима, и Вселенскій

патріархъ. Понеже церковь старого Рима новомыслными радуется, . . . астрономамъ неразсмотрительно разумѣюще, прелагающе добръ освещенную Пасху, христіань совершаемую, отъ перваго Собора святого Вселенскаго трема сты осмнадцать богоносными Отцы узаконенную, отъ иныхъ же Соборовъ подтверженну, . . . отъ всихъ, повсюду по земли праздуема есть христіань, яко узаконниша. Сего же ради соблазны бывають прелъ наше и предъ ваше смиреніе. Мужіе Армєстїи вопрошають насъ о семъ, глаголюще: «яко понуждають насъ прїяти календаръ, сія и сія повелѣвающе, яко подлежащихъ сему»; сихъ же благодать достойша насъ, рекуше, что святымъ Отцемъ мнится. Смиреніе наше разсмотрѣвши со совѣтомъ святѣйшаго патріарха Александрѣйскаго, во святѣмъ Дусѣ повелѣваетъ, являючи повелѣнными святыми Отцы. Отъ сихъ прѣвое убо во дѣяніихъ перваго Собору Вселенскаго есть подписаніе сїе имѣемое: «Леонтій, . . . Кесаріи Каппадокійскія, Галатійскія и Армєнія Малыя и Великія подписа.» Иже убо, яко является во житію святаго священномученика Григорія, Великія Армєнія архіепископа, хиритонисалъ сего архіереа, посланнаго молитвы ради и посланія отъ Тиридата царя Армєнскаго, по семъ христіанна быти. Сего суща сына Кусарева, ужика же Артаванова, приведеннаго отъ Асаркіа . . . будуща брата Кусарева, отца Тиридатова, крестившася вси отъ него во рѣцѣ Ефратѣ, со царемъ ихъ Тиридатомъ, якоже глаголется, вѣру Христову прїяша Армєнія, Персія, Асирія и Мидія, Индія и иныя: бѣше бо въ четырехъ сотѣхъ темъ. Просвѣти убо всѣхъ сихъ, во тѣмъ неразуміа лежащихъ, якоже другая луча солнца. Отлучитижеся хотѣвый во вышнюю Армєнію предѣлѣ, жити въ тишинѣ, Алвїніа вмѣсто себе остави, и епископовъ, Егѣнміа, Воасіа и иныхъ болша десяти, во предѣлахъ Армєнскихъ предволающихъ; во всѣхъ же сихъ и прочихъ языцѣхъ, якоже глаголется, четыре

ста епископовъ постави. По семъ же отлучившись великаго свѣтилиника сего Григорія, Тиридатъ сей разлученія ради его во печали бѣ . . . , по семъ же моли Григорія, и прїйде отъ разлученія; и обрѣтъ Аростанія достойна суща архіерейска сана: сего яко подобаетъ хиритониса. По сихъ же временѣхъ, иже во царехъ прехвалный великій Константинъ первый Соборъ собра, три ста осмнадцать богоносныхъ Отецъ иже во Никей, идѣже и Тиридатъ мирно достиже, яко претеплѣйшій благочестія; прїятія жъ получи не мало отъ равноапостольнаго сего Константина: иже и . . . Армєнскаго архіепископа соборнаго Аростанія посла до Собору сего. И прїидѣ, и части священно . . . собранію бывша. И прїятъ отъишаніе отъ Собору, и во Армєнію возвратися, . . . назидающихся на благочестіе, благодатію Христа истиннаго Бога. Отъ сихъ и прочихъ, якоже рѣхомъ, исторїи является произвѣство, яко Армєны архіепископа соборнаго прїятіе имѣють, и тако священный санъ отъ Каппадокіа, его же рѣхомъ, Леонтія прїяша. Предѣлы же сія Новаго Рима, якоже бѣху, и суть со Богомъ; нѣсть же всяко сіе старѣйшины Римскаго, якоже и канони повелѣвають соборны, вечероначнаго права. Также началнаго обычая держатися повелѣша. Также понуждати безпредѣлно есть и вѣнъ Христова ученія; самъ бо рече Господь: «шедше научите», но не принудите, и: «аще кто хошетъ во слѣдъ мене ити», и елико во священныхъ евангеліахъ совокупля сїмъ. Отъ сего вечернихъ . . . не нова и странна учитися соблазна чужда, но по Христову ученію, и святыхъ Апостолъ, и священныхъ Соборовъ, и елико отъ Божественнаго Духа суть. Второе же, исповѣдуемъ всякому христіанину православному хотящему быти, яко нѣсть подвижна отъ насъ Пасхалиа: но, яко послѣдуй повелѣніемъ святыхъ Отецъ, пребываетъ право и во вѣкы неразлучно пребываетъ, даже доселѣ соблюдающе чина, еже получи, непо-

двигна и изрядна есть и пребываетъ божественными Отцы . . . ихъ же никтоже отъ нынѣшнихъ, ниже отъ наказаній звѣдозаконниковъ лучше . . . построи, како оны изрядны: сіи бо ни святыня Духа нѣху. Обаче аще кто покусился исправить, далече истины будетъ. Четыри бо суть знаменъ Пасхи: первое, во совершенію, яко подобаетъ во равноденіи весны Пасху совершати; второе, не въ кій день жидовскія совершатися; третіе, яко не просто, или не абіе по равноденіи, но первый по равноденіи, въ полноту луны, и четвертое, яко по полнотѣ луны абіе недѣля первая. Тѣмъ же никто всячески да не разумѣетъ, дабы омыли они божественніи достойніи Отцы: и кто тако уразумѣетъ отъ нынѣшнихъ астрономовъ лучше исправить, омылится. Благодатію Христовою, отъ перваго Собора даже и доннынъ, бѣше Пасха священная со законною, и бываетъ единыя недѣли; и смущенія коего не познахомъ, яко да исправляти востанемъ: добръ бо вообразисъ святыми Отцы, и вѣчно пребываетъ неразорно. Зѣ же нынѣ отъ звѣдозаконниковъ старого Рима растлѣшася десяти днѣи отъ Октовріа мѣсяца ко нынѣ: убо схисмъ самыхъ себе полагають, новаго себѣ часословія и превращенія зримаго. . . . Аще бо за сто тридцать чѣтыри лѣтъ сихъ ночь и день единъ совокупають, како оны разсуждають; явно, яко отъ перваго Собора тысяча двѣсти шестдѣсать пять лѣтъ прешедшимъ даже до нынѣ, а отъ Христа до перваго Собору тремъ стомъ и осмнадцать лѣтомъ прешедшимъ, двѣи толико девять и часовъ десяти безъ полчасца собирается и остается. Аще ли же за сто и двадцать годъ ночь и день и часовъ десяти избывають, сія же омыла являются . . . , но и по ученію ихъ звѣдосмотрѣніа монадіина великаго Птолемеа и прочихъ. Во трехъ бо стѣхъ лѣтъхъ онго и мало что ночь и день единъ соберется, и является и сіе не отъ солнечнаго теченія: зодіею бо творится движеніе непреклонно, но отшедъ

№ 139. дній лѣтнихъ. А по Птоломею о горнѣхъ смотрѣннхъ, дній четыре и часовъ пять и дванадцать часовъ собирается отъ Никійскаго перваго Собора и до заѣ. И симъ тако считае-мымъ, и по Еллинскѣй премудрости еще показуеъ, яко внѣ всякихъ словъ десять дній Октовріа астрономы Римскими изложены: то-лико сего ради, да явятся, якоже мнятся что творити, тщеславіа ради. Лучше убо бѣ имъ не новозаконити, и ни сіа претворити, и Хри-стовымъ церквамъ смущеніа безчисленно пода-вати, нежели. . . . житіа найти. Сихъ ради, о нихъ же дерзнуша, неблагословени вѣни-шася, яко спротивишася добрѣ узаконенымъ священно-святыми Отцы, не толико избран-ными, но и божественными. И сіа убо мы ко обоимъ глаголемъ, знаменующе по истинѣ. Писанъ 1583 лѣта отъ Божіаго вочеловѣченія, мѣсяца Ноемвриа 20, индикта 12.

Современный переводный списокъ, писанный на бумажномъ листѣ скорописью, безъ скръпи, хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ. Вентхъ.

139. — 1584 Января 21. Окружная ко-ролевская грамота раднымъ панамъ и городскимъ сановникамъ, о неприкосно-венности Вѣры и правъ дарованныхъ православ-нымъ жителямъ, съ строгимъ запрещеніемъ при-нуждать ихъ къ отправленію праздниковъ по нововведенному Календарю.

Стефанъ, Божьею милостью король Поль-скій, великій князь Литовскій, Рускій, Пру-скій, Жомойтскій, Мазовецкій, Лифлянтскій, княжа Седмигородское и иныхъ, княземъ и па-номъ воеводамъ, каштеляномъ, маршалкомъ, старостамъ, державцамъ, урядникомъ зем-скимъ и дворнымъ, всимъ воебѣ, такъ стану

духовного яко и свѣтцкаго, а меновитъ, вой-томъ, бурмистромъ, радцамъ, въ мѣстѣ на-шомъ Виленскомъ будучимъ. Ижъ есмы ка-лендаръ новоправленный въ панствахъ на-шихъ приняти казали, учинили есмы то зѣ ве-ликихъ и важныхъ причинъ: въ чомъ не йдетъ (*) намъ о тое, абыхмо обходовъ и святъ Греческихъ, альбо якихъ иныхъ въ набоженствѣ заказывати мѣли, о чомъ есмы а ни мыслили, але учинили есмы то для по-рядку и справъ рѣчи посполитой. Про то воль-но естъ и маєтъ быти каждому набоженства и вѣры своей уживати, свята святити и обхо-дити; а за тое они нѣкоторѣ трудности, пре-нагабанья, шкоды и грабежовъ терпѣти не мають: кгдажъ люде Греческаго закону до тоей поправки (**) календаря нового, безъ приз-воленья старшаго патріарха своего, кгвал-томъ, примушаны быти не мають. Для чого хочемъ мѣти и приказуемъ вамъ, абы есте имъ святъ ихъ обходить и святити не забороняли, переказы и пренагабанья, а ни грабежовъ за тое, а ни деспектовъ жадныхъ не чинили, по-стерегающе того, абы покой и згода межѣ роз-ными въ вѣрѣ и набоженствѣ захованъ былъ: кгдажъ есмь одинако повинны всихъ подла-ныхъ нашихъ правомъ згоднѣ (***) змощне-ными заховати, и подъ обороною покою, отъ насъ господаря поприсяженою: чого яко во всихъ справахъ, такъ и въ томъ нигды, ни-чимъ нарушати не хочемъ. Писанъ у Городнѣ, лѣта отъ нароженія Сына Божьего 1584, мѣ-сяца Генваря 21 дня. — У того листу под-писъ руки господарьскы: Stephanus rex. Пе-чатъ короля его милости маестатова великаго князства Литовскаго, и подписъ руки писаря господарьскаго пана Льва Сопѣги.

Современный офиціальныи списокъ, съ прило-женіемъ малой государственной печати, подъ

(*) Въ др. сп. «не дѣетъ».

(**) Там. «реформации».

(***) Там. «згодою».

кустодією, писанный на полулистѣ сплошною скорописью, ветхій; хранится въ архивѣ быв-шихъ Греко-Унитскихъ Митрополитовъ, при Святѣйшемъ Синодѣ. — Такіе же старинные списки сей грамоты находятся въ архивахъ Львовскаго Уніятскаго Капитула, и Могилев-скаго Архіерейскаго дома. См. Бѣл. арх. др. грамотъ I, 40.

140. — 1584 въ началѣ Февраля. Явка Львовскаго епископа Гедвона Боло-бана и Галицкихъ дворянъ, о нападеніи католическаго духовенства съ вооруженною шляхтою, въ навечеріе праздника Рождества Христова, на тамошніе православные мона-стыри и церкви, и о насильномъ вѣхъ ихъ за-печатаніи, по приказу Львовскаго архіепископа Яна — Димитрія Соликовскаго.

Пришедши обличивъ предъ врядъ кгородскій Галицкій велебный и набожный отецъ Ге-деонъ Болобанъ, владыка Львовскій, Галиц-кій и Каменецкій, маючи при собѣ урожонныхъ и шляхетныхъ, пана Юрья Бодобана, Петра Сулятыцкого, Якова Васильковскаго, Филипа Ильиницкого, Павла Селецкого, Ивана Угор-ницкаго, землянъ и шляхту съ повѣсту Галиц-каго вѣры Греческою, и такъ тежъ опатрныа Андрей Стрелина и Станиславъ Романовскій зѣ Дуфанова, возные земскіа знаралове при-сяглыа, врядови немъ добрѣ знае-мыа, предъ врядомъ и книгами кгородскими Галицкими жалобливъ освѣтчили и ускаржали-ся противко велебному князю Яну Деметріу-шови Соликовскому, архіепископу Львов-скому, и капитулу его Львовской, ижъ онъ съ капитулою своею, во второкъ, у вилію Божье-го Нароженія, водлѣ обходовъ религіи Грече-ской, водлѣ календаря старого 24 Декабря, а водлѣ новаго календаря дня 3 Генваря, ку-вардѣ и легкому поваженію права Статуту

и констытуцій корунныхъ, а особливѣ вадѣ № 14 привилеа, отъ княжатъ Рускихъ, и по нихъ королей Польскихъ, пановъ дѣдичныхъ, на-даныа, въ которыхъ покой посполитый кож-дому вр естъ обварованъ и захованъ, кгвалтомъ и моцою, назбиравши собѣ помочни-ковъ и пріятель, и тежъ брата своего рождо-го, урождоного Войтѣха Соликовскаго, и кнѣ-тулы своеа князей офиціаловъ, князя Якуба Вышинскаго, князя Вацлава Винановскаго, кнѣ-зя Балтроеа Трошка, ктому слуги свои и ин-шихъ людей немало (которыхъ имена и назвиска лѣтъ онъ вѣдаеъ и знаеъ), моцою и кгвал-томъ, зѣ рушницами и зѣ иными розманитыми бронеями на до костела або церкви, которая естъ въ мѣстѣ Львовѣ, Внебо-взятъ панны Маріи, закону Греческаго, кды-вжо почато звонитъ и попѣ шолъ до службы Божей, преречонный Войтѣхъ Соликовскій попа (*) старого взявши за церкви, отъ-дверей его оторвавши, кгвалтомъ прочъ вы-велъ, и костелъ тотъ або церковь печатью его милости князя архіепископа Львовскаго запе-чатоваъ и ключъ взялъ. А оттуль шли до ма-настира, который естъ предъ мѣстомъ Льво-вомъ тогожъ велебного отца владыки Льво-вскаго, и потомъ до костела або церкви столеч-новъ, которая естъ въ томъ же монастырѣ, за-ложенія святого Юрія, упривилебаная черезъ княжатъ Рускихъ, и кроли Польскіа столицу къ тому владыцству Львовскому Которые тыа вышей менованыа, насланые отъ его милости князя архіепископа Львовскаго, пришедши тамъ, на тотъ часъ, кды поповѣ-Сава и Иванъ церкви, также и дѣтки, водлѣ звычаю, службы пана ного отпра-вовали, кгвалтомъ и моцою въ церковь тежъ также якіа въ той церкви шарпали, выпхали и вырвали, а дер-ковъ оную печатью его архіепископа

(*) Въ подл. заѣсь пробѣлъ для вписанія имени священника.

№ 142. церковь тую и на пожитки и доходы до той церкви
— 143. прислухаючіе.

142. — 1584 Февраля 11. Жалованная грамота священнику Гомельской Спасской церкви Сисою Ерофеевичу, на владѣніе прежними церковными угодьями и доходами.

Стефанъ, Божьею милостью король Польскій и великій князь Литовскій, ознаймуемъ тымъ листомъ нашимъ. Приходилъ до насъ богомолецъ нашъ, попъ церкви святого Спаса въ мѣстѣ нашемъ Гомейскомъ, на имя Сисой Ерофеевичъ, и повѣдилъ передъ нами, ижъ въ року прошломъ осмидесять первомъ люди неприятели нашего, князя великого Московского, пришедши безъ вѣсти, мѣсто наше Гомейское все огнемъ выпалили: въ который часъ и листы привилія предковъ нашихъ, королей ихъ милости Польскихъ и великихъ князей Литовскихъ, такъ тежъ и листы ревизорскіе, предковъ его на тую церковь и на вси добра церковныя имъ наданные погорѣли; и билъ намъ чоломъ, абыхъ мы того богомолца нашего Сисою Ерофеевича при той церкви и при всихъ пожиткахъ до той церкви здавна належачихъ заховали. Мы господарь видѣчи быть тую его рѣчь слушную, и за чоломбѣемъ того богомолца нашего Сисою Ерофеевича, при той церкви и при всихъ пожиткахъ и добрахъ и наравѣ, до той церкви здавна належачихъ, его zostавили есмы и симъ листомъ нашимъ zostавуемъ. Маеъ онъ тую церковь на себе держати, и вшелякихъ пожитковъ до нее належачихъ уживати, и службу Божью водлугъ порядку Греческого въ той церкви служити, а за насъ Бога просити, ажъ до живота своего. И на то дали есмы тому богомолцу нашему Сисою Ерофеевичу сесь нашъ листъ, зъ нашою печатью и съ подписомъ руки наше господарской. Писанъ у Городнѣ, лѣта Божьего нароченія 1584, мѣсяца Февраля 11 дня. — «Левъ Сапега, писарь».

Изъ Литовской Метрики (Запис. кн. LXIX, актъ 232), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Привилей попу Гомейскому церкви святого Спаса Сысою Ерофеевичу, на церковь и на вси пожитки до той церкви належачіе.

143. — 1584 Апрѣля 11. Жалованная грамота Полоцкимъ Езуитамъ, на владѣніе отчинами и угодьями тамошнихъ православныхъ монастырей и церквей, съ уступкою имъ же разныхъ даней, взимаемыхъ съ людей церковныхъ въ королевскую казну, также на воеводъ и урядниковъ ихъ, городскую стражу и проч.

Стефанъ, Божьею милостью король Польскій и великій князь Литовскій и пр., ознаймуемъ и чинимъ явно симъ нашимъ листомъ, кому бы была потреба того вѣдати, нынѣшнимъ и напотомъ будущимъ. Кгдыжъ всякіе справы памяти годные ничимъ инымъ, одно письмомъ бывають объясненые: про то мы господарь, хотѣчи успокоити колегіумъ Полоцкій отцовъ езуитовъ, всякіе повинности, которые передъ тымъ на замокъ, на воеводы и на врядники его тамошніе прихаживали съ тыхъ имѣній духовныхъ, которые есмы на тотъ колегіумъ и на иные милосердные учинки тамъ у Полоцку фундовали, съ реестровъ давныхъ ревизорскихъ до скарбу земского поданныхъ списати есмы велѣли писарю нашему скарбному великого князства Литовского Войтъху Славенецкому. Которые-то повинности онъ, за росказаньемъ нашимъ, съ тыхъ реестровъ давныхъ ревизорскихъ списавши, съ подписомъ руки своею до канцеляреи наше подавъ: съ которого списанья тыхъ повинностей мы господарь, бачучи, што на насъ господаря приходило, и хотѣчи тое на колегіумъ отцовъ езуитовъ у Полоцку, водлугъ наданья нашего, съ тыхъ людей и селъ имъ наданныхъ отпустить и даровати, меновите есмы въ тотъ привилей нашъ оныя вси повинности

вписати казали. А на первѣй, што приходило до скарбу нашего бобровщины: зъ села Фолны съ Иваномъ Корнѣвичомъ земляниномъ Полоцкимъ, на Дрысь съ земляны Полоцкими названными Глайсками, въ селѣ Зарыницахъ на рѣцѣ Полотъ съ Иваномъ Стрежемъ земляниномъ Полоцкимъ и съ иными, съ села Михалковщины, съ рѣки Дрысы Захарьиномъ, мы все што прихаживало до скарбу нашего бобровщины съ тыхъ верху помѣненныхъ селъ, и съ иныхъ селъ ниже описанныхъ што приходило готовыми пѣнязми бобровничого, то есть: съ села Капоровичъ грошей широкихъ тридцать пять, на рѣцѣ Начи грошей широкихъ двадцать пять, съ Туровлей грошей широкихъ двадцать пять, съ села Улазовичъ грошей широкихъ пять, съ села Черницъ грошей широкихъ пядесятъ, съ села Осконы грошей широкихъ шестесятъ, съ села Намозаръ грошей широкихъ сорокъ, съ села надъ рѣкою Дисною грошей широкихъ пядесятъ, на Дрысь отъ двухъ чоловѣкъ грошей широкихъ десять, съ села Начы грошей широкихъ шестесятъ, то все што тоѣ бобровщины съ подданныхъ всего духовенства на насъ господаря приходило, то есмы имъ отпустили и на тое колегіумъ Полоцкое даровали. А што се дотычетъ ловенья рыбъ на прѣздъ нашъ господарскій, што люди села Матерына съ Судиловяны рыбы на насъ ловили, и то есмы на колегіумъ Полоцкое отдали: и не будутъ они вже повинны на нашъ прѣздъ рыбъ ловити, одно на колегіумъ Полоцкое, въ томъ езерѣ, въ которомъ передъ тымъ ловили. А што се дотычетъ работы зъ села Мошниковъ въ замку и дворѣ нашемъ господарскомъ Полоцкомъ, ижъ люди того села робливали пекарню, кухню, лазню, стайню и турму: ино, коли иные села наши господарскіе и землянскіе будовати будутъ, тогда и того села люди,

небольшъ, одно яко здавна было, повинны робити будутъ. А што се дотычетъ повинностей на воеводу Полоцкого приходячихъ съ села Матерына, то есть: коли воевода тою дороною ѣдетъ и становится въ томъ селѣ, и они давали стацыи, овса солянокъ десять, сѣна возовъ десять; ино, если бы подданные шляхетскіе и теперъ такіе стацыи давали, тогда и тые люди съ села Матерына тую стацыю, а не большъ, давати будутъ повинны. А што се дотычетъ повинности зъ рѣки Турова, што рыбы на прѣздъ наша воеводина до села Матерынского давали, то и напотомъ давати мають; а што се дотычетъ повинности на становничого наша воеводиногъ съ села Матерынского, што давали по сту грошей широкихъ, поклону грошей широкихъ десятъ, куничного грошей широкихъ дванадцать, окромъ того . . . грошей широкихъ пять (*), масла безмѣнъ одинъ, соли, крупъ, гороху по рѣшоту, што на того становничого давали, тое и напотомъ по давному обычаю давати будутъ повинны. Къ тому, на станъ повоскій, на наша воеводу, на послы и на гонцы, съ села Вежыщъ, съ села Олшаницъ, съ села Чарпиничева, съ села Мосору, съ села Тоболки, съ села Сосны, съ села Черницъ, съ села на Оболи стацыю давано, а въ селѣ Матерынѣ на послы и гонцы стацыю и кони два въ подводы давано: тое и напотомъ давати мають, если бы подданные шляхетскіе тые стацыи и кони у подводы давали. Што се дотычетъ сторожы замковоѣ, на которую давано съ селъ монастыровъ и церквей Полоцкихъ, всего суммою копъ двѣ и грошей дванадцать, а къ тому жита корцовъ чотыри, овса корцовъ полчетверта, хлѣба ковыргъ чотырнадцать, колачовъ чотыри, бохоновъ шесть, ячменю четверть; а хмелникомъ замковымъ, которые хмель на замокъ деруть, съ села Лучанъ съ

(*) Въ ориг. Метр. здѣсь замѣтенъ пропускъ.

№ 144. думу по грошу широкому, хлѣба по колачу и по курчати одному, яецъ по двадцати: тые вси рѣчи давати будутъ повинны люди тыхъ селъ, кгда волю высѣдять до лѣтъ имъ на волю даныхъ и кгда въ тыхъ селѣхъ осядутъ, по тому яко передъ тымъ въ которомъ селѣ бывало. А тые вси повинности, на воеводу и на врядники и на сторожы замковые приходяще, никто иной, одно тотъ економъ або справца, который добра колегіяцкіе за злѣцнемъ отцовъ езуитовъ завѣдати будетъ, выбирать и выправляти маеть; а панове воеводы, намѣстники, становничые и никто съ слугъ и посланцовъ ихъ, до тыхъ людей на колегіумъ наданныхъ ни во што ся вступовать не мають и не будутъ мочи: одно ихъ економъ або справца тые повинности вышей описанные выбирать и отдавати маеть, кому что належитъ. А то все заховатися маеть до иного постановленья и ордынацыи нашей господарской. И на то дали есмы отцомъ езуитомъ колегіумъ Полоцкого сесь привилей нашъ, съ подписомъ руки нашей господарской, до которого и печать нашу великого князства Литовского привѣсити есмы рассказали. Писанъ у Вильни, року отъ нароженья Сына Божьего 1584, мѣсяца Апрѣля 11 дня. — Подпись руки господарской. — «Миколай Ясенскій, писаръ».

Изъ Литовской Метрики (Судн. дѣлъ кн. LXI, л. 174—176), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено ея содержаніе: Привилей отцомъ езуитомъ колегіумъ Полоцкого, на отпушенье и дарованье имъ бобровщины и иныхъ всякихъ платовъ съ людей духовныхъ, на тотъ колегіумъ фундованныхъ, которые они передъ тымъ до скарбу и на воеводъ Полоцкихъ давати были повинны.

144. — 1584 Мая 27. Жалованная грамота Виленскимъ бургомистрамъ, радцамъ и лавникамъ, православной вѣры, о предоставленіи въ вѣднѣе и управленіе ихъ

тамошняго Троицкаго монастыря, со всеми принадлежащими къ нему отчинами, угодьями и доходами, по кончинѣ Кіевского Митрополита Описифора Дѣвочки.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Седмигородское и иныхъ. Чинимъ явно симъ нашимъ листомъ всемъ вобще и каждому зособно, нынѣшнимъ и напотомъ будущимъ, ижъ што который монастырь Рускій святыя Троицы въ мѣстѣ нашемъ Виленскомъ съ лавныхъ часовъ бывалъ въ подаванью нашимъ господарскомъ и продковъ нашихъ, ихъ милости королей Польскихъ и великихъ князей Литовскихъ славной памяти, и теперь въ подаванью нашимъ же есть; который въ ласки наше господарской держитъ на себе митрополитъ Кіевскій и Галицкій и всея Руси Описифоръ Дѣвочка, до живота своего, водѣ листу нашего отъ насъ ему на то даного, со всеми пожытками и доходами того монастыря, съ дворами и съ людьми тыхъ дворцовъ на него прислухающими: ино били намъ чоломъ бурмистры, радцы и лавники мѣста нашего Виленского, стороны закону Греческого, и повѣдали передъ нами, ижъ для нечастого быванья до Вильни и отлеглости митрополитовы (какъ же и за держанья продковъ его было), тотъ монастырь до великого знищенья пришолъ, и яко будованьемъ не по малу се показилъ, такъ и въ иныхъ справахъ оного монастыря порядку некоторого нѣтъ. За чимъ бачучи они зубоженье оного монастыря, и постергаючи того, абы еще до большоѣ шкоды и знищенья тотъ монастырь не пришолъ, а хотячи будованье опалое въ томъ монастыри направили, — просили насъ, абымо въ ласки наше господарской, тотъ монастырь мурованый святыя Троицы, въ мѣстѣ нашемъ Виленскомъ лежащій, съ дворцами монастырскими, съ винтиниками и корыстями и со всеми кгрунтами, съ бояры и съ людьми до тыхъ

дворцовъ прислухающими, и съ людьми въ мѣстѣ Виленскомъ на земли монастырской мѣшкающими, по животъ теперешнего митрополита Описифора Дѣвочки, имъ дали и листомъ привилеємъ нашимъ то имъ утвердили. О чомъ же и некоторые панове рады наши ихъ милость, у причинъ за ними, насъ господаря ждали. А такъ мы господаря на причину пановъ радъ нашихъ и на чоломбитье ихъ то учинили, и оный монастырь Рускій святыя Троицы, мурованый, въ мѣстѣ Виленскомъ, бурмистромъ, радцамъ и лавникомъ, вряду нашему мѣстскому, сторонѣ закону Греческого дали и симъ листомъ нашимъ даемъ, имъ самымъ и потомкомъ ихъ (которые по зействію ихъ съ сего свѣта, на тыхъ же мѣстцахъ врядовыхъ свѣдѣти и справовати будутъ), со всемъ тымъ яко те митрополитъ теперешній держитъ. Мнють они тотъ монастырь въ мощи, владности и въ подаванью своемъ мѣсти и его держати, и имъ справовати, и всякіе доходы и пожытки съ того монастыря и съ дворцовъ и съ людей тыхъ дворцовъ монастырскихъ и въ мѣстѣ Виленскомъ мѣшкающихъ до рукъ своихъ отбирати; и то все на потребности церковныя монастырскіе, и на образъ и будованье тогожъ монастыря, и на выживанье архимандрита, поповъ и чернцовъ, и убогихъ черницъ, и слугъ церковныхъ при томъ монастыри мѣшкающихъ, и на сбудованье школъ, и на выхованье людей въ писмѣхъ умѣлыхъ, для науки дѣтей народу закону Греческого, которые вси люди въ томъ монастыри и при монастыри мѣшкати будутъ, и на всехъ иныхъ людей, которые до того монастыря Троецкого на мѣшканье, абы на службу приходити будутъ, подаемъ и поручаемъ въ мощи и при судѣ, въ розказованье и оборону тымъже-то бурмистромъ, радцамъ и лавникомъ мѣста нашего Виленского, сторонѣ закону Греческого, имъ самимъ и потомству ихъ, на вѣчные часы, по всемъ, такъ яко те передъ тымъ, за подаваньемъ продковъ нашихъ, королей и вели-

кихъ князей ихъ милости, заховано было, и яко теперь обычай того есть, и тежъ по тому яко у кляшторѣхъ тогожъ мѣста нашего Виленского закону и набоженства Римского заховывается. И вже отъ того часу, то-есть, скоро по зействію съ сего свѣта митрополита теперешнего Описифора Дѣвочки, мають вышейречоныя бурмистры, радцы и лавники мѣста нашего Виленского, зъ стороны закону Греческого, до того монастыря Троецкого Виленского, сами межю собою, абы откуды-кольвекъ зъ иныхъ сторонъ, людей добрыхъ, побожныхъ, годныхъ и въ писмѣхъ ученыхъ завжды на архимандритство обирати и назначати; а митрополитъ каждый такового-же станъ духовный на архимандритство благословляти и совершати маеть, за писаньемъ и листомъ ихъ, кого они на то годного обравши до него посылати будутъ. Которому архимандриту, отъ вряду мѣстского Виленского закону Греческого обраному, кгда вже въ станъ духовный совершитъ ся, мають быти все скарбы и статки церковныя и монастырскіе, списанные на реистру, за порукою людей добрыхъ и тамъ же осѣлыхъ, на руки его поданы и оказаны (такъ, яко иные перья въ томъ же мѣстѣ нашемъ Виленскомъ попомъ Рускимъ подають и ихъ до церквей обирають); который того тежъ съ пильностью постерегати маеть, ижъ што — кольвекъ скарбовъ церковныхъ теперь водѣ реистру при той церкви захованыя есть, и еще што напотомъ прибавати будетъ, абы то все при той церкви до жой и при монастыру въ цѣлости бымо заховано и на потомныя часы заставляло. А архимандрыты не мають тыми скарбами и статками церковными и монастырскими, на реистре списанными и оказанными, абы по своему и шафовати безъ вѣдомости тыхъ, которые на мѣстѣхъ нашихъ мѣстскихъ, вышейречоныя бурмистровъ, радцовъ и лавниковъ мѣста Виленского, закону Греческого, абы безъ тыхъ

№ 145. справцовъ, кому то отъ нихъ въ дозрѣнье и въ опеку поручено будетъ. И маюте тежъ они завжды обирати одного або двухъ людей, добрыхъ, вѣры годныхъ, сами межи сѣбою, альбо съ поспольства мѣщанъ Виленскихъ закону Руского, которые всихъ справъ, порядковъ и доходовъ монастырскихъ съ пильностью смотрѣти и доглядати, а имъ яко старшимъ своимъ, на каждый годъ, со всего справованья своего личбу и рахунокъ чинити маюте. А архимандриту, и повомъ, и всимъ инымъ слугамъ церковнымъ и монастырскимъ, водлѣ потребы альбо заслуги и пильности ихъ, платъ урочистый, або такий яко умову съ ними учинятъ, съ тыхъ же доходовъ монастырскихъ и дворцовыхъ платити и давати маюте. И вже скоро по животѣ теперешнего литрополита Онисифора Дѣвочки, вземши они дворянина нашего, за сѣмъ листомъ и привилеємъ нашимъ имъ на то теперь данымъ, тотъ монастырь Троецкій, Виленскій, со всимъ на все, и съ тыми дворцами, и съ бояры и съ людьми къ тымъ дворцомъ и къ монастырю прислухающими, въ моцъ и справу и владность, въ оборону и присудъ свой взяти и имъ справовати маюте, на вѣчные часы. А мы господарь сами и потомки наши отъ тыхъ подданныхъ нашихъ, бурмистровъ, радець и лавниковъ мѣста Виленского, закону Греческого, и отъ потомковъ ихъ того монастыря Троецкого, тежъ дворцовъ, бояръ и людей до тыхъ дворцовъ прислухающихъ, такожъ людей монастырскихъ, въ мѣстѣ Виленскомъ мѣщкающихъ, зъ моцы и владности, зъ обороны и подаванья ихъ брати и отдавати не маемъ и не будемъ атакже, вѣчными часы. И на то дали есмы вряду мѣстскому Виленскому, сторонъ закону Греческого Руси, сѣе нашъ привилей, съ подписомъ руки нашего господарской, до которого и печать нашу приѣхати есмы велѣли. Писанъ у Городнѣ, лѣта Божьяго рожденья 1584, мѣсяца Мая 27 дня. — Улѣго привилея подвистъ руки и печать его королев-

ской милости привѣсистая. Справа цисаря е. к. м. пана Венцлава Акгрипы.

Выписана изъ жалованной подтвердительной грамоты короля Сигизмунда III-го, данной Виленскимъ православнымъ гражданамъ, 1588 г. Января 29, находящейся въ Литовской Метрицѣ (Запис. кн. LXXIII, л. 224 и слѣд.), въ С. Петербургскомъ Сенатскомъ архивѣ.

145. — 1585. Февраля 1. Охранная королевская грамота Могилевскимъ торговымъ людямъ, о несужденіи ихъ ни въ какихъ судебныхъ мѣстахъ, но исключительно въ мѣстномъ Могилевскомъ судѣ, по Праву Магдебургскому.

Стефанъ, Божьею милостью король Польскій и великій князь Литовскій и пр., княземъ, паномъ воеводамъ, каштеляномъ, маршалкомъ, старостамъ, державцомъ, воегидиямъ и панямъ вдовамъ, вриадникомъ земскимъ и дворнымъ, земляномъ, дворяномъ нашимъ и всей шляхты обывателемъ панства нашего великого князства Литовского, такъ духовнымъ яко и свѣтскимъ. Жаловали намъ подданные наши, мѣщане купцы мѣста Могилевского, ижъ дей вѣдяти имъ на многіе мѣста въ панствахъ нашихъ, въ корунѣ Польской и у великомъ князствѣ Литовскомъ, на ярморки звыклые по купецтвахъ своихъ; то пакъ дей нѣкоторые люде оныхъ подданныхъ нашихъ гдѣ-кольвекъ настигнувши, до права имъ принадлежного притягають и, грабежи имъ чинячи, товары ихъ забирають: за чимъ ся они такового гамованья и грабежовъ выстерегаючи, съ купецтвы своими вѣдяти не смѣють, а въ томъ ся дей скарбу нашему господарскому въ мытахъ такъ старыхъ яко и новоподвизныхъ великая шкода дѣеть. Про то хотимъ мыти и приназвумъ вамъ, абы есте тыхъ подданныхъ нашихъ, мѣщанъ мѣста Могилевского, которые бы зъ сего листа нашего, кромѣ подъ печатью тогожъ мѣста Могилевского вамъ показали, такового-каждого о некоторую рѣчь не

судячи, до права Магдебурского имъ принадлежного, то есть, до уряду мѣстского Могилевского отсылали, подъ зарукою на насъ господаря, пятьма сты копами грошей, выимуючи только тыхъ съ того, которые бы ся кому листами своими описали, на которомъ — кольвекъ вриадъ усправедливити конечно. Писанъ у Варшавѣ, лѣта отъ рожденья Сына Божьего 1585, мѣсяца Февраля 1 дня. — Stephanus rex. «Левъ Сапега, подканцлерый вел. княз. Литовского».

Изъ Сборника грамотъ жалованныхъ городу Могилеву (рукоп. въ л., XVI и XVII в.), хранящагося въ библиотекѣ Могилевской Семинаріи. Привилея сія подтверждена королемъ Сигизмундомъ III, 1615 г. Июня 14, въ Краковѣ. См. рукоп. Бѣлор. Арх. др. грамотъ II, 189, принадлежащую Археографической Комиссіи.

146. — 1585. Февраля 14. Послание Галицко-Русскихъ православныхъ дворянъ Кіевскому митрополиту Онисифору, съ убѣжденіемъ его принять дѣятельныя мѣры къ прекращенію возникшихъ въ Іерархіи безпорядковъ и къ защитѣ единовѣрцевъ своихъ отъ преслѣдованій Католиковъ, Езуитовъ и Жидовъ.

Въ Бозѣ велеблѣй господине, отче архіепископе, святей митрополите Кіевскій, Галицкій и всея Руси, господине и пастыру нашъ! Великому несчастію своему причитати мусимъ, мо за вашего пастырства, вси велицѣ утиснены, плачемъ и скитаемъ, яко овцы пастыря неимущіе: ачъ вашу милость старшого своего маемъ, але в. м. подвизатися и працы чинити, словесныхъ овецъ отъ волковъ губящихъ боронити, и ни троха ни въ чомъ святому благочестію ратунку додати не рачишь, яко въ тыхъ великихъ намъ подѣланныхъ кривдахъ, о которыхъ есмы се — здѣ до Варшавы зѣхалися на сеймъ валный, сподѣваючися вси, водлугъ обѣтницы вашея милости, ижъ быхмо сполечно съ вашею милостью, яко съ

пастыремъ своимъ, господарю королю чоломъ били, а правъ и вольностей закону нашего Греческого и церквей Божіихъ перестерегали. Ино ваша милость будучи въ повинности той, не рачишь въ таковыхъ великихъ и кгвалтовныхъ кривдахъ дбалымъ и потужнымъ быти, што ижъ такихъ бѣлъ первый николи не бывало и вже большіе быти не могутъ, яко тые: за пастырства вашей милости, досыть всего злого въ законѣ нашемъ сталося, яко згвалченья святостей, святыхъ Таинъ замыканья, запечатованья церквей святыхъ, заказанье звоненья, также вывоженья отъ престола съ церквей Божіихъ поповъ, яко нѣкакихъ злочинцовъ шарпаючи, въ спросныхъ везеньяхъ ихъ сажаячи, и мирскимъ людемъ въ церквахъ Божіихъ молбѣ забороняючи и выгоняючи: што ся таковыя кгвалты не дѣють и подѣ поганьскими царями, яко ся то все дѣеть въ пастырствѣ вашей милости. А што еще, къ тому, порубанья крестовъ святыхъ, побранья звоновъ до замку и кгволи жидомъ? и еще ваша милость и листы свои отвореные, противку церкви Божьей, жидомъ на помощь даешъ, къ потѣсь имъ, а къ большому оболженью закону нашего святого и къ жалю нашему. Къ тому еще якія дѣются спустошенья церквей! и зъ церквей костелы езуитскіе, и имѣнья, што бывали на церкви Божіи наданы, теперь къ костеламъ привернены, и иныя многія нестроения великія. Въ монастырехъ честныхъ, вмѣсто игуменовъ и брати, игумены съ жонами и съ дѣтьми живутъ, и церквами святыми владають и радятъ; съ крестовъ великихъ малые чинятъ, и съ того што было Богу къ чти и къ хвалѣ подано, съ того святотрадыство учинено, и собѣ поясы, и ложки, и сосуды злочестивые къ своимъ похотямъ направляютъ, и зъ ризъ саяны, съ петрахиловъ брамы. А што еще горшого, ваша милость рачишь поставляти, самъ одинъ, епископы безъ свидѣтелей и безъ насъ брати своея, чого вашей милости и правила забороняють; и за такимъ

№ 146. аквапнымъ вашей милости совершеиѣмъ, негодные ся въ такіи великій станъ епископскій совершаютъ и, къ поруганью закону святого, на столицы епископѣй съ жонами своими кромѣ всякого встыду живутъ и дѣтки плодятъ. И иныхъ, и иныхъ, и иныхъ бѣдъ великихъ и нестроения множество! чого, за жалемъ нашимъ, на тотъ часъ такъ много писати не можемъ. Наставилося епископовъ много, на одну столицу по два: за тымъ и порядокъ згибъ. Мы съ повинности своею вашу милость перестерегаемъ, молимъ и просимъ: Бога ради обачъ ся ваша милость, вспомяни ваша милость на святыя продки свои архіепископы Кіевскіе, и возревнуй благочестію ихъ; не опускай ся ваша милость и насъ . . . и не прогнѣвайся на насъ: бо мы мусимъ зъ жалю, видѣчи, якія нестроения . . . къ вашей милости . . . перестерегати; бо есмо братья вашей милости. Жаль намъ души и сумнѣнья вашей милости: за все . . . отвѣтъ . . . Господу Богу маешь воздати. А особно даемо вашей милости вѣдати, ижъ архіепископія Кіевская, на тотъ часъ подвластною вашей милости будучая, нѣякому еретикови жолнерови есть отдана, и архимандрія Уныевская такому жъ есть обѣдана. А первѣй сего, епископія Премысльская нѣякому тивунову Брылинскому Стефану, подданому пана старосты Премысльского, отдана: которое епископство и привилія манастира Святого Спаса въ Горахъ (о которомъ ваша милость вѣдомъ быти рачишь) взявши панъ староста въ мощь свою, имѣньями церковными такъ шафуетъ яко ему угодно; а тотъ негодный нареченный епископъ противъ одного, яко подданный противко пана своего, мовити не смѣетъ и мочи не будетъ, за чимъ великій упадокъ церкви Божой дѣється. Про то, милостивый пане, для Бога, для Бога просимо и упоминаемъ: постерегай ваша милость святого благочестія, яко есть ваша милость повиненъ, ижбы, надъ правила

святыхъ Апостолъ и богоносныхъ святыхъ Отецъ, ничего ся не выйрачало, и абы чрезъ справу людей негодныхъ церковь Божья въ общицѣю не упала. А ижъ тотъ тивунъ, яко человекъ слова Божьего неучоный, и для иныхъ причинъ тотъ епископъ есть негодный: чого мы яко есмо добры свѣдомы, пильнѣ просимъ и даемо о немъ свѣдѣцтво, же есть негоденъ епископомъ быти, абы ваша милость одного на станъ епископскій посвящати не рачилъ, до другого сойму, на которомъ ихъ милость панове шляхта, обыватели земли Премысльской и Самборской, негодности того тивуна передъ его королевскою милостью и ихъ милостью паны радою покажутъ. А хотяжъ бы, милостивый пане, ваша милость за онымъ негодно нареченымъ епископомъ листы его королевской милости и ихъ милостей пановъ радъ причинные до себе мѣлъ, того ваша милость чинити не рачъ: кгдажъ тотъ Брылинскій на сеймъ теперешній отъ ихъ милости пановъ шляхты о негодность его будучи позванъ, на первый позовъ зданъ есть и не сталъ; которого зданья минути и копѣю съ позву (*) до вашей милости посылаемъ. А што ваша милость рачилъ артыкулы прислати, абы господарю королю чоломъ бити и то все одержати; тогды такъ великіе справы безъ бытности вашей милости справитися не могли: што-то было въ подивенію и ихъ милостямъ паномъ сенаторомъ, которымъ есмо тые артыкулы показовали, ижъ ваша милость самъ не рачилъ быти на томъ соймѣ. Вѣдѣже старанье есмо чинили со всимъ услованьемъ, и пильность великую пріймучи, досады и поношенія. А съ тымъ ся вашей милости молитвамъ и благословенію поручаемъ. Писанъ у Варшавѣ, въ недѣлю мясопустную, лѣта отъ нароженья Сына Божьего 1585.

Современный списокъ писанъ сплошною скорописью, безъ знаковъ препинанія. Подписей нѣтъ. На оборотѣ означено водерганіе акта по Пол-

(*) Въ архивѣ сихъ актовъ не найдено.

ски, съ именемъ Кіевского митрополита Онисифора. Ветхъ.

Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

147. — 1585 Февраля 15. Мировая записъ Львовскаго епископа Гедеопа и тамошняго католическаго архіепископа Яна — Димитрія Соликовскаго, изъ коихъ первый обязывается прекратить судебный искъ свой, по поводу насильственного запечатанія въ Львовѣ монастырскихъ и приходскихъ церквей, а другой обѣщаетъ впредъ не присвоивать себѣ никакой власти надъ православыиъ духовенствомъ и народомъ.

Дѣялося на замку короля е. м. Варшавскомъ, въ субботу, въ видію свята святаго Матѣея Апостола, року Божьего 1585. Судъ нынѣшній, на жаданье набожнаго Гедеопа Болобана, владыки Галицкаго, Львовскаго и Каменецкаго, нижеописаную интерцязу, руками найвелебнѣйшого Яна — Димитрія Суликовскаго, архіепископа Львовскаго, Станислава Жолковскаго, воеводы Белзскаго и иныхъ подписаную и печатями утвержоную, до книгъ теперешнихъ вписати казалъ, въ тые слова:

«Сталася угода и певное постановленье, между его милостью ксѣнзомъ Яномъ Димитріемъ Соликовскимъ, зъ ласки Божой архіепископомъ Львовскимъ зъ одной стороны, а между велебнымъ отцомъ Гедеономъ Болобаномъ, епископомъ Галицкимъ, Львовскимъ и Каменецкимъ зъ другой стороны, черезъ ясновельможные паны, пана Остаѣя Воловича, каштеляна Виленскаго, канцлера найвынѣйшого великаго княжества Литовскаго, а его милость пана Костянтина князя Острозскаго, воеводу Кіевскаго, маршалка земли Волынской, а пана Станислава Жолковскаго, воеводу Белзскаго, а пана Яна Глѣбовича на Дубровнѣ, каштеляна Менскаго, подскарбьего земскаго великаго княжества Литовскаго, старосту Унитскаго, таковымъ способомъ: ижъ што некая розрухъ

и забороненье святити святъ сталося было отъ его милости ксѣнза архіепископа Львовскаго и капитулы его милости, которые хотѣли, абы ведлъ нового календару свята были отъ людѣй вѣры Греческой свячены, и съ того запечатыванье церквей и иншіе розрухи сталися были; ино, ижъ то зъ некаго припадку, большъ нижили съ хоти было учинено, обачили: про то тые таковыя заистья и забуренья на обѣ стороны уморили и уморають ихъ заразы, вѣчными часы; а вси протестацыи, зъ обохъ сторонъ въ тыхъ розницахъ учинены касуючи, впередъ такъ собѣ на обѣ стороны варають, ижъ напотомъ, николи, жадной прешкоды и пренагабнѣя, такъ въ обхоженію святъ, яко въ уживанію набоженства и церемоній и звоненія, а ни въ жадныхъ звѣрхностяхъ и въ пожиткахъ быти не маеть, до згоды патриарховъ закону Греческому зъ отцомъ папѣжомъ Римскимъ; але во всемъ набоженствѣ и справахъ церемоній своихъ обѣ — двѣ стороны уживати мають ведлъ стародавнаго звычаю. Што собѣ замоцно держати обѣдавши, для вѣры и певности, тую интерцязу руками своими, такъ стороны яко и едначи подписавши, печатями припечатовали. Данъ у Варшавѣ, 15 дня Февраля, року Божьего 1585». — А у того листу печатей шесть, яко сторонъ такъ и одначей: напервѣй, печать ксѣнза архіепископа Львовскаго и подпись руки его; другая пана Виленскаго печать и подпись руки; третья князя воеводы Кіевскаго печать и подпись руки; четвертая печать пана воеводы Белзскаго и подпись руки; пятая печать пана Менскаго и подпись руки; шостая печать Львовскаго епископа и подпись руки: «А се азъ Гедeonъ, Львовскій епископъ, даю сесь листъ перепись тотъ угоды и постановленія, подъ печатью моею и съ подписомъ властнѣй руки моею.»

Современный списокъ, писанный сплошною скорописью, безъ знаковъ препинанія, ветхій, хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

№ 148 — 149 Другой список акта сего, заимствованный для Археографической Комиссии корреспондентом г. Зубрыцким из архива Львовского Униянского капитула, импѣтъ въ заглавіи слѣдующую отмытку: Выписъ застановленья, межи ихъ милостью ксезомъ арцибискупомъ а отцемъ владыкою Львовскимъ учиненого. Въ концѣ его подписано: Янъ Згорецкій, подстароста Варшавскій. Печать небольшая, подъ кустодією.

148. — 1585 Февраля 20. Жалованная грамота новоустроенному городу Корсуню Черкасскому, на гербъ, съ изображеніемъ въ немъ лука съ натянутою стрѣлою, и съ подтвержденіемъ жителямъ его пользоваться Магдебургскимъ Правомъ.

Стефанъ, Божьею милостью король Польскій, великій князь Литовскій, Рускій, Прускій, Кіевскій, Волинскій, Подляшскій, Мазовецкій, Жомойтскій, Лифлянтскій, князя Семикгородское и иныхъ. Ознаймуемъ тымъ листомъ нашимъ всѣмъ воецѣ и каждому зособно, кому то вѣдать належитъ, нынѣшнимъ и напотомъ будущимъ, ижъ . . . для лѣпшой безпечности и пожитку панствъ нашихъ рѣчи посполитоѣ коронноѣ, мѣсто названное Корсунъ, которое въ земли Кіевской, въ староствѣ Черкаскомъ, ново на пустыни на шляхохъ Татарскихъ осѣдаетъ, хотячи на тамъ — той украинъ укрупитовать, уже есмо его особливимъ привилеємъ и листы нашими фундавали, право Нѣмецкое и певные вольности тамъ надали: то пакъ теперь есмы прошени отъ преречоныхъ подданныхъ нашихъ мѣщанъ того мѣста Корсуна, абыхмо тому мѣсту новозаложенному, прикладомъ иныхъ мѣстъ нашихъ, гербъ, то есть, лукъ жолтый натягнень и стрѣлу на тативъ наложеную, въ червономъ полю надали. А такъ мы бачачи быти въ томъ прозбу ихъ слущную, зъ ласки наше королевской и за причину певныхъ пановъ радъ нашихъ, того-то мѣшаного гербу оному мѣсту Корсуню и подданнымъ нашимъ мѣщаномъ

Корсунскимъ позволили, и тымъ листомъ нашимъ до того мѣста вѣчными часы надаемъ: который гербъ въ семъ листѣ нашомъ есть значнѣ выразонъ и вымалеванъ, якого уже отъ сего часу заразы преречоные мѣщане Корсунскіе, и по нихъ тамъ будучіе, на всѣ потомные вѣчные часы, такъ на печати до всякихъ справъ своихъ посполитыхъ и судовыхъ мѣстцкихъ, яко тежъ и на хоругвѣ мѣстцкой, уживати и съ того ся веселити мають, справуючися во всемъ водѣ фундушу вольностей имъ отъ насъ наданныхъ, безъ всякого уближенія права посполитого. А для лѣпшой вѣры и свѣдѣства, тотъ листъ рукою нашою королевскою подписавши, печать нашу коронную до него привѣсити есмо рассказали. Писанъ . . . , на соймѣ валномъ коронномъ, дня 20 мѣсяца Февраля, року отъ нароженія Іисусъ — Христова 1585, а королеванья нашего року девятого.

Подлинникъ писанъ на пергаменномъ листѣ, скорописью, съ точками, замѣняющими и другіе знаки препинанія. Внизу грамоты своеручная королевская подпись: Stephanus Rex. Скрѣплены нѣтъ. Пожалованный городу Корсуню гербъ нарисованъ на серединѣ листа. Привѣсистая печать оторвана. Вѣтъхъ.

Изъ архива Черниговскаго Губернскаго Правленія.

149. — 1585 Февраля 25. Окружная королевская грамота, о неприкосновенности святительскаго и духовнаго суда и церковнаго достоянія въ Русско-Литовской православной Иерархії, со стороны католическаго духовенства и сановниковъ свѣтскихъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, князя Семигродское и иныхъ, княземъ, паномъ воеводамъ, каштеляномъ, маршалкомъ, старостамъ, державцамъ, кнѣзьямъ, панямъ вдовамъ, урядникомъ земскимъ и дворнымъ и

ихъ намѣстникомъ, земяномъ и дворяномъ нашимъ и всей шляхтѣ, обывателемъ панства нашего великаго князства Литовскаго, такъ духовнаго яко и свѣтскаго стану, и тежъ войтомъ и бурмистромъ, радцамъ и лавникомъ въ мѣстѣхъ нашихъ господарскихъ, князьскихъ, паньскихъ и земянскихъ, духовныхъ и свѣтскихъ. Писалъ и присылалъ до насъ господаря митрополитъ Кіевскій, Галицкій и всея Руси Онисифоръ Дѣвочка, даючи намъ того справу, ижъ нѣкоторые зъ васъ, звлаща, урядники кгородскіе и намѣстники, въ мѣстѣхъ и по селахъ нашихъ господарскихъ, въ справы духовные ему и духовенству его належачыя вступуються, и жоны отъ мужовъ привлащаючи тымъ собѣ пожитокъ роспускають, въ чомъ се дей великое уближеніе праву его духовному дѣетъ; и просилъ насъ господаря митрополитъ помѣненный, абыхмо о томъ листъ нашъ до васъ писати велѣли, и въ справы вси его духовные, также и въ суды ему и духовенству его належачыя людемъ свѣтскимъ вступатися не допускали. — Ино, кгдажъ продки наши, королі ихъ милость Польскіе и великіе князи Литовскіе, митрополитомъ всякіе права ихъ духовные привилеями своими (*) умоцнити рачили, што и мы господарь листомъ нашимъ ему теперешнему митрополиту и напотомъ будущимъ подтвердили: про то хочемъ мѣти и приказуемъ вамъ, абы есте такъ духовные яко и свѣтскіе Римскаго закону, и тежъ всякаго стану и достоенствъ люди Греческой вѣры, въ доходы церковные и во вси справы и суды духовные, митрополиту и духовенству его протопопомъ належачыя не вступовалися, и роспусковъ мужомъ съ жонами не чинили (кгдажъ то не свѣтскому, але духовному суду належитъ), и постерегали бы есте того съ пильностью, яко бы се ниякое уближеніе праву его отъ васъ не дѣяло, и повторивъ бы о томъ намъ господарю докуки не чинилъ, конечно. Писанъ у Варша-

въ, лѣта Божьего нароженія 1500 — осмдесятъ Мѣ пятого, мѣсяца Февраля двадцать пятого дня. — Подпись руки господарской.

Изъ Литовской Метрики (Запис. кн. LXXIII, л. 15), хранящейся при Правительствующемъ Сенатѣ, въ С. Петербургѣ. Въ заглавіи грамоты отмычено: Листъ до всихъ воецѣ, абы въ справы духовные, отцу митрополиту и духовенству его належачыя не вступовалися. Вторично записана тамъ же, въ кн. LXXIV, л. 12.

150. — 1585 Февраля 25. Жалованная подтвердительная грамота Пинскому и Туровскому епископу Кириллу Терлецкому, объ освобожденіи церковныхъ отчинныхъ людей отъ дачи подводъ посламъ и гонцамъ, съ предоставленіемъ имъ права производить мѣстную торговлю безъ платежа пошлинъ.

Стефанъ, Божьею милостью король Польскій и великій князь Литовскій и проч., ознаймуемъ симъ нашимъ листомъ всѣмъ воецѣ и каждому зособно, кому бы того потреба была вѣдати, нынѣшнимъ и напотомъ будущимъ. Билъ намъ господарю чоломъ епископъ Пинскій и Туровскій отецъ Кирилъ Терлецкій, и покладъ передъ нами господаремъ привилей предка нашего, славной памяти короля его милости Жикгимонта, которымъ его королевская милость, водлугъ листу судового брата своего, короля его милости и великаго князя Александра, подданныхъ нашихъ парафи владычества Пинскаго вызволилъ отъ даванья подводъ подъ послы и гонцы наши господарскіе и тежъ подъ слуги старостинскіе, сухимъ путемъ и водою; также въ мѣстѣ Пинскомъ и иныхъ мѣстѣхъ людемъ торговымъ, къ владычеству Пинскому належачимъ, торгу вольного допустивши, отъ плаченья торгового и иныхъ всякихъ иматовъ на старость и на мѣсто вольными учинити рачилъ вѣчными часы; и просилъ насъ господаря епископъ Пинъ-

(*) Въ др. сп. прибавл. «вѣчнѣ».

№ 150. ский Кириль, абыхмо тотъ привилей предка нашего при моцы оставивши, листомъ нашимъ то ему утвердили: который же тотъ привилей предка нашего, слово отъ слова, такъ се въ собѣ маеть: «Жикгимонтъ, Божьею милостью король Польскій, великій князь Литовскій, Рускій, Прускій, Жомойтскій и иныхъ, чинимъ знаменито симъ нашимъ листомъ, хто на него посмотреть, або чтучи его услышитъ, нынѣшнимъ и напотомъ будучимъ, кому будетъ того потреба вѣдати. Билъ намъ чоломъ владыка Туровскій и Пинскій Юна и повѣдилъ передъ нами, штожъ братъ нашъ славной памяти Александръ король его милость и великій князь судилъ предка его, владыку Туровского и Пиньского Васяна съ княземъ Иваномъ Ерославовичомъ и съ княземъ Оедоромъ Ивановичомъ Ерославовича, ижъ они почали были церкви Божьей кривды чинити и новины вводити: у людей его подводы бирали, и самыхъ людей въ проводники давали подѣ пословъ и подѣ гонцовъ его королевской милости и тежъ подѣ своихъ слугъ, коли до его милости шлючи, або индѣ гдѣ; а къ тому людемъ его, тымъ которые се торгомъ обыходятъ, по своимъ мѣстамъ торговати не давали, а того здавна не бывало; и въ томъ его милость владыку правого знашолъ, и у тыхъ людей его подѣ пословъ и гонцовъ его милости, сухимъ путемъ и водою, и подѣ слугъ княжихъ подводъ брати не велѣлъ; и тымъ людемъ его, которые се торгомъ обыходятъ, по своимъ мѣстамъ тымъ торгомъ ихъ торговати забороняти не казалъ: на штожъ его милость и листъ свой судовой ему далъ. Который жъ листъ его милости онъ передъ нами вказывалъ и билъ намъ чоломъ, ижъ быхмо и мы ему на то дали нашъ листъ, и то подтвердили церкви Божьей нашимъ листомъ на вѣчность. Также и панъ Виленскій, гетманъ нашъ навѣшій, староста Лудкій, Браславскій и Виницкій, маршалокъ Волинское земли, князь Костянтинъ Ивановичъ Острозскій о

томъ насъ за нимъ ждалъ. Ино мы вглянувши въ листъ судовой брата нашего Александра короля его милости, на жданье князя Костянтина его милости, зъ особинное ласки наше господарской, на чоломбитѣ владычино то есмы учинили и на то дали есмы ему сесъ нашъ листъ, и подтверждаемъ то церкви Божьей тымъ — то нашимъ листомъ вѣчно и на вѣки непорушно: вже тые люди церковные подѣ пословъ и подѣ гонцовъ нашихъ и подѣ княжихъ слугъ, сухимъ путемъ и водою, подводъ давати не мають; а тые люди, которые ся торгомъ обыходятъ въ мѣстѣ Пиньскомъ и по иныхъ мѣстѣхъ въ его парафіи, мають тамъ добровольнѣ торговати, и некоторыхъ платовъ на князя и на мѣсто давати не мають: нижи, коли мы господаръ которые платы положимъ на мѣсто для потребы наше земскоѣ, ино они тые платы на насъ посполъ зъ мѣстомъ мають давати, подѣ того листу судового брата нашего, Александра короля и великого князя его милости. И на твердость того печать нашу казали есмы привѣсити къ сему нашему листу. При томъ были: князь Янъ, бискупъ Виленскій; князь Павелъ, бискупъ Лудскій и Берестейскій; панъ Виленскій, гетманъ нашъ навѣшій, староста Лудскій, Браславскій и Виницкій, маршалокъ Волинское земли, князь Костянтинъ Ивановичъ Острозскій; воевода Троцкій, держазца Мозырскій панъ Олбрахтъ Мартиновичъ Кгаштолтъ; староста Жомойтскій панъ Станиславъ Яновичъ; маршалокъ земскій, староста Дорогицкій и Слонимскій панъ Янъ Николаевичъ Радивиловича, и иные панове рады. Писано на вальномъ соймѣ у Городнѣ, лѣта Божьего нароченья тысяча пять сотъ двадцать второго, мѣсяца Февраля двадцатого дня, индикта десятого». — У того привилею на паркгаинѣ писаного печать привѣсистая и подпись руки властновъ короля его милости Жикгимонта Латинскимъ писмомъ, тыми словы: Sigismundus Rex, и къ тому подпись руки

писарской по Руску: «Богущъ, маршалокъ и писаръ».

А такъ мы господаръ того привилею продка нашего, короля его милости Жикгимонта передъ нами господаремъ покладаного и въ сесъ нашъ листъ вписаного оглѣдавши, и то все што въ немъ есть описано къ вѣдомости нашей припустивши, и видѣчи его быти слышный и ни въ чомъ не нарушоны, во всемъ его при моцы заставляемъ и симъ листомъ привилемъ нашимъ на вѣчность подтверждаемъ. Мають вси подданные владычества Пиньского отъ даванья подводъ подѣ послы и подѣ гонцы наши господарскіе и тежъ подѣ слуги князьскіе, паньскіе и старостиньскіе вольными быти; также мѣщане Пиньскіе, владычеству Пиньскому належачые, которые въ томъ мѣстѣ Пиньскомъ и въ иныхъ мѣстѣхъ торгомъ ся бавятъ, мають добровольнѣ торговати, а отъ того на старосту и на мѣщанъ Пиньскихъ торгового и ниякихъ платовъ давати повинны не будутъ, и отъ того вольными быти мають вѣчными часы. На што и сесъ листъ, съ подписомъ руки наше господарской и подѣ печатью нашею привѣсистую, епископу Пиньскому и Туровскому Кирилу Терлецкому выдати есмы велѣли. Писанъ у Варшавѣ, на соймѣ вальномъ, лѣта Божьего нароченья 1585, мѣсяца Февраля 25 дня. — «Левъ Сапѣга, подканцлерый великого князства Литовского».

Изъ Литовской Метрики (Запис. кв. LXXIII, л. 9—11), хранящейся при Правительствующемъ Сенатѣ, въ С. Петербургѣ. Въ заглавіи грамоты отпеченъ: Потверженіе привилею короля е. м. Жикгимонта владыцѣ Пиньскому отцу Кирилу Терлецкому, на нѣкоторые вольности мѣщаномъ и подданнымъ до владычества его належачимъ.

151. — 1585 Марта 3. Наказная королевская грамота Могилевскимъ мѣ-

щанамъ, о надзорѣ за городскими укрѣпленіями.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, княжа Седмигородское и иныхъ. Ознаймуемъ симъ листомъ нашимъ, ижъ што первѣй сего мѣщане мѣста нашего Могилевского повинны были на замокъ Могилевскій пята человекъ пушкаркомъ въ каждый годъ юргелту певного, на каждую особу по дванадцати копѣ грошей давати; а такъ теперь мѣщане Могилевскіе били намъ чоломъ и повѣдали передъ нами, ижъ дей парканъ, который около мѣста Могилевского отъ нихъ ново есть забудованъ, некоторого опатренья на собѣ не маеть, зачимъ дей подѣ часомъ непокою отъ непріятеля, великое небезпеченство мѣсту Могилевскому бываетъ; и просили насъ господаря, абы есмы тую повинность съ нихъ знесши, оные пѣнези на оборону мѣстскую обернути казали. Ино мы видѣчи въ томъ прозбу ихъ слышную быти, и забѣгаючи тому, абы тое мѣсто наше, часу непокою отъ непріятеля, въ оборонѣ было, вызволили есмы и симъ листомъ нашимъ отъ того даванья пѣнезей пушкаркомъ замковымъ вызволяемъ ихъ вѣчными часы; а вмѣсто того, мають и повинны будутъ оные мѣщане Могилевскіе, за тые пѣнези што пушкаркомъ замковымъ давали, на парканъ мѣстскомъ пушкаровъ ховати, и стрѣлою водлугъ потребы тотъ парканъ около мѣста опатровати такъ, якобы часу небезпеченства отъ непріятеля, съ того паркану мѣсто добрѣ варовано было. И на то есмы мѣщаномъ Могилевскимъ сесъ нашъ листъ, съ подписомъ руки наше господарской и зъ нашею печатью дали. Писанъ у Варшавѣ, лѣта отъ нароченья Сына Божьего 1585, мѣсяца Марца 3 дня. — Stephanus Rex. «Левъ Сапѣга, подканцлерый вел. княж. Литовского».

Изъ Сборника грамотъ жалованныхъ городу Могилеву (рукоп. въ л. XVI и XVII вѣка), хра-

№ 152 *находясь в библиотеке Могилевской Семинарии.*
— 153. См. Бѣлор. Арх. др. грамотъ, I, 41.

152. — 1585 Марта 5. Грамота королевская Полоцкому архіепископу Теофану, *объ изыятіи изъ вѣдомства его Могилевской Спасской церкви и порученіи оной въ вѣдѣніе тамошнимъ городскимъ сановникамъ и гражданами.*

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, князя Седмикгородское и иныхъ, владыцъ Полоцкому, Витебскому и Мстиславскому Теофану Богдану. Дали намъ того справу бурмистры, радцы, лавники и все посольство поданные наши мѣста Могилевского, о томъ, штожь дей церковь заложенія святого Спаса въ томъ мѣстѣ Могилевскомъ, которая дей есть ихъ властнымъ накладомъ збудована и въ ихъ моцы и подаванью передъ тымъ дей завжды бывала, теперь за держанія твоего вельми опала, съ тыхъ причинъ, ижь дей ты самъ въ Могилевъ николи не бываешь; а арендаръ твой, которому еси пожитки свои съ той церкви приходячіе арендовалъ, оноу не оправуетъ, только пожитковъ своихъ, а не хвалы Божой стережетъ: для чого межи людьми частые и неслучные разводы дѣются, што есть противъ Богу и приказанью его святому. А такъ хотимъ мѣти, ижьбы еси той церкви заложенія святого Спаса мѣщаномъ Могилевскимъ уступилъ, абы ее они оправивши въ моцы и подаванью своемъ мѣли; а ты, предься, яко старшій и духовный, того постережи, яко бы тые своевольства и разводы межи подданными нашими въ стада малженскомъ устали: кгдажь то твоему владу належитъ. Писанъ у Варшавѣ, лѣта отъ нароженія Сына Божьего тысяча пять сотъ осмдесятъ пятого, мѣсяца Марца пятого дня. — Подпись руки господарской. «Левъ Санѣга, подканцлерый великого князства Литовского.»

Изъ Литовской Метрики (Запис. кн. LXXIII, л. 29 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ мѣщаномъ Могилевскимъ до владыки Полоцкого, абы имъ церковь въ мѣстѣ Могилевскомъ уступилъ, которая передъ тымъ въ подаванью ихъ была. Подтверждена королевемъ Сигизмундомъ III, 1588 г. Юня 14, въ Краковѣ. См. Бѣлор. Арх. др. грамотъ, I, 57.

153. — 1585 Марта 5. Грамота королевская Могилевскимъ мѣщанамъ, *о запрещеніи Евреевъ селиться въ Могилевъ.*

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Инфлянтскій, князя Седмикгородское и иныхъ, ознаимемъ симъ листомъ нашимъ всимъ, кому то вѣдати належитъ. Били намъ чоломъ бурмистры, радцы, лавники и все посольство мѣщане мѣста нашего Могилевского, абыхмо въ томъ мѣстѣ Могилевскомъ жидомъ домами селиться не допустили, даючи того причину, ижь отъ нихъ никоторого бы пожитку и порядку въ мѣстѣ томъ быти не могло, а имъ бы ся великая переказа въ гандляхъ и торговляхъ ихъ отъ нихъ дѣяла. Мы господарь на чоломбитье ихъ чинячи, симъ листомъ нашимъ варуемъ, ижь вже въ томъ мѣстѣ Могилевскомъ мы и державцы наши Могилевскіе жидомъ никотороу ослости давати не будемъ, и они самитамъ ослостей жадныхъ набывати не могутъ; а естли бы они якіе ослости набыли, о то будучи до владу замкового припозваны, пустити ихъ до мѣста Могилевского будутъ повинны. И на то дали есмы подданнымъ нашимъ мѣщаномъ Могилевскимъ сесь нашъ листъ, съ подписомъ руки нашею и съ нашою печатью. Писанъ у Варшавѣ, лѣта отъ нароженія Сына Божьего 1500 — осмдесятъ пятого, мѣсяца Марца пятого дня. — Подпись руки господарской. «Левъ Санѣга, подканцлерый вел. князства Литовского.»

Изъ Литовской Метрики (Запис. кн. LXXIII, л. 30), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Листъ мѣщаномъ Могилевскимъ, варучи имъ то, абы жида въ мѣстѣ Могилевскомъ домовъ и ослостей своихъ не мѣли.

154. — 1585 Марта 20. Уставная королевская грамота Велижскимъ мѣщанамъ, *съ пожалованіемъ городского герба и предоставленіемъ имъ разныхъ преимуществъ и льготъ.*

Стефанъ, Божьею милостью король Польскій, великій князь Литовскій и проч. Ознаимемъ симъ листомъ нашимъ, ижь мы господарь взявши и отыскавши за помощью Божьею зъ рукъ непріятельскихъ великого князя Московского Ивана Васильевича замокъ Велижъ, и хотѣчи, абы при томъ замку мѣсто, которое вже ослѣдъ почало, къ запоможенью и доброму порядку прійти могло, зъ ласки нашею господарской, за чоломбитьемъ войта Велижского Степана Хименка и всихъ мѣщанъ Велижскихъ, дали есмы и симъ листомъ нашимъ даемъ нѣкоторые вольности, въ семъ листѣ нашемъ ниже описаные. А напервъ, на знакъ и на вѣчную память звытѣжства нашего, которое есмы надъ непріателемъ нашимъ, зъ ласки и милосердія Бога всемогущего, съ помощью его святою одержали, даемъ тому мѣсту Велижскому гербъ, крыжъ золотый, а подъ нимъ мечъ голый, въ полю блакитномъ, яко въ посродку сего листу нашего вымалевати есмы его казали: которого гербу альбо печати они сами и потомки ихъ во всякихъ справахъ и потребахъ мѣстскихъ вѣчными часы уживати мають. Къ тому дали есмы и симъ листомъ нашимъ даемъ тому же мѣсту Велижскому, вмѣсто ста волокъ (кгдажь тамъ волоки для иховъ и бодотъ добръ вымѣрены на сесь часъ быти не могли), кгрунту на пашню и на выгонъ, въ границахъ ниже мѣновитъ описаныхъ, который обрубъ оноу зем-

ли такъ се въ собѣ маеть: напередъ, почавши отъ границы Суражской Дречныхъ Лукъ, зъ Двины, ручаемъ Глыбокимъ по мохъ Хорошовъ, который мохъ близко подъ замокъ и мѣсто Велижское есть прилеглый, по рѣчку Сошыцу, по мохъ Везменскій, по мохъ Болновъ, по рѣчку Крывку вышнюю; а по другой сторонѣ Двины по ручай Быховъ, тымъ ручаемъ до верховья, откуль се тотъ ручай почалъ; отъ верховья Быховского, суходоломъ у мохъ Чернескій, съ того мху рѣчкою Половненкою внизъ до Виру болшого, отъ Виру болшого, черезъ дорогу къ Матокору въ рѣчку Сотыню, рѣчкою Сотынею у верхъ до лугу, лугомъ межи грывъ и Пушки Каменя у верховье рѣчки Крывки нижнее, Крывкою рѣчкою внизъ въ рѣчку Двину, а Двиною внизъ до тогожь ручая Глыбокого, откуль ся пята тыхъ кгрунтовъ починаеть. И мають они тые кгрунты въ границахъ выше описаныхъ, кромъ жадноу переказы на себе держати и ихъ уживати вѣчными часы; а намъ господарю, до скарбу нашего, съ тыхъ кгрунтовъ цыншъ, который черезъ ревизоровъ нашихъ постановленъ будетъ, такъ яко въ иншихъ мѣстѣхъ, замкахъ нашихъ украинныхъ, съ кгрунтовъ подлыхъ платити повинны будутъ. А на войта тамошнего Велижского мають быти вымѣрены въ тыхъ же кгрунтѣхъ вышеописаныхъ чотыри волоки земли, съ которыхъ платъ и некоторая повинность до скарбу нашего и на врьдъ тамошній плачена и полнена быти не маеть, выимуючи только податки земскіе, зъ ухвалъ соймовыхъ постановленые. А того войта мѣсту Велижскому мы господарь, съ посродку ихъ самыхъ мѣщанъ Велижскихъ, альбо водлугъ воли нашею господарской давати маемъ. Къ тому прдаемъ на тоежь войтовство драгольное и подволное, въ мѣстѣ Велижскомъ приходящее. А въ кождомъ году уставляемъ мѣсту Велижскому два ярмарки на свята урочистые, то есть, первый на день свята Нароженія Сына Божьего, а другій на день Апостоловъ святыхъ

№ 154. Петра и Павла: которые ярмарки мають стояти сполна по двѣ недѣли, якоже ведемъ и каждому зособно купцомъ и крамаромъ, перекупивъ и ремесникамъ, мѣщаномъ и волостаномъ, откуль-кольвекъ до того мѣста нашего Велижского привѣзжающимъ со всякими товарами, вольно будетъ продавати и куповати и со всякого народу людьми гандлевати. А для лучшего порядка и убѣзпеченья людей привѣзжихъ гостей, мають они мѣщане Велижскіе въ мѣстѣ Велижскомъ дворъ гостинный збудовати и вагу въ немъ мѣти, а пожитки съ того приходячіе, также и помѣрнее на потребности мѣстскіе оборочати. Мѣра тежъ на збожѣе маєтъ быти у нихъ ровная, вымѣренная, въ чотыри корцы Краковскихъ, подъ гербомъ мѣстскимъ. Мѣщане Велижскіе на старостѣ нашихъ тамошнихъ и на ихъ намѣстниковъ работѣ никакихъ робити, и подвотъ подъ нихъ давати, и въ ловы ѣздити неповинны; вынавши только съ того, кдѣ посланцы наши господарскіе за листъ нашими подвотъ отъ нихъ потребовати будутъ, въ тотъ часъ съ того, ѣя вымовляти не мають. Вѣдѣже замокъ нашъ тамошній Велижскій и мостъ робити будутъ повинны; по звывкому обычаю. Къ тому тежъ старосты наши тамошніе и ихъ намѣстники мѣщанъ Велижскихъ судити мають; прикладомъ мѣста нашего Витебского; а пересуды и дѣцкованья волдугъ права посполитого и статуту великого княжества Литовского на нихъ браны быти мають. Куницы змирскіе и женитовные также по Витебскому на нихъ брати. Стадей некоторыхъ на старостѣ нашихъ Велижскихъ и на ихъ намѣстниковъ и слугъ, и на посланцовъ Московскихъ они мѣщане Велижскіе давати не повинны будутъ. Купцы того мѣста Велижского мѣстскіе и волостные, которые одно-кольвекъ безмѣнновъ въ торговляхъ своихъ уживають, мають мѣти безмѣнны свои подъ печатью мѣстскою; а который бы инымъ покупнымъ безмѣнновъ товаръ свой продавати

мѣлъ: таковой купецъ товаръ свой, што на безмѣнъ покутный продавалъ, на врядъ тамошній тратити будетъ. Ремесники всякіе, которые въ томъ мѣстѣ Велижскомъ мѣшкати будутъ, отъ старостѣ Велижскихъ и ихъ намѣстниковъ, также отъ слугъ ихъ утяженья никоторого поносити, и дармо (*), за принуженьемъ, никакихъ работъ робити не мають, только за слушною заплаатою, яко и нашимъ людемъ. Провѣдъ рѣкою Двиною, подъ замкомъ нашимъ Суражскимъ и подъ дворомъ Лужасенскимъ добровольный мають они мѣти, кромѣ жадновъ обѣстки. Который бы тежъ мѣщанинъ Велижскій за границу съ какимъ товаромъ вхати хотѣлъ, отъ того обѣстки вряду тамошнему одинъ грошъ; а отъ извозниковъ и тягловцовъ, съ особы ихъ, которые зъ найму товаръ возятъ, отъ тыхъ ничего не брати. Вольно тежъ будетъ имъ въ домѣхъ своихъ, на потребу свою властную, а не на продажу, медъ, пиво и горьлку мѣти, потомужъ и склады медовые, по звывкому обычаю, которые они богомолными называютъ; а съ того свящамъ къ хвалѣ Божіей въ церковь тамошнюю Велижскую ставити и за насъ то свѣдаря Пана Бога молити: вѣдѣже тѣмъ они шинковать не мають, ни явиъ, а ни потаемиъ. А который бы зъ нихъ будѣто на свою потребу напитокъ який въ дому своемъ маючи, явиъ або потаемиъ шинковать хотѣлъ и шинковать, а то бы на него доводѣмъ и свѣтками было переведено: у такового каждого увесъ напитокъ на замокъ нашъ побранъ быти маєтъ; а надъ то, вины намъ господарю десять рублей, а на старосту Велижского пять рублей заплатити повиненъ будетъ. И на то дали есмы войгу и веимъ мѣщаномъ Велижскимъ себѣ нашъ листъ, съ подписомъ руки нашею господарскою, до которого на твердость и печать нашу привесити казали есмы. Писанъ у Краковъ, лѣта отъ нароженья Сына Божего 1585, мѣсяца Марца двадцатого дня; а наповненъ

(*) Въ исто «даромъ».

нашого году девятого. — Stephanus rex. «Левъ Сапега, подканцлерый вел. княз. Литовского». Изъ Литовской Метрики (Запис. кн. LXVIII, л. 33—35), хранящейся при Правительствующемъ Сенатѣ, въ С. Петербургѣ. Въ заглавіи грамоты отпѣчено: Привилей на дачню вольностей отъ его королевской милости мѣсту Велижскому.

155. — 1585. Марта 27. Жалованная грамота поповскому сыну Матѣю Евпатьевичу, о предоставленіи ему въ пожизненное управленіе Мстиславскаго Пустыньскаго монастыря съ угодьями и доходами.

Стефанъ, Божією милостію король Польскій, великій князь Литовскій и прочіи, озапимуюемъ симъ нашимъ листомъ, кому того потреба будетъ вѣдати, што мы господарь перво сего дали есмы были монастыри два, одинъ въ мѣстѣ Мстиславлю съ церковью, заложенъя святого Миколы, а другій монастырь неподалеку Мстиславля, прывываемый Пустыньскій, съ церковью, заложенъя святыи Пречистые, архіепископу владыцѣ Полоцкому, Витебскому и Мстиславскому отцу Феодану Богдану. Якоже выдѣмъненъ (*), тотъ монастырь Пустыньскій, видѣчи быти на то человека годного, а въ дѣлѣмъ научного, Матѣю Евпатьевичу съ церковью, святыи Пречистые, волдугъ листу каштеляна и старосты Мстиславского князя Ивана Соломерецкого, до воли и ласки нашею господарскою дати и поступитъ. И билъ намъ чоломъ вышнеймъненый Матѣй Евпатьевичъ, абы есмы тотъ монастырь Пустыньскій, съ церковью, ему листомъ нашимъ подтвердили. Мы господарь хотѣли, абы въ церквахъ дѣлаи Божая николи быти не переставали, вышнеймъненому Матѣю Евпатьевичу тотъ монастырь Пустыньскій съ церковью, святыи Пречистые, дали есмы, и симъ листомъ нашимъ даемъ. Маеъ, вышнеймъненый Матѣй Евпатьевичъ тотъ монастырь съ церковью держати и службу Божію въ ней

служити, а за шастливое панованье наше Пана Бога просити, и всѣхъ христовыхъ чинъ му монастыру палемачихъ, со веимъ на все, яко ся тотъ монастырь въ собѣ мѣлъ и теперь маєтъ, держати и всякихъ пожитковъ въ немъ уживати, до живота своего; подполнѣ подданныхъ нашихъ вѣры христіанской научати, и того межѣ ними, постерегати, яко бы бѣдъ никоторый межѣ ними не бѣлъ. И на то дали есмы Матѣю Евпатьевичу себѣ нашъ листъ, съ подписомъ руки нашею господарскою, до которого и печать нашу приписути есмы велѣли. Писанъ у Краковъ, лѣта отъ нароженья Сына Божего 1585, оосмидесять пятыхъ, мѣсяца Марца двадцатого сего дня. — Stephanus Rex. «Левъ Сапега, подканцлерый вел. княз. Литовского». Изъ Литовской Метрики (Запис. кн. LXVIII, л. 38), хранящейся при Правительствующемъ Сенатѣ, въ С. Петербургѣ. Въ заглавіи грамоты отпѣчено: Привилей Матѣю Евпатьевичу на монастырь Пустыньскій.

156. — 1585. Юля 8. Королевскій указъ: а) жалованная Хелмокому епископу Леонтію Пельчицкому, о предоставленіи ему въ пожизненное управленіе Пинской и Туровской епархій; б) на казенный доход дворянина Николая Сарицкому, о دادنъ на воопредѣленному епископу Леонтію епархіяльнаго имущества; в) по случаю на грамота: Пинской епархіи дѣлаи о вѣнствѣ, міри намъ протѣвляемъ, абы въ о подсудности ому вѣнство убои и дѣлаи. — Стефанъ, Божією милостію король Польскій, великій князь Литовскій и прочіи, озапимуюемъ симъ листомъ нашимъ, абы есмы тотъ монастырь Пустыньскій съ церковью, святыи Пречистые, дали есмы, и симъ листомъ нашимъ даемъ. Маеъ, вышнеймъненый Матѣй Евпатьевичъ тотъ монастырь съ церковью держати и службу Божію въ ней

(*) Въ ориг. Метр. здѣсь замѣненъ пропускъ.

№ 156. лебного въ Бозѣ Леонтея Зеновьевича Пельчицкого, владыки Холмского и Белзского, и хотѣчи то ему ласкавъ вызнати и нагородити, а къ службѣ Божой закону Греческого способнѣйшимъ еще учинити; за залѣпцемъ тежѣ нѣкоторыхъ пановъ радѣ нашихъ, знаючи его быти въ службѣ Божой годнымъ, учтивымъ, богобойнымъ и статечнымъ, зѣ ласки наше господарской дали есмы ему и симъ листомъ нашимъ даемъ епископію Пинскую и Туровскую, на тотъ часть вакующую, церковь головную соборную въ мѣстѣ нашомъ Пинскомъ, заложенія Успенія святыя Пречистыя, со всеми иными церквами до нее здавна принадлежащими, подавши ему во владзу игумены, протопопы, архимандриты, попы, дяконы, уставники и дяки все тоѣ парафіи, со всею ихъ повинностью, также со всеми пожитки и доходы, съ цынши, съ дяклы, съ дворы, съ имѣньями, съ селы, съ бояры и съ мѣщаны и со всеми подданными до тоѣ епископіи Пинской и Туровской здавна принадлежащими. Маеѣ преречоный Леонтей помѣненую епископію Пинскую и Туровскую, со всемъ съ тымъ, такъ яко и продкове его мѣвали; держати и уживати, ажѣ до живота своего. А мы господарь обычаемъ то ему словомъ нашимъ королевскимъ, за насъ и за наши потомки, короли Польскіе и великіе князи Литовскіе, ижѣ мы его, ажѣ до смерти его, въ держанію тоѣ епископіи Пинской и Туровской и добръ всихъ до нее належачихъ заховаемъ, и для якихъ — кольвекъ причинъ не порушимъ и ни отыймемъ, и никому отнять не допустимъ. Што всемъ, кому то вѣдати належитъ, къ вѣдомости присуствивши, приказуемъ, абы преречонного велебного въ Бозѣ Леонтея Пельчицкого за правдивого и слушного державцу тоѣ епископіи Пинской и Туровской мѣли, и ему всякіе пожитки и доходы здавна належачіе отда-

вали, и тымъ, которымъ то належитъ, отдавать казали. И на то есмы ему дали сесѣ нашѣ листъ, рукою нашою господарскою подписавши, до которого для лѣпшыя вѣры и печать нашу привѣсити есмы казали. Писанъ въ Неполонцахъ, лѣта Божьего нароченія 1585, мѣсяца Іюля 8 дня. — *Stephanns Rex. «Кгабрыель Война, писарь».*

Въ заглавіи грамоты отмычено: Привилей велебному отцу Леонтею Пельчицкому, на владычество Пинское и Туровское.

II. — Стефанъ, Божьею милостью король Польскій и великій князь Литовскій и пр., дворянину нашому (*). Вѣдай о томъ, ижѣ есмы тыхъ часовъ, зѣ ласки наше господарской, дали епископію Пинскую и Туровскую велебному въ Бозѣ Леонтею Зеновьевичу Пелчыцкому, владыцѣ Холмскому и Белзскому, челоукови доброму, побожному, статечному и въ службѣ Божой пилному. Про то приказуемъ тобѣ, ижѣбы еси за симъ листомъ и росказаньемъ нашимъ тамъ вѣхалъ, до Пиньска, и въ церковь головную соборную заложенія Успенія святыя Пречистыя, которая естѣ въ Пиньску, и въ иныя церкви всея парафіи тоѣ епископіи, и, водлугъ инвентару старого, на письмѣ, вси апараты церковные подавши, зѣ рамени нашого во все то его увязалъ, также добра до тоѣ епископіи належачіе, яко — то кгрунты, села, дворы, фольварки и имѣнья моцою нашою королевскою преречонному Леонтею Пелчыцкому подаль; а подданнымъ всемъ парафіи тоѣ епископіи, духовнымъ и свѣтскимъ людемъ служити и оногъ въ учтавости всякой мѣти и подъ росказаньемъ его быти приказалъ. А иначе абы еси для ласки нашей господарской учинити не смѣлъ. Писанъ въ Неполонцахъ, лѣта Божьего нароченія 1585, мѣсяца Іюля 8 дня. — «Кгабрыель Война, писарь».

(*) Въ Лит. Метр. Запис. кн. 70, л. 195 — 196, гдѣ эти грамоты записаны вторично, поставлено имя королевскаго дворянина Николая Сарницкаго.

Въ заглавіи грамоты отмычено: Егожѣ милости владыцѣ листъ увязчій.

III. — Стефанъ, Божьею милостью король Польскій, великій князь Литовскій, и пр., ко всемъ подданнымъ парафіи епископства Пинского и Туровского, людемъ духовнымъ и свѣтскимъ, попомъ, бояромъ, мѣщаномъ и людемъ волостнымъ. Вѣдайте о томъ, ижѣ есмы тыхъ часовъ въ Краковѣ будучи, дали епископію Пинскую и Туровскую велебному въ Бозѣ Леонтею Зеновьевичу Пелчыцкому, владыцѣ Холмскому и Белзскому: для чего и дворянина нашого (*), зѣ рамени нашого, тамъ на увязанье посылаемъ, и приказуемъ вамъ, ижѣбы есте отъ того часу никогъ иншого, одно преречонного велебного отца Леонтея за правдивого владыку Пинского и Туровского маючи, учтивость ему вшелякую выражали, и послушенство яко старшему своему отдавали; а иначе абы есте чинити не смѣли, подъ ласкою нашою господарскою. Писанъ въ Неполонцахъ, лѣта Божьего нароченія 1585, мѣсяца Іюля 8 дня. — «Кгабрыель Война, писарь».

Въ заглавіи грамоты отмычено: Томужѣ отцу владыцѣ листъ до подданныхъ о послушенство.

Три сін акта выписаны изъ Литовской Метрики (Запис. кн. LXXII, л. 3 — 4), хранящейся при Правительствующемъ Сенатѣ, въ С. Петербургѣ.

157. — 1586 Января 15. Окружное послание Антиохійскаго патріарха Іоакима Русско-Литовскому православному духовенству, сановникамъ и мірянамъ, съ приглашеніемъ ихъ къ приношеніямъ на устроение въ Львовѣ Гречко-Словенской школы и типографіи, также новой каменной церкви и богадѣльни.

Іоакимъ, Божьею милостию патріархъ вели-

кія Антиохіи и Киликіи, Иверіи, Сиріи и по всему Востоку солнца: преосвященнымъ и въ Бозѣ велебнымъ архіепископомъ и епископомъ, честнымъ архимандритомъ и игуменомъ, протопопомъ, священникомъ и всему причту церковному; яснѣвельможнымъ ихъ милостямъ, княжатамъ, паномъ воеводамъ и каштеляномъ и старостамъ; зацѣмъ — урожоннымъ паномъ подстаростамъ и всякому вряду належачому, также всему стану рыцерскому, славетнымъ паномъ войтомъ, бурмистромъ, радцамъ, и всемъ повсюду православнымъ христіаномъ. Ознаймуемъ симъ нашимъ листомъ, ижѣ во Львовѣ мѣстѣ христіанская церковь хочетъ строеніемъ поповлятися, то естѣ, наукою письма святого, и хотятъ съ помощію Божьею панове мѣщане Львовскіе школу закладати, для наученія дѣтемъ христіанскимъ всякого стану, которые бы мѣли учитися письма святого Греческого и Словенского, да не будетъ родъ ихъ христіанскій аки безсловесенъ непаученія ради; и тежѣ купили друкарню письма Словенского и Греческого, къ той же школѣ потребную, въ полторы тысячи золотыхъ заставленную; и тежѣ церковь хотятъ муровати новую, и домъ на школу, и домъ на друкарню, и домъ на шпиталь, просто, все поповляючи законное строеніе. Протожѣ тую справу до вѣдомости вашихъ милостей всемъ доносимъ, вдаючися съ покорною прозьбою до ласки вашихъ милостей, благочестивыхъ и христіолюбивыхъ православныхъ христіанъ, просячи о вспоможеніе богоугодныхъ сихъ дѣлъ, для розмноженія хвалы Бога во Троицѣ единого, и ко вашей посполитой потребѣ, вамъ и дѣтемъ вашимъ; понеже непаученія ради умалѣете всѣхъ благъ, небреженія ради закона Божія: «забылъ еси закона Бога твоего, забуду тебе и азъ», рече Господь. «Испытайте, рече, писанія, да поживете богоугодное житіе о Христѣ Іисусѣ Господѣ на-

(*) Въ ориг. Метр. пробѣвъ: но видно, что здѣсь говорится о томъ же дворянинѣ Ник. Сарницкомъ.

М. 158. шемъ». Благословеніе Божіе и благодать свя-
— 159. таго Духа буди со всеми вами, и благословеніе
Іоакима, патріарха великія Антіохіи, аминъ.
Писанъ во Львовѣ, мѣсяца Генваря 15 дня,
року Божіа 1586. — Подпись Греческая.

*Изъ рукописнаго Сборника грамотъ и актовъ
(л. 41, № 398), хранящагося въ Львовскомъ
Старописальномъ архивѣ.*

*Доставленъ въ Археографическую Коммис-
сію, въ списокъ, корреспондентомъ г. Зубриц-
кимъ.*

158. — 1586 Февраля 7. Жалованная
грамота дворянину Ивану Богору,
о предоставленіи ему въ пожизненное управленіе
Кобринскаго Спасскаго православнаго монасты-
ря, съ тѣмъ, чтобы онъ вступилъ въ монашескій
чинъ.

Стефанъ, Божьею милостью король Поль-
скій и великій князь Литовскій и проч., ознай-
муемъ симъ листомъ нашимъ. Билъ намъ, чо-
ломъ дворянинъ нашъ Иванъ Богоревичъ, Го-
голь, абымъ ему азъ ласки нашею государ-
ской монастырь нашъ Кобринскій, задыжеща
святого Спаса дали, который первый сего дер-
жалъ, за данною продка нашего славного па-
мяти короля его милости Жикгимонта, Авгу-
ста, недавно съ сего свѣта зощдый, Николай
Кирдей; акомъ и панъ Виленскій, канцлеръ
великаго княства Литовскаго, староста Бере-
стейскій, Кобринскій и Юрборскій панъ Оста-
вой Воловичъ, заидяючи на дотъ, ставъ ду-
ховный помѣнцего, Ивана Гоголя, быти год-
ного, и чинячи насъ господаря о службахъ его
(которые онъ продку нашему королю его ми-
лости и намъ господарю азъ себе показывалъ)
вѣдомымъ, у причинъ за нимъ дасть медалъ.
А такъ мы, азъ ласки нашею господарской, за
прициною пана Виленскаго и за задыженемъ
годности и учтивыхъ службъ, вышъ, тамо-
ваного Ивана Гоголя, тотъ монастырь, Коб-
ринскій святого Спаса, со всемъ съ тѣмъ яко
первыи игумены Кобринскіе, давна держи-

вали, ничого отъ него не отдаляючи а ни уймаю-
чи, дали есмы ему и симъ листомъ нашимъ
даемъ, до живота его. Маеть онъ тотъ мана-
стырь, со всеми подданными и кгрунты цер-
ковными и со всемъ съ тѣмъ яко то и первыи
игумены въ держанью своею мѣли, въ мѣцы
и держанью и въ укидацію своєю мѣти, до
живота своего: вѣдже, вайдалѣй, до року, въ
станъ духовный по звыкшому обычаю поста-
новити и совершити ся маеть, и службу Божую
самъ служити, а за насъ господаря, уставинъ
Господа Бога просити повиненъ будетъ. И на то
дали есмы Ивану Гоголю сесь панъ листъ, съ
подписомъ руки нашею господарской и зъ ма-
щю печатью. Писанъ у Городнѣ, лѣта Божьего
нароженія 1586, мѣсяца Февраля 7, дня. —
Stephanus, Rex. «Кгабрыель Война, писарь».

*Изъ Литовской Метрики (Запис. кн. LXXII,
л. 19), хранящейся при Правительствующемъ
Сенатѣ, въ С. Петербургѣ. Въ заглавіи гра-
моты отпечено: Привилей пану Ивану Богору-
вичу Гоголю на монастырь Кобринскій св. Спаса.
Вторую записана тамъ же, въ кн. LXXIII, л.
78, об., безъ отпечата въ текстѣ.*

159. — 1586 Февраля 20. Жалованная
грамота Московскому выходцу Луцъ
Бибикову, на шесть волокъ земли въ старо-
ствѣ Олитскомъ, въ хлѣбокормленіе.

Стефанъ, Божьею милостью король Поль-
скій, великій князь Литовскій, Рускій, Пру-
скій, Жомойтскій, Мазовецкій, Лифлянтскій,
княжа Седмиградское и иныхъ. Ознаймуемъ
симъ листомъ нашимъ, всемъ, вобецъ и кождо-
му зякобному, кому того вѣдати на Лемати будетъ,
инъ, што первое сего, за волею и листомъ на-
шимъ, поданарбый панъ дворянинъ великаго
княства Литовскаго, староста Браславскій и
Олитскій панъ Федоръ Скуминъ, слугъ нашо-
му Луцъ Бибикову, который на ласку нашу
господарскую съ земли Московскій до княства
нашого выехалъ, у старосты своего Олит-
скомъ, въ селѣ Кондратовичахъ, волокъ шесть,

двѣ освященны, а чотыри пустыхъ на хлѣбо-
кормленіе ему поступивши; въ держанье его
завести и подати казаль: на што и листъ за-
водчый, въ которомъ меновить границы того
кгрунту описаны суть, передъ нами показы-
валъ и билъ намъ господарю чоломъ помѣн-
ный Лука Бибиковъ, абы есмы тые шесть во-
локъ земли листомъ нашимъ ему самому и
жонѣ его, до животы ихъ, потвердити велѣли.
Ино мы господаръ на чоломбитѣ его чинячи,
азъ ласки нашею господарской, тые шесть во-
локъ помѣненныхъ, въ державѣ Олитской, въ
селѣ Кондратовичахъ, симъ листомъ нашимъ
потвержаемъ и даемъ тому слугъ нашему Лу-
цъ, ему самому и жонѣ его, яко се тые шесть
волокъ, воли завезенія и поданія, съ ихъ
всякими кгрунты въ границахъ и обыходѣхъ
своихъ мають, съ застынки и надатки, съ
моркты и деревомъ борнымъ, съ повинною
службою и платы пѣнежными и дякольными,
съ збожьемъ и со войми пожитки и доходы съ
тыхъ людей и кгрунтовъ всехъ помѣненныхъ,
ничого азъ нихъ не выймаючи, со всемъ на-
все. Маеть тотъ слуга нашъ Лука Бибиковъ,
самъ и жона его то все держати и уживати,
до животы своихъ, не будучи повиненъ съ
того до старбу нашего, а ни старостѣ тамош-
нему ничого платити и никоторы новыиности
полнити: только службу земскую военную, яко
выпалъ шляхта того повѣту, служити маеть.
И на то есмы слугъ нашему Луцъ и жонѣ его
дали сесь листъ нашъ, подписавши рукою на-
шею, до которого и печать есмы нашу при-
тиснути велѣли. Писанъ у Городнѣ, лѣта отъ
нароженія Сына Божьего 1586, мѣсяца Фев-
раля 20, дня. — Stephanus, Rex. «Кгабрыель
Война, писарь».

*Изъ Литовской Метрики (Запис. кн. LXXII,
л. 23 и 24), хранящейся въ Сопіинскомъ архивѣ,
въ С. Петербургѣ. Въ заглавіи грамоты от-
печено: Привилей пану Ивану Богору-
вичу Гоголю на монастырь Кобринскій св. Спаса.
Вторую записана тамъ же, въ кн. LXXIII, л.
78, об., безъ отпечата въ текстѣ.*

Москвитину, на двѣнадцать волокъ, то есть, на 6
освященны и 6 пустыхъ, въ староствѣ Олитскомъ,
въ томъ же селѣ Кондратовичахъ, также до двухъ
животы, ему и жонѣ его, властью такою же
способомъ писанный и подъ тою же датою, съ по-
писомъ руки господарской. — Третій листъ е. к.
м., властью такою же способомъ писанный, князю
Богдану Желеховскому, Москвитину, на шесть
волокъ, освященны 4 и пустыхъ 2, у тивунства
князя Михайла Боровскаго Коршевскаго, въ селѣ
Яновдовѣ, до живота его и жоны его, подъ тою же
датою, съ подписомъ руки господарской.

160. — 1586 Марта 11. Королевскій
приговоръ Браславскому воеводѣ и ста-
ростѣ Пинскому, князю Янушу Збараж-
скому, объ отсрочкѣ судебного рѣшенія, по
жалобѣ, принесенной на него бывшимъ Пинскимъ
епископомъ Кирилломъ Терлецкимъ, о разныхъ
обидѣхъ тамошнимъ православнымъ церквамъ,
за чѣмъ по въ Судѣ означеннаго истца.

Лѣта Божьего нароженія 1586, мѣсяца
Марта 11, дня, господарь король е. к. и вели-
кій князь Стефанъ рачилъ розказати записати,
инъ въ року прошломъ тысеча пять сотъ
осмидесятъ четвертомъ позвалъ былъ позвомъ
его милости господарскымъ епископъ владыка
Пинскій и Туровскій отецъ Кирилъ воеводу
Браславскаго, старосту Пинского и Крем-
нецкого, князя Януша Корыбутовича Збараж-
скаго, о квалтовное панствѣ на церковь за-
ложенія Святого Духа, черезъ подстаросту
Пинского Льва Войну Вороненского, которую
церковь, за позволеніемъ е. к. господарскимъ,
тотъ епископъ Пинскій отецъ Кирилъ на
плянцѣ поданого его королевской милости
жида Пинского Мошка Абрамовича вбудо-
валъ былъ (который инъ, присмотрѣвшись
письму святому и узнавшись въ недовѣрствѣ
своемъ, съ добрымъ размысломъ приступилъ
до вѣры хрестіаньской закону Греческому, и
домъ свой властель и съ пляномъ, въ мѣстѣ
Пинскомъ на улицы жидовской лежачый, на

№ 161. епископію Пиньскую для збудованья церкви Святого Духа ко хвалѣ Божой далъ и на вѣчность записалъ), и о побранье въ той церкви сосудовъ святыхъ: келиха, крыжа, евангелій, книгъ, свѣчъ и иныхъ рѣчей ко службѣ Божой належачихъ, также о снятѣ крыжа на церкви и о постѣченѣ звонницы (яко ширѣй жалоба его на позвъ е. м. господарскомъ описана есть). А другимъ позвомъ тотъ же владыка Пиньскій и Туровскій отецъ Кирилъ позвалъ князя воеводу Браславского, въ томъ же року осмдесять четвертомъ, о невыданье доходовъ на епископію Пиньскую, пѣнезей готовыхъ въ каждый годъ по копѣ пятнадцати грошей Литовскихъ, а зъ мыта тамошнего Пиньского по девяти каменей воску и по копѣ грошей на кадило, на церковь соборную, и на вси иншіе церкви по полкаменя воску и грошми готовыми, што до которыхъ церкви давати належало, за наданьемъ отъ господарей ихъ милости славной памяти королей Польскихъ и великихъ князей Литовскихъ, што ширѣй и достаточнѣй на томъ позвъ доложено есть. А такъ воевода Браславскій князь Янушъ Збаразскій, за тыми позвы е. м. господарскими, на дворѣ его королевской милости, тутъ, у Городнѣ, передъ ихъ милостью паны радами и вриадниками дворными, отъ его королевской милости на суды высаженными, черезъ служебника умоцованого своего, на имя Александра Качановского пильность чинилъ, и сторону поводовую черезъ возного водлѣ обычаю ко праву волазъ: низъли сторона поводовая, отецъ Кирилъ владыка Пиньскій, самъ не сталъ и никого зъ моцою отъ себе не присылалъ, также и вѣдомости некоторой о собѣ суду и сторонѣ у права не далъ: для чого тотъ умоцованый князь воеводинъ просилъ, абы тая пильность его и нестанье владыки Пиньского до книгъ господарскихъ записано было. Што у книги записано, и выпишъ съ книгъ пану воеводу Браславскому данъ есть,

подъ печатью е. м. господарскою. Писанъ у Городнѣ. — «Андрей, писарь».

Изъ Литовской Метрики (Судн. дѣлъ кн. LXV, л. 129—130), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Справа владыки Пиньского и Туровского отца Кирила Терлецкого съ паномъ воеводою Браславскимъ княземъ Збаражскимъ, о нанястѣ квалтовное на церковь Святого Духа отъ подстаросты Пиньского-Воронецкого.

161. — 1586 Марта 26. Дополнительныя статьи къ Литовскому земскому Статуту: о несужденіи мірскихъ лицъ въ судахъ духовныхъ, по дѣламъ приговору ихъ не подлежащимъ; о тяжбахъ между духовными и свѣтскими лицами; объ отчинахъ духовныхъ; о опекунствахъ и духовныхъ завѣщаніяхъ; о военной повинности и податяхъ съ имѣній Езуитскихъ.

Лѣта отъ нароженія Сына Божого 1586, мѣсяца Марца 26 дня, постановившися очевидно передъ его королевскою милостью, у книгъ е. м. господарскихъ канцларейскихъ, зъ змилованья Божого кардиналъ святого костела Римского, бискупъ Виленскій Юрей Радивилъ, на Олыцѣ и Несвижу княжа, оповѣдалъ и покладалъ артыкулы правные, съ статуту великого князства Литовского новоправленого вынятые, на которые ихъ милостью паны стану свѣтского на зѣздѣ головномъ Волковыйскомъ, въ року тысяча пятьсотъ осмдесять четвертомъ, мѣсяца Декабря двадцать четвертого дня сконченомъ, спольнѣ згодившися, подписаньемъ рукъ въкоторыхъ ихъ милости пановъ радъ духовныхъ и свѣтскихъ тую рѣчь ствердили; и просилъ его милость княжа кардиналъ, абы тые артыкулы до книгъ господарскихъ канцларейскихъ были вписаны: которые артыкулы слово въ слово такъ се въ собѣ мають:

«Артыкулы правные, съ статуту великого князства Литовского, новоправленого вынятые, на которые ихъ милостью паны стану духовного съ ихъ милостями паны стану свѣтского, назѣздѣ головномъ Волковыйскомъ, въ року тысяча пятьсотъ осмдесять четвертомъ дня двадцать четвертого Декабря сконченомъ, згодившися и въ спольной милости зезволилися, и оныя печатами и подписами рукъ своихъ утвердили»:

I. — Артыкулъ 31, въ роздѣль третьемъ, о непозыванье свѣтскихъ въ Духовное права о рѣши свѣтскіе. — Уставаемъ, ижъ бискупове, прелаты стану духовного и ихъ справцы, кнежаты, пановъ и всеи шляхты рыцарства, и мѣшанъ, и всихъ подданныхъ нашихъ, яко и шляхетскихъ, не мають никога къ собѣ до духовного права о свѣтскіе рѣчи порывати: такъ тежъ и сами шляхта и мѣшане и вси подданные наши, и тежъ подданные шляхетскіе, яко — кольвекъ стану, не мають се до духовного права утекати и позывати о рѣчи свѣтскіе, подъ закладомъ стороны позванной двадцатьма копами грошей и подъ нагроженьемъ утратъ всихъ съ совѣстостью. Нижъли, што къ праву духовному належати и прислухати будетъ, то въ духовномъ правѣ справовано и сужено быти маєтъ.

II. — Артыкулъ 32, о довоженье справедливости въ кривдахъ свѣтскимъ зъ станы духовными, также духовнымъ зъ станы свѣтскими. Тежъ усталаемъ: естли бы да коли якіе кривды дѣлали зъ имѣній костелныхъ, отъ вриадниковъ, слугъ, бояръ и подданныхъ всихъ становъ духовныхъ людей стану свѣтского, такъ самой шляхты яко слугамъ и подданнымъ ихъ, также мѣшаномъ мѣстѣ нашихъ и инымъ подданнымъ нашимъ господарскимъ, о квалтѣ, на зѣздѣ, розбѣ, забѣйства, тежъ о квалтѣ, на нѣнѣ и невьстѣ, о бои, раны и грабежи, о людехъ и о дѣлахъ, збѣгую и иншіе якіе — кольвекъ рѣчи поточныя: ино, ижъ каждый съ своего

слуги и подданого справедливость блядзый есть чинити; тогды тежъ и станы духовные зъ уриадниковъ и слугъ своихъ, будь осытныя яко и неосытныя, и съ подданныхъ своихъ повинны будутъ справедливость чинити, за уминаньемъ черезъ листъ вриадъ земского, вондлугъ сего жъ права писаного статуту земского. А гдѣ бы хто въ особѣ духовныхъ, яко жъ кольвекъ стану и достоинства, справедливости учинити не хотѣлъ, або судомъ своимъ што кому въ чомъ уближнѣлъ: тогды то самъ таковой до бискупа, того, подъ которого справою есть, яко до ерловыйшого предложеного своего, маєтъ быти позванъ на рокъ повный, отъ поданья позву очевистого за латыри недѣли, а отъ положенья на имѣнныя записки недѣли, позвомъ бискупскимъ, писаннымъ Польскимъ письмомъ; и тамъ же маєтъ самъ особю своєю, або черезъ умоцованого своего стати, и того, на него жалоба вышла, передъ судомъ бискупскимъ ставити. А князь бискупъ, до которого то владыка будетъ належати, або урялъ его, постерегаючи въ томъ покою посполитого и справедливости святой, абы въ чомъ ущербка не была, повиненъ будетъ тымъ правомъ посполитымъ и статутомъ земскимъ справедливость укривжоному учинити, а безъ вицѣякой проводки и затрудненья аппарату слушную суду своего даючи на виноватомъ съ добрѣ, зъ маестности рухомой и съ недвижъ, правомъ дереконаного; а гдѣ бы вицѣности не стало, и на самой особѣ, а естли бы отъ самыхъ особъ духовныхъ въ чомъ — кольвекъ въ тыхъ рѣчахъ верху домѣнныхъ кривда кому дѣлася: тогды о то такъ же, до князя бискупа або до вриадъ его, на рокъ позываны быти мають; а князь бискупъ, або вриадъ его, некоторымъ инымъ, одно самъ же правомъ посполитымъ и статутомъ земскимъ, до асомаеъ судити, и до суда едвару давати на виноватомъ, на маестности властной, тыхъ духовныхъ особъ, дежачей и рухомой. А притѣдетъ ли до того справа, ино и на тѣхъ карамѣ

№ 161. *Водѣ сего жъ статуту чинити и выконывати будетъ повиненъ, чинячи тому всему досытъ водѣ присягою своею, до рады намъ учиненою. А естли што у суду духовного правомъ свѣтскимъ будетъ осужено, а на отправу до которого вряду земского або кгородского отослано; тогда то оный врядъ отправовати маеть, вѣдѣже не вилалаючи въ то жадныхъ такихъ рѣчей, которые бы наймнѣй вольности правъ тыхъ и конфедерацию нарушати мѣли; а естли бы отправки въ такихъ рѣчахъ урядъ не учинилъ: тогда о такое недосытъ — учиненье, водѣ артыкуловъ о томъ написанныхъ, вольное право зъ урядомъ каждому до суду належного будетъ. Вѣдѣже, естли бы сторона позваная, або отпорная розумѣла собѣ быти уближенье сираведливости своее вырокомъ и сказаньемъ бискупимъ або вряду еко: тогда таковой сторонѣ князь бискупъ, або врядъ его о рѣчи тымъ правомъ земскимъ осуженные апелациею допустити будутъ повинны до суду трибунальскаго: который трибуналъ нигдѣ видѣи, одно въ мѣстѣ нашомъ столечномъ Виленскомъ, таковыя sprawy, за апелациями, межи станы духовными и свѣтскими, водлугъ сего статуту и права посполитого отсуживати маеть. На которые суды трибунальскіе для таковыхъ справъ мають быти высажены съ стороны духовной три особы, а съ стороны становъ свѣтскихъ также три особы, межи трибуналистами обраные: и гдѣ въ какой справѣ большѣ особъ межѣ тыми шестыма особами, на тые суды выбравыми, на одно вотумъ згодаться, при тыхъ вотѣхъ конклюдзыа зостати маеть. А пакъ ли бы въ розниности вотъ о которую справу тые шестѣ трибуналистовъ не згодилися; тогда таковыя рѣчи отсылати мають до насъ господаря, а мы, за таковымъ отосланьемъ, тые sprawy отсуживати маемъ, гдѣ на тотъ часъ съ дворомъ нашимъ будемъ, въ семъ панствѣ нашомъ великомъ князствѣ Литовскомъ, и безъ сойму. Естли бы тежѣ людемъ стану духовного, слугамъ и подданнымъ*

ихъ отъ людей стану свѣтского, кнежатъ, панятъ, шляхты, въ какой — кольвекъ зацности и зверхности будучихъ, такъ въ недаванью десятины яко и въ иныхъ рѣчахъ поточныхъ кривда се икая дѣла: тогда о таковыя кривды особа духовная особу свѣтскую, отъ которой ся ему кривда-станеть, позывати будетъ до его суду властного, земского або кгородского, тымъ порядкомъ яко се и сами станы свѣтскіе позывають, водлугъ артыкуловъ въ статутѣ описанныхъ, зъ вольнымъ отозваньемъ обѣмъ сторонамъ до суду головного трибунальскаго, спольного съ духовнымъ. А оновѣданья и записованья таковыхъ звышѣ-мнѣюваныхъ кривдъ и шкодъ, которые отъ становъ духовныхъ и ихъ слугъ и подданныхъ починены кому будутъ, мають ся дѣлать на врядахъ земскихъ и кгородскихъ, альбо духовныхъ, хто гдѣ похочеть, въ тыхъ повѣтъхъ-гдѣ тые имѣнья костелные лежатъ, альбо подъ которыми врядомъ што се кому отъ нихъ и отъ слугъ и подданныхъ ихъ кривда станеть. А подъ тымъ часомъ, коли бы которое бискупство ваквало, або гдѣ бы который князь бискупъ до чужихъ панствъ въ посольствахъ або гдѣ по своихъ справахъ съ сего панства великого князства Литовского отъѣхалъ: тогда укривженный до капитулы або до справды оного достоинства, хто тымъ бискупствомъ справовати будетъ, поступкомъ вышеописаннымъ утекати ся и сираведливости собѣ доводити маеть; а они винны будутъ сираведливость ему учинити водлугъ сего жъ права статуту земского. А тежѣ ся маеть розумѣти и о духовныхъ Греческого закону, иже меньшіе зъ нихъ станы передъ своими старшимъ преложонными, а преложонные старшіе передъ судомъ головнымъ, порядкомъ вышеописаннымъ усправедливятися людемъ свѣтского стану повинны будутъ. Лечъ, што ся дотычетъ въ такихъ кривдахъ поточныхъ до имѣній становъ духовныхъ, отъ врядниковъ и подданныхъ ихъ, або отъ нихъ самыхъ, кото-

рые праву посполитому и службѣ земской военной подлежады суть, то есть, до имѣній отчизныхъ, материзныхъ, купленныхъ, дарованныхъ, закупленныхъ и якимъ инымъ обычаемъ набытыхъ: тогда вже съ таковыхъ имѣній своихъ и духовные особы, такъ яко и шляхта стану свѣтского, водлугъ порядку статутного, тому праву посполитому земскому подлагати мають у суду земскомъ, кгородскомъ, подкоморскомъ и комисарскомъ, а за апелациею, у суду головномъ.

III. — *Артикулъ 33, о правахъ земельныхъ межѣ станы духовными и свѣтскими. При томъ тежѣ забѣгаючи розницамъ, которые ся межѣ имѣньями и кгрунтами становъ духовныхъ и становъ свѣтскихъ часто дѣють (а съ того до заистья и некоеко не малыхъ приходить), и на часы поточные то межѣ ними равняючи, устанавлиемъ: кгдажъ особы стану духовного добрую и певную съ права посполитого мають вѣдомость, ижъ у суду земскомъ належномъ зъ людьми стану свѣтского готовую и не отволочную... сираведливости дадено собѣ не ищучи... зажды отнестися могутъ (*). А отъ насъ тежѣ господаря найавнѣйшій прикладъ въ томъ имѣеть поданъ, ижъ и мы, водѣ права посполитого, черезъ продки наши и черезъ насъ тому панству великому князству Литовскому поприсяжонного и наданого, гдѣ идетъ о кгрунты и рѣчи земельныхъ, ровному и одинакому праву посполитому иже подлежады: тогда тымъ же обычаемъ и все прелаты, бискупове и иные особы стану духовного, якимъ — кольвекъ иже имѣнья названы: держачи имѣнья свѣтскіе, праву посполитому и службѣ земской военной подлежады, будь купленные, або закупленные и якимъ — кольвекъ обычаемъ черезъ нихъ и продковъ ихъ набытые, — о кгрунты земельныхъ тыхъ таковыхъ имѣній своихъ, гдѣ*

бы кому зъ людей народу шляхетского и зъ иныхъ свѣтскихъ становъ, въ избранью земель, въ показанью границъ, въ переоранью межъ и въ иныхъ рѣчахъ земельныхъ кривды акіе отъ нихъ ся дѣлаи, повинны будутъ усправедливятися и росправу сами собою и имѣньями або кгрунтами своими одними обычаемъ и поступкомъ правнымъ приимати у суду земскомъ и подкоморскомъ, и тамъ далѣй поступючи, яко статутъ права посполитого великого князства Литовского учить и указываетъ. Але, которые бы имѣнья духовныя были съ фундацыи и наданья продковъ нашихъ и нашего господарского, и службѣ земской военной передъ тымъ николи не были подлежады, а съ таковыхъ бы ся кому кривды акіе въ кгрунтахъ дѣлаи: тогда укривженный маеть въ томъ утечи ся до насъ господаря, яко подавцы зверхнего, и листы наши комисаріи одержавши, сираведливости собѣ довести маеть передъ комисарми нашими, и тамъ въ доводѣхъ и во всехъ поступкахъ правныхъ водѣ сего статуту заховати ся маеть. А што ся дотычетъ имѣній, отъ князей и пановъ и землянъ шляхты на костелъ наданныхъ, въ которыхъ естли бы также въ кгрунтахъ або въ границахъ зъ имѣньями шляхетскими рѣчи акіе дѣлаи: тогда укривженный водѣ будетъ съ такового имѣнья съ духовнымъ права земского посполитого, въ которомъ почитъ тое имѣнье лежить, поступкомъ правнымъ вынесетъ статутъ описаннымъ сираведливости собѣ доводити; а врядъ земскій маеть тую справу на судъ подкоморскій отсылати, а подкоморскій маеть по того духовного (зъ имѣнья отъ шляхтича наданого), также и по того самого подавцу новы свои выдѣлы, которыми укривженный ихъ позвати, и на руку и тыми познани приимомъ сираведливости собѣ съ тою духовною особою итѣти съ самимъ по-

(*) Въ подл. водѣ замѣтенъ пропускъ, отъ того и смыслъ періода неполонъ и неясенъ.

№ 161. давною доводити маєть. А давность земская межи имѣньми костелными и шляхетскими такая маєть быти, яко добрами столу нашего господарского съ добрами и имѣньми шляхетскими, и тымъ же обычаемъ шляхть съ добрами нашими и костелными захована быти маєть.

IV. — *Архидиаконъ 34*, о позыванью опекуновъ або экзекуторовъ тестаменту духовныхъ особъ. Кды бы хто съ князей бискуповъ, або канониковъ, прелатовъ и иныхъ становъ духовныхъ отписалъ кому записомъ або тестаментомъ, съ остаточной воли своею, по животь своемъ, што маєтности своею лежачою або рухомою, и ко выконанью того тестаменту своею установилъ бы и назначилъ опекуновъ, або экзекуторовъ того тестаменту; а тые бы опекунове не заховали ся водлуть того тестаменту або запису, а тому, кому што отписано, не хотѣли бы отдати, або кривду якую кому въ томъ учинили; тогда въ такой рѣчи, тыхъ опекуновъ, якого стану ни будь, духовного або свѣтского, сторонъ укриважной волно будетъ позвати до суда головнаго; а тамъ если съ права што сказано будетъ на тыхъ опекуновъ, тогда тое сказанье противъ духовныхъ особъ, на отправу рѣчи суженой, маєть быти отъ суда головнаго отослано до князя бискупа, въ которо послушенствѣ тотъ духовный будетъ; а противъ особъ стану свѣтского дог. сказанье маєть быти ко отправѣ отослано до суда земского; а судъ отправу чинити повиненъ будетъ. А самого князя бискупа, съ стороны таково опеки, ему отъ кого — колькокъ отписано, або отъ того, кды бы отписано, скля зацію, суду головнаго отправу учинити не хотѣлъ, маєть быти позвано передъ насъ посподаря, тамъ бачи, что насъ съ двора нашимъ будемъ, на рѣчь зачатый; а если у великомъ князствѣ Литовскомъ, а за нѣмъ и вельдѣли; а если за границую великого князства Литовского, ино за омы не дѣль. Што мы отсудити безъ всякой проволочки, будемъ повинны.

ны, не впускаючи тоя sprawy въ имитацию; а за оказаньемъ зволюки въ чиненью отправки, вину на князя бискупъ сказати маемъ, которая есть въ трибуналь описана; а рѣчь несужоную отправить роскажемъ, подъ зарукою таковою жъ о што тая рѣчь идетъ. Къ тому, о недопущенъ апеляции и неучиненъ справедливости князь бискупъ тымъ же способомъ позыванъ быти маєть; а въ вѣбѣности е. м. князя бискупа въ тыхъ панствахъ, кды бы въ тыхъ рѣчахъ верху — описаныхъ въ чомъ — колькокъ врядъ его выкрочили; тогда о то врядъ е. м. маєть быти позыванъ до суда головнаго трибунального, спольного съ духовными.

V. — О коллегіятахъ. Устанавлиемъ, ижъ за позволеньемъ всихъ становъ, за прозбою коллегіатовъ коллегіума Виленского, съ имѣній тыхъ, которые отъ кого — колькокъ на тое коллегіумъ наданы, а либо якимъ — колькокъ способомъ набыты до сего часу мають, тотъ выправованъ на службу земскую военную вольными, ихъ чинимъ: а если бы что было имѣній до того коллегіума Виленского, якимъ — колькокъ способомъ, тымъ же путемъ, по выданью сего статуту, еще набыты; съ таковыхъ всихъ они потомъ на службу земскую военную почты своей, съ тыхъ имѣній повяны, равно яко и шляхта великого князства Литовского, выправовати будутъ повинны. Вѣдь же, кды бы на соймѣ спольномъ подае текъ який на оборону рѣчи посполитой былъ, уваженъ; тогда и они совсихъ добръ своихъ коллегіатскихъ, якимъ — колькокъ обычаемъ перво сего и потомъ набытыхъ, таковыи подаютъ выдавати будутъ повинны. А справы судовые со всихъ тыхъ добръ своихъ, которые теперь набыты, мають отправовати будучи тымъ же способомъ яко и инше станы духовныя.

VI. — *Архидиаконъ 34*, о позыванью опекуновъ або экзекуторовъ тестаменту духовныхъ особъ. Кды бы хто съ князей бискуповъ, або канониковъ, прелатовъ и иныхъ становъ духовныхъ отписалъ кому записомъ або тестаментомъ, съ остаточной воли своею, по животь своемъ, што маєтности своею лежачою або рухомою, и ко выконанью того тестаменту своею установилъ бы и назначилъ опекуновъ, або экзекуторовъ того тестаменту; а тые бы опекунове не заховали ся водлуть того тестаменту або запису, а тому, кому што отписано, не хотѣли бы отдати, або кривду якую кому въ томъ учинили; тогда въ такой рѣчи, тыхъ опекуновъ, якого стану ни будь, духовного або свѣтского, сторонъ укриважной волно будетъ позвати до суда головнаго; а тамъ если съ права што сказано будетъ на тыхъ опекуновъ, тогда тое сказанье противъ духовныхъ особъ, на отправу рѣчи суженой, маєть быти отъ суда головнаго отослано до князя бискупа, въ которо послушенствѣ тотъ духовный будетъ; а противъ особъ стану свѣтского дог. сказанье маєть быти ко отправѣ отослано до суда земского; а судъ отправу чинити повиненъ будетъ. А самого князя бискупа, съ стороны таково опеки, ему отъ кого — колькокъ отписано, або отъ того, кды бы отписано, скля зацію, суду головнаго отправу учинити не хотѣлъ, маєть быти позвано передъ насъ посподаря, тамъ бачи, что насъ съ двора нашимъ будемъ, на рѣчь зачатый; а если у великомъ князствѣ Литовскомъ, а за нѣмъ и вельдѣли; а если за границую великого князства Литовского, ино за омы не дѣль. Што мы отсудити безъ всякой проволочки, будемъ повинны.

слова: Ierzy Card. Radziwił, biskup Wileński. Ostafey Wołowicz ręką własną. Mikołay Monwid Dorohostaysky ręką własną. Ian Hebowicz ręką własną; и тежъ печати ихъ милостей тыхъ же пановъ радъ вышепомѣненныхъ и пословъ земскихъ. Которые — то артыкулы, за жданьемъ е. м. кнежати кардинала, до книгъ господарскихъ канцларейскихъ вписаны суть, и выписъ подъ печатью е. м. господарскою кнежати кардиналу есть данъ. Писанъ у Городня. — «Левъ Сапѣга, подканцлерый великого князства Литовского».

Изъ Литовской Метрики (Суд. дѣль кн. LXV, л. 253—259), хранящейся при Правительствующемъ Сенатѣ, въ С. Петербургѣ. Въ заглавіи акта отпечено: Уведѣнье до метрыкъ отъ е. м. князя кардинала артыкуловъ, съ статуту великого князства Литовского новоправленого выданыхъ, на которые станы духовные съ станы свѣтскими на зъездѣ Болховицкомъ згодили ся.

162. — 1586. Мартъ 28. Жалованная грамота Киевскому Печерскому монастырю, о дозволеніи возобновити городъ Васильевъ и постройти въ немъ замокъ, для защиты Киева отъ набѣговъ Татаръ, съ дарованіемъ тамошнимъ жителямъ Магдабургскаго Прованна и иныхъ привилегій. Писанъ вѣнчанъ Стефанъ, Божьею милостію король Польскій, великій князь Литовскій, Рускій, Прускій, Жемойтскій, Мазовецкій, Инфлянтскій, княгини Седмиградское и иныхъ, занимаемъ тымъ листомъ нашимъ всимъ воевѣ и кождому зособно, кому то вѣдати наемити, нынѣшнимъ и на потомъ будущимъ. Повѣдавъ веритъ нами велебный Мелентій Крестовичъ, епископъ Владиміерскій и Берестайскій, архимандритъ Киевскій монастыря Печерского, якъ онъ на властномъ и прутѣ церковномъ известомъ Печерского, въ земли Киевской, на мѣстѣ городища надъ рѣкою Стугною, прозымъ Васильевъ, на каремъ шляху Татарскомъ, межи замковъ и мѣстъ нашихъ, Киева

и Бѣловъ — Церкви и Корсуны, на самомъ приворотѣ отъ дикихъ полъ Бѣлгородскихъ, къ великому обезпеченію отъ неприятели шотаниства Татаръ, замокъ заложити будовати и въ сто названное Васильевъ осаживати почати; якожъ хотѣмъ коштомъ в навадомъ своемъ тотъ замокъ добудовати и мѣсто обидѣти оградити; одоже билъ намъ чоловъ, абы мы оу насъ нашу господарскую показали, и ему торо дозволявши, право Майдеборское тому мѣсту и подданнымъ его, которые въ томъ мѣстѣ осѣли и напередъ осѣдати будутъ, надали; также ярмарки два въ каждый годъ, одинъ на день Вознесенія Христова Руского свѣта, а другій на день Покрова Пресвятыя Богородицы, а торгъ въ каждый тыждень въ Недѣлю, также и корчмы вольные мѣшаномъ тое мѣста жити, медъ, пиво, горѣлку и иншее всякое питье въ нихъ держати и шинковать позволили. А такъ мы зымаки нашею господарскою то учинили, дозволили есмы и сымъ листомъ нашимъ дозволяемъ ему тотъ замокъ на городищу Васильевъ, надъ рѣкою Стугною будовати и мѣсто садити; и тому мѣсту и подданнымъ его, которые въ томъ мѣстѣ осѣли и осѣдати будутъ, даемъ и уможняемъ право Майдеборское, вызволяючи ихъ отъ всихъ чинныхъ правъ земскихъ, шотанимъ, абы черезъ войта, бурмистра, радѣ и иншихъ урядниковъ, въ томъ мѣстѣ его уставленныхъ; тое право Майдеборское во всемъ порядку справовано и держано было. Которые подданыи его, мѣшане того мѣста, тамъ сѣдѣли, тое право Майдеборское во всихъ чинахъ и артыкулахъ оному праву належачимъ уживати и имъ ся судити и рѣшити въ рѣчахъ великихъ и малыхъ, сами междо себе мѣшаны и съ гостями приѣзжими, зымаки и на потомны вѣчныи часы, напередъ чинными одно передъ войтомъ и радѣи мѣстского того мѣста мають; а потому зымаки во головномъ мѣстѣ нашемъ Краковѣ и индѣи обычаи того права Майдеборского заховываеся. Мы даемъ моцъ суполную войтови тамошнему и

№ 163. радъ мѣстской, съдѣчи на судѣхъ и справуючи судовые sprawy, такъ межъ мѣшаны яко и межъ гостями прїѣзжими одинакую справедливость въ справахъ мѣстскихъ и во всихъ иныхъ кровавыхъ рѣчахъ онымъ правомъ Майдеборскимъ судити и сказывать, а виновныхъ карати подлѣ выступу ихъ и артыкуловъ въ томъ правѣ описанныхъ. А къ тому въ томъ мѣстѣ его позволили есмо ему и позволяемъ въ каждый рокъ два ярмарки въ дни и свята вышей помѣненные, и торги въ день недѣльный, тамъ, безъ жадноу переказы и шкоды мѣстъ нашихъ и шляхетскихъ окончить уставивши, по всихъ мѣстѣхъ нашихъ королевскихъ и князьскихъ и панскихъ и духовныхъ и земныхъ выкликати и трѣбамъ озаимити. Такъ тежъ мѣшане того мѣста его мають мѣти корчмы вольные, медъ, пиво, горѣлку и иное всякое питье въ нихъ держати и шинковать, и добровольно всякими торгами и куплями торговати. И вже на тые ярмарки и торги вольно будетъ всемъ обывателямъ панства нашего и купцомъ чужоземскимъ до того мѣста со всякими куплями и товарами своими прїѣзжаючи торговати и куповати, платячи на тое его мѣсто отъ товаровъ своихъ по звывкому обычаю, яко то въ иныхъ мѣстѣхъ таково жъ заховывается, окромъ переказы головного мѣста нашего королевского. А то въ вольности, отъ насъ ему и монастырю Печерскому дано, онъ самъ и потомки его вѣчными часы уживати и всякіе дожитки пристойные собѣ прибавляти мають, по тому, яко и иные обыватели земли Кіевской таково въ вольности слушати уживаютъ. И на то сесь листъ нашъ рукою нашою подписавши, печать корунную притиснути есмо до него, рассказали. Писанъ въ Городнѣ, дня двадцать осмого мѣсяца Марта, року Божіаго тысяча пять сотъ осмьдесятъ шестого, занованья нашего року десятого. — Stephanus Rex. «Миколай Вашковский.»

Сія привилегія, подтвержденная королею Сигизмундомъ III, 1589 г. Февраля 7, вписана слово въ слово въ книги воеводства Кіевского, изъ коихъ официальная выпись выдана Печерскимъ іеромонахамъ Прокофію Мшанскому и Исая Минкевичу, 1624 г. Іюня 14, за скриптоу писаря Павла Реховского, при урядовой печати. Современный списокъ выписи писанъ на двухъ амплъ сшитыхъ листахъ, крупною скорописью, и засвидѣтельствованъ Лаврскимъ соборнымъ старцемъ Теодоріемъ.

Изъ библіотеки Кіевской Духовной Академіи.

163. — 1586 Іюля 5. Жалованная подтвердительная грамота Пинской Николаевской церкви священнику Іоанну Соколу, на владѣніе участкомъ поля лежащаго за городскимъ забраламъ, по грамотѣ, данной на то предку его, князюскому боярину Пинскимъ княземъ Теодоромъ Ярославичемъ.

Стефанъ, Божьею милостью король Польскій, великій князь Литовскій, Рускій, Прускій, Жомойтскій, Мазовецкій, Лифлянтскій, княжа Седмигородское и иныхъ. Озаимуюмъ симъ нашимъ листомъ, кому то вѣдати надѣжитъ, нынѣшнимъ и павотомъ будущимъ людемъ. Билъ намъ господарю чоломъ священникъ нашъ Пинскій Никольскій Иванъ Семеновичъ, и покладалъ передъ нами листъ вебожшыка князя Теодора Ивановича Ярославовича, которымъ вебожшыакъ князь Ярославовичъ, яко отчизный панъ Пинскій, прѣдну его Григорію Соколу клинъ поля въ мѣстѣ Пинскомъ за парканомъ лежащій далъ, выведывши его отъ всякихъ платовъ и вознаграстей замковыхъ съ того поля; на которомъ дей клинъ продуктъ его и домокъ собѣ побудовалъ, съ одного боку лежащій отъ дому дворянъ нашихъ Пинскихъ Оедюшковъ, а въ тылъ отъ домовъ мѣшанъ нашихъ Пинскихъ Борыковичовъ; которого пляну и домоку, съ тою вольностью, онъ самъ и братъ его Тимофей

ажъ и до сего часу спокойнѣ держати и уживаютъ. А варуючи то собѣ для всякого припадку, билъ намъ господарю чоломъ, абымъ то ему подтвердили. Который листъ князя Ярославовичовъ, слово отъ слова, такъ се въ собѣ маеть:

«Я князь Теодоръ Ивановичъ Ярославовича чинимъ знакомито симъ нашимъ листомъ, хто бы того вѣдати хотѣлъ нынѣ и павотомъ, ижъ мы за мѣстомъ и парканомъ Пинскимъ, недалеко рова парканного, за мостомъ, дали есмо вѣчнѣ клинъ поля нашего замкового, на вольности, и до замку ничего отнюдь не выимуючи, служебнику и боярину нашему Григорію Соколу, ему самому, жонѣ, дѣтемъ и шадкомъ его: вольно ему, какъ хотячи, тотъ клинъ поля продати, и отдати, и къ пожитку своему промыслити. И на то ему дали сесь нашъ листъ съ нашею печатью. Писанъ въ Пинску, въ лѣто по семой тысячи осмнадцатое (*), индиктъ тринадцатый, мѣсяца Мая въ четвертый день». — У того листу печать князя Теодора Ярославовича притисненая, а подпись руки тыми словами: «Я князь Теодоръ, властная рука», а другая подпись руки: «Оедко дѣакъ.»

Ино мы господарь на чоломбѣ того Ивана священника Пинского чинячи, тотъ листъ князя Ярославовича во всемъ при моцы зоставуемъ, и тотъ пляцъ и на немъ домокъ его, въ которомъ дей есть вымѣренныхъ пруговъ селѣбныхъ три и огородныхъ три (чого онъ съ братомъ своимъ Тимофеемъ въ державлю суть), при той же вольности ихъ зоставуючи, которѣ они и до того часу за листомъ князя Ярославовича уживали, симъ листомъ нашимъ имъ объомъ ствержаемъ; и держачи они яко властности своею, того двора уживати мають вѣчными часы. На што дали есмо имъ сесь нашъ листъ, съ нашою печатью и съ под-

писомъ руки нашею господарею. Писанъ у Городнѣ, лѣта Божьего нарощенія 1586, мѣсяца Іюля пятого дня. — «Кгабрыель Война, писарь».

Изъ Литовской Метрики (Запис. кн. LXXIII, 146—147), хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Подтверженіе священнику Пинскому Ивану на клинъ поля за парканомъ и домомъ въ мѣстѣ Пинскомъ, продуктъ его отъ вебожшыка князя Теодора Ивановича Ярославовича, данный.

164. — 1586 Іюля 18. Наказная королевская грамота Полоцкимъ городскимъ сановникамъ, о запрещеніи тамошнимъ жителямъ, чтобы они въ праздничные дни по новому Римскому календарю не занимались ни торговлею, ни ремесленными работами.

Стефанъ, Божьею милостью король Польскій и великій князь Литовскій, Рускій, Прускій, Жомойтскій, Мазовецкій, Лифлянтскій, княжа Седмигородское и иныхъ, войту, бурмистромъ, райцомъ и лавникомъ мѣста нашего Полоцкого. Маемъ того справу, ижъ мѣшане тамошніе и ишіе люди католикомъ, которые вольно новоправленого календаря заховуются, кривды и деспекты чинятъ и оныхъ примушаютъ до захованья святъ своихъ вольностей старого календаря; также и крамары въ дни святые крамы свои отворяти и ремесленники всякіе ремесла свои робити звывли. А ижъ то есть противко Богу и приказанью его святому, якожъ мы то слышючи не владѣемъ тое прїймаемъ: для того росказуемъ вамъ, хотячи то вонечно по васъ мѣти, абы естество волю нашу и росказанье наше всемъ озаимити и обволати казали, чтобы жадныи обыватели тамошніи Полоцкіи не

(*) Т. е. 1510 г. Индиктъ вѣрнѣ.

№ 165. смѣли католиковъ до свяченія святѣ водлугъ старого календара примушати, и во дни святые, которые костелъ Римскій зѣ учтивостію и набоженствомъ обходить и святитѣ водлугъ новоправленого календара, не важили ся крамовъ своихъ отворити, и ремесла жадного не робили, а кто бы се того важилъ и сему листу нашему спротивилъ, абы виною водлугъ права Майдебурского черезъ вась сапыхъ, яко урядъ тамошній, былъ каранъ. А иначе того абы есте чинити не смѣли, подъ ласкою нашою господарскою, конечно. Писанъ у Городнѣ, лѣта Божьего пароженья 1586, мѣсяца Іюля осмнадцатого дня. — «Кгабрыель Война, писарь».

Изъ Литовской Метрики (Запис. кн. LXXIII, л. 151 об.), хранящейся при Правительствующемъ Сенатѣ, въ С. Петербургѣ. Въ заглавіи грамоты отпечено: Листъ до бурмистровъ, радць и всихъ мѣщанъ Полоцкихъ, абы дни святые водлугъ новоправленого календара зѣ учтивостію обыходили.

165. — 1586 Іюля 25. Судъ а королевская грамота Киевскому Выдубицкому монастырю, о возвращеніи во владѣніе его острова Котошны, присвоеннаго Мозырскими боярами, со всѣми къ нему угодьями.

Стефанъ, Божьею милостію король Польскій и великій князь Литовскій и проч. Смотрѣли есмы того дѣла съ паны радами нашими, на тотъ часъ при насъ будущими: жаловалъ съ позволю игуменъ, монастыря нашего Киевского святого Михаила Выдубицкого Феодоръ, черезъ умопованого своего Марка Комоняку, на боярина нашего замку Мозырского Андрея Давыдовича, о томъ, штожъ дѣй вошедши онъ въ держанье въ кгрунтъ церковный, у — въ островъ прозываемый Котошню, въ повѣтъ Мозырскій у волости Богутинской, лежачій, отъ продка нашего славные памяти короля е. м. Жикгимонта Августа на тотъ монастырь нашъ Киевскій Выдубицкій наданный,

и держачи дѣй онъ той островъ подъ собою, а будучи поладнымъ нашимъ церковнымъ, данъ и всякую повинность съ того острова на тотъ монастырь жалечную, черезъ шесть лѣтъ, почавши отъ року осмдесятого ажъ до року теперешнего осмдесять шостого не выдалъ и у себе дѣй ее задержалъ; и домовлялся, абы право свое, естли бы которое на тотъ островъ Котошню мѣлъ, передъ нами показалъ, за чимъ бы того острова уступити и тоѣ данины къ монастырю Выдубицкому выдати не хотѣлъ. По которой жалобѣ, Андрей Давыдовичъ черезъ умопованого своего Адама Холховского повѣдилъ: ижъ дѣй «я тотъ островъ Котошню держу за правомъ своимъ, который дѣй есми купилъ у Игната а у Яцка Исаевичовъ, бояръ замку нашего Мозырского, за певную сумму пѣмезей двѣсти копѣ грошей личьбы Литовской; а тотъ дѣй Исай мѣлъ тотъ островъ, первѣй, за даниною воеводы Виленьского, канцлера великого князства Литовского, старосты Мозырского, державцы Борисовского пана Николая Раинвила, а потомъ отъ его королевской милости Жикгимонта Августа ему на вѣчность данъ; на што и листъ данію е. м. показалъ, подъ датою у Злантахъ року тысяча пять сотъ шестдесятъ осмого, мѣсяца Апрелья чотырнадцатого дня, которымъ ему тотъ островъ былъ данъ до воли и ласки господарской. Другій листъ показалъ, писанъ у Вайню, лѣта Божьего пароженья, тысяча пять сотъ шестдесятъ осмого, мѣсяца Декабрь двадцатого дня, съ подписомъ руки продка нашего, короля е. м. Жикгимонта Августа и подъ печатью маестатовою, которымъ листомъ своимъ тотъ островъ Котошню тому Исаю его королевская милость продекъ намъ, самому, жонѣ, дѣтемъ и потомкомъ его мужского рожая на вѣчность далъ. Третій листъ покладалъ Игната а Яцка Исаевичовъ, бояръ повѣту Мозырского, писаный у Мозыру, року осмдесятого, мѣсяца Май двадцать сегомо дня, подъ печатями людей добрыхъ и съ подписомъ

рукъ ихъ, которые ему тотъ островъ, яко отчизный свой, за двѣсти копѣ грошей продали на вѣчность. Покладалъ тежъ выпись съ книгъ кгородскихъ Мозырскихъ, ижъ тые Исаевичи, продавши тотъ островъ Котошню, вынанье на вѣдь учинили, въ томъ же року осмдесятомъ, мѣсяца Іюля пятого дня. Покладалъ тежъ подтверженье и отъ насъ господаря на тую Котошню, листъ писанный у Вильни, съ подписомъ руки нашею и съ нашою печатью, року осмдесять первого, мѣсяца Іюня осмнадцатого дня, которымъ листомъ мы господарь тую продажу ему того острова подтвердили. И домовлялся, абы при томъ островѣ, водлугъ того права, которое передъ нами показывалъ, былъ онъ захованъ, подавши артыкулы зѣ Статуту правъ великого князства Литовского. — А игуменъ монастыря Выдубицкого Феодоръ черезъ того умопованого своего доводячи того, ижъ тотъ островъ съ давныхъ часовъ естъ отъ предковъ нашихъ на монастырь Выдубицкій наданный, и завжды его богомольцы наши къ тому монастырю въ уживанью своемъ мѣли, покладалъ перелъ нами напервѣй листъ подтверженье продка нашего, короля е. м. Жикгимонта, писанный у Вильни, року тысяча пять сотъ сорокъ первого, мѣсяца Марта пятого дня, которымъ листомъ своимъ его королевская милость тотъ островъ Котошню, што первѣй былъ вѣдникъ Мозырскій Скуминъ Львовичъ на монастырь Выдубицкій присудилъ и иншіе земли, ему подтвердити рачилъ. Другій листъ вызнанный покладалъ Феодора Скипоровича зѣ Богутичъ, писанный въ Бабицахъ, року семь-тысечного сорокъ первого ('), индикта сегомо, Октября первого дня, которымъ визнаваеъ, што упрости у игумена Выдубицкого Алексѣя половину острова Котошны, а съ того мѣлъ давати

дани по двѣ ведръ меду на монастырь Михайловскій. Третій листъ покладалъ, писанный въ Мозыру, року тысяча пять сотъ сорокъ девятого, мѣсяца Февраля третего дня, индикта сегомо, въ которомъ пишетъ Николай Войтеховичъ Нарбутъ до подданного Мозырского Кузмы Лѣсуна, абы на жалобу игумена Михайловского Олексѣя, о забитье чолвѣка церковного Петра, и о вступѣ въ островъ Котошню квалтовный, и о побранью рѣчей рухомыхъ, передъ нимъ сталъ и на жалобу его усправедливилъ ся. Четвертый листъ покладалъ писанный въ монастыри святого Михаила, въ лѣто семь-тысечное пятдесятое ("), мѣсяца Декабрь семнадцатого дня, индикта первого, которымъ листомъ продекъ Феодоръ, Ефремъ, игуменъ Выдубицкій, на чолобитье чолвѣка церковного, на имя Онофрейка Половца зѣ Мозыря, и Осташка Романовича, пасынка его, далъ въ островъ Котошны два жеребьи, Луктяновичу и Михалевичу, съ которыхъ за постановленьемъ ихъ мѣли давати на монастырь въ каждый годъ по полчетверта ведра меду. Пятый листъ покладалъ, писанный въ монастыри Выдубицкомъ, року тысяча пять сотъ семдесятъ сегомо, мѣсяца Май второго дня, сознанье Петра и Павла, ижъ взяли у игумена Олексѣя половину острова Котошны, съ которого мѣли давати по одиннадцати ведеръ меду до монастыря Выдубицкого, Киевской мѣры. Шостый листъ покладалъ митрополита Киевского, Галицкого и всея Руси Іосифа, писанный до Скумина Львовича, отъ Олбрихта Мартыновича Кгаштолта, намѣстника Мозырского, припоминающися, абы съ тыхъ острововъ Мозырскихъ, которые суть давна къ монастырю Выдубицкому наданы и присуждены, данъ была давана. Покладалъ тежъ выпись съ книгъ

(') Т. е. 1533 г. Индиктъ здѣсь вѣренъ.

(") Т. е. 1542 г.

№ 165. замку Кіевского, писанный въ року семдесятъ первомъ, мѣсяца Мая дванадцатаго дня, въ званіи Исая Григорьевича, ижъ онъ островъ Котошню упростилъ былъ собѣ у продка нашего, короля его милости, на службѣ боярской: о который его до суда земского Мозырского игуменъ монастыря Выдубицкого Якимей Гуляновичъ съ братьею своею позвалъ былъ; ино онъ, видѣши быти право ихъ слушанье, учинилъ угоду и постановление зъ ними, розумѣючи, ижъ за правомъ своимъ отъ его королевской милости ему данымъ, того острова одержати не могъ; тогда за поступленіемъ игуменомъ мѣлъ держати, а съ того въ каждый годъ мѣлъ давати на монастырь по кади меду. А надъ то подавалъ зъ Статуту правъ великого князства Литовского, зъ роздѣлу первого артыкула двадцать осмый, а зъ роздѣлу третьяго артыкула тридцать семей (*), а къ тому тежъ артыкулъ съ привилею Бѣльскаго, въ року шестдесять четвертомъ учиненый, которымъ вси права духовныя Римского и Греческого закону ствержены суть, домовляющеся, абы были при томъ правъ своемъ въ цѣлости сохранены. — Мы господарь выслушавши по достатку мовенья и доводовъ ихъ, обѣюхъ стороны, и намовивши въ томъ съ паны радами нашими, а бачучи то, ижъ тое право монастыря Выдубицкого святого Михайла, въ Кіевѣ, на тые земли отъ предковъ нашихъ даное, есть первое и слышнѣйшее, — отложивши на сторону все право Андрея Давыдовича на тотъ островъ Котошню, нередъ нами господаремъ показываюе, яко неслухное сказали, и присудили есь же тотъ островъ Котошню, въ повѣтъ Мозырскомъ лежащий, со всеми пожити, яко ся то въ наданію продка нашего описуетъ, къ тому монастырю Выдубицкому на вѣчность. А на

вырумованье съ того острова Котошни всихъ пожитковъ, которые одно — колыбекъ за держанья Андрея Давыдовича въ томъ островѣ прибавлены суть, то есть, будованье, збожье всякое и тежъ бчолы, узычаемъ ему Андрею Давыдовичу часу, отъ даты сего декрету нашего дванадцать недѣль: вѣдѣже только тое маеть съ того острова румовати, што онъ самъ за держанья своего прибавилъ; а тое все въ цѣлости зоставити маеть, съ чимъ ся ему тотъ островъ былъ досталъ; также и тое жыте, которое Андрей Давыдовичъ на томъ островѣ Котошни на рокъ пришлый засѣялъ, то ему все пожати вольно и съ того острова на себе свозити. А што ся дотычетъ товъ суммы пѣнезей што Андрей Давыдовичъ на тотъ островъ былъ далъ: тогда о то ему вольное мовенье у права належного съ тыми истцами, кому онъ тую сумму пѣнезей на тотъ островъ Котошню давалъ, зоставуемъ. А по сконченію сего вырокъ нашего господарского, Андрей Давыдовичъ, быючи намъ господарю челоуѣ, домовлялъ ся, абы есьмо ему съ тыми людьми розными особами, отъ которыхъ ему, за держанья его, въ томъ островѣ Котошни въ поданію бчолъ и въ иныхъ многихъ пожиткахъ шкода и кривда ся стала, вольное мовенье въ правъ належномъ заховали: што мы господарь яко рѣчь слышную учинили, и о тое все, о што — колыбекъ и съ кимъ онъ отъ шкodelьской правомъ чинити зачалъ и на вѣчность чинити будетъ, — о тое все у суду належного также вольное право и мовенье ему зоставуемъ. Што для памяти до книгъ нашихъ канцлярейскихъ записати, и сесь декретъ суду нашего господарского игумену монастыря Кіевского Выдубицкого святого Михайла Феодору, подъ печатью нашею господарскою выдати есьмо роеказали. Писанъ у

(*) Эти указанія сдѣланы, должно быть, по позднѣйшему составу Статута. Въ изданіи его 1820 г. обрѣхъ артыкуловъ — шѣтъ.

Городнѣ, року по нароженію Сына Божого 1586, мѣсяца Іюля 25 дня. — «Левъ Сапега, подканцлерый вел. княж. Литовского».

Изъ Литовской Метрики (Судн. дѣлъ кн. LXV, л. 413—416); хранящейся при Правительствующемъ Сенатѣ, въ С. Петербургѣ. Въ заглавіи акта отпечено: Декретъ игумену монастыря Кіевского Выдубицкого отцу Феодору, противъ боярина Мозырского Андрея Давыдовича, о островѣ церковный Котошню.

166. — 1586 Сентября 8. Наказная королевская грамота Виленскимъ городскимъ сановникамъ и мѣщанамъ, исповѣдающимъ Гимско-Католическую вѣру, о томъ, чтобы они отнюдь не препятствовали тамошнимъ православнымъ согражданамъ своимъ отправлять Господскіе, Богородичныя и все другіе праздники по старому календарю.

Стефанъ, Божьею милостью король Подольскій, великій князь Литовскій, Рускій, Прускій, Жомойтскій, Мазовецкій, Инфлянтскій, князя Седмиградское и иныхъ, всимъ вообще и каждому зособно, кому то вѣдати належитъ, а меновитъ войту, бурмистромъ, радцомъ, лавникомъ и всему посполству мѣщаномъ мѣста Виленского, религии Римского костела, ознаймуемъ, ижъ пріѣзжалъ се-здѣ до насъ велебный Онисифоръ Дѣвочка, митрополитъ Кіевскій, Галицкій и всея Руси, также бурмистры, радцы и нѣкоторые съ поспольства мѣста Виленского люди закону Греческого, жалующися, ижъ вы людемъ религии ихъ святъ Греческихъ святити не допускаете, принуждаючи ихъ къ свяченію святъ Римскихъ водлѣ нового календаря, и не малые трудности въ томъ имъ задаваете; и про-

смили насъ, абы водлѣ вольностей ихъ, отъ продковъ нашихъ имъ наданныхъ въ вольномъ уживанію религии, также водлѣ конфедераций розныхъ вѣръ въ тыхъ панствахъ нашихъ учиненей, которая при паставной монархии нашей вцалѣ принята есть и утвержена, и тежъ водлѣ листовъ нашихъ, въ той справѣ выданныхъ, то есть: одинъ зъ обоу нашего подлѣ Псковомъ до васъ уряду мѣстского Виленского писанный, другій до всихъ вобецъ и до васъ уряду мѣстского Виленского писанный зъ Городна, подлѣ датою року тысяча пятьсотъ осмдесять четвертого, Генваря двадцать первого дня (*), а третій подлѣ датою зъ Неполоничъ, въ року прошломъ осмдесять пятимъ, Мая двадцать осмого дня, водлѣ згоды учиненой межи велебными, княземъ арцыбискупомъ Львовскимъ (**), а владыкою Львовскимъ (***), абы есте ся во всемъ къ нимъ водлѣ конфедерации спокойнѣ заховали. Прото розказуемъ вамъ, вряду мѣстскому Виленскому и всимъ вобецъ обывателямъ, а звлаща преложенымъ въ панствѣ нашемъ великомъ князствѣ Литовскомъ, абы есте людемъ закону Греческого, въ томъ мѣстѣ Виленскомъ и въ иныхъ всихъ мѣшкающимъ, трудностей въ томъ не задавали, и въ обыхоженію святъ водлѣ закону ихъ, а звлаща, Нароженья паньского, Крещенія, Обрѣзанія, изъ мертвыхъ Встанья и Внебовступенья паньского, Зосланья Духа святого, святоѣ Тройцы, святъ найсвентшоѣ Панны Маріи всихъ, и иныхъ святъ Апостолскихъ, водлѣ давного звычаю и закону ихъ, ничимъ прешкоды не чинили; и въ тые свята помѣненные люди закону Греческого до суду войтовского, бурмистровского, радецкого и лавничого, гайного, выложеного и потребного, на ратушѣ абы не были позываны и здаваны,

(*) См. въ семъ томѣ грамоту подлѣ № 139.

(**) Дмитріемъ Саликовскимъ.

(***) Гедеономъ Болобаномъ.

№ 166. и присяги въ тые дни святые абы имъ складаны не были. Вѣдѣже свята звыклые костела католицкого Римского закону водлѣ нового календаря въ учтивости захованы быти мають, водлѣ звыклого обычаю. И въ тыхъ всихъ рѣчахъ згоды и милости абы есте пильнѣ постерегали; а надъ звычай давный, одна сторона другой утяженья жадного абы есте не чинили, подъ ласкою нашою королевскою, постерегаючи того, абы во всемъ покой въ томъ мѣстѣ нашомъ захованъ былъ. Данъ въ Городнѣ, дня осмого Сентября, року тысяча пять сотъ осмдесятъ шостого. — «Stephanus Rex». «Кгабрыель Война, писарь».

Современный списокъ, писанный связною скорописью, безъ знаковъ препинанія, хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

XI. МЕЖДУЦАРСТВІЕ.

167. — 1587 въ Ноябрь. Грамота Константинопольскаго патріарха Іереміи Галицкому и Подольскому епископу Гедвону, о томъ, чтобы онъ не дѣлалъ Львовскому православному Братству никакихъ притѣсненій.

Іеремія, милостію Божіею архіепископъ Константинополя Новаго Рима и Вселенскій патріархъ. Боголюбезне епископе Галицкій, Львовскій и Каменецкій! Благодать буди ти отъ Божіяго обѣщанія. Яже дашася ти о Бозѣ, егда рукоположенъ былъ еси, разумѣй добръ, обѣщавыйся представить Богу словесное стадо свое нескверно и неблаженно, внегда учитися имъ душеполезныхъ и спасеннаго пути. Слышахомъ, яко спротивити сѣтворилъ еси себе, и яко протѣвнися Богу, возбранаеши и прешкождаеши добръ дѣлающимъ: сіе же ничтоже отъ сихъ угодно смиренію нашему явился. Мы убо судивше и истинно испытавше, обрѣтохомъ тя убійцу и ненавистника добру: не яко архіерей сый . . . побѣждаеши, но яко врагъ Божій и чужій вѣры его . . . Пишемъ убо къ тебѣ и завѣщаемъ, да ни въ

чемъже, ни ко единому же противу что возглаголеши во Львовѣ сущему братству и общему, на главахъ ихъ боголюбія и на потребнѣйшихъ роду благочестивыхъ, въ нихъ же Богъ почиваетъ и славится. И аще, убо, еще услышится, яко възбранаеши благаго, первѣе убо яко обидникъ, будеши отлученъ и въ клятвѣ сый въ нашемъ извѣщенномъ, по семъ же . . . и инаго обтяженія церковнаго наказанія: якоже да не будетъ! Вонми добръ, и хранися отъ нашего завѣщанія о семъ братствѣ и отъ осуженія: тако да будетъ, а не инако, и дабы благодать Божія была со боголюбіемъ ти. Писанъ мѣсяца Ноемврія, индикта первого.

Старинный переводный списокъ грамоты писанъ на полулистѣ, полууставнымъ почеркомъ переходящимъ въ скоропись. На оборотѣ той же рукою отмѣчено: Копія листу патріаршего на Гедвона епископа Болобана. Ветхъ.

Хранится въ архивѣ бывшихъ Греко-Унитскихъ Митрополитовъ, при Святѣйшемъ Синодѣ.

КОНЕЦЪ III-го ТОМА.

ПРИМЪЧАНІЯ.

ПРИМѢЧАНІЯ

КЪ ТРЕТЬЕМУ ТОМУ

АКТОВЪ, ОТНОСЯЩИХСЯ КЪ ИСТОРИИ

ЗАПАДНОЙ РОССИИ.

1. — Къ № 1. Сія грамота и нѣсколько послѣдующихъ даны Сигизмундомъ Августомъ при жизни отца своего, короля Сигизмунда I-го, который скончался въ 1548 г. См. Крашевскаго Chron. Wiln. I, 246. Сигизмундъ Казимировичъ, будучи уже почти осмидесяти лѣтъ, по убѣжденію вельможъ и совѣтниковъ своихъ, долженъ былъ передать правленіе Литовскимъ княжествомъ сыну своему, избранному и провозглашенному (1522 г.), еще въ младенчествѣ, великимъ княземъ Литовскимъ. См. *Акт. Зап. Росс.* II, прим. 90. Затѣмъ, хотя королевичъ Августъ, достигнувъ совершеннолѣтія, какъ свидѣтельствуегъ Догель (Cod. dipl. reg. Pol. et mag. Duc. Litv. Ms. III, 96), въ 1536 году далъ торжественную присягу Литовскимъ чинамъ управлять государствомъ по примѣру своихъ предковъ (secundum consuetudinem antiquam, et quemadmodum a divinis praedecessoribus habita, tenta et observata fuerint): но окончательная уступка ему Литовскаго престола со стороны отца послѣдовала не прежде 1544 г., на Брестскомъ сеймѣ. См. Дялынскаго Zb. praw Litewsk. стр. 308. Объ этомъ событіи Сигизмундъ Августъ тогда же извѣстилъ Государя Московскаго, чрезъ посланника Яна Комаевскаго: «вже нынѣ тотъ столецъ нашъ отчизный, великое князство Литовское, Руское и Жомойтское, за живота и доброго здоровья своего, въ моцъ и справу нашу совсѣмъ спустилъ и подалъ», т. е. Сигизмундъ, называемый Старымъ. См. *Посольск. кн. Лит. Метр* I, 1. Слич. Карамз. VIII, 83, прим. 147.

Кіевопечерскій архимандритъ Вассіанъ въ каталогахъ настоятелей пропущенъ. См. *Оп. Кіев. Лавры* стр. 141 и *Ист. Малоросс.* Маркевича V, 187. Въ Литов. Метр. Судн. дѣлъ кн. XII, л. 24 упомянуто, что Вассіанъ управлялъ прежде Минскимъ Вознесенскимъ монастыремъ, а въ 1541 или 1542 г. перемѣщенъ въ Кіевъ, на мѣсто архимандрита Софронія. См. *Акт. Зап. Росс.* II, 380 и прим. 136.

Изъ современныхъ актовъ, хранящихся въ архивѣ бывшихъ Греко-Унитскихъ митрополитовъ, видно, что Кіевопечерскій «вкладчикъ» князь Соколинскій, котораго имя въ грамотѣ не означено, назывался Львомъ.

2. — Къ № 2. Полоцкій архіепископъ Симеонъ въ каталогахъ Кульчинскаго и Стебельскаго пропущенъ. См. о немъ *Акт. Зап. Росс.* II, 365, 375, 403 и прим. 127 и 134.

Въ напечатанной подъ симъ номеромъ грамоты вѣтъ имени митрополита, — роднаго отца Полоцкаго боярина Ивана, разведеннаго архіепископомъ Симеономъ съ женою. Но изъ манускриптовъ Лит. Метр., *Запис.* кн. XII, л. 129, явствуетъ, что это былъ Іосифъ II-й, Русинъ, бывшій прежде архіепископомъ Полоцкимъ. Другой сынъ его назывался Михаиломъ. И другіе Кіевскіе митрополиты: Іона II, Макарій II, Русинъ, Іона III Протасовичъ-Островскій, были некогда въ супружествѣ, имѣли законныхъ дѣтей. См. Лит. Метр. *Запис.* кн. VIII, л. 158 и кн. LXVIII, л. 38, *Судн. дѣл* кн. LVIII, л. 208.

3. — Къ № 3. Былъ ли созванъ этотъ предположенный Соборъ Русско-Литовскаго духовенства, остается неизвѣстнымъ.

4. — Къ № 4. Этотъ актъ, относящійся къ Литовско-Русскому законодательству, напечатанъ въ *Zb. praw Litewsk.* Дялынскаго стр. 418—435, Польскими буквами, неисправно и съ пропусками; онъ, вѣроятно, снятъ не съ оригинала, а съ списка Литовской Метрики, хранящейся въ Варшавскомъ архивѣ.

5. — Къ № 5. Такого же содержания жалованная грамота короля Сигизмунда I жителямъ Полоцка, 1511 года, напечатана въ *Акт. Зап. Росс.* II, 86 — 90. Списокъ подтвердительно грамоты Сигизмунда Августа Полочанамъ находится въ Лит. Метр. *Запис.* кн. XXXI, л. 35. Она была подтверждаема и преемниками его: Стефаномъ Баторіемъ, 1580 г. Мал 7; Сигизмундомъ III, 1593 г. Іюня 15, и Владиславомъ IV, 1634 г. Іюня 28.

Въ Баторіевой подтвердительно «привилегіи» Полочанамъ замѣчательно слѣдующее дополненіе: «А ежъ они пляцовъ своихъ, которые въ замку «головномъ» мѣли, гдѣ теперь дворы ихъ суть, для прострѣнья пляцу, за желаньемъ нашимъ сами добровольно уступили, позволивши отъ насъ за нихъ въ замку наомъ «стрѣльцомъ» пляцы собѣ взяти: тогда мы симъ листомъ привилеємъ нашимъ господарскимъ такъ имъ варуемъ и упевняемъ, ижъ не одно привилеямъ и вольностямъ ихъ ничого ся ублжити, але ни въ которой николи переказъ то быти не маеть; а они мають таковымъ же правомъ тые пляцы въ замку «стрѣльцомъ» держати, якимъ правомъ и въ «вышнемъ» замку пляцы свои мѣли». Слѣдовательно, по завоеваніи Полоцка Баторій приступилъ къ возобновленію укрѣпленій его, очистивъ Верхній замокъ отъ жила, и выселивъ оттуда обывателей въ замокъ Нижній или Стрѣльцкій.

6. — Къ № 6. Успенская церковь въ Львовѣ сгорѣла въ 1527 г., и болѣе 30 лѣтъ стояла въ развалинахъ. Возобновленіемъ и украшеніемъ ея Львовскіе Русины обязаны Молдавскому господарю Александру. См. Зубрыцкаго *Kron. miasta Lwowa* стр. 182.

7. — Къ № 7. При этой грамотѣ datum нѣтъ. Но она не митрополиту Макарію, первому сего имени, принадлежитъ. Полагая, согласно съ Палиподією, время управленія его Кіевскою церковью съ 1490 по 1497 годъ, въ которомъ онъ умерщвленъ Татарами, или, по Архивскому летописцу, съ 1495 по 1497 г., въ обоихъ случаяхъ выходитъ, что въ эти годы индикта «шестаго» не было. Слѣдовательно эта грамота относится ко времени митрополита Макарія II, Русина, управлявшаго Кіевскою церковью отъ 1535 до 1556 г. (См. *Акт. Зап. Росс.* II, прим. 117). Индиктъ шестой соответствуетъ 1548 году: этотъ годъ и выставленъ при грамотѣ.

Сей актъ дополняетъ каталогъ Лудскихъ православныхъ епископовъ именемъ Θεοδοσία, который Нѣсецкимъ, Стебельскимъ и Кульчинскимъ пропущенъ. Изъ позднѣйшихъ документовъ сохранившихся въ Лит. Метр. видно, что въ 1558 г. Лудскимъ епископомъ былъ Іосифъ, — преемникъ Θεοδοσία,

управлявшій Лудскою паствою до 1566 г.; а затѣмъ по порядку долженъ слѣдовать епископъ Іона Борзобогатый. См. ниже прим. 13 и 36.

8. — Къ № 8. Эта любопытная грамота доставлена была покойному Государственному Канцлеру графу Румянцову, въ списокъ, снятомъ профессоромъ Лобойко съ харатейнаго подлинника, хранящагося въ архивѣ Виленскаго капитула. Въ палеографическомъ описаніи грамоты сказано: «замѣчательно, что этотъ документъ относится къ народу Римско-католическаго исповѣданія, и не смотря на то, писанъ по Русски». Первое обстоятельство заслуживаетъ замѣчанія: ибо содержаніе этой грамоты показываетъ дурную нравственность Литовцевъ въ XVI вѣкѣ. Что же касается до языка, на которомъ писанъ сей документъ, то слѣдуетъ принять въ соображеніе, что въ областяхъ в. княжества Литовскаго Русскій языкъ, хотя съ примѣсью Польскаго, былъ не только языкомъ народнымъ, но на немъ производилась и вся юридическая и дипломатическая письменность того края. Даже Польскій король Генрихъ Анжуйскій, не знавшій по-Польски, выдавалъ «привилегіи» свои Литовцамъ и Жмудинамъ на языкъ Русскомъ (см. въ семъ томѣ грамоту подъ № 59). Стефанъ Баторій, также не знавшій по-Польски, но свѣдущій въ Латинскомъ языкѣ, началъ было вводить въ Литвѣ юридическую латынь: но это нововведеніе, какъ видно изъ акта въ семъ томѣ подъ № 64, не понравилось Русинамъ.

9. — Къ № 9. См. *Акт. Зап. Росс.* т. I, 192 и II, 60 и 373.

10. — Къ № 10. Слич. *Акт. Зап. Росс.* II, 140 — 141. Въ этой подтвердительно грамотѣ правила монастырскаго общежитія излагаются подробно.

11. — Къ № 11. Эти Акты напечатаны въ *Zb. praw Litewsk.* Дялынскаго стр. 436 — 475, Польскими буквами, неисправно и съ пропусками въ текстѣ, вѣроятно, со списка Лит. Метр., находящагося въ Варшавскомъ архивѣ.

О Московскихъ «взникахъ», содержавшихся въ заключеніи въ Троцкомъ замкѣ, см. *Акт. Зап. Росс.* II, 165. Въ 1551 г., Сигизмундъ Августъ освободилъ князя Михаила Булгакова-Голицу, проведеннаго тридцать семь лѣтъ въ Литвѣ, въ неволь. См. *Посол. кн. Метр.* I, 60. Нѣкоторые пѣвники получили свободу позже. См. Карамз. VIII, 256, прим. 478.

12. — Къ № 12. Грамота эта объясняетъ форму «смыснаго» суда, называемаго *judicium mixtum*. Видно, что и въ Западной Руси, также какъ и у насъ, разрѣшеніе споровъ и тяжбъ по духовнымъ завѣщаніямъ предоставлялось «владыкамъ».

Полоцкій архіепископъ Германъ Хребтовичъ въ каталогахъ Лекеня, Нѣсецкаго, Кульчинскаго и Стебельскаго пропущенъ. Нѣкоторые несправедливо смѣшиваютъ его съ Германомъ или Григоріемъ Загорскимъ, принявшимъ Унію.

О Полоцкихъ православныхъ монастыряхъ, нынѣ не-существующихъ, см. *Акт. Зап. Росс.* I, прим. 11. Основываясь на напечатанномъ здѣсь документѣ, надлежало бы причислить къ нимъ два монастыря, Вознесенскій и Пятницкій: но въ Баторіевой грамотѣ, пожалованной (1582 г.) Полоцкимъ Езуитамъ на отчины, эти монастыри поименованы въ числѣ «приходовъ» или *parochiae*. См. ниже прим. 80.

Витебскій Предтеченскій женскій монастырь въ *Ист. Росс. Иерархіи* не упомянутъ. Нынѣ и самое мѣсто, гдѣ онъ находился, не извѣстно.

13. — Къ № 13. См. Дялынскаго *Zb. praw Litewsk.* стр. 476 — 506.

По Римско-Католическимъ Святцамъ день епископа Мартина празднуется 11 Ноября. Этимъ точнѣе опредѣляется время Виленскаго сейма въ 1554 г.

Въ напечатанномъ подъ симъ номеромъ актѣ (см. стат. 3) упомянутъ Владимиро-Вольнскій епископъ, безъ означенія его имени. Изъ современныхъ документовъ Лит. Метр. открывается,

что съ 1548 по 1566 г. Владимирскою епархіею управлялъ епископъ Іона Борзобогатый-Красенскій, перешедшій потомъ на Луцкую кафедру. Въ 1566 г. преемникомъ его во Владимиръ находимъ Ѳеодосія, бывшаго владыку Хелмскаго и Белзскаго. Въ каталогахъ Лекеня, Кульчинскаго и Стебельскаго оба они пропущены.

14. — Къ № 14 и 15. Сія Акты дополняютъ *Опис. Кіевск. Іерархіи* стр. 118. Галицко-Львовскій второй православный епископъ Арсеній происходилъ изъ фамиліи Болобановъ. По сказанію Зубрыцкаго (*Kron. Lwowa* стр. 172), Арсеній, въ міръ называвшійся Маркомъ, посвященъ въ епископскій санъ въ 1549 г., Кіевскимъ митрополитомъ Макаріемъ, на основаніи пожалованной ему отъ короля Августа привилегіи. См. *Suppl. ad Hist. Russ. Monum.* стр. 147. Стебельскій въ іерархическомъ каталогѣ поставилъ Арсенія безъ показанія времени; а Сярчинскій, въ *Obraz wieku Zygmunta III*, т. I, стр. 16, ошибочно смѣшалъ его съ Перемышльскимъ епископомъ Арсеніемъ Брылинскимъ, жившимъ гораздо позже.

Монастыри, Уневскій и въ Львовѣ Онуфріевскій, считались оба «ставропигіальными», и подчинялись Кіевскому митрополиту.

15. — Къ № 16. Этой статьи нѣтъ ни у Чацкого, ни у Дялынскаго.

16. — Къ № 17. См. Карамз. VIII, 250, прим. 465. Эта перемирная грамота доселѣ не была напечатана. Въ *Посольск. кн. Лит. Метр.* (изд. въ Москвѣ, въ 1843 г.), гдѣ этотъ договоръ долженъ бы имѣть свое мѣсто (I, 119 — 121), его также не находится.

17. — Къ № 18. Изъ современныхъ актовъ, хранящихся въ архивѣ бывшихъ Греко-унитскихъ митрополитовъ, извѣстно, что Кіевскій митрополитъ Сильвестръ въ мірянахъ назывался Стефаномъ Бѣлкевичемъ, и служилъ королевскимъ «скарбникомъ» въ Вильнѣ. Онъ управлялъ Русско-Литовскою церковью съ 1556 до 1568 г. Въ каталогѣ Лекеня Сильвестра нѣтъ. Ригельманъ, въ своемъ *Литов. Пов. о Малор.* I, 24, несправедливо даетъ ему прозваніе Вилкевича. См. *Чтен. Моск. Общ. Ист. и Древн.* 1847 г. кн. 5.

18. — Къ № 19. Эти любопытные уставы, объясняющіе Литовскую систему «волостной управы» въ XVI вѣкѣ, доселѣ не были напечатаны.

Замѣчательно, что королевскія волости, лежавшія по Западной Двинѣ, Днѣпру, Сожу и Березинѣ (см. стр. 81), назывались Русскими, а не Литовскими.

19. — Къ № 20. Изъ современныхъ актовъ открывается, что Полоцкій бояринъ Глѣбъ Корсакъ въ монашествѣ принялъ имя Герасима. Въ іерархическихъ каталогахъ Лекеня, Кульчинскаго и Стебельскаго онъ не значится. Герасимъ не долго управлялъ Полоцкою епархіею: ибо въ 1562 г. тамошнимъ архіепископомъ былъ уже Арсеній. Слич. ниже прим. 25.

О архіепископѣ Германѣ, предшественникѣ Герасима Корсака, см. выше прим. 12.

20. — Къ № 21. Макарій, первый сего имени, епископъ Пинскій и Туровскій, — преемникъ Вассіана, бывшаго въ 1539 г. на посвященіи Галицко-Львовскаго епископа Макарія Тучанскаго. См. *Supplem. ad Hist. Russ. Mon.* стр. 146. *Акты Зап. Росс.* II, 365, прим. 127. Макарій, второй сего же имени, получившій королевскую привилегію на Пинскую епископію, какъ видно изъ ея содержанія, не имѣлъ отдельной кафедры, а былъ викаріемъ Кіевского митрополита. Онъ прозывался Евлашевскимъ. См. въ семъ томѣ грамоту подъ № 65. Въ іерархическихъ каталогахъ оба Макарія пропущены.

Эта же грамота показываетъ и тогдашній «обрядъ» вступленія владыкъ на епархію.

Королевскій писарь Остаѣй прозывался Воловичемъ. См. въ семъ томѣ стр. 115 и 120.

21. — Къ № 22. Мороцкій Николаевскій монастырь, приписный къ Слуцкому, нынѣ называется Успенскимъ. См. *Ист. Росс. Іерархіи* V, 107 и VI, 163.

22. — Къ № 23. См. *Акты Зап. Росс.* I, 365 и II, 206.

23. — Къ № 24. Эти уставы, относящіеся къ Русско-Литовскому законодательству, напечатаны Дялынскимъ въ *Zb. praw Lit.* стр. 507 — 527, не исправно и съ пропусками, вѣроятно, не съ оригинала Литовской Метрики, хранящейся при Правительствующемъ Сенатѣ въ С. Петербургѣ, а съ находящагося въ Варшавскомъ архивѣ списка.

Въ IV статьѣ (стр. 98), Литовскіе чины, бывшіе на Виленскомъ сеймѣ, просятъ короля Сигизмунда Августа о рѣшеніи дѣла, возникшаго между княземъ Слуцкимъ и княгинею Бѣатою, вдовою князя Іліи Острожскаго; съ Ленчицкимъ или Познаньскимъ воеводою Горкою: но изъ акта, въ которомъ содержится означенная статья, нельзя вывести ничего достовѣрнаго о содержаніи самаго дѣла. Главныя обстоятельства его заключались въ слѣдующемъ: воевода Лука Горна, родомъ Полякъ, покровительствуемый королемъ и поддерживаемый Польскими магнатами, желалъ пріобрѣсти обширныя и богатыя отчины князей Острожскихъ, и для того насильно и противъ воли матери и опекуновъ, женился на единственной дочери и наследницѣ князя Іліи Острожскаго, Елисаветѣ, обрученной уже съ княземъ Симеономъ Слуцкимъ. Несчастная княжна, потерявъ защитницу въ вдовствующей королевѣ Бонѣ, а потомъ и мать свою, отъ страданій и горести лишилась разсудка и жизни. Подробности сего происшествія описаны Зубрыцкимъ въ *Kron. Lwowa* стр. 179 — 181, и Стебельскимъ въ *Geneal. książ. Ostrojsk.* III, 94 — 111.

24. — Къ № 25, 26 и 27. Три эти акта дополняютъ Карамз. VIII, 502, и указываютъ время, когда началась въ Ливоніи война Литовцевъ и Поляковъ съ Русскими.

25. — Къ № 29 и 30. Именемъ Арсенія дополняется каталогъ Полоцкихъ архіепископовъ. Митрополитъ Евгений, въ *Опис. Кіевск. Іер.* стр. 119, основавшись на Хроникѣ Стрыйковскаго (кн. XXV, л. 759), несправедливо придалъ Арсенію прозваніе Гарабурды: фамилія его, какъ видно изъ напечатанныхъ здѣсь грамотъ, была — Шишка. Въ 1563 году, по взятіи Русскими Полоцка, Арсеній, съ тамошнимъ королевскимъ воеводою Станиславомъ Довойною и множествомъ дворянъ, отправленъ былъ плѣнникомъ въ Москву, а потомъ сосланъ въ Спасо-Каменный монастырь, гдѣ и скончался. См. *Акты Археогр. Эксп.* I, 353 и *Акты Ист.* I, 320.

Изъ грамоты, напечатанной подъ № 30, открывается, что по смерти Полоцкаго архіепископа Германа Хребтовича, и за нимъ Глѣба или Герасима Корсака (см. выше прим. 12 и 19), тамошнее «владычество» предоставлено было королевскою привилегіею «въ доживотное держанье» какому-то пану Григорію Воловичу. Но изъ современныхъ актовъ не видно, чтобы сей послѣдній облеченъ былъ въ святительскій санъ, а потому и въ каталогъ Полоцкихъ архіереевъ не значится.

Дворянинъ королевскій Боркулабъ Корсакъ, вѣроятно, братъ Глѣбовъ, въ Мартѣ 1562 г. находился въ свитѣ посольства, отправленнаго Сигизмундомъ въ Москву. См. *Пос. кн. Лит. Метр.* I, 208; слич. Карамз. IX, 36, прим. 60.

По завоеваніи въ 1563 г. Русскими Полоцка, до 1579 г., когда онъ снова отторгнутъ былъ Баторіемъ, находились на тамошней кафедрѣ четыре православныхъ архіепископа: Трифонъ Ступинскій (1563 г.) и Афанасій, изъ князей Палецкихъ (1566 г.), бывшіе прежде епископами Суздальскими, Антоній (1572 г.), возведенный потомъ на Московскую митрополію, и Кипріанъ (1579 г.), плѣнный Баторіемъ; они назывались «Полоцкими и Великолуцкими». Такъ замѣчено въ рукописи: *Дополн. къ Бѣлор. Іерархіи*, принадлежащей Редактору «Актовъ, относящихся къ Исторіи Западной Россіи».

26. — Къ № 31. См. подобныя формы «хиротоніи» или іерейскихъ ставленныхъ грамотъ въ *Акт. Ист. I*, 159 — 163. Въ напечатанномъ здѣсь «поученіи» находятся сокращенія и отмычки въ текстѣ. Это — образецъ церковнаго Витійства въ XVI вѣкѣ. Читая сіе поученіе, умное и назидательное, нельзя не видѣть, что Стебельскій несправедливо укорялъ митрополита Сильвестра въ недостаткѣ знаній. (См. его *Chron. do dziejów i rewol.* II, 104). Напротивъ того, по свидетельству самихъ Польскихъ писателей, Сильвестръ былъ ревностный поборникъ Православной вѣры, и не допускалъ Литовцевъ и Русиновъ обольщаться новыми мнѣніями Лютера, Кальвина, Цвинглия, Социна и проч., которые подъ защитою магнатовъ, овладѣли тогда умами не только Польско-Литовскаго дворянства, но и духовенства. См. Ад. Нарамовскаго *Facies rerum Sarm.* I, 282 и Бандтке *Dz. król. Polsk.* II, 168 и слѣд. Чацкій въ соч. своемъ о *Lit. i Polsk. praw.* I, 298, замѣчаетъ, что при Сильвестрѣ, Польскіе юристы и такъ называемые «палестранты» перестали называть въ судебныхъ актахъ православныя церкви «синагогами», презрительно уподобляя ихъ жидовскимъ божницамъ. Этими свѣдѣніями дополняется *Опис. Кіевск. Іерархii* стр. 118.

27. — Къ № 32. Эта «привилегія», важная по содержанию, подтверждена Сигизмундомъ Августомъ 1568 г. Юля 1, на Городенскомъ сеймѣ, съ условіемъ, чтобы впредь не только не нарушать, но и не подтверждать ее. См. *Prawa i woln. obywat. kor. Polsk. i w. x. Lit., rel. Greek. wuzn. służące*, изд. Бѣлор. архіеп. Георгіемъ Конискимъ, 1767 г. въ Варшавѣ, стр. 16 — 23.

28. — Къ № 33. См. Дялынскаго *Zb. praw Litewsk.* стр. 528 — 542.

29. — Къ № 34. О взятіи Русскими Полоцка, см. Карамз. IX, 39 и слѣд.

30. — Къ 35. Актъ сей дополняетъ Ист. Карамз. (IX, 56, прим. 99) любопытными подробностями. О битвахъ Литовцевъ съ Русскими подъ Чашнинами и Дубровною послано было нѣсколько реляцій отъ папскаго нунція Коммендоне въ Римъ. См. *Hist. Russ. Monum.* I, 200 — 202.

О смерти князя Петра Шуйскаго, Карамзинъ (loc. cit.) приводитъ два различныя сказанія, Стрыйковскаго и Бреденбаха. Первый, въ *Kron. Lit.* л. 753, пишетъ, будто Шуйскій погибъ отъ топора Литовскаго холопа, *w tej ucieczce od chłopra siekierą zabity poległ*. Другой, въ *Hist. belli Livon.* стр. 238, увѣряетъ, что онъ найденъ мертвымъ въ колодезь, *erat mortuus in puteo inventus*. Но современное свидѣтельство доказываетъ, что Шуйскій убитъ въ сраженіи, и тѣло его отыскано было вѣрнымъ слугою его въ рѣкѣ. Стрыйковскій, Кояловичъ и Горницкій въ извѣстіяхъ своихъ преувеличиваютъ военную добычу побѣдителей.

Мѣстечко Чашники не близъ Орши, какъ полагаетъ Карамз., (IX, 56), а въ Витебской губерніи, между Лепелемъ и Бѣшенковичами, на рѣкѣ Улѣ.

31. — Къ № 36. Документъ, напечатанный подъ симъ номеромъ, дополняетъ Родословную князей Мстиславскихъ, показывая родственную связь ихъ съ князьями Коширскими, Збаражскими, Соломерецкими и пр. Изъ актовъ Лит. Метр. *Запис.* кн. XXIХ, л. 82, 152 и 154, и *Судн. дѣлъ* кн. XII, л. 126 и кн. LVIII, л. 219, открывается, что кромѣ упоминаемыхъ въ «дарственной записи» четырехъ дочерей князя Михаила Мстиславскаго, пятая дочь его, княжна Томила была въ супружествѣ за княземъ Андреемъ Соломерецкимъ. См. *Акт. Зап. Росс.* I, прим. 8. Еще къ «родословной» ихъ слѣдуетъ присовокупить имя княжны Богданы, вышедшей за князя Андрея Коширскаго.

32. — Къ № 40. При семъ актѣ *datum* нѣтъ: но въ Догелевомъ *Ms. Cod. dipl. regn. Pol.*, откуда онъ заимствованъ, означенъ 1567 годъ. Въ это время послѣдовало на Городенскомъ сеймѣ окончательное присоединеніе Ливоніи къ Польшѣ. (См. *Volunt Leg.* II, 1576.) Тогда же Жмудскій староста Янъ Ходкевичъ, которому ввѣрено было управленіе Ливоніею, въ первый разъ титулованъ «администраторомъ и гетманомъ земли Лифлянтской», за что и возникъ споръ у Московскихъ

пословъ съ Литовскими, во время переговоровъ о мирѣ. См. *Пос. кн. Лит. Метр.* I, 264. Слич. Карамз. IX, 117, прим. 222.

33. — Къ № 41. Актъ этотъ дополняетъ Ист. Карамз. IX, 120, прим. 228.

Крѣпость Ула взята Литовцами въ Декабрь 1568 г. См. въ семъ томѣ акты подъ № 45 и 48.

34. — Къ № 43. Кіевскій митрополитъ Іона Протасовичъ — Островскій, до 1568 г. бывшій епископомъ Пинскимъ и Туровскимъ, управлялъ Западно-Русскою церковью до 1577 г. См. прим. 17 и ниже 50; слич. *Опис. Кіев. Іер.* стр. 119. Изъ актовъ Лит. Метр. *Судн. дѣлъ* кн. LVIII, л. 208, открывается, что Іона былъ изъ «бѣльцевъ», и имѣлъ сына Матвѣя, который служилъ секретаремъ у короля Стефана Баторія.

Изъ напечатаннаго здѣсь документа видно, что Кіевскіе митрополиты, въ прежнія времена, заседали «въ лавицы» королевской Рады.

Въ дополненіе къ *Актамъ Зап. Росс.* Т. I, прим. 10, Т. II, прим. 125, и Т. III, прим. 14, считаемъ нужнымъ присовокупить слѣдующее: въ Вѣнской Императорской Библіотекѣ недавно открыты древнія Греческія рукописи, подъ заглавіемъ: *Synodica aliaque diplomata*, въ которыхъ сохранились «Протоколы Константинопольскаго патріархата» XIV вѣка. Изъ сихъ документовъ обнаруживается: 1) что въ Червонной Руси, или Галиціи, нѣкогда существовала особая митрополія. 2) Учрежденіе ея должно относиться къ исходу XIII вѣка, какъ означено и въ «Росписи» епархій, подвѣдомыхъ Константинопольскому патріархату, составленной при Императорѣ Андроникѣ Палеологѣ (1283 — 1328 г.), въ которой Галицкая митрополія поставлена подъ 30-ю степенью, отдѣльно отъ Кіевской. См. Георг. Колина *De officiis mag. Eccl. et Aulae Constantinop.*, по Венец. изд. стр. 343—351. 3) Еще прежде Казимира, короля Польскаго, завоевавшего Червонную Русь (1340—1351 г.), на Галицкой каеедрѣ были четыре митрополита: Нифонтъ, Петръ, Гавріилъ и Феодоръ (о последнемъ упоминается, какъ о епископѣ, въ *Поли. Собор. Русск. Литоп.* I, 75; слич. Карамз. IV, прим. 276 и 290). 4) Казимиръ, владѣя Южною и Малою Русью, и желая, конечно, угоди́ть православнымъ князьямъ и народу, просилъ Константинопольскаго патріарха Филовея (управл. 1354—1376 г.), о поставленіи въ Галицкіе митрополиты избраннаго имъ епископа Антонія, «ради Бога, ради насъ и святыхъ церквей, дабы законъ Руссовъ не погибъ и дабы не было ему порухи»; а не будетъ» (сказано далѣе въ посланіи Казимира) «милости Божіей и благословенія твоего сему человеку, не сътуй потомъ на насъ, если придетъ жалостная нужда крестить Русиновъ въ вѣру Латинскую: ибо нѣтъ митрополита на Руси, а земля не можетъ быть безъ закона». 5) Въ слѣдствіе сего домогательства, Антоній посвященъ Галицкимъ митрополитомъ, въ 1371 г., съ подчиненіемъ ему епархій Холмской, Туровской, Перемышльской и Владимиро-Волынской; о чемъ патріархъ тогда же извѣстилъ Кіевскаго митрополита (Аленея), объясняя, что онъ (патріархъ) долженъ былъ уступить Казимиру, для блага православныхъ Русиновъ и чтобы предохранить ихъ отъ латинства. «Что же мы должны были дѣлать? (писалъ Филовей) тебя призываемъ въ судьи, что ты самъ на это скажешь?... А онъ (т. е. Казимиръ) намъ рѣшилъ быть, не медля, поставить митрополита Латинскаго, и крестить Руссовъ въ вѣру Латинскую. Посуди самъ, хорошо ли было бы, еслибъ такъ сталося. Благодарю Бога, что онъ еще не принялся за это дѣло, но сперва написалъ и требовалъ митрополита: посему и посвятили мы того самаго, кого онъ къ намъ прислалъ, и дали ему Галичъ: да имѣетъ его своею митрополіею». 6) Хотя и прежніе Константинопольскіе патріархи, по настояніямъ Галицкихъ и другихъ Русскихъ князей, поставляли нѣтъ отдѣльныхъ митрополитовъ (особенно, когда послѣ опустошенія Кіева Батыемъ въ 1240 г., Кіевскіе митрополиты Кириллъ, Максимъ и Петръ перешли во Владиміръ на Клязьмѣ: но, какъ видно изъ посланій Императора Іоанна Палеолога, писанныхъ къ Московскому в. кн. Симеону Іоанновичу и митрополиту Феогносту (прежде 1347 — 1352 г.), также къ Владимиро-Волынскому князю Любарту, патріаршіи Соборъ опредѣленіемъ своимъ признавалъ учре-

деніе отдельной митрополіи въ Галичъ дѣломъ «нововоднымъ», и потому всѣ приписныя къ ней епархіи подчинилъ, по прежнему, митрополиту Кіевскому. 7) Изъ позднѣйшихъ «патріаршихъ протоколовъ» видно, что и въ послѣдствіи обнаруживались притязанія на отдельность Галицкой митрополіи. Такъ, по кончинѣ Антонія (того самаго, для котораго, какъ выше значится, возобновлена была митрополіи въ Галичѣ, въ 1371 г.), патріархъ Антоній (управл. 1388—1396 г.) отдалъ ее какому-то іеромонаху Симеону; еще позже, присвоивалъ себѣ титулъ Галицкаго митрополита одинъ изъ Лудкихъ епископовъ, вѣроятно, Іоаннъ, искавшій этого сана у Польскаго короля Владислава-Ягелла (1398 г.). См. *Акт. Зап. Росс.* I, 27. И 8) замѣчательно, что и Литовскій в. князь Ольгердъ, негодуя на Московскаго святителя Алексія, и, конечно, увлеченный примѣромъ Казимира, домогался, чтобы патріархъ Филоею поставилъ особаго митрополита въ Смоленскъ, Тверь и пр.—Выписки изъ патріаршихъ протоколовъ и два посланія къ патріарху Филоею, короля Казимира и в. кн. Ольгерда, напечатаны въ *Журн. Мин. Нар. Просв.* 1847 г. въ кн. 6.

35. — Къ № 45. См. выше прим. 33. Имени Брянскаго воеводы, покорителя Улы, въ актѣ не означено. По современнымъ документамъ извѣстно, что это — князь Романъ Сангушко.

36. — Къ № 47. О Лудкомъ епископѣ Іоаннѣ см. выше прим. 13. Въ Волынскихъ Актowychъ книгахъ (*Acta Metr. Rusk. Ms.*) кн. CCCV, л. 105, онъ названъ Іоною. По современнымъ документамъ извѣстно, что этотъ епископъ былъ изъ «бѣльцевъ». Въ нихъ упоминаются двое сыновей его, Петръ и Василій.

37. — Къ № 48. Этотъ актъ дополняетъ Истор. Карамз. IX, 120, прим. 231. Сюда же относится Царская грамота, писан. къ Сигизмунду Августу, 1569 г. Марта 25, инд. 12, объ отпускѣ изъ Вильны тѣла князя Петра Шуйскаго, по просьбѣ его сыновей. Она напечатана въ *Посольск. кн. Метр.* I, 288.

38. — Къ № 50. Такая же грамота дана королемъ Стефаномъ Баторіемъ жителямъ города Улы, 1577 г. Января 26. Она находится въ Лит. Метр. *Запис.* кн. LXXII, л. 56 и слѣд.

39. — Къ № 52. См. *Акт. Зап. Росс.* II, 368—370. Объ отчинахъ, принадлежавшихъ Кіевопечерскому монастырю въ Сѣверской области, см. *Оп. Кіев. Лавры* стр. 80 и 305—307.

40. — Къ № 53. Въ Волынскихъ Актowychъ книгахъ (*Acta Metr. Rusk. Ms.*) кн. CCCV, л. 141—143, помѣщена другая жалованная грамота королевскому писарю Высоцкому, писан. 1572 г. Мая 10, по которой Кіевскій Межигорскій монастырь съ землею и крестьянами отданъ ему «въ отчину».

41. — Къ № 54. О Владимиро Волынскомъ епископѣ Θεодосіи, см. выше прим. 13.

42. — Къ № 55 и 56. Оба акта, здѣсь напечатанные, дополняютъ Ист. Карамз. IX, 213.

Король Сигизмундъ Августъ скончался по Карамзину (IX, 200) Іюля 18, а по свидѣтельству Ваги и Крашевскаго, 7-го Іюля 1572 г. Такъ значится и у Морери въ *Dict. Hist.* VI, 506. Зубрыцкій, въ своемъ *Orowiad.* о *Halick. Rusi*, Ms. 76, не извѣстно по чему относитъ смерть его къ 15 Серпня, т. е. Августа.

О сѣздахъ Литовскихъ радныхъ пановъ на Рудницкій сеймъ, для переговоровъ объ избраніи на Польско-Литовскій престолъ царевича Θεодора Іоанновича, Польскіе историки не упоминаютъ. Объ этомъ сеймѣ см. *Hist. Russ. Monum.* I, 225. Изъ переписки папскихъ въ Варшавѣ агентовъ, кардинала Коммендоне и Граціани, съ Ватиканскимъ кабинетомъ видно, что сей послѣдній опасался избранія Русскаго Царя, или царевича на престолъ Польши и Литвы. См. тамъ же, стр. 232—233, 235—236, 248, 265—267.

Изъ современныхъ актовъ извѣстно, что Царская грамота Литовскому послу Михаилу Гарабурдѣ, для проѣзда въ Москву, писана 7081, т. е. 1572 г. Октября 20, индикта 1-го, на стану въ Хоги-

лава. Следовательно посолъ отправленъ Рудницкимъ сеймомъ въ Москву еще до полученія своего «опаса». Домосеніе Гарабурды о переговорахъ его съ Царемъ Іоанномъ Васильевичемъ, см. въ *Hist. Russ. Monum.* I, 237 и слѣд.

43. — Къ № 58. При сихъ «отпискахъ» имя писавшаго не означено: но изъ соображеній актовъ извѣствуетъ, что онъ писанъ Филономъ Кмитомъ Чернобыльскимъ, старостою Литовскаго пограничнаго (тогда) города Орши. См. *Пос. кн. Метр.* I, 284 и въ семъ томѣ грамоты подъ № 115, 116, 120 и 122. О содержаніи отписокъ Кмиты см. *Журн. Мин. Нар. Просв.* 1847 г. кн. 2, стр. 41—45. Въ нихъ много любопытныхъ и малоизвѣстныхъ подробностей, но не мало и лишняго.

44. — Къ № 59. См. *Акт. Зап. Росс.* I, 120—121.

45. — Къ № 60. Московскій посланникъ Лука Новосильцевъ отправленъ въ Вильну и Варшаву въ 1574 г. См. Карамз. IX, прим. 436, и въ семъ томѣ актъ подъ № 62.

46. — Къ № 63. Этотъ походъ въ Ливонію предпринять Литовцами, по случаю смерти Русскими Чернова. См. *Hist. Russ. Monum.* I, 265.

47. — Къ № 64. Польскій историкъ Бальскій въ *Kron. Pol.* стр. 721, упоминаетъ о побѣдѣ Крымскихъ Татаръ на Подолю въ Сентябрѣ 1575 г. Кажется, объ этомъ въ Брацлавскіе дѣла не намѣкаютъ королю въ своей «челобитной». Стефанъ Баторій принялъ Польскую корону 1 Мая 1576 г. См. Ваги *Hist. xiąż. i król. Pol.* стр. 223. Этими событіями опредѣляется время акта, помѣщеннаго подъ симъ номеромъ.

48. — Къ № 65. Пинскій и Туровскій епископъ Кириллъ Терлецкій въ *Hist. Russ. Ierapxii* (I, 226) пропущенъ, а въ каталогахъ Насецкаго, Кульчинскаго и Стебельскаго упомянутъ безъ имени. Въ послѣдствіи онъ наводился на Луцкой каседрѣ. См. въ семъ томѣ грамоту подъ № 156. Зубрыцкій въ *Orow.* о *Halick. Rusi*, Ms. стр. 119, несправедливо признаетъ Терлецкаго Галицкимъ Русиномъ: ибо изъ напечатанной здѣсь грамоты видно, что онъ происходилъ изъ обитателей Пинскихъ. Въ актахъ Лит. Метр. *Запис.* кн. LXXII, л. 106, встрѣчается и другое лице, носившее эту же фамилію: архимандритъ Пинскаго Лещинскаго монастыря, Аванскій, въ послѣдствіи (въ 1588 г.) архіепископъ Полоцкій. И въ позднѣйшихъ документахъ Метрики находимъ въ Пинскѣ «земляниновъ», прозывавшихся Терлецкими.

Епископъ Кириллъ, какъ извѣстно, былъ однимъ изъ главныхъ учредителей и поборниковъ «уніи».

О предшественникѣ Кирилла на Пинской епархіи см. прим. 20.

49. — Къ № 66. О сѣздахъ Литовскихъ земскихъ чиновъ въ Мстисбоговѣ, Польскіе историки не упоминаютъ. Вѣроятно, на этомъ сеймѣ рѣшено было избраніе Баторія на Польско-Литовскій престолъ.

50. — Къ № 71. О Кіевскомъ митрополитѣ Іоанѣ, см. прим. 34. Изъ напечатанной здѣсь грамоты видно, что еще при жизни, онъ назначилъ себя преемника, — саятъ неизвестный Сочинителю *Оп. Кіев. Ierapxii* (стр. 119).

Изъ актовъ Лит. Метр. знаемъ, что королевскій писарь Андрей Ивановичъ прозывался Соранинскимъ.

51. — Къ № 75. Полоцкіе архіепископы, Варсоноій Балахъ и преемникъ его Θεодосій Богданъ Рпинскій, въ каталогахъ Лекеня и Кульчинскаго пропущены. Сочинитель *Оп. Кіев. Ierapxii* (стр. 120), упоминая о послѣднемъ, по указанію Насецкаго и Стебельскаго, относитъ иступленіе его къ послѣдствію 1570 году: но здѣсь очевидна ошибка. Варсоноій сдѣлался преемникомъ Арсенія

(см. выше прим. 25), съ 1563 г., т. е. послѣ взятія Русскими Полоцка, и скончался въ исходѣ 1576 г.; а «владычество» Теофана, какъ видно изъ актовъ Лит. Метр. (Запис. кн. LXII, л. 106), продолжалось до 1588 г. (слич. выше прим. 48). Оба эти архіепископа назывались Полоцкими, но не имѣли пребыванія въ Полоцкѣ, принадлежавшемъ Россіи съ 1563 до 1579 г., и имѣвшемъ особыхъ владыкъ, поставляемыхъ въ Москвѣ. (см. также прим. 25). Варсоноій и Теофанъ, вѣроятно, жили въ Мстиславѣ или Могилевѣ, входившихъ въ составъ Полоцкой епархіи, и управляли въ это время тою частію ея, которая оставалась за Литвою. См. въ семь томъ грамоты подъ № 94 и 98.

52. — Къ № 79. О Маренинскомъ православномъ монастырѣ, на Волыни, въ *Ист. Росс. Иерархii* и въ *Опис. Киев. Иерарх.* не упоминается.

53. — Къ № 80 и 83. См. прим. 50. Ригельманъ, въ *Пов. о Малоросс.* 1, 24 (*Чтен. Моск. Общ. Ист. и Ар.* 1847 г. кн. 5), ошибочно придаетъ Киевскому митрополиту Иліи прозваніе «Купа». Гдѣ Илія прежде былъ епископомъ, неизвѣстно.

Въ 1577 г. Константинопольскою церковью управлялъ патріархъ Іеремія II. См. *Лекція Origen. Christian.* 1, 325.

Изъ помѣщеннаго подъ № 83 акта видно, что Западно-Русскіе «владыки» обращали церковныя «помѣстья» въ «отчины». Кажется, въ Великой Россіи подобнаго обычая не существовало.

54. — Къ № 87. Щербатовъ и Карамзинъ не упоминаютъ объ отъѣздѣ въ Литву князя Михаила Оболенскаго.

55. — Къ № 88. См. Карамз. IX, 255, прим. 465. Литовскій воевода князь Андрей Полубенскій выданъ жителями Вольмара Магнусу, присяжнику Царя Іоанна Васильевича. Послѣдній милостиво принялъ сего плѣнника, дарованъ ему свободу, отправилъ къ Баторію съ замѣчательною грамотою, писанною 7086 (1577) г. Сентября 12, индикта 6, въ Вольмаръ; она напечатана въ *Пос. кн. Лит. Метр.* II, 28—29.

По современнымъ документамъ Лит. Метр., Полубенскій жилъ въ супружествѣ княжну Гольшанскую; следовательно былъ въ родствѣ съ княземъ Курбскимъ. См. въ семь томъ акты подъ № 100 и ниже прим. 62.

56. — Къ № 91. О Полоцкомъ архіепископѣ Теофанѣ, см. прим. 51.

57. — Къ № 94. Могилевскій Спасскій монастырь, по Баторіевой грамотѣ 1585 г. Марта 5, былъ отобранъ отъ Полоцкаго архіепископа Теофана и отданъ въ вѣдѣніе Могилевскихъ православныхъ гражданъ. См. въ семь томъ грамоту подъ № 152. Это подтверждено привилегіями Сигизмунда III, 1588 г. Іюня 14, и Владислава IV, 1639 г. Ноября 9. См. *Бѣлор. Арх. др. грам.* 1, 57. Въ послѣдствіи времени онъ обращенъ въ Архіерейскій Домъ.

58. — Къ № 95. Охранная грамота, называемая въ Литовско-Польской юрисдикціи «листомъ желѣзнымъ», напечатана здѣсь для образца.

59. — Къ № 96. О взятіи Литовцами Динабурга и Вендена или Кеси, см. Карамз. IX, 283, прим. 509.

Петръ Гарабурда былъ отправленъ къ Московскому Государю съ грамотою 1578 г. Марта 12. См. *Пос. кн. Метр.* II, 39. Тутъ же (стр. 39—41) и Ответъ Іоанновъ королю, писанный въ Январѣ слѣдующаго года. Содержаніе обоихъ актовъ объяснено у Карамз. IX, 287.

60. — Къ № 97. См. Карамз. IX, прим. 503. О приѣмѣ царскихъ пословъ въ Вильнѣ см. *Пос. кн. Метр.* II, 11.

61. — Къ № 98. Мстиславскіе монастыри, Пустынскій и Николаевскій Патриміи въ *Ист.*

Росс. Иерархii не упоминаются. Они основаны въ концѣ XIV вѣка княземъ Симеономъ Лугвеномъ, сыномъ Ольгерда и затемъ Димитріемъ Донскою, имѣвшимъ удѣлъ въ Мстиславской области. Пустынский монастырь существуетъ и нынѣ.

62. — Къ № 100. Въ Статейномъ спискѣ Московскихъ пословъ Карпова и Головина, упоминаемъ Карамзинымъ (IX, прим. 532), супруга князя Курбскаго названа «княгиней Дубровицкой», вѣроятно, по отчиму ея.

Въ Лит. Метр. *Судн. дѣл* кн. LXIII, л. 550 об., въ актѣ, писан. 1595 г. Марта 23, упоминается князь Николай Курбскій, сынъ князя Андрея Курбскаго, съ прибавленіемъ титула «Ярославскаго».

63. — Къ № 101. Черейскій Троицкій монастырь въ *Ист. Росс. Иер.* пропущенъ. Начало его относится къ XV вѣку. Объ основателѣ его, Смоленскомъ епископѣ Мисаилѣ, см. *Акт. Зап. Росс.* 1, прим. 54. Во время Уніи, Черейскій монастырь былъ приписнымъ къ Мстиславскому Онуфріевскому. См. ниже прим. 73.

Родословная князей Дрютскихъ помѣщена въ *Литовской Лѣтописи* Даниловича (стр. 12—13), но она не имѣетъ ни полноты, ни вѣрности.

64. — Къ № 105. См. въ семь томъ актъ подъ № 96, и Карамз. IX, прим. 509. Въ *Докл. Метр.* II, стр. 51—52, находится «реестръ» Московскихъ воеводъ, дворянъ и дѣтей боярскихъ, убитыхъ и плѣненныхъ Литовцами подъ Венденомъ (Кесью), отчасти разнящійся съ напечатаннымъ здѣсь спискомъ.

65. — Къ № 107. Московскіе послы Карповъ и Головинъ, какъ видно изъ сей грамоты, отпущены Баторіемъ изъ Кракова 1578 г. Декабря 9, а изъ Вильны выѣхали въ началѣ Іюня 1579 г. (см. *Пос. кн. Метр.* II, 42): следовательно около полугода были задержаны королемъ безъ отпущенія.

66. — Къ № 110. Эта грамота исправляетъ ошибку сочинителей *Киевск. Синопе.* (стр. 79) и *Опис. Киевск. Иерар.* (стр. 121), которые, сокращая время правленія Киевскою церковью митрополита Иліи, относятъ поставленіе преемника его Онисифора къ 1578 г. Въ Лит. Метр. *Судн. дѣл* кн. LXIII, л. 208—210, находится документъ, по дѣлу королевскаго секретаря Матвея Протасовича-Островскаго, сына умершаго Киевскаго митрополита Іоны. Этотъ актъ писанъ 1579 г. Іюня 19, и Онисифоръ именуется въ немъ еще «нареченнымъ митрополитомъ»; следовательно вступленіе послѣдняго на митрополию послѣдовало позже. А въ Каталогъ Архива бывшихъ Грекоунитскихъ митрополитовъ записана «настолярная» грамота Онисифору на митрополию, въ которой поставлено datum 1583 г. Февраля 27.

67. — Къ № 112. Напечатанные подъ симъ номеромъ акты дополняютъ Родословную князей Олельковичевъ-Слудскихъ, потомковъ Ольгерда. См. *Акт. Зап. Росс.* I, прим. 25.

Кіевопечерскій архимандритъ Іосифъ, упоминаемый въ 1555 г., въ спискѣ настоятелей пропущенъ. См. *Опис. Кіевской Лавры* стр. 141 и *Ист. Малоросс.* Маркевича V, 187.

68. — Къ № 113. О значеніи Литовско-Русскихъ бояръ «дѣтнихъ» и «панцырныхъ», см. Мацлевскаго *Hist. prawod. Słowiańsk.* III, 73. Изъ документовъ Литовской Метрики означеніе этихъ бояръ обнаруживается гораздо яснѣе.

69. — Къ № 114. См. въ семь томъ актъ подъ № 86, и выше прим. 31.

70. — Къ № 115. Изъ грамоты, пожалованной Баторіемъ Оршанскому старостѣ Гмитѣ Чернобыльскому на Смоленское воеводство, видно, что въ 1579 г. Смоленскъ принадлежалъ къ областямъ царства Московскаго, а не къ Литвѣ. Следовательно воеводство Гмиты было, такъ сказать, *in partibus*.

71. — Къ № 118. О Пинскомъ женскомъ св. Варвары монастырь въ *Ист. Росс. Иер.* не упоминается.

72. — Къ № 123. Слич. Карамз. IX, 314.

73. — Къ № 127. О Полоцкомъ архіепископѣ Теофанѣ, см. прим. 51.

Мстиславскій Онуфріевскій монастырь въ *Ист. Росс. Иерархii* пропущенъ. Онъ основанъ въ исходе XIV вѣка княземъ Семеономъ-Лугвенецъ, сыномъ Ольгерда, имѣвшимъ удѣлъ свой въ Мстиславѣ. Въ немъ некогда имѣли пребываніе Уніятскіе епископы, называвшіеся «Смоленскими» in partibus. Обитель сія и нынѣ существуетъ.

74. — Къ № 128. См. Карамз. IX, 330.

75. — Къ № 129. Браславскій монастырь въ *Ист. Росс. Иерархii* не упоминается.

76. — Къ № 130. Должно замѣтить, что Кіевскій воеводскій наместникъ князь Евстаѣй Ружинскій, о которомъ въ этой грамотѣ говорится, — другое лице, а не казачій гетманъ того же имени. Последний жилъ въ первой половинѣ XVI вѣка, и управлялъ Запорожьемъ въ 1514—1534 г. См. Маркевича *Ист. Малоросс.* V, 149.

Слово «Матеребожскій», какъ видно изъ грамоты, не есть прозвище Кіевского протопопа, а составляетъ наименованіе церкви. Въ припискѣ, вмѣсто этого слова, поставлено другое «Пречистенскій».

77. — Къ № 132. См. въ семъ томѣ грамоту подъ № 110. Изъ дѣлъ Грекоунитскихъ митрополитовъ, хранящихся въ архивѣ Святѣйшаго Синода, видно, что архимандритъ Михаилъ Рагоза, кромѣ Минскаго и Слуцкаго монастырей, управлялъ и Морочкимъ, следовательно тремя монастырями.

78. — Къ № 133. О Пинскомъ епископѣ Кириллѣ см. прим. 48. Въ 1585 г. онъ перемѣщенъ на Луцкую кафедру.

79. — Къ № 135. О Полоцкихъ архіепископахъ Варсоноѣй Валахѣ и Теофанѣ Риппскомъ, см. прим. 51.

80. — Къ № 137. О православныхъ Полоцкихъ монастыряхъ, Спасскомъ дѣвичьемъ св. княжны Евфросиніи и Воскресенскомъ или Мошенецкомъ, см. *Акты Зап. Росс.* I, прим. II.

Стефанъ Баторій, по взятіи Полоцка, основалъ здѣсь collegiū Езуитовъ, по образцу Виленской, и отдалъ ей во владѣніе всѣ православныя монастыри и церкви, съ отчинами и имуществомъ ихъ, оставивъ неприкосновенною одну только Полоцкую архіепископскую кафедру. Эта привилегія или *Diploma foundationis collegii Polocensis Societatis Iesu*, издана 1582 г. Января 20. По рѣдкости сего акта, приведемъ слѣдующую выписку: Cum arx nostra et civitas Poloczko multa habuerit, ante Moschorum occupationem, templa atque monasteria ritus Rutheni, quibus villa et praedia aliaque terrestria bona fuerunt attributa, donata et fundata. Postquam omnipotens Deus armis nostris et justo bello totam Polocensem terram liberavit, . . . justum arbitrati sumus, publica (bona) et quacunque opinione Deo consecrata, templis Ruthenicis ac monasteriis attributa (solo wladicatu excepto, quem pro ritus Graeci hominibus in statu rerum praesentium relinquimus), s. Romanae ecclesiae catholicae, ejusque sacerdotibus et templis omnia illa conferri. . . Ad haec infrascripta monasteria et templa spectabunt, videlicet: monasterium monialium begumeniae dictum swiętego Spasa, cujus ruinosum visitur adhuc templum supra fluvium Polotam; item monasterium s. Ioannis Praecursoris, in insula sub arce Polocensi in fluvio Dwina; item monasterium s. Michaëlis Horodiecki; item monasterium s. Petri in arce, Polocensi; item monasterium Resurrectionis Domini nostri in arce, Moszoniecki dictum; item templum Purificationis seu Wstretienia dictum; item templum s. Nicolai in arce; item templum s. Nicolai in

Polupiatie; item monasterium ss. Cosmae et Damiani; item templum s. Demetrii in arce; item templum Assensionis Domini in civitate; item templum Annuntiationis in civitate; item templum s. Basilii in civitate; item monasterium s. Nicolai Luczenski; item templum Piatnica in civitate, cum omni et singulis pertinentiis, ex antiquo ad ea monasteria pertinentibus, suisque proventus, fructibus et redditibus inde provenientes et proveniendis, nullis exceptis. Quae quidem omnia et singula monasteria, cum suis pertinentiis omnibus et singulis, quae hic pro nominatis et expressis habere volumus, collegio Societatis Iesu Polocensi, jure perpetuo, irrevocabili, cum omni dominio, proprietate et jurisdictione damus, donamus. Далѣе поставляется въ обязанность новымъ «матеремъ», изъ остатковъ отчинныхъ доходовъ устроить parochias, seminarium ad educationem juvenum, hospitale pauperum, съ правомъ освобожденія волостей ихъ ab omni onere castrensi et palatini, т. е. городского и воеводскаго. Pro habitatione autem et aedificiis collegii damus et donamus in arce nostro superiori Polocensi aream seu Wołkowa wieża, in qua quondam Maschi monasterium ss. Petri et Pauli habuerunt, prout septis suis circumscribitur; . . . in insula autem, Ostrow dicta, pro suo arbitratu collegium fabricabunt и пр. Эта привилегія подтверждена 1583 г. Февраля 20, на Варшавскомъ сеймѣ, и на основаніи ея, означенныя монастыри и церкви управлены Езуитами. Нѣкоторыми въ послѣдствіи завладѣли Уніаты, присвоившіе обще съ ними и самую архіепископію, со всѣмъ ея древнимъ достояніемъ. См. Стебельскаго *Zyw. ss. Ewfoz. i Pałac. Połock.* II, 158 и слѣд.

81. — Къ № 138. Сочинитель *On. Кіев. Иер.* (стр. 123) говоритъ, что Константинопольскій патріархъ Іеремія II, по поводу установленія папою Григоріемъ XIII новаго календаря, въ Январѣ 1583 г. писалъ уважительныя грамоты, чтобы Польско-Литовскіе православныя Русины сего нововведенія не принимали: 1) Виленскимъ гражданамъ, 2) Кіевскому митрополиту Онисифору и подвластнымъ ему епископамъ и 3) Кіевскому воеводѣ князю Константину Острожскому. Следовательно напечатанная здѣсь патріаршая грамота есть четвертая, остававшаяся доселѣ неизвѣстною.

Александрійскій патріархъ, упоминаемый въ сей грамотѣ безъ имени, — Сильвестръ. См. Лекея *Oriem. Christian.* I, 328.

82. — Къ № 139. Въ этомъ году, въ Январѣ, Стефанъ Баторій издалъ другую грамоту Львовскимъ бургомистру и радцамъ (fatis proconsuli et consulibus), о введеніи въ употребленіе Григоріанскаго календаря. Въ ней строго запрещалось Львовскимъ православнымъ Русинамъ и Армянамъ, державшимся стараго или Юліанскаго время счисленія, заниматься работами и продажей товаровъ, въ праздники, назначенные въ новомъ календарѣ. Intelleximus, сказано въ семъ королевскомъ указѣ, Armenos et ritus Graeci homines, civitatis Leopoliensis incolas, pertinaciter in retinendo veteri calendario permanere, neque quidquam datis a nobis antehac ad se hujus rei interdictis commoveri. Quapropter volumus et fidelitati vestrae mandamus, ut omnibus istius ritus et religionis hominibus serio pro officio suo edicant, ne religionem suam, aut veteris calendarii usum observando, incidentia ecclesiae catholicae festa profanare aut violare audeant. Quodsi reperti fuerint aliqui, qui festis secundum cursum reformati calendarii diebus, aut operas et artificia exercere, aut merces et institas aperire ausi fuerint: eos tam mercium, quam elaboratarum rerum privatione, nulli alicujus respectu puniant и пр. Грамота писана въ Городнѣ, 1584 г. Января 9. Въ такой же силѣ данъ королевскій наказъ и Полоцкимъ городскимъ властямъ въ 1586 г. См. въ семъ томѣ грамоту подъ № 164.

83. — Къ № 140. Въ *Supplem. ad Hist. Russ. Monum.* стр. 148—150, этотъ любопытный актъ напечатанъ на Латинскомъ языкѣ. Сюда же относится и «мировая записъ» Львовскаго православнаго епископа Гелеона съ тамошнимъ католическимъ архіепископомъ Соликовскимъ, помѣщенный въ семъ томѣ подъ № 147.

По старым Римским Святцамъ, Nawrócenie s. Pawła Apostoła празднуется Января 25, a festum s. Scholasticæ virginis Февраля 10.

Сочинитель Рапов. Bator. II, 158 и 222, замѣчаетъ, что въ Ливоніи и Пруссіи, по случаю введенія новаго календаря, происходили явные бунты. Жители Риги разодрали королевскій «универсалъ», и за то нѣкоторые преданы смертной казни.

84. — Къ № 141 и 142. Въ принадлежащей Археографической Коммиссіи рукописи, подъ заглавіемъ: *Бѣлор. Арх. др. грам.* II, 187, помѣщена «явка», изъ которой видно, что Гомель входившій въ XVI вѣкѣ въ составъ Подвѣровскихъ королевскихъ волостей, сожженъ Русскими 1581 г. Мая 5.

85. — Къ № 143. Напечатанная здѣсь грамота относится къ № 137. См. выше прим. 80.

86. — Къ № 144. Изъ актовъ Литовской Метрики явствуетъ, что Кіевскіе митрополиты управляли Виленскимъ Троицкимъ монастыремъ по привилегіи, данной (или подтвержденной) королемъ Сигизмундомъ Августомъ митрополиту Іовъ, 1569 г. Февраля 15.

87. — Къ № 146. Этотъ актъ дополняетъ Зубрыцкаго Опов. о Halick. Rusi, Ms. стр. 117.

Въ 1585 г. Пасха была Апрѣля 11, следовательно мясопустное воскресенье приходилось 14 Февраля. Перемышльскій и Самборскій епископъ Стефанъ Брылинскій въ каталогѣ Стебельскаго (III, 253) показанъ подъ 1581 годомъ: но изъ напечатаннаго здѣсь акта видно, что еще въ 1585 г. онъ именовался «нареченнымъ епископомъ», следовательно не имѣлъ архіерейской хиротоніи, и что православные Перемышльскіе и Самборскіе обыватели не хотѣли изъять его своимъ «владыкою».

88. — Къ № 147. См. выше прим. 83. Въ слѣдствіе примиренія между Львовскимъ православнымъ епископомъ Гедеономъ и тамошнимъ Римско-католическимъ архіепископомъ, Стефанъ Баторій издалъ «универсалъ», 1585 г. Мая 18, о ненарушеніи свободы въ роисповѣданіи православныхъ жителей въ Литвѣ и Русіи. Prius quàm de calendarii usu et ordine, сказано въ грамотѣ, controversia inter Romanum pontificem et patriarchas Græcæ professionis determinata et decisa fuerit: subditos nostros, qui diversam in religione et calendarii observatione sequuntur sententiam, et antiquitus Græcæ religionis observant ceremonias, neque nos, neque officiales nostri, tam spirituales, quam secularis ordinis, eisdem in religione sua impediemus, et vi ad novi calendarii usum adigemus, verum in sua religione, iuribus, privilegiis, cultu et libertatibus tuebimur et asservabimus. См. *Бѣлор. Арх. др. грам.* I, 44. Извѣстно однако жъ, что эта грамота не оградила православныхъ отъ притѣсненій католиковъ и униатовъ.

89. — Къ № 149. Сія привилегія подтверждена Сигизмундомъ III, 1592 г. Января 2, въ Варшавѣ. См. *Бѣлор. Арх. др. грам.* I, 71.

90. — Къ № 150. См. *Акт. Зап. Росс.* II, 134. Упомянутый въ грамотѣ епископъ Вассіанъ управлялъ Пинскою епархіею до 1509 года; преемникомъ его былъ епископъ Арсеній (см. тамъ же прим. 61). Оба въ каталогахъ Лекея, Кульчинскаго и Стебельскаго пропущены.

О позднѣйшемъ Пинскомъ епископѣ Кириллѣ см. прим. 48 и 78.

91. — Къ № 152. См. выше прим. 57.

92. — Къ № 155. О Мстиславскомъ Пустынскомъ монастырѣ см. прим. 61.

93. — Къ № 156. Леонтій, бывшій до 1585 г. Хелмскимъ епископомъ, въ каталогѣ Стебельскаго (III, 247 и 264) не значится, а въ числѣ Пинскихъ владыкъ показанъ позже, именно подъ 1590 г. Это — одинъ изъ усерднѣйшихъ сборниковъ уни въ Литвѣ.

Изъ напечатанныхъ здѣсь актовъ обнаруживается обрядъ вступленія («уязанья») владыкъ на епархіи.

94. — Къ № 157. См. Зубрыцкаго Kron. miasta Lwowa стр. 211.

95. — Къ № 158. Гоголь въ 1576 г. пріѣзжалъ въ Москву посланцомъ отъ Стефана Баторія. См. *Посольск. кн. Метр.* II, 9. Въ монастырѣ онъ нареченъ Іоною; потомъ — епископъ Пинскій и униатъ. См. Стебельскаго III, 265. *Опис. Кіев. Іерархіи* стр. 132.

Кобринскій Спасскій монастырь въ *Ист. Росс. Іерархіи* пропущенъ.

96. — Къ № 160. Изъ грамоты подъ № 156 явствуетъ, что епископъ Леонтій въ 1585 г. вступилъ на Пинскую кафедру, по перемѣненіи съ нея Кирилла Терлецкаго на Луцкую епархію (см. прим. 78 и 93). Следовательно въ напечатанномъ здѣсь юридическомъ документѣ Кириллъ является «истцемъ» по судебному дѣлу, возникшему (1584 г.) еще до перехода его на означенную епархію.

97. — Къ № 161. Въ Zb. praw. Litewskich, изданномъ Далинскимъ въ 1841 г., этихъ «дополнительныхъ» статей къ Литовскому Статуту не находится.

98. — Къ № 162. Этою грамотою дополняется *Опис. Кіевск. Лавры* стр. 79.

99. — Къ № 163. О Пинскомъ князѣ Θεодорѣ Ярославичѣ, см. *Акт. Зап. Росс.* I, прим. 6, 25 и 107. Это — потомокъ Ольгерда по женской линіи, илѣ, какъ Литовцы выражались, «по куделѣ».

100. — Къ № 164. См. прим. 82 и 88.

101. — Къ № 165. Въ грамотѣ, напечатанной подъ симъ номеромъ, сохранились имена нѣкоторыхъ настоятелей Выдубицкаго монастыря, изъ XVI вѣка.

102. — Къ № 166. Актъ — дополняющій Крашевскаго Chron. Wilna I, 304.

103. — Къ № 167. Эта патриаршая грамота относится къ числу пояснительныхъ документовъ Kron. miasta Lwowa (стр. 211 и 218) и Opowiad. o Halick. Rusi (стр. 93). Изъ сихъ сочиненій первое издано г. Зубрыцкимъ, въ 1844 г. въ Львовѣ, а последнее, составленное имъ же, находится въ рукописи, въ Археографической Коммиссіи.

О Г Л А В Л Е Н І Е

ТРЕТЬЯГО ТОМА

АКТОВЪ, ОТНОСЯЩИХСЯ КЪ ИСТОРИИ ЗАПАДНОЙ РОССИИ.

VI. ГОСУДАРСТВОВАНИЕ СИГИЗМУНДА II-го АВГУСТА.

№	1544.	Стран.	№	1548.	Стран.
1.	— <i>Декабря 17.</i> Королевская грамота князю Андрею Соколинскому, о не-присвоении людей, приписанных бра-томъ его къ отчину Кіевского Печер-скаго монастыря	1	5.	— <i>Февраля 21.</i> Уставная подтверди-тельная грамота жителямъ Полоц-кой области	3 15
	1545.		6.	— <i>Марта 6.</i> Окружное послание Кіев-скаго митрополита Макарія Ли-товско-Русскому православному духовенству и мірянамъ, о пожер-твованіяхъ на возобновленіе Успенской церкви въ Львовѣ	18
2.	— <i>Декабря 9.</i> Королевская грамота Кіевскому митрополиту Макарію, о разсмотрѣніи жалобы боярыни Томили Гитовтовны, по поводу расторгенія По-лоцкимъ владыкою Симеономъ брака се-съ митрополичьимъ сыномъ, которому за тѣмъ дозволилъ онъ вновь жениться на своей племянницѣ.	—		1548.	
	1546.		7.	— <i>Февраля 22.</i> Грамота Кіевского ми-трополита Макарія Луцкому епи-скопу Феодосію, о допущеніи свя-щенника Тимофея къ служенію въ Кле-ванской Троицкой церкви, по предо-ставленному ему на то праву владѣль-цемъ.	19
3.	— <i>Февраля 13.</i> Королевская грамота Кіевскому митрополиту Макарію, о созваніи на Соборъ православнаго Рус-ско-Литовскаго духовенства, для изы-сканія и постановленія мѣръ къ прекра-щенію безпорядковъ между клиромъ и мірянами	3	8.	— <i>Декабря 7.</i> Окружная королевская грамота, о воспрещеніи женскому полу беззаконствовать и вступать въ сожитіе съ Жидами, Турками и Татарами, а куп-цамъ и ремесленникамъ торговать и ра-ботать въ воскресные и праздничные дни, съ предоставленіемъ Виленскому бискупу суда надъ виновными.	20
	1547.				
4.	— <i>Въ Январѣ.</i> Просьбы Литовскихъ чиновъ, дворянъ и рыцарей коро-лю Сигизмунду Августу, на Вилен-скомъ сеймѣ, о подтвержденіи преже-данныхъ имъ правъ, о исправленіи Ста-тута, выборѣ судей и «вижовъ», о устра-				

№	1549.	Стран.	№	Стран.
9.	— <i>Марта 15.</i> Королевская грамота Гомельскимъ державцамъ, о неприкосновенности угодьевъ, пожалованныхъ Можайскимъ княземъ Симеономъ Ивановичемъ Николаевской церкви въ Гомель, и несужденіи церковныхъ людей	21	земскимъ судьямъ, писарямъ и вознымъ отъ судныхъ дѣлъ	68
	1551.		1556.	
10.	— <i>Августа 15.</i> Жалованная подтвердительная грамота Киевскому Печерскому монастырю, на возобновленіе въ немъ монастырской общины, съ изложеніемъ правилъ оной.	22	17. — <i>Марта 25.</i> Перемирная грамота царя и великаго князя Московскаго Іоанна Васильевича съ Польскимъ королемъ Сигизмундомъ Августомъ, на шесть лѣтъ.	69
11.	— <i>Октября 18 и Ноября 20.</i> Уставы данные Литвѣ и областямъ Жмудской и Волынской, на второмъ Виленскомъ сеймѣ	25	1556, или позже.	
	1553.		18. — <i>Августа 28.</i> Письмо Новгородскаго воеводы Павла Сопѣги Киевскому митрополиту Сильвестру, съ изъясненіемъ готовности ходатайствовать за него предъ королемъ	72
12.	— <i>Февраля 28.</i> Судная грамота Полоцкаго архіепископа Германа, о предоставленіи Витебской игуменѣ Маріамнѣ имущества, по духовной ея мужа.	46	1557.	
	1554.		19. — <i>Апрѣля 1 и Октября 20, и 1558 Мая и Іюня 20.</i> Уставы о управленіи королевскихъ волостей, съ дополнительными къ нимъ статьями.	—
13.	— Уставы данные Литвѣ и областямъ Жмудской и Волынской, на третьемъ Виленскомъ сеймѣ.	50	1558.	
	1555.		20. — <i>Марта 28.</i> Жалованная грамота Полоцкому боярину Глѣбу Корсаку, на преемство Полоцкой архіепископѣ, по кончинѣ тамошняго владыки Германа	95
14.	— <i>Іюля 20.</i> Позывная грамота Киевскаго митрополита Макарія Львовскому епископу Арсенію, о явкѣ на судъ, для расправы, по жалобѣ на него Уневскаго архимандрита Анастасія, о присвоеніи того монастыря и его имущества	67	21. — <i>Апрѣля 22.</i> Жалованная грамота епископу Макарію, на преемство Пинской и Туровской епархіи, по кончинѣ тамошняго епископа Макарія	—
15.	— <i>Октября 11.</i> Позывная грамота Киевскому митрополиту Макарію, о явкѣ на королевскій судъ, для расправы, по жалобѣ на него Львовскаго епископа Арсенія, о присвоеніи Уневскаго монастыря	—	22. — <i>Мая 8.</i> Королевская грамота князю Юрію Слуцкому, о подтвержденіи въ отчинѣ своей православному духовенству быть подсудными Киевскому митрополиту Сильвестру и вносить въ казну его соборныя кунницы и другія положенныя пошлины, и о запрещеніи урядникамъ своимъ вмѣшиваться въ церковныя суды и доходы	96
16.	— <i>Въ Нолбръ.</i> Дополнительная статья къ Литовскому Статуту, о доходахъ		23. — <i>Іюня 9.</i> Грамота королевская Мстиславскому и Радомльскому старостѣ князю Ивану Соломерецкому, о выдачѣ медовой и денсжной дани	

№	Стран.	№	Стран.
тамошнимъ православнымъ монастырямъ и церквамъ	97	31. — <i>Декабря 15.</i> Поученіе Киевскаго митрополита Сильвестра новопроставленному іерею	116
1559.		1563.	
24. — Уставы данные Литвѣ и областямъ Жмудской, Полоцкой, Витебской и Мстиславской, на четвертомъ Виленскомъ сеймѣ	98	32. — <i>Іюня 7.</i> Жалованная грамота Литовскому и Русскому дворянству и рыцарству православной вѣры, о сравненіи сего сословія въ правахъ съ дворянами Польскаго королевства, исповѣдающими вѣру Римско-католическую.	118
25. — <i>Ноября 16.</i> Окружная королевская грамота, о подвозѣ кормовъ жолнерамъ, отправленнымъ въ Ливонію	107	33. — <i>Іюня 19.</i> Уставъ данный на Виленскомъ сеймѣ Литовскому дворянству, шляхтѣ и рыцарству, о военной повинности и сборѣ «серебщизны», по случаю предстоящей войны съ Русскими и проч.	121
26. — <i>Декабря 23.</i> Наказная королевская грамота гетманамъ Яну Ходкѣвичу и Юрію Зеновичу, объ охраненіи Ливонскихъ замковъ и о содѣйствіи Магистру Кетлеру въ войнѣ съ Русскими.	108	34. — <i>Іюня 19.</i> Грамота Литовскому дворянству, шляхтѣ и рыцарству, о чрезвычайномъ сборѣ коннаго и пѣшаго войска, для отобранія у Русскихъ Полоцка.	131
1560.		1564.	
27. — <i>Января 8.</i> Грамота гетманамъ Яну Ходкѣвичу и Юрію Зеновичу, съ выговоромъ за промедленіе въ походѣ и причиненіе обидъ жителямъ, на пути въ Ливонію.	—	35. — <i>Февраля 11.</i> Вѣстовая отписка неизвѣстнаго Литвина, о пораженіи Московскаго войска подъ Улою и Дубровною	133
1561.		36. — <i>Августа 15.</i> Дарственная запись княжны Анастасіи Михайловны Мстиславской супругу своему князю Стефану Збаражскому, на Тетеринскую и Пацковскую отчину	135
28. — <i>Февраля 20.</i> Уставная королевская грамота Могилевскимъ мѣщанамъ, съ объясненіемъ данныхъ имъ льготъ, также разныхъ повинностей и податей, подлежащихъ ко взносу въ казну съ земель, товаровъ, ремеслъ и проч.	110	1565.	
1562.		37. — <i>Іюня 12.</i> Окружное посланіе Львовскаго епископа Арсенія Литовско-Русскому православному духовенству и мірянамъ, о вспоможеніи Дорогошевскому поселянину Симеону, обрекшему себя, за грѣхи, на странствованіе и собраніе подаяній на церковь	137
29. — <i>Октября 20.</i> Жалованная грамота королевскому дворянину Боркулаву Корсаку, о предоставленіи ему въ пожизненное владѣніе Полоцкаго Предтеченскаго монастыря съ отчинами и пожитками, съ правомъ имѣть въ немъ своего намѣстника	114	38. — <i>Декабря 30.</i> Жалованная грамота всѣмъ обывателямъ Литвы, о дозволеніи имъ въ судныхъ дѣлахъ пользо-	
30. — <i>Октября 22.</i> Жалованная грамота Полоцкаго Предтеченскаго монастыря инокъ Арсенію Шишкѣ, на Полоцкую и Витебскую архіепископію	115		

ваться новоизданнымъ Статутомъ, съ предоставленіемъ права имѣть поуѣздамъ «сеймики», по примѣру Поляковъ . . . 138

1567.

39. — *Апрѣль 14.* Наказная королевская грамота Кіевскому каштеляну Павлу Сопѣгѣ, о приготовленіяхъ къ предстоящей войнѣ съ Русскими . . . 139

40. — *Прежде Августа.* Наказная королевская грамота старостамъ и державцамъ Ливонскихъ замковъ, также жолнерскимъ ротмистрамъ, о подчиненности гетману Яну Ходкѣвичу, по предоставленной ему власти въ управленіи Ливонскою землею . . . 140

1568.

41. — *Мартъ 4.* Отписка Литовскаго гетмана Яна Ходкѣвича королю Сигизмунду Августу, о безуспѣшной осадѣ крѣпости Улы, по причинѣ трудности и неповиновеніи войска . . . 141

42. — *Іюня 17.* Наказная королевская грамота Полоцкому каштеляну Юрію Зеновичу, о поспѣшнѣйшемъ построеніи Лепельскаго замка . . . 144

43. — *Іюня 25.* Просительныя статьи Кіевскаго митрополита Іоны, поданныя королю Сигизмунду Августу на Городенскомъ сеймѣ, о нуждахъ Православной церкви въ Литвѣ и Русскихъ областяхъ, и королевскій отвѣтъ . . . —

44. — *Іюль 5.* Жалованная подтвердительная королевская грамота Кіевскому Выдубицкому монастырю, на владѣніе землею Звѣринцемъ, съ описью границъ ея и угодьевъ . . . 146

45. — *Декабря 11.* Письмо Литовскаго гетмана Григорія Ходкѣвича Кіевскому каштеляну Павлу Сопѣгѣ, о прекращеніи набѣговъ въ Московскія границы, съ извѣщеніемъ о взятіи у Русскихъ крѣпости Улы . . . 147

Стран.

№

46. — *Декабря 23.* Наказная королевская грамота Луцкому и Браславскому старостѣ князю Богущу Корецкому, о неприкосновенности святи- тельскаго и духовнаго суда, о подтвержденіи Подольскому православному духовенству быть послушными Кіевскому митрополиту Іонѣ и установленнымъ отъ него намѣстникамъ и прочимъ властямъ, и о содѣйствіи имъ противъ ослушниковъ . 148

1569.

47. — *Декабря 26.* Жалованная грамота Луцкому и Острожскому епископу Іоанну, на Жидичинскую архимандрію въ пожизненное управленіе . . . 149

1570.

48. — *Февраля 5.* Въстовый списокъ Московскаго посланца Вислаго Булгакова, о Литовскихъ дѣлахъ, и три королевскія грамоты: Кіевскому митрополиту Іонѣ, Полоцкому воеводѣ Станиславу Довойнѣ и Минскому каштеляну Николаю Тальвошу, о обмѣнѣ тѣла царскаго воеводы князя Петра Шуйскаго, убитаго подъ Чашниками, на тѣло Довойновой жены, скончавшейся въ Московскомъ плѣну . 150

49. — *Мая 30.* Жалованная подтвердительная грамота Кіевскому Пустынскому Николаевскому монастырю, на селища, земли и угодья, по купчимъ и отказнымъ записямъ разныхъ лицъ . . . 153

50. — *Іюня 5.* Жалованная грамота жителямъ города Суража, о сравненіи ихъ въ правахъ съ Витебскими мѣщанами . . . 155

1571.

51. — *Апрѣль 11.* Грамота Ульскому державцу князю Константину Лукомскому, о развѣданіи въ порубежныхъ мѣстахъ о дѣйствіяхъ Московскаго Государя и ратныхъ его людей . . . 157

Стран.

Стран. №

52. — *Іюль 5.* Жалованная подтвердительная грамота Кіевскому Печерскому монастырю, на право посылать старцевъ своихъ и слугъ въ Московскіе Сѣверскіе города, для сбора дани . . . 157

53. — *Сентября 1.* Жалованная грамота королевскому писарю Евтиху Высоцкому, о предоставленіи ему, въ награду за службу, въ пожизненное держанье Кіевскаго Межигорскаго монасты-

ря и Вышегородскаго городища, со всеми угодьями и доходами . . . 158

1572.

54. — *Прежде Іюля.* Жалованная подтвердительная грамота Владимирскому владычнему боярину Тимоѳею, на владѣніе церковнымъ сельцомъ, съ обязанностію къ службѣ, по данной записи тамошняго епископа Θεодосія . 159

VIII. МЕЖДУЦАРСТВІЕ.

1572.

55. — *Послѣ Іюля.* Грамота Московскаго царя Іоанна Васильевича Литовскимъ раднымъ панамъ, въ отвѣтъ на предложеніе ихъ Литовско-Польскаго престола сыну его, царевичу Θεодору . 161

56. — *Сентября 27.* Листъ Литовскихъ радныхъ пановъ къ Московскому царю Іоанну Васильевичу, объ отправленіи къ нему посла Михаила Гара-

бурду для переговоровъ о избраніи царевича Θεодора на Литовско-Польскій престолъ, съ просьбою продолжить перемиріе . . . 162

57. — *Декабря 12.* Вводная грамота Кіевскаго воеводы князя Константина Острожскаго Золотоверхо-Михайловскому монастырю, на владѣніе землею Орининскою и Дѣвичь-горою, по розвѣзжей записи . . . 163

IX. ГОСУДАРСТВОВАНИЕ ГЕНРИКА,

и

МЕЖДУЦАРСТВІЕ ПОСЛѢ НЕГО.

1573 и 1574.

58. — *Вѣстовой списокъ* Оршанскаго старосты Филона Кмиты Черно-

быльскаго Польскому королю Генрику и Литовскимъ раднымъ панамъ, о Московскихъ дѣлахъ . . . 164

№	1574.	Стран.	№	Стран.
59.	— <i>Апрѣля 9.</i> Жалованная подтвердительная грамота короля Генрика жителямъ Жмудской области, на стародавнія ихъ права	177		
60.	— <i>Въ Сентябрь или позже.</i> Посольскія рѣчи Московскаго государя Іоанна Васильевича Литовскимъ раднымъ панамъ, о продолженіи перемирія, съ требованіемъ опасной грамоты царскимъ посламъ	182		
61.	— <i>Въ Ноябрь.</i> Наказная грамота Литовской рады полному гетману Христофору Радивилу, объ уменьшеніи числа пѣхотныхъ ратниковъ и каза-			
	ковъ въ украинныхъ замкахъ, въ надеждѣ на перемиріе съ Московскимъ царемъ.	184		
	1575.			
62.	— <i>Февраля 21.</i> Опасная грамота Литовской рады Московскимъ царскимъ посламъ, на проѣздъ въ Литву и Польшу.	185		
63.	— <i>Въ началъ Августа.</i> Окружная грамота Литовской рады, о походѣ гетмана Радивила съ отрядомъ жолнеровъ на границы, для охраненія ихъ, въ слѣдствіе слуховъ о вторженіи Русскихъ въ Ливонію, и о подвозѣ имъ кормовъ	186		

Х. ГОСУДАРСТВОВАНИЕ СТЕФАНА БАТОРІА.

№	1576.	Стран.	№	Стран.
64.	— <i>Іюль 7.</i> Человитная королю Стефану Бряцлавской шляхты, отомъ, чтобы велѣно было королевскіе указы къ нимъ писать по Русски, а не на Польскомъ языкѣ	187		
65.	— <i>Іюль 8.</i> Жалованная грамота Кириллу Терлецкому, на Пинскую епископію	188		
66.	— <i>Іюль 8.</i> Окружная грамота короля Стефана Литовскимъ раднымъ панамъ, сановникамъ, дворянству и рыцарству, съ увѣреніемъ, что онъ будучи избранъ Литовскимъ государемъ и принявъ присягу отъ нихъ на вѣрность подданства, далъ и съ своей стороны клятву, охранять всѣ стародавнія ихъ права и защищать границы княжества отъ непріятелей, и съ приглашеніемъ ихъ на Торунскій сеймъ	189		
67.	— <i>Іюль 25.</i> Окружная королевская грамота Литовскимъ воеводамъ и старостамъ, о готовности къ войнѣ съ Московскимъ царемъ	191		
68.	— <i>Въ Августъ.</i> Уставная грамота Литовскимъ старостамъ и державцамъ, о денежномъ сборѣ съ жителей во всѣхъ городахъ, мѣстечкахъ и волостяхъ приписанныхъ къ королевскимъ столовымъ имѣніямъ, для возобновленія украинныхъ замковъ въ Литвѣ и охраненія тамошнихъ границъ.	192		
69.	— <i>Августа 30.</i> Окружная королевская грамота, о готовности къ походу, по случаю ожидаемаго вторженія Русскихъ въ Литовскія границы, и о назначеніи Виленскаго воеводу Николая Радивила великимъ гетманомъ	195		
70.	— <i>Сентября 9.</i> Грамота подтвердительная Кіевскаго воеводы князя Константина Острожскаго Золотоверхо-Михайловскому монасты-			

рю, на владѣніе Юрьевскою землею, съ описью ея границы 195

71.— *Сентября 23.* Жалованная грамота дворянину Ильѣ Кучѣ, на преемство Кіевской митрополіи по кончинѣ Іюны. 196

72.— *Ноября 17.* Наказная королевская грамота Кіевскому воеводѣ князю Константину Острожскому и его намѣстникамъ, о ненарушеніи стародавнихъ правъ, дарованныхъ Кіевскимъ мѣщанамъ 197

73.— *Ноября 23.* Грамота королевская Витебскому воеводѣ Станиславу Пацку, съ извѣщеніемъ благодарности тамошней шляхтѣ за возобновленіе въ замкѣ укрѣпленій, и съ подтвержденіемъ, не обращать впредь такового дѣла имъ въ повинность 198

74.— *Ноября 25.* Грамота королевская Полоцкому воеводѣ Николаю Дорогостайскому, о нечиненіи управы въ предѣлахъ Витебскаго воеводства. 199

75.— *Декабря 15.* Жалованная грамота Теофану-Богдану Рпинскому, на Полоцкую архіепископію 200

76.— *Декабря 25.* Грамота королевская дворному гетману Христофору Радивилу, съ повелѣніемъ отправиться съ Литовскимъ войскомъ въ Ливонію 202

1577.

77.— *Января 28.* Жалованная грамота Могилевскимъ мѣщанамъ, на Магдебургское Право, съ предоставленіемъ имъ разныхъ преимуществъ и льготъ въ судебной расправѣ, торговлѣ, ремеслахъ и проч. —

78.— *Въ Январѣ.* Окружная королевская грамота Литовскимъ пограничнымъ воеводамъ, старостамъ и державцамъ, о воспрещеніи порубежнымъ жителямъ чинить своевольныя наѣзды и грабежи въ предѣлахъ Московскаго государства. 206

Стран.

79.— *Марта 29.* Жалованная грамота Жмудскаго старосты Яна Ходкевича Сасину Кальчицкому, о предоставленіи ему православнаго Маренинскаго монастыря въ пожизненное управление, съ отчинами, угодьями и доходами. 207

80.— *Въ Апрель.* Листъ короля Стефана Константинопольскому патриарху Іереміи, съ просьбою объ утвержденіи новоизбраннаго владыку Ілію Кучу въ санѣ Кіевскаго митрополита 208

81.— *Май 1.* Окружная королевская грамота Литовскимъ раднымъ панамъ, о необходимости скорѣйшаго сбора ратныхъ людей и денегъ, по случаю предстоящей войны съ Московскимъ царемъ и Крымскимъ ханомъ —

82.— *Іюня 14.* Грамота королевская Литовскимъ раднымъ панамъ, въ коей извѣщая ихъ о прекращеніи возникшаго въ Данцигѣ мятежа, требуетъ принять дѣятельнѣйшія мѣры къ оборонѣ Ливоніи. 209

83.— *Іюля 6.* Помѣстная грамота Кіевскаго митрополита Іліи Софійскому намѣстнику Богущу Гулькевичу-Глѣбовскому, на два церковныя селища. 211

84.— *Іюля 30.* Наказная королевская грамота Литовскому дворному гетману Христофору Радивилу, онаборъ 1750 казаковъ и гусаръ, съ повелѣніемъ отправиться съ ними къ Московскимъ границамъ. 212

85.— *Августа 10.* Окружная королевская грамота, о невзиманіи мыта съ Кіевскихъ мѣщанъ, при провозѣ ими товаровъ чрезъ Литовскіе города, сухимъ и водянымъ путемъ 213

86.— *Августа 14.* Грамота королевская Литовскимъ раднымъ панамъ; о поголовномъ вооруженіи для обороны Ливоніи 214


87.— *Въ Августѣ.* Жалованная подтвердительная грамота княгини Тео-

- дору Гедройцъ, о предоставленіи ей въ пожизненное владѣніе четырехъ селъ въ Обельской волости, пожалованныхъ королемъ Сигизмундомъ Августомъ первому ея мужу, князю Михаилу Оболенскому, за службу, лѣннымъ правомъ. 216
- 88.—*Сентября 21.* Послушная королевская грамота Вилькейской и Поюрской державы городскимъ и волостнымъ жителямъ, о повиновеніи княгинѣ Полубенской, во время отсутствія ея мужа, взятаго въ плѣнъ Русскими въ Ливоніи 218
- 89.—*Въ Сентябрь.* Жалованная грамота Минскому землянику Стефану Достоевскому, о предоставленіи ему тамошняго Вознесенскаго монастыря въ пожизненное управленіе, съ отчинами, угодьями и доходами. —
- 90.—*Въ Ноябрь.* Наказная королевская грамота Литовскимъ пограничнымъ старостамъ, о приготовленіи украинскихъ замковъ къ оборонѣ, на случай непріятельскаго нападенія, и удержаніи порубежныхъ жителей отъ раздоровъ съ Русскими ихъ сосѣдами 219
- 91.—*Ноября 27.* Наказная грамота ревизорамъ королевскихъ Русскихъ волостей, о возвращеніи Полоцкой архіепископской каедрѣ селъ и имѣній, присвоенныхъ разными лицами. 220
- 1578.
- 92.—*Февраль 2.* Окружная королевская грамота войтамъ и бургомистрамъ, о несужденіи Евреевъ Магдебургскимъ правомъ, но земскимъ 221
- 93.—*Февраль 8.* Окружная королевская грамота Литовскимъ Евреямъ, о взносѣ въ казну податей золотою монетою. —
- 94.—*Февраль 19.* Жалованная грамота Полоцкому архіепископу Теофану, о предоставленіи ему въ управленіе Могилевскаго Спасскаго монастыря, съ правомъ на владѣніе отчиною его, угодьями и доходами 222
- 95.—*Февраль 22.* Листъ желѣзный Могилевскимъ торговымъ людямъ, Кондрату Цанковичу и Мартину Мишковичу. 223
- 96.—*Апрѣль 28.* Окружная королевская грамота Литовскимъ ратнымъ панамъ, съ извѣщеніемъ о безуспѣшности мирныхъ переговоровъ съ царемъ Іоанномъ Васильевичемъ относительно Ливоніи, и съ повелѣніемъ быть въ готовности къ войнѣ. 224
- 97.—*Іюня 5.* Окружная королевская грамота, о починкѣ дорогъ, для проѣзда Московскихъ пословъ, и о приготовленіи имъ подводъ и кормовъ. 225
- 98.—*Іюня 24.* Жалованная грамота Полоцкому архіепископу Теофану, о предоставленіи ему въ пожизненное управленіе Мстиславскихъ монастырей, Николаевского Нагорнаго и Пустынскаго, съ отчинами ихъ и доходами 226
- 99.—*Іюня 28.* Грамота королевская Троцкому воеводѣ князю Стефану Збаражскому, съ повелѣніемъ отправиться въ Ливонію съ гетманомъ Радивиломъ, для содѣйствія ему въ предстоящей войнѣ съ Русскими. 227
- 100.—*Іюля 3, 1581 Января 26 и 1582 Февраль 15.* Акты, относящіеся къ тяжбѣному дѣлу о расторженіи брака князя Андрея Курбскаго съ супругою его княгиней Марією Гольшанскою 227
- 101.—*Въ Августъ.* Жалованная грамота Подляшскому воеводичу Ивану Сопѣгѣ, на право подаванія (jus patronatus) Черейскаго Троицкаго монастыря, основаннаго предкомъ его, Смоленскимъ епископомъ Мисаиломъ. 230

- 102.—*Августа 26.* Жалованная грамота Пятигорскому князю Темрюку Шимковичу, на два села въ «державѣ» Горждовской, въ пожизненное владѣніе. 234
- 103.—*Сентября 30.* Окружная королевская грамота Литовскимъ ротмистрамъ, отправленнымъ въ Ливонію, съ повелѣніемъ оставаться тамъ съ своими ротами на службѣ, подъ начальствомъ гетмановъ Радивиловъ 235
- 104.—*Октября 10.* Окружная королевская грамота, о подвозѣ кормовъ ратнымъ людямъ, отправленнымъ въ Ливонію. 236
- 105.—*Въ концѣ Октября.* Въстовая отписка Андрея Сапѣги, о пораженіи Московскаго войска въ Ливоніи, подъ Кесью. 237
- 106.—*Октября 29.* Окружная королевская грамота Литовскимъ сановникамъ, дворянамъ и рыцарству, о готовности къ походу въ Ливонію 238
- 107.—*Декабря 9.* Грамота королевская земскому подскарбію Лаврентію Войнѣ, о задержаніи Московскихъ царскихъ пословъ, возвращающихся изъ Кракова, въ Литовскомъ городѣ Мстиславовѣ 239
- 108.—*Декабря 20.* Наказная королевская грамота Литовскимъ пограничнымъ старостамъ и державцамъ, о приготовленіи украинскихъ замковъ къ оборонѣ, на случай приближенія къ нимъ Московскихъ войскъ, о наблюденіи за лазутчиками и удержаніи порубежныхъ жителей отъ распрей съ Русскими ихъ сосѣдами. —
- 1579.
- 109.—*Января 20.* Наказная королевская грамота Мстиславскимъ старостамъ, о дозволеніи тамошнему мѣщанскому братству, по старинному обычаю, производить «медовые склады», съ обращеніемъ дохода съ нихъ въ пользу церкви 240
- 110.—*Февраль 17.* Жалованная грамота Минскому землянику Михаилу Рогозѣ, о предоставленіи ему въ пожизненное управленіе Минскаго Вознесенскаго монастыря, съ тѣмъ, чтобы онъ вступилъ въ монашество и былъ посвященъ въ санъ архимандрита. 240
- 111.—*Марта 27.* Королевскіе приговоры Кіево-Печерскаго монастыря архимандриту Мелетію Хребтовичу, о томъ, чтобы онъ искалъ суда и расправы съ князьями Александромъ Полубенскимъ и Ярославомъ Микитичемъ, за отнятыя ими монастырскія имѣнія и угодья, на основаніи Статута. 241
- 112.—*Апрѣля 11.* Жалованная подтвердительная грамота Кіевскому Печерскому монастырю, о замѣнѣ сбора медовой и другихъ даней, предоставленныхъ сему монастырю князьями Слуцкими съ Мозырскихъ волостей, денежною суммою въ числѣ 50 копѣ Литовскихъ . 242
- 113.—*Апрѣля 17.* Жалованная грамота Озеричскимъ путнымъ боярамъ, о причисленіи ихъ къ разряду бояръ панцырныхъ, съ правомъ на владѣніе отчинными своими землями и съ обязательствомъ отправлять конную службу, наравнѣ съ Витебскими боярами 247
- 114.—*Іюля 19.* Дарственная записка княжны Анастасіи Михайловны Мстиславской супруги своему князю Стефану Збаражскому, на имѣніе Кобыльникъ и дворецъ Жары . —
- 115.—*Октября 18.* Жалованная грамота Оршанскому старостѣ Филону Кмитѣ Чернобыльскому, о возведеніи его въ званіе Литовскаго сенатора, съ титуломъ воеводы Смоленскаго 249
- 116.—*Октября 20.* Листъ Смоленскаго царскаго воеводы князя Василя Пронскаго Оршанскому старостѣ Филону Кмитѣ Чернобыльскому, о запрещеніи Литовскимъ ратнымъ и порубежнымъ людямъ производить набѣги

143. — *Апрѣля 11.* Жалованная грамота Полоцкимъ Езуитамъ, на владѣніе отчинами и угодьями тамошнихъ православныхъ монастырей и церквей, съ уступкою имъ же разныхъ даней, взимаемыхъ съ людей церковныхъ въ королевскую казну, также на воеводъ и урядниковъ ихъ, городскую стражу и проч. 284
144. — *Мая 27.* Жалованная грамота Виленскимъ бургомистрамъ, радцамъ и лавникамъ православной вѣры, о предоставленіи въ вѣдѣніе и управленіе ихъ тамошняго Троицкаго монастыря, со всѣми принадлежащими къ нему отчинами, угодьями и доходами, по кончинѣ Кіевского Митрополита Онисифра Дѣвочки 286
- 1585.
145. — *Февраля 1.* Охранная королевская грамота Могилевскимъ торговымъ людямъ, о несужденіи ихъ ни въ какихъ судебныхъ мѣстахъ, но исключительно въ мѣстномъ Могилевскомъ судѣ, по Праву Магдебургскому 288
146. — *Февраля 14.* Посланіе Галицко-Русскихъ православныхъ дворянъ Кіевскому митрополиту Онисифору, съ убѣжденіемъ его принять дѣятельныя мѣры къ прекращенію возникшихъ въ Іерархіи безпорядковъ и къ защитѣ единовѣрцевъ своихъ отъ преслѣдованій Католиковъ, Езуитовъ и Жидовъ 289
147. — *Февраля 15.* Мировая записъ Львовскаго епископа Гедеона и тамошняго католическаго арцыепискупа Яна — Димитрія Соликовскаго, изъ коихъ первый обязывается прекратить судебный искъ свой, по поводу насильственного запечатанія въ Львовѣ монастырскихъ и приходскихъ церквей, а другой общаетъ впредь не присвоивать себѣ никакой
- власти надъ православнымъ духовенствомъ и народомъ. 291
148. — *Февраля 20.* Жалованная грамота новоустроенному городу Корсуню Черкасскому, на гербъ, съ изображеніемъ въ немъ лука съ натянутою стрѣлою, и съ подтвержденіемъ жителямъ его пользоваться Магдебургскимъ Правомъ. 292
149. — *Февраля 25.* Окружная королевская грамота, о неприкосновенности святительскаго и духовнаго суда и церковнаго достоянія въ Русско-Литовской православной Іерархіи, со стороны католическаго духовенства и сановниковъ свѣтскихъ —
150. — *Февраля 25.* Жалованная подтвердительная грамота Пинскому и Туровскому епископу Кириллу Терлецкому, объ освобожденіи церковныхъ отчинныхъ людей отъ дачи подвоя посламъ и гонцамъ, съ предоставленіемъ имъ права производить мѣстную торговлю безъ платежа пошлинъ. 293
151. — *Марта 3.* Наказная королевская грамота Могилевскимъ мѣщанамъ, о надзорѣ за городскими укрѣпленіями. 295
152. — *Марта 5.* Грамота королевская Полоцкому архіепископу Теофану, объ изъятіи изъ вѣдомства его Могилевской Спасской церкви и порученіи оной въ вѣдѣніе тамошнимъ городскимъ сановникамъ и гражданамъ. 296
153. — *Марта 5.* Грамота королевская Могилевскимъ мѣщанамъ, о запрещеніи Евреевъ селиться въ Могилевѣ —
154. — *Марта 20.* Уставная королевская грамота Велижскимъ мѣщанамъ, съ пожалованіемъ городского герба и предоставленіемъ имъ разныхъ преимуществъ и льготъ. 297
155. — *Марта 27.* Жалованная грамота поповскому сыну Матвею Евпатьевичу, о предоставленіи ему въ пожизненное управленіе Мстиславскаго Пустын-

- скаго монастыря съ угодьями и доходами. 299
156. — *Юля 8.* Королевскія грамоты: а) жалованная Хелмскому епископу Леонтію Пельчицкому, о предоставленіи ему въ пожизненное управленіе Пинской и Туровской епархій; б) наказная грамота дворянину Николаю Сарницкому, о сдачѣ новоопределенному епископу Леонтію епархіальнаго имущества, и в) послушная грамота Пинской епархії духовенству, мірянамъ и отчиннымъ людямъ, о подосудимости ему. —
- 1586.
157. — *Января 15.* Окружное посланіе Антіохійскаго патріарха Іоакима Русско-Литовскому православному духовенству, сановникамъ и мірянамъ, съ приглашеніемъ ихъ къ приношеніямъ на устроеніе въ Львовѣ Греко-Словенской школы и типографіи, также новой каменной церкви и богадѣльни 301
158. — *Февраля 7.* Жалованная грамота дворянину Ивану Гоголю, о предоставленіи ему въ пожизненное управленіе Кобринскаго Спасскаго православнаго монастыря, съ тѣмъ, чтобы онъ вступилъ въ монашескій чинъ 302
159. — *Февраля 20.* Жалованная грамота Московскому выходцу Луку Бивикову, на шесть волокъ земли въ староствѣ Олитскомъ, въ хлѣбокормленіе. —
160. — *Марта 11.* Королевскій приговоръ Браславскому воеводѣ и старостѣ Пинскому, князю Янушу Зваражскому, объ отсрочкѣ судебного рѣшенія, по жалобѣ, принесенной на него бывшимъ Пинскимъ епископомъ Кирилломъ Терлецкимъ, о разныхъ обидахъ тамошнимъ православнымъ церквамъ, за неявкою въ Судъ означеннаго истца 303
161. — *Марта 26.* Дополнительные статьи къ Литовскому земскому Статуту: о несужденіи мірскихъ лицъ
- въ судахъ духовныхъ, подѣламъ пригону ихъ не подлежащимъ; о тяжбахъ между духовными и свѣтскими лицами; объ отчинахъ духовныхъ; о опекунствахъ и духовныхъ завѣщаніяхъ; о военной повинности и податяхъ съ имѣній Езуитскихъ. 304
162. — *Марта 28.* Жалованная грамота Кіевскому Печерскому монастырю, о дозволеніи возобновить городъ Василевъ и построить въ немъ замокъ, для защиты Кіева отъ набѣговъ Татаръ, съ дарованіемъ тамошнимъ жителямъ Магдебургскаго Права и иныхъ преимуществъ 309
163. — *Юля 5.* Жалованная подтвердительная грамота Пинской Николаевской церкви священнику Іоанну Соколу, на владѣніе участкомъ поля лежащаго за городскимъ забраломъ, по грамотѣ, данной на то прелату его, княжескому боярину, Пинскимъ княземъ Θεодоромъ Ярославичемъ. 310
164. — *Юля 18.* Наказная королевская грамота Полоцкимъ городскимъ сановникамъ, о запрещеніи тамошнимъ жителямъ, чтобы они въ праздничные дни по новому Римскому календарю не занимались ни торговлею, ни ремесленными работами 311
165. — *Юля 25.* Судная королевская грамота Кіевскому Выдубицкому монастырю, о возвращеніи во владѣніе его острова Котюшны, присвоеннаго Мозырскими боярами, со всѣми къ нему угодьями. 312
166. — *Сентября 8.* Наказная королевская грамота Виленскимъ городскимъ сановникамъ и мѣщанамъ, исповѣдующимъ Римско-католическую вѣру, о томъ, чтобы они отнюдь не препятствовали тамошнимъ православнымъ согражданамъ своимъ отправлять Господскіе, Богородичные и всѣ другіе праздники по старому календарю. 315



ХІ. МЕЖДУЦАРСТВІЕ.

1587.

167. — Въ *Ноябрѣ*. Грамота Константинопольскаго патріарха Іереміи

Галицкому и Подольскому епископу Гедвону, о томъ, чтобы онъ не дѣлалъ Львовскому православному Братству никакихъ притѣсненій 317

*Библиотека
Ивана Егоровича
Рабчинина.*

ОПЕЧАТКИ.

Въ *Предисл.* стран. VII, строк. 9, въ *выноскѣ*, *напеч.* 15 *чит.* 151.

Въ *текстѣ*: стран. 1, кол. 2, строк. 19 *нап.* 1445 *чит.* 1545. Стран. 88, кол. 1, строк. 29 *нап.* справа *чит.* права. Стр. 174, кол. 2, строк. 1 *нап.* *своихъ чит.* *своихъ*. Стран. 198, кол. 2, строк. 21 *нап.* *мѣли чит.* *мѣли*:

Въ *Примѣч.* стран. 11, строк. 5 *нап.* Литовскаго *чит.* Литовскаго. Стран. 14, строк. 32 *нап.* *nostra чит.* *nostra*.